

বার্ষিক বর্ত্ত।

মাসিক পত্র

শ্রীহেমেন্দ্রপ্রসাদ ঘোষ।

সম্পাদিত।

—*—

প্রথম বর্ষ।
২য়

প্রথম খণ্ড।

(বৈশাখ হইতে আশ্বিন।)

১৩১৮

প্রকাশক—শ্রীদুর্গানাথ বসু।

১০৬২ শ্রামরাজার ষ্ট্রীট, কলিকাতা।

প্রবন্ধের বর্ণানুক্রমিক সূচী ।

প্রথমখণ্ড ।

অ			
অশোকচরিত	শ্রীঅক্ষয়চন্দ্র সরকার	...	৪২
অশোকের রাজকাৰ্য্য ও শাসনপদ্ধতি	ঐ	...	১২২, ২৫২
আ			
আগমনী (কবিতা)	শ্রীকালিদাস রায়	...	৩৭৭
ঈ			
ঈদুবর্ণন (কবিতা)	সম্পাদক	...	২২৮
এ			
এই কি চিকিৎসা (গল্প)	অমর	...	২৭২
ঐ			
ঐতিহাসিক যৎকিঞ্চিৎ	শ্রীঅরুণেন্দ্র প্রসাদ ঘোষ	...	৪৩২
ও			
ওমরের পথে (কবিতা)	সম্পাদক	...	২২
ক			
কবি (কবিতা)	শ্রীমতী স্নু— ঘোষ	...	২৭১
কবিকঙ্কণের যুগের সমাজ	শ্রীযোগেশ্বর চট্টোপাধ্যায়	...	৩৮৮
কাচের চুড়ি (গল্প)	সম্পাদক	...	৫৮
কাতরা (কবিতা)	শ্রীঅতুলচন্দ্র ঘোষ	...	১৪৮
কায়া ও ছায়া	শ্রীযোগেশ্বর চট্টোপাধ্যায়	...	১১৮, ১৮৪
কোথায় ? (কবিতা)	সম্পাদক	...	৫৭

গ

গতি (কবিতা)	শ্রীযতীন্দ্রনাথ চট্টোপাধ্যায়	...	১৮
শুণের পরাজয় (কবিতা)	ঐ	...	১২০
গৃহাগত (গল্প)	শ্রীদীনেন্দ্রকুমার রায়	...	৪৫৪
গৌকের মূল্য (গল্প)	শ্রীযতীন্দ্রমোহন গুপ্ত	...	৪৪১

চ

চিত্রপরিচয়	সম্পাদক	...	৪৩৮
-------------	---------	-----	-----

ট

টলেমি	শ্রীরামপ্রাণ গুপ্ত	...	১৬৫
-------	--------------------	-----	-----

ড

ডাকাত (কবিতা)	শ্রীধীরেন্দ্রলাল চৌধুরী	...	১২৮
-----------------	-------------------------	-----	-----

ঢ

হুঃখ	শ্রীধনেন্দ্রনাথ মিত্র	...	২৩৩
দেবদূতের প্রতি অরিষ্টনেমি (কবিতা)	শ্রীযতী অনুরূপা দেবী	...	৪৬৪
জবনরী চণ্ডালিনী	শ্রীঅক্ষয়চন্দ্র সরকার	...	৩০৫

ঘ

ধর্ম ও বিজ্ঞান	শ্রীশশিভূষণ মুখোপাধ্যায়	...	১২৭
----------------	--------------------------	-----	-----

ন

নাকেশ্বর (নাটক)	ডঃহেমচন্দ্র বন্দ্যোপাধ্যায়	...	২০৪
-------------------	-----------------------------	-----	-----

প

পাষণের কথা	শ্রীরাধালদাস বন্দ্যোপাধ্যায়	...	৩২৭
পিভুভক্তির পুরস্কার (গল্প)	সম্পাদক	...	১২১
পুরাতন-প্রসঙ্গ	শ্রীবিপিনবিহারী গুপ্ত	...	২, ৮, ১, ১৫৩, ৩০৮
		...	৩ ৩৭৮
প্রকাশ-পীড়ন (কবিতা)	শ্রীকালিদাস রায়	...	১২৩
প্রশ্ন (কবিতা)	শ্রীমানিকচন্দ্র ভট্টাচার্য	...	২৬৫
প্রাচীন ভারতের কথা	শ্রীযোগীন্দ্রনাথ সমাদার	...	১১
প্রাচীন ভারতে আর্ষ্য ও অনাৰ্ষ্য সভ্যতার কেন্দ্রস্থল	শ্রীকেশবনাথ মজুমদার	...	১২, ১২৪

ଢ

ଢ଼ଞ୍ଜ (ଗଳ୍ପ)	ଶ୍ରୀକୃଷ୍ଣମୋହନ ଢ଼ଞ୍ଜ	...	୩୫୦
ଢ଼ାଢ଼ (କବିତା)	ଶ୍ରୀକୃଷ୍ଣନାଥ ଚଟ୍ଟୋପାଧ୍ୟାୟ		୩୩୯

ଢ

ରାଜା ଯତୁକ ରାୟ	ଶ୍ରୀଜଗନ୍ନାଥ ରାୟ	...	୩୬୫
ସମ୍ବନ୍ଧ-ସମ୍ବନ୍ଧନୀ	ଶ୍ରୀବିନୋଦବିହାରୀ ଢ଼ଞ୍ଜ	...	୩୭
ସିଦ୍ଧାନ୍ତ-ସୂତ୍ର (ଗଳ୍ପ)	ଶ୍ରୀକୃଷ୍ଣମୋହନ ବନ୍ଦ୍ୟୋପାଧ୍ୟାୟ		୩୩୬
ସୂକ୍ଷ୍ମ	ଶ୍ରୀଶ୍ୟାମଳନାଥ ସମାନ୍ତର	...	୩୩୪
ସୂତ୍ର (କବିତା)	ଶ୍ରୀକୃଷ୍ଣନାଥ ଚଟ୍ଟୋପାଧ୍ୟାୟ	...	୩୫୨
ସୂକ୍ଷ୍ମକ୍ରମ (କବିତା)	ଶ୍ରୀରମଣୀମୋହନ ଘୋଷ	...	୫୩୭
ସୂକ୍ଷ୍ମାମ୍ଳନ (ଉପନ୍ୟାସ)	ସମ୍ପାଦକ	୧୯, ୨୩, ୧୭୫, ୨୫୯ ଓ ୩୧୭	

ଢ

ସାହେବ ନିରୁକ୍ତ	ଶ୍ରୀନିରଞ୍ଜନଚନ୍ଦ୍ର ଚଟ୍ଟୋପାଧ୍ୟାୟ		୫୬୫
---------------	--------------------------------	--	-----

ଢ

ସୁରୋପ-ଭ୍ରମଣ	ଶ୍ରୀନରେନ୍ଦ୍ରକୁମାର ବନ୍ଧୁ	୧୦୩, ୨୬୬, ୩୩୫ ଓ ୫୫୪	
-------------	-------------------------	---------------------	--

ଢ

ରାମାୟଣ ଓ ମହାଭାରତ	ଶ୍ରୀନିରଞ୍ଜନ ଚଟ୍ଟୋପାଧ୍ୟାୟ	...	୩୫୨
------------------	--------------------------	-----	-----

ଢ

ବନ୍ଧୁ-ପ୍ରସଙ୍ଗ	ଶ୍ରୀନିରଞ୍ଜନ ଚଟ୍ଟୋପାଧ୍ୟାୟ	...	୨୪୨
ବର୍ଷ-ବିଦାୟ (କବିତା)	ଶ୍ରୀରମଣୀମୋହନ ଘୋଷ	...	୬୯
ବର୍ଷା-ଗୀତି (କବିତା)	ଶ୍ରୀ	...	୨୨୭
ବିପଦକାଳ (କବିତା)	ଶ୍ରୀନରେନ୍ଦ୍ରକୁମାର ବନ୍ଧୁ	...	୫୧୧
ବିଭାଗ (କବିତା)	ଶ୍ରୀକୃଷ୍ଣ ମୁ— ଘୋଷ	...	୨୫୪
ବିରହିଣୀ (କବିତା)	ସମ୍ପାଦକ	...	୩୬୫
ବିଷୟବିଷୟ-ବିଷୟକୋଷ	ଶ୍ରୀ—	...	୫୨୪
ବିଷ୍ଣୁ (କବିତା)	ଶ୍ରୀଅନୁଗ୍ରହ ଘୋଷ	...	୩୭୩
ବୈଶାଖ (କବିତା)	ସମ୍ପାଦକ	...	୧

ଢ

ନାରଦୀୟା ଚ୍ୟୋତ୍ସନା (କବିତା)	ଶ୍ରୀନରେନ୍ଦ୍ରକୁମାର ସୋମ	...	୫୫୭
ଶ୍ରୀକୃଷ୍ଣ	ଶ୍ରୀକାଳୀପ୍ରସନ୍ନ ବନ୍ଦ୍ୟୋପାଧ୍ୟାୟ	...	୨୫୪

স

সত্যপ্রকাশ (কবিতা)	শ্রীবিভূতিভূষণ মজুমদার	...	১৯৬
সন্ধ্যা ও কুমুম (কবিতা)	শ্রীজগৎপ্রসন্ন রায়	...	১০৯
সন্ধ্যার (কবিতা)	শ্রীযোগেশ্বর চট্টোপাধ্যায়	...	৯২৯
সমালোচনা		৭০, ১৪৩, ২২৮, ২৯২ ও ৩৬৯	
সমুদ্র-বন্ধে	শ্রীগুরুদাস সরকার	...	১১০, ৪০৫
সরস্বতী (গল্প)	শ্রীমতী সুনীলানন্দরী দাসী	...	৪১২
সরস্বতী (কবিতা)	শ্রীনরেন্দ্রনাথ ভট্টাচার্য	...	৪২৭
সুন্দরী (কবিতা)	সম্পাদক	...	৩৭৬
সৌন্দর্য (কবিতা)	ঐ	...	৪৫৩
স্মৃতি-বিভ্রম	শ্রীকৃষ্ণবিহারী গুপ্ত	...	৪২৫
সংগ্রহ		৭৩, ১৪৯, ২২১, ৩০১, ৩৭১ ও ৪৭৯	
সংশয় (কবিতা)	শ্রীযতীন্দ্রনাথ চট্টোপাধ্যায়	...	৩২৭
হাসি ও অশ্রু (কবিতা)	শ্রীবিভূতিভূষণ মজুমদার	...	৩৬
হৃদয়ের ব্যবহার (কবিতা)	শ্রীকালিদাস রায়	...	১০
সুদ্র (কবিতা)	শ্রীবসন্তকুমার চট্টোপাধ্যায়	...	২৮

লেখকগণের নামানুক্রমিক সূচী।

প্রথমখণ্ড।

অ

শ্রীঅক্ষয়চন্দ্র সরকার	অশোক চরিত	...	৪৯
ঐ	অশোকের রাজকার্য ও শাসন পদ্ধতি	১২৯	২৫৯
শ্রী—	বিশ্ববিশ্রুত-বিশ্বকোষ	...	৪২৮
শ্রীঅতুলচন্দ্র ঘোষ	কাতরা (কবিতা) ১৪৮	বিহ্বলা (কবিতা)	১৭৩
অম্বর	এই কি চিকিৎসা (গল্প)	...	২৭২
শ্রীমতী অম্বরুপা দেবী	দেব দূতের প্রতি অরিষ্টনেমি (কবিতা)		৪৬৪
শ্রীঅরুণেন্দ্রপ্রসাদ ঘোষ	ঐতিহাসিক ষৎকিঞ্চিৎ	...	৪৩৯
শ্রীঅক্ষয়কুমার বড়াগ	বিপত্তীক (কবিতা)	...	৪১১
শ্রীঅক্ষয়চন্দ্র সরকার	দ্রবময়ী চণ্ডালিনী	...	৩০৫

ক

শ্রীকালিদাস রায়	আগমনী (কবিতা)	...	৩৭৭
	প্রকাশ পীড়ন (.)	...	১২৩
	হৃদয়ের ব্যবহার (.)	...	১০
শ্রীকালীপ্রসন্ন বন্দ্যোপাধ্যায়	শ্রীক্ষেত্র	...	২৮৪
শ্রীকৃষ্ণবিহারী গুপ্ত	স্মৃতি-বিলম্ব	...	৪২৫
শ্রীকেশ্বরনাথ মজুমদার	প্রাচীন ভারতে আর্ষ্য ও অনাৰ্ষ্য সভ্যতার		
	কেন্দ্রস্থল	...	২৯, ১২৪

খ

শ্রীধর্মেস্বনাথ মিত্র	দুঃখ	...	২৩৩
-----------------------	------	-----	-----

গ

শ্রীশুকদাস সরকার সমুদ্রবন্দে ... ১১০,৪০৫

জ

শ্রীজগৎপ্রসন্ন রায় রাজা মটুক রায় ... ৩৬৪

সন্ধ্যা ও কুম্ভ (কবিতা) ... ১০৯

দ

শ্রীদীনেন্দ্রকুমার রায় গৃহাগত (গল্প) ... ৪৫৪

ধ

শ্রীধীরেন্দ্রনাথ চৌধুরী তদগত (কবিতা) ... ১২৮

ন

শ্রীনগেন্দ্রনাথ সোম শারদীয়া জ্যোৎস্না (কবিতা) ... ৪৪৭

শ্রীনরেন্দ্রকুমার বসু যুরোপ-ভ্রমণ ১০৩, ২৬৬ ৩৩৪ ও ৪৪৮

শ্রীনরেন্দ্রনাথ ভট্টাচার্য্য সরস্বতী (কবিতা) ... ৪২৭

ব

শ্রীবসন্তকুমার চট্টোপাধ্যায় ক্ষুদ্র (কবিতা) ... ২৮

শ্রীবিনোদ বিহারী গুপ্ত ময়মনসিংহ সাহিত্য-সন্মিলনী ... ৩৭

শ্রীবিপিনবিহারী গুপ্ত পুরাতন-প্রসঙ্গ ২, ৮১, ১৫৩, ৩০৮ ও ৩৭৮

শ্রীবিভূতিভূষণ মজুমদার সত্যপ্রকাশ (কবিতা) ১৯৬ হাসি ও অশ্রু
(কবিতা) ৩৬

ম

শ্রীমানিকচন্দ্র ভট্টাচার্য্য প্রহ্ন (কবিতা) ... ২৬৫

য

শ্রীযতীন্দ্রমোহন গুপ্ত স্তম্ভ (গল্প) ৩৪০, গোঁফের মূল্য (গল্প) ৪৪১

শ্রীযতীন্দ্রনাথ চট্টোপাধ্যায় গতি (কবিতা) ... ১৮

হৃণের পরাজয় (কবিতা) ... ৩৯০

ভ্রাস্ত (কবিতা) ... ৩৩৯

মৃত্যু (কবিতা) ... ১৪২

সংশয় (কবিতা) ... ৩৯৭

শ্রীযতীন্দ্রমোহন বন্দ্যোপাধ্যায় মিলনে মৃত্যু (গল্প) ... ১৩৬

শ্রীযোগীন্দ্রনাথ সমাদার প্রাচীন ভারতের কথা ... ১১

মৃগয় ... ৩৯৮

শ্রীযোগেশ্বর চট্টোপাধ্যায়	কবিকঙ্কণের যুগের সমাজ ...	৩৮৮
	কায়া ও ছায়া ...	১১৮ ও ১৮৪
	সন্ধ্যায় (কবিতা) ...	৪২৪

ক

শ্রীরমণীমোহন ঘোষ	বর্ষ-বিদায় (কবিতা) ...	৬৯
	বর্ষাগীতি (কবিতা) ...	২২৭
	মৃত্যু-জয় (কবিতা) ...	৪৩৭
শ্রীরাধালদাস বন্দ্যোপাধ্যায়	পাষণের কথা ...	৩২৭
শ্রীরামপ্রাণ গুপ্ত	টলেমি ...	১৬৫

ল

শ্রীলক্ষ্মীনারায়ণ চট্টোপাধ্যায়	যাকের নিরুক্ত ...	৪৬৫
----------------------------------	-------------------	-----

শ

শ্রীশচীশচন্দ্র চট্টোপাধ্যায়	বঙ্কিম-প্রসঙ্গ ...	২৮২
শ্রীশশিভূষণ মুখোপাধ্যায়	ধর্ম ও বিজ্ঞান ...	১৯৭
	রামায়ণ ও মহাভারত ...	৩৫২

স

সবালোচনা	৬০, ১৪৩, ২২৮, ২২২ ও	৩৬৯
সম্পাদক	ঋতুবর্ণন (কবিতা): ...	২৯৮
	ওমরের পথে (কবিতা) ...	৯২
	সুন্দরী (কবিতা) ...	৩৭৬
	সৌন্দর্য (কবিতা) ...	৪৫৩
	বৈশাখ (কবিতা) ...	১
	কাচের চুড়ি (গল্প) ...	৫৮
	কোথায় (কবিতা) ...	৫৭
	চিত্রপরিচয় ...	৪৩৮
	বিরহিনী (কবিতা) ...	১৬৪
	পিতৃ ভক্তির পুরস্কার (গল্প) ...	১৯১
	মৃত্যুমিলন (উপন্যাস) ১৯, ২৩, ১৭৪, ২৪৯ ও	৩১৭
শ্রীমতী সু—ঘোষ	বিভাগ (কবিতা) ...	২৫৮
	কবি (কবিতা) ...	২৭১
শ্রীমতী সুশীলাসুন্দরী দাসী	সরসুবালা (গল্প) ...	৪১২
সংগ্রহ	৭৩, ১৪৯, ২২১, ৩০১, ৩৭১ ও	৪৭৯
৩হেমচন্দ্র বন্দ্যোপাধ্যায়	নাকে খৎ (নাটক) ...	২০৫

চিত্রসূচী ।

ময়মনসিংহ সাহিত্য-সম্মিলনী ।

কালীপ্রসন্ন সিংহ ।

ডাক্তার জগদীশচন্দ্র বসু ।

মহারাজা কুমুদচন্দ্র সিংহ ।

অক্ষয়কুমার দত্ত ।

গিরিশচন্দ্র ঘোষ ।

রামতনু লাহিড়ী ।

ঐ— (প্রৌঢ় বয়স্ক) ।

রামগোপাল ঘোষ ।

বঙ্কিমচন্দ্র চট্টোপাধ্যায় ।

শ্রীশ্রীজগন্নাথ দেবের মন্দির ।

শ্রীঅক্ষয়চন্দ্র সরকার

শ্রীমহেন্দ্রনাথ মুখোপাধ্যায় ।


সরস্বতী ।

দোলমঞ্চ (মহম্মদপুর) ।

মহম্মদপুরের ইষ্টক ।

শ্রীনগেন্দ্রনাথ বসু প্রাচ্যবিজ্ঞা মহাশয় ।

— — —



By courtesy of Babu Rakhal Das Banerji.

সংগ্রহ: বাবু রাকাল দাস বানার্জী

বৈশাখ ।

সুনারেই সুহবের কাণ ।

আদি আদিরাহি আদি,

বিত্ত করি' তরুনাতি,

বহু করি' কৃপাল

বিশিষ্ট ব্যাভাস,

পথের উপরে খুলিফল ।

আদিরাহি এমীত কপাল ।

উদ্য নগরের বাস

কোকিলের বস বাস

কুণ্ডে কুণ্ডে বহুশ-ভজন ।

অমল নহর গতি,

নাহি বিরে এমীপতি,

বিলাসীর বিলয় এখন ।

আদিরাহি—ঈবন, বরণ—

করভেজ বরাবাত,

কঠোর করতাপাত,

কৃষ্ণ মেঘ বিহাৎ-কেতন,

দীপ্ত সিংহকর-কর,

স্নিক-হার্য করবর,

বহু-আলা স্নিক বসিষণ ।

আদিরাহি হুজম, বিলাস ;

পুরাতনে গদে দলি,

নৃত্যে পটিকে চলি

করি, সর্কহিত—সর্কনাশ

কঠোর করুণাহারা,

বিশলিত স্নেহ-ধার

কৃষ্ণ-স্নিক যুগল বিকাশ ।

করুণে বোর আবাহন ।

বিষদ বিলাপ-হবে,

চকিত্তে চকিত্ত হবে,

এলয়ের করি আয়োজন

সেই সময়ের বাবে,

সুন্দর কীর্তন-বিত্ত

বিশায়েবে অরুণ-কিরণ ।

আদি হুজম—কঠোর করি

সোর বকে স্নিক বাহি,

বহুশের বহু শরিত

বিশায়েবে স্নিক-বিত্ত

আদিরাহি হুজি, লর,

অর আদি পরাজয়,

আদিরাহি ঈবন-বরণ ।

পুরাতন প্রসঙ্গ ।*

আজ প্রথমেই পণ্ডিতমহাশয় বলিলেন—“রামেন্দ্র বাবুর ‘বিজ্ঞানে পৌত্তলিকতা’ প্রবন্ধ পড়িয়াছি। লেখা আমার ভালই বোধ হইল। বিজ্ঞানাগর মহাশয় কিন্তু এ রকম ভাষা পছন্দ করিতেন না। গভীর প্রবন্ধের মধ্যে ‘লেনা দেনা’ ও ঐ রকম চলিত কথা তিনি কমা করিতেন না।

“দেখ, ব্যাকরণ-দৃষ্টে ভুল শব্দ ভাষার মধ্যে কেমন স্থান পায় সে বিষয় চিন্তা করিলে বেশ আনন্দ অনুভব করা যায়। এই ‘পৌত্তলিকতা’ শব্দটাই দেখ না কেন। সংস্কৃত ভাষায় ‘পুত্তলিকা’ নাই, ‘পুত্রিকা’ আছে। প্রাকৃত পুত্তলিকা সংস্কৃত ব্যাকরণের দৌলতে রূপান্তরিত হইয়া ‘পৌত্তলিকতা’ প্রাপ্ত হইয়াছে। রামেন্দ্র বাবুর বহুপূর্বে এই শব্দ ভাষায় প্রবেশলাভ করিয়াছে। রামমোহন রায়ের ‘পৌত্তলিক প্রবোধ’ প্রবন্ধই এই উক্তির স্বার্থার্থ্য সম্বন্ধে সাক্ষ্যদান করিতেছে।

“আমার মনে হয়, সংস্কৃত শব্দের মধ্যে phonetic decayর চিহ্ন যেন এখনও সুস্পষ্ট বিদ্যমান আছে। একটা শব্দ দেখ না,—‘কালিন্দী’। আমার যতদূর স্মরণ হয়, যমুনার একটি নাম কালিন্দী অমর-কোষেও আছে। আমি অনুমান করি যে, ঐ শব্দটি ‘কালী নদী’ এই দুইটি শব্দের একী-করণে সমুদ্ভূত হইয়াছে। যমুনার কালো জল দেখিয়া উহাকে কালী নদী বলা বিচিত্র নহে। এই কালী নদী কালক্রমে phonetic decayর দরুণ কালিন্দী রূপ ধারণ করিয়াছে। ক্রমে লোকে ভুলিয়া গেল যে, কালিন্দী কালী নদীর অপভ্রংশমাত্র। শব্দটির জন্মকথা নুতন করিয়া কল্পিত হইল; গদ্যর স্থায় তাহাকে গিরিন্দুতা কল্পনা করাই সঙ্গত বোধ হইল। কালিন্দী দাঁড়াইল ‘কলিন্দ-গিরিনন্দিনী’। আবার দেখ,—বাল্যে ‘অপভ্রংশ’ শব্দ সংস্কৃত ‘অপূর্ব’ হইতে প্রাকৃত ‘অপূর্বের’র (বিক্রমোর্কশী নাটকে দেখিতে পাইবে) তিতর দিয়া পাওয়া গিয়াছে।

“পুরাতন সাহিত্যের আলোচনা করিতে বসিলে আমরা দেখিতে পাই যে, কালীপ্রসন্ন সিংহের আসন খুব উচু। আমার বয়স ১৫।১৬ বৎসর বয়স, তখন আমার সহিত কালীপ্রসন্ন সিংহের প্রথম আলাপ হয়; প্রথম পরিচয় ঠিক কেমন করিয়া কোন্ সময়ে হয়, তাহা এখন আমার স্মরণ নাই।

* অধ্যাপক ঐক্যকমল ভট্টাচার্য্য মহাশয়ের পূর্বস্মৃতি ।

তাঁহার বাড়ীর দোতালার একটি Debating Club ছিল, আমি সেই সভার সভ্য হইয়াছিলাম। সেই স্থানে ৮কৃষ্ণদাস পালের সহিত আমার প্রথম পরিচয় হয়। এখনও আমার বেশ মনে আছে, যেদিন কৃষ্ণদাস পাল commerce সম্বন্ধে একটি বক্তৃতা করেন, ইংরাজিতে তাঁহার সেই বক্তৃতা শুনিয়া আমি মুগ্ধ হইয়াছিলাম। তখন যদিও আমি ছেলে মানুষ, ইংরাজি বক্তৃতার ভাবটা সম্যক্ হৃদয়ঙ্গম করিতে পারিতাম কি না সন্দেহ, তথাপি মনে হইল যে, এই লোকটি একদিন বড় লোক হইতে পারিবে। আমিও প্রবন্ধ পাঠ করিতাম, কিন্তু বাঙ্গালায়। আমি ছেলে মানুষ বলিয়াই হোক বা আর কোনও কারণেই হোক, প্রবন্ধগুলির জন্য আমি প্রশংসা পাইতাম। একদিন আমার একটি প্রবন্ধের আলোচনা হইতেছিল,—কি বিষয়ে সে প্রবন্ধ রচিত হইয়াছিল, এখন আমার স্মরণ নাই, বোধ হয় বিধবা-বিবাহের উপর,—এমন সময় একজন সভ্য বলিয়া উঠিলেন—‘ছেলে মানুষের প্রশংসা ক’রে ক’রে রাত কাটান যাবে নাকি?’ কালী সিংহ সভার নাম দিয়াছিলেন ‘বিদ্যোৎসাহিনী সভা’; দুই লোকে তাঁহার নামকরণ করিল ‘মণ্ডোৎসাহিনী সভা’। তিনি সভার patron গোছ ছিলেন। কখনও কোনও প্রবন্ধ পাঠ করিয়াছিলেন কি না, মনে পড়ে না। মধ্যে মধ্যে সভ্যদিগের ভোজনাদির ব্যবস্থা হইত; আমি কিন্তু কখনও আহারাদিতে যোগদান করি নাই।

‘বিদ্যাসাগর মহাশয়কে তিনি অত্যন্ত ভক্তি করিতেন। মহাভারতের অনুবাদ বিদ্যাসাগরের প্ররোচনায় হইয়াছিল, হেমচন্দ্র ভট্টাচার্য মহাশয়কে বিদ্যাসাগর এই কার্যে ত্রুতী করিয়াছিলেন; যে পণ্ডিতমণ্ডলীর দ্বারা মহাভারত অনুদিত হইয়াছিল, তাঁহারাও বিদ্যাসাগরের লোক। সেকালে সমস্ত বড়লোক বিদ্যাসাগরের অনুগত ছিল। পাইকপাড়ার রাজারা তাঁহার কথায় উঠিতেন বসিতেন; তাঁহার কথায়, কোনও security না লইয়া তাঁহারা এক ব্যক্তিকে তিন লক্ষ টাকা কর্জ দিয়াছিলেন। বিধবা-বিবাহ আন্দোলনের সময় বিদ্যাসাগরের যখন টাকার দরকার হইল, তিনি টাকার অভাব রাজাদের নিকট জ্ঞাপন করিলে তাঁহারা বলিলেন,—‘আপনার টাকার দরকার হইতে পারে, একথা পূর্বে বলেন নাই কেন? তাহা হইলে কিছু রাখিতাম। মগদ টাকা সব খরচ করিয়া ফেলিয়াছি।’ বিদ্যাসাগরের মুখে প্রসঙ্গক্রমে এই কথা আমি শুনিয়াছি। সাহিত্যের দিক দিয়া যদি দেখ, তাহা হইলে দেখিতে পাইবে যে, এই পাইকপাড়ার রাজারা মাইকেল

বুঝতে পারি না যে এখানে *poison* হয়েছে। 'নাহেবদের' নামটি
সম্পূর্ণরূপে অসঙ্গত।


'বিদ্যালয়গের' আদি এই যে কতিপয় কারণে তাঁহার
কবিতার উৎকর্ষ, তাহা নহে। সত্যতঃ কারণের মধ্যে একটি বিশিষ্ট কারণ
নাই; বাহার উল্লেখ করিলে 'নাহেবের' সাদাসীন্দ্য চরিত্রগত একটা দোষ
প্রকটিত হইয়া পড়িবে। যে সময়ের কথা আমি বলিতেছি, সে সময়ে এটা বেশ
দোকা বাইত যে, 'নাহেবদের' কাছে বিদ্যালয়গেরের খুব প্রতিপত্তি ছিল বলিয়া
তাঁহার বন্দনবাসীর নিকট তিনি অত্যন্ত খাতির পাইয়াছিলেন। 'নাহেবদের'
নিকট প্রতিপত্তি না হইলে সাদাসীন্দ্যের কথা বলিতে পারে না।
কবে না বলি, কিন্তু যখন যখন বাহুরের কবিতাগুলি পড়ি, তাঁহাদের মিল
বোহরের ছাপ না পড়িলে মিসরের কথা হয় না।

"আবার কত বাহুরের, বিদ্যালয়গেরের সময়ে সময়ে আশঙ্কা হইত যে,
পাছে আর কেহও 'নাহেবের' কাছে তাঁহার চেয়েও বেশী প্রতি-
পত্তি হয়। পূর্বে আমি যে তাঁহার *literary jealousy* কথা উল্লেখ করি-
য়াছি, তাহার মধ্যে সে এইরূপ একটা কারণ লিখিত ছিল না, এ কথা বলা
যায় না। তিনি কারোও নিকট বাড়াইয়া দিতে পারিতেন না বৃত্য, কিন্তু তাঁহার
চরিত্রে এইটুকু সন্দেহ ছিল, এ কথা আমি কোথায় করিয়া বলিতে পারি।
'নাহেবদের' নিকট সাদাসীন্দ্যের চেড়া যে তিনি কখনও করিয়াছিলেন,
এ কথা আমি বলিতে পারি না; তবে তাঁহার বিদ্যালয়গেরে 'নাহেব'-নামে যে
প্রতিপত্তি হইয়াছিল, তাহা তিনি সম্পূর্ণরূপে বাহুরের জন্য সচেতন ছিলেন।

"কালীপ্রসন্ন সিংহের দোষ নহে, পাইকগাছার সাদাসীন্দ্যের দোষ নহে, দোষ
হিতে হয় সত্য সাদাসীন্দ্যের দোষ। *Mrs. Bennett* 'হিউয়ানির ব্যাখ্যা
করিলেন, সাদাসীন্দ্যের উৎকর্ষ হইয়া উঠিল। তিনি বঙ্গ হিন্দুর তীর্থস্থানে
বিশ্ব কলেজ হাটের প্রতিপত্তি প্রকাশ করিলেন, কিন্তু রাজন্যবর তাঁকা
চালিয়া দিল, একান্ত কলেজ স্থাপিত হইল। এই যে তাব, ইহা আমাদের
খাতির অবনতির একটা অপরিহার্য প্রসব।

"বোহনেই কালীপ্রসন্নের দোষ হয়; বোহন হয় আমি তাঁহার বন্দনক
হিলাব। বুদ্ধির কয়েক বৎসর পূর্বে হইতেই তাঁহার কতকটা নৈতিক অবনতি
পরিগণিত হইয়াছিল। তাঁহার বোহনের অর্থ ছিল না। বোহন হয়, তিনি
purse-proud তাব কতকটা প্রকাশ করিতেন, কিন্তু তিনি যেমন তাঁহার

ଆର୍ଯ୍ୟାବର୍ତ୍ତ



କାଳୀଦାସ ସିଂହ ।

Printed by K. V. Sengupta & Bros.

purpose-এর ব্যবহার করিতে জানিতেন, তেমন আর কেহই জানিত না। যেদিন Revd. Mr. Long-এর বোকদবার রায় প্রকাশ হইবার কথা ছিল, সেদিন কালীপ্রসন্ন আদালতে উপস্থিত ছিলেন; হাজার টাকা জরিমানা হইবারাত্রই তিনি তৎক্ষণাৎ সেই জরিমানার টাকা—আদালতে দাখিল করিয়া দিলেন। কেহ তাঁহাকে টাকা লইয়া যাইবার পরামর্শ দেন নাই। আমরা কেহই জানিতাম না যে, তিনি মনে মনে এই প্রকার সঙ্কল্প করিয়াছিলেন।

“মহাত্মারত তাঁহার কীর্তিস্তম্ভ। রাধাকান্তের শব্দকল্পক্রমের পার্শ্বে কালীপ্রসন্নের মহাত্মারতের স্থান নির্দেশ করা বাইতে পারে। বলিয়াছি, তিনি বিদ্যাসাগরের কথায় এই বিরাট কার্যে হস্তক্ষেপ করিয়াছিলেন; কিন্তু তাঁহার নিজেরও higher nobler sympathies বধেই ছিল; লেখাপড়ার দিকে ঝোঁক, লেখাপড়ার প্রচারের একটা প্রবল বাসনা ছিল।

“তাঁহার ‘হতোম প্যাচার নক্সা’র অবশ্যই প্রতিভার কোনও বিশেষ পরিচয় পাওয়া যায় না বটে, কিন্তু গ্রন্থখানির মূল্য আছে। রচনা সম্বন্ধে একটি কথা তোমাদের মনে রাখিতে হইবে। বিদ্যাসাগর মহাশয়ের সংস্কৃত-বহুল রচনার বিরুদ্ধে একটা revolt হইয়াছিল। বোধ হয়, ১৮৫৪/৫৫ খৃষ্টাব্দে রাধানাথ সিক্দার ‘মাসিক পত্রিকা’ নামে একখানি কাগজ বাহির করেন, তাহাতে অনেক চলিত কথা ব্যবহৃত হইত। একটা প্রবন্ধের মধ্যে ‘Xenophon থেকে ভাঙ্গা’ এই শব্দযোজনা ছিল। বিদ্যাসাগর হাসিতেন। ‘মাসিক পত্রিকা’র সহযোগী সম্পাদক ছিলেন প্যারীচাঁদ মিত্র। তিনি তাঁহার ‘আলালের ঘরের দুলালে’ সেই tendencyর চূড়ান্ত করিয়া যান্নেন। তাহার পরে যখন এই দুই বিরুদ্ধ ভাবের সামঞ্জস্য সন্ধানিত হইল, বাঙ্গালা সাহিত্য নূতন আকার ধারণ করিল—নূতন বল সঞ্চয় করিল। সাহিত্যরথ বক্রিমচক্রে হইতে সাহিত্যরথ রথীন্দ্রনাথ পর্য্যন্ত সকলেই আমাদের সাহিত্যের ভাবার সেই সামঞ্জস্য রক্ষা করিয়া চলিলেন।

“হতোম প্যাচার মধ্যে বধেই লোকজতা ও পরিহাস-রসিকতা প্রকাশিত হইয়াছে। অনেক স্থলেই তখনকার ব্যক্তিবিশেষের প্রতি কটাক্ষপাত আছে। পাথুরিয়াঘাটার কোনও বনী প্রবীণ বরসে নিজের অন্তর্ভুক্তি উৎসব উপলক্ষে স্বর্ণালঙ্কারে ভূষিত হইয়াছিলেন। কালীপ্রসন্নের বিক্রম-বাপ তাঁহার উপর বর্ষিত হইল, নরনার পাথুরিয়াঘাটা ‘হুড়িয়াটা’র রূপান্তরিত

হইল। যাহাশে রথের সময় বাচখেলা, যেরে যানুব সবে লইয়া দাদশ-গোপাল দেখিতে যাওয়া ইত্যাদি তিনি নিপুণ হস্তে চিত্রিত করিয়াছেন। ইংরাজেরা ঠাট্টাশ্রমে যাহাকে 'Arry বলে, অর্থাৎ যে সকল সামান্ত লোক ইয়ার্কির উপলক্ষে বেইজ্ঞার হইয়া নানা প্রকার বাদরামি করিয়া থাকে, সস্তার আন্দোলন করিবার চেষ্টা করে, নান্নায় সেই প্রকৃতির লোকদিগের প্রতি ভীত কটাক্ষপাত দেখিতে পাওয়া যায়। এখনও বঙ্গসমাজে এইরূপ লোক দেখিতে পাইবে।

"Satire হিসাবে ছতোম প্যাচা যে খুব effective হইয়াছিল, তাহা বোধ হয় না। But as an early specimen of that type of writing it deserves not to be forgotten ; এবং কুচিহিসাবে ছতোম ঈশ্বর গুপ্তের ও 'গুড় গুড়ে ভট্টচার্য্য'র লেখার চেয়ে অনেক অংশে শ্রেষ্ঠতর। 'প্রভাকরে'র সম্পাদক এবং 'ভাকরে'র সম্পাদক নিভাঁজ খেউড় গাহিঙেন, ধাপার মাঠে ছাড়া আর কুত্রাপি ঐ সকল লেখার জায়গা হইতে পারে না। গৌরীশঙ্কর ভট্টচার্য্য ওরফে গুড় গুড়ে ভট্টচার্য্য যে 'রসরাজ' রচিত করিয়া গিয়াছেন, তাহা অপাঠ্য। কিন্তু সে সময়ে ধনীর আসরে, বিষয়ী লোকের বৈঠক-খানায় এই সকল রচনা পঠিত হইত। বিকৃতকৃষ্টি সমাজের মধ্যে এই সকল রচনা উপভোগ্য হইয়াছিল।

"বিদ্যাসাগরের কথা জিজ্ঞাসা করিতেছ ? তিনি এই একটানা কুরুচির স্রোতের বিরুদ্ধে একাকী দণ্ডায়মান হইয়া কি করিতে পারেন ? নব্যদলের মধ্যে তাঁহার পসার প্রতিপত্তি যথেষ্ট ছিল বটে, কিন্তু প্রাচীন বনিয়াদি বড় লোকের আসরে তিনি কি করিতে পারেন ? তথায় সুরুচির দোহাই দিয়া নাসিকা কুঞ্চিত করিলে নিশ্চয়ই তাঁহাকে অপদস্থ হইতে হইত।

"কিন্তু unconsciously সাহিত্যে উৎকট কুরুচি হইতে সুরুচির দিকে যে transition আরম্ভ হইয়াছিল, বিদ্যাসাগর তাহাতে কতকটা, সহায়তা করিয়াছিলেন। সচেষ্ট ভাবে একটা reform movement যে করিতে হইয়াছিল, তাহা নহে। এই transitionএর ইতিহাস চাহ ? ঠিক ইতিহাস দিতে পারিব না, তবে কয়েকটি কথা বলিতে পারি।

"বিদ্যাসাগর যখন সাহিত্যক্ষেত্রে অবতীর্ণ হইলেন, তখনই যে তাঁহার সাহিত্যিক হিসাবে খাতির হইয়াছিল, তাহা নহে। তিনি বালকদিগের শিক্ষার পথ প্রশস্ত করিতে ব্যস্ত ছিলেন, সমাজের কুরুচিব্যাধি দূর করিবার

অল্প সচেত হইবার অবসর তাঁহার ছিল না। শিক্ষাবিস্তারের সঙ্গেসঙ্গেই বে সমাজের ও সাহিত্যের রুচি মর্জিত হইবে, ইহা তাঁহার দৃঢ় ধারণা ছিল। অত কথায় কাষ কি, স্বভাবকবি ধীরাজ বিধবা-বিবাহের আন্দোলনের সময় বিজ্ঞাসাগরের নামে যে গান রচনা করিয়াছিল, সে গানটি এত রুচি-বিগর্হিত ও অশ্লীল যে তাহা পত্রিকায় মুদ্রিত করা অসম্ভব। কিন্তু বিজ্ঞাসাগর ধীরাজকে নিজের বাড়ীতে ডাকাইয়া বলিতেন 'ধীরাজ, একবার সেই গানটা গাও ত। সেই যে, 'বিজ্ঞাসাগরের বিচ্ছে বোঝা গিয়েছে'। ধীরাজ অমনই সত্যার মধ্যে গান ধরিত, 'বিজ্ঞাসাগরের বিচ্ছে বোঝা গিয়েছে'; গানের অন্তান্ত চরণগুলি এখনকার রুচিহিসাবে অপাঠ্য, অশ্রাব্য। এখন বোধ হয় বুঝিতে পারিতেছ যে, সে সময়ে সমাজের বায়ু কিরূপ দূষিত ছিল। কোন্‌ যে intellectual sanitation এর কথা বলিয়াছেন, আমাদের সমাজে সে দিকে কাহারও দৃকপাত ছিল না।

“কিন্তু বিজ্ঞাসাগরের সময় যে নব্য-যুবক-সম্প্রদায় গঠিত হইয়া উঠিল, তাহাদের মানসিক স্বাস্থ্য অনেকটা সবল ও পরিপুষ্ট হইতে পারিয়াছিল। কেশব সেন যখন আসিলেন, তখন transition হইয়া গিয়াছে।

“মহারাজী ভিক্টোরিয়ার গভর্নমেন্ট যখন আরম্ভ হইল, তখন হইতে লোকের মন রাজনীতির দিকে ঝুঁকিল। সভায়, debating club এ, বৈঠকখানার আসরে রাজনীতির চর্চা হইতে লাগিল। ১৮৫৮ খৃষ্টাব্দে আমি যখন Presidency College এ প্রথম বার্ষিক শ্রেণীতে অধ্যয়ন করি, তখন আমাদের একটা debating club ছিল। তখন আমাদের কলেজের প্রথম-বার্ষিক শ্রেণী ৮রামকমল সেনের বাড়ীর (এখনকার এলবার্ট কলেজের) এক অংশে বসিত। ক্লাবের সম্মিলনও সেই স্থানে হইত। ক্লাবে কেশব সেনের বক্তৃতা আমি প্রথম শ্রবণ করি। আমার সহপাঠী শ্রীযুক্ত সত্যেন্দ্রনাথ ঠাকুর একটি প্রবন্ধ পাঠ করেন। প্রবন্ধের বিষয় ছিল-Heroism of the ancient Hindus; ভীষ্ম, দ্রোণ ইত্যাদি মহাভারতের কয়েকটি চরিত্র লইয়া প্রবন্ধটি রচিত হইয়াছিল। কেশব বাবু আধ ঘণ্টা কাল বক্তৃতা করেন, এবং এই সময়ের মধ্যে তিনি 'exonerate' কথাটি চার বার ব্যবহার করিয়াছিলেন। তখনও তাঁহার বোল্‌ কোটে নাই। কিন্তু যুবকগণ তাঁহার ইংরাজি বক্তৃতার চমৎকৃত হইয়াছিল। সকলের মনে seriousness ও religious fervour জাগাইয়া তুলিয়া তিনি যে সাহিত্যে ও সমাজে সুরু-

চির পথ সুগম করিয়া দিয়াছিলেন, তাহা অস্বীকার করা যায় না। কেশব বাবু ক্রমশঃ দেশে বিদেশে খ্রীষ্টান্ অখ্রীষ্টান্ সকলের নিকট আদর পাইলেন। খ্রীষ্টান্ তাঁহার electicismএর আচরণ ভেদ করিতে প্রথম প্রথম পারেন নাই। তাঁহার ভাবিয়াছিলেন যে, কেশব সেন নীষ্রই খ্রীষ্টান হইবেন ; এমন কি, Lord Lawrenceএর মনেও এইরূপ ধারণা জন্মিয়াছিল।

“কিন্তু সর্বাপেক্ষা অধিক কাষ করিয়াছিল সোমপ্রকাশ। রাজনীতি, সমাজ-তত্ত্ব, ধর্মতত্ত্ব, সকল বিষয়েই বাদানুবাদ, তর্কবিতর্ক সোমপ্রকাশ পত্রে হইতে লাগিল। বিদ্যাভূষণ মহাশয়ই প্রথমে দেখাইলেন যে, বাদানুসার সকলোই শ্রেণীর কাগজ হইতে পারে। সাহিত্যে ও সমাজে সোমপ্রকাশ যুগান্তর আনয়ন করিল। কুরুচি ও অশ্লীলতা আর কতদিন টিকিতে পারে? হিন্দু কলেজের এক শিক্ষকের সহিত বিদ্যাভূষণ মহাশয় এক বন্দোবস্ত করিয়া-ছিলেন। প্রত্যহ বিপ্রহরে যখন ছেলের জলপান করিবার ছুটি হইত, সেই সময়ে সেই শিক্ষকটি সংস্কৃত কলেজে আসিতেন এবং তাঁহাকে ইংরাজি শিখাইতেন, তৎপরিবর্তে বিদ্যাভূষণ মহাশয় তাঁহাকে সংস্কৃত শিখাইতেন। ঘরের দ্বার বন্ধ করিয়া এইরূপ বিদ্যাভ্যাস হইত। তাঁহার ইংরাজি ভাষায় এমন ব্যুৎপত্তি হইয়াছিল যে, Schmitz রচিত রোমের ইতিহাস তিনি বাঙ্গালায় অনুবাদ করিয়া ফেলেন।

“৬ দ্বারকানাথ বিদ্যাভূষণের কথাপ্রসঙ্গে আমার নিজের একটা কথা মনে পড়িতেছে। তিনি একবার একজন phrenologistকে আমার মস্তক পরীক্ষা করিতে বলেন। আমি তখন বিদ্যাভূষণ মহাশয়ের ক্লাসে অধ্যয়ন করি। Phrenologistএর নাম কালীকুমার দাস। কালী বাবু সুপণ্ডিত ছিলেন। Mr. Duffএর সঙ্গে খ্রীষ্টান ধর্ম সম্বন্ধে বাদানুবাদ করিয়া দুই শত পৃষ্ঠার একখানি প্রকাশ duodecimo পুস্তক প্রকাশিত করিয়া ফেলেন। তিনি কি কাষ করিতেন, ঠিক আমার স্মরণ নাই। কিন্তু ১৮৪৮ খৃষ্টাব্দে যখন ফরাসি রাষ্ট্রবিপ্লব সংঘটিত হইল, কালী বাবু কাষ-কর্ম ছাড়িয়া দিলেন, বলিলেন, ‘ধবরের কাগজ পড়িতে হইবে, কাষ না ছাড়িলে সময় হইবে না।’ তদ্রূপে আমার মাথা পরীক্ষা করিয়া বলিলেন যে, আমার রাগ এত উন্নয়নক যে, আমি মানুষ খুন করিতে পারি। কথাটা নেহাৎ অনুলক বলিয়া মনে হয় না। বরাবর আপনাকে অত্যন্ত সাবধান হইয়া সামলাইয়া চলিতে হইয়াছে।

প্রাচীন ভারতের কথা ।

(গ্রীক ও লাতিন ভাষায় লিখিত প্রাচীন ভারতের বৃত্তান্ত সংগ্রহ) ।

(১) বার্ডেসানেস ।

খৃষ্টীয় দ্বিতীয় শতাব্দীর শেষভাগে বাবিলনাস্তর্গত বার্ডেসানেস নামক এক গ্রন্থকার প্রাচীন ভারতে ব্রাহ্মণ ও শ্রমণদিগের সম্বন্ধে যৎকিঞ্চিৎ বৃত্তান্ত লিপিবদ্ধ করিয়া গিয়াছেন । সিরিয়া দেশে মার্কাস ওরিলিয়াস নামক এক নরপতি ২১৮ হইতে ২২২ খৃষ্টাব্দ পর্য্যন্ত রাজত্ব করেন । ভারতবর্ষ হইতে তাঁহার নিকট দূত প্রেরিত হয় । এই দৌত্যবাহিনীর অধ্যক্ষ দণ্ডনিস বা সন্দনিসের (Dandanis or Sandanes) সহিত মেসোপটমিয়া দেশে গ্রন্থকার বার্ডেসানেসের সাক্ষাৎ হয় । দণ্ডনিসের প্রমুখাৎ ভারতীয় যোগিগণের বৃত্তান্ত অবগত হইয়া গ্রন্থকার ঐ বিবরণ তাঁহার পুস্তকে নিবদ্ধ করেন । বার্ডেসানেসের পুস্তক এখন পাওয়া যায় না, কিন্তু তাঁহার লিখিত বৃত্তান্ত ষ্ট্রোবেয়াস নামক অন্য এক লেখকের গ্রন্থে পাওয়া যায় ।

বার্ডেসানেস বলিয়াছেন যে, ভারতীয় যোগিগণ (যাহারা গ্রীস দেশে ব্রহ্মজ্ঞানবিৎ বলিয়া আখ্যাত হয়) দুই শ্রেণীতে বিভক্ত, ব্রাহ্মণ ও শ্রমণ । গ্রন্থকার শ্রমণগণকে বরাবরই শ্রমণ বলিয়া উল্লেখ করিয়াছেন । ব্রাহ্মণগণ একই পিতামাতার সন্তান ; একই বংশীয় এবং তাহাদের তত্ত্বজ্ঞান স্বাক্ষররূপে উত্তরাধিকারস্বৰূপে প্রাপ্ত হয় । শ্রমণগণ সকল জাতি হইতেই গৃহীত হইতে পারে এবং যাহারা ঐশ্বরিক জ্ঞানলাভের আকাঙ্ক্ষা করে, তাহারা এই শ্রেণীভুক্ত হইতে পারে । ব্রাহ্মণগণকে অশ্রান্ত জনসাধারণের স্মরণ রাজকর দিতে হয় না এবং তাহারা কোন রাজার প্রজা নহে । ব্রাহ্মণগণের মধ্যে যে সকল দার্শনিক আছে, তাহারা পর্বতে বাস করে, কেহ বা গঙ্গাতীরেও থাকে । পর্বত-বাসী ব্রাহ্মণগণ গোছর, ফল ও মধ্যে মধ্যে শাক ভোজন করে । গঙ্গাতীরে যাহারা বাস করে, তাহারা কেবলমাত্র ফলভোজনেই জীবন ধারণ করে । এই ফল পর্য্যাপ্তরূপে নদীতীরে পাওয়া যায় । যদি কোন সময়ে ফলের অভাব হয়, তবে স্বচ্ছন্দ-বনজাত খাত্তের উপর ইহারা নির্ভর করে । অন্য খাত্ত ভোজন করা বা মাংস স্পর্শ করা যোরতর পাপ বলিয়া পরিগণিত হয় । প্রত্যেকের সূত্র সূত্র কুটীর আছে এবং ইহারা দিন ও রাত্রির অধিকাংশ সময় প্রার্থনার ও দেবতার ভজন পানিয়া

অতিবাহিত করে। ইহারা নির্জনবাসই অত্যন্ত ভালবাসে এবং যদি কোন কারণে এক ব্রাহ্মণের অপরের সহিত সাক্ষাৎ বা অধিক বাক্যব্যয় করিতে হয়, তবে অনেকদিন ধরিয়া নির্জনে বাস করিয়া ও মৌন থাকিয়া প্রায়শ্চিত্ত করে।

শমনগণের সহিত ব্রাহ্মণদিগের যথেষ্ট পার্থক্য। যে এই শ্রেণিভুক্ত হইতে অভিলাষ করে, সে নগরের বা গ্রামের অধ্যক্ষের নিকট উপস্থিত হইয়া নিজ অভিলাষ জ্ঞাপন করে ও স্বকীয় সম্পত্তির স্বত্বত্যাগ করে, ও পরে মন্তক মুণ্ডন করিয়া শমনদিগের বাস পরিধান করিয়া তাহাদের নিকট গমন করে; স্ত্রী পুত্র থাকিলে তাহাদের সহিত বাক্যালাপ বা তাহাদের মুখদর্শনও করে না এবং তাহাদের বিষয় কোনরূপ চিন্তাও করে না। রাজা তাহার পুত্রকন্যাগণের, তাহার আত্মীয়স্বজনের ও তাহার স্ত্রীর ভরণ পোষণ করেন। শমনগণ নগর-বহির্ভাগে বাস করে এবং পঞ্চমার্ঘ্য বিষয়ে সকল সময়েই আলোচনা করে। দেশের রাজা তাহাদের জন্য গৃহ ও মন্দির নির্মাণ করাইয়া দেন এবং ঐ সকল গৃহের ও মন্দিরের পরিচারককে রাজা নির্দিষ্ট পরিমাণে আহার্য্য সরবরাহ করেন। যথেষ্ট ষষ্ঠীধ্বনি হইলে গৃহ ও মন্দিরাদি হইতে আগন্তুকগণ বহির্দেশে গমন করেন। তখন শমনগণ মন্দিরে প্রবেশ করিয়া উপাসনা করেন। প্রার্থনা শেষ হইলে পুনরায় ষষ্ঠীধ্বনি হয়, এবং তখন ভূত্যাগণ প্রত্যেক শমনের সম্মুখে পাত্রে ভাত এবং বাঁহারা ইচ্ছা করেন, তাহাদের জন্য শাক ও ফল প্রদান করে। শমনগণ একাকী আহার করেন। আহার যত শীঘ্র সম্ভব শেষ করিয়া তাঁহারা নিজ নিজ কার্য্যে প্রবৃত্ত হইয়া থাকেন। শমনগণ বিবাহ করিতে বা সম্পত্তি অর্জন করিতে পারেন না।

ব্রাহ্মণ ও শমনগণকে অধিবাসীরা অত্যন্ত সম্মান করে। দেশের রাজাও মধ্যে মধ্যে আসিয়া তাঁহাদের নিকট পরামর্শ জিজ্ঞাসা করেন এবং আপদ বিপদে উঁহাদের পাইবার জন্য দেবতার নিকট প্রার্থনা করিবার জন্য তাঁহাদের নিকট প্রার্থনা করেন।

শমন ও ব্রাহ্মণগণ মৃত্যুকে ভয় করা ছুঁতে থাকুক, সাগ্রহে মৃত্যুকে আলিঙ্গন করেন; সুস্থশরীরেও কোন শমন বা ব্রাহ্মণ মৃত্যুকে আলিঙ্গন করিবার জন্য প্রস্তুত হইয়া সকলকে আহ্বান করেন। তাঁহার বহুবর্গ তাঁহাকে মিরস করিয়া ছুঁতে থাকুক, তাঁহাকে আরও উৎসাহিত করে; এবং

“সমাজে ও সাহিত্যে পুরাতনের সহিত নূতনের বন্ধ চলিতে লাগিল । নূতন দল পুরাতনের বিরুদ্ধে কোমর বাঁধিয়া দাঁড়াইল ; পুরাতন নিছের সর্দার গণ্ডির মধ্যে সমাজকে ও সাহিত্যকে দৃঢ়তরভাবে প্রতিষ্ঠিত করিতে চাহিল । এই ষাতপ্রতিঘাতে সমাজ ও সাহিত্য সংক্ষুব্ধ হইয়া উঠিল । বিধবাবিবাহের গোলমাল চুকিয়া গেল, কিন্তু কৌলীভপ্রথার উপর আক্রমণ আরম্ভ হইল ।

“তখন আমার প্রথম যৌবন ; ১৪।১৫ বৎসরমাত্র বয়স । শিবতলার বসাকদিগের বাঁড়ীতে ‘কুলীন-কুলসর্বস্ব’ নাটক অভিনীত হইল । আমি সেই অভিনয় দেখিতে গেলাম । কেমন করিয়া তোমায় বুঝাইব যে, শিক্ষিত বঙ্গসমাজ কিরূপ চঞ্চল হইয়া উঠিল । The play came out as a surprise upon the Bengali reading public ; বোধ হয় ইংরাজি খুব ভাল ভাল comedy অপেক্ষা কোনও অংশে ইহা মন্দ নহে । রচয়িতা পণ্ডিত রামনারায়ণ বিদ্যারত্ন, আমার শিক্ষক ও প্রাণকৃষ্ণ বিদ্যাসাগর মহাশয়ের কনিষ্ঠ ভ্রাতা । বিদ্যারত্ন মহাশয়ের ‘রত্নাবলী’ শিক্ষিত বঙ্গসমাজের আদরের বস্তু । সংস্কৃত শ্লোক রচনা করিতে তিনি যেরূপ কৃতিত্ব দেখাইয়াছেন, সেরূপ প্রায় দেখা যায় না । ‘কুলীন-কুলসর্বস্ব’ ইহার যথেষ্ট নমুনা আছে । একটি শ্লোক আছে যাহা মাধব কবি লিখিলেও অগৌরব হইত না । কবিতাটি এই :—

অতিরক্তবপুঃ স্বন্দগতি

বসুহীনো বিগতাস্বরো রবিঃ ।

• পততি প্রতিবারি বারুণী-

• বহুসেবাকলমেতদেব হি ॥

এই শ্লোকটির মধ্যে যে double entendre, যে pun রহিয়াছে, তাহা কেমন সুন্দর ।

প্রথম অর্থ—সূর্য্যদেব অত্যন্ত লাল হ’য়ে, মন্দগতি হ’য়ে, কিরণ সব মিলিয়ে বাচে, সমস্ত আকাশ অতিক্রম ক’রে জলে ঝাঁপ দিচ্ছে । পশ্চিম দিকে ঝাওয়ার এই কল ।

দ্বিতীয় অর্থ—মদ খেয়ে মাতালের শরীর লাল হ’য়ে উঠেছে, সে চলতে গিয়ে হোঁচট খাচ্ছে, সব টাকা উড়িয়ে দিয়েছে, গায়ের কাপড় গা থেকে খসে পড়ছে, সে জলে ঝাঁপ দিচ্ছে । অত্যন্ত মদ খাওয়ার ফল এই ।

“এই মত্তপান-প্রসঙ্গে অধ্যাপক গ্যারীচরণ সরকারের নাম বরণ করা উচিত । একটি Temperance movement গঠিত করিয়া তিনি অনেক দিন তাহার নেতৃত্ব করিয়াছিলেন । চারিদিকে মত্তপানের বিরুদ্ধে crusade চলিতে লাগিল । তাঁহার এই Temperance movement শিক্ষিত সন্ত্রাসীদের মধ্যে মত্তপান-নিবৃত্তি বিষয়ে যথেষ্ট সহায়তা করিয়াছিল । যাতাল-দিগকে প্রতিজ্ঞাবদ্ধ করাইয়া তিনি প্রতিজ্ঞাপত্রে তাহাদিগের স্বাক্ষর করাইয়া লইতেন । আমি কয়েক জনের কথা জানি, যাহারা সে প্রতিজ্ঞা ভঙ্গ করে নাই । তাঁহার চরিত্র নির্মল ছিল ; কিন্তু একটা কথা প্রচারিত হইল, তিনি গল্পিকা-সেবন করেন ! আমার মনে হয় It was a calumny propagated by drunkards । ধীরাজ কিন্তু গান ধরিল —

মধুপান আর কোরো না,
Young Bengal, বাঁচবে না,—

* * *

কিন্তু ড্যা-দ্যা প-থে নাইকো মানা ।

ঐ “ড্যা-দ্যা প-থে নাইকো মানা” চরণটি গাহিবার সময় ধীরাজ হেলিয়া জুলিয়া pantomimeএর মত স্বহস্তে গঞ্জিকামর্দনের অঙ্কন করিয়া, হাঙ্গির কোয়ারা ছুটাইয়া দিত । ধীরাজ মদ খাইত ।

শ্রীবিপিনবিহারী গুপ্ত ।

হৃদয়ের ব্যবহার ।

যেখানে প্রেম নাই	বিচার বিবেচনা
হৃদয়ে বেধে রাখে হাতে পায় ।	
যেখানে প্রেম আছে	হৃদয় অবিচারে
সরল শতধারে গলে যায় ।	
যেখানে প্রেম নাই	অর্থ খুঁজে বুঝে
ওজন করে’ করে’ কথা কয় ।	
যেখানে প্রেম আছে	সকল বাধা ভেদে
নদীর স্রোত হেন কথা বয় ।	

শ্রীকালিদাস রায় ।

স্বদেশ নির্গত হয় যে, ব্রাহ্মণগণ ব্যজন না করিলে ঐ স্বদেশ তিরিয়া যাইত। গহ্বরাত্যন্তরে বৃষ্টির পশ্চাতে একটি অন্ধকারময় পথ আছে এবং উহার শেষ দিকে একটি দ্বার আছে। এই দ্বার দিয়া জল নির্গত হইয়া হ্রদ হইয়াছে। যাহারা নির্দোষ বলিয়া প্রমাণিত হইতে চাহে, তাহাদের এই দ্বার দিয়া প্রবেশ করিতে হয়। যাহারা নির্দোষ তাহারা অনায়াসে প্রবেশ করিতে পারে। তাহাদের দেখিয়া দ্বার উন্মুক্ত হয়, এবং তাহারা উহার মধ্যে দর্পণের আয় স্বচ্ছ জলরাশি দেখিতে পায়। দোষী ঐ দ্বার দিয়া প্রবেশের চেষ্টা করিলে অকৃতকার্য হয় এবং তাহার দোষ স্বীকারে বাধ্য হয়। তাহারা উপবাস দ্বারা প্রায়শ্চিত্ত করে ও অপরকে তাহাদের অন্ত প্রার্থনা করিতে বলে।

(৪) ডায়ন খ্রিসসটম।

খৃষ্টীয় প্রথম শতাব্দীর মধ্যভাগে মিসিয়া দেশান্তর্গত প্রুসা নগরে ডায়ন খ্রিসসটম নামক এক বাগ্মী জন্মগ্রহণ করেন। ডায়নকে তদেশবাসী ব্যক্তিগণ “স্বর্ণমুখ” উপাধিভূষিত করে। কিছুদিন পরে ডায়ন রোমে গমন করেন, কিন্তু সেই সময় রোমক সম্রাট্ ডিমিসিয়ান বাগ্মী ও দার্শনিকগণকে রোম হইতে বিতাড়িত করিলে, ভিক্ষকের বেশে থ্রেস, মিসিয়া, সিথিয়া প্রভৃতি দেশ ভ্রমণ করেন। তিনি যে যে স্থান পরিভ্রমণ করিয়াছিলেন, সেই সেই স্থানের অধিবাসিগণ তাঁহার বাগ্মিতায় পরিতুষ্ট হইয়া তাঁহাকে যৎপরোনাস্তি যত্ন করিত। সম্রাট্ ডিমিসিয়ানের মৃত্যুর পর তিনি রোমে প্রত্যাগমন করেন এবং পরবর্তী রোমক সম্রাট্ নার্তা ও ট্রাজান তাঁহাকে যথেষ্ট সমাদর করিতেন। ১১৭ খৃষ্টাব্দে তাঁহার মৃত্যু হয়। তিনি যে সকল সারগর্ভ বক্তৃতা দিয়াছিলেন, তাহার ৮০টি বক্তৃতা এখনও পাওয়া যায় এবং তাহা হইতে সম্যক্রূপে প্রণিধান করা যায় যে, তিনি দার্শনিক ও বাগ্মীদের মধ্যে শ্রেষ্ঠ স্থান পাইবার উপযুক্ত। ডায়ন প্রাচীন ভারতবর্ষ সম্বন্ধে নিম্নলিখিত মর্মে তাঁহার মস্তব্য লিপিবদ্ধ করিয়াছেন।

• পৃথিবীর মধ্যে ভারতবাসীরাই সর্বাধিক সুখী। তাহাদের দেশের নদী অপরদেশের নদীর আয় কেবল জলপূর্ণা নহে। কোন নদী স্বচ্ছ মৃৎপূর্ণ, কোনটিতে মধু, কোনটি বা তৈলপূর্ণ। বস্তুতঃ এই সকল নদীর উৎস পৃথিবীর বক্ষঃস্থলে অর্থাৎ পর্বতে স্থাপিত। এই জন্ত ডায়ন বলিয়াছেন যে, সুখে ও শক্তিতে অন্যান্য জাতি ও ভারতবাসীদের মধ্যে যথেষ্ট প্রভেদ দেখা

বার । বৃক্ষ হইতে ফলকাঠ আহরণ করিয়া, বৎসকে বধনা করিয়া ছক সংগ্রহ করিয়া, মধুমক্ষিকাকে তাহার মধুচক্র হইতে বিভাড়িত করিয়া— এই সকল অস্তায় ও অপকৃষ্ট উপায়ে অস্তায় দেশের লোককে এই সকল জব্য সংগ্রহ করিতে হয় । কিন্তু ভারতবর্ষে ইহা সম্পূর্ণ বিভিন্ন । ভারতবর্ষের নদী এক মাস রাজাদের জন্ত প্রবাহিতা হয় ; বৎসরের অস্তায় মাসে জনসাধারণের জন্ত উহারা প্রবাহিতা হয় । নদী যে এক মাস রাজার জন্ত প্রবাহিতা হয়, রাজা সেই মাসে নিজ কর সংগ্রহ করেন । এই জন্ত প্রকৃতিপুঞ্জ তাহাদের পুত্র-কন্যার সমভিব্যাহারে নদীর উৎস বা তটদেশে আমোদ আলাদে কাল অতিবাহিত করে । তাহাদের দেশে যেন অবিরামই উৎসব । নদীতীরে বিকশিত পদ্ম শোভা পাইতেছে । এই পদ্ম অস্তায় দেশের গুণ্যাপেক্ষা উত্তম । এতদেশে প্রচুর পরিমাণে তিল জন্মে । গম ও যব অপেক্ষা সুস্বাদু অস্তায় এক প্রকার বীজও উৎপন্ন হয় । এই বীজ গোলাপের পাপড়ির স্থায় এক প্রকার পাপড়ির মধ্যে জন্মে, কিন্তু এই সকল পাপড়ি গোলাপের পাপড়ি অপেক্ষা বৃহৎ ও সুগন্ধযুক্ত । অধিবাসীরা এই জাতীয় মূল ও ফল উভয়ই ভক্ষণ করে এবং এই লতা উৎপন্ন করিতে কোন প্রকার কষ্ট করিতে হয় না । নদী হইতে জলনির্গমের অনেক প্রণালী আছে । এই সকল প্রণালী অধিবাসিগণের ইচ্ছানুসারে প্রস্তুত করা হয় এবং নল দ্বারা এই জল সরবরাহ করা হয় । স্নানের জন্ত এই প্রকার জলাশয় আছে । এক প্রকারের জল উষ্ণ ও রৌপ্যের স্থায় স্বচ্ছ ; অস্তায় প্রকারের জল গভীরতা ও শীতলতার জন্ত ঘন-নীলাভ । এই সকল জলাশয়ে সৌন্দর্যের আদর্শ ত্রীলোক ও বালকবালিকাগণ সস্তরণ করে । স্নানান্তে তাহারা তৃণাচ্ছাদিত প্রান্তরে বাইরা আলাদে গান করে । এই সকল প্রান্তর দেখিলে অতি সুন্দর এবং পুষ্পাকীর্ণ । ইহাতে ফলশালী বৃক্ষ ছায়াদান করিয়া লোকের তৃপ্তিসাধন করে । দেশে নানা প্রকারের পক্ষী যথেষ্ট আছে । তাহাদের কাকলিতে তাহাদের বাসস্থান পর্কতসমূহ মুগ্ধরিত । কোন কোন পক্ষী বৃক্ষোপরি বসিয়া এমন সুনিষ্ট কুজন করে যে, উহা অস্তায় দেশের বাস্তবধনি অপেক্ষা শ্রুতিমধুর । ভারতবর্ষের বাতাস মৃদু মৃদু প্রবাহিত হয় । শুধায় ঋতু নাতিশীতোষ্ণ ; আকাশ মেঘহীন এবং অস্তায় দেশের আকাশ অপেক্ষা অধিক তারকা-সমাকীর্ণ । চম্পি বৎসরের অধিক কাল অধিবাসীরা জীবিত থাকে না ; কিন্তু বতদিন জীবনধারণ করে, শুভদিনই তাহারা মৃত্যু দেহে কালধারণ করে ।

তাহাদের পরলোকগত আত্মীয় স্বজনের নিকট সংবাদ প্রেরণ করে। ইহাদের বিশ্বাস দেহত্যাগের পর একজনের আত্মার সহিত অপরের আত্মার মিলন হয়। মৃত আত্মীয়স্বজনের নিকট যে যে সংবাদ প্রেরণ করিতে হইবে, সকল বন্ধুবান্ধব তাহা জ্ঞাপন করিলে, তিনি অধিকুণ্ডে দেহনিক্ষেপ করেন এবং অন্ত্যস্ত শমনগণ কুণ্ডের চতুর্দিকে ভজন গান করিতে থাকেন।

বার্ডেসানেস বলিয়াছেন যে, তাঁহারা মৃত্যু অত্যন্ত সুখকর বলিয়া বিবেচনা করেন এবং যিনি এই প্রকারে অবিনশ্বরত্ব লাভ করেন, তাঁহাকে সকলেই সুখী বলিয়া মনে করে। বার্ডেসানেস এই প্রসঙ্গে প্রশ্ন করিয়াছেন, “সকলেই যদি এইরূপে দেহত্যাগ করে, তবে এ পৃথিবীর কি দশা হইবে?”

(২) পরফাইরি

পরফাইরি নামক অন্য এক গ্রন্থকারের “On Abstinence from Animal Food” (মাংসাহারে নিষ্পৃহা) গ্রন্থে পূর্বোক্ত বার্ডেসানেসের বৃত্তান্তের কতকাংশ পাওয়া যায়। এই বৃত্তান্ত ও পূর্ব বৃত্তান্ত একই; সুতরাং উহা পুনর্বার উদ্ধৃত করা নিস্প্রয়োজন বোধে আমরা তৃতীয় গ্রন্থকারের বৃত্তান্ত উদ্ধৃত করিব।

(৩) জোহানেস ষ্টোবেয়স।

আমরা পূর্বেই বলিয়াছি যে, ষ্টোবেয়সের গ্রন্থে বার্ডেসানেসের বৃত্তান্তের কিছু কিছু অংশ প্রাপ্ত হওয়া যায়। এই ষ্টোবেয়সের সম্বন্ধে কিছুই জানা যায় না; এমন কি, তিনি কোন্ দেশবাসী বা কোন্ সময়ের লোক তাহারও কোন নির্দেশ নাই। সম্ভবতঃ তিনি খৃষ্টান ছিলেন। ষ্টোবেয়স তাঁহার পুস্তকে অনেক গ্রীসদেশীয় গ্রন্থকারগণের পুস্তক হইতে সার সংগ্রহ করিয়াছিলেন। যে সকল পুস্তক হইতে তিনি এই প্রকার সংগ্রহ করিয়াছিলেন, তন্মধ্যে অনেক পুস্তক এখন পাওয়া যায় না। এই জন্য ষ্টোবেয়স আমাদের প্রভূত উপকার সাধিত করিয়াছেন, বলিতে হইবে। ষ্টোবেয়স বার্ডেসানেস হইতে নিম্নলিখিত বৃত্তান্ত লিপিবদ্ধ করিয়াছেন।

ভারতবর্ষে একটি হ্রদ আছে, বাহাকে “পরীক্ষা হ্রদ” (Lake of Probation) বলে। অপরাধী ব্যক্তি জ্বরী দোষ অস্বীকার করিলেই তাহাকে এই পরীক্ষা দিতে হয়। ব্রাহ্মণগণ নিম্নলিখিত প্রকারে অপরাধীকে পরীক্ষা করেন। অপরাধীকে বিজ্ঞাসা করা হয় যে, সে এই পরীক্ষা দিতে প্রস্তুত কি না; যদি সে অস্বীকার করে, তবে তাহাকে দোষী বিবেচনা

করিয়া শাস্তি দেওয়া হয় । কিন্তু যদি সে স্বীকার করে, তবে তাহাকে ও তাহার অভিযোগকারীগণকে এই হ্রদের নিকট লইয়া যাওয়া হয় । অপরাধীর সহিত অভিযোগকারীগণকেও এই পরীক্ষা দিতে হয় ; কেন না, তাহা হইলে কেহই ছলনা পূর্ব্বক বা মিথ্যা অভিযোগ আনয়ন করিতে পারে না । যদি অপরাধী নির্দোষ হয়, তবে এই হ্রদের একদিক হইতে অন্টদিকে হাঁটিয়া গেলে হ্রদের জল হাঁটুর উপরে উঠে না ; কিন্তু দোষী হইলে অধিক দূর বাইতে না বাইতে সে জলে নিমজ্জিত হয় । শেষোক্ত অবস্থায় ব্রাহ্মগণ তাহাকে জল হইতে আনয়ন করিয়া অভিযোগকারীগণের হস্তে অর্পণ করেন । উহারা মৃত্যু ব্যতীত অন্য যে কোন দণ্ড বিধান করিতে পারে । কিন্তু ইহা সচরাচর ঘটে না, কেন না এই পরীক্ষার আশঙ্কায় কেহ নিজ দোষ অস্বীকার করিতে সাজসী হয় না ।

স্বৈচ্ছাকৃত অপরাধের জন্য ভারতবাসীদিগের এই প্রকার পরীক্ষা করা হয় । কিন্তু স্বৈচ্ছাকৃত ও অনিচ্ছাকৃত উভয় প্রকার অপরাধের বিচারের জন্য অন্য প্রকার ব্যবস্থা ও আছে । এরূপ স্থলে নিম্নলিখিত প্রথা অবলম্বন করা হয় ।

উচ্চ-পর্ব্বত-মধ্যে একটি স্বাভাবিক গুহা আছে । ঐ গুহার ১০।১২ হাত উচ্চ একটি প্রতিমূর্ত্তি আছে । ঐ মূর্ত্তির দক্ষিণার্ধে মনুষ্যের স্তায় ও বামার্ধে জীলোকের স্তায় । উভয়ার্ধই একত্র সংযোজিত । ঐ মূর্ত্তির কক্ষের দক্ষিণাংশে সূর্য্য ও বামাংশে চন্দ্র কোদিত, হস্তে দেবদূত এবং অন্তঃস্থ স্থানে আকাশ, পর্ব্বত, সাগর, নদী, তারকা, পশু, পক্ষী অর্থাৎ সকল প্রকার চেতন অচেতন মূর্ত্তি অঙ্কিত । ভারতবাসীরা বলে যে, এই মূর্ত্তি—সৃষ্টিকর্ত্তা যে যে দ্রব্য সৃজন করিয়াছেন তাহাদের বর্ণনার জন্য—তাঁহার পুত্রকে দান করেন । কি কি উপাদানে এই মূর্ত্তি নির্ম্মিত, তাহা কেহই বলিতে পারে না । তবে ইহা সূবর্ণ, রৌপ্য, পিত্তল, প্রস্তর অথবা জানিত কোন দ্রব্য দ্বারা নির্ম্মিত নহে । যদিও ইহা কাষ্ঠনির্ম্মিতও নহে, তত্রাপি ইহা দেখিতে কাষ্ঠের স্তায় কিন্তু ইহাতে ঘুণ ধরে না । প্রকাশ এইরূপ যে, ভারতবর্ষীয় কোন রাজা এই মূর্ত্তির গলদেশের লোম উৎপাটনের চেষ্টা করাতে ঐ স্থান হইতে রক্ত নির্গত হইয়াছিল । রাজা এই দৃশ্যে ভীত হইয়া মূর্ত্তী বায়েন এবং ব্রাহ্মগণের সহিত প্রার্থনা সত্ত্বেও চেতনা পায়েন নাই । এই মূর্ত্তির মস্তকোপরি সিংহাসনোপবিষ্ট দেবতার মূর্ত্তি । গ্রীষ্মকালে মূর্ত্তির শরীর হইতে এত

ভারতবর্ষে সুখতোগের সীমা নাই; কিন্তু ভ্রাপি ব্রাহ্মণ নামক এক প্রকার মনুষ্য আছে, যাহারা এই সকল নদী ও আত্মীয় স্বজন হইতে দূরে বাস করে। তাহারা দর্শনের আলোচনার এবং ইচ্ছাপূর্বক নানাপ্রকার ক্লেমকর প্রক্রিয়াসমূহ হইয়া জীবনযাপন করে। পরম্পরায় অবগত হওয়া যায় যে, ব্রাহ্মণগণ সত্যের উৎস আবিষ্কার করিয়াছে। যাহারা এই উৎসের আবাদন একবার পায় তাহারা আর কিছুতেই এই পথ পরিত্যাগ করে না।

ডায়ন প্রসঙ্গক্রমে বলিয়াছেন যে, তিনি যাহা বলিয়াছেন, তাহা সম্পূর্ণ সত্য। যাহারা ভারতবর্ষ হইতে ঐ দেশে গমন করিয়াছেন, তাঁহাদের নিকট প্রাপ্ত বর্ণনার উপরেই এগুলি লিখিত। ডায়ন বলিয়াছেন যে, ভারতবাসীরা পৃথিবীর মধ্যে সর্বাপেক্ষা ধনী। তাহারা শৃগালাপেক্ষা বৃহৎ এক প্রকার পিপীলিকা হইতে স্ত্রবর্ণ সংগ্রহ করে।

ব্রাহ্মণগণ সত্যবাদী ও জিতেন্দ্রিয় এবং ঈশ্বরভক্ত। ডায়ন বলিয়াছেন যে, হোমরের পুত্রও ভারতবাসীরা অনুবাদ করিয়াছে; এবং ভবিষ্যৎ সম্বন্ধে পৃথিবীর অত্যাশ্চর্য জাতি অপেক্ষা তাহারা অধিক ধারণা করিতে পারে।

(৫) কালিসথিনিস।

সুপ্রসিদ্ধ দার্শনিক অরিস্টটেলের আত্মীয় কালিসথিনিস আলেকজান্দারের সহিত তাঁহার অভিযানের সহগামী হইলেন। কিন্তু আলেকজান্দার পারস্তদেশীয় আচার ব্যবহার অবলম্বন করিলে কালিসথিনিস আলেকজান্দারের নিন্দা করেন। আলেকজান্দার ইহাতে রুষ্ট হইলেন। পরে কালিসথিনিসকে রাজকীয় বালক ভৃত্যের বিদ্রোহে সংশ্লিষ্ট বলিয়া আলেকজান্দার তাঁহার মৃত্যুর আদেশ দেন। এই আদেশ প্রতিপালিত হইয়াছিল। কালিসথিনিস গঙ্গানদীকে স্বর্গ হইতে প্রবাহিতা বলিয়া উল্লেখ করিয়াছেন। থিবস নগরাস্তর্গত কোন ব্যক্তির নিকট কালিসথিনিস ভারতবর্ষের যে বৃত্তান্ত সংগ্রহ করিয়া লিপিবদ্ধ করেন, আমরা তাহার সারাংশ উদ্ধৃত করিলাম। কালিসথিনিসের বৃত্তান্তের অনেকাংশ লক্ষা দ্বীপেরই বর্ণনা।

লক্ষা (তাপ্রোবেন) দ্বীপের অধিবাসী বৃদ্ধগণ দেড়শত বৎসর জীবিত থাকে। এই স্থানের জলবায়ু অত্যন্ত সুন্দর। এই দেশে ভারতবর্ষের মহারাজা বাস করেন। দেশের অন্যান্য ক্ষুদ্র ক্ষুদ্র নরপতিগণ ইহারই অধীনস্থ এবং ইহারই শাসনকর্তারূপে দেশ শাসন করেন। এই দ্বীপের সন্নিকটে ইরিথিয়ান সাগর-মধ্যস্থ অত্যাশ্চর্য দ্বীপ। এই দ্বীপে জলযান

সবনোপযোগী পাঁচটি নদী আছে । এই প্রদেশস্থ বৃক্ষ সকল বৎসরের বার মাস ফলপূর্ণ থাকে । দেশে ভাল ও সুগারী বৃক্ষও যথেষ্ট পরিমাণে পাওয়া যায় । এই ফলগুলি বৃহৎ । অধিবাসীরা ভাল, ছুঁড় ও ফল ভক্ষণ করিয়া জীবন ধারণ করে । দেশে কার্পাস জন্মে না এবং সেই জন্য অধিবাসিগণ কারুকার্য্য সম্বন্ধিত মেঘজাতলোমনির্মিত বস্ত্রদ্বারা লজ্জা নিবারণ করে । মেঘগুলি যথেষ্ট পরিমাণে ছুঁড় দেয় । তাহাদিগের লাজুল দীর্ঘ । ইহারা মেঘের মাংস আহার করে কিন্তু শূকরের মাংস গ্রহণ করে না । দেশে লক্ষা জন্মে ।

ব্রাহ্মণ জাতিতে ইচ্ছানুসারে প্রবেশ করা যায় না । ইহারা উলানাবহান নদীতীরে বাস করে । ইহাদের গৃহপালিত পশু নাই । ইহারা ভূমি কর্ষণ করে না এবং লৌহ, অগ্নি, মধ্যের ব্যবহার জানে না । ইহারা ভগবানকে যথেষ্ট ভক্তি করে ও অনবরত প্রার্থনা করে ; স্বহৃদপ্রাপ্ত ফল খাইয়া জীবন ধারণ করে এবং বৃক্ষ পত্রের উপর নিদ্রা যায় । দেশে যথেষ্ট সর্প এবং হস্তী দেখিতে পাওয়া যায় ; স্বর্ণপ্রস্থ পিপীলিকা ও বিছাও যথেষ্ট দেখা যায় । এদেশে ভ্রমণ অত্যন্ত কষ্টসাধ্য ।

[এই প্রবন্ধ সুপ্রসিদ্ধ অধ্যাপক ম্যাক্রিওলের পুস্তক হইতে সংগৃহীত হইয়াছে ।]

শ্রীযোগীন্দ্র নাথ সমাদার ।

গতি ।

বে পাখী বিটপ-শাখে বাধে ক্ষুদ্রনীড়
উড়িয়া সুনীল নভে দূর শূণ্যে যায়,
মানবের ক্ষুদ্র হৃদে নিবসে বে প্রেম
বহ উর্ধ্বে গতি তা'র—স্বর্গপানে ধায় ।

শ্রীযতীন্দ্রনাথ চট্টোপাধ্যায়

মৃত্যুমিলন।

তৃতীয় পরিচ্ছেদ।

বিধুরা।

রাজার নিকট হইতে যাইয়া রাণী শয়ন-মন্দিরে প্রবেশ করিয়া ষাঁর রুদ্ধ করিলেন। তাঁহার বুক যেন ফাটিয়া যাইতেছিল; তিনি আপনাকে আপনি স্মরণ করিতে পারিতেছিলেন না।

তিনি উচ্চ আদর্শের আশা করিয়া হতাশ-বেদনায় আপনার প্রেমকে সংহত—সংহত করিয়া আপনি কষ্টভোগ করিয়াছিলেন। তাঁহার পর এখন যখন সেই আদর্শ বাস্তবে তাঁহার সম্মুখে উপস্থিত, তখন—হায়, তখন তিনি কিছুতেই আপনার কথা বলিতে পারিতেছেন না—তখন তাপ্তর কুলে অতৃপ্ত পিপাসা তাঁহাকে ব্যথিত করিতেছে। উপাসিকা বহু যত্নে উপাসিতকে ধ্যান করে; যখন সেই উপাসিত—সেই বাঞ্ছিত—সেই চিরপ্রার্থিত সম্মুখে, তখন—তখন যদি আশায় ও আনন্দে উদ্বেল হৃদয় আত্মপ্রকাশ করিতে না পারিয়া নূতন যাতনায় ব্যথিত হয়—তবে সে উপাসিকার মত দুঃখী কে? রাজার পরিবর্তনের সঙ্গে সঙ্গে রাণীরও অসাধারণ পরিবর্তন হইয়াছিল—রাজার চরিত্রে রাজগুণ যেমন সুস্পষ্ট ও সমুজ্জ্বল হইয়া উঠিতেছিল, রাণীর হৃদয়ে তেমনই প্রেম, শ্রদ্ধা, ভক্তি ফুটিয়া উঠিতেছিল। কিন্তু হায়!—রমণীমূলত লজ্জা আজ পদে পদে তাঁহার সেই প্রেম, সেই শ্রদ্ধা, সেই ভক্তি প্রকাশের অন্তরায় হইতেছিল।

তিনি কেমন করিয়া আপনার তৃপ্ত হৃদয়ের কথা রাজাকে জানাইবেন? আজ কত দিন হইতে এই চিন্তা তাঁহার চিত্ত অধিকার করিয়া আছে। কত দিন তিনি নিশীথে শ্রান্ত নিদ্রাভিত্ত স্বামীর চরণতলে বসিয়া অশ্রুধ্বন করিয়াছেন! তিনি আপনার হৃদয়ের স্পন্দনে আপনি শঙ্কিতা হইয়াছেন—পাছে স্বামীর নিদ্রা-ভঙ্গ হয়। সঙ্গে সঙ্গে মনে হইয়াছে,—তিনি দেখিলে কি ভাবিবেন? আর?—আর যদি তিনি তাঁহার মনোভাব বুঝিতে না পারেন? তবে সে দুঃখ, সে লজ্জা, সে বেদনা তিনি কেমন করিয়া সহ করিবেন? তাই তিনি যখনই রাজার স্মৃতি-

শোণ-সঙ্ঘাবনা বৃষ্টিতে পারিয়াছেন—তখনই চলিয়া আসিয়াছেন, আপনার ব্যথিত—তৃষিত—কাতর হৃদয়ের বেদনাভার বহিষ্ণা আসিয়া নিভূতে রোদন করিয়াছেন ।

আজ—তিনি তেমন সতর্কভাবে স্বামীকে লক্ষ্য করিতে পারেন নাই—আপনার ভাবে আপনি এমনই বিভোর ছিলেন । তিনি মুগ্ধনেত্রে স্তম্ভ পতিকে দর্শন করিতেছিলেন—আপনার বেদনায় আপনি ব্যথিতা হইতেছিলেন । তাই আজ সেই আশঙ্কার—সেই আশার অবসর আসিয়াছিল । তাই আজ রাজা আসিয়া পদপ্রান্তে তাঁহাকে দেখিতে পাইয়াছিলেন ।

কিন্তু—এত দিন ও আশঙ্কার মধ্যে আশার অবসর ছিল—এতদিন আশার অরুণ-কিরণে বেদনা—ঘাতনা উদ্ভাসিত হইত । আজ যে এক মুহূর্তে সে আশার শেষ আলোকরেখা অন্ধকারে বিলীন হইয়া গেল !

রাজা ও তাঁহার মনোভাব বৃষ্টিতে পারিলেন না ! তাঁহার হৃদয়-দর্পণে ও পত্নীর প্রেমবিহ্বলতা প্রতিবিম্বিত হইল না ! ভালবাসার কি ভালবাসা চিনিতে বিলম্ব ঘটে ? রাজা যে কেবলই বিশ্বয় প্রকাশ করিলেন !

রাণীর বুক কাটিয়া ঘাইতে লাগিল ।

রাণীর জীবনে ধিকার জন্মিতে লাগিল । কিন্তু দেখিতে দেখিতে অভিমান সেই ধিকারকে আবৃত করিয়া ফেলিল । প্রকৃতির সহিত সংগ্রামে কে কবে জয়ী হইতে পারে ? যখন বসন্তের প্রারম্ভে পর্বত-সামুহে স্তম্ভ কুসুমের প্রথম নিদ্রাভঙ্গ হয়—কুসুমকোরক কেবল উদ্ভেদোন্মুখ হয়—তখন যদি সহসা তুষারপাত হয়, তবে—কুসুমকোরক সেই তুষারাচ্ছাদনতলে অনাহত ভাবে অবস্থান করে ; তাহার পর যেদিন তপ্ত তপন-কিরণে তুষাররশি বিগলিত হইয়া শত পথে—শত ধারার প্রবাহিত হইয়া যায়, সে দিন কুসুমকোরক বিকশিত হইয়া সান্নিধ্যশে নবলাবণ্যসঞ্চার করে । তেমনই হৃদয়ের যে ভাবকে মানুষ তিরোহিত করিতে চেষ্টা করিয়া মনে করে, সে সফলকাম হইল—সেই ভাব এক দিন অবসর বুঝিয়া আশ্বপ্রকাশ করে—তখন মানুষ আর তাহার বিকাশ নিবারণিত করিতে পারে না । তাই তরুণ যৌবনে—প্রথম প্রণয়বিকাশকালে তিনি প্রেমসহচর যে অভিমানের ক্ষুর্ভি হইতে দেন নাই—এখন এত দিন পরে সেই অভিমান অবসর বুঝিয়া তাঁহার হৃদয়ে আশ্বপ্রকাশ করিতেছিল । রাজা বিজ্ঞাসা করিয়াছিলেন “রাণী, কি আবশ্যক ?”—সেই কথা রাণীর কর্ণে ধ্বনিত হইতেছিল—সে কথা যেন তাঁহার হৃদয়ে শেলসম বিদ্ধ হইতেছিল ।

আবশ্যক !—হায়, তিনি কেমন করিয়া বুঝাইবেন—তাঁহার আবশ্যক কি ? তাঁহার আবশ্যক ! তাঁহার ব্যথিত হৃদয় যে তাঁহাকেই চাহিতেছে—সে যে আজ রমণীর জীবন-সাধন-ধন লাভ করিবার জন্য ব্যাকুল হইয়াছে ; যে প্রেম, যখন অযাচিত ভাবে শত ধারার আসিয়াছিল তখন তিনি অনাদর করিয়াছেন, সেই প্রেমের বিন্দুমাত্র পাইবার জন্য আজ তিনি লালায়িতা । সে-ই তাঁহার আবশ্যক ।

কিন্তু আজ কি তাঁহাকে তাঁহার আবশ্যকের কথা বুঝাইতে হইবে ? কি দুর্দশা !—কি দারুণ মর্ষপীড়া !—আজ জীবনসর্ব্বস্বকে জীবনের সাধনার কথা—হৃদয়ের একমাত্র অভিলাষ বুঝাইতে হইবে ? যে বাসনা নয়নের দৃষ্টিতে ফুটিয়া বাহির হয়—মৃগনাতির সৌরভের মত যাহাকে গোপন করা যায় না—সেই বাসনার কথা আজ মুখ ফুটিয়া বলিয়া বুঝাইতে হইবে ? তাহা কি বুঝাইবার ? যাহা হৃদয়ের অনুভূতি—তাহা কি কথায় প্রকাশের ? যুগে যুগে কত হৃদয় সেই বাসনা-বহি-দাহে ভস্মীভূত হইয়াছে—কে তাহা কথায় প্রকাশ করিতে পারিয়াছে ? সে যে ভাষার অতীত ! সে কি বুঝাইবার ?

কিন্তু প্রেম ত প্রেমকে আকৃষ্ট করে, সে ত প্রেমের সান্নিধ্য উপলব্ধি করিতে পারে ! তবে ? তবে কি তাঁহার এই হৃদয়ভরা প্রেমে সে আকর্ষণ নাই ? হায়—অভাগী তাঁহার ক্ষুদ্র প্রেমের সাধ্য কি সেই বিশাল হৃদয়ের প্রেম আকৃষ্ট করে ? তাই যদি হয়, তবু ত রাজার প্রেম তাঁহার প্রেমের সান্নিধ্য উপলব্ধি করিতে পারিত ! তবে ?—তবে কি তাঁহার পক্ষে সে প্রেমের আশা নাই ? আশার ক্ষীণ আলোক নিরাশার গভীর অন্ধকারে বিলীন হইয়া গেল । এ দারুণ বেদনা অনুভব করিবার পূর্বে তাঁহার জীবন শেষ হইয়া যায় নাই কেন ?

আজ রানীর পক্ষে জীবন নিতান্ত ব্যর্থ—কেবল বেদনার ভারমাত্র বোধ হইতে লাগিল । তাঁহার মনে হইতে লাগিল, যেন তিনি নিতান্ত আশাহীন জীবনের ভার বহন করিয়া লক্ষ্যহীন দীর্ঘ পথ অতিক্রম করিতেছেন ।

আজ তাঁহার মনে হইতে লাগিল, তাঁহার পক্ষে জগৎ শূন্য ।

আজ বৃহৎ শয়ন-মন্দিরের শূন্যতা যেন তাঁহাকে পীড়িত করিতে লাগিল । সেই সুগন্ধ দীপের স্নিগ্ধ—অতি কোমল আলোকে সামান্তমাত্র আলোকিত বৃহৎ কক্ষ কত স্মৃতি-বিজড়িত ! আজ সেই সব স্মৃতি তাঁহার পক্ষে যাতনার আকর ।

কক্ষে গজদন্তের কারুকার্যখচিত বহুমূল্য পালকে শয্যা রচিত । সেই শয্যার পড়িয়া রাণী হুঃসহ যাতনার আলা ভোগ করিতে লাগিলেন ! সে শয্যা রাজার স্পর্শপূত ; কিন্তু কত দিন সে শয্যার রাজার স্পর্শ পড়ে নাই !

রাণী রাজার উপাধান টানিয়া বন্ধে চাপিয়া ধরিলেন—তাঁহার বন্ধে যে আশা, তাহা কি ভুড়াইবে না ?

সেই শস্যায় শয়ন করিয়া রাণী তাঁহার জীবনের কথা ভাবিতে লাগিলেন । মনে পড়িল, কত আশা হৃদয়ে লইয়া তিনি নবীন জীবনে প্রবেশ করিয়াছিলেন ;—যখন প্রথম স্বামীর গৃহে আসিয়াছিলেন, তখন তাঁহার হৃদয় কত আশায় পূর্ণ ! সেই আশার উদ্ভেজনার তিনি পিতৃগৃহত্যাগে বেদনা বেদনা বলিয়াই মনে করেন নাই ।

তাঁহার পর আপনার ঔজ্জ্বল্যে আর সকল বাসনাকে ম্লান করিয়া হৃদয়ে এক প্রবল বাসনা জাগিয়া উঠিল—সে রাজপুত্রের হৃত গৌরবের পুনরুদ্ধার-বাসনা । তাঁহার পিতার নিকট তিনি সেই বাসনা লাভ করিয়াছিলেন—ক্রমে সেই প্রবল বাসনা তাঁহাকে আবিষ্ট করিয়া তুলিয়াছিল । প্রথম পতিগৃহে আসিয়া পতির ব্যবহারে তাঁহার সমস্ত হৃদয় ভক্তিতে পূর্ণ হইয়া উঠিয়াছিল । তাঁহার হৃদয় প্রেমে ও ভক্তিতে পতির প্রতি আকৃষ্ট হইল ।

কিন্তু দেখিতে দেখিতে সে ভাবের পরিবর্তন আরম্ভ হইল । যে প্রবল বাসনা তাঁহাকে আবিষ্ট করিয়াছিল—প্রেম সে বাসনার পথে অন্তরায় হইয়া দাঁড়াইল—স্বামী প্রেমের নিকট আর সব তুচ্ছ জ্ঞান করিয়া—প্রেম-সাধনায় প্রবৃত্ত হইলেন । তাঁহার নিকট তাহা ভাল লাগিল না । তিনি যে বাসনার চরিতার্থতার জন্য সর্ব্বদা দিতে প্রস্তুত ছিলেন—তাঁহারই অন্তরায় বলিয়া সে প্রেমকে কিলিভ করিলেন ; দারুণ ভ্রান্তিবশে জীবনের সকল সুখের সর্ব্বনাশ করিলেন । তিনি তখন তাহা বুঝিতে পারেন নাই—পারিলে কি এ কার্য্য করিতে পারিতেন ?

পরে তিনি তাহা বুঝিয়াছেন । বুঝিয়া ভাবিয়াছেন—হায়, তিনি কি করিয়াছেন ? তিনি আপনি আপনার সর্ব্বনাশ করিয়াছেন, আবার সঙ্গে সঙ্গে আপনার সেই বাহিত বাসনা পূর্ণ হইবার পথে বিষম বিঘ্ন সংস্থাপিত করিয়াছেন । তখন যদি তিনি সে কথা বুঝিতেন, তবে তাঁহার জীবন বেদনামাত্র হইত না—আর হয় ত তিনি ধীরে ধীরে স্বামীকে তাঁহার ঈর্ষিত পথের পথিক করিতে পারিতেন । হয় ত কেমন ?—সে ভাব ত স্বামীর হৃদয়ে নিহিতই ছিল । বুঝি তাঁহারই ব্যবহার-দোষে তাহার বিকাশে বিলম্ব ঘটিয়াছে—বেদনার আঘাতে আহত হৃদয়ে তাহা ফুটিতে পারে নাই । তবে—তবে বুঝি তিনিই এ বিলম্বের অন্য দায়ী !

এ চিন্তায় কেবল হুঃখ—কেবল বাতনা । আজ রাণী সেই হুঃখ—সেই বাতনা ভোগ করিতে লাগিলেন ।

আরও দুঃখ—আরও যাতনা—আজ যখন তাঁহারই সেই বাসনা পূর্ণ হইবার সম্ভাবনা হইয়াছে, তখন তিনিই কেবল সে কার্যে কোনরূপ সাহায্য করিতে পারিতেছেন না। তিনি আজ দর্শকমাত্র, কর্মী নহেন। আপনার দোষে তিনি আপনার লক্ষ্যমুখগামিপথভ্রষ্ট!

আর সর্বাপেক্ষা বেদনা—আজ অপগতউচ্চাভিলাষ রমণী-হৃদয় যখন বাহিরের সকল কার্য ছাড়িয়া আপনার মধ্যে আপনার শান্তি-লাভ-চেষ্টায় চেষ্টিত—যখন সে সত্য সত্যই আত্মপ্রকাশ করিয়াছে—যখন তাহার স্বরূপ সপ্রকাশ হইয়াছে—তখন বাহ্যতে জীবন মধুময় হয়, মরুভূমিতে স্নিগ্ধ সরসতার সঞ্চার হয়—দুঃখ স্মৃথে পরিণত হয়—বেদনার বিষজালা অপনীত হয়—যাতনা বেদনাহীন হয়—রমণীর সেই জীবনসাধন-ধন প্রেম তাঁহার পক্ষে অনভ্য!

এই সকল চিন্তায় রাণীর হৃদয় ব্যথিত হইতে লাগিল। চিন্তার শেষ নাই, বেদনারও শেষ নাই। বেদনার আবর্তে পড়িয়া কে কবে সহজে উদ্ধার পাইয়াছে? রাণীর নিকট আজ জগৎ মরুময়। তিনি সেই শূন্য শয্যায় লুটাইয়া শূন্য হৃদয়ের পূর্ণ বেদনার বিষম জালা ভোগ করিতে লাগিলেন।

বহুক্ষণ পরে—যেন তাঁহার চিন্তার খরস্রোতে ক্ষণিক বিরাম আসিল। রাণী দেখিলেন, কক্ষ অরুণ-কিরণে প্রফুল্ল। তিনি মুখ তুলিতেই দেখিলেন, সন্মুখে কক্ষ-প্রাচীরে উনার প্রেমসাধনার চিত্র তরুণ দিবসের প্রথম আলোকে উদ্ভাসিত। চারিদিকে প্রজ্জ্বলিত হতাশন—শিরোপরে দীপ্ত সূর্য্য—মধ্যে শিরীষ-কুসুম-কোমলা পর্কতদুহিতা—প্রেমসাধনায় যথা। হৃদয়ের গভীর প্রেম তাঁহাকে এ সাধনার সমর্থ করিয়াছে। আর এরূপ একাগ্র সাধনার সিদ্ধি অদূরবর্তিনী না হইয়া পারে না। রাণী যেন হৃদয়ে নূতন বল পাঠিলেন; প্রেমের সাধনা সহজ নহে। তবে এখনও আশার অবসর আছে!

চতুর্থ পরিচ্ছেদ।

সুখ-স্বপ্ন।

কেন—জীবন না যার ?

গগনে ঘন-ঘটা,

দামিনী আলো ছটা,

বন-ব্রতী-ঘটা

সদীরে শিহরার ;

বন গরজে বন,
 কাপিয়া উঠে বন,
 কেমনে বাধি বন
 এ ঘোর বরিষায় ?
 বিয়হ শেজ'পরে
 নয়নে নীর বরে,
 একেলা আজি ঘরে
 পরাণ তারে চায় ।

সন্ধ্যা উদ্ভীর্ণ হয় হয় । বর্ষণ নাই, কিন্তু আকাশে সজলসজলদল কখন
 ছেমগুণ আবৃত করিয়া—কখন বা চন্দ্রালোক স্নান করিয়া গভীরত করিতেছে ।
 প্রাসাদের উপবন-বেষ্টিত যে অংশে অজয় সিংহের বাস, সেই অংশে অজয় সিংহের
 উপবেশন-কক্ষে কয়টি উজ্জল দীপ আলোক উদ্ভীর্ণ করিয়া কক্ষ আলোকিত
 করিয়াছে । আজ সন্ধ্যার পূর্বে অজয় সিংহ কোন কার্যে বাহিরে
 গিয়াছিলেন—এখনও ফিরেন নাই । রেবার মনে হইতেছিল, সে বড় একা ।
 তাই এ ঘর ও ঘর করিয়া—গৃহসজ্জার নানা দ্রব্য নাড়িয়া চাড়িয়া যুদ্ধিকার
 মালাটি কবরীতে জড়াইয়া ক্রমে সে স্বামীর বসিবার ঘরে আসিয়া উপনীত
 হইয়াছিল ।

সে কক্ষে একখানি মর্ম্মর-রচিত—কারুকার্য-খচিত আসনে অজয় সিংহের
 মস্তাধার বেখনী প্রভৃতি থাকিত । রেবা মধ্য মধ্যে তাহার উপর অজয় সিংহের
 নূতন নূতন রচনা পাইত । অজয়সিংহ কোন নূতন গান রচনা করিলে প্রথমে
 পত্নীকে শুনাইতেন । ঘটনাক্রমে রচনা শেষ হইলে—পত্নীকে শুনাইবার পূর্বে
 তাঁহাকে অন্তত্ন বাইতে হইলে রেবা যখন কক্ষে আসিয়া গান দেখিয়া বাইত, তখন
 স্বামী আসিলে সে প্রথমেই স্মৃতি হইতে সে গানের আবৃত্তি করিয়া শুনাইত ।
 তাহা লইয়া পতিপত্নীতে কত রহস্যলাপ হইত । রেবা বলিত, “তুমি অনাদর করিয়া
 না শুনাইলে আমি কি আর তোমার রচনার কথা জানিতে পারি না ?” অজয়
 সিংহ বলিতেন, “কেহ আদর করিয়া চুরি করিলে আমি আর কি করিব ?”

আজও রেবা সেই আসনোপরি অজয় সিংহের নূতন রচনা—“কেন—
 জীবন না যায় ?” পাইল ।

রেবা কন্বার গানটি পড়িল—তাহার পর ধীরে ধীরে সুরে গাহিবার চেষ্টা
 করিল—হুই একবার চেষ্টার পর সুর মিলিল—কাণে বোধ হইল মিলিয়াছে ।

তখন রেবা গানটি গাহিতে লাগিল । আরম্ভে সুর অতি মৃদু—পাছে কেহ শুনিতে

পার। কিন্তু ক্রমে রেবা কিছু আত্মবিশ্বাস হইয়া পড়িল—আজও ত আকাশে মেঘ—আর আজ এই সন্ধ্যায় তাহার ত বড় একা বোধ হইতেছে। কবিরা কেমন করিয়া মনের চঞ্চল ভাবটিকে ভাবায় চিরস্থায়ী করেন? আত্মবিশ্বাসের সঙ্গে সঙ্গে সঙ্কোচ অন্তর্হিত হইয়া গেল; তাই কণ্ঠস্বরও কিছু উচ্চ—সুস্পষ্ট হইয়া উঠিল; রেবা আসনে দক্ষিণ হস্তের মধ্যমাঙ্গুলি দিয়া আঘাত করিয়া তাল দিতে লাগিল—সঙ্গে সঙ্গে অলঙ্কার-শিঞ্জিতের মধুর ধ্বনি কণ্ঠোদ্ভূত সুধা-মধুর সুরের সঙ্গে মিশিতে লাগিল। মধুরে, মধুরে মিশিল। রেবা আত্মহারা হইয়া স্বামীর সেই গীত গাহিতে লাগিল।

রেবা জানিতে পারে নাই, অজয় সিংহ তাহার পশ্চাদিকে দ্বারে দাঁড়াইয়া ছিলেন। তাঁহার ওষ্ঠধারে মৃদু হাসি নদীর তরঙ্গে রবিকরের মত খেলা করিতেছিল। সৈনিকবেশে রেবার পিতৃগৃহের বিকশিত উপবনে তিনি রেবার কণ্ঠে আপনার গীত শুনিয়া মনে করিয়াছিলেন—গান সার্থক ও তিনি আপনি ধন্য হইলেন। তাহার পর তিনি কত দিন রেবাকে গান গাহিতে অনুরোধ করিয়াছেন। সব সম্বন্ধে রেবা তাঁহার অনুরোধ রক্ষা করিতে পারে নাই; তিনি সেই উপবনে তাহার গানের কথা বলিলে সে লজ্জা পাইত। তাই আজ গান শুনিয়া অজয় সিংহ মনে বিশেষ আনন্দ অনুভব করিতেছিলেন।

গান শেষ করিয়া রেবা আপনার পবন-চঞ্চল ওড়না দিয়া আসনখানি মুছিতে প্রবৃত্ত হইতেছিল;—সে আসন তাহার নিকট দেবতার বেদীর মত পবিত্র।—এমন সময় পশ্চাৎ হইতে কৌতুক-কম্পিত কণ্ঠে অজয় সিংহ বলিলেন—“আজ আমার গান-রচনা সূর্যক হইল।”

রেবা চমকিয়া ফিরিয়া চাহিল। দ্বারপ্রান্তে—অজয় সিংহ; দীপালোকে তাহার দীর্ঘ ছায়া তাঁহার চরণ হইতে কণ্ঠ পর্যন্ত স্ফচ্ছাক্রকারে আবৃত করিয়াছে—কৌতুক-প্রদীপ্ত আননে উজ্জ্বল দীপালোক।

* রেবা লজ্জায় নয়ন নত করিল—তাহার মুখমণ্ডল শোণিতা-রঞ্জিত হইয়া উঠিল—যেন সহসা অবরোধমেঘমুক্ত বালাতপ-করে বিকশিত, আপনার সৌরভে আপনি পরিপূর্ণ গোলাপ আপনার সৌরভ-সুধা, সৌন্দর্য্য-সম্পদ ও মধু-মাধুরী লইয়া ভ্রমরের জন্ত অপেক্ষা করিতেছিল। পত্নীর সেই ব্রীড়াসঙ্কচিত মূর্তি অজয় সিংহের নয়নে অসামান্য-মাধুরীময় বোধ হইল। অজয় সিংহ অগ্রসর হইলেন—পত্নীর নিকটে আসিয়া বসিলেন;—সেই কুসুম-কোমল ওষ্ঠধরে চূষন করিলেন। স্বামীর আদরে রেবার হৃদয় পূর্ণ হইয়া গেল—কুসুমের হৃদয় শিশির-বিশুদ্ধে ভরিয়া উঠে।

সন্ধ্যার সাত্ত অন্ধকার প্রেমিক-প্রেমিকার চিরপ্রিয়—তখন লজ্জারস্তরগ অধুত হইয়া আইসে—কিন্তু হৃদয় তাহা অনুভব করে, আর সঙ্গে সঙ্গে প্রেমের গুলক বে নিবিড়তা লাভ করে, তাহা ভাবার ব্যক্ত করা যায় না। আজ সন্ধ্যার বেবার মনে হইতেছিল—জীবন যেন বিকশিত কুমুমের মাল্য—তাহার স্বলিতদল কুমুম-গুলির অন্ত দুঃখিত না হইয়া মাল্যের ঘন সুগন্ধ সম্ভোগ করাই সুখ। আজ তাহার মনে হইতেছিল—জীবন কি সুখের !

সুখাতিশয্যে বেবা কিছুকণ কথা কহিতে পারিল না। তাহার পর সে জিজ্ঞাসা করিল—“আজ তুমি কোথায় গিয়াছিলে ?”

অজয় সিংহ বলিলেন, “নদীকূলে।”

“কেন ?”

—“রাজা আজ নদীকূলে গিয়াছিলেন। তিনি আমাকে তাঁহার সহিত যাইতে আদেশ করিয়াছিলেন।”

“কি অস্ত ?”

“তাহা এখনও জানিতে পারি নাই। তবে তিনি যেরূপ তর তর করিয়া সেতুটি পরীক্ষা করিলেন, তাহাতে বোধ হয়, সেতু ভাঙ্গিয়া অস্ত কোনরূপ সেতুর নির্মাণ করাইবেন।”

“এ সেতু কি জীর্ণ হইয়াছে ?”

“না। অন্নদিন হইল—বর্ষার অব্যাহিত পূর্বে তাহার বার্ষিক সংস্কার হইয়া গিয়াছে।”

“তবে তাহা ভাঙ্গিবার প্রয়োজন ?”

“সেতু যে ভাঙ্গা হইবে, তাহা আমার অনুমানমাত্র। রাজা এখনও কোন কথা কহেন নাই। সম্ভবতঃ আগামী কল্য বা আর কোন দিন জানিতে পারিব।”

“কিরূপে ?”

“যখন আমাকে সঙ্গে যাইতে বলিয়াছিলেন, তখন উদ্দেশ্যের বিষয়ও বোধ হয় জানাইবেন ; আজ সঙ্গে অনেক লোক ছিল, হয় ত তাই বলেন নাই। মন্ত্রগুণি উদ্দেশ্য-সিদ্ধির প্রধান উপকরণ।”

বেবা জিজ্ঞাসা করিল “নদীর প্রবল জলপ্রোত কি প্রশমিত হইয়াছে ?”

অজয় সিংহ বলিলেন, “হঁ। প্রবলপ্রোত অন্নকাল স্থায়ী হয়। যখন অতিরিক্ত বর্ষণে পর্বতাদি হইতে জলরাশি সহসা নদীতে আসিয়া পড়ে, তখনই

বন্যা আইসে। সে বন্যা অল্পকাল স্থায়ী হয়। তাহার পর নদী আবার উপলে উপলে বেগী বিনাইয়া ধীর মধুর গতিতে বহিয়া যায়। কিন্তু তাহার সেরূপ মধুর গতির এখনও বিলম্ব আছে।”

“নদীর সৌন্দর্য্য তোমার বড় ভাল লাগে।”

“হাঁ। কত রূপ—কত মূর্ত্তি—কি সৌন্দর্য্য! নদী দেখিলে আমার তোমার মনে পড়ে।”

“আমাকে !”

“আজও নদীকূলে দাঁড়াইয়া আমার কেবল তোমাকে মনে পড়িতেছিল, আর উভয়ের সাদৃশ্য দেখিতেছিলাম।”

“সে কি ?”

“সে ভাব আমি ভাষার বন্ধ করিতেছিলাম।”

“দেখি।”

“আমি লিখিয়া দিতেছি।”

অজয় সিংহ লেখনী লইয়া লিখিতে লাগিলেন,— রেবা উদ্‌গ্রীব হইয়া দেখিতে লাগিল :—

‘স্রোতবতি, তুমি মম	জীবন-সঙ্গিনী-সম,—
এই মুখে হাসি রাশি— এই অক্ষর !	
প্রেমের মধুর আলো	এই ত নয়নে আল,
এই অভিমান-গ্লান আনন তোমার !	
এই কুজ প্রবাহিনী,	এই কুল-বিপ্লাবিনী,
• এই মুখ হাসিমাধা— এই আঁখিজল !	
এই ক্ষীণ স্রোতবতী,	এই তীব্র-বেগবতী
• সাগরে ছুটিয়া চল করি' কল কল !	
এই আসি বেলা'গরে	লুটি' গড় প্রেমভরে,
এই টুটি' বেলা পুন বহি' চলি বাও !	
এই সঙ্কুচিত্তা হেম	লাজে জড়সড় বেম
এই বিজয়ীর মত পরবে তাকাও !	
এই রবি-আলো মিরে	উজলিতে চাহ হিরে
হৃদয়ে ছড়াও এই নিবিড় আঁধার !	
তাই বলি নদী মম	জীবন-সঙ্গিনী-সম—
এক ভাবে গড়া হৃদি চঞ্চল দোহার।	

রেবা বলিল, “আমাদের তোমরা কেবল চঞ্চল দেখে ?”

অজয় সিংহ বলিলেন, “মেখ বাহা মিথিয়াছি—সত্য কি না ।”

“কেন ?”

“এই মেখ, দেখিতে দেখিতে তোমার মুখ অভিমানে অন্ধকার হইয়া উঠিল ।”

রেবার মুখের সে অন্ধকার কাটিয়া গেল—তাহার ওষ্ঠাধরে মুহূ হাসি ফুটিয়া উঠিল—যেন ভিমিরাবগুণ্ঠিত উপত্যকা রবিকরে সমুজ্জল হইয়া উঠিল ।

অজয় সিংহ সাদরে পত্নীর মুখ-চুসন করিয়া বলিলেন, “চঞ্চলে কি সৌন্দর্যের অভাব ? সাগরের গাভীর্য্যে যেমন সৌন্দর্য্য বর্তমান—নদীর চাঞ্চল্যে তেমনই সৌন্দর্য্য সপ্রকাশ ; ইহাতে অভিমান কেন, রেবা ?”

রেবা মধুর হাসি হাসিল ।—যেন বসন্তের প্রথম প্রভাতে—তরুণ অরুণ-কিরণে সুকলিত উপবন বিকশিত হইয়া উঠিল ।

অজয় সিংহ অনিমেষ নয়নে সেই সৌন্দর্য্য দেখিতে লাগিলেন ।

ক্ষুদ্র ।

কণা কণা জলে বিশাল সিদ্ধ

কণা কণা ধূলি গিরি ;

কণে কণে কাল বর্ষ ও যুগ,

অসীমেতে বায় ফিরি ;

ফুলিঙ্গের কণা-সমষ্টি

বহ্নি ভীষণ মূর্তি ,

শৈশব হ’তে শিক্কা যতোক

জ্ঞান হ’য়ে পায় ক্ষুর্তি ;

এক এক করি’ শত পরিমাণ

অসীম অনেক বহৎ,—

ক্ষুদ্র ত’ কতু নহেক তুচ্ছ

ক্ষুদ্র হ’তেই বৃহৎ ।

শ্রীবসন্তকুমার চট্টোপাধ্যায় ।

প্রাচীন ভারতে আৰ্য্য ও অনাৰ্য্য- সভ্যতার কেন্দ্রস্থল।

(অযোধ্যা—কিষ্কিন্ধ্যা—লঙ্কা ।)

রামায়ণ ভারতীয় আৰ্য্য ও অনাৰ্য্য সভ্যতার বিরাট্ মানদণ্ড। আৰ্য্য সভ্যতার কেন্দ্রভূমি অযোধ্যা; অনাৰ্য্য সভ্যতার কেন্দ্রস্থল কিষ্কিন্ধ্যা ও লঙ্কা। প্রাচীন আৰ্য্য-সভ্যতার কেন্দ্রভূমি অযোধ্যা হইতে সেই সুদূর প্রাচীনতম যুগে যে জ্ঞান-গরিমা বিকীর্ণ হইয়াছিল, তাহার প্রভাবে আজও ভারতবর্ষ জগতের জ্ঞান-গুরুরূপে পূজিত হইতেছে।

যে অযোধ্যা এক দিন সভ্যতা ও জ্ঞান-গরিমার কেন্দ্রভূমি বলিয়া পরিচিত ছিল, সেই আদি-সভ্যতার লীলা-নিকেতন অযোধ্যা কিরূপ সম্পদশালী ছিল, মহাকবি বাণ্মীকি তাহা তাঁহার অমর তুলিকায় চিত্রিত করিয়া গিয়াছেন। আমরা সৰ্ব্বাগ্রে সেই চিত্র উদ্ঘাটিত করিয়া আমাদের সেই অতীত বিভব মানস-নেত্রে প্রত্যক্ষ করিতে চেষ্টা করিব।

মহাকবি বাণ্মীকি অযোধ্যার যে বর্ণনা প্রদান করিয়াছেন, তাহা এইরূপ :—

“কোশলো নাম মুদিতঃ কীতো জনপদো মহান্ ।

নিবিষ্টঃ সরযুতীরে প্রভূতধনধান্তবান্ ॥ ৫

অযোধ্যা নাম নগরী তত্রাসীল্লোকবিক্রতা ।

বস্তুবু মানবেন্দ্রেণ বা পুরী নির্মিতা স্বয়ম্ ॥ ৬

আরতা দশ চ শ্বেচ যোজনানি মহাপুরী ।

ক্রীমতী ক্রীণি বিস্তীর্ণা সুবিতস্তমহাপথা ॥ ৭

রাজবার্গেণ মহতা সুবিতস্তেন শোভিতা ।

মুক্তপুস্পাবকীর্ণেন জলসিক্তেননিত্যশঃ ॥ ৮

তাং তু রাজা দশরথো মহারাষ্ট্রবিবর্ধনঃ ।

পুরীমাবাসন্নামাস দিবি দেবপতিবর্ধা ॥ ৯

কপাটতোরণবতীং সুবিতস্তান্তরাপণাম্ ।

সৰ্ব্বযজ্ঞানুধবতীমুবিতাং সৰ্ব্বশিম্বিতিঃ ॥ ১০

হৃতমাগধসম্বাধাং ক্রীমতীমতুলপ্রভাম্ ।

উচ্চাটালম্বজবতীং শতশীশতসমুলাম্ ॥ ১১

বধূনাটকসটম্বেশ্চ সংযুক্তাং সৰ্বতঃ পুরীম্ ।
 উদ্ভানান্নবনোগেতাং মহতীং শালবেধনাম্ ॥ ১২
 হুর্গপত্তীরগরিখাং হুর্গামন্তৈহুর্গাসনাম্ ।
 বাজিবারণসম্পূর্ণাং গোভিক্রুইঃ ধরৈবস্তথা ॥ ১৩
 সামন্তরাজসটম্বেশ্চ বলিকর্ষভিরাবৃত্তাম্ ।
 বানাদেশনিবাসৈশ্চ বণিগ্ভিক্রুগশোভিতাম্ ॥ ১৪
 প্রাসাদৈ রত্নবিক্রুতৈঃ পৰ্বতৈরিব শোভিতাম্ ।
 কূটাপটৈশ্চ সম্পূর্ণানিল্পস্তেবামরাবতীম্ ॥ ১৫
 চিত্রামষ্ট্রাগদাকারাং বরনারীগণাধৃতাম্ ।
 সৰ্ব্বরত্নসমাকীর্ণাং বিমানগৃহশোভিতাম্ ॥ ১৬
 গৃহপাটামবিচ্ছিন্নাং সবভূমৌ নিবেশিতাম্ ।
 শালিতগুলসম্পূর্ণানিক্রুকাওরসোদকাম্ ॥ ১৭
 হুঙ্কুভীভিন্ন দৈক্রুশ্চ বীণাভিঃ পণবৈবস্তথা ।
 নাদিতাং ভূশমত্যাং পৃথিব্যাং তামনুস্তনাম্ ॥ ১৮
 বিমানরিব সিদ্ধানাং তপসাধিগতং দিবি ।
 স্ননিবেশিতবেশ্যাস্তাং নরোত্তমসমাবৃত্তাম্ ॥ ১৯ *

(আদি—৫ম সর্গ)

* উক্ত অংশের সংক্ষিপ্ত অনুবাদ প্রদত্ত হইল—

“কামল দেশে সরযুতীরে অযোধ্যা নগরী অবস্থিত । সেই নগরী বহু সুবিশিষ্ট রাজ-
 পথে সুশোভিত । রাজপথগুলি সর্বদা সলিলসিক্ত ও প্রস্ফুটিত পুষ্পে বিকীর্ণ । এই
 সুবৃক্ষ নগরী দ্বাদশ বোজন দীর্ঘ ও ত্রিনোজন বিস্তৃত এবং বহু তোরণ ও কপাট-সমবিত্ত । রাজ-
 পথগুলির উভয় পার্শ্ব গণ্য-পরিপূর্ণ আপগশ্রেণীতে পরিশোভিত । স্থানে স্থানে বস্ত্র ও
 অস্ত্রসমূহ শোভিত । কোন স্থলে শিল্পিগণের বাসস্থান । উন্নত-প্রাকার-শীর্ষে ধ্বজাবলি
 বাহুবোপে উড়তী হইতেছে ; প্রাকারের উন্নত স্থানে শত শত শতর্পি (কামান) স্থাপিত ।
 নগরের স্থানে স্থানে উদ্ভান ও আশ্রয়কানন—তাহার চতুর্দিকে সুবিশিষ্ট শালবৃক্ষশ্রেণী
 শোভিত । স্থানে স্থানে বধুদিগের নাট্যশালা । নগর চতুর্দিকে পত্তীর-জল-পরিপূর্ণ-হুর্গ-
 পরিখা-বেষ্টিত স্তম্ভাং হুর্গম এবং শক্ররক্ষিত ।

“নগরীর কোন স্থানে হস্তী, অশ্ব, উষ্ট্র, গো, গর্দভ, প্রভৃতি রক্ষিত হইয়াছে । কোন
 স্থানে সামন্ত রাজগণের বাসভবন । কোন স্থানে বিভিন্নদেশবাসী বণিকসম্প্রদায় বাস
 করিতেছেন । কোথাও রত্ন-প্রাসাদসমূহ অত্যাচ্চ পৰ্ব্বতের স্তার শোভা পাইতেছে ।
 কোথাও সূত ও বাপধগণ বাস করিতেছে । কোথাও বা বিহারার্থ গুপ্তগৃহ ও সপ্তভল
 গৃহসমূহ অবস্থিত ।

“নগরী পর্বাণ্ড পরিখাণে ধনধান্য-পরিপূর্ণিতা এবং ইন্দুরসতুল্য সুবাহুপানীর-জল-
 পানিনী । চতুর্দিকে হুঙ্কুভি, মুদ্র, বীণা ও পণব-সমূহ ধনিত হইতেছে । ইত্যাদি

এই অমরাবতীতুল্যা অযোধ্যাই প্রাচীন ভারতীয় সভ্যতার কেন্দ্রভূমি ।

মহাকবির এই বর্ণনা হইতে প্রাচীন ভারতীয় সভ্যতার স্বরূপ অমুভূত হইবে। প্রাচীন ভারতের সেই বিশাল রাজধানীর দৈর্ঘ্য ৯৬ মাইল ও প্রস্থ ২৪ মাইল ছিল। * ইহার পরিমাণফল বর্তমান সময়ের একটি বৃহৎ জিলার সমান। এই রাজধানী দুর্গম দুর্গ ও জলপূর্ণ সুগভীর পরিখা-বেষ্টিত ছিল।

অযোধ্যার কতখানি স্থান প্রাচীর ও পরিখা দ্বারা বেষ্টিত ছিল, রামায়ণের উপযুক্ত বর্ণনা হইতে তাহা নিশ্চিত অবগত হওয়া যায় না।

আদিকাণ্ডের ৬ষ্ঠ সর্গের—

“স। যোজনে হে চ ভূয়ঃ সত্যনামা প্রকাশতে ।”

—শ্লোক হইতে দুই যোজন পরিমাণ স্থানই প্রকৃত অযোধ্যা বলিয়া পরিচিত ছিল, ইহা অবগত হওয়া যায়। এই দুই যোজন স্থানই সম্ভবতঃ দুর্গম পরিখায় ও প্রাচীরে পরিবেষ্টিত ছিল।

এই প্রাচীর কি উপকরণে নির্মিত ছিল, রামায়ণে তাহার উল্লেখ নাই। তৎকালে প্রস্তরের ও ইষ্টকের প্রচুর ব্যবহার ছিল, তাহা উপযুক্ত বর্ণনা হইতেও জানা যায় ; সুতরাং ঐ দুই সামগ্রীর সমন্বয়ে বা ইহার কোন একটির দ্বারা যে এই সুদৃঢ় দুর্গপ্রাচীর নির্মিত ছিল ; তাহা অনুমান করা যাইতে পারে। †

* মুসলমান ঐতিহাসিক আবুল ফজল তাঁহার সুপ্রসিদ্ধ গ্রন্থ ‘আইন-ই’ আকবরিতে অযোধ্যার প্রাচীন রাজধানী সম্বন্ধে যাহা লিখিয়াছেন, তাঁহার ইংরাজি অনুবাদ নিম্নে উদ্ধৃত হইল—

“In ancient times this city is said to have measured 148 coss in length and 36 coss^o in breadth. Upon shifting the earth which is round this City small grains of gold are sometimes found in it. The town is esteemed one of the most sacred places in antiquity.”—H. Blockman.

† ঐতিহাসিক হইলার তাঁহার History of India (Ramayana) গ্রন্থে অযোধ্যার প্রাচীর সম্বন্ধে লিখিয়াছেন—“His (Dasarath’s) palace was magnificent and resplendent, but in describing the walls the Brahmanical bard has indulged in a simile which furnishes a glimpse of the reality. They were so tall that the birds could not fly over them and so strong that no beast could force its way through them. From this it is evident that the walls could not have been made of brick or stone ; for in that case the

এই প্রাচীরের উর্ধ্ব দেশে স্থানে স্থানে শতরী অস্ত্র সমূহ (কামান) • স্থাপিত থাকিত । দুর্গরক্ষার্থ আধুনিক কালেও এইরূপ প্রণালীতে কামান বন্দিত হইয়া থাকে ।

রাজধানী “কবাট ও তোয়গবতী” ছিল । রাজধানীর কয়টি বহির্দ্বার ছিল, তাহার উল্লেখ রামায়ণে নাই । গ্রন্থের বিভিন্ন স্থানের বর্ণনা হইতে নগরের চারিদিকে চারিটি দ্বার ছিল বলিয়াই অনুমান করা যায় । দ্বারগুলি বিশেষ বিশেষ নামে পরিচিত ছিল । পশ্চিমের “বৈজয়ন্ত দ্বার”-পথে ভরত রাজগৃহ হইতে আসিয়া নগরে প্রবেশ করিয়াছিলেন ;—

attempt of a beast to force his way through them would never have entered the mind of the bard. In all probability the palace was surrounded by a hedge which was sufficiently strong to keep out wild beasts or stray cattle.”—অর্থাৎ “দশরথের রাজপ্রাসাদ সমৃদ্ধিশালী ছিল, কিন্তু পুরীর প্রাচীর বর্ণনার কবি বাহা প্রকাশ করিয়াছেন, তাহা হইতে প্রকৃত সত্যের আভাস প্রাপ্ত হওয়া যায় । (কবি লিখিয়াছেন) “প্রাচীরগুলি এত উচ্চ ছিল যে, পক্ষী তাহার উপর দিয়া উড়িয়া বাইতে পারিত না, এবং এত দৃঢ় ছিল যে, কোন পশুই তাহার ভিতর দিয়া পথ করিয়া বাইতে পারিত না।” কবির এই উক্তি হইতে ইহাই প্রকাশ পায় যে, অবোধ্যার এই প্রাচীর কখনই ইষ্টক কিম্বা প্রস্তরের নির্মিত ছিল না । যদি তাহা হইত, তবে পশু ভাঙ্গিয়া পথ করিয়া বাইবার অলীক কল্পনা কখনই কবির মনে প্রবেশ করিত না । বাহা হউক, সম্ভবতঃ অবোধ্যার রাজপ্রাসাদ বংশবৃতি-বেষ্টিত ছিল—অবশ্য খুব মজবুত বেড়া ছিল—তাহা ভাঙ্গিয়া কোন প্রকারের পশুই রাজবাড়ীতে প্রবেশ করিতে পারিত না ।

হইলারের রামায়ণ-জ্ঞান ভ্রান্তিসমূহ ; সুতরাং তাঁহার সিদ্ধান্ত নিতান্ত অপ্রকৃত । তিনি স্বয়ং সংস্কৃত জানিতেন না । অবিদ্যাক্ষর যোব নামক জনৈক ব্যক্তির নিকট রামায়ণ ও মহাভারত শ্রবণ করিয়া উক্ত গ্রন্থের সম্বন্ধে আলোচনা করিয়াছেন । তিনি যে কল্পিত রামায়ণ হইতে এই সকল উদ্ভট তত্ত্ব বাহির করিয়াছেন, আমরা তাহা বুঝিতে পারিলাম না । প্রাচীর এত উচ্চ ছিল যে, পক্ষী তাহার উপর দিয়া উড়িতে পারিত না, এত দৃঢ় ছিল যে, বস্ত পশু ভাঙ্গিয়া পথ করিয়া বাইতে পারিত না । এই সকল উদ্ভট তত্ত্ব আমরা মহাকবির বর্ণনার দেখিতে পাইতেছি না । আর্য্য রামায়ণে প্রাচীরের উল্লেখই অতি অস্পষ্টভাবে প্রদত্ত হইয়াছে । “উচ্চাটালক্ষ্যবতীং শতরীশতসমুলায় ।” এই শ্লোক হইতে রামায়ণের জীকাকার রামায়ণ প্রকারের অস্তিত্ব অনুভব করিয়াছেন । এতদ্ব্যতীত রামায়ণের আর কোন স্থানে অবোধ্যার প্রকারের উল্লেখ নাই । দুর্গ-পরিধার উল্লেখে লিখিত আছে “দুর্গপত্তীরপরিধাং দুর্গাশৈলৈর্দুর্গাসদায় ।”

* শতরী—বাহাদারা শত সংখ্যক জীব একেবারে নিহত বা আহত হইলে এইরূপ অস্ত্র । ইহা আধুনিক কামান না হইলেও কোনরূপ বৈজ্ঞানিক প্রণালীসম্বন্ধে কামান জাতীয় বুদ্ধি ইহাতে সন্দেহ নাই ।

“দ্বারেন বৈজয়ন্তেন প্রবিশাচ্ছাস্ত্রবাহনঃ ।”

নগরী প্রশস্ত রাজপথে সুবিভক্ত ছিল। এই রাজপথগুলি প্রতিদিন জল-ধারায় সিক্ত ও পুষ্পগন্ধে আমোদিত থাকিত। সময় সময় ধূপ, চন্দন এবং অশুভ-গন্ধেও রাজপথগুলি আমোদিত করা হইত। এইরূপ ব্যবস্থা বোধ হয় দুর্গক-নাশের জন্তই হইত। বিশেষ উৎসব উপলক্ষে রাজপথসমূহে দীপবৃক্ষ প্রোথিত করিয়া তাহাতে আলোক প্রদান করিয়া রাজধানীকে আলোকমালায় উদ্ভাসিত করা হইত। রামাভিষেকের উৎসব-দিনে রাজপথে এইরূপ আলোক প্রদানের ব্যবস্থা হইয়াছিল।

প্রকাশীকরণার্থে নিশাগমন-শঙ্কয়া ।

দীপবৃক্ষাং স্তথা চক্রুরনুরথ্যাসু সর্ষশঃ ॥ ১৮

(অযোধ্যা ; ৬ সর্গ ।)

রাজপথের উভয় পার্শ্বে পণ্যবীথিকা। ঐ সকল পণ্যবীথিকায় নিচ্ছিত্র মুক্তা, উক্তম ফটিক, পট্ট বস্ত্র, কোষের বস্ত্র ইত্যাদি শোভা পাইত। (অযোধ্যা—১৭ সর্গ)

রাজধানীতে বিভিন্ন স্থানের ক্ষুদ্র ক্ষুদ্র সামন্ত রাজগণের অস্থায়ী বাসভবন ছিল। এরূপ ব্যবস্থা বর্তমান সময়েও প্রত্যেক সভ্য দেশেই অনুষ্ঠিত হইতেছে। সামন্ত রাজগণ যে সকলেই অযোধ্যায় বাস করিতেন, তাহা নহে। তাঁহাদের বাস-ভবনে প্রতিনিধিগণ থাকিয়া রাজধানীর প্রত্যাহিক বিবরণ স্ব স্ব প্রভুদিগকে জানাইতেন।

রাজধানীর এক দিকে উদ্যান। উদ্যানে গুপ্ত গৃহ ও বধু-নাট্যশালা ছিল। নাট্যশালায় নাটকান্ধিনয় হইত, ইহা বলাই বাহুল্য।

রাজধানীর ইহাই সাধারণ বর্ণনা। ইহার পর ব্যক্তিবিশেষের পৃথক পৃথক আবাসবলীরও পুঙ্খানুপুঙ্খ বর্ণনা এবং চিত্র রামায়ণে প্রদত্ত হইয়াছে। তাহার দ্বারাও প্রাচীন রাজধানীর সভ্যতা-সম্পদ প্রকটিত হইবে। আমরা পাঠকগণকে লইয়া ক্রমে রাজধানীর সেই সকল বিচিত্র গৃহ ও কক্ষসমূহের চিত্র প্রত্যক্ষ করিব।

ঐ যে ঐদূরে শরৎকালীন নিবিড়-মেঘ-সদৃশ এবং কৈলাস-শৃঙ্গোপম প্রাসাদ-শিখর দেখা বাইতেছে, ইহাই অযোধ্যার রাজ-ভবন।

“তৎ পৃথিব্যা গৃহবরং মহেন্দ্রসদনোপমম্ ।”

এই ইন্দ্রপুরীতুল্য রাজভবন অষ্টাধিক বৃহৎ খণ্ডে বা কক্ষে বিভক্ত। প্রথম

কক্ষে লতাগৃহ । রাজগৃহে প্রবেশ করিতেই সুবিশাল দ্বার । এই দ্বার "রাজদ্বার" নামে পরিচিত । রাজদ্বার সশস্ত্র দ্বারপালগণ কর্তৃক সুরক্ষিত । এই রাজদ্বার এত বিশাল যে, ইহার মধ্য দিয়া আরোহিনসহ সুবৃহৎ হস্তী ও রথ অনায়াসে গমনাগমন করিত ।

প্রথম কক্ষের পর দ্বিতীয় কক্ষ । এই কক্ষ বজ্রশালা । রাজ্যাভিষেক-দিনে এই দ্বিতীয় কক্ষে জন-সাধারণ সমবেত হইয়া অভিষেক-ক্রিয়ার প্রতীক্ষা করিতেন । এই কক্ষ পর্য্যন্ত অন্তঃপুর-চারিকাগণ আগমন করিতে পারিতেন ।*

অতঃপর তৃতীয় কক্ষ বা মহল । তৃতীয় কক্ষ পর্য্যন্ত অশ্ব-সংযোজিত রথ গমনাগমন করিবার ব্যবস্থা ছিল । এই সকল কক্ষের দ্বারগুলি ধাতুনিগণ কর্তৃক সুরক্ষিত থাকিত । রামের রথ তৃতীয় কক্ষে যাইয়া পহুছিলে রাম রথ হইতে অবতরণ করিয়া ৪র্থ ও ৫ম কক্ষ পদব্রজে অতিক্রম করতঃ শুকাস্তঃপুরে প্রবেশ করিলেন । পঞ্চম কক্ষ পর্য্যন্ত তাঁহার অনুচরগণ তাঁহার অনুসরণ করিয়াছিল ।

শুকাস্তঃপুরে রাজমহিষীগণ বাস করিতেন । এই শুকাস্তঃপুরে রাজ অনুচর ও কিষ্করগণের প্রবেশাধিকার ছিল না । তথায় নপুংসক ও ধাতুগণ কার্য্য করিত ।
(অযোধ্যা—৫৬সর্গ)

শুকাস্তঃপুরও বহু কক্ষে বিভক্ত ছিল । এই বহু কক্ষमध्ये আপাততঃ দুই শ্রেষ্ঠা মহিষীর দুইটি কক্ষের উল্লেখ রামায়ণে প্রাপ্ত হওয়া যায় ।

রাজা দশরথ রামাভিষেকের প্রিয় সংবাদ প্রিয়তমা পত্নীদিগের নিকটে জ্ঞাপন করিতে অন্তঃপুরে যাইতেছেন ।

এই অন্তঃপুর মধ্যমা মহিষী কৈকেয়ীর ।

ইহা লতাচিত্রিত মনোহর গৃহ, অশোক ও চন্দন-বৃক্ষ-শোভিত ; স্বর্ণ ও গজদন্ত নির্মিত বেদী শোভিত । অদূরে ক্রৌঞ্চ ও হংসবরে প্রীতিধ্বনিত সরোবর । স্থানে স্থানে স্বর্ণ ও গজদন্তের আসন । বিবিধ ফল-পুষ্প-সম্বলিত শুক-ময়ূর-কুচিত অটবিশ্রেণী † ইহাই ভরত-জননী কৈকেয়ীর অন্তঃপুর ।

* রামের বনগমনের সময় মহিলাগণ ১ম কক্ষ পর্য্যন্ত আগমন করিয়াছিলেন ।

† লতাগৃহৈশ্চিত্রিতগৃহৈশ্চন্দ্রশ্যাকাশোক শোভিতৈঃ ।

দান্তরাজতসৌবর্ণবেদিকাভিঃ সমাবৃতম্ ॥ ১৩

নিভ্যপুষ্পকলৈবৃ কৈবর্ণীভিরুগশোভিতম্ ।

দান্তরাজত সৌবর্ণৈঃ সংবৃতং পরমাসনৈঃ । ১৪

এই অস্তঃপুরের গৃহ-চূড়ার উঠিয়াই মহারা উৎসবময়ী নগরীর নিচিহ্ন দৃশ্য দেখিয়া রামাভিষেকের সংবাদ অবগত হইয়াছিল। সুতরাং এই অস্তঃপুরের শোখাবলী যে দ্বিতল, ত্রিতল বা সপ্ততল ছিল ইহা অনুমান করা যাইতে পারে।*

কৈকেয়ীর অস্তঃপুরের পরেই অশ্রান্ত মহিলাগণের বাস-মহল। এই মহলে বোধ হয় দশরথের কোন কোন স্ত্রী বাস করিতেন। এই কক্ষের বিশেষ উল্লেখ রামায়ণে দেখিতে পাওয়া যায় না। অতঃপর অষ্টম কক্ষ। এই অষ্টম কক্ষে রাম-জননী কৌশল্যা বাস করিতেন। সুমন্ত্র রামকে বনে রাখিয়া আসিয়া এই প্রকোষ্ঠে রাজা দশরথকে দেখিতে পাইয়াছিলেন।

“স প্রবিশ্চাষ্টমীং কক্ষ্যাং রাজানং দীনমাতুরম্ ।

পুত্রশোকপরিদূনঃ পশ্চাৎপাত্তুরে গৃহে ॥” ২।৫৭।২৪ ।

এই অষ্টম কক্ষের দ্বার বৃদ্ধ-মহিলাগণ কর্তৃক রক্ষিত হইত। রাম বন-গমনে কৃতসঙ্কল্প হইয়া যখন জননীর সহিত সাক্ষাৎ করিতে আসিলেন, তখন দ্বাররক্ষী বালিকা ও বৃদ্ধাগণ যাইয়া কৌশল্যাকে রামের আগমনবার্তা জ্ঞাপন করিল।

এই অস্তঃপুরে যুবতী কৈকেয়ীর অস্তঃপুরের স্থায় বিচিত্র লতা-পুষ্পে চিত্রিত গৃহাদি ছিল কি না তাহার উল্লেখ রামায়ণে দেখিতে পাওয়া যায় না। এ স্থানে কয়েকটি অতিরিক্ত গৃহ ও দেব-গৃহ ছিল।

এই প্রকোষ্ঠের গৃহগুলিও দ্বিতল, ত্রিতল বা ততোধিক উচ্চতল-বিশিষ্ট ছিল। এই প্রকোষ্ঠ-প্রাসাদোপরিহিতা রামধাত্রীর নিকট হইতেই মহারা রামাভিষেক-বার্তা প্রাপ্ত হইয়াছিল। সুতরাং, কৈকেয়ীর ও কৌশল্যার প্রকোষ্ঠদ্বয় যে পাশাপাশি ছিল তাহা অনুমান করা যাইতে পারে।

অষ্টম প্রকোষ্ঠেই যে অস্তঃপুর শেষ হইয়াছে, এরূপ মনে করা যায় না। রাজা দশরথের তিন শত পঞ্চাশ জন পত্নী ছিলেন। এই সাড়ে তিনশত পত্নীর প্রত্যেকের দুই একটি করিয়া পরিচারিকাও ছিল। তাঁহাদের প্রত্যেকের পৃথক্ পৃথক্ প্রকোষ্ঠ না হইলেও পৃথক্ পৃথক্ গৃহ ছিল। সুতরাং এই রাজঅস্তঃপুরে যে একটি সুবিশাল অস্তঃপুর ছিল তাহা বলাই বাহুল্য।

রাম-প্রাসাদ ও রাজ-অস্তঃপুর ব্যতীত রাজকুমারদিগেরও পৃথক্ পৃথক্ ভবন ছিল। রামায়ণে রামভবনের উল্লেখ ও বর্ণনা আছে।

* অযোধ্যার সপ্ততল গৃহ ছিল, তাহা রাজধানীর বর্ণনার অবগত হওয়া যায়। সুতরাং তাহা রাজঅস্তঃপুরে ছিল, ইহা অনুমান করা যাইতেছে।

ই বে অশ্বরে—

মহাকপাটপিহিতং বিতর্কিতশোভিতম্ ।
 কাকনপ্রতিবৈকাণ্ডং মনিবিক্রমতোরণম্ ॥ ৩১
 শারদাভ্রবনপ্রখ্যং দীপ্তং মেকুণ্ডহাসনম্ ।
 মনিতিব রমাগ্যানাং সুবহুত্তিরলকৃতম্ ॥ ৩২
 মুক্তাবণিতিকারীর্ণং চন্দমাগুরুভূবিতম্ ।
 গন্ধানু মনোজ্ঞান বিন্দুজদার্দু রং শিখরং যথা ॥ ৩৩
 সারসৈশ্চ মনুসৈশ্চ বিনন্দন্তি বিরাভিতম্ ।
 নৃকৃতেহা নৃগাকীর্ণং সূকীর্ণং ভক্তিভি শুখা ॥ ৩৪
 বনশ্চকুশ্চ ভুতানাযাদদন্তিগ্নাতে জসা ।
 চক্রে ভাস্করসঙ্কাশং কুবেরভবনোগবম্ ॥ ৩৫

(অধোধ্যায় ১৫ সর্গ)

ইহাই রাম-ভবন । পাঠক মহা কবির এই বর্ণনা হইতে রাম-ভবনের বিচিত্রতা উপলব্ধি করিতে পারিবেন । রাম-ভবনও শুদ্ধান্তঃপুরসহ চারি-কক্ষ-সম্বিত ছিল ।

ইহাই প্রাচীন আর্য্য ভারতের রাজধানীর চিত্র । এই চিত্র যে অতিশয়-উজ্জ্বল হোয় নহে, একথা আমরা বলিতে পারি না । কবি-বর্ণনার মধ্যেও কান্তবের আভাস কুটিয়া বাহির হইয়া পড়ে ; সমসাময়িক জাতির ও সমাজের আচার, ব্যবহার, রুচি ও সত্যতার চিত্র প্রকটিত হয় । সেই আভাস ও চিত্রই জাতীয় সত্যতার পরিচায়ক । তাহার দ্বারাই জাতীয় সত্যতার পরিমাণ করিতে হইবে ।

(ক্রমশঃ)

শ্রীকেশরনাথ মজুমদার ।

হাসি ও অশ্রু ।

সংসারের চিত্রশালে,
 জীবনের ছবিগুলি,
 হাসি-অশ্রু দিয়ে লিখে—
 অদৃশ্য নিরন্তি-তুলি ।

হাসি দিয়ে লেখা ছবি,
 মুহুর্তে বিলায়ে যায় !
 অশ্রুতে চিত্রিত ছবি,
 চিরতরে দীপ্তাভায় ।
 শ্রীবিভূতিভূষণ মজুমদার ।

আর্য্যাবর্ত



By Courtesy of the DACCA REVIEW.

ডাক্তার জগদীশচন্দ্র বসু

Sreenath Press, Dacca.

ময়মনসিংহ সম্মিলনী।

বঙ্গীয় সাহিত্য সম্মিলনীর নিমন্ত্রণ গ্রহণ করিয়া গত ২৯শে চৈত্র আদি ময়মনসিংহ যাত্রা করি।

রাণাঘাটে পহঁ ছিলামাত্র কাশীমবাজারের মহারাজ মাননীয় মনীষচন্দ্র নন্দী-প্রমুখ প্রতিনিধিবর্গ আমাদের সহিত মিলিত হইলেন। এইরূপে ক্রমে ক্রমে রাজসাহীর প্রতিনিধিগণ আমাদের সহিত মিলিত হইলেন। আরও অনেক প্রতিনিধি মানাস্থান হইতে আসিয়া আমাদের সহযাত্রী হইলেন।

গোয়ালন্দে আমরা ষ্টামারে উঠিলাম। তখন প্রভাত হইয়াছে। এই সকল প্রতিনিধিকে লইয়া পদ্মার বিশাল বন্ধ মথিত করিয়া ষ্টামার গম্বু্য নারায়ণগঞ্জের পথে ছুটিয়া চলিল। পদ্মা একদিকে নানা নদ-নদীর সম্মিলনে যেমন মধুর, অন্য দিকে তেমনই ধ্বংসের মূর্তি রূপে বড় কঠোর। এই পদ্মা অতিক্রম করিতে করিতে, এবং পদ্মার মিলনের নৃত্য ও ধ্বংসের ক্রীড়া অবলোকন করিতে করিতে আমরা অগ্রসর হইতে লাগিলাম। ক্রমে আমরা কীর্তির ধ্বংসকারী পদ্মা যে স্থলে চাঁদরায়ের ও রাজবল্লভের কীর্তিনাশে “কীর্তিনাশা” নাম ধরিয়া অবস্থান করিতেছে তথায় আসিয়া পহঁছিলাম। পদ্মা উভয়েরই সকল কীর্তি ধ্বংস করিয়াছে; কেবল চাঁদরায়ের প্রতিষ্ঠিত মাতৃশ্মশানের স্মৃতি স্তম্ভটি এখনও আপনার কুক্ষিগত করে নাই। পদ্মাতীরে এই প্রাচীন স্মৃতিমন্দিরটি চাঁদরায়ের লুপ্ত গৌরবের ক্ষীণ স্মৃতিরূপে অবস্থান করিয়া পথিকের নিকট কীর্তিনাশার কীর্তিকাহিনী প্রচার করিতেছে। ক্রমে আমরা মেঘনা এবং পদ্মার সম্মিলনক্ষেত্রে—ব্রহ্মপুত্র ও ভাগীরথীর বিশাল সম্মিলন স্থলে আসিয়া পড়িলাম। মেঘদর্শনে, মেঘগর্জনে ব্রহ্মপুত্র ভাগীরথীর সহিত নৃত্য করিতে থাকে বলিয়া এই স্থানে ব্রহ্মপুত্রের নাম “মেঘনাদ।” ক্রমশঃ “মেঘনাদ” শব্দ সংক্ষিপ্ত হইয়া “মেঘনা” নাম ধারণ করিয়াছে। আমরা গত ৩০শে চৈত্র সন্ধ্যা ৭।০ টার সময় ময়মনসিংহ ষ্টেশনে পহঁছিলাম।

ষ্টেশনে মহারাজ কুমুদচন্দ্র সিংহ বাহাছর এবং বহু সহস্র ব্যক্তি ও অপর সাধারণলোক উপস্থিত থাকিয়া সভাপতি ডাক্তার ক্রীষুত জগদীশচন্দ্র বসু মহারাজকে ও অন্যান্য প্রতিনিধিগণকে অভ্যর্থনা করিলেন।

শুভ ১লা বৈশাখের শুভ রবিরশ্মি বরমনসিংহ নগরকে উদ্ভাসিত করিয়া দেখা দিল। আজ নববর্ষের নবীন আনন্দের দিনে কমলা এবং বাণীর বরপুত্রগণের সন্মিলনে বরমনসিংহ বঙ্গের তীর্থক্ষেত্ররূপে পরিণত। এই শুভ দিনে ব্রহ্মপুত্রের কুলে দাড়াইয়া বাদামী বালক, যুবক, প্রৌঢ়, বৃদ্ধ এক-যোগে বাণীচরণে ভক্তিঅর্ঘ্য প্রদান করিতে সন্মিলিত। এ দৃশ্য বড় মধুর লাগিল।

প্রথম দিন বেলা ১১টা হইতে সভামণ্ডপে লোক-সমাগম হইতে লাগিল। বেলা ২টার সময় দেখা গেল, সভাস্থলে আর তিলধারণের স্থান নাই। সভার কর্তৃপক্ষ চিন্তিত হইয়া পড়িলেন,—প্রতিনিধিবর্গের স্থানসঙ্কলান কিরূপে হইবে ভাবিয়া চিন্তিত হইলেন। এদিকে তিনটা বাজিয়া গেল। সভাপতি ডাক্তার জগদীশচন্দ্র বসু, মাননীয় মহারাজ মনীন্দ্রচন্দ্র নন্দী বাহাদুর প্রভৃতি আসিয়া উপস্থিত হইলেন। জিলার ম্যাজিস্ট্রেট বাহাদুর আসিলেন; আর অপেক্ষা করা চলে না, এ দিকে কোথায়ও স্থান নাই, শুধন মহা বিপদ বুঝিয়া কর্তৃপক্ষীয় একজন বেদীস্থলে আসিয়া করজোড়ে বরমনসিংহের অধিবাসীদিগকে আহ্বান করিয়া কার্য্যের গুরুত্ব বুঝাইবার জন্য প্রাণপণ চেষ্টা করিতে লাগিলেন। প্রায় ১০ মিনিট বক্তৃতার পর অনেক লোক তাঁহার সাহায্যার্থ অগ্রসর হইলেন, কিন্তু স্থানসঙ্কলানের কোনও সুবিধা হইল না। যিনি যে স্থানে পাইলেন, বসিয়া পড়িলেন।

বেলা ৩।০ টার সময় সভার কার্য্য আরম্ভ হইল। কার্য্যারম্ভে কবি শ্রীযুক্ত প্রমথনাথ রায় চৌধুরীর রচিত একটি বন্দনা সঙ্গীত গীত হইল।

তৎপরে বিগত ভাগলপুর সন্মিলনীর সভাপতি শ্রীযুক্ত সারদাচরণ মিত্র মহাশয়ের অভিভাষণ তাঁহার অনুপস্থিতি হেতু এবং মাননীয় মহারাজ মনীন্দ্র-চন্দ্র নন্দী বাহাদুরের অনুমতিক্রমে অপর একজন প্রতিনিধি কর্তৃক পাঠিত হইল। সারদা বাবু শারীরিক অনুস্থতানিবন্ধন সভাস্থলে উপস্থিত হইতে না পারিয়া হৃৎ প্রকাশ করিয়াছেন, এবং গত বৎসরের বঙ্গ সাহিত্যের বিবিধ বিষয়ক উন্নতির কথা বলিয়া সাহিত্য পারিষদের নানা বাধা বিয় সত্ত্বেও এ কার্য্যের গুরুত্ব উপলক্ষি করিয়া ইহার জন্য অক্লান্ত পরিশ্রমের কথা প্রকাশ করিয়াছেন।

তৎপরে শ্রীযুক্ত হরগোবিন্দ লস্কর চৌধুরী মহাশয় গীত গোবিন্দের ছন্দে

স্বরচিত একটি সংস্কৃত শ্লোকে সমাগত প্রতিনিধিবর্গকে অভিনন্দন করিলেন । কবিতাটি ভাষার, লাগিত্যে ও অলঙ্কার-মাধুর্য্যে জয়দেবের পদানুসরণসাক্ষ্য প্রমাণ করিয়াছিল । ইহার পর অধ্যর্থনা সমিতির সভাপতি সুসঙ্গাধিপতি মহারাজ কুমুদচন্দ্র সিংহ শর্মা বাহাদুর তাঁহার অভিভাষণ পাঠ করেন । মহারাজ বাহাদুরের জ্ঞানগর্ভ অভিভাষণে সকলেই মুগ্ধ হইয়াছিলেন ।* তিনি বলিলেন—“মহাকবি জয়দেবের মধুর কোমল কান্ত পদাবলী হইতেই যে চিরকোমলতাময়ী সুললিত বঙ্গভাষা ক্রমে উন্মেষিত হইতে আরম্ভ হইয়াছে এবং বিষ্ণুপতি, চণ্ডিদাস, জ্ঞানদাস প্রভৃতি বৈষ্ণব কবিগণের অপরিমিত প্রতিভাধারা যে তাহা ক্রমে পুষ্টলাভ করিয়াছে তাহাতে সন্দেহ নাই । ইতঃপর কৃত্তিবাস, কালীরামদাস, ভারতচন্দ্র, দাশরথী রায়, নিধুবাবু প্রভৃতি কবিগণ এবং রাজা রামমোহন রায়, ঈশ্বরচন্দ্র বিষ্ণুসাগর, মদনমোহন তর্কালঙ্কার, রাজেন্দ্রলাল মিত্র, কালীপ্রসন্ন সিংহ, প্যারীচাঁদ সরকার, অক্ষয় কুমার দত্ত, রঙ্গলাল, ভূদেব মুখোপাধ্যায়, বঙ্কিমচন্দ্র, রমেশচন্দ্র, কালীপ্রসন্ন ঘোষ, হেমচন্দ্র, রজনীকান্ত, নবীনচন্দ্র, অক্ষয়চন্দ্র সরকার, রবীন্দ্রনাথ, চন্দ্রনাথ বসু, বিজ্ঞেন্দ্রনাথ ঠাকুর, জ্যোতিরিন্দ্রনাথ ঠাকুর, দীনেশচন্দ্র সেন প্রভৃতি মহামনসী বঙ্গসন্তানগণের অক্লান্ত পরিশ্রমে এবং প্রতিভাবলে বঙ্গভাষা আজ মোহন-মূর্তীতে আমাদের নয়নপথবর্ত্তিনী হইয়াছেন, এবং তাঁহার এই মূর্ত্তি প্রত্যক্ষ করিয়া জগৎবাসী বিমুগ্ধ হইয়াছে, এবং আমাদের আশা আছে, তিনি অচিরে ভাষাজগতে অতি বরণীয় স্থান অধিকার করিবেন ।” এ কথাই সত্যতা সম্বন্ধে সন্দেহ আছে কি ? মহারাজ বাহাদুর সমাগত ভদ্রমণ্ডলীকে সাদর অধ্যর্থনা জানাইয়া উপসংহারে বলিলেন :—

“বঙ্গসাহিত্যের তরুক্ষেত্রে স্মৃতিতল বারি সেচন-মানসে যে সমস্ত মহাজন সমবেত হইয়াছেন, তাঁহাদের ঐকান্তিক আগ্রহে এবং প্রযত্নে এই তরু শাখা-প্রশাখা বিস্তার করতঃ অচিরে মুকুলিত হউক, এবং তাহা সুদৃশ্য পুষ্পে বিশোভিত এবং সুমধুর ফলভরে অবনত হইয়া তাহার স্নিগ্ধ ছায়া দানে বঙ্গসন্তানকে অগার শান্তি প্রদান করুক ইহাই ভগবানের নিকট প্রার্থনা । বাণীচরণাশ্রিত বাণীপুল্লগণের মনোবাঞ্ছা অবশ্যই পূর্ণ হইবে । কর্তব্য কার্য সম্পাদনে আমাদের অধিকারমাত্র, ফলাফল তাঁহারই হাতে ।”

* এই অভিভাষণ নবপ্রকাশিত ‘ঢাকা রিভিউ ও সন্মিলন’ পত্র প্রকাশিত হইয়াছে ।

মহারাজ বাহাছর উপবেশন করিবার পর মরমনসিংহের ম্যাজিষ্ট্রেট মি: ব্রাকউড্ এই প্রস্তাবের সমর্থন করিয়া বলেন :—সাহিত্য সম্মিলনের এই সুন্দর দৃষ্টে আমি অত্যন্ত সুখী হইরাছি। ভদ্রমহোদয়গণের উপস্থিতিতে ও সাহিত্য আলোচনার অনেক উপকার সাধিত হইবে। আমি আশা করি, আপনারা এ কার্যে সম্পূর্ণ কৃতকার্য হইবেন। আমি সর্বাঙ্গঃকরণে মহারাজকৃত প্রস্তাবে সহায়ত্ব জ্ঞাপন করিতেছি।

তৎপরে মুসজাধিপ মহারাজ কুমুদচন্দ্র সিংহ অনেকগুলি বিশিষ্ট ব্যক্তির সহায়ত্বস্বচক টেলিগ্রাম ও পত্র পাঠ করিলেন এবং পরিশেষে আচার্য্য জগদীশচন্দ্র বসু মহাশয়কে সভাপতির আসন গ্রহণ করিবার প্রস্তাব করিলেন। কাশীমবাজারের মহারাজ মাননীয় মনীন্দ্রচন্দ্র নন্দী বাহাছর এই প্রস্তাব সমর্থন করিলে ডাক্তার জগদীশচন্দ্র বসু মহাশয় সভাপতির আসন গ্রহণ করেন। ইহার পর সভাপতি মহাশয়ের আদেশ লইয়া শ্রীযুক্ত ব্যোমকেশ মুস্তকী মহাশয়, শ্রীযুক্ত জীবেন্দ্র কুমার দত্ত মহাশয়ের রচিত একটি কবিতা পাঠ করেন।

তৎপরে সভাপতি মহাশয় তাঁহার “বিজ্ঞানে সাহিত্য” নামক পতীর গবেষণাপূর্ণ প্রবন্ধ পাঠ করেন।

অতঃপর মরমনসিংহের দুইটি উজ্জল নক্ষত্র স্বর্গীয় চন্দ্রকান্ত ভর্কালঙ্কার ও স্বর্গীয় আনন্দমোহন বসু মহাশয়দের পরলোকগমনে শোক প্রকাশ করিয়া তাঁহাদের স্মৃতিরক্ষার প্রস্তাব গৃহীত হয়। মরমনসিংহবাসী এই দুই বাহাদুর স্মৃতিরক্ষা করিবেন।

ইহার পর ভাগলপুরের শ্রীযুক্ত মনুধনাথ গুপ্ত মহাশয় ভাগলপুর সম্মিলনীর কার্যবিবরণ উপস্থিত করিয়া তাঁহাদের প্রতি যে সকল কার্যভার অর্পিত করা হইরাছিল তাহার সংক্ষিপ্ত বিবরণ প্রকাশ করেন। তাঁহার বিবরণে জানা যায় যে, ভাগলপুর সম্মিলনীর কার্যবিবরণী নানা বাধাবিশ্ন হেতু তাঁহারা মুদ্রিত করিতে না পারার বদান্তপ্রবর মহারাজ মনীন্দ্রচন্দ্র নন্দী বাহাছর, নিজ ব্যয়ে মরমনসিংহ সম্মিলনীর অধিবেশনের দশ দিন মাত্র পূর্বে উহার প্রকাশের ভার লইয়া কার্যবিবরণী প্রকাশিত করিয়া দিয়াছেন। এই অত্যন্ত সময়ের মধ্যে এই সুবহুৎ কার্যবিবরণী প্রকাশ করিয়া দেওয়ার কথা শুনিয়া সভায় সকলে মহারাজ বাহাছরকে আন্তরিক কৃতজ্ঞতা জানাইতে লাগিলেন। ভাগলপুরের উপর আর যেসকল ভার ছিল, তাহা আগামী

আর্যাবর্ত



By Courtesy of the DACCA REVIEW.

মহারাজা কুমুদচন্দ্র সিংহ

Sreenath Press, Dacca.

সন্মিলনে অনেক পরিমাণে সম্পাদিত হইবে বলিয়া বঙ্গবন্ধু আশ্বাস দিলেন।

ইহার পর রাজসাহীর শ্রীবৃক্ষ শশধর রায় মহাশয় রাজসাহী সন্মিলনীতে অর্পিত ভারের আলোচনা করিয়া বলিলেন যে, ভারতীয় ক্রমবিকাশ জানিবার পক্ষে নানা অসুবিধার পড়িয়া তাঁহারা বিলাতে পত্র লিখেন, তদ্বত্তরে তাঁহারা কতকগুলি ফরম পাঠাইয়া দিয়াছেন। সেই অঙ্গসারে কার্য চলিতেছে। শ্রীবৃক্ষ পঞ্চানন নিয়োগী মহাশয় মৌলিক গবেষণার নিবৃক্ত আছেন। কুমার শ্রীবৃক্ষ শরৎকুমার রায়, শ্রীবৃক্ষ অক্ষয়কুমার মৈত্রের এবং শ্রীবৃক্ষ রমাশ্রুত চন্দ মহাশয়গণ ইতিহাসে ও পুরাতত্ত্বে মৌলিক গবেষণা করিতেছেন। আরও কার্য আগামী বর্ষে অনেক দূর অগ্রসর হইবে।

ইহার পর শ্রীবৃক্ষ ব্যোমকেশ মুস্তফী মহাশয় তৃতীয় অধিবেশনে প্রস্তাবিত রমেশচন্দ্র সারস্বত ভবনের কথা উল্লেখ করিয়া বরোদার গায়কবাড়ের অভিজ্ঞাবক গ্রহণ ও মহারাজ মনীন্দ্রচন্দ্র নন্দীর এই ভবন নির্মাণের উপযোগী ভূমিদানের কথা জানাইয়া ময়মনসিংহবাসীকে ইহার সাহায্য করিতে অনুরোধ করেন এবং তৎপরে বিশ্ববিদ্যালয়ের বাদলা পাঠ্য পুস্তকের তালিকা প্রস্তুত সম্বন্ধে নানা কথা বলেন।

ইহার পর মাননীয় মহারাজ মনীন্দ্রচন্দ্র নন্দী বাহাদুর ভাগলপুর সন্মিলনে প্রস্তাবিত সন্মিলনীর নিয়মাবলীর পাণ্ডুলিপি উপস্থিত করিয়া ইহার প্রয়োজনীয়তা অতি স্পষ্টরূপে বুঝাইয়া দেন। বরিশালের শ্রীবৃক্ষ দেবকুমার রায় চৌধুরী মহাশয় এই নিয়মের পাণ্ডুলিপি সমর্থন করিলে তাহা সত্য কর্তৃক গৃহীত হয়।* তৎপরে বিষয় নির্বাচন সমিতির গঠন হইল, এবং শ্রীবৃক্ষ বিজয়াকান্ত লাহিড়ী চৌধুরী মহাশয়ের রচিত একটি গীত গীত হইলে প্রথম দিনের কার্য শেষ হইল।

দ্বিতীয় দিন পূর্বাঙ্ক ৭—৪৫ মিনিটের সময় সভার কার্য আরম্ভ হয়। এই দিন কলিকাতা হইতে শ্রীবৃক্ষ রাখালদাস বন্দ্যোপাধ্যায়প্রমুখ কয়েকজন প্রতিনিধি আসিয়া উপস্থিত হইলেন।

শ্রীবৃক্ষ পঞ্চানন বন্দ্যোপাধ্যায় মহাশয় সংস্কৃতে বঙ্গলাচরণ পাঠ করেন, এবং সভাপতি মহাশয় কতকগুলি সহায়ত্বচিহ্নচক টেলিগ্রাম প্রাপ্তির কথা প্রকাশ করেন। পরে সভাপতি মহাশয়ের আদেশে শ্রীবৃক্ষ

ব্যোমকেশ মুখার্জী মহাশয় অত্যন্ত অধিবেশনে গৃহীত প্রস্তাবগুলির কার্য—যথা বাঙ্গালার বাসবতন্ত্র সংগ্রহ, বাঙ্গালার ভাষাতত্ত্ব প্রভৃতি,—করিবার জন্য ময়মনসিংহবাসীকে অহুরোধ করেন। এই সময় ময়মনসিংহের প্রতিনিধি এবং শিল্প প্রদর্শনীর সম্পাদক শ্রীযুক্ত অক্ষয়চন্দ্র মজুমদার মহাশয় কতকগুলি আগন্তি উত্থাপন করেন।

ইহার পর শ্রীযুক্ত হরগোবিন্দ লঙ্কর চৌধুরী মহাশয় দরিদ্র সাহিত্যসেবী-দিগের সাহায্যের জন্য ভাণ্ডার স্থাপনের প্রস্তাব উত্থাপিত করিয়া বলেন যে, “দরিদ্র সাহিত্যিক সংস্থান ভাণ্ডার নামে একটি ভাণ্ডার স্থাপিত করা হউক। তাহা হইতে অসমর্থ গ্রন্থকারদিগকে সাহায্য করা হইবে। আমি এই ভাণ্ডারে এক হাজার টাকা দিব। উপস্থিত পাঁচ শত টাকা দিতেছি। এই টাকা লইয়া এখন কার্য আরম্ভ করা হউক। এই ভাণ্ডার জঙ্গীর ভাণ্ডাররূপে পরিণত হইবে বলিয়া আমি আশা করি। এই ভাণ্ডার হইতে লেখকদিগকে সাহায্য করিতে হইবে,—জাতিনির্কিশেবে সাহায্য করিতে হইবে। আমার গ্রন্থ—‘দশানন বধ’ কাব্যের স্বত্ব এই ভাণ্ডারের সার্বভ্যার্থ দিতেছি; কার্যপরিচালনের বায়নিকীর্ষার্থ একখানি গ্রাম দিতেছি। আমি নিজেও কার্য করিতে প্রস্তুত আছি। ইহার ব্যবহার ভার স্রাসরক্ষকের হস্তে দিতে হইবে।” রঙ্গপুরের শ্রীযুক্ত অগদীশনাথ মুখোপাধ্যায় এষ্ট প্রস্তাব সমর্থন করেন। তৎপরে শ্রীযুক্ত নলিনীরঞ্জন পণ্ডিত এই ভাণ্ডারে নগত ২৫ টাকা ও তাঁহার প্রণীত কবি রজনীকান্ত সেনের জীবনী গ্রন্থ এক শত খণ্ড প্রদান করিতে প্রতিশ্রুত করেন।

ইহার পর ময়মনসিংহ শাখা পরিষদের সম্পাদক শ্রীযুক্ত কেদারনাথ মজুমদার মহাশয় “ময়মনসিংহে সাহিত্য চর্চা” নামক প্রবন্ধ পাঠ করেন। কেদার বাবু ময়মনসিংহে ধীরে ধীরে কেমন বঙ্গসাহিত্যের বিকাশ ঘটয়াছে তাহা বিশদ ভাবে বুঝাইয়া দিয়াছেন। তাঁহার বিবরণে জানা যায় যে, ৪৫ বৎসর ধরিয়া বঙ্গসাহিত্যের আলোচনা ময়মনসিংহে চলিয়া বর্তমান উন্নতির পথে ইহাকে অগ্রসর করিয়াছে।

তৎপরে শ্রীযুক্ত নলিনীরঞ্জন পণ্ডিত মহাশয় “আধুনিক নাট্য সাহিত্য” প্রবন্ধ পাঠ করেন। ইহার পর রাজা শ্রীযুক্ত কমলকৃষ্ণ সিংহ বাহাদুরের গবাদি পশু সম্বন্ধীয় প্রবন্ধ তাঁহার জ্যেষ্ঠপুত্র মহারাজ শ্রীযুক্ত কুমুদচন্দ্র সিংহ কর্তৃক পঠিত হইল। রাজা বাহাদুর এই প্রবন্ধে চারণ ভূমির উন্নতির কথা এই সকল পশুর সাহায্য কত আবশ্যিক তাহা বিশদ ভাবে বুঝাইয়া দিয়াছিলেন। তাঁহার এই গবেষণাপূর্ণ

এবং অনেক উপকার হইবে সন্দেহ নাই । তৎপরে কবিবাহু ত্রিগির্দীপচন্দ্র সেন মহাশয়ের “আবুর্বেদের ক্রমবিকাশ”, শ্রীযুক্ত আনন্দের নাথ বার মহাশয়ের “পূর্ববদের নদী-পরিবর্তন” শ্রীযুক্ত হরিদাস পালিত মহাশয়ের “পল্লী কাহিনী ও পল্লী বিষয়ক কথা” ব্যোমকেশ বাবু পাঠ করেন ও মহম্মদ সহিতুল্লা মহাশয়ের “আরবী ও পারসী গ্রন্থের বঙ্গানুবাদ ও অন্তরায়ীকরণ” প্রবন্ধ পঠিত হয় । সহিতুল্লা মহাশয়ের প্রবন্ধ পাঠের পর শ্রীযুক্ত রাখালদাস বন্দ্যোপাধ্যায় মহাশয় অন্তরায়ীকরণ বিষয়ে পরিষদ কিরূপ কার্য করিতেছেন তাহা বুঝাইয়া দিয়া সহিতুল্লা মহাশয়ের চেষ্টায় হস্ত—তাঁহাকে ধন্যবাদ দিলেন । তৎপরে শ্রীযুক্ত চন্দ্রকিশোর তরফদার মহাশয় “জ্যোতিষিক প্রমাণ” প্রবন্ধ পাঠ করেন ।

অতঃপর অধ্যাপক শ্রীযুক্ত ললিতকুমার বন্দ্যোপাধ্যায় মহাশয় তাঁহার ব্যাকরণ “বিভীষিকা” নামক প্রবন্ধ পাঠ করেন । ব্যাকরণ কিরূপ ভীষণ মূর্তিতে আধুনিক বঙ্গসাহিত্যকে কল্পিত করিয়া তুলিয়াছে তাহা অতি মধুর অতি প্রাঞ্জল ভাষায় সুবিস্তৃত ভাবে সমবেত সভ্যমণ্ডলীকে ললিত বাবু বুঝাইয়া দিয়াছিলেন । বঙ্কিমচন্দ্রের ও ইন্দ্রনাথের পর আর কেহ এরূপ কশাঘাতের ব্যবস্থা করিয়াছিলেন বলিয়া আমার জানা নাই । ললিত বাবুর এই প্রবন্ধ শ্রবণে কেহ কেহ বিরক্ত হইলেও বাঙ্গালা সাহিত্য বিশেষ উপকার বোধ করিবে । ললিত বাবুর প্রবন্ধ পাঠের পর পূর্বাহ্নের কার্য শেষ হয় ।

অপরাত্নে পুনরায় সভার কার্য আরম্ভ হইল । পূর্বদিনের শেষ গানধানি গীত হইবার পর শ্রীযুক্ত অক্ষয়চন্দ্র মজুমদার মহাশয় ললিত বাবুর প্রতি কটাকপাত করিয়া কতকগুলি কথা বলেন ও ললিত বাবু কৈফিয়ৎ দেন ।

তৎপরে শ্রীযুক্ত গোবিন্দচন্দ্র দাস মহাশয়ের কবিতা শ্রীযুক্ত হেমেন্দ্রকিশোর আচার্য্য চৌধুরী মহাশয় পাঠ করেন । তৎপরে শ্রীযুক্ত শশিমোহন বসাক মহাশয়ের “অদ্বৈত বাদ” পঠিত হয় । সভাপতি মহাশয়ের অনুরোধে মহা-মহোপাধ্যায় শ্রীযুক্ত প্রসন্নচন্দ্র বিচারদ্র মহাশয় একটি বক্তৃতা প্রদান করেন । তিনি ভাষার ক্রমবিকাশের কথা অতি সুন্দর ভাবে বুঝাইয়া দেন । ইহার পরে ‘ভারত মহিলা’ সম্পাদিকা শ্রীযুক্তা সরযুবালা দত্ত মহাশয়ার “বঙ্গসাহিত্য ও বঙ্গ নারী” বিষয়ক প্রবন্ধ পঠিত হয় । শ্রীযুক্ত রাখালদাস বন্দ্যোপাধ্যায় মহাশয়ের প্রস্তাবে ও শ্রীযুক্ত ব্যোমকেশ মুস্তকী মহাশয়ের সমর্থনে এই প্রবন্ধ পাঠের পর সভাস্থলে মহিলার প্রবন্ধ পাঠের জন্য সভাপতি মহাশয় সমবেত সভ্যমণ্ডলীকে দণ্ডায়মান হইয়া এই মহিলার প্রতি সম্মান প্রদান করিতে বলেন । সকলেই

আনন্দসহকারে এই অনুবোধ র করিয়াছিলেন । শ্রীযুক্ত অবনীকান্ত সেন মহাশয়ের "সমাজ ও সাহিত্য" প্রবন্ধ পঠিত হইল । ইহার পর শ্রীযুক্ত শশধর রায় মহাশয় জাতীয় উৎকর্ষসাধন সম্বন্ধে বক্তৃতা করেন । অতঃপর শ্রীযুক্ত কৈলাসচন্দ্র সিংহ মহাশয়েব "পৌণ্ড্র বর্জন", শ্রীযুক্ত পঞ্চানন বন্দ্যোপাধ্যায়ের কালিদাসের গ্রন্থে "বাললা ও বাল্লার প্রভাব", শ্রীযুক্ত সুরেন্দ্রনাথ চট্টোপাধ্যায় মহাশয়ের "মাইকেল"; শ্রীযুক্ত চারুচন্দ্র চৌধুরী মহাশয়ের "বরমন-সিংহে মুজাব্বত ও সংবাদ পত্র" এবং প্যারীশঙ্কর দাস গুপ্ত মহাশয়ের "স্মৃতিকা গৃহ" পঠিত হইল । শ্রীযুক্ত উমেশচন্দ্র বিষ্ণারঙ্গ মহাশয় বেদের উৎপত্তি বিষয়ে বক্তৃতা করেন ।

তৃতীয় দিন পূর্বাহ্ন ৭-৩০ মিনিটের সময় সভার কার্য আরম্ভ হয় । প্রথমে একটি সঙ্গীতের পর পঠিত শ্রীযুক্ত ক্ষীরোদপ্রসাদ বিষ্ণাবিনোদ মহাশয়ের রচিত "সন্মিলন" নামক কবিতা শ্রীযুক্ত নলিনীরঞ্জন পণ্ডিত মহাশয় পাঠ করেন । তৎপরে শ্রীযুক্ত শরচ্চন্দ্র চৌধুরা মহাশয় ৮চন্দ্রকান্ত তর্কালঙ্কার মহাশয়ের স্মৃতিচিহ্ন স্থাপনের প্রস্তাব উত্থাপিত করেন ।

তৎপরে শ্রীযুক্ত বিনয়কুমার সরকার মহাশয় সাহিত্য ক্ষেত্রে সংরক্ষণ নীতি অবলম্বন বিষয়ক প্রস্তাব উত্থাপিত করিয়া বলিলেন, বঙ্গ ভাষায় অস্তিত্ব ভাষা হইতে গ্রন্থাদি অনুবাদের ব্যয় নির্বাহার্থ ধনভাণ্ডার স্থাপন করা কর্তব্য । কোনও শিশুকে মাহুব করিতে হইলে পিতাকে আদর্শ অবলম্বন করিয়া কার্য করিতে হয় । শিশু বাললা ভাষাকেও সেইরূপে গড়িতে হইবে ।

মহারাজ মনোজ্ঞচন্দ্র নন্দী বাহাঙ্গুর এই প্রস্তাবের সমর্থন করিয়া বলিলেন, বর্তমান সময়ে বঙ্গভাষার অবস্থা দেখিলে বুঝা যায়, ইহার অনেক অভাব আছে । তাহা পূরণ করা সাহিত্যসেবীদের ও উৎসাহদাতাদের কর্তব্য । আমাদের অভাব বাহা আছে তাহার সংশোধন সমরসাপেক্ষ । অগতঃ যে সকল ভাষা উন্নত তাহাদের উপাদান লইয়া বদেশীয় ভাষার পুষ্টি করিতে হয় । বিনয় বাবুর প্রস্তাবমুখারী নীতি অবলম্বন করিয়া ভাষার উন্নতি করিতে হইবে । ভাষাকে আকার দিতে একজনের চেষ্টা কিছুই নহে । মনস্কমে মিলিয়া কার্য করিতে হইবে । বাহারা বাহা ভাল জানে তাহারা সেগুলি লিখিয়া মুদ্রিত করিলে ভাষা উন্নত হইবে । শুধু লোকের চেষ্টায় হইবে না ; অর্থ চাহি । যত দিন ভাষা সমৃদ্ধিশালী না হয়, ততদিন ভাষার যে যে বিষয়ে অভাব সেই সকল বিষয়ে দুই তিনখানি পুস্তক বৎসরে বাহির করিয়া

তাঁহার পুষ্টিসাধন করিতে হইবে। শ্রীযুক্ত জলধর সেন মহাশয় এই প্রস্তাবের সমর্থন করেন।

বরিশালের প্রসিদ্ধ বক্তা শ্রীযুক্ত সুরেন্দ্রনাথ সেন মহাশয় এই প্রস্তাব সমর্থন করিতে উঠেন। তিনি বলিলেন, “কয়েকদিন পূর্বে যখন এখানে আসিতেছিলাম তখন চড়ক পূজার সময়। এই পূজার পূজার্থীরা গাহিতেছিল—‘তুমিই আত্মা, তুমিই কর্তা, তুমিই পৃথিবীর বাগ্ণী’। শিবকে সম্মুখে রাখিয়া অশিক্ষিতরা এইরূপ গাহিতেছিল। যে দেশের অশিক্ষিতরা এইরূপ অনাদিকাল হইতে গাহিয়া আসিতেছে সে দেশে বাণীর সেবকের এত অভাব কেন? এ দেশে বাণী আপনাকে প্রকাশ করিতেছেন। পাশ্চাত্য দেশ দর্শন, ইতিহাস ইত্যাদি রূপে ভগবানকে প্রকটিত করিয়া তুলিতেছে। আমরা সব তুলিয়া বাজে কাষে সময় নষ্ট করিতেছি। সকল পতনের যেমন শেষ সীমা আছে, বাণীর সেবার অবহেলারও পতনের চরম সীমা আমাদের উন্নতিসময় আসিয়াছে। পতনের পর উত্থান অবশ্যস্বাবী। তাই আজ মহারাজ মনীন্দ্রচন্দ্র নন্দী বাহাদুর তাঁহার সমগ্র শক্তি নৈবেদ্যের মত উৎসর্গ করিয়া এখানে আসিয়াছেন, সুরেন্দ্রের মহারাজ উপস্থিত, আচার্য্য জগদীশচন্দ্র পুরোহিতের কার্য্য লইয়া বাণীচরণে অর্ঘ্য দিতে প্রস্তুত। সমগ্র বঙ্গের সুধীমণ্ডলী আজ উপস্থিত। কেবল নিম্নশ্রেণীর লোক নহে, আজ সকল শ্রেণীর লোক একত্র গাহিতেছে—‘তুমিই আত্মা, তুমিই কর্তা, তুমিই পৃথিবীর বাগ্ণী।’ এ সঙ্গীত বাঙ্গালী জাতিকে, বাঙ্গালীর ভাবকে উর্ধ্বে তুলিবে; ভাবে, পুণ্যে, সংঘমে শীলতার, স্বদেশ-হিতৈষণার সেবার আমাদের উদ্ভুদ্ধ করিবে। এ সঙ্গীতের তালে তালে নাচিয়া আমরা সাহিত্য পড়িয়া তুলি। ভবিষ্যৎ বংশীয়েরা বলিবে, আমরা সেবকের বংশে জন্মিয়াছি। এই অদ্ভুতপূর্ব দৃশ্য আমি দেখিতেছি। বাণীর সেবার এ দেশ ধন্য হইবে। আমি আশা করি, এই বর্তমান উৎসর্গ উদ্দীপনা কেবল আতিথ্যেই শেষ হইবে না। মহারাজরা এ স্থানে উপস্থিত; সকলেই উৎসাহদাতা; আশা হয় আমরা এই ব্রত উদ্দ্যাপন করিতে পারিব।”

ইহার পর শ্রীযুক্ত রাধাকৃষ্ণ মুখোপাধ্যায় মহাশয় “অন্ন সংস্থাপন” নামক প্রবন্ধ পাঠ করিলেন। তিনি এই প্রবন্ধে যে গবেষণার পরিচয় দিয়াছেন তাহা প্রশংসনীয়।

তৎপরে শ্রীযুক্ত পঞ্চানন নিরোগী মহাশয় আহুর্কোদে আধুনিক রসায়ন

সবকে বক্তৃতা করেন। তাহার পর শ্রীবৃদ্ধ নিবারণ চন্দ্র ভট্টাচার্য্য বহাশরের
 বৃক্কের সহিত ভূমির উচ্চতার সবক, শ্রীবৃদ্ধ বক্তৃৎর বন্দ্যোপাধ্যায়
 বহাশরের বালালায় হাবিড় ভাবা, শ্রীবৃদ্ধ বিক্টিরণ বটব্যাল বহাশরের
 বরননসিংহে মুসলমান প্রবেশ এবং বঙ্গ ইতিহাসের একটু ভুল সংশোধন,
 প্রবন্ধ সকল পঠিত হইল! তৎপরে শ্রীবৃদ্ধ রাখালদাস বন্দ্যোপাধ্যায়
 বহাশর বালালা অক্ষরর উৎপত্তি দেখাইতে আরম্ভ করেন। তিনি ২২০০
 বৎসরের অক্ষর ধরিয়া তাহার ক্রমবিকাশ ও পরিবর্তন দেখাইতে থাকেন।
 তিনি আচার্য্য জগদীশচন্দ্রের নাম লইয়া লিখিয়া দেখাইতে লাগিলেন।

২২০০ বৎসর পূর্কে—

ঈ ং ঙ ঞ

জ গ দী শ

বৃক্ক অক্ষর ছিল না—

ঈ ঞ ঙ

ইহার পর খৃষ্টপূর্ক প্রথম শতাব্দীতে—

ঈ ং ঙ ঞ

বৃক্ক অক্ষরের ব্যবস্থা আরম্ভ হয়—

ঈ ঞ

চ ঞ

যৌদ্ধ আন্দোলনের সময় অক্ষরের পরিবর্তন ক্রম হয়—

ঈ ং ঙ ঞ

জ গ দী শ

কবিকের সময়—

ক গ দী শ

ক গ দী শ

প্রথম চক্র গুণের সময় আবার ক্রম পরিবর্তন হয়—

ক গ দী শ

ক গ দী শ

ইহার পর দেশ অশান্তিপূর্ণ থাকায় অনেক দিন অপরিবর্তিত অবস্থায় ভাষা রহিয়া যায়—

ক গ দী শ

ক গ দী শ

ধর্মজ্ঞান দেবের ত্র্যম্বকমন্ত্র অনুসারে—(৬০৮—৬০৯ খৃঃ)

ক গ দী শ

ক গ দী শ

নারায়ণ দেবপালের সময়—

ক গ দী শ

ক গ দী শ

এই সময় মৈথিল ও বঙ্গভাষা ছই ভাগ হইয়া যায়।

সম্পন্ন সেনের সময়—

সুগামী

ক গ দী শ

ইহার পর কতকগুলি প্রবন্ধ পঠিত বলিয়া গৃহীত হইল। তৎপরে শ্রীযুক্ত শশধর রায় মহাশয় সন্মিলনপরিচালন সমিতির গঠনের প্রস্তাব করিলেন। শ্রীযুক্ত মহেন্দ্রমোহন ঠাকুর এই প্রস্তাব অনুমোদন করিলেন বঙ্গের বিভিন্ন স্থানের ৬০ জন সভ্যকে লইয়া এই পরিচালন সমিতি গঠিত হইল।

তৎপরে শ্রীশঙ্কর চন্দ মহাশয় ময়মনসিংহবাসীর পক্ষ হইতে সভাপতি মহাশয়কে, মহারাজ মনীন্দ্রচন্দ্র নন্দী বাহাদুরকে এবং সমাগত প্রতিনিধি-বর্গকে ও দর্শকসমূহীকে ধন্যবাদ প্রদান করিলেন। শ্রীযুক্ত বোগেন্দ্রনাথ ঙ্গ মহাশয় ইহার সমর্থন করিলেন। স্থানীয় মুসলমান সম্প্রদায়ের পক্ষ হইতে আবুল জব্বার মহাশয় ধন্যবাদ দিলেন। শ্রীযুক্ত পদ্মনাথ ভট্টাচার্য্য বিদ্যা-বিনোদ মহাশয় পৌহাটির পক্ষ হইতে ধন্যবাদ জানাইলেন। তৎপরে মহা-রাজ মনীন্দ্রচন্দ্র নন্দী বাহাদুর ধন্যবাদ জ্ঞাপন করিলেন।

তৎপরে শ্রীযুক্ত হীরেন্দ্রনাথ দত্ত মহাশয় পরিষদের কার্যবিবরণ সবি-স্তারে বর্ণনা করেন। অতঃপর শ্রীযুক্ত রমেন্দ্রনাথের ত্রিবেদী মহাশয় সাহিত্যিকগণকে আগামী বৎসর সন্মিলনের নিমন্ত্রণের জন্য আহ্বান করেন। কেহ নিমন্ত্রণ না করায় সভাপতি মহাশয় তিন মাস সময় স্থির করিয়া সম্পাদক মহাশয়কে ইহার মধ্যে সন্মিলনের স্থান নির্দেশের ব্যবস্থা করিতে বলেন। ইহার পর এই বৎসরের সন্মিলনের কার্য শেষ হয়।

শ্রীবিনোদবিহারী ঙ্গ ।

অশোক-চরিত ।

(মহাবংশ ও দীপবংশ অবলম্বনে ।)

['মহাবংশ' ও 'দীপবংশ' সিংহলের দুইখানি সুপ্রাচীন ইতিহাস। উভয় গ্রন্থই পালি ভাষায় লিখিত। সিংহলস্থিত "মহাবিহার" নামক বৌদ্ধ বিহারে "অট্টকথা" অভিধেয় যে সকল বৌদ্ধ উপাখ্যান পুরাকালে প্রচলিত ছিল, উক্ত গ্রন্থদ্বয় সেই 'অট্টকথা' অবলম্বনে রচিত হইয়াছিল। খৃষ্টীয় চতুর্থ শতাব্দীর প্রারম্ভে 'দীপবংশ' এবং পঞ্চম শতাব্দীর শেষ ভাগে 'মহাবংশ' লিখিত হইয়াছিল। উভয় গ্রন্থের বর্ণিত বিষয় প্রায়ই এক, তবে 'দীপবংশে' অধিকাংশ বিষয়ই সংক্ষেপে লিখিত হইয়াছে।

মৌর্য্যরাজ অশোকের জীবনী 'মহাবংশে' ও 'দীপবংশে' বিশদ ভাবে বর্ণিত হইয়াছে। 'মহাবংশ' অবলম্বনে অশোক-চরিত বিবৃত করাই এই প্রবন্ধের উদ্দেশ্য। 'মহাবংশে' ও 'দীপবংশে' বর্ণিত ঘটনাসমূহের মধ্যে যে সকল স্থলে অনৈক্য ঘটিয়াছে অথবা অসামঞ্জস্য পরিলক্ষিত হইয়াছে, কেবল সেই সকল স্থলে, প্রবন্ধের পাদ-টীকায় 'দীপবংশ'-লিখিত বিষয় সন্নিবেশিত হইয়াছে।]

মোরিয়-বংশ-সম্বৃত চন্দ্রগুপ্ত ৩৪ বৎসর * রাজত্ব করেন; তৎপরে তাঁহার পুত্র বিন্দুসার ২৮ বর্ষ রাজ্যভোগ করিয়াছিলেন। বিন্দুসারের বিভিন্ন মহি-বীর গর্ভে ১০১ জন পুত্র জন্মগ্রহণ করিয়াছিলেন। তাঁহার পুত্রগণের মধ্যে অশোক স্বীয় পুণ্য চরিত্রবলে ও অসামান্য জ্ঞানপ্রভাবে সর্বাপেক্ষা ক্ষমতা-শালী হইয়াছিলেন। বিন্দুসার অশোকের হস্তে উজ্জয়িনী রাজ্যের শাসনভার অর্পণ করিয়াছিলেন।

বিন্দুসার মৃত্যুশয্যায় শায়িত, এই সংবাদ শ্রবণ করিবামাত্র, অশোক উজ্জয়িনী পরিত্যাগ করিয়া পুষ্পপুর (পাটলিপুত্র) যাত্রা করিলেন। পিতার মৃত্যু হইলে, তিনি রাজধানী অধিকার করেন এবং সেই প্রসিদ্ধ নগরে তাঁহার দ্যেষ্ঠ ভ্রাতা সুমনকে হত্যা করিয়া বলপূর্বক সিংহাসন লাভ করেন। তৎ-

* "৩৩৩তে রাজত্ব কারেসি বসুসানি চতুর্বিংশতি।"

পরে অশোক খীর ৩২ জন ভ্রাতাকে বিনাশ করিয়া অশ্বীপের একস্থল
বসাইয়াছিলেন ।*

রাজ্যলাভের পর চতুর্থ বর্ষে, এই মহাবংশী রাজা পাটলিপুত্র নগরে মহা
সমারোহের সহিত খীর অভিবেক কার্য্য সুসম্পন্ন করিয়াছিলেন । বুদ্ধ-
মির্জাপের পর হইতে তাঁহার অভিবেক কাল পর্য্যন্ত ২১৮ বৎসর অতীত
হইয়া ছিল । † এই অভিবেকসময়ে তাঁহার আধিপত্য বোজন হইতে
বোজমাত পর্য্যন্ত সর্বত্র বিঘোষিত হইয়াছিল । রাজ্যাভিযুক্ত অশোক
তাঁহার কনিষ্ঠ সহোদর রাজকুমার তিব্বকে “উপরাজ” উপাধিধারা কৃত্বিত
করিয়াছিলেন ।‡

অশোকের পিতা ব্রাহ্মণশক্ত ছিলেন এবং (প্রত্যহ) ষট্টিসহস্র ব্রাহ্মণ
শ্রোতন করাইতেন । অশোকও পিতার স্থায় তিন বৎসর তজ্জপ করিয়া
ছিলেন । কিন্তু অবশেষে একদিন রাজপ্রসাদ হইতে ব্রাহ্মণের স্থণিত কার্য্য-
কলাপ দর্শন করিয়া, অশোক আমাত্যবৃন্দকে আদেশ করিলেন, যেন তাঁহারা
তবিষ্মতে পাত্রাপাত্র বিবেচনা করিয়া ভিক্ষা প্রদান করেন । অশোক
আগনার নিকট সর্বপ্রকার ধর্ম্মাবলম্বী আচার্য্যগণকে আহ্বান করিতেন
এবং তাঁহাদিগের সহিত বিভিন্ন ধর্ম্মশাস্ত্র আলোচনা করিয়া সকলকে
বধোপযুক্ত ভিক্ষা প্রদানপূর্ব্বক বিদায় দিতেন ।

অশোক যখন খীর জ্যেষ্ঠ ভ্রাতা সুনকে হত্যা করেন, তৎকালে তাঁহার
পত্নী গর্ভবতী ছিলেন । (স্বামী মৃত্যুযুগে পতিত হইলে) তিনি রাজধানী
পরিত্যাগ করিয়া কোন এক চণ্ডাল :পত্নীতে আশ্রয় লইয়াছিলেন । তথায়
নিগ্রোধ নামে তাঁহার একটি সন্তান জন্মিষ্ট হয় । (অনন্তর) চণ্ডালপতি
মাতাপুত্রকে সাত বৎসর রক্ষণাবেক্ষণ করিয়াছিল ।

তদনন্তর বৌদ্ধাচার্য্য মহাবক্রণ, সেই বালককে অর্হৎ লাভের উপযুক্ত
সদৃশ-শোভিত দেখিয়া, মাতার নিকট হইতে তাহাকে চাহিয়া লইলেন ।

* “হবা একশতে ভাতে বংশন্ কথান একতো ।

মহিন্দচন্দনমে বসসে অশোকন্ অভিবিক্রম্ ॥”

দীপবংশ ৬:২২ ।

† ‘মহাবংশের’ ও ‘দীপবংশের’ মতে ৫৪৩ খৃষ্টপূর্ব্বাব্দে বুদ্ধদেব মির্জাপ জ্যোত করিয়া-
ছিলেন ; সূত্রায়ং ৩২৫ খৃষ্টপূর্ব্বাব্দে মহারাজ অশোকের অভিবেক সম্পন্ন হইয়াছিল ।

‡ অশোকের কনিষ্ঠ ভ্রাতা তিব্ব সম্বন্ধে কোন কথা ‘দীপবংশে’ লিখিত হয় নাই ; কারণ,
পূর্বেই লিখিত হইয়াছে যে, ‘দীপবংশের’ মতে অশোক খীর একশত ভ্রাতাকে হত্যা
করিয়া সিংহাসনলাভ করেন । মোরির বংশীয় রাজকুমারগণের মধ্যে কেবলমাত্র
অশোক জীবিত ছিলেন ।

তাঁহাকে তিকুশ্রেণীভুক্ত করিবার অভিপ্রায়ে যখন তিনি তাহার যত্ন নুতন করিতেছিলেন, তখনই বালক অর্হৎ প্রাপ্ত হইল।

এক দিবস নিগ্রোধ মাতার সহিত সাক্ষাৎ করিবার মানসে, দক্ষিণ দ্বার দিয়া রাজধানীতে প্রবেশপূর্বক রাজোচ্চানের মধ্য দিয়া চণ্ডাল গলীর অভিমুখে গমন করিতেছিলেন। তৎকালে মহারাজ অশোক প্রাসাদোপরি বায়ুসেবন করিতেছিলেন। তিনি নিগ্রোধের দেবভূগ্য কাণ্ডি অবলোকন করিয়া আশ্চর্য্যান্বিত হইলেন এবং সাতিশর প্রীত হইয়া ভক্তিতরে তাঁহাকে আহ্বান করিয়া পাঠাইলেন। নিগ্রোধ প্রশান্ত অন্তঃকরণে রাজার নিকট-বর্তী হইলে, রাজা তাঁহাকে বলিলেন, “বৎস, তোমার উপযুক্ত আসনে উপবেশন কর।” তথায় অল্প কোন তিকু উপস্থিত নাই দেখিয়া, নিগ্রোধ সিংহাসনাভিমুখে অগ্রগামী হইলেন। তাঁহাকে সিংহাসনাভিমুখে অগ্রসর হইতে দেখিয়া, রাজা চিন্তা করিতে লাগিলেন, “এই স্থবির অদ্যই আমার প্রাসাদের প্রভু হইবেন”। ক্রমে নিগ্রোধ রাজার বাহর উপর ভর দিয়া অবলীলাক্রমে সিংহাসনের উপর উপবেশন করিলেন। অশোক তদবস্থায় তাঁহাকে নিরীক্ষণ করিলেন এবং তাঁহার পুণ্য তেজঃ প্রভাবে অভিভূত হইয়া অত্যন্ত আনন্দ অনুভব করিলেন। তাহার পর রাজা স্বীয় খাদ্য ও পানীয় দিয়া নিগ্রোধকে ভোজন করাইয়া তাঁহাকে নানাবিধ প্রশ্ন বিজ্ঞাসা করিয়া-ছিলেন এবং তাঁহার নিকটে বৌদ্ধধর্মের ব্যাখ্যা শ্রবণ করিয়া সন্তুষ্ট হইয়া-ছিলেন। তদনন্তর নিগ্রোধ রাজসমীপে বৌদ্ধধর্মের তৎসমূহ বিবৃত করিয়া রাজা ও তাঁহার প্রজাবৃন্দকে বৌদ্ধধর্মে দীক্ষিত করিয়াছিলেন। *

বৌদ্ধধর্মের প্রতি অশোকের অনুরাগ দিন দিন বর্দ্ধিত হইতে লাগিল। এক্ষণে তিনি বহু সহস্র ব্রাহ্মণের পরিবর্তে বহু সহস্র বৌদ্ধ শ্রমণকে প্রতিপালন করিতে প্রবৃত্ত হইলেন। প্রতি দিন চারি লক্ষ মুদ্রা ব্যয়িত হইতে লাগিল। এক দিন তিনি এই বহু সহস্র শ্রমণকে নিজ প্রাসাদে নিয়ন্ত্রণ করিয়া উৎকৃষ্ট খাদ্য ও পানীয় দ্বারা তাঁহাদিগের সেবা করিয়া তাঁহাদিগকে উপহারাদি প্রদান করিয়াছিলেন। অনন্তর তিনি সমাগত শ্রমণগণকে বিজ্ঞাসা করিলেন, “বুদ্ধদেব কোন ধর্মমত প্রচার করিয়াছেন?” যৌৎগলিপুত্র তিব্ব উত্তর করিলেন যে, বৌদ্ধধর্মে ৮৪০০০ বিভিন্ন উপদেশ বিদ্যমান আছে।

* অশোকো ব্রহ্মং কারেসি পাটলিপুত্রে পুরুতমে ।

অতিবিক্রো ভীনি বসুসানি গসরো বুদ্ধশাসনে ॥”

এই কথা শুনিবারাত্র রাজা কহিলেন,—“আমি প্রত্যেকের জন্য এক একটি বিহার উৎসর্গ করিব ।” তাহার পর তিনি অশ্বীপের ৮৪০০০ রাজার হস্তে ২৬০০০ কোটি মুদ্রা প্রদান করিয়া তাঁহাদিগের নিজ নিজ নগরে বিহার নির্মাণ করাইতে আদেশ করিয়াছিলেন । তিনি স্বয়ং পুন্ড্রপুরে “অশোক-রাম” নামে একটি বিহার নির্মাণ করিবার ভার লইয়াছিলেন ।

একদা উপরাজ তিস্ত যুগলা করিতে গিয়া দেখিতে পাইলেন, অরণ্যে হরিণবৃথ ক্রীড়া করিতেছে । তাঁহাদিগকে আনন্দে ক্রীড়া করিতে দেখিয়া তিনি মনে মনে চিন্তা করিলেন, “হরিণগুলি অরণ্যে ভূগাহার করিয়াও প্রফুল্লচিত্তে কেমন ক্রীড়া করিতেছে; কিন্তু ভিক্ষুগণ বিহারে সুখসেবিত হইয়াও কেন আনন্দে যত্ন নহেন ?” গৃহে প্রত্যাঘর্ষণ করিয়া তিনি রাজাকে ষড় মনোভাব জ্ঞাপন করিলেন । রাজা এই সমস্তার মীমাংসা করিবার নিমিত্ত, সাত দিনের জন্য তাঁহাকে রাজ্যভার প্রদান করিলেন এক উপরাজকে সঙ্ঘোধন করিয়া বলিলেন,—“কুমার, সপ্ত দিন তুমি এই রাজ্য পরিচালনা কর, তাহার পর আমি তোমাকে বধ করিব ।”

দেখিতে দেখিতে সাত দিন কাটিয়া গেল । রাজা উপরাজকে জিজ্ঞাসা করিলেন, “তুমি কি হেতু এতাদৃশ ক্লেশ হইয়া গিয়াছ ?” উপরাজ উত্তর করিলেন, “বহারাজ, একবার মৃত্যুভয়ে !” উপরাজের কথা শ্রবণ করিয়া রাজা তাঁহাকে বুঝাইয়া বলিলেন,—“বৎস, সাত দিন পরে আমার মৃত্যু হইবে’—এই চিন্তার তুমি আনন্দ-আহ্লাদে উৎফুল্ল হইতে পার নাই, কিন্তু যতি-গণ—ঐহারা সদাসর্বদাই মৃত্যু-চিন্তা করিতেছেন—তাঁহারা কিরূপে সামান্ত আনন্দপ্রমোদে বোগদান করিবেন ।”

রাজার কথা শুনিয়া বৌদ্ধধর্মের প্রতি উপরাজ তিস্তের চিন্ত আকৃষ্ট হইল, তিনি অবিলম্বে বৌদ্ধধর্ম গ্রহণ করিলেন ।

অনন্তর আর একদিন যুগলা করিতে যাইয়া উপরাজ দেখিলেন যে, পুণ্ড্রারা বহাধর্মরক্ষিতা বৃক্ষমূলে বসিয়া আছেন, একটি হস্তী শালবৃক্ষের শাখাঘারা তাঁহাকে ব্যজন করিতেছে । তাঁহাকে দেখিয়া উপরাজ চিন্তা করিলেন, “আমিও ইঁহার স্থান প্রভৃৎ প্রবলম্বন করিয়া মনে বাস করিব ।” বহাধর্মরক্ষিতা তাঁহার মনোগত ভাব বুঝিতে পারিয়া সেই সময়ে তাঁহাকে কয়েকটি অলৌকিক ঘটনা প্রদর্শন করিলেন । উপরাজ তিস্ত সেই সকল অত্যাশ্চর্য ঘটনাবলী অবলোকন করিয়া আনন্দে আত্মহারা

হইলেন এবং রাজসমীপে উপনীত হইয়া প্রত্নজ্যা গ্রহণ করিবার জন্ত অহু-
যতি প্রার্থনা করিলেন। রাজা তাঁহার বাসনার বাধা না দিয়া, বহুতর অহুচর
সমভিষ্যাহারে তাঁহাকে বিহারে লইয়া গেলেন। তথায় তিব্ব মহাধর্ম-
স্নিক্তার নিকট প্রত্নজ্যা গ্রহণ করিলেন। তাঁহার সহিত রাজার ভাষাতা
অধিব্রহ্ম এবং তাঁহার পুত্র সুমনও একই দিনে প্রত্নজ্যা অবলম্বন করিয়া-
ছিলেন। তাঁহাদিগের পস্থানুসরণ করিয়া উক্ত দিবসে সহস্র সহস্র লোক
বৌদ্ধধর্মে দীক্ষিত হইয়াছিল। উপরাজের এই মহা জনহিতকর প্রত্নজ্যা-
অবলম্বন, অশোকের রাজত্বের চতুর্থ বর্ষে সংঘটিত হইয়াছিল।

তিন বৎসরে ৮৪০০০ সুরম্য বিহার নির্মিত হইল। এই সকল বিহারে
মহোৎসব সম্পন্ন করিবার জন্ত রাজাজ্ঞা প্রচারিত হইল। রাজাদেশে সাত্ৰা-
জ্যের বাবতীয় লোক দানধ্যানে নিযুক্ত হইল, নগরের ও পল্লীর পথগুলি এবং
বিহারসকল নানাবিধ পুষ্পমালাপতাকাদিদ্বারা সুশোভিত হইয়া রাজ্যে
এক অভিনব সৌন্দর্য্য ফুটাইয়া দিল; সুমধুর গীতবাঞ্চে দিগ্বাণল মুখরিত
হইল, প্রজাগণ একমনে শাস্ত্রোপদেশ শ্রবণ করিয়া কৃতার্থ হইল। মহারাজ
অশোক এইরূপে তাঁহার পুণাচরিত্রপ্রভাবে ধর্মাশোক নামে প্রসিদ্ধি লাভ
করিয়াছিলেন।

অশোক বিম্বসারের জীবদশায় পিতার আদেশে অবন্তি প্রদেশ শাসন
করিতেন। সেই সময়ে একদিন অবন্তি হইতে উজ্জয়িনী যাইবার পথে,
তিনি ছেতিয় * নগরে উপনীত হইলেন এবং দেবী নামে একটি পরম সুন্দরী
শেট্ঠি রাজকন্যার প্রণয়পাশে বদ্ধ হইয়া, তাঁহাকে বিবাহ করেন। দেবীর গর্ভে
মহেন্দ্র (মহিন্দো) নামে একটি পুত্র জন্মগ্রহণ করিয়া ছিল এবং ইহার দুই
বর্ষ পরে, দেবী সজ্বমিত্রা নামে একটি কন্যা প্রসব করিয়াছিলেন।

উপরাজ তিব্ব প্রত্নজ্যা গ্রহণ করিলে অশোকের পুত্র মহেন্দ্রের ও
কন্যা সজ্বমিত্রার প্রত্নজ্যা অবলম্বন করিবার বাসনা হইল। তিব্ব প্রত্নজ্যা
গ্রহণ করিলে, অশোক মহেন্দ্রকে উপরাজ-পদে প্রতিষ্ঠিত করিবেন, সঙ্কল্প
করিয়াছিলেন; কিন্তু ধর্ম্মমাহাত্ম্য বৃদ্ধি করিবার মানসে মৌদ্গলিপুত্র তিব্বের
পরামর্শানুসারে তিনি প্রিয় পুত্র মহেন্দ্রকে প্রত্নজ্যা অবলম্বন করিতে অহু-
রোধ করিলেন। ধর্মাশোকের রাজত্বের ষষ্ঠ বর্ষে পিত্রাদেশে ভ্রাতা ও

* 'দীপবংশে' লিখিত আছে, অশোক বেদিশা নগরে উপনীত হইয়াছিলেন।
বুদ্ধনির্বাণের ২০৪ বৎসর পরে মহিন্দোর জন্ম হইয়াছিল।

অগ্নি উত্তরেই প্রবেশ্য গ্রহণ করিলেন। তৎকালে মহেন্দ্রের বয়স ২০ বৎসর এবং সজ্জামিত্রার ১৮ বৎসরবাত্র। হুবির মহাদেব মহেন্দ্রকে দীক্ষিত করিয়াছিলেন এবং মধ্যাহ্নিক তীহার অল্প "কর্মবচন" অনুষ্ঠান করিয়া ছিলেন। হুবিরী ধর্মপতি সজ্জামিত্রার উপাধ্যায় এবং আত্মপালি তীহার আচার্য্য হইয়াছিলেন। মহাসমারোহে এই ধর্মোৎসব সম্পন্ন হইয়াছিল।

এই ঘটনার কয়েক বৎসর পূর্বে তিষ্ঠ ও স্মিত্র নামে দুই ভ্রাতা অর্হৎ প্রাপ্ত হইয়া বনে বাস করিতেছিলেন। একদা ঘটনাক্রমে কণ্টক বিদ্ধ হইয়া তিষ্ঠের চরণে ক্ষত হইল এবং ক্ষত ক্রমেই বৃদ্ধি পাইতে লাগিল। কনিষ্ঠ ভ্রাতা স্মিত্র, এই রোগের প্রতিকার জিজ্ঞাসা করিলে, তিষ্ঠ উত্তর করিলেন যে, ক্ষতস্থানে মাখন লেপন করিতে পারিলে, রোগের উপশম হইতে পারে। স্মিত্র ঘারে ঘারে ভিক্ষা করিয়াও মাখন সংগ্রহ করিতে পারিলেন না। ক্রমে এই রোগে তিষ্ঠের আসন্ন কাল উপস্থিত হইলে, তিনি যোগবলে স্বীয় দেহ তন্নীকৃত করিয়া নির্কাণলাভ করিলেন।

অর্হৎ তিষ্ঠ নির্কাণ লাভ করিয়াছেন শ্রবণ করিয়া ভূপতি তীহার আবাসস্থলে গমন করিয়াছিলেন এবং তীহার মৃত্যুর কারণ অবগত হইয়া স্মৃতিশয় হুঃখিত হইয়াছিলেন। অনন্তর অশোক, পীড়িত তিষ্ঠুগণ ইচ্ছামত ঔষধ ব্যবহার করিতে পারে—এই উদ্দেশ্যে তীহার রাজধানীর প্রতি ঘরের নিকট এক একটি কুণ্ড প্রস্তুত করাইয়া ভেষজাদির দ্বারা পরিপূর্ণ করাইয়া ছিলেন।

রাজা তীর্থিকগণের প্রতি বীতরাগ হইয়াছেন, এক্ষণে আর পূর্বের দ্বার তাহাদিগকে প্রতিপালন করেন না দেখিয়া, তীর্থিকগণ বৌদ্ধ তিষ্ঠুর দ্বার কাবার বস্ত্র পরিধান করিয়া তিষ্ঠুদিগের নীহিত একত্র বিহারে বাস করিতে লাগিল এবং ক্রমে তাহারা নিজ ধর্মকে বৌদ্ধ ধর্ম বলিয়া প্রচার করিতে প্রবৃত্ত হইল। এইরূপে তাহারা দলে পুষ্ট হইলে, তাহাদের অস্বাচারে বৌদ্ধ তিষ্ঠুগণ শাস্ত্রীয় কার্য সকল যথাবিধানে সম্পন্ন করিতে অসমর্থ হইলেন। এই কারণেই অনুসীপের সর্বত্র বৌদ্ধারায়ে সাত বর্ষ যাবৎ "উপোষধ" ও "প্রাবরণ" ব্রত আচরিত হইল না।

ক্রমে এই সংবাদ রাজার কর্ণগোচর হইল। "অশোক্যারামে যে সকল তিষ্ঠু থাকেন, সকলেই যেন উপোষধ ব্রত পালন করেন"—এই আদেশ প্রচার করিবার অল্প অশোক একজন সূতকে অশোক্যারামে প্রেরণ

করিলেন। দূত অবিলম্বে রাজাদেশ পালন করিলে, ভিক্ষুসভ্য উত্তর করিলেন যে, তাঁহারা তীর্থিকের সহিত কোন যতেই উপোষ্য ব্রত পালন করিবেন না। রাজদূতের কেমন বত্বিত্বম হইল, সে চীৎকার করিয়া বলিয়া উঠিল,—“উপোষ্য ব্রত পালন করিতে আমি তোমাদিগকে বাধ্য করাইব ;” এবং তৎক্ষণাৎ স্বীয় তরবারি দ্বারা নিজ হস্তে কতিপয় ভিক্ষুকে হত্যা করিল। এই ঘটনা অবলোকন করিয়া রাজভ্রাতা তিষ্ঠ দূতের পার্শ্ব দিয়া বেগে ধাবিত হইয়া ভিক্ষুর আসনে উপবেশন করিলেন। দূত তাঁহাকে চিনিতে পারিয়া হত্যাকাণ্ড হইতে প্রতিনিবৃত্ত হইল এবং রাজসমীপে প্রত্যাবর্তন করিয়া তাঁহাকে সকল কথা জ্ঞাপন করিল। দূতযুগে এই ঘটনার বিষয় শ্রবণ করিয়া রাজা মর্মান্বিতিক কষ্ট পাইলেন।

অশোক উদ্বিগ্নমনে অশোকারামে উপনীত হইয়া ভিক্ষুসভ্যকে জিজ্ঞাসা করিলেন,—“এই নৃশংস কার্যের জন্য কে পাপগ্রস্ত হইবে ?” অজ্ঞ ভিক্ষু কণ-মাত্র চিন্তা না করিয়াই উত্তর করিল, “এ পাপ তোমারই।” আবার কেহ কেহ বলিলেন,—“তোমাদের উভয়েরই।” কিন্তু বিজ্ঞ জনে উত্তর করিল,—“ইহাতে আপনার কোন পাপ হয় নাই।”

এইরূপ বিভিন্ন অভিমত শ্রবণ করিয়া রাজার সন্দেহ জন্মিল। তিনি মৌদ্গলিপুত্র তিষ্ঠের নিকটে স্বয়ং উপস্থিত হইয়া আপনার মনোবেদনা জানাইলেন। তিষ্ঠ মহারাজকে “তিষ্ঠির-জাতক” শুনাইয়া, সাঙ্ঘনা প্রদান করিয়া বলিলেন,—“প্রতীচ্ছা না থাকিলে পাপ হয় না।” রাজা আশ্বস্ত হইলেন। অতঃপর, সাত দিন তিষ্ঠ সম্রাটকে ধর্মোপদেশ প্রদান করিয়াছিলেন।

ইতোমধ্যে রাজা সম্বাদ পাঠাইয়া ভারতের বাবতীর ভিক্ষুকে অশোকা-রামে সমবেত করিলেন এবং সপ্তম দিবসে তথায় গমনপূর্বক তিষ্ঠের সহিত একান্তে উপবেশন করিয়া একে একে প্রত্যেক ভিক্ষুকে আহ্বান করিয়া ধর্মসম্বন্ধে প্রশ্ন জিজ্ঞাসা করিতে লাগিলেন। তাঁহাদিগের উত্তরে, যে সকল ভিক্ষু শুণ্ডবোধ বলিয়া প্রতিপন্ন হইল, সম্রাট তাঁহাদিগকে বৌদ্ধারাম হইতে বিদূরিত করিয়া দিলেন এবং বোধ ভিক্ষুগণকে উপোষ্য ব্রত আচরণ করিতে অস্বরোধ করিলেন। তাঁহারাও নিৰ্ব্বিয়ে সেই ব্রত পালন করিতে লাগিলেন।

মৌদ্গলিপুত্র তিষ্ঠ, সমবেত ভিক্ষুগণের মধ্য হইতে ত্রিপিটক-বিশারদ,

ধর্মজ এক সহস্র তিঙ্ককে নির্বাচন করিলেন এবং এই নির্বাচিত তিঙ্কগণ এক মহাসভার মিলিত হইলেন। মহারাজ অশোকের রাজত্বের সপ্তদশ বর্ষে, যৌৎপলিপুত্র হুবির তিস্তের অধিনায়কতার পাটলিপুত্রের অশোকারামে এই তৃতীয় বৌদ্ধ সঙ্গীতির অধিবেশন হইয়াছিল। এই সঙ্গীতিতে সভাপতি তিস্ত শাস্ত্রীয় উপদেশাদি দ্বারা এবং “কথাবথ” নামে বৌদ্ধ শাস্ত্র অবৃত্তি করিয়া ধর্মসম্বন্ধীয় নানাবিধ সন্দেহসমূহের অপনোদন করিয়াছিলেন। নয় মাস কাল এই সঙ্গীতির অধিবেশন হইয়াছিল।

তৃতীয় সঙ্গীতি সমাপ্ত হইলে বিদেশে বৌদ্ধধর্ম প্রচারার্থ, কাশ্মীর, গান্ধার, মহাবম্ভল, বনবাসী, অপরন্তক, মহারাষ্ট্র, হিমাচল, সুবরভূমি ও যবন (যোন) দেশে শাস্ত্রজ হুবিরগণ প্রেরিত হইয়াছিলেন। এই উদ্দেশ্যে সম্রাট চারিজন শিষ্ট সমভিব্যাহারে স্বীয় পুত্র হুবির মহেন্দ্রকে লঙ্কার পাঠাইয়াছিলেন।

তখন দেবানাম্পিয় তিস্ত সিংহলের রাজা। তিনি তাঁহার প্রজাবৃন্দের সহিত মহেন্দ্রের নিকট বৌদ্ধ ধর্মে দীক্ষিত হইয়াছিলেন। তৎপরে সিংহল-রাজমন্দিরী অহুলা-প্রমুখ রাজমহিলাগণ তাঁহার নিকট দীক্ষা গ্রহণ করিতে আগ্রহান্বিতা হইলে, মহেন্দ্র তাঁহাদিগকে বলিলেন,—“ত্রীলোককে দীক্ষিত করিবার আমার অধিকার নাই। আমার কনিষ্ঠা ভগিনী হুবিরী সঙ্ঘমিত্রা পাটলিপুত্রে বাস করিতেছেন। তাঁহাকে এই স্থানে প্রেরণ করিবার জন্য, মহারাজ তিস্ত আমার পিতৃদেবকে সংবাদ পাঠাইলে, তিনি এই স্থানে ভ্রমণ করিয়া আপনাদিগকে বৌদ্ধধর্মে দীক্ষিত করিবেন।”

মহেন্দ্রের উপদেশানুসারে মহারাজ তিস্ত সম্রাট অশোকের নিকটে দূত প্রেরণ করিলেন। অশোক সিংহলরাজের মনোভাব অবগত হইয়া, স্বীয় প্রিয়তমা কস্তা সঙ্ঘমিত্রা ও একাদশ জন তিঙ্কনীকে সিংহল দূতের সহিত লঙ্কার পাঠাইয়া দিলেন। বোধিবৃক্ষের একটি শাখাও সেই সঙ্গে প্রেরিত হইয়াছিল। সঙ্ঘমিত্রা লঙ্কার পহুছিয়া রাজমহিলাগণকে বৌদ্ধধর্মে দীক্ষিত করিয়াছিলেন। মহেন্দ্র ও সঙ্ঘমিত্রা উত্তরেই লঙ্কার নির্বাণলাভ করেন। অশোক-প্রেরিত বোধিবৃক্ষের শাখা তাঁহার রাজত্বের অষ্টাদশ বর্ষে সিংহলস্থ “মহামেঘবন” নামক প্রমোদ উদ্যানমধ্যে রোপিত হইয়াছিল।

এই ঘটনার ষাটশব্দ পরে অশোকের প্রিয়তমা মহিষী অসিদ্ধিমিত্রা পর-লোকগমন করেন। তাঁহার মৃত্যুর চতুর্থ বর্ষে অশোক পূর্ব মহিষীর এক-

জন সহচরীকে পাটরাগী করিয়াছিলেন। তৎপরে ২ বৎসর গত হইলে সেই আত্মরূপমানিনী ছুটা রাগী ভাবিলেন,—“এই রাজা আমাকে হতাদর করিয়া, কেবলমাত্র বোধিজ্ঞানের সেবা করিতে ব্যস্ত।” অতঃপর তিনি অত্যন্ত রাগান্বিত হইয়া বিষপ্রয়োগে বোধিবৃক্ষের বিনাশ সাধন করিতে চেষ্টা করিয়াছিলেন। এই ঘটনার পর চতুর্ষ বর্ষে, ৩৭ বৎসর রাজত্ব করিবার পর মহাবিশ্ব অশোকের মৃত্যু হইল। সব ফুরাইল।

শ্রীঅক্ষয়চন্দ্র সরকার।

কোথায় ?

(হায়েন)

একান্ত এ শ্রান্ত পাছ কোথা পা'বে তা'রে
শেষের শয়নখানি মরণের কূলে ?
তালিবনশ্রাম কূলে সুদূর গঙ্গার
অথবা রাইনতীরে শ্রাম তরু মূলে !
একান্ত অপরিচিত রচিবে কি কেহ
শ্রীর শেষ শয়্যাখানি মরু যেথা যায় ;
শেষের শয়ন তা'র লভিবে এ দেহ
বালুতলে জনহীন সাগর-বেলায় ?
কিবা তাহে আসে যায় ? উদার আকাশ
সর্বত্র সমান ঘিরি' রহিবে আমার ;
নিশি নিশি তারাকুল পাইবে প্রকাশ
আমার সমাধি' পরে মৃত্যু-দীপ প্রায়।

কাচের চুড়ী ।

—:—

১

আবাচের শেষ । গগনে ঘনঘটা ; প্রভাতের দিবালোক ম্লান ; রবিকর
বেয়াবরণ বিচ্ছিন্ন করিয়া আশ্র-প্রকাশ করিতে পারিতেছে না । মধ্যে মধ্যে
বারিপাতও হইতেছে । ‘সেনাপতির’ নেতৃত্বে মাতৃনাম কীর্ত্তন করিয়া
‘বন্দে মাতরম্ সম্প্রদায়ের’ সত্যগণ ফিরিতেছিলেন ।

জীতেন্দ্রনাথ ও নির্মলকুমার কলিকাতার পটলডাঙ্গা পল্লীতে কোন ছাত্র-
বাসে থাকিত । আজ রবিবার, কলেজ নাই ; প্রভাতে তাহারা কেবল চা-
পান শেষ করিয়াছে, এমন সময় রাজপথে মাতৃনাম শুনিয়া উত্তরে
আসিয়াছিল—তাহার পর যেন কোন অজ্ঞাত আকর্ষণে আকৃষ্ট হইয়া সম্প্র-
দায়ের সত্যগণের সঙ্গে সঙ্গে শ্রামপুকুর পর্য্যন্ত আসিয়াছিল । শ্রামপুকুরে
আসিয়া নির্মল বড়ী দেখিল,—দশটা বাজিয়া গিয়াছে । সে সঙ্গীকে
বলিল । উত্তরে ফিরিয়া চলিল । পথের দূরত্ব হ্রাস করিবার অভিপ্রায়ে তাহারা
বড় রাস্তা ত্যাগ করিয়া গলিতে ঢুকিল ।

গলিতে ঢুকিয়াই বামে একখানি ক্ষুদ্র গৃহ । গৃহদ্বারে কয়টি বালক-
বালিকা দাঁড়াইয়া সম্প্রদায়ের সুরে ‘বন্দে মাতরম্’ গাহিবার চেষ্টা করিতে
ছিল । সহসা একটি বালক একটি বালিকাকে বলিল, “দিদি, তোর হাতে ও
কাচের চুড়ী বিদেশী ।” বালিকা বলিল, “কখনও না । চুড়ীওয়ালী বলিয়াছে,
এ বোঝাই চুড়ী ।” বালক যুবকদ্বয়কে মধ্যস্থ মানিয়া বলিল, “আচ্ছা,
আপনারা দেখিয়া বলুন,—এ চুড়ী বিদেশী কি স্বদেশী ।”

বালকের কথা শুনিয়া জীতেন্দ্রনাথ ও নির্মলকুমার হাসিল । জীতেন্দ্রনাথ
হইয়া বালিকার চুড়ীগুলি নাড়িয়া চাড়িয়া দেখিয়া বলিল, “এ চুড়ী
বিদেশী ।”

বালিকার চক্ষু চুইটি জলে পূরিয়া আসিল । দেখিয়া জীতেন্দ্রনাথ বলিল,
“তুমি কাঁদিতেছ কেন ? তুমি ত জানিতে না যে, এ চুড়ী বিদেশী ।”

জীতেন্দ্রনাথের কথা শেষ হইতে না হইতে বালিকা আপনার দুইটি
বনিবন্ধ দিয়া গৃহশাটীতে আঘাত করিল । কাচের চুড়ী তালিয়া গেল । সঙ্গে
সঙ্গে বালিকার কোমল দেহ কাটিয়া রক্তধারা বহিতে লাগিল ।

যুবকটির একান্ত লজ্জিত হইল। নির্মলকুমার ব্যস্ত হইয়া ক্রমাগত বাহির করিয়া নিকটস্থ কলের জলে ডিঙ্গাইয়া আনিয়া ও বালিকার হাত বাধিয়া দিল।

এমন সময় গৃহমধ্য হইতে রমণীকণ্ঠ শ্রুত হইল, “সু-র, কত দিন তোকে বাহিরে বাইতে বারণ করিয়াছি। আবার বাহিরে গিয়াছিস্ ?”

“মা, রাগ করিয়াছেন” বলিয়া বালিকা গৃহে প্রবেশ করিল।

ষাটশব্দীয়া ছহিতাকে ‘পর্দানশীন’ করিবার জন্য বাঙ্গালী জনমীর এই একান্ত চেষ্টার বিষয় আলোচনা করিতে করিতে যুবকটির ছাত্রাবাসে ফিরিয়া চলিল।

২

অগ্রহারণের মধ্যভাগ। সন্ধ্যা উত্তীর্ণ হইয়া গিয়াছে। ঘন ধূসর ধূস-রাশি কলিকাতা আচ্ছন্ন করিয়া আছে। রাজপথে অন্নদূরবর্তী বস্ত্র ও লক্ষ্য করা কষ্টসাধ্য। মধ্যে মধ্যে আলোকমালা সেই ধূসাবরণ ভেদ করিতে বৃথা প্রয়াস পাইতেছে।

ছাত্রাবাসে আপনার কক্ষে বসিয়া নির্মলকুমার আপনার ভবিষ্যৎ চিন্তা করিতেছে। নির্মলকুমারের বাস হুগলী জিলায় কোন পল্লীগ্রামে। তাহার তাহার পিতা জমীদারীর ও তেজারতীর আয়ে ‘গৃহস্থ’ ও ‘বড় মাস্তুল’ এই দুইয়ের মধ্যবর্তী সীমারেখায় উপনীত হইয়াছেন। তাহার ছোট ভ্রাতা বিহারে কোন জিলা আদালতে উকীল; একমাত্র ভগিনীর স্বামী যুদ্ধে। নির্মলকুমার প্রবেশিকা হইতে এম, এ, পর্যন্ত সব পরীক্ষায়ই বিশেষ দক্ষতা সহকারে উত্তীর্ণ হইয়াছে। তাহার পর সে আইন পড়িতেছিল ও টুডেন্টসিপ্-পরীক্ষার জন্য প্রস্তুত হইতেছিল, এমন সময়ে বাঙ্গালার রাজনীতিক ব্যাপারে একটা বিপ্লব ঘটয়া গেল। সরকার পক্ষকে সধ্যসীমা করিয়া বাঙ্গালাকে দুই ভাগে বিভক্ত করিলেন; ফলে বাঙ্গালার ‘মরা গাঙ্গে’ পক্ষের স্রোতেরই মত প্রবল ভাবের স্রোত বহিল। বাঙ্গালার উত্তর ভূমি সহসা যেন উর্ধ্ব হইয়া উঠিল, বাঙ্গালার শিল্প ও শিক্ষা উত্তরের উন্নতিসাধনচেষ্টা একট হইল।

নির্মলকুমার যুবকসুলভ উত্তেজনার বশে কলিকাতা বিশ্ববিদ্যালয়ের অস্থায়ী পথ পরিত্যাগ করিল। এখন তাহার পর বর্ষাধিক কাল কাটিয়া গিয়াছে। এখন আরম্ভের আবেগ অন্তর্হিত হইয়াছে। তাই আন

পক্ষীর আগনার ককে বলিয়া নির্মলকুমার তাবিত্তেছে,—এখন কি করি ? পিতা ও জ্যেষ্ঠ এখনও সব কথা জানিতে পারেন নাই। কিন্তু মা জানাইলে আর ত চলে না।

নির্মলকুমার তাবিত্তেছিল; আর পাৰ্শ্বেই আর একখানা তক্তপোশে বলিয়া জীতেজনাথ গৃহপ্রচীরবন্ধ দীপের আলোকে রসহীন রসায়ন-পাঠে রসসন্ধান করিতেছিল। সহসা সে বলিয়া উঠিল “এই যে শ্রীশ্রুত হরিশ্চন্দ্র। বাগত।”

নির্মলকুমার কিরিয়া দেখিল,—জীতেজনাথের সতীর্ধ ও তাহার বন্ধ হরিশ্চন্দ্র। হরিশ্চন্দ্রকে একান্ত চিন্তাক্লিষ্ট ও অত্যন্ত উদ্বেজিত দেখাইতেছিল।

নির্মল জিজ্ঞাসা করিল, “কি হরিশ, আজ যে বড় চিন্তিত দেখিতেছি।”

হরিশ্চন্দ্র নির্মলকুমারের তক্তপোশে অঙ্গ চালিয়া দিয়া বলিল, “আর, তাই, বড় বিগদ।”

নির্মলকুমার জিজ্ঞাসা করিল, “ব্যাপার কি ?”

হরিশ্চন্দ্র বলিল, “ব্যাপার এই যে, আমার এক দিদি আছেন। আমার ভগিনীপতি ৫০০ টাকা বেতনে একটা ‘হাউসে’ চাকরী করেন। তাও ‘বদেলীর’ কলে ব্যবসায় বন্দ পড়ায় বেতন ৪০০ টাকায় দাঁড়াইয়াছে। জীহার একটা কস্তা বিবাহযোগ্য। সৎক স্থির হইয়াছিল। আগামী কল্য পাত্র-হরিত্রা হইবার কথা। এমন সময় সব উন্টাইয়া যায়।”

জীতেজনাথ বলিল, “কেন ?”

হরিশ উঠিয়া বলিল, “কেন ? আসল কথা টাকা। গরীব গৃহস্থ—বহু দিনের চেটার কস্তার খানকতক গহনা কুবিয়াছিল। তাহার পর জানাতার বড়ী, বড়ীর চেন ইত্যাদি বাবদে আর ধরচের অল্প কোন রূপে আর ও ৫০০ টাকা সংগৃহীত হইয়াছিল। আজ বরের পিতা বলিয়া পাঠাইলেন, মগদ ৫০০ টাকা ব্যতীত পুত্রের বিবাহ দিবেম না।”

নির্মলকুমার বলিল, “তোমরা কি করিবে ?”

“কি আর করিব ? আমার ভগিনীপতি বলিতেছেন, ‘অমন হেলে আমি হাড়িব না, যেমন করিয়া হউক বিবাহ দিব।’ যেমন করিয়াই হউকের অর্থ—বাড়ীখানি বন্ধক দিয়া। আমরা সকলে নিষেধ করিতেছি, তিনি কিছুতেই তসিবেম না।”

“ছেলেটি কি করে ?”

“বি, এ, পাস করিয়াছে।

“ছেলেটি কি এই ব্যবহারে আপত্তি করে নাই।”

“আপত্তি সকলেই করে। এ দিকে ত দেখি ‘স্বদেশীর’ মহা হুন্না; পরিষের গলায় ছুরী দিবার সময় দেখি, ছেলে বুড়া সবই সমান।”:

এই কথাটা নির্মলকুমারের হৃদয়ে তীব্র তিরস্কারের মত বিদ্ধ হইল।

হরিশ বলিল, “তোমরা ত ‘স্বদেশীর’ পাণ্ডা, কই একটা ছেলে দাও দেখি যে কস্তাদায়গ্রস্ত দরিদ্র পিতাকে উদ্ধার করে।”

জীতেন্দ্রনাথ বলিল, “এ সব বড় বিপদ। পথে পথে গান করা, বস্তৃত্য-স্থলে করতালি দেওয়া—এ সব সহজসাধ্য। কিন্তু মতটাকে কার্যে পরিণত করা—সে বড় কঠিন কথা।”

নির্মল বলিল, “সে কি বড় কঠিন কথা ?”

জীতেন্দ্রনাথ বলিল, “তাই ত দেখি। কই—মতের মত কাষ করিবার যোগ্যতা ত বড় কাহারও দেখি না।”

নির্মল বলিল, “তুমি কি মনে কর, হরিশের ভগিনেয়ীকে বিবাহ করিয়া কস্তাদায়গ্রস্ত পিতাকে দায়মুক্ত করে—বাহালীর কলঙ্ক পাত্রেয় পিতার ব্যবহারের তীব্র প্রতিবাদ করে এমন লোক বাঙ্গালায় নাই ?

জীতেন্দ্রনাথ বিক্রপ করিয়া বলিল, “কোন্ বাঙ্গালায়—পূর্ব না পশ্চিম ?”

নির্মলকুমার বলিল, “ঠাট্টা নহে।”

জীতেন্দ্রনাথ বলিল, “লোক কোথায় ?”

“হেথায় ?”

“কে ?”

“আমি।”

মুহূর্তকাল সকলেই নীরব হইয়া রহিল। নির্মলকুমার ভাবিল, “কি বলিলাম ?” জীতেন্দ্রনাথ ও হরিশ্চন্দ্র ভাবিল, “নির্মল কি বিক্রপ করিতেছে ?”

জীতেন্দ্রনাথ জিজ্ঞাসা করিল, “তুমি কি বিক্রপ করিতেছ ?”

নির্মলকুমার গভীরভাবে বলিল, “না।”

“তবে তুমি বালিকাকে বিবাহ করিবে ?”

“হাঁ।”

“বাসু”—বলিয়া জিতেক্রনাথ লাকাইয়া উঠিল । তাহার মস্তকে লালিয়া গৃহপ্রাচীরবন্ধ দীপ হইতে কাচের আবরণ পড়িয়া চূর্ণ হইয়া গেল । কাচখণ্ড-গুলি ঝাড়িতে ঝাড়িতে জীতেক্রনাথ বলিল, “দেখ সংকার্য্যে কত বাধা । নিশ্চল একটা সাধু সংকল্প করিতে না করিতে আমার ছয় পরসী লোকসান ।”

৩

ছাত্রাবাস হইতে বিবাহ ; সুতরাং প্রচলিত আচারের বার আনাই অসম্পন্ন রহিয়া গেল, কেন না—সে বার আনাই ‘মেয়েলী শাস্ত্রের’ বিধান । কিন্তু ছাত্রাবাসে উৎসবের অন্ত ছিল না—ছাত্রদলে উৎসাহের অবধি ছিল না ।

নির্ধারিত দিনে সন্ধ্যার অল্পক্ষণ পরেই বরকে লইয়া ছাত্রগণ হরিশ্চন্দ্রের গৃহে উপনীত হইল ।

বিবাহ হইয়া গেল ।

‘শুভদৃষ্টির’ সময় নিশ্চলকুমারের বোধ হইল যেন—বধুর মুখখানি পরিচিত অথচ সে কোথায় সে মুখ দেখিয়াছে,—কোথায় বালিকাকে দেখিবার সন্ভাবনা সে ভাবিয়া কিছুতেই স্থির করিতে পারিল না । সে মনে মনে হাসিয়া বলিল—বুঝি জন্মান্তর স্মৃতি ।

৪

নিশ্চলকুমারের এই বিবাহের সংবাদ পাইয়া তাহার পিতা ও ভ্রাতা উত্তরেই বিরক্ত হইলেন । এই সংবাদের সঙ্গে সঙ্গে নিশ্চলকুমার তাঁহা-দিগকে তাহার বিশ্ববিদ্যালয়ের সংসর্গ ত্যাগের কথাও জানাইয়াছিল । এই দুগল সংবাদে তাঁহাদের বিরক্তি—ক্রোধে পরিণতি লাভ করিল ।

বিরক্ত ও ক্রুদ্ধ পিতা পুত্রকে লিখিলেন—“তুমি বিদ্যালয়ত্যাগ ও বিবাহ কোন কার্য্যেই আমার অনুমতি গ্রহণ কর নাই । বুঝিলাম, তুমি স্বাধীন হইয়া আর আমার সহিত সহিত সম্বন্ধ রাখিতে ইচ্ছা কর না । ভাল । আমার কাষ আমি করিয়াছি । তুমি খুঁটিয়া খাইতে শিখিয়াছ ; বরং পরিবার প্রতিপালন কর—সুখে থাক ।”

নিশ্চলকুমার পিতার পত্রের সঙ্গে সঙ্গে মাতার এক পত্র পাইল । মা লিখিয়াছেন,—“বাবা, তোমার পত্র লাইয়া কর্তা বড় রাগ করিয়াছেন । তুমি আমাকে না লিখিয়া প্রথমেই তাঁহাকে এ সব কথা লিখিতে গেলি কেন ?

যাহা হইবার হইয়াছে ; এখন তুই বৌমা'কে লইয়া বাড়ী আর । আমার মাথা খাস, অন্তথা করিস না । আমি বৌমা'র অন্ত বালা গড়াইতে দিলাম ।”

মাতার পত্র পাঠ করিয়া নির্মলকুমারের হৃদয় গৃহের অন্ত ব্যাকুল হইয়া উঠিল— তাহার নয়ন-গল্পব সিক্ত হইয়া উঠিল । কিন্তু পিতার পত্রের ভাবে সে গৃহে যাইতে সাহস করিল না,—সে বাসনা তাহার হৃদয়ে উখিত হইয়া হৃদয়েই বিলীন হইয়া গেল । অভাগিনী সুরবালার ভাগ্যে, শাওড়ীর আশীর্বাদলাভ ঘটিল না ।

এ দিকে নির্মলকুমারের চিন্তার অবধি রহিল না । সহসা তাহার স্বপ্নে সংসারের ভার পড়িল । এখন আপনার ভরণপোষণের উপায় করিতে হইবে—সঙ্গে সঙ্গে পত্নীর ভারও লইতে হইবে । সে কি করিবে ?—সে ধেরূপ প্রশংসার সহিত বিশ্ববিদ্যালয়ের পরীক্ষায় উত্তীর্ণ হইয়াছে, তাহাতে তাহার পক্ষে অধ্যাপকপদ প্রাপ্তি সহজ হইতে পারে, কিন্তু যে বিশ্ববিদ্যালয়ের সংস্রবত্যাগ করাই সে কর্তব্য মনে করিয়াছে, সে বিশ্ববিদ্যালয়ের সহিত যুবকদিগের ঘনিষ্ঠতাসংস্থাপনে সে সহায় হইতে পারিবে না । এখন সে ঠেকিয়া শিখিল—দেখিল, তাহার লক্ষ শিক্ষা সত্যই তাহাকে কঠোর জীবন-সংগ্রামের উপযোগী করে নাই । সে এখন কি করিবে ?

এইরূপ ভাবনার এক মাস কাটিয়া গেল ; সে কিছুই স্থির করিতে পারিল না ।

এই সময় একদিন হরিশ্চন্দ্র আসিয়া নির্মলকুমারকে তাহার স্বপ্ন-বাটা নিমন্ত্রণ করিল । “ইতঃপূর্বে সে দুইবার নিমন্ত্রণ প্রত্যাখ্যান করিয়াছিল—এবার ও প্রত্যাখ্যান করিতে চাহিল । কিন্তু জীতেজনাথ তাহাতে আপত্তি করিয়া বলিল, “সে হইতে পারে না । তুমি পুনঃ পুনঃ নিমন্ত্রণ প্রত্যাখ্যান করিলে সকলে মনে করিবে, তুমি বিবাহ করিয়া এখন অন্ততপ্ত হইয়াছ ।”

নির্মলকুমার নিমন্ত্রণ গ্রহণ করিল ।

সঙ্গে সঙ্গে তাহার মনে হইল, সে যাহাকে জীবন-সঙ্গিনী করিয়াছে— তাহার ভবিষ্যৎ কার্য সম্বন্ধে তাহার মত গ্রহণও আবশ্যিক । সুরবালা এখনও বালিকামাত্র—তা' হউক ; সে তাহার মত লইবে ।

এইরূপ সঙ্কল্প করিয়া নির্মলকুমার স্বপ্নালয় গেল ।

স্বপ্নালয়ে স্বপ্ন মহাশয় নির্মল কুমারকে সংবাদ দিলেন, তাহার আফিসে মাসিক ৩০০ টাকা বেতনে একটি কেরানীর কার্য খালি আছে, নির্মলকুমার

চেঁটা করিলে সে কার্য তাহার হইতে পারে। নির্মলকুমার কথাটা কেবল শুনিল, কোন উত্তর করিল না।

তাহার পর নির্মলকুমারের সহিত সুরবালায় সাক্ষাৎ হইল। বিবাহের পর স্বামীত্বের আর একবারমাত্র সাক্ষাৎ হইয়াছে। সুযুধুর লজ্জার আবরণ তখনও মুক্ত হয় নাই। অথচ নির্মলকুমার আজ জীবনের ভবিষ্যৎ কার্যপ্রণালী সম্বন্ধে পত্নীর সহিত পরামর্শ করিতে আসিয়াছে। সে ছুই একবার ভাবিল,—কেমন করিয়া সুরবালাকে বিজ্ঞাসা করিব; শেষে সে বলিল “সুর, আমি একটা আবশ্যিক বিষয়ে তোমার সহিত পরামর্শ করিতে আসিয়াছি।”

সুরবালা বিস্ফারিত নয়নে স্বামীর দিকে চাহিল। তেমন করিয়া নিঃসঙ্কোচে সে সে-ই প্রথম স্বামীর দিকে চাহিল। বিবাহের সম্বন্ধ হইতে এ পর্যন্ত যে সব অসাধারণ ঘটনা তাহাতেই কেন্দ্র করিয়া আবর্তিত হইয়াছে—সে সব তাহার যৌবন-চাপল্যে বিজ্ঞতার গাভীর্য্য দান করিয়াছিল।

নির্মলকুমার বলিল, “আমার কার্যে পিতা আমার উপর অসন্তুষ্ট হইয়াছেন। আমি আর তাহার গলগ্রহ হইয়া থাকিতে চাহি না। সুতরাং এই, বিশাল বিশেষ আজ আমরা দুইজন আলয়—আশ্রয়হীন। আমাকে আমারদের আশ্রয়কার উপায় করিতে হইবে।”

সুরবালা মুগ্ধ হইয়া স্বামীর কথা শুনিতে লাগিল।

নির্মলকুমার বলিল, “এখন কি করি? ছুই পথ মুক্ত—এক শিক্ষকের কার্য, চেঁটা করিলে সে কাষ পাইতে পারি। কিন্তু মনুষ্যত্বের পরিণতির পক্ষে অন্তরায় বুঝিয়া যে পথ পরিত্যাগ করিয়াছি, কেমন করিয়া সেই পথের পথ-প্রদর্শক হইব? আর এক পথ দাসত্ব। সে কার্য করা কি সুভিক্ষু?”

সুরবালা হৃৎকরে বলিল, “না।”

নির্মলকুমার পত্নীকে বন্ধে ধরিয়। তাহার হৃদয় ওষ্ঠাধরে চুষন দান করিল। এবার লজ্জার সুরবালায় নয়ন মুদিয়া আসিল।

তাহার পর স্বামীত্বকে কত কথা হইল—তখন লজ্জার বাধ তাড়িয়া গিয়াছে। সে রাজিতে কেহই বুঝাইল না। নির্মলকুমার ছুই চার বার পত্নীকে বলিল, “তুমি বুঝাও”; কিন্তু পরকণ্ঠেই আবার একটা কথার অবতারণা করিল।

কথার কথার সুরবালা স্বামীকে বলিল, “যেমনই হউক—‘স্বদেশী’ জিনিসের কোন কাণ্ড হয় না?”

প্রত্যাহতে নির্মলকুমার যখন প্রণাম করিয়া বিদায় লইতেছে, তখন স্বস্তর বলিলেন, “গত কল্য যে কাষের কথা বলিয়াছি, সেটার কথা ভাবিয়া বাহা হয় জানাইও।” নির্মলকুমার ছাত্রাবাসে প্রত্যাবর্তন করিল—তাহার সঙ্কল্প স্থির হইয়া গিয়াছে।

৬

কলিকাতা-প্রবাসী আশ্রয়দিগের ও কল্পজন বন্ধুর সাহায্যে কিছু অর্থ সংগ্রহ করিয়া নির্মলকুমার স্বদেশী দ্রব্যের একখানা ক্ষুদ্র দোকান খুলিল। এ কার্যে তাহার অসাধারণ উৎসাহ লক্ষিত হইল। সুরবালার সেই কথা অহরহঃ তাহার হৃদয়ে জাগিতে লাগিল—“‘স্বদেশী’ জিনিসের কোন কাণ্ড হয় না?”

সংসারজ্ঞানানভিজ্ঞ যুবক বুলিল না, এই বিষম প্রতিযোগিতার দিনে—সামান্য মূলধনে ব্যবসায় চালান অসাধ্য-সাধন। দুই মাস পরে খতাইয়া দেখিয়া নির্মলকুমার বুলিল, ব্যবসায়ের লাভ হইতেছে না; পরন্তু ছিদ্র-কুণ্ডে বারির মত মূলধন বাহির হইয়া যাইতেছে। এখন উপায় কি?

নির্মলকুমার চারিদিক অন্ধকার দেখিতে লাগিল। সে কি করিবে?

ভাবিতে ভাবিতে মাসাধিক কাল কাটিয়া গেল; নির্মলকুমারের উৎসাহ-প্রফুল্ল, উচ্চমসৃজল হৃদয়ে ক্রমে নিরাশার অন্ধকার ব্যাপ্ত হইতে লাগিল।

এই সময় সহসা একটা অঘটন ঘটিল। ভারতের রাজনীতিক রঙ্গমঞ্চে সহসা বোম্বার আবির্ভাব হইল; ভারতবাসী শুনিয়া, বিহারে বোম্বার দুইটি নিরপরাধ ইংরাজ রমণী মৃত্যুমুখে পতিত হইয়াছেন। তাহার পর একদিন বৈশাখের প্রত্যাহতে কলিকাতাবাসীরা জাগিয়া শুনিয়া, কলিকাতার পুলিশ বিপ্লবতন্ত্রীদিগের গুপ্তগৃহ পাইয়াছে। সংবাদ-পত্রে শত দিহ্বার শত কাহিনী প্রচারিত হইতে লাগিল। শেষে অসত্যের ও অতিরঞ্জনের ফেন-পুঞ্জের মিলে সত্যের স্বচ্ছ ধারা দৃষ্ট হইল।

প্রথমেই বাহারা ধৃত হইয়াছিল, তাহাদের মধ্যে একজন নির্মলকুমারের পরিচিত। পুলিশ তাহার বাসে নির্মলকুমারের পত্র পাইল। পত্রে বিপ্লবের গন্ধমাত্র ছিল না। কিন্তু পুলিশের সন্দেহ হইল। বিশেষ নির্মলকুমারকে সন্দেহ করিবার কারণও ছিল; পুলিশ মনে করিল, যখন হগলী জিলায়

ধনবান গৃহস্থের পুত্র হইয়া সে সহসা 'বদেশীয়' অস্ত্র অধ্যয়ন ত্যাগ করিয়াছে এবং সামান্য দোকান উপলব্ধ করিয়া বসিয়া আছে—তখন তাহাকে পরীক্ষা করা আবশ্যিক ।

সুতরাং এক দিন প্রত্যুষে পুলিশ কর্মচারীরা নির্মলকুমার বে ছাত্রাবাসে বাস করিত সেই ছাত্রাবাস ঘিরিল ।

নির্মলকুমার নিজাভঙ্গে দেখিল, সে অজ্ঞাত অপরাধে বন্দী হইয়াছে । পুলিশ তাহাকে লইয়া গেল ।

৭

এই বিপ্লবতন্ত্রিষড়যন্ত্র প্রকাশে বাঙ্গলার বহুগৃহে অপ্রত্যাশিত বিপদের ছায়াপাত হইল—অনেক অশটন ঘটয়া গেল । পুত্রের বিপদে নির্মলকুমারের পিতার বিরক্তিবন্ধন বিচ্ছিন্ন হইয়া গেল—পিতৃ-হৃদয় পুত্রের দিকে আকৃষ্ট হইল । নির্মলকুমারের পিতা ও ভ্রাতা উভয়েই কলিকাতার আসিয়া মোকদ্দমার তদ্বির করিতে লাগিলেন ।

নির্মলকুমারের জননী অশ্রুবর্ষণ—প্রায়োপবেশন প্রভৃতি নারীজকুলত উপায় অবলম্বন করিয়া স্বামীকে তাঁহাকে সঙ্গে কলিকাতার আনিতে বাধ্য করিয়াছিলেন ;—তিনি একবার পুত্রকে দেখিবেন ।

মোকদ্দমার কাষে পিতা ও ভ্রাতা যখন আর সব ভুলিয়াছিলেন ; যা তখন ভুলেন নাই যে, নির্মলকুমার বিবাহ করিয়াছে । তাহার সেই চঃখাতুরা পত্নীর—তাঁহার সেই অনাদৃত পুত্রবধুর জন্ত তাঁহার প্রাণ কাঁদিয়া উঠিল । তিনি সন্ধান লইয়া এক দিন নির্মলকুমারের শওরালয়ে গমন করিলেন ।

হৃদ্দিনে হৃদ্দিনে সাক্ষাৎ হইল । নির্মলকুমারের জননী সুরবালার মলিন মুখে আপনার দারুণ চঃখের প্রতিচ্ছবি দেখিলেন । তিনি পুত্রবধুকে কোলে লইয়া কাঁদিলেন—তাঁহার অশ্রুধারা সুরবালার মস্তকে আশীর্বাদ বর্ষণ করিল । শাশুড়ীর কাছে কাঁদিয়া সুরবালার মনে হইল, যেন সে অকূলে কুল পাইল । সেই দিন হইতে হৃদ্দিনে প্রায়ই সাক্ষাৎ হইত ।

কারণারে পুত্রের সহিত সাক্ষাতের অসুখতি পাইয়া নির্মলকুমারের জননী পুত্রবধুকে সঙ্গে লইয়া বাইলেন । নির্মলকুমার বুঝিল, সুরবালার আশ্রয় ছুটিয়াছে ; তাহার হৃদয় হইতে একটা তার নামিয়া গেল ।

বাস্তবিক কারণারে আসিয়া সুরবালার চিন্তাতেই সে অত্যন্ত কাতর হইয়া পড়িয়াছিল । তাহার কি হইবে ? শওর দরিদ্র । পিতা তাহার

গঙ্গীর ভার লইবেন না। সে কারাবদ্ধ। সুরবালার কথা ভাবিয়া তাহার হৃদয়ে দারুণ হুশ্চিন্তা ও বিষম বেদনা অনুভূত হইত। তাহাকে বিবাহ করিয়াই সুরবালার আশ এই হুর্দশা। কাষেই সে যখন দেখিল, তাহার জননী পুত্রবধূকে সম্মেহে গ্রহণ করিয়াছেন, তখন তাহার মনের একটা ভার দূর হইল।

সুদীর্ঘ এক বৎসর কাল নির্মলকুমার কারাবদ্ধ রহিল; যোকর্দ্দমা আর শেষ হয় না। এই সময় তাহার নির্জন কারাকক্ষে সে সুরবালার কথা ভাবিত; তাহার চুই চক্ষু ফাটিয়া অশ্রু ঝরিত।

এক বৎসর পরে যোকর্দ্দমার রায় প্রকাশিত হইল। তাহার বিরুদ্ধে কোন রূপ প্রমাণের অভাবে বিচারক নির্মলকুমারকে মুক্তি দিলেন।

নির্মলকুমারের জননী এত দিন কলিকাতাতেই ছিলেন। এবার তিনি পুত্রকে ও পুত্রবধূকে লইয়া গৃহে ফিরিলেন। গত বর্ষকাল মধ্যে সুরবালা শাওড়ীর হৃদয় অধিকার করিয়াছিল।

অপ্রত্যাশিত বিপদের অবসানে নির্মলকুমার হুশ্চিন্তা ও উদ্বেগ হইতে মুক্তি লাভ করিল। প্রেমের যে প্রবাহ নানা বিঘ্নের উপলমধ্যে অগ্রসর হইতে পারিতেছিল না, এখন তাহা পূর্ণতা লাভ করিল—অনায়াসে প্রবাহিত হইতে লাগিল। সুরবালার প্রেম তাহার নানাহুঃখকাতর হৃদয়ে অননুভূতপূর্ব স্নিগ্ধ শান্তির ও সুখের সঞ্চার করিতে লাগিল। কিন্তু নির্মলকুমারের এক সন্দেহ কিছুতেই মিটিল না; তাহার কেবলই মনে হইত, সুরবালার মুখ তাহার পরিচিত; সে পূর্বে কোথাও তাহাকে দেখিয়াছে। অথচ সে পূর্বে কোথায় তাহাকে দেখিয়াছে, তাহা কিছুতেই স্থির করিতে পারিত না।

* * * * *

কারাকক্ষে নির্মলকুমারের স্বাস্থ্যভঙ্গ হইয়াছিল। যাসাধিককাল গৃহে থাকিয়াও যখন সে নষ্ট স্বাস্থ্য ফিরিয়া পাইল না, তখন তাহার ভ্রাতা তাহাকে কিছু দিনের জন্য তাঁহার নিকট যাইয়া থাকিতে অনুরোধ করিলেন। পিতাও সেই মতে মত দিলেন। নির্মলকুমার কোর্টের কর্মস্থানে গেল। সুরবালা সঙ্গে গেল।

নির্মলকুমার কোর্টের কর্মস্থানে আসিবার পর কয় দিন কাটিয়া গেল। তাহার পর একদিন রাত্রিকালে শয়ন গৃহে আসিয়া নির্মলকুমার দেখিল,

নিম্নাঙ্কের দারুণ তাপে কক্ষে ধাকা কষ্টকর। সে কক্ষসংলগ্ন অলিন্দে আসিল। উপরে আকাশ নক্ষত্র-খচিত, জ্যোৎস্নালোকে আলোকিত ; নিরে উড়ান হইতে প্রকৃষ্টিত বেল ফুলের সৌরভ কোমল ও মধুরতর হইয়া আসিতেছে।

নির্মলকুমার কক্ষমধ্য হইতে একখানা মাহুর ও বালিস আনিয়া সেই অলিন্দে শয়ন করিল ; আকাশে তারকার ত্রিফোজল দীপ্তি দেখিতে দেখিতে বেন স্বপ্ন-সাগরে ডাসিতে লাগিল। এই আকাশ সে বর্ষাধিক কাল দেখিতে পায় নাই।

সুরবালা কক্ষে প্রবেশ করিল। কক্ষমধ্যে নির্মলকুমারকে না পাইয়া সে-ও অলিন্দে আসিল, আনিয়া স্বামীর পার্শ্বে উপবেশন করিল।

সুরবালার হস্তে কি ছিল দেখিয়া নির্মলকুমার জিজ্ঞাসা করিল, “ও কি ?”
সুরবালা বলিল, “কাচের চুড়ী”।

“আনিয়াছ কেন” ?

“আজ বাড়ীতে এক চুড়ীওগালী চুড়ী বেচিতে আসিয়াছিল। দিদি চুড়ী পরিয়াছেন, আমাকেও পরিতে বলিয়াছিলেন ; আমি পরি নাই, তাই আমার ভক্ত এই করগাছি রাখিয়া দিয়াছেন।

“তুমি পরিলে না কেন ?

“দিদি বলিলেন, এ চুড়ী স্বদেশী, কিন্তু আমার সন্দেহ ঘুচিল না। তুমি একবার দেখ। কাচের চুড়ীকে আমার বড় ভয়”।—শেষ কথা করিয়া সুরবালা কেমন বাধ বাধ ভাবে বলিল।

নির্মলকুমার চুড়ী করগাছি লইয়া কক্ষে গেল, স্বীপশিখা উজ্জল করিয়া পরীক্ষা করিল। তাহার পর ফিরিয়া আসিয়া সে চুড়ী করগাছি সুরবালাকে দিয়া বলিল, “এ চুড়ী স্বদেশী। কিন্তু কাচের চুড়ীতে তোমার ভয় কেন ?”

মূহূর্ত্তমাত্র ইতস্ততঃ করিয়া সুরোবালা বলিল, “প্রায় দুইবৎসর পূর্বে আমি কাচের চুড়ী পরিয়াছিলাম। চুড়ীওগালী বলিয়াছিল, চুড়ী স্বদেশী। পর দিন আমরা গৃহদ্বারে দাঁড়াইয়া ‘বন্দে মাতরম’ গান গুনিতেছিলাম, এমন সময় আমার ছোট ভাই চুড়ী বিদেশী বলে। আমি লজ্জার চুড়ী ত্যাগিয়া কেলিতে বাইরা হাত কাটিয়া কেলি। তাহার পর এক জন পঞ্চবাত্রী যুবক আমার হাত বাধিয়া দেন।”

জ্যোৎস্নালোকে নির্মলকুমার পক্ষীর মুখে লজ্জারস্তরাগাতা দেখিতে পাইল না বটে, কিন্তু সুরবালার কণ্ঠস্বর যে লজ্জাজড়িত হইতেছিল, তাহা

সে বুঝিতে পারিল। সুরবালা বলিল “সে দিন মা’র কাছে বড় বকুনি খাইয়াছিলাম।”

তখন অপগতবেশাবরণ আকাশে জ্যোৎস্নার মত নিশ্চলকুম্বারের স্বপ্নে বিশ্বত কথা জাগিয়া উঠিল। এত দিনের সন্দেহ মিটিল।

পত্নীর মুখচূষন করিয়া নিশ্চল কুম্বার বলিল, “আমি এত দিন চেষ্টা করিয়া কিছুতেই মনে করিতে পারি নাই, বিবাহের পূর্বে কোথায় তোমাকে দেখিয়াছিলাম। আমিই তোমার তিরস্কার লাভের কারণ।”

সুরবালা মূহু মূহু হাসিতেছে দেখিয়া নিশ্চলকুম্বার তাহাকে জিজ্ঞাসা করিল, “তুমি কি আমাকে চিনিতে পারিয়াছিলে?”

পতির মুখচূষন করিয়া সুরবালা বলিল, “দেখিবারাত্র।”

বর্ষ-বিদায় ।

—:~:—

১

সন্ধ্যার সূর্য রেখা মিশে গেল ধীরে
পশ্চিম পশ্চমে,
প্রান্তিকারা হৃদিভরা তরল তিমিরে
যিরিয়া ভুবনে ।
কেগো ওই স্নান মুখে দাঁড়াইয়া স্বপ্নদেশে
অপরাধীপ্রায় !
পুরাতন বর্ষ ও যে অঁধারে মাগিছে এষে
নীলব বিদায় ।

২

অকদিন এসেছিলে আগারে অন্তরে
কত নব আশা,
অবাচিত দিয়াছিলে ঢালি সবা “পরে
কত ভালবাসা ;
উঠেছিল প্রতি গৃহে-হেরি তোমা অর রখে
হৃদ গীতি গান,
আদি উপেক্ষিত তুমি—নীলবে অজ্ঞাত পথে
করিব প্রয়াণ ।

৩

হে বন্ধু, দাঁড়াও তবে, দেখি ভাল করে’
বিদায়ের ক্ষণে,
চাহিয়া তোমার পানে জল আসে তরে’
আমার নয়নে ।
দলিয়াছ কত সাধ—স্বপ্নের স্বপন কত
দিয়াছ ভাঙ্গিয়া,
অবুও ছাড়িতে তোমা চির অনন্দের মত
কঁাদে বোর হিয়া ।

৪

অঁধারে বিহ্বৎসব আলিয়াছ কত
কোথা মুখ-আলো,
কতগৃহে নিবায়েছ দীপশিখা, তবু
বাসি তোমা ভালো ।
কণহারী এ জীবনশত হুখ শোক ভরা,
আনি নিরন্তর
পতনে উথানে মহাপরিণতি জাগ্রতবোর
হই অশ্রুত ।

শ্রীরমণীমোহন ঘোষ ।

সমালোচনা ।

সনাতনী । *

অক্ষয়বাবু প্রবীণ সাহিত্যিক । বঙ্গদেশে সাহিত্য পরিষদ ও সাহিত্যসভা প্রতিষ্ঠিত হইবার বহুপূর্বে, সাহিত্য-সম্মিলনের শুভ কর্ত্তব্য করিত হইবার আগে বাঁহারা প্রাচ্য ও প্রতীচ্য জ্ঞানভাণ্ডার হইতে সংগৃহীত জ্ঞানসম্পদে বাঙ্গালা সাহিত্যকে গৌরবান্বিত করিতে উদ্ভোগী হইয়াছিলেন—অক্ষয়বাবু তাঁহাদের একজন । তাঁহাদের অনেকেই এখন কর্ম্মময় জীবনের অবসানে চিরশান্তি উপভোগ করিয়াছেন ; কেবল তাঁহাদিগের বশঃসৌরভে বঙ্গসাহিত্য-মন্দির সুরভিত । আমাদের সৌভাগ্য অক্ষয়বাবু আজও সাহিত্যচর্চা করিতেছেন ; ভারতের চিরাচরিত প্রধান শিষ্যদিগকে বিজ্ঞাদান করিতেছেন । অক্ষয়বাবু এক হিসাবে বাঙ্গালীকে হতাশ করিয়াছেন । বঙ্কিমচন্দ্রের ‘বঙ্গদর্শন’ যে পণ্য লইয়া বাঙ্গালীর ঘাটে ভিড়িয়াছিল—সে পণ্যের মধ্যে বাঁহার রচনা অনেকের দৃষ্টি আকৃষ্ট করিয়াছিল, বাঁহার রচনা কমলাকান্ত সাদরে আপনীর দপ্তরে বান্ধিয়াছিলেন, বাঁহার ‘সাধারণী’ ভাবগান্তীর্ষ্যের ও ভাবালমিত্যের অপূর্ণ সমাবেশে বাঙ্গালীকে মোহিত করিয়াছিল, তাঁহার নিকট বাঙ্গালী অনেক আশা করিয়াছিল । সে আশা পূর্ণ করা দূরে থাকুক, অক্ষয়বাবু তাঁহার ইতস্ততবিক্রিষ্ট বহুমূল্য রচনাগুলির সংগ্রহও করেন নাই । চন্দ্রনাথ বসু মহাশয় বড় ছুঃখে লিখিয়াছিলেন—“আমাদের শেষ পয়ার-প্রিয় ছিলেন অক্ষয় ভারতের সর্বজন-সম্মানিত স্বর্গীয় পিতা গঙ্গাচরণ সরকার । তাঁহার কবিতা পড়িতে পড়িতে মনে হয়, আমাদের ঘরের লোকের দ্বারা লিখিত আমাদের ঘরের ও বরষের কথা পড়িতেছি । আর মনে করিলে সেই রকম কবিতা লিখিতে পারেন অক্ষয় ভায়া নিজে । বিশেষ, বঙ্গ ও বাঙ্গালী তিনি যেমন জানেন ও বোঝেন ও ভালবাসেন, তেমন আর কেহ নহে । সুতরাং মনে করিলে তিনি বঙ্গের কথা অতুলনীয় কবিতায় লিখিয়া বাইতে পারেন । কিন্তু তিনি মনে করিবেন বলিয়া আমার আশা নাই । এ জন্যটা তিনি ঘটি ঘটি জল খাইয়া এবং লম্বা লম্বা চেরু ছুঁয়াই কাটাঁইয়া দিলেন ।” কেবল পণ্ডে মনে, অক্ষয়বাবু ইচ্ছা

* সনাতনী—ঐঅক্ষয়চন্দ্র সরকার প্রণীত । কলিকাতা ১৮৮৪, অখিল বিদ্যালয় সোস হইতে প্রকাশিত ।

করিলে গল্পে ও পল্পে সাহিত্যে যে শক্তির ও সৌন্দর্যের সঞ্চার করিতে পারিতেন—তাহা তিনি করেন নাই। বাকালীর হুতাশ। ‘সনাতনী’ অক্ষয়বাবুর পরিণত বয়সের রচনা। ষাঁহার। ইহাতে “উদ্দীপনা”র উদ্দীপনা বা “ভাই হাততালি”র কশাঘাৎ পাইবেন আশা করিবেন, তাহার। হতাশ হইবেন। বিষয়গুণে এ রচনা অন্তরূপ। ‘সনাতনী’ ধর্মের কথা। বিশেষ, ইহা যেন প্রবীণ লেখকের জীবনব্যাপী জ্ঞানার্জনের ফল—বক্তব্য বিষয়ের সংক্ষিপ্ত বিবৃতি—note মাত্র। ইহার রচনার সহিত হার্বার্ট স্পেন্সারের Facts and Comments গ্রন্থের রচনার বিশেষ সাদৃশ্য বিদ্যমান। উভয় গ্রন্থই অগাধ পাণ্ডিত্যের পরিচায়ক; উভয় গ্রন্থই সংক্ষিপ্ত, উভয় গ্রন্থই যেন বক্তব্য বিষয় অতিরিক্ত সংক্ষেপে ব্যক্ত।

ধর্মের ধারণাও দেশকালপাত্রভেদে ভিন্ন। যুরোপে ধর্ম বাহিরের, ভারতে অন্তরের। যুরোপে ধর্মের জন্ম স্বতন্ত্র স্থান ও স্বতন্ত্র সময় নির্দিষ্ট আছে। ভারতে সমাজ, সংসার, সবই ধর্মের উপর প্রতিষ্ঠিত; ধর্ম নহিলে হিন্দুর এক প্রহর চলে না। অক্ষয় বাবু এই ধর্মের কথা বুঝাইয়াছেন। “ধর্মের নানাভাব, ধর্মের নানা মূর্তি। * * ধর্মবিষয়ে নানা দেশে নানা মত আছে; এবং বিভিন্ন সময়ে বিভিন্ন মত প্রচলিত হইয়াছে।”—প্রকৃত পক্ষে “ধর্মই সমাজের বন্ধন। পরস্পর পরস্পরকে সাহায্য করিব এইরূপ বিশ্বাসে, যে অতি বিস্তীর্ণ কারবার চলিতে থাকে, তাহার নাম সমাজ। পরস্পরের সাহায্যও যাহাকে বলে, পরস্পরের উপকারও তাহাকেই বলে; স্মৃতরাঃ পরস্পরের উপকারেচ্ছু সম্প্রদায়ের নাম সমাজ। * * উপকারই ধর্মের সাধন; তাহাতেই বলি, একমাত্র ধর্মই সমাজের বন্ধন।”

অক্ষয়বাবু বুঝাইয়াছেন, “মনুষ্যত্বই যদি ধর্ম হইল ও ধর্মের ক্ষরে যদি মনুষ্যত্বের ও মনুষ্যাকারের হানি হয়, তাহা হইলে মনুষ্যের অবস্থা পরিবর্তনের সঙ্গে সঙ্গে ধর্মের পরিবর্তন হইতে পারে না। যে পর্যন্ত মনুষ্য মনুষ্য থাকিবে, সে পর্যন্ত মানবধর্ম অপরিবর্তনীয় থাকিবে। ধর্মের প্রকৃতি সনাতনী। তুমি সবলই থাক, আর দুর্বলই থাক। তুমি স্বাধীন থাক আর পরাধীন থাক, ধর্ম তোমার অক্ষয়্যার দিকে চাহিবে না।”

সনাতন ধর্ম উদ্বার।—গীতার ংকল্প বলিয়াছেন—

“যে যথা মাং প্রদ্যাস্তে তাংস্তথৈব ভজাম্যহম্।

নম বস্মানুবর্তস্তু মনুষ্যাঃ পার্থ সর্কশঃ ॥”

“সনাতন ধর্মের সার কথা এই যে, প্রকরণ পদ্ধতি, ধ্যান ধারণা, আলোকন বিভাবন—পৃথক হইলেও সকল শ্রেণীর ঐশ্বরিক সাধনাই ধর্ম । দেশ, কাল, পাত্র—জ্ঞান, বুদ্ধি, বিবেচনা—প্রকৃতি, প্রবৃত্তি, ক্রটিভেদে যাকনার তারতম্য হয় মাত্র । কোন ধর্মে হিংসা করিতে নাই । যে, যে পথে পার, ধর্মের উচ্চল বিমল বিমানব্যাপী পতাকা লক্ষ্য করিয়া অগ্রসর হও । এই সকল সনাতন ধর্মের সার কথা ।”

সনাতন ধর্ম যে যেমন ও যে ভাবে পারে, পালন করিবে ;—

“নেহাভিক্রমনাশোহন্তি প্রত্যবায়ো ন বিস্ততে ।

স্বল্পমপ্যস্ত ধর্মস্ত ভারতে মহতো ভয়াৎ ॥”

ধর্মই ধার্মিকের সর্বস্ব ।—“ধর্ম ধার্মিককে রক্ষা করেন । হিন্দু ও মুসলী বহু নির্ঘাতনেও কেবল ধর্মবলে এখনও জীবিত আছেন । ধরিয়া লইলাম, আপনার অগৌরব করাই পরম পুরুষার্ধ । সুতরাং হিন্দুর কথা এখানে নাই বলিলাম ; কিন্তু একবার মুসলীর প্রতি দৃষ্টিপাত কর দেখি ! মুসলী কোন কালে বাস্তব হইতে বিভাড়িত হইয়াছে, তাহার উপর, কত উৎপীড়ন উপগ্রব সাধার বহিয়াছে, এখন ও বহিতেছে, তবু মরে নাই ! কেবল মরে নাই নহে, জগতের মধ্যে সুন্দর, সুশ্রী, উন্নতদেহ, দীর্ঘজীবী, বলিষ্ঠ, প্রকৃষ্ট, ধনশালী, কলানিপুণ জাতি হইয়া দাঁড়াইয়া রহিয়াছে । কেন ? তাহারা স্বধর্মপরায়ণ ও সদাচারনিষ্ঠ বলিয়া । চোরদার এজ্রা, গরুদিগকে দেধিবার প্রয়োজন নাই, একবার ক্যানিং ড্রীটের মুর্গীহটার সামান্য পণ্যজীবী মুসলীদিগকে দেধিরা আইস—দেধিবে, অশীতিবর্ষবয়স্ক বৃদ্ধ কেমন তৎপরতার সহিত কার্গ্য-কুশলতা দেখাইতেছে—ইহাদের দেধিরা, তাহার পর মুসলীনির্ঘাতনের ইতিহাস শ্রবণ কর, তাহার পর এই জাতিকর্তৃক সদাচার ও স্বধর্ম পালনে কথা পাঠ কর, —নিশ্চয়ই বুঝিবে, ধর্মই সমাজকে ধারণ করিয়া থাকে, ধর্মই ধার্মিককে রক্ষা করে ।” ভারতের কথার পরলোকগত প্রতাপচন্দ্র মজুমদার মহাশয়ও একবার এমনই ভাবে বলিয়াছিলেন যে, রোমের সৈন্তপদতরে ধরাতল কম্পিত হইত, যে গ্রীস শিরে ও সাহিত্যে নূতন শ্রীসকার করাইয়াছিল, যে বিশ্বর একদিন সত্যতার নূতন আদর্শ আনিয়াছিল—সে রোম, গ্রীস, বিশ্বর আক মুত কিন্তু ভারত আজ জীবিত—ভারতের আধ্যাত্মিকতাই তাহার এই জীবনের কারণ ।

‘সনাতনী’ এইরূপ আলোচনার পূর্ণ ।

বলিয়াছি, 'সনাতনী' notes । গ্রন্থকার অতি সংক্ষেপে যে সকল বিষয়ের আলোচনা করিয়াছেন তাহার এক একটির আলোচনায় এক একখানি পুস্তক রচিত হইতে পারে । দৃষ্টান্ত স্বরূপে গ্রন্থের একাদশ পরিচ্ছেদের (জাতি ভেদে ব্যবসায় ভেদ) উল্লেখ করা যাইতে পারে । এই বিষয় লইয়া বহু তর্ক-বিতর্ক হইয়া গিয়াছে এবং এ সম্বন্ধে সে সাহিত্যের সৃষ্টি হইয়াছে তাহার সম্যক আলোচনা অল্প স্থানে হয় না ।

যাহারা উদ্ভ্রান্ত হিন্দুকে স্বধর্মনিষ্ঠ করিতে প্রয়াস পাইয়াছেন ও বহু-পরিমাণে সকল-প্রযত্ন হইয়াছেন অক্ষয় বাবু তাঁহাদিগের নেতৃসম্প্রদায়ভূক্ত । বঙ্কিমচন্দ্র 'নবজীবনেই' প্রথম হিন্দুধর্ম সম্বন্ধে লিখিয়াছিলেন । অক্ষয় বাবুর এই পুস্তক—হিন্দু ধর্ম তিনি যে ভাবে বুঝিয়াছেন তাহার কথা আমাদের অবশ্যপাঠ্য ।

এই পুস্তকে অক্ষয় বাবু যে ধীরতার, গাম্ভীর্যের ও উদারতার পরিচয় দিয়াছেন, তাহা বঙ্গ সাহিত্যে স্মরণ্য নহে ; পরন্তু একান্ত হৃল্লভ ।

সংগ্রহ ।

—•—

ইতিহাস

—•—

ফরাসী চিত্রে মীরকাশিম ।

জান ব্যাপ্টিষ্ট জোসেফ ভেটিল নামক জনৈক ফরাসী সৈনিক মীর কাশিমের দরবারে কিছুকাল অতিবাহিত করিয়াছিলেন । বিখ্যাত গুর্গণ খাঁর অধীনেই তিনি কর্ম করিতেন । তাঁহার স্মারক পুস্তকে মীর কাশিমের দরবার সম্বন্ধে অনেক কথা লিপিবদ্ধ আছে । 'হেরাল্ড' নামক নব প্রকাশিত সচিত্র মাসিক পত্রে জনৈক লেখক সেই পুস্তক হইতে কয়েক পৃষ্ঠা অনুবাদ করিয়া দিয়াছেন । ইহাতে কয়েকটি ঐতিহাসিক তথ্য নূতন আলোকে উদ্ভাসিত হইয়া উঠিয়াছে । আমরা বিঃ ভেটিলের জীবন কথা ও তাঁহার স্মারক পুস্তকে উল্লিখিত কয়েকটি ঐতিহাসিক ঘটনার কথা সম্বন্ধে মর্মে নিরে প্রকাশ করিলাম ।

১৭২৬ খৃষ্টাব্দে ২০ জুন তারিখে জাম ব্যাপ্টিষ্ট কোম্পানি জেটিল জুনিও হইয়াছিলেন।
 কাসের একটি প্রাচীন অভিযাত্র বংশেই তাহার জন্ম। ১৭৫২ খৃষ্টাব্দে তিনি একদল
 করাসী পদাতিক সেনার সহিত ভারতে আগমন করেন। ডুপ্পে, বুসি, কনক' এবং লালির
 অধীনে তিনি সেনা-বিভাগে কার্য করিয়া বিশেষ প্রতিপত্তি লাভ
 লেখকের পরিচয়। করিয়াছিলেন। ১৭৬১ খৃষ্টাব্দে ইংরাজগণ পতিচারী অধিকৃত
 করেন। তাহার পর জেটিল ল অব্‌লিভান নামক করাসী
 সেনানায়কের সন্মানে ভারতের বহু স্থানে পর্যটন করেন। পতিচারী-পতনের
 সময় লিভানও ইংরাজদিগের করে আত্মসমর্পণ করিয়াছেন, জেটিল তাহা
 জানিতে পারে নাই। এই সময় বঙ্গের নবাব কাশিম আলি খাঁর সহিত ইংরাজদিগের
 বিবাদ বাধিয়া উঠে। জেটিল এই সময় নবাবের সেনাপতি গুর্গন খাঁর সহিত
 আলাপ করিয়া তাঁহার সেনাদলে ভর্তি হইয়াছিলেন। তাঁহার চক্র সন্মুখেই গুর্গন খাঁর
 হত্যাকাণ্ড সংসাধিত হয়। বীরকাশিম কর্তৃক বন্দী ইংরাজগণের প্রাণনাশ ইনি স্বয়ং
 প্রত্যক্ষ করিয়া নবাবের উপর অত্যন্ত বিরক্ত হইয়াছিলেন। ইহার পর তিনি বীর কাশিমের
 দরবার পরিত্যাগ করিয়া অবোধ্যার নবাব সুজাউদ্দৌলার দরবারে প্রবেশ লাভ করেন।
 ১৭৭৫ খৃষ্টাব্দের ২৬ শে জানুয়ারী উক্ত নবাবের মৃত্যু হইলে তাঁহার পরবর্তী নবাব আসফ-
 উদ্দৌলা ইংরাজদিগের পরামর্শে ইহাকে পদচ্যুত করেন। অতঃপর ইনি ক্রমে প্রত্যাখর্ষন
 করেন। ১৭৯৯ খৃষ্টাব্দে ৭৩ বৎসর বয়সে ইহার মৃত্যু হয়।

১৭৬৪ খৃষ্টাব্দে বীরকাশিমের সহিত ইংরাজের বিবাদ বাধিয়া উঠে। বিবাদের
 দুইটি কারণ। প্রথম কারণ, বীরকাশিম ইংরাজদিগকে বর্ধমানের মালিকত্ব দিতে অসম্মত
 হইয়াছিলেন; দ্বিতীয় কারণ,—যে সকল বণিক এদেশে বাণিজ্য
 ইংরাজ ও বীর কাশিম। করিতেন, নবাব তাঁহাদের সকলকেই শুদ্ধের দার হইতেই অব্যাহতি
 দিয়াছিলেন। ইংরাজের সহিত বিবাদ বাধিলেই নবাব জগতশেঠ এবং
 তাহার জাতাকে মুক্তেরে লইয়া আইসেন। ইহারা নবাবের সহিত মিত্রতা করিবেন এবং
 নবাবের অনুরক্ত হইয়া থাকিবেন,—এইরূপ প্রতিশ্রুতি করিলে নবাব ইহাদিগকে ব্যবসায়ের
 জন্য প্রভূত অর্পণদান করেন এবং ইহাদের বাসার্থ অট্টালিকা নির্মাণ করাইয়া দেন।

জেটিল লিখিয়াছেন,—ইষ্টইন্ডিয়া কোম্পানীর কুঠিরালদিগের উচ্চত ব্যবহারে বীর-
 কাশিম ক্রোধে ক্রিপ্তপ্রায় হইয়া উঠেন। ইংরাজ কুঠিরাল মিঃ ইল্লিস এবং মিঃ আন্ডারট
 নবাবের লোকদিগকে বেরূপ ভাবে অপমানিত করিয়াছিলেন,—
 বিবাদের কারণ ও জেটিল তাহা স্বয়ং দেখিয়াছিলেন। ড্যানিটাট' এবং হেট্টিংস
 সূত্রপাত। নবাবকে শাস্তমুর্তি পরিগ্রহ করাইবার জন্য বখাসাধ্য চেষ্টা করিয়া-
 ছিলেন। কিন্তু অধিকাংশ ইংরাজ কুঠিরালই শাস্তিপথের পরিপন্থী
 ছিলেন। ইতোমধ্যে ইল্লিস অকস্মাৎ গাটনা অধিকৃত করেন। বীরকাশিমের সেনাপতি
 গুর্গন খাঁ ক্রোধে নবাবের অন্ততম সেনানী মার্কানকে গাটনার নবাব মেহীআলী খাঁর
 সাহায্যার্থ প্রেরণ করেন। মার্কান অবিলম্বে গাটনা দখল করেন এবং ইংরাজ সেনানী

ইল্লিস হুইশত সৈনিক ও ৪০ জন সেনানীর সহিত নবাব সেনাপতি সমাসের করে আত্ম-সমর্পণ করিতে বাধ্য হইল। এই সকল বন্দী ইংরাজকে বানা স্থানে অবরুদ্ধ রাখা হয়।

বিবাদ বাধিয়া উঠিবার কিছুদিন পূর্বে হুইজন দূত সুপ্রীম কাউন্সিল কর্তৃক নবাবের নিকট প্রেরিত হইলেন। নবাব যে বাণিজ্য শুক উঠাইয়া দিয়াছিলেন,—তাহার পুনঃ প্রতিষ্ঠা করিবার প্রস্তাব লইয়াই ঐ হুইজন দূত নবাবের দরবারে উপস্থিত হইয়াছিলেন। আমিরট ঐ দূতদ্বয়ের অন্ততর ছিলেন। আমিরট নবাবকে স্পষ্টই বলিলেন যে, ইংরাজগণ অর্ধ হারে শুক দিতে সক্ষম আছেন, নবাব অন্যান্য জাতীয় বণিকগণের নিকট হইতে পূর্ণ হারে শুক আদায় করুন। এই প্রস্তাব অনুসারে কার্য না করাতে নবাবের ১ কোটি ৮০ লক্ষ টাকা ক্ষতি হইতেছে। কিন্তু নবাব কোনও কথাতেই কর্ণপাত করিলেন না। আমিরট অতিমাত্র ক্রুদ্ধ হইয়া সেই রাত্রিতেই গোপনে যুদ্ধের হইতে পলায়ন করেন। আমিরটের সহচর নবাবপক্ষীয় কর্মচারী কর্তৃক বন্দী হইলেন। নবাব ইংরাজদিগের সহিত যুদ্ধ ঘোষণা করেন। ফৌজদারের আদেশে নবাব সেনা মুর্শিদাবাদে আমিরটকে নৌকার উপরেই হত্যা করে।

যুদ্ধ বাধিল। ইংরাজ আর কাল বিলম্ব না করিয়া নীরকাশিমের বিরুদ্ধে অগ্রধারণ করিলেন। ইংরাজরা যুদ্ধের অস্ত্র প্রস্তুত ছিলেন না। তাহারা অনন্যোপায় হইয়া এক কোশল অবলম্বন করিলেন। তাহাদের নিকট অনেক ফরাসী বন্দী ইংরাজ ও ফরাসী ছিল। তাহারা তাহাদিগকে মুক্তি দিলেন এবং তাহাদিগকে সেনানী মেজর আডাম্‌সের অধীনে কার্য করিতে বাধ্য করিলেন। মেজর আডাম্‌স আর কাল বিলম্ব না করিয়া মুর্শিদাবাদ যাত্রা করেন এবং ফৌজদারকে পরাজিত করিয়া মুর্শিদাবাদ অধিকৃত করেন। নবাব ভীত হইয়া তাহারা উৎকৃষ্ট সেনাদল সমভি-ব্যাহারে রাজমহল যাত্রা করিলেন। এ দিকে ম্যাডেক নামক ইংরাজ পক্ষীয় একজন ফরাসী সেনানী অন্য পথ অবলম্বন করিয়া সমাসের অধীনস্থ নবাব সেনার একটি ঘাটের সম্মুখে উপনীত হইলেন। নবাব সেনা অকস্মাৎ তাহাদের আপতনে ভীত ও ছত্রভঙ্গ হয়। ম্যাডেক সমাসের কামানগুলি হস্তগত করেন। জেটিল লিখিয়াছেন, সূতরাং ফরাসীদিগের বলবীৰ্য্য প্রভাবে ইংরাজ বঙ্গদেশ অধিকার করেন।

সমাস পাটনার বে সমস্ত ইংরাজকে বন্দী করিয়াছিলেন, তাহাদের নিকট হইতে নীরকাশিম কতকগুলি আবশ্যিক চিঠিপত্র প্রাপ্ত হইলেন। অগশেষ্ট এবং তাহার ভ্রাতা মিঃ ইল্লিসকে নবাবের সহিত যুদ্ধ করিতে আহ্বান করিয়াছিলেন এইরূপ পত্র ও নবাবের হস্তগত হইয়াছিল। নবাব ইহাদের বিশ্বাসঘাতকতার বিষয়িত হইয়া পড়েন। এ দিকে ইংরাজ সেনাপতি রাজমহল অধিকৃত করিয়া ক্রমশঃ অগ্রসর হইতে থাকেন। নীরকাশিম ধন সম্পত্তি পাটনার পাঠাইয়া দিলেন এবং ইংরাজ সেনানীকে লিখিয়া পাঠাইলেন যে, যদি তিনি আর একপদ অগ্রসর করেন, তাহা হইলে নীরকাশিম সমস্ত বন্দী ইংরাজকে হত্যা করিবেন। মেজর আডাম্‌স ক্রমশঃ অগ্রসর হইতে লাগিলেন।

নবাবের ভীষণ
প্রতিজ্ঞা।

ইল্লিসকে নবাবের সহিত যুদ্ধ করিতে আহ্বান করিয়াছিলেন এইরূপ পত্র ও নবাবের হস্তগত হইয়াছিল। নবাব ইহাদের বিশ্বাসঘাতকতার বিষয়িত হইয়া পড়েন। এ দিকে ইংরাজ সেনাপতি রাজমহল অধিকৃত করিয়া ক্রমশঃ অগ্রসর হইতে থাকেন। নীরকাশিম ধন সম্পত্তি পাটনার পাঠাইয়া দিলেন এবং ইংরাজ সেনানীকে লিখিয়া পাঠাইলেন যে, যদি তিনি আর একপদ অগ্রসর করেন, তাহা হইলে নীরকাশিম সমস্ত বন্দী ইংরাজকে হত্যা করিবেন। মেজর আডাম্‌স ক্রমশঃ অগ্রসর হইতে লাগিলেন।

গুর্গন খাঁই নবাবের কৃতী মন্ত্রী ছিলেন । নবাবের শত্রুগণ নানা উপায়ে তাঁহার উপর নবাবের অবিশ্বাস উৎপাদন করিতে লাগিল । গুর্গন খাঁ এই বড়বন্ধের বিবর অবগত

ছিলেন । নবাবের নিকট হইতে প্রত্যহ তাঁহার খাবার আসিত ।
গুর্গন খাঁ ।

জেটিল তাঁহার সহিত ভোজন করিতেন । একদিন খাবার আসি-
লেই জেটিল তাহা খাইতে আরম্ভ করেন । গুর্গন খাঁ বলেন, “কর কি, খাচ্ছে বিব খাকিতে
পারে । আমার গদে গদে শত্রু তাহা ভুবি জান না ? আমার ভ্রাতার এবং আমার কত
কুৎসা ও নিন্দাবাদ করা হইতেছে, তাহা কি ভুবি অবগত নহ ?” তিনি উৎকণ্ঠা ঐ সমস্ত
খাদ্য দ্রব্য দূর করিয়া দিলেন এবং বিশ্বস্ত লোক দ্বারা প্রস্তুত খাদ্য লইয়া আসিলেন ।

মুন্সের ও পাটনার মধ্যগথে গুর্গন খাঁকে হত্যা করিবার চেষ্টা হয় । কিন্তু ঐশ্বাতিশয্য
নিবন্ধন জেটিল গুর্গন খাঁর শিবিরের বাহিরে প্রহরীর নিকট শয়ন করিয়াছিলেন । হত্যা-

কারীরা মনে করে যে তাহাদের বড়বন্ধের কথা প্রকাশ পাইয়াছে ;
হত্যা ।

সেই অস্ত্র তাহারা পরদিনের অস্ত্র ঐ কার্য স্থগিত রাখে । পরদিন
সেনাদল দীর্ঘ পথ অতিক্রম করে । গুর্গন খাঁর ছাউনিতে উপস্থিত হইতে একটু বিলম্ব
ঘটে । তিনি আসিয়াই আহার করেন । তাহার পর ঐশ্বের ক্রান্তি অগনোন্ননার্থ জেটিলকে
সঙ্গে লইয়া বন্ধির শিবিরে গমন করেন । শিবিরে প্রত্যাবর্তন করিতে ছিলেন । পথিমধ্যে
যোগল সেনাদলের শিবির সন্নিবিষ্ট ছিল । যখন তিনি ঐ সেনাদলের সম্মুখ দিয়া আসিতে-
ছিলেন, তখন একজন অসারোহী সেনা তাঁহার নিকট আসিল ; এবং তাঁহার নিকট অর্ধ
গাছিল । বিরক্ত হইয়া সচিব-প্রধান তাঁহার দফাদারকে আহ্বান করিলেন । সেনাটি চলিয়া
গেল । সেই সময় গুর্গন খাঁ অস্ত্র বিষয়ে কথা কহিতেছিলেন । জেটিল কয়েকপদ অগ্রসর
হইলেন । অকস্মাৎ কলরব উঠিল । জেটিল কিরিয়া হেধিলেন,—অনেক অসারোহী সচিবকে
উপদ্রুপরি তিনবার তরবারির আঘাত করিয়া ধরাশায়ী করিল । সকলে ধরাধরি
করিয়া গুর্গন খাঁকে তাঁহার শিবিরে লইয়া গেল । গুর্গন অচিরেই পঞ্চদ পাইলেন ।

জেটিল লিখিয়াছেন,—গুর্গন খাঁ নবাবের অত্যন্ত অসুগত ছিলেন । নানা প্রলোভনেও
তিনি নবাবের পক্ষ পরিত্যাগ করিতে সম্মত হইলেন নাই । তিনি স্পষ্টই বলিতেন,—“আমি

নবাবের নিমক খাইয়াছি ; মৃত্যুকাল পর্যন্ত আমি তাঁহার বার্ষ
বিশ্বাসী অসাত্য ।

অব্যাহত রাখিতে চেষ্টা করিব । কিন্তু তাঁহার শত্রুগণ তাঁহার
মুখা কলক রটাইয়া নবাবকে তাঁহার শত্রু করিয়া ভুলিয়াছিল ।

বীর কাশির অভঃপর শেঠ ভ্রাতৃদ্বয়কে হত্যা করিতে সঙ্কল্প করেন । ভ্রাতৃদ্বয় নবাবের
নিকট ক্ষমা ভিক্ষা করিয়া এক প্রস্তাব করিয়া পাঠান । শেঠদ্বয় বলেন, নবাব যদি তাঁহা-

দিগকে ক্ষমা করেন, তাহা হইলে তাঁহারা নবাবকে চারি কোটি
অগুণশেঠের পরিণাম । টাকা দান করিবেন । এই প্রস্তাব যখন উপস্থিত হয়, তখন জেটিল

তিনি নবাবের নিকট অস্ত্র কেহ ছিল না । নবাব জেটিলকে সম্বোধন করিয়া বলিলেন,—“তুই
ভ্রাতার অস্ত্র চারি কোটি টাকা দিতে ডাহিতেছে ; উঃ ওমরাহগণ একথা শুনিলে উহাদিগকে
উদ্ধার করিবার অস্ত্র দুটিবে এবং আমাকে উহাদের করে সমর্পণ করিবে । উঃ ।” তিনি তখন

বলিলেন,—“কেহই এখন এ শিবির পরিত্যাগ করিতে পারিবে না।” তখন নবাব শমরকে ডাকিয়া আনিলেন এবং বলিলেন “অবিলম্বে অগশেঠ ও তাহার ভ্রাতাকে হত্যা কর।” কিছুকণ পরে শমর আসিয়া সংবাদ দিল হত্যাকাণ্ড শেষ হইয়া গিয়াছে। শিবিরের গুলিতে উহাদিগকে নিহত করা হয়। উহারা শিরশ্চেদ দণ্ড প্রার্থনা করিয়াছিল, কিন্তু শমর সে প্রার্থনার কর্ণপাতও করে নাই। কেহ কেহ বলেন যুদ্ধের হুর্গের চূড়া হইতে উহাদিগকে গলা বন্ধে নিক্ষেপ করা হয়। জেটিল এই ব্যাপারের প্রত্যক্ষদর্শী ছিলেন না; কিন্তু নবাবের সম্মুখে শমর যাহা বলিয়াছিল, তাহা তিনি স্বয়ং শুনিয়াছিলেন।

বন্দী ইংরাজগণ প্রথমতঃ মেহদি আলির স্ত্রাবধানে রক্ষিত হইয়াছিলেন। পরে তাঁহারা শমরের অধীনস্থ কতকগুলি সিপাহির অধীনে রক্ষিত হইলেন। যুদ্ধের অধিকৃত করিবার পর

মেজর আডামস্ পাটনা অভিমুখে যাত্রা করিতেছেন শুনিয়া নবাব ভীষণ প্রতিজ্ঞা।

জেটিলকে ডাকিয়া পাঠান। জেটিল আসিলে নবাব কাশিম আলি তাঁহাকে জিজ্ঞাসা করেন,—“আমি মেজর আডামস্ কে লিখিয়াছিলাম যে তিনি যদি রাজমংল অতিক্রান্ত করিয়া আর একটু অগ্রসর হইলেন, তাহা হইলে বন্দী ইংরাজগণকে নৃশংসরূপে নিহত করা হইবে। আমি কোরাণ স্পর্শ করিয়া ঐরূপ শপথ করিয়াছি। মেজর আডামস্ আমার কথা হাসিয়া উড়াইয়া দিয়াছেন। সুতরাং আমার কি সে প্রতিজ্ঞা প্রতিপালন করা কর্তব্য নহে?” জেটিল মীর কাশিমকে এই নৃশংস কার্য হইতে বিরত করিবার জন্য নানা যুক্তি প্রদর্শন করিয়াছিলেন। মীর কাশিম সে কথার কর্ণপাতও করেন নাই।

শমরের হস্তে এই ভীষণ হত্যাকাণ্ডের ভার স্তম্ভ হইল। সে সাটু নামক জনৈক করাসীকে এই কার্য-ভার অর্পণ করে। সাটু তাহাতে অসম্মত হয়। তখন সে স্বয়ং ঐ কার্য করিতে

যায়। এই সময় বন্দী ইংরাজগণ একটি গৃহপ্রাক্ষেপে আহার করিতে নৃশংস নরহত্যা।

বসিয়াছিলেন। শমর উহার সম্মুখস্থ গৃহের ছাদে সেনা সন্নিবিষ্ট করিয়া রাখে। তাহার ইঙ্গিতমাত্রেই সেনাদল সেই আশারে নিযুক্ত বন্দী ইংরাজদিগের উপর গুলি চালাইতে আরম্ভ করে। ঘর দিয়া যাত্রা পলায়ন করিতে চেষ্টা করে, তাহাদিগকে হত্যা করা হয়। একজন পয়ঃনালার মধ্যে পলায়ন করিয়াছিল; তিন দিন পরে তাহাকে তথায় পাওয়া যায়; নবাবের লোক ইহাকেও হত্যা করে। এই ভীষণ হত্যাকাণ্ডে পরত্যাগিণ জন পদস্থ ইংরাজ নায়ক এবং দুই শত সেনা নিহত হয়।

জেটিল তিনজন ইংরাজের প্রাণরক্ষা করিয়াছিলেন। ইহার পূর্বে তিনি আর দুইজন ইংরাজ ও একজন কর্ণেলের প্রাণরক্ষা করেন। ইংরাজদিগকে নিহত করিয়া মীর কাশিম

পাটনা পরিত্যাগ করেন। পথে তিনি একদিন জেটিলকে ডাকিয়া

অবিবাস। বলেন,—ইংরাজদিগের সহিত আমি যুদ্ধ করিতেছি না বলিয়া

সর্দারগণ আমার বিরুদ্ধে মানা কথা বলিতেছে। ইহারা ভীক, ইহাদের উপর আমার কিছুমাত্র বিশ্বাস নাই। পাটনা হইতে আগমনের পর আমি উহাদিগকে প্রায় ২৪ কোটি টাকা দিয়াছি। উহারা এখন ধনাঢ্য হইয়া উঠিয়াছে।”

বিবিধ ।

পৃথিবীর উদ্দেশ্য ও মানবজাতি ।

এই পৃথিবীর উদ্দেশ্য কি, ও মানবজাতির সহিত ইহার সম্বন্ধ কিরূপ, এই সমস্তা যোগ্য হয় অরণ্যভীত কাল হইতে মনস্বীদিগের মস্তিষ্কে আলোড়িত করিয়া আসিতেছে। ভারতের প্রাচীন মনস্বীগণ এ সমস্তার একরূপ সমাধান করিয়াছিলেন। তাঁহারা যে প্রণালী অবলম্বনে এই সমস্তার সমাধান করিয়াছিলেন, সে প্রণালীর নাম যোগ। এখন যোগ দ্বারা চিত্তবৃত্তি নিরোধে আত্মশক্তিকে পূর্ণ মাত্রায় প্রকাশ করিয়া জগৎ রহস্যের উদ্ভেদ করিবার পদ্ধতি লোক বিম্বৃত হইয়া গিয়াছে। এখন নূতন যুগে নূতন পদ্ধতি অবলম্বিত। এ পদ্ধতি বৈজ্ঞানিক। যুরোপখণ্ডেই এই পদ্ধতির উদ্ভব। এত দিন বিজ্ঞান কেবল জড়জগৎ লইয়াই ব্যস্ত ছিল। এখন উহার অনুসন্ধান জড়জগৎ ছাড়িয়া অধ্যাত্ম জগতের দিকে ধাবিত। সুতরাং জীবনরহস্য ও সৃষ্টির উদ্দেশ্য প্রভৃতি বিষয়গুলি ধীরে ধীরে উহার আলোচনায় বিষয়ীভূত হইয়া পড়িতেছে। সম্প্রতি ডাক্তার গ্ৰীষুত আলফ্রেড ওয়ালেস নামক বিলাতের একজন অসাধারণ-মনীষা-সম্পন্ন বৈজ্ঞানিক The World of Life (জীবজগৎ) নাম দিয়া একখানি গ্রন্থ প্রকাশিত করিয়াছেন। বৈজ্ঞানিক সমাজে ডাক্তার ওয়ালেসের অসামান্য প্রতিষ্ঠা বর্তমান। বিলাতের 'পাব্লিক ওপিনিয়ন্' নামক পত্র তাহার কয়েকটি বিষয়ের সামান্য মাত্র আলোচনা করা হইয়াছে। আমরা নিম্নে তাহার দুই একটি কথা সার সঙ্কলিত করিয়া দিলাম।

প্রকৃতির প্রথম ক্ষেত্র পর্যবেক্ষণকালে অধিকাংশ বৈজ্ঞানিকই মানবজাতিকে বিম্বৃত হইয়া যান। ডাক্তার ওয়ালেস বলেন যে, তাঁহার মতে জগতে জড় ও চৈতন্য শক্তি। মানবের স্থান সকলের শীর্ষস্থানে অবস্থিত।—মানুষই এই ধরা-নৈবেদ্যের চূড়া-মণ্ডন বোণা। পৃথিবীর চরম পরিণতি মানবেই সপ্রকাশ। বর্তমান যুগের বিজ্ঞান এই বিশ্বচরাচরের সকল ব্যাপার অনুসন্ধান করিয়া যে সকল সার মত্যা উপনীত হইয়াছে—তাহা লইয়াই ডাক্তার ওয়ালেস "জীবন কি" সমস্তার সমাধানে প্রবৃত্ত হইয়াছেন। বৈজ্ঞানিক বিবর্তনবাদের বিবিধ পর্যায়ের আলোচনা করিয়া ডাক্তার ওয়ালেস স্পষ্টই প্রতিপন্ন করিয়াছেন যে, এই বিশ্বের অন্তরালে একটি সৃজনকারিণী শক্তির লীলা স্পষ্টই প্রকট; এবং বিবর্তিণী শক্তিবিকাশের প্রতি পর্যায়ের কোনও অজ্ঞাত বুদ্ধি সেই শক্তিকে পরিচালিত করিতেছে; সেই বুদ্ধি একই উদ্দেশ্য সাধনে-ব্যাপৃত।

ডাক্তার ওয়ালেসের মতে মনুষ্য-সৃষ্টিই এই পৃথিবীর চরম উদ্দেশ্য, বিবর্তনবাদ হইতে ইহা স্পষ্টই অনুভূত ও প্রতিপন্ন হয়। মনুষ্য চিৎশক্তি বিকাশের মানব।

পন্নম পরিণতি। মনুষ্যই কেবল প্রকৃতির রহস্যোন্মুখে সমর্থ।

প্রকৃতির নিগূঢ় রহস্য উপলব্ধি করিবার অন্য কাহারও সাধ্য নাই।

ডাক্তার ওয়ালেস ডার্কিনের বিবর্তনবাদের প্রসারবুদ্ধি করিয়া দিয়াছেন। তিনি স্পষ্টই বলিয়াছেন, বিবর্তনবাদের দ্বারা প্রকৃতির সমস্ত রহস্যের ডার্কিন ও ওয়ালেস। উদ্ভেদ করা সম্ভব। কিন্তু ডার্কিন বিবর্তনবাদের ক্ষেত্র হইতে অনেক বিবর্তন বাদ দিয়া গিয়াছেন। চিৎশক্তির কারণ এবং স্বরূপ ডার্কিন কর্তৃক এইরূপে বিবর্তন-বাদের আলোচ্য ক্ষেত্র হইতে বহিষ্কৃত হইয়াছে। ডার্কিনের এই স্বেচ্ছাকৃত বহিষ্কার ওয়ালেসের অস্বীকৃত নহে। এই চিৎশক্তি লইয়াই প্রকৃতির লীলা। সুতরাং ইহাকে বহিষ্কৃত করিয়া দিলে বিজ্ঞান অপূর্ণ থাকে। ওয়ালেস পদার্থকে অনাদি ও অনন্ত বলিয়া স্বীকার করেন না। তিনি বলেন সর্বশক্তির ও সর্বনিয়মের অতীত সেই অক্ষয় ও অব্যয় (The Absolute Unconditioned) ব্যতীত আর সকল পদার্থেরই প্রারম্ভ আছে। অর্থাৎ সকল পদার্থেরই প্রাগ্ভাব ছিল। পদার্থ সৃষ্ট হইলেই সেই প্রাগ্ভাবের ধ্বংস হইয়াছে।

এই অসাধারণ-ধীশক্তি-সম্পন্ন বৈজ্ঞানিক স্থির করিয়াছেন যে, ধর্মিত্রী দেবী মানবের সৃষ্টির ও তুষ্টির জন্ত সৃষ্টা হইয়াছেন। কালের মধ্য দিয়া বিবর্তনের যে ধারা উদ্দেশ্য। প্রবাহ প্রবাহিত, তাহা হইতেই তিনি এই সত্য সপ্রমাণ করিতে প্রয়াস পাইয়াছেন। তিনি সিদ্ধান্ত করিয়াছেন যে, পৃথিবীর যাবতীয় পদার্থ-নিচয় এবং আকাশের গ্রহ, নক্ষত্র, নীহারিকা প্রভৃতি চিৎশক্তি বিকাশের সহায়তা করিতেছে। মানব সেই চিৎশক্তির চরম পরিণতি। পৃথিবী তাহার উচ্চতর অব্যায় জীবনের জন্ত প্রস্তুত হইবার শিক্ষা-মন্দির। এই জগতের কতকগুলি ভূত (element) অনাবশ্যক ও অতিরিক্ত বলিয়া অস্বীকৃত হয়। কিন্তু উহারই প্রভাবে মানব বস্তু, অসত্য ভাব পরিত্যাগ করিয়া ক্রমশঃ জড় সত্যতার (material civilization) উন্নীত হইয়াছে। উহারই প্রভাবে মানব জগতের অন্তর্ভুক্ত দুইটি অজ্ঞের রহস্যের উদ্ভেদ করিতে প্রয়াস পাইতেছে। একটি অসীম ও বিরাট আর একটি সসীম ও ক্ষুদ্র।

ডাক্তার ওয়ালেস বলেন,— জগতের সর্বত্র মানব যে সমস্ত গভীর রহস্য দেখিতে পাইতেছে, তাহাই পরিণামে তাহাকে ভগবানের সন্তোষ উপলব্ধি করিতে মানবের উদ্দেশ্য। ও তাহার সম্বন্ধে উচ্চতর ধারণা করিতে সমর্থ করিবে, ধর্মকে বিজ্ঞানময় ভিত্তির উপর সুপ্রতিষ্ঠিত করিবে। সে ধর্ম অতীত যুগের ধর্ম হইতে সম্পূর্ণ বিভিন্ন হইবে। হার্বার্ট স্পেন্সার বলিয়াছেন, “জীবজগতের মূল কারণ অজ্ঞের, কিন্তু উহার নাতিদৃষ্টি চিন্তা করা যায় না।” ডার্কিন বলিয়াছেন, “বিশ্বের মূলে একজন বুদ্ধিমান কর্তা না থাকিলে উহা কখন থাকিতে পারিত না সত্য,— কিন্তু সেই কর্তার সম্বন্ধে সম্যক ধারণা করা মানবীয় ধীশক্তির অতীত।” এই সকল মতের সহিত ডাক্তার ওয়ালেসের সহানুভূতি আছে। কিন্তু তিনি বলেন, মানবজাতি ক্রমশঃ সেই স্রষ্টাকে ধারণা করিতে সমর্থ হইবে।

ওয়ালেসের মতে যে বুদ্ধিমান কার্যতঃ জীব জগতের বিকাশ সাধন করিতেছেন,— তিনি যে অসীম বিভূতিসম্পন্ন এরূপ মনে করিবার কারণ নাই,—আমরা দেবতা, কর্তা, পরমাত্মা, স্বীকার করি, তাহাকে ঈশ্বর বা পরমাত্মা বলিয়া বুঝি, তিনিই যে ঐ কার্য করেন, তাহা অস্বীকার করা যায় না। এইখানেই বিজ্ঞানের সহিত ধর্মের বিবাদ।

বিজ্ঞান বলিতেছেন যে, অল্প শক্তি তির অল্প কেহই বিশ্বের কার্য নিয়ন্ত্রিত করিতেছে না :
 বর্ষ বসন্ত অমৃত, অক্ষয়, সর্বশক্তিমান ঈশ্বরই বিশ্বের পরিচালক। ওয়ালেস বলেন, যদি আমরা
 অমৃত শক্তিমান ঈশ্বরকে স্বীকার করিতে বাধ্য হই, তাহা হইলে মানব ও ঈশ্বর এই উভয়ের
 মধ্যে যে অসীম শক্ত বর্তমান রহিয়াছে, এরূপ অসুমান সুভিসঙ্গত নহে। মানব ও ঈশ্বরের
 মধ্যে ক্রমশঃ অধিকতর শক্তি সম্পন্ন জীব বিদ্যমান আছে। উহারাই বিশ্বের কার্য পরি-
 চালিত করিতেছে। এই হলে ওয়ালেস বৈজ্ঞানিক সুভিবলে হিন্দুর দেবতার দ্বারা আধ্যা-
 ত্মিক শক্তিধরগণের কল্পনা করিয়াছেন। এই দেবতা অ্যানিমা হইতে সমুদয় পর্য্যন্ত সমগ্র
 জীব জগতের বিকাশ সাধন করিতেছেন। কেবল জগতের কল্পনা সর্বশক্তিমান ঈশ্বরে
 উদ্ভূত এবং ঈশ্বরই বিশ্বের স্রষ্টা মাত্র।

ডাক্তার ওয়ালেস আরও বলিয়াছেন, ভবিষ্যৎ অধ্যাত্ম জীবনের উন্নতি-সাধন উদ্দেশ্যে
 মানব পৃথিবীতে জন্মগ্রহণ করে। বিজ্ঞানের দৃষ্টিতে দেখিলে মান-
 জগৎ কর্তৃক।
 বের এই সংসার কর্তৃক (অর্থাৎ কর্তৃ দ্বারা উন্নততর অধ্যাত্ম জীব-
 নের অল্প আপনাকে প্রস্তুত করিবার প্রকৃষ্ট ক্ষেত্র) বলিয়াই মনে হয়। বিশেষ ক্রমশঃ
 অধিকতর আধ্যাত্মিক উন্নতির পথ প্রশস্ততর রহিয়াছে।

‘পাবলিক ওপিনিয়ন’ শেবে বলিয়াছেন,—“বিংশ শতাব্দীর এই মুশা এজা-প্রোফুল দৃষ্টি
 অব্যাহত রাখিয়া বিজ্ঞানের বেশ চূড়িত শৈলশিখরে সবারূঢ় এবং তিনি সেইখানে দণ্ডারমান
 হইয়া এজা দৃষ্টির অভাবে সাধারণ মানবের অগোচর বিস্তৃত ক্ষেত্র প্রস্তুত করিতেছেন।”
 আনাদের মনে হয় হিন্দুর নিকট এই সিদ্ধান্ত নূতন নহে। ইহার অধিকাংশই হিন্দুর বৈত-
 বাদের এবং সামান্ত কতকটা অদ্বৈত বাদের সিদ্ধান্তের অনুরূপ। তবে উহার বৈজ্ঞানিক
 সুক্তি অল্প সম্পূর্ণ মৌলিক ও অতিনব।

জ্যৈষ্ঠ, ১৩১৮।


আর্যাবর্ত।

শ্রীহেমেন্দ্রপ্রসাদ ঘোষ

সম্পাদিত।

—০—

সূচী।



বিষয়	পৃষ্ঠা।
পুরাতন প্রসঙ্গ	৮১
ওধরের পথে (কবিতা)	৯২
মৃত্যু-মিলন ১	৯৩
যুরোপ ভ্রমণ	১০৩
গন্ধা ও কুম্ভ (কবিতা)	১০৯
সমুদ্র বক্ষে (চিত্র)	১১০
কাঁরা ও ছায়া	১১৮
প্রকাশ পীড়ন (কবিতা)	১২৩
প্রাচীন ভারতের আর্য্য ও অনার্য্য সভ্যতার কেন্দ্রস্থল	১২৪
উদগত (কবিতা)	১২৮
অশোকের রাজকার্য্য ও শাসন-পদ্ধতি	১২৯
মিলনে মৃত্যু (গল্প)	১৩৬
মৃত্যু (কবিতা)	১৪২
সমালোচনা	১৪৩
কাতরা (কবিতা)	১৪৮
সংগ্রহ	১৪৯

প্রকাশক—শ্রীদুর্গানাথ বসু।

১০৬২ ভ্রামবাজার ষ্ট্রীট, কলিকাতা।



আপনি কি জানেন
হাসমার্কা লিনসিড তৈল সকলে এত
পছন্দ করেন কেন ?
রংয়ের কাঠকে উজ্জ্বল ও কাষ্ঠকে স্থায়ী করিতে
কোন তৈল ইহার সমকক্ষ নয়, পরীক্ষা দ্বারা
সকলে আশান্ত হইয়াছেন ।
এণ্ড ইউল এণ্ড কোং ৮ ক্লাইভ রো ।

সীলট চূণ

সীলট চূণের
গাঁথুনি একখণ্ড কঠিন প্রস্তরের ন্যায়
পরিণত হয় ।

গ্রাহকগণের সুবিধার জন্য চূণ বস্তাবন্দী করিয়া রেল
কিন্মা ষ্টীমারে বুক করিয়া দিই ।

কিলবরণ এণ্ড কোং ।

৪ নং ফেয়ারলি প্লেস, কলিকাতা ।

এল, এন, প্রেস, ৪৩ নং গ্রে স্ট্রিট, কলিকাতা ।

শ্রীলক্ষ্মীনারায়ণ দাস দ্বারা মুদ্রিত ।

পুরাতন প্রসঙ্গ ।

—:~:—

(৭)



৩রা বৈশাখ, ১৩১৮ ।

পণ্ডিত মহাশয় বলিলেন,—“সম্প্রতি একটি হিন্দু মহিলা ‘সৃষ্টি রহস্য’ নামক একখানি গ্রন্থ আমাকে উপহার দিয়াছেন। এই গ্রন্থখানি পাইয়া আমি যার পর নাই আশ্চর্যান্বিত হইয়াছি। রচনা একটি অল্পবয়স্কা বঙ্গমহিলার। ইহাতে যে সকল প্রতিপাত্ত বিষয় বিবৃত হইয়াছে তাহা অতি উচ্চ অঙ্গের। আত্মানন্দ, ত্রিতন্ত্র, সচ্চিদানন্দ, সত্ত্ব, রজঃ, তমঃ ইত্যাদি ছুরবগাহ বিষয় লইয়া গ্রন্থকর্ত্রী শতাধিক পৃষ্ঠা পূর্ণ করিয়াছেন। যে সকল বিষয়ের আলোচনা করিতে গেলে সাধারণ ব্যক্তির মাথা ঘুরিয়া যায়, বুদ্ধি পক্ষাঘাতপ্রাপ্ত হইয়া উঠে, সেই সমস্ত বিষয় লইয়া বিশেষ আনন্দের সহিত আলোচনা করা হইয়াছে। রচনার ভাবভঙ্গি দেখিয়া বোধ বুঝা যায় যে, লেখিকা বিশেষ রসাস্বাদন করিতে করিতে এই গ্রন্থ রচনা করিয়াছেন। আমি পূর্বে জানিতাম যে, যদিচ অর্ধশতাব্দী কাল হইল এ দেশে স্ত্রী-শিক্ষা এক প্রকার প্রবর্তিত হইয়াছে, তথাপি এখন পর্য্যন্ত সাধারণতঃ স্ত্রীলোকেরা গল্পের বহি বা নাটক অথবা বড় জোর ছ’দশখানি কাব্যগ্রন্থ অধ্যয়নে রত থাকেন। তাঁহাদিগের বিদ্যা-চর্চা ইহার উপর বড় বেশী উঠে না। কিন্তু উপস্থিত গ্রন্থ দর্শন করিয়া আমার সেই ভ্রম অপসারিত হইতেছে। শঙ্করাচার্য্য প্রভৃতি মহারাজচক্রবর্ত্তী দার্শনিকগণ যে সকল বিষয়ের অন্বেষণ করিয়া যাবজ্জীবন ক্ষেপন করিয়াছেন এবং ভ্রমগুণে লব্ধ প্রতিষ্ঠা হইয়াছেন, রচয়িত্রী সেই সমস্ত লইয়া আন্দোলন করিতে পরাঙ্মুখ নহেন। আমার নিজের কথা বলিতে গেলে বলিতে হয় যে, আমি এ সকল বিষয়ের আন্দোলনে নিতান্ত অপটু, একেবারেই অক্ষম, এবং ইহার দোষগুণ বিচারে প্রবৃত্ত হওয়া আমার পক্ষে ধৃষ্টতা মাত্র—”

পণ্ডিত মহাশয়ের কথায় বাধা দিয়া আমি বলিলাম—“সে কি মহাশয়? আপনার এ কথা শুনিয়া লোকে মাথা নাড়িবে; বলিবে, স্ত্রীলোকের রচনা বলিয়া আপনি সমালোচনা করিতে বিরত হইলেন।”

তিনি বলিলেন—“না। আমাকে জুল বুঝিও না, আমি যে বেদান্তে পারদর্শী এ ধারণা লোকের হইতে পারে না।”

আমি বলিলাম—“অবশ্যই আমাদের সকলেরই পক্ষে ইহা একটি বিশ্বয়ের বিষয় যে, আপনি সংস্কৃতশাস্ত্রে এত বড় পণ্ডিত হইয়া আপনার spiritual consolation পাশ্চাত্য positivism এ কেমন করিয়া পাইলেন ! না হয়, আপনি এই পুস্তিকাখানি উপলক্ষ করিয়া ধ্রুবদর্শনের ভিত্তির উপর দণ্ডায়মান হইয়া আপনার বক্তব্য বলিয়া যাউন।”

পণ্ডিত মহাশয় বলিলেন—“সেটা উচিত নহে। আর আমার পাণ্ডিত্যের কথা যখন তুমি তুলিলে, তখন কয়েকটি কথা আজ বলিব ; প্রকাশ করিতে কুষ্ঠিত হইও না। আমি একটা বিষয়ে আপনাকে কিঞ্চিৎ সৌভাগ্যবান্ জ্ঞান করি। আমার যে সকল গুণ অথবা বিদ্যাবুদ্ধি সংক্রান্ত যোগ্যতা অথবা বিশেষ পারদর্শিতা নাই, অনেক সময়ে আমি লোকের নিকট সেই সকল বিষয়ে প্রশংসাবাদ প্রাপ্ত হইয়াছি। ইহা এক প্রকার আমার যশোভাগ্য বলিতে হইবে। আমার একটি বন্ধু ছিলেন, ডাক্তার হরিশ্চন্দ্র তলাপাত্র। লোকটি খুব “মস্করা” ছিলেন, তাঁহার সঙ্গে যে সময়টা কাটান যাইত, বড়ই হাসি খুসিতে কাটিত। তিনি এক দিন আমাকে আধু তামাসার ছলে বলিলেন, ‘আরে কৃষ্ণকমল, জ্ঞান কি বল ত ? কেবল ভোগা দিয়ে খাও বৈ ত নয়।’ কথাটা বেশ আমার মিষ্ট লাগিল ; এবং কতকটা মনে বন্ধমূল হইল। ভাবিলাম—বলেছে মস্কর নহে। সেই হরিশ্চন্দ্র আবার আর একদিন আর একটা ব্যাপার দেখিয়া কিছু তাক্ হইয়া গিয়াছিলেন। পূজ্যপাদ তারানাথ তর্কবাচস্পতি মহাশয় যখন “শব্দস্তোম মহানিধি’ নামক ক্ষুদ্র সংস্কৃত অভিধানখানি—ইহা ‘বাচস্পত্য’ অপেক্ষা অনেক ছোট—মুদ্রিত করিতেছিলেন, তখন আমাকে একটা করিয়া প্রফ দেখিতে বলিতেন। আমিও দেখিয়া দিতাম ; এবং যদিচ তাঁহার লেখার উপর আমার কলম চালান এক প্রকার ধুইতামাত্র, তথাপি সময়ে সময়ে আমি একটু আধটু বদল করিয়া দিতাম। সে সমস্ত এই ভাবের পরিবর্তন যে, তিনি হয় ত বড় কঠিন সংস্কৃত লিখিয়াছেন, আমি একটু সহজ করিয়া দিলাম। তিনি হয় ত লিখিয়াছেন, ‘কোকিলস্ত পরপুষ্টিঃ’ আমি হয় ত করিয়া দিলাম ‘কোকিলো হি পরপুষ্টিঃ’। তিনিও বুঝিতেন যে, ছেলেদের জন্য অভিধান হইতেছে, যত সহজ হয় ততই ভাল, অতএব তিনি আমার এ প্রকার পরিবর্তন গ্রাহ্য করিয়া লইতেন। একদিন হরিশ্চন্দ্র তথায় উপস্থিত। এই

ব্যাপার দেখিয়া তিনি একেবারে অবাক হইয়া গেলেন, বলিলেন, ‘আ্যা, তুমি কাটিয়া দিয়াছ; আর ভারানাথ তাহা মঞ্জুর পর্য্যন্ত করিয়াছেন! তাই ত, তুমি বড় কম লোক নও।’ এই প্রসঙ্গে আরও একটা কথা বলিতে পারি। কায়স্থদিগের একটা চিরস্থায়ী মানি তর্কবাচস্পতি মহাশয় তাঁহার অভিধানে ‘কায়স্থ’ এই শব্দ উপলক্ষ করিয়া সন্নিবেশিত করিয়াছিলেন। সংস্কৃতজ্ঞ পণ্ডিতদিগের একটা উদ্ভট অনুষ্টুভ শ্লোক কায়স্থজাতির লোভ ও অর্থকারণ্য সম্বন্ধে প্রচলিত আছে। তাঁহার অভিধানে সেই শ্লোকটি দেখিয়া আমি তাঁহাকে বিশেষ অনুরোধ করিয়া উঠাইয়া দিতে কহিলাম, প্রথমে তিনি রাজি হইলেন না, পরে অনেক করিয়া বলাতে শেষ কালে রাজি হইলেন। আমার বোধ হয়, সেই সময়ে বিদ্যাসাগর মহাশয়ের সহিত বহুবিবাহ সম্বন্ধে তাঁহার তর্কবিতর্ক চলিতেছিল। শ্রামাচরণ বিশ্বাস বিদ্যাসাগরের ভক্ত ছিলেন। তর্কবাচস্পতি মহাশয়ের সহিত শ্রাম বিশ্বাসের কিছু-তীব্র ভাবে সেই উপলক্ষে তর্কবিতর্ক হইয়াছিল। সেই জন্ত পণ্ডিত মহাশয় সমস্ত কায়স্থ জাতির উপর চটিয়া গিয়াছিলেন, এবং কায়স্থ শব্দের ব্যাখ্যা লিখিতে বসিয়া রাগ সামলাইতে পারেন নাই। এটি কিন্তু আমার সম্পূর্ণ অনুমানমাত্র।

‘যাহা হউক, হরিশ আমাকে যে ভোগা দিয়া খাইবার দোষারোপ করিয়াছিল সে কথাটি আমার সর্বদাই মনে পড়ে, এবং আমি আপনা আপনি হাসি। আমি মনে মনে বেশ জানি যে, সাধারণতঃ লোকে আমাকে সংস্কৃতশাস্ত্রে যতদূর পারদর্শী ও পণ্ডিত মনে করে, আমি তাহার কিছুই নহি। ফলতঃ আমার নিজের বিশ্বাস যে, আমার সংস্কৃতজ্ঞান কতকটা পল্লবগ্রাহিতা যাহাকে বলে তদ্রূপমাত্র। সুগভীর পাণ্ডিত্য কোনও বিষয়েই আমার নাই, এটি আমার আন্তরিক অমায়িক বিশ্বাস। কিন্তু এই বিশ্বাসের বিষয় আমি আমার পূর্বতন ছাত্র অবিনাশ চন্দ্র ঘোষের নিকট বলিবার উপক্রম করিয়াছিলাম। অবিনাশ বিশ্ববিদ্যালয়ের এম. এ.; এখন গভর্নমেন্টের পেন্সন ভোগ করিতেছেন। তাঁহার পিতা ৬গিরিশ চন্দ্র ঘোষ ‘বেঙ্গলি’ নামক সুপ্রতিষ্ঠিত সংবাদপত্র সংস্থাপিত করিয়া যান, এবং আমার একজন বিশিষ্ট বন্ধু ছিলেন। এই পল্লবগ্রাহী পাণ্ডিত্যের কথা বলায় অবিনাশ অত্যন্ত চটিয়া গেলেন এবং আমার মুখের উপরে বলিলেন—‘এটা কি হচ্ছে? এটা কি affectation নাকি?’ আমি থামিয়া গেলাম। আমি জানি যে, অবিনাশ আমার খুব ভক্ত, আমার বিদ্যাবুদ্ধি সম্বন্ধে তাঁহার বিশেষ শ্রদ্ধা। আমি কোন কালে

সংস্কৃত কোন কোন পাঠ্য গ্রন্থ অধ্যাপনার সময় উহার কি ইংরাজি অনুবাদ তাঁহাদিগকে বলিয়া দিতাম, এখনও পর্য্যন্ত অবিনাশ প্রসঙ্গ উপস্থিত হইলে তাহার তারিফ করিতে ছাড়েন না। অবিনাশের মত সুবিদ্বান ব্যক্তির মুখে ঐ সকল প্রশংসাবাক্য শুনিয়া আমিও মনে মনে খুসী হই সন্দেহ নাই। কিন্তু তথাপি আমার নিজের সংস্কৃতজ্ঞতা বিষয়ে আমার নিজের যাহা মত আছে, আমি জানি যে সেইটাই ঠিক।

“অধিক দিন নহে, আমি ও মহেশ ত্রায়রত্ন ও নীলমণি ত্রায়লকার, আমরা তিন জন বিশ্ববিদ্যালয়ের সংস্কৃত প্রবেশিকা গ্রন্থ সম্পাদন করিয়াছিলাম। জানি না, কি গতিক্বে by some irony of fate, তাহাতে এত ভুল বাহির হইয়াছিল, যে আমাদের তিন জনকে লজ্জায় অধোবদন হইতে হয়। এই ঘটনা লইয়া সংবাদপত্রওয়ালারা দিন কতক খুব আমোদ করিয়াছিল। একজন লিখিয়াছিল—একৈকমপ্যনর্থায় কিমু তত্র চতুষ্টয়। আর একজন আমার নাম করিয়া লিখিয়াছিল—‘নামে তালপুকুর ঘটি ডোবে না’। যাহা হউক, প্রবেশিকার সেই সংস্করণে যতদূর মূর্খতা দাঁড়াইয়া গিয়াছে, ততদূর মূর্খ নহি বটে; কিন্তু সংস্কৃতশাস্ত্রে বিশেষ পারদর্শিতা বলিতে গেলে আমার জ্যেষ্ঠ সহোদর রামকমলের প্রকৃতপক্ষে ছিল। আমার তাহা কিছুই নাই। তিনি সংস্কৃত কলেজে যে ১০।১১ বৎসর অধ্যয়ন করিয়াছিলেন, সেই কয় বৎসরের মধ্যে সংস্কৃতশাস্ত্রের এমন কোনও অংশই নাই যাহা তিনি প্রগাঢ়রূপে এবং সুগভীর আলোচনার সহিত অনুশীলন করেন নাই,—কি সাহিত্য, কি অলঙ্কার, কি দর্শন যখন যাহা পড়িয়াছিলেন, তাহাতেই একরূপ পারিপাট্য ও পারদর্শিতা লাভ করিয়াছিলেন যে তাঁহার অধ্যাপকগণ উত্তরকালের ছাত্রদিগের নিকট তাঁহাকে দৃষ্টান্তের স্বরূপ উপস্থাপিত করিতেন। আমার বেশ মনে আছে, আমি যখন প্রেমচাঁদ তর্কবাগীশ মহাশয়ের শ্রেণীতে অলঙ্কার পাঠ করি, তখন আমাদের পাঠশৈথিল্যের প্রতি কটাক্ষপাত করিয়া তিনি বলিতেন ‘যথার্থ শিথিল্যের উদ্যম কেবল রামকমলের দেখিয়াছি।’

“যাহারা নিজে সংস্কৃতজ্ঞ নহেন, তাঁহারা আমার বিষয়ে ভাবেন যে, সংস্কৃত শাস্ত্রের কোনও অংশই আমার অবিদিত নাই; দর্শন, স্মৃতি, সকল বিষয়েই যেন আমার মতামত বলিবার ক্ষমতা আছে। আমি অজ্ঞতা স্বীকার করিতে কুণ্ঠিত নহি; কিন্তু অনেক সময়ে মনে হয় ওরূপ করিতে গেলে লোকে বিপরীত বুঝিবে, আমাকে অহঙ্কারী বিবেচনা করিবে।

“আমার এই প্রকার যশোভাগের যে কারণ কি তাহাও আমি এক প্রকার ঠিক করিয়া রাখিয়াছি। কলেজে অধ্যয়ন না করিয়া আমি এণ্ট্রান্স পাসের দুই আড়াই বৎসরের মধ্যে ঘরে পড়িয়া বি. এ. পাস দিয়াছিলাম, সেই জন্ত আমার একটু নাম বাহির হইয়াছিল, এবং আমি উপযাচক না হইয়াও প্রেসিডেন্সি কলেজের অধ্যাপকের পদ পাইয়াছিলাম। আমাদের দেশের লোকের একটা অভ্যাস এই যে, যিনি গভমেন্টের নিকট প্রতিষ্ঠালাভ করেন, তিনি দেশের লোকের নিকটও সুপ্রতিষ্ঠিত হইবেন; এই কথা ৮নগেন্দ্র নাথ ঘোষ তাঁহার রচিত কৃষ্ণদাস পালের জীবনীতে বুঝাইয়া দিয়াছেন। আমি অল্প বয়সে প্রেসিডেন্সি কলেজের সিনিয়র প্রফেসর হওয়াতে সাধারণে ভাবিলেন যে, আমি না জানি কত বড় দিগ্গজ পণ্ডিত।

“তবে বিদ্যাসাগর মহাশয় যেন কতকটা ভিতরের ব্যাপার বুঝিয়া রাখিয়া ছিলেন, কারণ তিনি একদিন আমাকে স্পষ্ট বলিলেন,—‘তোরা দুইয়ের বার হয়ে রইলি, না ইংরাজিও তেমন লিখতে পারিস, না সংস্কৃততেও পণ্ডিত হলি।’ তিনি তখন বিধবা ‘বিবাহ’ বাদানুবাদে মগ্নপ্রায় হইয়াছিলেন। তাঁহার অভিলাষ ছিল যে, তাঁহার যুক্তিবিজ্ঞানগুলি ইংরাজিতে উত্তমরূপে প্রতিপাদিত হয়। কিন্তু সংস্কৃতও ভাল বুঝে, ইংরাজিও ভাল লিখিতে পারে এরূপ লোক না পাওয়ার নিরস্ত হইয়াছিলেন।

“প্রসঙ্গক্রমে নিজের কথা অনেক বলিলাম, বোধ হয় এখন সংস্কৃতজ্ঞান সম্বন্ধে আর আলোচনা নিস্প্রয়োজন। একটু মোড় ফিরাইয়া লওয়া যাউক,— বাঙ্গালা সাহিত্যের কথা একটু আলোচনা করিলে ক্ষতি কি?

“বোধ হয় তোমরা জান না যে, তারানাথ তর্কবাচস্পতি বাঙ্গালায় ‘বাক্য-মঞ্জরী’ নামী একটি ক্ষুদ্র পুস্তিকা রচনা করিয়াছিলেন। It is an excellent work on syntax,—আমার মনে হয়, সে ধরণের পুস্তক আমাদের আর নাই। প্রেমচাঁদ তর্কবাগীশ মহাশয়ও বাঙ্গালা লিখিতেন; ঈশ্বর গুপ্তের ‘প্রভাকরে’ নাকি তিনি একজন বিশিষ্ট লেখক ছিলেন। প্রভাকরের motto দু দফা তিনি রচনা করিয়া দিয়াছিলেন। প্রথম দফা :—

সতাং মনস্তামরস প্রভাকরঃ

সদৈব সর্কেষু সমপ্রভাকরঃ।

ইত্যাদি।

দ্বিতীয় দফা :—

নকুং চক্রেণ ভিন্নমুকুলেঘিন্দীবয়েষু কচিৎ
 ভ্রামং ভ্রামমতজ্জমীষদমৃতং পীড়া কুধাকাতরা ।
 অদ্যোদ্যৎ বিমল প্রভাকরকরপ্রোত্তিরপদ্যোদরে
 সচ্ছন্দং দিবসে পিবন্তি চতুরস্রাস্তধিরেফাঃ রসং ॥

আবার তিনি 'ভাস্কর'র motto ও লিখিয়া দিয়াছিলেন ।—

ভ্রাতর্বোধহরোজ্জ কিং চিরয়সে । মৌনশ্চ নাগঃ ক্ষণঃ ।
 দোষধাস্তদিগন্তরং ব্রজ ন তেহবস্থানমত্রোচিতং ।
 ভোঃ ভোঃ সংপুরুষা কুরু ঋমধুনা সৎ কুধমত্যাৱরাৎ,
 গৌরীশঙ্করপর্কতমুখাৎ উজ্জুস্ততে ভাস্করঃ ॥

"ঈশ্বর গুপ্তের 'প্রভাকর' দৈনিক পত্র, কিন্তু কয়েক বৎসর গতে তিনি প্রতি মাসে একখানি মাসিক সংস্করণ মুদ্রিত করিতে আরম্ভ করেন, তাহাতে বিবিধ গদ্য পদ্য থাকিত এবং যথেষ্ট গুণপনা প্রকাশ পাইয়াছিল। ইহা ব্যতীত কবির গান ইত্যাদি রচনা করিবার শক্তি তাঁহার সামান্য ছিল না। তাঁহার সময়ে 'কবির' লড়াই বিলক্ষণ প্রচলিত ছিল এবং তিনি একজন উৎকৃষ্ট বাঁধনদার বলিয়া প্রতিষ্ঠাপন্ন ছিলেন। তিনি নিজের কোথাও গান বড় একটা গাহিতেন না, তাঁহার গলাটাও ভাঙ্গা ভাঙ্গা গোছ ছিল। কিন্তু সেকালে তাঁহার গান বাঙ্গালার পল্লীতে পল্লীতে গীত হইত। একটি গান তোমাকে বলিতেছি, এই গানটি এখনও আমার দেহে পুলক সঞ্চার করাইয়া দেয়, জানি না এ গানটি মুদ্রিত হইয়াছে কি না। গানটি এই :—

পুরবাসী বলে, রাণী, তোর তারাহারা এলো ঐ ।
 অমনি পাগলিনী প্রায়, এলোকেশে ধায়,
 বলে, কই আমার উমা কই ।
 স্নেহে রাণী বলে, আমার উমা কি এলে,
 একবার আয়, মা, আয় গো করি কোলে ।
 অমনি ছুঁবাহ পসারি, মায়ের গলা ধরি,
 অভিমানে কেঁদে মায়েরে বলে,
 ছাদে ও পাষাণ, কই মেয়ে বোলে আনতে গিয়েছিলি,
 পরের ঘরে মেয়ে দিয়ে, মা, মায় কি পাসরিলি ।
 কৈলাসেতে সবাই বলে, উমা তোর কি মা নাই,
 অমনি সরমে মরে যাই ।
 আমি বলি আমার পিতে, এসেছিলেন নিতে,
 শিবের দোষ দিয়ে কাঁদি বিরলে ।
 তুমি গেলে না কো নিতে, জেনে এলেম আপনাইতে,
 র'ব না কো, যাব দু দিন গেলে ।

গানটি বোধ হয় আমার সম্পূর্ণ মুগ্ধ নাই, কিন্তু ইহার রচনার লালিত্য ও চমৎকারিতা চিন্তা করিয়া মোহিত হইতে হয়। আজিকার কালে এরূপ রচনা কাহারও লেখনী হইতে বাহির হওয়া এক প্রকার অসম্ভব হইয়া উঠিয়াছে। মেকালে অ্যাডিসনের চমৎকার ইংরাজি গদ্য সম্বন্ধে লিখিয়াছেন যে, অ্যাডিসনের রচনা দ্বিতীয় চালশের আমলের খাপা-করাসি রচনা হইতে যেমন সম্পূর্ণ বিভিন্ন, তেমনই এখনকার আধা-জার্মান রীতি হইতে স্বতঃ স্বতন্ত্র। যথার্থ ইংরাজি রীতি যদি দেখিতে হয় তাহা হইলে অ্যাডিসনের গদ্যেই দেখিতে পাওয়া যাইবে। ঈশ্বর গুপ্তের পূর্কীকৃত গানটির বিষয়েও সেইরূপ বলা যাইতে পারে। উহাতে বামুন পণ্ডিত সংস্কৃত শব্দের ছড়াছড়ি নাই, এবং এখনকার ইংরাজি তর্জমা বাঙ্গালার ভঙ্গিও নাই। ফলতঃ যদি প্রকৃত বাঙ্গালা ভাষার রীতির নমুনা দেখিতে হয় তাহা হইলে দু পাঁচ জন পুরাতন গ্রন্থকারের রচনা ভিন্ন আর কুত্রাপি দেখিতে পাওয়া যাইবে না। একজন দাশুরায়, একজন ভারতচন্দ্র, আর এ কালের মধ্যে ঈশ্বর গুপ্ত।

“উত্তরকালে অনেকগুলি লেখকের ওস্তাদ ঈশ্বর গুপ্ত ছিলেন। বঙ্কিম বাবু আপনাকে তাঁহার একজন সাক্ষর বুলিয়া জানিতেন, এবং অক্ষয় দত্তেরও বাঙ্গালা রচনাতে ঈশ্বর গুপ্তের নিকট হাতে খড়ি হয়। তবে অক্ষয় দত্ত যে বরাবর গুরু রচনা পদ্ধতি নকল করিয়াছিলেন তাহা নহে। তিনি অনেকটা বিদ্যাসাগরির রীতির দিকে আকৃষ্ট হইয়াছিলেন। কিন্তু তাহা বুলিয়া বিদ্যাসাগরের ও মাছিগারা গোছের নকল করেন নাই। অক্ষয় দত্ত যেরূপ প্রতিভাসম্পন্ন ছিলেন, তিনি যে কাহারও নকলে চলিবেন, ইহা কোনও মতেই সম্ভবপর ছিল না। তাঁহার রচনার ঔদার্য্য, ওজস্বিতা, অকপট আন্তরিকতা, এবং মনের ভাব অকাতরে ব্যক্ত করিবার ক্ষমতা বাঙ্গালার অতি অল্প লেখকেই প্রদর্শন করিয়াছেন। তিনি স্বরচিত ‘বাহুবল্লর’ প্রথম ভাগের শেষে আমিষ ভক্ষণের বিরুদ্ধকল্পে এক সতেজ প্রবন্ধ লিখিয়া গিয়াছেন, এবং উক্ত গ্রন্থের দ্বিতীয় ভাগের শেষ অংশে সুরাপানের বিরুদ্ধে এক প্রবন্ধ লিখিয়া গিয়াছেন। তাঁহার গুরু ঈশ্বর গুপ্ত ইংরাজি লেখক অ্যাডিসনের মত মদিরার বিষয়ে কিঞ্চিৎ চিত্ত-দৌর্বল্য লইয়া জন্মগ্রহণ করিয়াছিলেন, উভয়েরই পেটে একটু পড়িলে মাথাটা খুলিত ভাল। এই কারণেই বোধ হয় ঈশ্বর গুপ্ত সুরাপান সম্বন্ধে শিষ্য অক্ষয় কুমারের কটাক্ষপাত দর্শন করিয়া

কিছু দিন পরে বিলক্ষণ দাদ ভুলিবার অবসর পাইয়াছিলেন। তাহার বৃত্তান্ত এই—

‘বাহুবল্লব’ রচনার কয়েক বৎসর পরে অক্ষয় কুমারের মস্তিষ্ক বোধ হয় অতিরিক্ত-চালনা-দোষে এত নিস্তেজ ও নিষ্কর্ষ হইয়া পড়িয়াছিল যে, তাঁহাকে সর্বপ্রকার লেখা পড়ার ব্যাপার ত্যাগ করিয়া বালিগ্রামে যাইয়া একটি নিভৃত স্থানে গাছপালা রোপণে অশ্রমনস্ক হইয়া জীবনের শেষ কয়েক বৎসর ক্ষেপণ করিতে হইয়াছিল। সেই সময়ে শুনিতে পাই তিনি মাংসও ধরিয়াছিলেন; Port wine ও ধরিয়াছিলেন। তাঁহার এই শেষাবস্থা উপলক্ষ করিয়া গুরু ঈশ্বর গুপ্ত পরিহাসগর্ভ একটি পদ্য লিখিয়াছিলেন, তন্মধ্যে এই ছত্রটি ছিল :—

‘মাথামুণ্ড ঘুরে গেল, মাথামুণ্ড লিখে।’

“বঙ্গালী ভাষার উন্নতিসাধন সম্বন্ধে যে সকল ব্যক্তির গুণকীর্তন করা আমাদের অভ্যাস হইয়াছে তন্মধ্যে ঈশ্বর গুপ্তের নাম যে সর্বোচ্চশ্রেণীতে কীর্তিত হওয়া উচিত তদ্বিষয়ে সন্দেহ নাই। কিন্তু কেন যে তাহা হয় না, কেন যে তাঁহার স্বর্ণার্থ একখানি ছবি পর্য্যন্ত সর্বসাধারণকর্তৃক প্রতিষ্ঠিত করিবার কোনও উদ্যোগ কখনও প্রকাশরূপে হয় নাই, ইহা শুদ্ধ যে অনাকল্পনীয় (inconceivable, unaccountable) তাহা নহে, ইহাতে বঙ্গালী জাতির কৃতজ্ঞতাবৃত্তি যে নিতান্ত ক্ষুদ্র কলেবর তাহাও প্রকাশ পায়। সে বিষয়ে জাজ্ঞামান দৃষ্টান্ত দিতে গেলে অধিক দূর যাইতে হয় না, লর্ড রিপনের নাম করিলেই যথেষ্ট হইবে। রিপনের স্মৃতিরক্ষাবিষয়ে আমরা যে ভঙ্গি প্রদর্শন করিয়া বসিয়া আছি, তাহাতে বোধ হয় কিঞ্চিৎ চিন্তাপ্রবণতা থাকিলে প্রত্যেক বঙ্গালীরই অধোবদন হইয়া পাকা উচিত। ঈশ্বর গুপ্ত আর লর্ড রিপন এই দুই জনের নাম এক প্রস্তাবে উল্লেখ করিতে কুণ্ঠিত হইবার কোন কারণ নাই। একজন যেমন রাজনৈতিক বিষয়ে অত্যাচারমতি ছিলেন, আর একজন তেমনই একটি অল্পবয়স্ক সাহিত্যশাস্ত্রের উন্নতিকল্পে আপনার জীবন সমর্পণ করিয়া গিয়াছেন। আমার বোধ হয়, ঈশ্বর গুপ্তের বিষয়ে এতদেশীয় লোকের যে উদাসীনতা তাহার একটি প্রধান কারণ এই যে, তিনি গভর্নমেন্টের নিকট বড় একটা জানিত ছিলেন না। আর আমরা বঙ্গালী বতই আফালন করি না কেন, গভর্নমেন্ট আঙ্গুল না বাড়াইলে আমরা কে ভাল কে মন্দ বড় বুঝিয়া উঠিতে পারি না ॥

পুরাতন প্রসঙ্গ

আর্যাবর্ত-

জ্যৈষ্ঠ ১৩১৮ ।



গিরিশ চন্দ্র ঘোষ ।

“প্রকৃত বাঙ্গালাভাষায় রীতি-বিশুদ্ধ (idiomatic) রচনা-বিষয়ে ঈশ্বর গুপ্তের যে প্রকার পারিপাট্য ছিল, তাহাতে দাশুয়ারের ততোধিক ক্ষমতা দেখা যায়। দাশুয়ারের রচিত একটি গান আমার মুখস্থ আছে, সেটি হাতে বাজারে ভিখারীরা গাহিয়া হু’ এক পয়সা উপার্জন করে। সেই ১০।১২ পংক্তির মধ্যে প্রকৃত বাঙ্গালা রীতির এত নমুনা দেখিতে পাওয়া যায় যে, এখনকার তর্জমাকরা আধা-ইংরাজি লেখা যাহাদিগের অভ্যাস হইয়া গিয়াছে তাঁহাদের সর্বদা সেই ১০।১২ পংক্তি চক্ষুর সম্মুখে রাখা মন্দ নহে! গানটি এই:—

কি আনন্দের কথা, উমে, ও মা লোকমুখে শুনি,
সত্য বল শিবানি, অন্নপূর্ণা নাম কি তোরে কাশীধামে ।
অপর্ণা যখন তোরে অর্পণ করি,
ভোলানাথ ছিলেন মুষ্টিকের ভিখারী,
আজ কি আনন্দের কথা বল্লি, শুভকরি,
বিশ্বেশ্বরী না কি বিশ্বেশ্বরের বামে ।
ক্ষাপা, ক্ষাপা সবে বল্ত দিগম্বরে,
গল্পনা পেয়েছি কত ঘরে পরে,
আজ দ্বারি নাকি আছে বিশ্বেশ্বরের দ্বারে,
দর্শন পায় না ইন্দ্র চন্দ্র যমে ।
হিমালয়ে বাস হর করিয়াছে,
কুবের ধনেতে কাশীনাথ হয়েছে,
ভিক্ষায় দিন রক্ষা সে দিন গিয়েছে,
ফলেছে কি ফল তোমার কপালক্রমে ।
বিষয় বৃদ্ধি বটে বিশ্বাস হয় যে মনে,
তা না হলে গৌরীর এত গৌরব কেনে,
চেয়ে দেখে না আপন সম্মানে,
মুখ বঁাকাও কেন দাশরথি নামে ।

এমন সরল ভক্ত খাঁটি বাঙ্গালী কবি এখন আর জন্মে না কেন? বহু দিন ধরিয়া আমরা পশ্চিমের দিকে তাকাইয়া আছি, সমস্ত বিষয়েই পশ্চিম হইতে inspiration লইয়া আপনাদিগকে সার্থক মনে করিয়াছি। আপনাদের শব্দসম্পদের দিকে লক্ষ্য না করিয়া বিদেশী কথার তর্জমা করিয়া বিদেশী সুরে গান গাহিয়াছি, নহিলে ভিত্তিহীন, বিশেষত, সহানুভূতি প্রভৃতি শব্দ বাঙ্গালা সাহিত্যের ও বাঙ্গালা ভাষার অঙ্গীভূত হইল কেন? এই গুলির

কি খাঁটি দেশী প্রতিশব্দ পাওয়া যায় নাই? আমাদের এই নবজাগ্রত স্বদেশভক্তি যদি বাস্তবিকই আমাদের দেশের দিকে আমাদের মন আকর্ষণ করিয়া থাকে, তাহা হইলে বাঙ্গালা সাহিত্যে ভক্ত দাশুরায়ের স্থান নির্দেশ করিতে আমাদের কষ্ট পাইতে হইবে না।

শুনিয়াছি ম্যাক্স মুলার যখন ঋগ্বেদের ভাষ্যের ইংরাজি অনুবাদরূপ বিরাট ব্যাপারে হস্তার্পণ করিয়াছিলেন, তখন পানিনির প্রায় চার হাজার সূত্র সর্বদাই চক্ষুর সম্মুখে রাখিবার জন্ত, সূত্রগুলি আগাগোড়া ঘরের দেওয়ালে এমন করিয়া লিখিয়া রাখিয়াছিলেন যে, যখনই যে সূত্রের আবশ্যক হয় তখনই তাহা দেখিবার সম্ভাবনা থাকে। আমার মনে হয়, আমাদের সাহিত্যের পর্ণকুটীর হইতে বৈদেশিক ‘ভিত্তিহীন’ প্রভৃতি শব্দ বহিষ্কার করিয়া খাঁটি দেশী কথায় সাহিত্যের চর্চা করিতে হইলে হয় ত প্রথম প্রথম কুটীর-গাত্রে খাঁটি বাঙ্গালা শব্দগুলি লিখিয়া রাখিতে হইবে। হয় ত তখন আবার ঈশ্বর গুপ্ত দাশুরায়ের মত বাঙ্গালী সাহিত্যিক খাঁটি বাঙ্গালায় মনের ভাব প্রকাশ করিতে সক্ষম হইবে।

“ইংরাজি-ভাষা বাঙ্গালা ভাষার প্রতি যে কটাক্ষপাত করা হইল তাহার অভিপ্রায় এরূপ নহে যে, বর্তমান আস্থায় বাঙ্গালা ভাষাকে ইংরাজি ভাষা কিম্বা তাদৃশ সম্পূর্ণবিকাশপ্রাপ্ত অথ কোনও যুরোপীয় ভাষা হইতে শব্দ ও ভাব ও “ধরতা” ইত্যাদি বিষয়ে সাহায্য লইতে হইবে না, বা অনুকরণ করিতে হইবে না। ইহাতে ভাষা দৌরাশলা হইয়া আইসে বটে, কিন্তু ভাষা দৌরাশলা হইলে যে তাহার পূর্ণতাপ্রাপ্তি সম্বন্ধে বিশেষ কোনও ব্যাঘাত বটে এ প্রকার বোধ হয় না। ইংরাজির মত দৌরাশলা ভাষা আর নাই। একজন প্রসিদ্ধ ইংরাজ গ্রন্থকার (ডি ফো) কোনও স্থলে বলিয়া গিয়াছেন,—আমরা ইংরাজ জাতি বর্ণশঙ্কর-বিষয়ে নাক তুলি কেন? আমাদের মত শঙ্কর জাতি—mongrel race আর কোথায় আছে? দিনেমার, জার্মান, কেন্ট, টিউটন প্রভৃতি কত জাতির রক্ত আমাদের শিরায় বহিতেছে তাহার ইয়ত্তা করা ভার। ডি ফো ইংরেজ জাতির বিষয়ে যে শঙ্করের কথা কহিয়া গিয়াছেন, তাহাদের ভাষাতেও সেরূপ নানা দোষ—দোষই বল আর গুণই বল আরোপ করা যাইতে পারে। তথাপি কিন্তু ইংরাজি অপেক্ষা সমধিক পূর্ণতাপ্রাপ্ত আর কোন ভাষা পৃথিবীতে বিদ্যমান আছে?

মেকলে আপনার ইতিহাসের একস্থলে সাহস্বারে বলিয়াছেন আর সে

অহঙ্কার অমূলক নহে,—যে কবির কার্য্যই বল, গদ্য লেখকের কার্য্যই বল, বক্তৃতার ব্যাপার বল, পরিহাসরসিকতা ইতিহাস রচনা ইত্যাদি যে কোন ব্যাপারে ভাষার উপযোগিতা আছে, তাহার কোনটিতেই পূর্ণতা লাভ করিতে ইংরাজি ভাষা অক্ষম বা অনুপযুক্ত নহে, এবং পৃথিবীর অণু কোনও ভাষার নিকট এ সম্বন্ধে ইংরাজিকে হীনতাস্বীকার করিতে হইবে না। তবে যদি হয়, বোধ হয় প্রাচীন গ্রীক ভাষার নিকট চাই কি হীনতা স্বীকার করিতে হইলেও হইতে পারে।

অতএব দেখা যাইতেছে যে ‘অংশ’—hybridism, mongrel character,—বেশী সংখ্যায় থাকিলে যে ভাষাকে হীন থাকিতে হয়, একথা ঠিক নহে। তবে আমার বোধ হয়, বাঙ্গালার ভবিষ্যতে পূর্ণতালাভ সম্বন্ধে একটা ব্যাঘাত রহিয়াছে,—সেটা আমাদের রাজনীতিক অবস্থা। পৃথিবীর ইতিহাস পর্যালোচনা করিয়া দেখ, বহুকাল পরাধীন কোনও জাতির ভাষা কতদিনকালে বিশিষ্ট উন্নতি লাভ করে নাই। এশিয়া মাইনর সেইরূপ একটি দেশ, ইহার কোনও ভাষা কখনও গা তুলিতে পারে নাই। ইটালীর ভাষাকে এ বিষয়ের বিরুদ্ধ প্রমাণ বলা যায় না; কারণ, ইটালির মধ্যে কেবল সিসিলি ও নেপল্‌স অনেক দিন স্পেনের অধীন ছিল, এবং উত্তরে লম্বার্ডি কিছুকাল অষ্ট্রিয়ার অধীন থাকে। কিন্তু অণু অংশ ক্ষুদ্র ক্ষুদ্র অনেকগুলি রাষ্ট্রে বিভক্ত ছিল, সে সকল রাষ্ট্রে স্বদেশীয় লোকেরই প্রাধান্য। তাঁহাদের অনেকেই অত্যাচারী ও উৎপীড়ক ছিলেন বটে, কিন্তু তথাপি তাঁহারা ইটালির লোক। অতএব ডাণ্টে, টাসো, আরিয়ষ্টো, পেট্রার্ক ইহাদিগের দৃষ্টান্ত দেখাইয়া সপ্রমাণ করা যাইতে পারে না যে, একরূপ অবস্থা ভাষা বিকাশের গুরুতর বিষয় নহে। আরও একটা দৃষ্টান্ত দেখান যাইতে পারে, প্রাচীন গ্রীক ভাষা ও আধুনিক রোমেক (romaic) ভাষা। কই, রোমেক ভাষাতে কে কোথায় বড় গ্রন্থকার জন্মিয়াছে? যে অবধি গ্রীসের স্বাধীনতা গেল, সেই অবধি তাহার সাহিত্যও গিয়াছে। অতএব আমার ত বোধ হয়, উন্নতি সম্বন্ধে যতই চেষ্টা কর, বাঙ্গালা ‘আধেশ্বা’ গোছ হইয়া থাকিবে। তবে আমি এ কথা বলি না যে, বাঙ্গালার ৪।৫ কোটি লোকের বিদ্যা শিক্ষার জন্ত ভাষাটাকে কতকটা গড়িয়া তুলিতে হইবে না। উচ্চ অঙ্গের শিক্ষা না হউক, মধ্য অঙ্গের শিক্ষা পর্য্যন্ত সাধন করিতে তর্জমার দ্বারাই হউক, স্বাধীন রচনার দ্বারাই হউক, গ্রন্থাদি রচনা চলিতে থাকিবে। কিন্তু মাথার উপরে ইংরাজির

যে দাপট আছে সেটা ঘুচিবার কোনও সম্ভাবনা দেখি না। অধিকাংশ অসাধারণ ধীশক্তিসম্পন্ন বাঙ্গালী ইংরাজির দিকেই আকৃষ্ট ও ধাবিত হইবেন। যদি কখনও তাঁহারা বাঙ্গালা ভাষা ব্যবহার করিতে উগ্ৰ হইয়েন, সেটা যেন তাঁহারা ভাবিবেন বাঙ্গালাকে অনুগ্রহ করিতেছেন।

শ্রীবিপিনবিহারী গুপ্ত ।

তমরের পথে ।

—:~:—

হের, ফুটে রবি কর দিক আলো করি',
 অঁধার অম্বর তা'র যতনে সম্বরে'
 জড়িত চরণ চাকু কল্পিত হৃদয়—
 অতৃপ্ত পিপাসা লয়ে যায় বিভাবরী ।
 শিথিল কবরী হ'তে খসে পড়া তারা
 ধূসরগগনে লুটে—বিবর্ণ—শ্রীহারা,
 কি বেদনা বুকে নিয়ে কেঁদেছে মানিনী,
 তৃণপথে হিমবিন্দু শোভে অশ্রুধারা ।
 বেপমান হৃদয়ের ব্যাকুল উচ্ছ্বাস,
 এখনো গগনে ভাসে উষার বাতাস ;
 কুণ্ডলের মৃদুগন্ধ—মধুর সৌরভ—
 এখনো ভরিয়া আছে ধরণী আকাশ ।
 বিরহ-বর্ধিত একা ব্যাকুলা মানিনী,
 মিলনে বাঞ্ছিত বুকে কেঁদেছে কামিনী ;
 যখন ক্রন্দন স্নিগ্ধা তুলিল আনন
 এসেছে বিদায় কাল পোহায় যামিনী !
 ভবিষ্যত সুখ আশা নিশার স্বপন,
 অতীত বেদনা স্মরি' নিফল ক্রন্দন ;
 বর্তমান আসিয়াছে—সুধাপান করে—
 কর পান । ক্ষণস্থায়ী মানব জীবন ।

মৃত্যু-মিলন ।

—:~:—

পঞ্চম পরিচ্ছেদ ।

—•—

মন্ত্রণা-গৃহে ।

—:~:—

প্রভাতে প্রতিহারী আসিয়া অজয় সিংহকে সংবাদ দিল, রাজা তাঁহাকে মন্ত্রণাগৃহে যাইতে আদেশ করিয়াছেন। অজয় সিংহ তখন উপবনে কুম্মিত কদম্বের শোভা সন্দর্শন করিতেছিলেন; প্রতিহারীর কথা শুনিয়া গৃহে ফিরিলেন। তিনি কিছু বিস্মিত হইলেন,—মন্ত্রণাগৃহ এখন আর তেমন ব্যবহৃত হয় না। যখন রাজায় রাজায় বিরোধ হইত—সামাজিক সম্বন্ধে বিদ্বেষ বিষ বাহির হইত—রাজ্যজয় ও রাজ্যরক্ষার জন্ত সংগ্রাম হইত—তখন গোপন মন্ত্রণার জন্ত মন্ত্রণাগৃহ ব্যবহৃত হইত। এখন সে সকল নাই। রাজপুত্ররাজ্য এখন কক্ষকোলাহলহীন; সহসা আজ মন্ত্রণাগৃহে কিসের মন্ত্রণা? পূর্কদিন সেতু-পরিদর্শনের সহিত ইহার কোন সম্বন্ধ আছে কি?

ভাবিতে ভাবিতে অজয়সিংহ গৃহে ফিরিলেন এবং বেশপরিবর্তন করিয়া মন্ত্রণাগৃহাভিমুখগামী হইলেন।

তিনি মন্ত্রণাগৃহে উপনীত হইয়া দেখিলেন,—গৃহ শূন্য। প্রতিহারী নিবেদন করিল, রাজা মন্ত্রণাগৃহের পার্শ্ববর্তী গুপ্ত-মন্ত্রণাগৃহে। অজয় সিংহ আরও বিস্মিত হইলেন। গুপ্ত-মন্ত্রণাগৃহ এমন ভাবে গঠিত যে, একটিমাত্র দ্বার রুদ্ধ করিলে বাহিরের সহিত সে গৃহের আর কোন সম্বন্ধ থাকে না; যে মন্ত্রণা মন্ত্রণাকারী কয়জন ব্যতীত আর কাহারও নিকটে ঘুণাকরে প্রকাশিত হওয়া বাঞ্ছনীয় নহে—পরন্তু বিপজ্জনক, সেই মন্ত্রণা গুপ্তগৃহে নির্বাহিত হয়। রাজা সেই গৃহে!

ভাবিতে ভাবিতে অজয় সিংহ সেই গৃহে প্রবেশ করিলেন—সে কক্ষ প্রাসাদমধ্যবর্তী হইলেও অগ্ৰাণু গৃহ হইতে সম্পূর্ণ স্বতন্ত্র—বিচ্ছিন্ন—আপনার নিঃসঙ্গবাসে আপনি দণ্ডায়মান। তাহার দৃঢ়-গঠিত প্রস্তর-প্রাচীর ছরারোহ—উর্ধ্বে ক্ষুদ্রায়তন বাতায়নপথে আলোক প্রবেশ করে। গৃহে একটিমাত্র প্রবেশ দ্বার; তাহার কপাট লৌহগঠিত।

অজয় সিংহ দেখিলেন, শঙ্কর সিংহ কক্ষমধ্যে উপবিষ্ট । রাজা পাদচারণ করিতেছেন—ঠাহার ললাটে চিন্তারেখা—ক্রয়ুগল পরস্পর সন্নিকটবর্তী হইয়াছে । অজয় সিংহ ভ্রাতাকে অভিবাদন করিলেন । জ্যেষ্ঠ কনিষ্ঠকে বসিতে ইঙ্গিত করিলেন । অজয় সিংহ উপবেশন করিলেন ।

অল্পক্ষণ পরে সেনাপতি আসিয়া উপস্থিত হইলেন ।

রাজা তখনও অস্থির ভাবে দ্বারের দিকে চাহিতে লাগিলেন—যেন তিনি আরও লোকের আগমন প্রতীক্ষা করিতেছেন ।

এই সময় বৃদ্ধ মন্ত্রী কক্ষে প্রবেশ করিয়া রাজাকে অভিবাদন করিলেন ।

রাজা দ্বারের দিকে অগ্রসর হইলেন, স্বহস্তে বৃহৎ লৌহ কপাট বন্ধ করিয়া দ্বারে অর্গল দিলেন ; তাহার পর আসিয়া আসনে উপবেশন করিলেন ।

গৃহ নিস্তব্ধ—এমন নিঃশব্দ যে দ্রুত-আগমন-শ্রান্ত মন্ত্রীর ঘন নিশ্বাস-প্রশ্বাস-শব্দ শ্রুত হইতে লাগিল । মন্ত্রী, সেনাপতি ও অজয় সিংহ এ উহার মুখে চাহিতে লাগিলেন, অজ্ঞাত আশঙ্কায় কয়জনই কেমন চঞ্চল হইতে লাগিলেন । শঙ্কর সিংহ এক একবার রাজার মুখে চাহিতে লাগিলেন ।

কক্ষের গভীর নিস্তব্ধতা যেন ক্রমেই ভীষণ হইয়া উঠিতে লাগিল ।

তাহার পর সেই নিস্তব্ধতা ভঙ্গ করিয়া রাজার কণ্ঠস্বর শ্রুত হইল—
“মন্ত্রী, সেনাপতি, ভ্রাতঃ, আমি আজ বিশেষ প্রয়োজনে এই মন্ত্রণা-সভার অনুষ্ঠান করিয়াছি ।”

কেহ কোন কথা কহিলেন না ।

রাজা পুনরায় বলিলেন, “আমাদের সম্মুখে বিপদ । রাজ্য অচিরে বিপন্ন হইবে—সেই জন্ত এ মন্ত্রণা ।”

এ উহার মুখে চাহিতে লাগিলেন । মেঘলেশহীন সুনীল গগনে বজ্রপাতের সম্ভাবনা কোথায় ?

কেবল শঙ্কর সিংহ স্থির হইয়া বসিয়া রহিলেন ।

রাজা বলিলেন, “মোগলের অত্যাচারে রাজপুত প্রতাপ ক্ষুণ্ণ হইতেছে । যত দিন প্রবল মোগলের সহিত রাজপুতের শত্রুতা ছিল—তত দিন ছিল ভাল ; ব্যবহারে তরবারি পরিকৃত থাকে, তীক্ষ্ণ হয় । কুটবুদ্ধি আকবর তাহা বুঝিয়া অন্য উপায় অবলম্বন করিয়াছেন । তিনি কাহাকেও সখ্যতাসূত্রে বন্ধ করিয়া—কাহারকেও কুটুন্নিতায় জড়িত করিয়া স্বকার্যসাধনে প্রবৃত্ত হইয়াছেন । মোগলের প্রতাপ-ছায়ার রাজপুতবীর্য্য উর্ব্বর ক্ষেত্রে সযত্ন-

সিক্তি কোমল লতার মত প্রাচুর্য্যপূর্ণ দেখাইতেছে। কিন্তু তাহা আতপতাপ সহিতে পারিবে না। রাজপুতকে কষ্টসহিষ্ণু করিবার জন্ত বিধাতা রাজপুতানা মরুময় করিয়াছেন, রাজপুতের জীবন অবিশ্রাম সংগ্রাম। তাহাকে রাজ্য-রক্ষার জন্ত যেমন সংগ্রাম করিতে হয়—জীবিকা অর্জনের জন্তও তেমনই সংগ্রাম করিতে হয়। এই অবিশ্রাম সংগ্রামেই রাজপুতের বীৰ্য্য পুষ্ট ও পূর্ণ। মোগলের কোশলে তাহা ক্ষুণ্ণ হইতেছে। রাজপুত ধ্বংসমুখগামী হইতেছে। ইহার নিবারণ আবশ্যিক।”

বৃদ্ধ মন্ত্রী নয়ননয় উজ্জ্বল হইয়া উঠিল, তাঁহার পাণ্ডু গণ্ডে রক্ত-চিহ্ন দেখা দিল—যেন জীর্ণ বনস্পতির কাণ্ডে অন্তগমনোন্মুখ তপনের রক্তাভ কিরণ পতিত হইল। ভ্রাস্তুরগে যেমন অঙ্গারে অগ্নি সংরক্ষিত থাকে বার্ককো তেমনই যৌবনের ভাব সুরক্ষিত रहे। মন্ত্রী যৌবনে রাজপুতের গৌরবদীপ সমুজ্জ্বল দেখিয়াছেন। রাজপুতের সংগ্রাম-প্রিয়তা—রাজপুতের উৎসাহ—রাজপুতের উদ্যম তাহার হৃদয়ে নিহিত ছিল। আজ রাজার কথায় তাঁহার মনে সেই পূর্ব্ভাব জাগিতে লাগিল।

রাজা বলিলেন,—“আমি রাজপুতের এই ধ্বংস নিবারণ কল্পে সচেষ্ট হইয়া রাজপুত-মজ্ব সংগঠনের চেষ্টা করিয়াছি।”

মন্ত্রী সেনাপতির দিকে চাহিলেন,—অজয় সিংহ বিস্মিতভাবে ভ্রাতৃমুখে চাহিয়া রহিলেন।

রাজা অল্পক্ষণ নীরব রহিলেন তাহার পর দীর্ঘ নিশ্বাস ত্যাগ করিয়া বলিলেন,—“আমি বিফলমনোরথ হইয়াছি।”

মন্ত্রীর মুখ স্তান হইয়া গেল। তিনি সর্বাঙ্গে বুঝিলেন,—বোধ হয় রাজাকে অন্যফলোর বিষফল আহার করিতে হইবে।

রাজা বলিলেন,—“আমি রাজপুত শক্তিসম্বন্ধ গঠনের প্রস্তাব করিয়া ভিন্ন ভিন্ন রাজার নিকট শঙ্কর সিংহকে দূতরূপে প্রেরণ করিয়া ছিলাম।”

সকলে শঙ্কর সিংহের দিকে চাহিলেন। শঙ্কর সিংহ মৃত্তিকাসংলগ্ন দৃষ্টি হইয়া বসিয়াছিলেন।

রাজা বলিলেন “শঙ্কর সিংহের দৌত্য-বিবরণ আপনারা তাহার নিকট শ্রবণ করুন। রাজপুতের সর্বনাশ হইতেছে।”

তখন রাজাদেশে শঙ্কর সিংহ আপনার দৌত্য-বিবরণ বিবৃত করিতে

লাগিলেন । আর সকলে শুনিতে লাগিলেন, কেবল মন্ত্রী মধ্যে মধ্যে প্রশ্ন করিয়া সে বিবরণ আরও বিশদ করিয়া তুলিতে লাগিলেন ।

বিবরণ শেষ করিয়া শঙ্কর সিংহ বলিলেন, “আমার কার্য্য নিষ্ফল হইয়াছে । রাজপুত রাজাদিগের মধ্যে কয়জনমাত্র এ অশুষ্ঠানে যোগদান করিতে সম্মত হইয়াছেন । আর সকলেই অসম্মত । কেহ আশঙ্কায় শঙ্কিত । কেহ মোগলের প্রসাদভিক্ষার্থী । কেহ বা আমাদের রাজাকে অগ্রণীর সম্মান দিতে অনিচ্ছুক — কেবল হিংসাবশতঃ এ কার্য্যে যোগ দিতে চাহেন না ।”

সেনাপতি আশ্চর্য্যবিস্মৃতভাবে বলিলেন, “সে সকল নীচাশয় শাস্তির উপযুক্ত ।”

রাজা বলিলেন, “সত্য । কিন্তু শাস্তি দিবে কে ? রাজপুতদিগের মধ্যে তাহারাই যে এখন প্রবল পক্ষ । তাহা না হইলে কি আজ রাজপুতের এমন হৃদশা ! তাহা না হইলে কি আজ রাজপুতের অশ্বরুচিষী গৌরব-পতাকা কর্দমে পতিতা—মোগলের পদদলিতা ?”

সেনাপতি উত্তর করিতে পারিলেন না ।

রাজা বলিলেন, “বিপদ আসন্ন ।”

অজয় সিংহ জিজ্ঞাসা করিলেন, “কেন ?”

মোগলের বিপুল বলের সঙ্গে আমরা কতক্ষণ পারিব ?

সেনাপতি বলিলেন, “কেন, মোগল কি আমাদের সহিত যুদ্ধ করিতে আসিতেছে ?”

রাজা বলিলেন, “আসিবে । মোগল বাহিনী এক দিন আমাদের সম্মুখীন হইত । এখন আর বিলম্ব করিবে না ।”

সেনাপতি বলিলেন, “মোগল সংবাদ পাইবে কিরূপে ?”

“বাহারা আমাদের প্রস্তাবে সম্মত হইতে পারে নাই—তাহারাই মোগলের প্রসাদলাভের আশায় সংবাদ দিবে ।”

সেনাপতির আননে ক্রোধ যেন ফুটিয়া উঠিল । তিনি বলিলেন, “মোগল সংবাদ পাইবার পূর্বেই আমরা বল বৃদ্ধি করিব ।”

রাজা হাসিয়া বলিলেন, “কবে আর করিবে, সেনাপতি ? মোগল কি এখনও সংবাদ পায় নাই, ভাবিতেছ ?”

সেনাপতির মুখ পাণ্ডুবর্ণ ধারণ করিল । সেই ঈষন্মাত্র রবিকরে আলোকিত কক্ষ তাহার পাণ্ডুমুখে যেন মৃত্যুর ছায়া পড়িয়াছে মনে হইতে লাগিল ।

রাজা মন্ত্রীর দিকে চাহিলেন। মন্ত্রীর চিন্তারেখাকিত ললাটে রেখাগুলি স্পষ্ট হইয়া উঠিয়াছে। মুখে চিন্তার নিবিড় ছায়া। তিনি তন্ময় হইয়া এই বিপদে উদ্ধারের উপায় চিন্তা করিতেছিলেন।

রাজা বলিলেন, “মন্ত্রী রাজ্য-রক্ষা হ্রস্ব কার্য। হ্রস্ব হইলেও কর্তব্য-পালনে পরাশ্রুত হইয়াছি, শেষে এ দুর্নামের ভাগী হইতে না হয়—তাহার উপায় করিতে হইবে।”

মন্ত্রী ভাবিত লাগিলেন, কোন উত্তর করিলেন না।

রাজা পুনরায় বলিলেন “আমি আমার জ্ঞান হ্রাসিত বা শক্তি নহি। আমি যাহা ভাল বুঝিয়াছি—কর্তব্য বুঝিয়াছি, তাহাই করিয়াছি। পশুর মত জীবন যাপন না করিয়া মঙ্গল-সাধন-চেষ্টায় প্রাণপাত—সেও সুখের—সেও অভিলষিত—সেও স্পৃহনীয়। কিন্তু যে প্রজার রক্ষার ভার আমার তাহা-দিগকে রক্ষার চেষ্টা করিতে হইবে।”

মন্ত্রী বলিলেন, “সে চেষ্টা আমরা অবশ্যই করিব।”

কিন্তু মন্ত্রী বুঝিয়াছিলেন চেষ্টা ব্যর্থ হইবে, তাই তিনি বলিলেন, “আপনি মহৎ অনুষ্ঠানের চেষ্টা করিয়াছেন—যদি সফলকাম না হইয়া থাকেন, আপনার দোষ কি? কর্তব্য-পালনই ধর্ম। আপনি সে ক্ষেত্রে যাহা কর্তব্য বুঝিয়াছেন করিয়াছেন—এ ক্ষেত্রেও আপনি আপনার কর্তব্যপালন করিবেন। ফলাফলের জ্ঞান আপনি দায়ী নহেন।”

রাজা মন্ত্রীর কথার প্রকৃত ভাব বুঝিতে পারিলেন। তিনি বলিলেন, “ক্ষত্রিয়-বিনা বাধায় মোগলকে পিতৃপুরুষাগত—শাসনরূপে সংরক্ষিত—রাজ্য দিবে না। আমরা যথাসাধ্য তাহা রক্ষা করিতে চেষ্টা করিব।”

সেনাপতি বলিলেন, “তাহাই আমাদের কর্তব্য।”

রাজা সেনাবলবৃদ্ধির বিষয় বিশেষ বিবেচনা করিয়া কার্যপ্রণালী স্থির করিয়া আসিয়াছিলেন। তিনি তাহা বিবৃত করিলেন। মন্ত্রী ও সেনাপতি তাহার সম্যক আলোচনা করিলেন—অন্নর সিংহ ও শঙ্কর সিংহও সে প্রস্তাব সবন্ধে মত প্রকাশ করিলেন।

যখন সভাভঙ্গ হইল, তখন প্রায় মধ্যাহ্ন।

রাজা আসন ত্যাগ করিলেন। সন্ধ্যা সন্ধ্যা সকলে উঠিলেন।

ভ্রাতার মুখ মলিন দেখিয়া রাজা সন্ধ্যা সন্ধ্যা তাহার স্বন্ধে হস্ত স্থাপন করিয়া

বলিলেন, “চিন্তা কিসের, তাই? কত্রির সংগ্রামে ভয় নাই—মৃত্যুতেই বা তাহার ভয় কি?”

রাজা স্বহস্তে বৃহৎ লৌহদ্বারের অর্গল মোচন করিলেন; মধ্যাহ্নের দীপ্ত দিবালোক কক্ষে প্রবেশ করিল।

ষষ্ঠ পরিচ্ছেদ।

—:~:—

মুগ্ধা।

রজনীর তিমিরাবশেষ দিবালোকে অপমৃত হইতেছে। পূর্কগগনে তর-বিন্দু স্বচ্ছ লঘু মেঘের বিচিত্র শোভায় রক্তরাগ ফুটিয়া উঠিতেছে। শুষ্ক শোণিতের মত কৃষ্ণাভ প্রগাঢ় লোহিত হইতে ক্রমে উৎপলের খেতাভ লোহিত শেষে ধূসরে মিশাইয়া গিয়াছে। পশ্চিম গগন গাঢ় ধূসর—দূরে বৃক্ষ-শাখায় স্বচ্ছ অক্ষকার হৃদয়ে অতীত দুঃখস্মৃতির মত জড়াইয়া আছে। নগরে জনকোলাহল শ্রুত হয় না, তখনও নগরের নিদ্রা ভঙ্গ হয় নাই। রাজপথে ধুলিরাশি নিশার শিথিলপাতে সিক্ত বোধ হইতেছে। রাজপথ গত দিবসের কর্মবাহুল্যস্মৃতি বক্ষে লইয়া সুপ্তিমগ্ন। তাহার বক্ষে দিবসের কর্মচিহ্ন—রথচক্রের রেখা, অশ্বকূরের প্রতিচ্ছবি, গোমাইষের বিভক্ত ক্ষুরের প্রতিকৃতি, মানবের পাছকার ও পদের অঙ্কন। এখন কেবল দুই চারিটি বিহগ সেই পথে পতিত শস্ত্র-কণার বা গমনশীল কীটপতঙ্গের সন্ধানে চলিয়াছে—তাহারা নিঃশব্দ সাহসে লাফাইয়া লাফাইয়া চলিতেছে—ধুলির উপর আপনাদের চরণ-চিহ্ন চিত্রিত করিতেছে।

নগরোপকণ্ঠ আরও নিঃশব্দ। নদীতীরে আশ্রমে পার্শ্ববাহিনী তরঙ্গিনীর জল-কল্লোল, গর্ভস্থ শিলাখণ্ডে আহত জলের উচ্ছ্বাসশব্দ স্পষ্ট শ্রুতিগোচর হইতেছে। আশ্রমে তরুশাখায় লুপ্তস্বপ্নি বিহগ বিরাম আরম্ভ করিয়াছে; দিবালোকবিকাশে—কর্মকোলাহলকলয়িত জীবনের আরম্ভে বিহগের সেই প্রথম আনন্দধ্বনি—জীবনসংগ্রামে আহ্বানের প্রথম তূর্য্যমিনাদ।

আশ্রম-প্রান্তর-সীমায় নদীতটে শিলাসনে বসিয়া পার্শ্বতী কি ভাবিতেছিল। ভাবনা কিসের তাহা বলিতে পারি না, কিন্তু সে ভাবনা যে তাহাকে অভিভূত করিয়াছিল তাহা বৃত্তিতে বিলম্ব হয় না। পার্শ্বতী স্থির—নিশ্চল। নদীর

পরপার হইতে কেহ যদি তাহাকে লক্ষ্য করিত—তবে সে মনে করিত, কুক-শিলাসনে শ্বেতমর্শ্মরমূর্ত্তি বিরাজিত। প্রভাতের প্রথম আলোক তাহার আনন উজ্জ্বল করিয়া তুলিয়াছে। স্বাসপ্রথাসে তাহার বক্ষের বসন কেবল ঈষৎ কম্পিত হইতেছে—তাহাই জীবনের পরিচায়ক। নহিলে পার্শ্বতী—স্থির—নিশ্চল। বিহঙ্গম তাহাকে জড়মূর্ত্তিমাত্র বোধ করিয়া নির্ভয়ে তাহার পার্শ্বে বসিয়া চক্ষু-পুটে পক্ষ পরিস্কৃত করিতেছে। একটি সরীসৃপ তাহার চরণপ্রান্তে আসিয়া তাহার মুখের দিকে চাহিল,—সরীসৃপের পাণ্ডুকণ্ঠে দেখিতে দেখিতে রক্তবর্ণের বিকাশ দেখা দিল; এমন সময় পবনস্পর্শে পার্শ্বতীর বসন ঈষৎ কম্পিত হইল—সরীসৃপ আপনার ভ্রম উপলব্ধি করিয়া দ্রুতবেগে শিলাখণ্ড হইতে শিলা-খণ্ডে বাইয়া ক্রমে অদৃশ্য হইয়া গেল। পার্শ্বতী সে সকল লক্ষ্য করিতে ছিল না।

স্বভাবের শোভা—পূর্বগগনে দিনালোক-বিকাশ—পার্শ্বে বিহঙ্গের অবস্থান—পার্শ্বতী এ সকল কিছুই লক্ষ্য করিতেছিল না। সে কি ভাবিতেছিল। আর তাহার দৃষ্টি অদূরে সেতুতে বদ্ধ হইয়া ছিল।

আজ কয়দিন লইতে সে লক্ষ্য করিতেছে, প্রতিদিন প্রত্যুষে—রাজধানীতে কর্ম্মকোলাহল উখিত হইবার পূর্বে রাজা একাকী এই সেতু পরীক্ষা করেন, সেতু অতিক্রম করিয়া পরপারে ভূমি, পথ—এ সকল বিশেষ করিয়া লক্ষ্য করেন, যষ্টি দিয়া রাজপথে ধূলির উপর কি চিত্র অঙ্কিত করেন—সে দেখিতে পায় না,—বুঝিতে পারে না; তাহার পর আবার নগরাভিমুখে প্রত্যাবর্ত্তন করেন। সে লক্ষ্য করে, রাজার মুখ নিদাঘ দিনান্তের মত অন্ধকার; সে মুখে যেন তেমনই আসন্ন প্রলয়ের প্রবল আভাস।

রাজা এত নিকটে আইসেন, কিন্তু এক দিন আশ্রমে আইসেন না। কেবল এক এক দিন গমনের বা প্রত্যাবর্ত্তনের সময় আশ্রমের দিকে চাহিয়া থাকেন। সে আশ্রম তাঁহার কত যত্নের—কত প্রিয় ছিল, এখন তিনি বুঝি আর তাহার কথা মনেও ভাবেন না। সে কথা মনে করিয়া পার্শ্বতী হৃদয়ে বেদনা অনুভব করে। কিন্তু কেন সে বেদনা অনুভব করে, তাহা সে আপনি বুঝিতে পারে না। সে ভাবে, সে ত সন্ন্যাসিনী; সে যে ব্রত গ্রহণ করিয়াছে, তাহাতে সুখ দুঃখ উভয়ই সমভাবে উপেক্ষা করিতে হইবে। তবে এ বেদনা কেন? সে আপনার মন আপনি জানে না—আপনাকে আপনি চিনিতে পারে না। যাহারা বলেন, সংসারসংস্পর্শবিরহিতা সরলা যুবতীর হৃদয়

অনিখিত গ্রন্থ-পত্রের সহিত উপমের, তাঁহার ভ্রাত্ত ; অদৃষ্ট-সে হৃদয়ে বিচিত্র কাহিনী লিপিবদ্ধ করিয়া রাখে, সে লেখা অশ্রু—সহানুভূতির স্নিগ্ধ উত্তাপে তাহা সুস্পষ্ট হইয়া উঠে । পার্শ্বতীর হৃদয়ে সেই লেখা কেবল সহানুভূতির স্নিগ্ধ উত্তাপের অভাবে ফুটিয়া উঠিতে পারি নাই । সে আপনি তাহা জানিত না—বুঝিতে পারিত না । তাহার সেই মুগ্ধ নারী হৃদয়ে কি আকুল ভালবাসা, কি অসীম স্নেহ, কি গভীর প্রেম সুগু ছিল ! হায় ! যদি কাহাকেও অবলম্বন করিয়া সে সকল বিকশিত হইতে পারিত তবে তাহার সাহায্যে ও সাহচর্য্যে মনুষ্যত্বের কি সমুন্নত আদর্শ সৃষ্ট হইত ! সে আজ অনাথ, অনাশ্রয়, অতুর—ইহাদিগকে সেই স্নেহ ভালবাসা দিতেছিল ; যে কুমুমের সৌন্দর্য্যে ও সৌরভে গৃহ সুন্দর ও সুরভিত হইত—সে কানন-পবনকে সুরভিত করিয়া শুকাইয়া ঝরিতেছিল ।

আজ সে কি আশায় পথ চাহিয়া ছিল ?

পুরুষ যেমন সহজ রমণীর গুণরাশি দেখিতে পারি, রমণী তেমনই সহজে পুরুষের গুণরাশি উপলব্ধি করিতে পারে । স্বভাব পরস্পরকে পরস্পরের গুণগ্রাহী বৃত্তি দিয়াছেন—তাহাই স্বভাবের নিয়ম । তাই পার্শ্বতীর সহজে রাজার গুণরাশি বুঝিতে পারিয়াছিল—তাহার বালিকানয়নে তাহার অনন্ত-সাধারণ গুণজ্যোতিঃ দিব্যদীপ্তিগুপ্ত প্রতিভাত হইয়াছিল । সঙ্গে সঙ্গে তাহার বালিকা-হৃদয় ভক্তিপূর্ণ, শ্রদ্ধাসিক্তি হইয়াছিল—রাজার দিকে আকৃষ্ট হইয়াছিল ।

তাহার পর ? তাহার পর—প্রেম বিদ্যাদীপ্তির মত সহসা প্রকাশ পায় । বন্ধুত্ব—সখ্য বিচার-বিবেচনা-সাপেক্ষ—তাহা দীর্ঘ পরিচয়ের ফল—প্রেমের প্রথম প্রকাশ অতর্কিত—প্রেম সহসা প্রদীপ্ত হইয়া উঠে ।

কিন্তু যে দিন পার্শ্বতী আপনার হৃদয়ের সে অশ্রুভূতি উপলব্ধি করিতে পারিয়াছিল, সেই দিন হইতেই সে সাবধান হইয়াছিল । পুণ্য পূতাচারে পরিবন্ধিতা—পুরোহিতহুহিতা পার্শ্বতী ধর্মাচরণের মধ্যে লালিতা পালিতা হইয়াছিল—পিতার পুণ্য আদর্শ সর্বদা তাহার সন্মুখে বিদ্যমান ছিল । তাই সে কঠোর ধর্ম্মের জন্ত আত্মনির্ঘাতনে বিমুখ হইতে পারিল না । সে মনে করিল, যে যুবতী বিবাহমন্ত্রপূত প্রেম ব্যতীত—অন্য প্রেমকে হৃদয়ে স্থান দান করে সে কীটদষ্ট ফলের দশাগ্রস্ত ; তাহার যতই বাহু সৌন্দর্য্য থাকুক না কেন কেহ তাহার আদর করে না—করিতে পারে না ; কারণ, তাহার

সারাংশ নষ্ট হইয়া গিয়াছে। সেই বিশ্বাসহেতু আপনার অনুভূতি উপলব্ধি করিবানাত্ত সে একান্ত সাবধান হইয়াছিল। সংসারে তাহার একমাত্র অবলম্বন—সহোদরের মৃত্যুর অব্যবহিত পরে শোকতড়িত হইয়া সে যে কার্যে সাধনা ও স্মৃতি পাইবে মনে করিয়াছিল—সে সেই কার্যে আপনার মন প্রাণ ঢাঙ্গিয়া দিয়াছিল; ভাবিয়াছিল—অবলম্বনহীন হৃদয় অবলম্বন পাইলে আর উদ্ভাস্ত হইবে না। তাহার আত্মসংযম—ও মানসিক বলই হৃদয়কে সংযত রাখিবার পক্ষে যথেষ্ট ছিল; তাহার উপর এই ব্রত পাঠিয়া সে পরম পুলকিত হইল। কিন্তু হৃদয়ে আকর্ষণের ছায়া পড়িলে—তাহা সহজে দূর হয় কি?

দেখিতে দেখিতে রাজপথে রাজার মূর্তি দৃষ্টিগোচর হইল। আজ রাজার আসিতে সামান্য বিলম্ব হইয়াছিল, তাই বৃষ্টি তিনি বেগে অশ্রুচালনা করিয়া আসিতেছিলেন। পবনে প্রতিহত হইয়া অশ্রুর গ্রীবীর ও পুচ্ছের কেশরাশি উড়িতেছিল—আর আসনের কারুকার্যখচিত নিলম্বিত অংশ কম্পিত হইতেছিল। নবোদিত রবিকরে রাজার শিরস্ত্রাণমধ্যবর্তী হীরকখণ্ড জলিতেছিল। অশ্রুরোহীকে লইয়া অশ্রু সেতু পার হইয়া গেল। পার্কতী দেখিতে লাগিল।

ক্রমে অশ্রু দৃষ্টির বহির্ভূত হইয়া গেল—যেন ধূসর পথে নিশাইয়া গেল। পার্কতীর নয়ন ফিরিল না, সে সেই দিকে চাহিয়া রহিল।

কিছুক্ষণ পরে অদূরে আবার অশ্রু দৃষ্ট হইল। ক্রমে রাজা সেতুর উপর আসিয়া উপনীত হইলেন—অশ্রুর প্রাবৃত্ত্বনশ্রাম অঙ্গে স্থানে স্থানে খেত ফেন সঞ্চিত হইয়াছে। রাজা রাজধানীতে প্রত্যাবৃত্ত হইলেন।

পার্কতীর বোধ হইল, তিনি যেন একবার আশ্রমের দিকে চাহিলেন। কিন্তু কই তিনি ত আশ্রমে প্রবেশ করিলেন না! তিনি কত দিন আশ্রমে আইসেন নাই! পার্কতী মনে করিল,—তিনি রাজকার্যে ব্যস্ত—তাঁহার অবসর নাই; বিশেষ কয়দিন তাঁহাকে দেখিয়া তাহার মনে হইয়াছে, তিনি চিন্তাকাতর। নিশ্চয়ই কোন বিশেষ কারণে তিনি চিন্তিত। পার্কতী মনকে এমনই বুঝাইতে চেষ্টা পাইল। তবুও—কি জানি কেন—গভীর দীর্ঘশ্বাসে তাহার কুম্বকোমল দেহ কাঁপিয়া উঠিল।

পার্কতী উঠিল। আত্মীয়-আননের মত পরিচিত আশ্রমদৃশ্য আজ তাহার নিকট ভাল লাগিতে ছিল না। তাহার মন যেন ভারাক্রান্ত।

প্রবল মানসিক বলে সে অবসাদ অতিক্রম করিয়া পার্কতী আশ্রম-গৃহাভি-মুখগামিনী হইল। গৃহে আসিয়া সে কার্যের ওসাবধানে নিযুক্ত হইল।

একটি বালক কয়দিন প্রবল জ্বরে কাতর ছিল, পার্বতী প্রথমে তাহাকে দেখিতে গেল। শেষ রাত্রি হইতে তাহার চাঞ্চল্য বর্দ্ধিত হইয়াছে—বালক মাতৃঅঙ্কে যন্ত্রণায় ছটফট্ করিতেছে।

পার্বতী আর সব ভুলিয়া গেল, জননীর মত স্নেহে ও আগ্রহে তাহার গুশ্রবা করিতে লাগিল কিছুক্ষণ পরেই বৈদ্য আসিলেন। তিনি বালককে বিশেষ করিয়া পরীক্ষা করিলেন—স্বয়ং তাহাকে ঔষধ সেবন করাইলেন। বালকের জননী কাতরকণ্ঠে বৈদ্যের নিকট সন্তানের জীবন প্রার্থনা করিতে লাগিল। হায় শক্তি! জননী! সে তখন ভুলিয়া গিয়াছিল,—বৈদ্যও তাহারই মত মনুষ্যমাত্র—মৃত্যুর উপর তাহার কোন অধিকার নাই।

মধ্যাহ্নের কিছু পূর্বে বৈদ্য বিদায় লইলেন; যাইবার সময় তিনি পার্বতীকে ডাকিয়া বলিলেন,—বালকের জীবনের আশা নাই। বৈদ্য আশ্রম পরিত্যাগ করিলেন। পার্বতী দীর্ঘশ্বাস ত্যাগ করিয়া আবার আসিয়া বাগকের পাশে বসিল।

পার্বতী সমস্ত দিন বাগকের নিকটে রহিল। সন্ধ্যা হয় হু, এমন সময় বালকের অবস্থান্তর ঘটিতে লাগিল; নয়নের জ্যোতিঃ নিবিষ্ট আসিল—মুখে কালিমা ব্যাপ্ত হইয়া পড়িতে লাগিল। পার্বতী বুকিল, অস্তিমকাল উপস্থিত। দেখিতে দেখিতে জননীর উচ্ছ্বসিত বক্ষে সন্তানের সকল জীবনচাঞ্চল্য হুরাইয়া গেল।

পার্বতী যেন আর আত্মসম্বরণ করিতে পারিতেছিল না, আত্ম এই বালকের মৃত্যুতে তাহার ভ্রাতৃশোক যেন জাগিয়া উঠিল। তথাপি সে আপনার সমস্ত কর্তব্য সম্পন্ন করিল—তাহার পর সন্তানশোকাতুরা জননীর আত্মীয়ারা আসিয়া তাহার ভার লইলে সে দীর্ঘদিনব্যাপী দারুণ উদ্বেগের পর আপনার কক্ষে প্রবেশ করিল।

সে রাত্রিতে পার্বতী ঘুমাইতে পারিল না—সে কাঁদিয়া সে রাত্রি কাটাইল। যখন প্রভাত হইল, তখন সে আবার আপনার কার্য্যে প্রবৃত্তা হইল।

যুরোপ ভ্রমণ।

—:~:—

(যাত্রা)

৩রা সেপ্টেম্বর, ১৯১০। বেলা ১১টার সময় বন্ধুর সু—, চু— ও মি— বাবুদিগের সহিত ভিক্টোরিয়ায় চড়িয়া বোম্বাইয়ের রাজপথে কাহির হইলাম। পথে এক পশলা বৃষ্টি হইয়া গেল; বোধ হয়, সূর্যদেব যুরোপের আব-হাওয়ার পূর্বভাস দিলেন। জেটীতে পৌঁছিয়া শুনিলাম, জাহাজ কুলে আসিতে পারে নাই, দূরে সমুদ্রে দাঁড়াইয়া আছে, কারণ তরঙ্গ ঝড় ভীষণ। কিছুক্ষণ পরে একজন পুলিশ কর্মচারী সমস্ত ভারতবর্ষীয় যাত্রীদিগের নাম, ধাম, গম্যস্থান ও যুরোপ-যাত্রার কারণ লিখিয়া লইল। অনেক পার্শ্ব যাত্রী দেখিলাম, কাহারও কাহারও গলায় বন্ধুরা ফুলের মালা দোলাইয়া দিতেছেন। বাঙ্গালীও অনেক দেখিলাম, কিন্তু সকলেই তরুণবয়স্ক। কিছুক্ষণ পরে ডাক্তারের পরীক্ষা আরম্ভ হইল। ডাক্তার এক টেবলের সম্মুখে বসিয়া আছেন, পার্শ্বে একজন ভারতবাসী, বোধ হয় কম্পাউণ্ডার। ঘরে প্রবেশ করিবামাত্র প্রশ্ন হইল, নাম কি? নাম বলিবার সময়ে “সাহেব” সম্মুখস্থিত একখানা chartএ নাম মিলাইয়া লইলেন; ভারতীয় ভদ্রলোকটি কজির কাছে হাত দিয়া বলিলেন, “All right” ইহারই নাম পরীক্ষা!

লঞ্চ উঠিলাম, ঠিক ১২টা ১৫ মিনিটের সময় লঞ্চ ছাড়িল। বন্ধুরা তীরে দাঁড়াইয়া ক্রমাল ঘুরাইতে লাগিলেন। প্রায় কুড়ি মিনিট পরে গিয়া জাহাজে পৌঁছিলাম। জাহাজে উঠিবামাত্র একজন লোক (পরে জানিলাম chief steward) আসিয়া জিজ্ঞাসা করিল “কোন্ শ্রেণী?” আমি বলিলাম “প্রথম”,। সে পথ দেখাইয়া তাহার-কক্ষে লইয়া গিয়া বলিল, “একটু অপেক্ষা করুন, কামরা দেখাইয়া দিতেছি।” সে জাহাজের একখানা চিত্র ফেলিয়া দিয়া চলিয়া গেল। দেখিলাম, প্রথম শ্রেণীতে ৮৮ জনের স্থান আছে; আমরা মাত্র ছয়জন যাত্রী এবং দুইটি ছেলে মেয়ে। আমার কামরায় তিন জনের স্থান হয়; অধিকারী আমি একাকী। আর একটি স্থানে বন্ধু মনুধনাথের নাম লিখা ছিল; কিন্তু তিনি যাত্রার অব্যবহিত পূর্বে গৃহিণীর মনোকষ্টের দোহাই দিয়া পৃষ্ঠভঙ্গ দিয়াছিলেন।

আহাজে উঠিবার পূর্বে হইতেই সমুদ্রের স্রুতি দেখিয়া চিন্তিত হইতে হইয়াছিল। আহাজ ঠিক ২টার সময় ছাড়িল, আমিও কেবিন ছাড়িয়া ডেকে আসিলাম। আসিয়া দেখি, ডেকে খুব গোলমাল, জিনিসপত্র তখনও কামরার কামরার পৌঁছে নাই, সবই প্রায় স্তূপাকার হইয়া রহিয়াছে। আমি ডেক চেয়ারটি খুঁজিয়া লইয়া বিছাইয়া ফেলিলাম। কিন্তু অল্পক্ষণ পরেই বেশ মাথা ঘুরিতে লাগিল ও এক অননুভূতপূর্ব ভাব অনুভূত হইতে লাগিল। বুঝিলাম সমুদ্র পীড়ার উপক্রম। পেটে নাড়িভূঁড়ি যেন গলায় উঠিতেছে, মস্তিষ্ক প্রভৃতি যেন উদরে প্রবেশ করিতেছে ইত্যাদি। বড় চমৎকার ভাব! আমি গিয়া কেবিনে চক্ষু মুদিয়া শুইয়া পড়িলাম, আর ভাবিতে লাগিলাম, কেন ইচ্ছা করিয়া এ বিপদ টানিয়া আনিলাম। এখন যদি আহাজ ফিরায়, লক্ষীটির মত ঘরের ছেল ঘরে যাই, আমার আর বিলাত বেড়াইয়া কাষ নাই।

অপরাক্ষ ৪টার সময় চায়ের ঘণ্টা দিল, চা পান করিয়া আবার যাইয়া শুইলাম। সুবিধা এই যে, আমার কেবিনের দরজা খুলিলেই আহাজের ঘর। চিরকাল পুস্তক পড়িয়াছি যে, সমুদ্র পীড়ার সময় ঘরে থাকা বিধেয় নহে; ডেকে যাওয়া ভাল। কিন্তু আমি ত দেখিলাম উল্টা, ঘরে আমি খুব ভাল থাকিতাম। বৈকালে একবার ডেকে গেলাম কিন্তু থাকিতে পারিলাম না।

৭টার ডিনার। কি কষ্টে যে সেদিন আধঘণ্টা টেবলে বসিয়া ছিলাম তাহা ভুক্তভোগী ব্যতীত কেহই বুঝিবে না। তাড়াতাড়ি কোনও রকমে ফিরিয়া যাইয়া শয়ন করিলাম। ঘুমটা চিরকালই আমার খুব সাধা আছে। বোধ হয় ৮টার মধ্যেই ঘুমাইয়াছিলাম। যখন উঠিলাম, তখন ভোর ৫।০টা। উঠিয়াই ডেকে যাইলাম। কিছুক্ষণ পরে দেখি, দুই বৎসর হইতে পাঁচ বৎসরের ৪।৫টি বালক বালিকা খুব ছুটাছুটি করিতেছে। দেখিয়া মনে মনে বড় ঘৃণা হইল; ভাবিলাম, কি আমার নিজের ছেলে মেয়ের চেয়ে ছোট, উহারা খেলা করিয়া বেড়াইতেছে আর আমি এত কাতর! ইহাই মনে করিয়া আমি হাঁটিতে আরম্ভ করিলাম, আধ ঘণ্টার মধ্যে অনেকটা ভাল বোধ হইল। বৈকাল পর্যন্ত সুস্থ হইলাম। যাইবার সময় আর অসুখ বোধ হয় নাই।

দ্বিতীয় দিন বৈকালে ডেকে চেয়ারে শুইয়া আছি, এমন সময় একজন বাল্যঙ্গী যুবক আসিয়া আলাপ করিলেন; বলিলেন, তাঁহাদের সকলেরই খুব

অসুখ হইয়াছে। যাইয়া দেখি, ৮৯ জন বাঙ্গালী যুবক যাত্রী। সকলেই প্রায় তৃতীয় শ্রেণীতে যাইতেছেন। অসুখ প্রায় সকলেরই হইয়াছে। একজন তৃতীয় বার যাইতেছেন, কেবল তিনি ভাল আছেন ও সকলের সেবা করিতেছেন। সমুদ্র আমাদের উপর বড় নির্দয়; প্রায় সমস্ত রাস্তাই অতি ভীষণ মূর্ত্তি ধারণ করিয়া ছিলেন। প্রায় পাঁচ ছয় দিন সকলেই অসুখ ছিলেন। প্রথম শ্রেণীতে তিন দিন আমি একা আহারের টেবলে উপস্থিত ছিলাম।

ক্রমে বাঙ্গালী যুবকদিগের সঙ্গে আলাপ হইল। দেখিলাম, তাঁহারা সকলেই খুব সংস্খভাব। কেহ কেহ আমাকে চিনিতেন। সকলেই আমাকে যথেষ্ট খাতির ও যত্ন করিতে লাগিলেন। এমন কি আমার জন্ত সকলেই ব্যস্ত—কিসে আমার সুবিধা করিবেন। বাড়ীর বাহিরে এত আদর ও যত্ন অপ্রত্যাশিত ভাবে পাইয়া যে কি আনন্দ বোধ করিলাম, তাহা আর বলা যায় না। সকলেই আমাকে জ্যেষ্ঠ সহোদরের ন্যায় দেখিতেন।

জাহাজে সমস্ত দিনের কায ছিল এই, সকালে ৬টার সময় উঠিয়া প্রাতঃ-কৃত্য মারিয়া কফি পান (কফি বা চা কোকো, রুটি, মাখন, বিস্কুট ও ফল দিত) তাহার পরে উপরে যাইয়া কিছুক্ষণ পায়চারি ও গল্প। ১০ টায় নান; ১১ টায় ভোজন (প্রায় দশ বারটা ডিস্ ও ফলমূল)। ৪টার চা (সমস্ত কেক বিস্কুট প্রভৃতি)। পুনরায় পায়চারি ও গল্প। ৬।০ টায় ডিনার (প্রায় ১২।১৩টা ডিস্ ও অপরিপাক ফলমূল)। পরে পুনরায় গল্প ও পায়চারি এবং ৯টার কফি বা চা। ৩।৪ দিন পর থেকেই আমরা সময়ে অসময়ে তাস খেলা আরম্ভ করিয়াছিলাম। ইংরাজ সহযাত্রীদের মধ্যে কাহারও কাহারও সঙ্গে আলাপ হইয়াছিল বটে, কিন্তু অনেকগুলি বাঙ্গালী পাইয়া তাঁহাদের সঙ্গে বড় ভিড়িতাম না। ৮।১০টি ফরাসী মহিলা ছিলেন, তাঁহাদের সঙ্গেও সামান্য আলাপ হইয়াছিল।

এডেন পর্য্যন্ত সমুদ্র অতিশয় চঞ্চল ছিল। প্রায়ই মাঝে মাঝে জাহাজের ডেকের উপর ঢেউ আসিয়া কাহাকেও না কাহাকেও ভিজাইয়া দিত। পোর্টহোল খুলিবার উপায় ছিল না। টেবলে দড়ি বাধিয়া প্লেট রাখিয়া খাইতে হইত। আর জাহাজ ক্রমাগত roll ও pitch করিত, পাশাপাশি দোলার নাম roll করা, লম্বালম্বি দোলার নাম pitch করা। জাহাজ যখন pitch করে তখন হাঁটা বড় কষ্টকর; ক্রমাগত পড়িবার সম্ভাবনা, কিন্তু

২।১ দিন অভ্যাগ করিলে বেশ সহজ হইয়া যায়; কিছু কষ্ট হয় না। আমি প্রত্যহ নিয়মিত ৩৪ মাইল হাঁটিতাম।

বাঙ্গালী যুবকদিগের মধ্যে একজন বড় ভাল মানুষ, তাঁহাকে আর সব ছেলেরা ভারি কেপাইত, আর তিনি আসিয়া আমার কাছে অভিযোগ করিতেন, বলিতেন, “ওদের বলিছি ‘বাস্, ও হবে না’ তবু আমার বিরক্ত ক’চ্ছে”। তাঁহার বিশ্বাস, যে জিনিসে “বাস্” বলা গেল, তাহা সেই স্থানেই শেষ হওয়া উচিত। ইনি বড় সুকণ্ঠ; মধ্যে মধ্যে গান শুনাইয়া আমাদের মোহিত করিতেন। ১০ই তারিখে বেলা ৬টার এডেনে পৌঁছিলাম। কয়েকদিন পরে জমী দেখিয়া যে আশ্লাদ হইল তাহা লিখিয়া জানান হুঃসাধ্য। দেখিলাম ডাক্তার গাড়ি চড়িয়া পার্শ্ব ভদ্রলোকরা বায়ু সেবন করিতেছেন।

আমি এডেনে নামি নাই। সন্ধ্যার পর ভয়ানক গরম বোধ হইল। কিছুমাত্র হাওয়া ছিল না, এত ঘাম হইতে লাগিল যে, সমস্ত কাপড় ভিজিয়া গেল। কেবিনে থাকা অসম্ভব। ডেকে অনেক মহিলা,—অর্ধনগ্ন অবস্থায় তথায় যাওয়া যায় না। বড়ই কষ্ট হইতে লাগিল।

প্রায় ১২টার সময় খাওয়ার ঘরে বৈদ্যাতিক পাখা খুলিয়া একটা টেবলের উপর শুইয়া পড়িলাম।

সকালে উঠিয়া দেখি, জাহাজ বাবেলমাণ্ডেল প্রণালী পার হইতেছে। কি চমৎকার দৃশ্য! অতি সঙ্কীর্ণ জলপথ, বোধ হয় কয়েক শত গজ মাত্র। পাহাড়ের চূড়ায় আলোক-গৃহ,—তাই এক জন লোক দেখা যাইতেছে। কি ষণ্ণবৈচিত্র্য! আমি সমুদ্রে ও গিরিগাত্রে পাঁচটি বিভিন্ন বর্ণ লক্ষ্য করিলাম।

লোহিত সাগরে প্রবেশ করিয়া লোহিতই কিছুই দেখিতে পাইলাম না। এক পার্শ্বে ডাক্তার দেখা যায়, এবং মাঝে মাঝে ছোট ছোট পাহাড় এবং তাহার উপর আলোকগৃহ। সমুদ্র অনেক শান্ত ছিলেন এবং একটু একটু হাওয়া ছিল; কাষেই গরমে অত্যন্ত অধিক কষ্ট হয় নাই।

এডেন ছাড়ার পর দিন একটা মজা হইয়াছিল। একজন অ্যাংলো-ইণ্ডিয়ান আমাকে বলিতেছেন যে, তিনি এডেন নামিয়াছিলেন, তথায় হোটেলে একটা ভারতবর্ষীয় ভৃত্য টুপি মাথায় দিয়াই তাঁহাদের খাদ্য বণ্টন করিতেছিল। তিনি হিন্দীতে গালি দিলে সে টুপি খুলিল। আমি তখন কথা বলিলাম না। বিধির বিধান, সেই দিনই বৈকালে তাঁহার ভৃত্য (ক্যাবিন বয়) তাঁহার সঙ্গে কি কথাবার্তা বলিয়া তাঁহার পিঠ চাপড়াইয়া দিল। আমি সেখানে উপস্থিত।

ভৃত্য চলিয়া যাইলে আমি বলিলাম, “কি মশায়, কোনও ভারতবাসী চাকর আপনার পিঠ চাপড়ালে আপনি কি কর্তেন?” তিনি আর কোন কথা বলিলেন না।

বাস্তবিক এডেনের পূর্বে আর পশ্চিমে ইংরাজ একেবারে দুই বিভিন্ন জাতি।

১৫ই তারিখে বেলা প্রায় ১২টার সময় জাহাজ স্নয়েজ খালের সম্মুখে যাইয়া দাঁড়াইল। কিছুক্ষণ পরে একজন ডাক্তার আসিলেন। তিনি আসিয়া একবার আমাদের ঘরে দাঁড় করাইয়া “thank you” বলিলেন। ইহার নাম প্লেগ-পরীক্ষা!

কিছুক্ষণ পরে জাহাজ খালে প্রবেশ করিল। খালের দৃশ্য বড় চমৎকার। বামে এসিয়া; একেবারে মরুভূমি ধু ধু করিতেছে। দক্ষিণে আফ্রিকা প্রশস্ত পথ, পাইন গাছের সারি। খাল প্রায় ১০০ মাইল লম্বা, চওড়া খুব কম; একখানা জাহাজ যাইতে পারে। মধ্যে মধ্যে এক এক স্থানে চওড়া করিয়া ষ্টেসন করিয়াছে, সম্মুখে জাহাজ আসিলে বিপরীতগামী জাহাজ দাঁড় করার এবং ২ জন লোক কাছি পশিয়া ডাক্তার বসিয়া থাকে, একখানা পার হইয়া গেলে অপরখানি ছাড়ে; ঘণ্টায় ৫ মাইলের অধিক গতিতে জাহাজ যাইবার নিয়ম নাই; কারণ, কুল বাঁধান নহে, পাছে ধসিয়া যায়। প্রায় সকল ষ্টেসনেই মাটিকাটা কল আছে, ক্রমাগত মাটি কাটিতেছে। আফরিকার দিকে খালের ধারে রেলপথ। ট্রেন চলিবার সময় আরোহীদের মুখ পর্য্যন্ত দেখা যায়। চন্দ্রালোকে খালের দৃশ্য বড় চমৎকার। তন্নিম্ন জাহাজের মাথায় search light দেয়, তাহাতে বাহার আরও বাড়ে। মধ্যে মধ্যে ২।৩টি বড় বড় হ্রদ আছে, তথায় জাহাজ দ্রুত যাইতে পারে। এই খাল যুরোপের স্থপতি বিদ্যার এক বিস্ময়কর উদাহরণ।

প্রভাতে পোটসৈয়দে পৌঁছলাম। কিং কোম্পানীর লোক আসিয়া আমার চিঠি পত্র দিলেন ও কিছু করিতে হইবে কি না জিজ্ঞাসা করিলেন। আমি তাহাকে ধন্যবাদ দিয়া বিদায় করিলাম।

আমরা কয়জন বাঙ্গালী মিলিয়া সহর দেখিতে গেলাম। ক্ষুদ্র স্থান, কেবল কতকগুলি লোকান, হোটেল ও গণিকাগৃহ ব্যতীত আর কিছুই নাই। ভাল বাড়ীর মধ্যে এক কেনাল কোম্পানীর কার্যালয়। আর দ্রষ্টব্য কেনালের স্থপতি লেসেপসের প্রকাণ্ড মূর্তি। গ্রামটি খুব সর্বজনীন, এখানে সব

দেশের বদমায়েস লোকের আড্ডা । দূরে আরবী গ্রাম ;—আমাদের পশ্চিমের গ্রামের মত অপরিচ্ছন্ন ও কদর্য । ভালর মধ্যে সিগারেট খুব সস্তা ; কলিকাতার দামের প্রায় এক তৃতীয় দাম ।

বেলা ১২টার জাহাজ ছাড়িল । এইবার আমরা যুরোপে প্রবেশ করিলাম । সুনির্মাছিলাম, ভূমধ্য সাগর এ সময়ে খুব প্রশান্ত থাকে, কিন্তু বড় প্রশান্ত দেখিলাম না । আমাদের কপাল ! তবে আজ সূর্যাস্ত বড় চমৎকার । পর দিন সূর্যোদয়ও দেখিলাম । ইহার পূর্বে একদিনও আকাশ মেঘমুক্ত ছিল না ।

একটা বড় আশ্চর্য ব্যাপার । মানুষ যেমন আমাদের দেশে শ্রাম ও যুরোপে গৌর ; সি-গাল পক্ষীও সেইরূপ ! আরব সাগরে যেগুলি দেখা যায় সেগুলি একেবারে ধূসর বর্ণ, ক্রমে সাদা হইয়া ইংলিশ চ্যানেলে দেখি, একেবারেই সাদা, কেবল ডানার একটু একটু ধূসর আভা ।

পোর্ট সৈয়দ পার হইবার পর দিন সমুদ্র আবার বড় চঞ্চল হইয়াছিল । অনেকে পুনরায় অসুস্থ হইয়া পড়েন ।

তাহার পর দিন বৈকালে মেসিনা প্রণালী পার হইলাম । বড় সুন্দর দৃশ্য । ইতালির দিকে গ্রামগুলি বড় সুন্দর । পাহাড়ের মধ্যে মধ্যে ছোট ছোট সাদা সাদা গ্রাম দেখা যায় । মাঝে মাঝে নদী আসিয়া সমুদ্রে পড়িয়াছে । গ্রামের লোকও দেখা যায় । ট্রেন চলিতেছে, কখনও স্তূড়ঙ্গে প্রবেশ করিতেছে, দেখিতে চমৎকার । সিসিলির দিকে মেসিনার ভয়ঙ্কর ভূকম্পের চিহ্ন স্পষ্ট বুঝা যায় । অনেক সংস্কার হইয়াছে, এখনও সংস্কার চলিতেছে, তবে ধ্বংসাবশেষও অনেক ।

প্রণালীটা খুব সরু ; বোধ হয় ২৫০ গজ হইবে । জল খুব চক্চকে—পরিষ্কার । আর অনেক আবর্ত ও ঢেউ নানা রকমের । এই সময় আবার একরাশ শুক আমাদের জাহাজের পাশে পাশে জাহাজের সঙ্গে পাল্লা দিয়া প্রায় এক মাইল গেল । বড়ই চমৎকার দৃশ্য ।

রাত্রিকালে নিপারী দ্বীপপুঞ্জ পার হইলাম । বিশেষ কিছু দেখা গেল না লোকের বসতি অতি সামান্য বলিয়া মনে হইল ।

জাহাজে আমরা জনদশেক বাঙ্গালী ব্যতীত আরও ৩০।৪৪ জন ভারত-বর্ষীয় ছিলেন, অধিকাংশই পঞ্চনদবাসী । ইহাদের মধ্যে একজন একদিন ধুতি পরিয়া গেলি গায় দিয়া ডেকে উপস্থিত । তথায় মহিলারা পলায়নপরা,

যুরোপীয়গণ “মারমুখো”। অনেক কষ্টে ভ্রলোকটিকে নিয়ে পাঠাইয়া দেওয়া হয়।

মেসিনা পার হইবার পর একজন হিন্দুস্থানী যুবক বলিলেন যে, তাঁহার নিকট গড়গড়া ও তামাক আছে। বাহির করিয়া তামাক সাজিয়া ধূমপান করা গেল। কলিকাতা ছাড়িবার পর এই প্রথম ধূমপান যে কত ভাল লাগিয়াছিল তাহা ওই পথের পথিকরাই বুঝিবেন।

২১শে বেলা ২।০ টার সময় মার্শেল বন্দরের বাহিরে জাহাজ থামিল। সমুদ্র তখনও বিরূপ, বন্দরে যাওয়া গেল না। শেষবার তামাক টানিয়া লইলাম। এই নামি এই নামি করিয়া সন্ধ্যা ৬।০ টায় নৌকায় নামাইয়া দিল। জেটীতে পৌঁছিতে ঠিক ৭টা বাজিল। তথায় কিং কোম্পানীর লোক আমাকে অভ্যর্থনা করিবার জন্য উপস্থিত ছিলেন; চিঠিপত্র দিয়া, জিনিষগুলি Customs পার করিয়া ষ্টেশনে লইয়া গেলেন। তথায় বাড়ীতে টেলিগ্রাম করিলাম। তাহার পর আমাকে গাড়ীতে উঠাইয়া দিয়া লোকটি বিদায় হইলেন।

শ্রীনরেন্দ্রকুমার বসু।

সন্ধ্যা ও কুমুম।

—:~:—

কহিল সোণালী সন্ধ্যা, চাহি ফুলবনে—
 “প্রেমোন্মত্ত কুমুমের নাহি কোন জ্ঞান,
 কোন্ প্রভাতের পর আসিবে ভ্রমর—
 এখনি উঠিল ফুটি করিতে ধেয়ান।”
 শ্রামশপ্প আড়ে পুষ্প আনন আবারি’
 আধ লাজে আধ হাসে ধীরে ধীরে কয়,—
 “কি বুঝিবে সন্ধ্যা তুমি প্রেম-পুণ্য-কথা ?
 প্রেম জীবনের ভুল—জ্ঞান হরি’ লয়।”

শ্রীজগৎপ্রসন্ন রায়।

সমুদ্রবন্ধে ।

—:~:—

(গী দে মোপঁসা)

—•—

[এই পুস্তকখানি দৈনিক লিপির সমষ্টিমাত্র । ইহাতে কোন গল্প বা লোমহর্ষক ঘটনার কথা নাই । গত বসন্তে ভূমধ্যসাগরের উপকূলসান্নিধ্যে নৌবিহারকালে আমি প্রত্যহ যাহা দেখিতাম বা যে সকল বিষয় চিন্তা করিতাম তাহা সমস্তই অবসর-বিনোদনার্থ লিপিবদ্ধ করিয়াছিলাম । সূর্য্য, মেঘমালা, পাহাড় এবং সমুদ্রের অনন্ত জলরাশি ইহাই কেবল আমার দৃষ্টিপথে পতিত হইয়াছিল । ইহা ব্যতীত আমার বর্ণনার সামগ্রী আর কিছুই নাই । আমার চিন্তার বিষয়ও অকিঞ্চিৎকর, বস্তুতঃ সেগুলি সমুদ্রতরঙ্গের তন্ত্রা উৎপাদনকারী আন্দোলনপ্রসূত ।]

৬ই এপ্রিল ।

আমি গভীর নিদ্রামগ্ন ছিলাম, আমার পোতাধক্ষ বার্নার্ড বাতায়নে এক মুষ্টি বালুকা নিক্ষেপ করিয়া আমাকে জাগরিত করিল । আমি বাতায়ন উন্মুক্ত করিলাম । মুখমণ্ডলে, বক্ষোদেশে নিশীথ বায়ুর শীতল স্পর্শ অনুভব করিয়া কি এক অনির্বচনীয় আনন্দে আমার হৃদয় মগ্ন হইল । আকাশ নীলাভ ধূসরবর্ণ; নক্ষত্রপুঞ্জ কম্পমান ক্ষুদ্র ক্ষুদ্র দীপশিখার গায় সর্বত্র ঝিকমিকি করিতেছে । প্রাচীরের প্রান্তভাগে একজন নাবিক দাঁড়াইয়া ছিল । সে বলিল,—“মহাশয়, আজ আকাশ বেশ-পরিষ্কার,” আমি জিজ্ঞাসা করিলাম । “বাতাসের গতি কোন্ দিকে ?” সে বলিল, “উপকূল-বিমুখে” । আমি কহিলাম, “আচ্ছা, আসিতেছি” ।

অর্দ্ধঘণ্টা পরে আমি দ্রুতপদে সমুদ্রতীরে যাইতেছিলাম, দিক্চক্রবাল উষার রক্তিমচ্ছটায় উদ্ভাসিত । আমি দেবাজ্ঞে উপসাগরের পশ্চাদ্ভাগে নাইস নগরীর আলোকমালা এবং বহুদূরে ভিনাক্রঁসের আলোকস্তম্ভের ঘূর্ণমান দীপাধার দেখিতে পাইলাম । অপগতপ্রায় অন্ধকারের ভিতর দিয়া চূড়াকৃতি অস্তীবস নগরী সম্মুখে স্পষ্টভাবে দেখা যাইতেছিল । সহরটি সমুচ্চ বৃকজে সুশোভিত ।

রাস্তার কেবলমাত্র দুই একটা কুকুর বিচরণ করিতেছিল এবং জনকয়েক মজুর তাহাদের দৈনিক কার্যারম্ভের উদ্দেশে আপন আপন কর্মস্থলে যাইতেছিল। বন্দরে তটনিবন্ধ নৌকাগুলির ঈষৎ আন্দোলন এবং স্থিরপ্রায় জলরাশির মৃদুমন্দ কল্লোলধ্বনি শুনা যাইতেছিল। মধ্যে মধ্যে নৌকার সহিত হালের সংঘর্ষের শব্দ ও রজ্জুতে টান পড়ায় রশারশির বিচিত্র কাঁচকোঁচ শব্দ শুনা যাইতেছিল। বন্দরস্থ পোতশ্রেণী, প্রস্তরাচ্ছাদিত সমুদ্রতট এমন কি চির-বিস্কৃত মহাসিন্ধুও যেন সেই স্বর্ণখচিত আকাশের তলে ঘুমাইতেছে বলিয়া বোধ হইল। জেটীর প্রান্তভাগে একটি ক্ষুদ্রায়তন আলোকস্তম্ভ ; যেন সতর্ক প্রহরীর ঞায় এই ক্ষুদ্র বন্দরটির রক্ষণাবেক্ষণে নিযুক্ত।

কিয়দূরে অদৃশ্যের পোত-নির্মাণের কারখানার সন্নিকটে ব্যস্ততার চিহ্ন পরিলক্ষিত হইল। আমি দূর হইতে একটি স্তিমিতপ্রায় আলোক দেখিতে পাইলাম ও কথাবার্তার শব্দ শুনিতে পাইলাম ; বুঝিতে পারিলাম, তাহারা আমার জ্ঞান অপেক্ষা করিতেছে। আমার ক্ষুদ্র অর্ণবপোত 'বেলামী' যাত্রার জ্ঞান প্রস্তুত ছিল। আমি পোতক্ষে প্রবেশ করিলাম। ভিতরে দুইটি বর্তিকা জ্বলিতেছিল। দোহুল্যমান বর্তিকাধার একগুণ কৌশলের সহিত রক্ষিত হইয়াছে যে, জাহাজ আন্দোলিত হইলেও সহসা কেদ্রচ্যুত হয় না। আমি নাবিকগণের চর্মনির্মিত অঙ্গরাখা পরিধানান্তর একটি গরম টুপিতে মস্তক আবৃত করিয়া পাটাতনের উপর ফিরিয়া আসিলাম। জাহাজের দড়িদড়া ইতোমধ্যে খুলিয়া দেওয়া হইয়াছিল এবং দুইজন নাবিক নোঙ্গর উত্তোলনে নিযুক্ত ছিল। তাহার পর তাহারা দড়িদড়া টানাটানি করিয়া কপিকলে একঘেয়ে শব্দ করিয়া জাহাজের প্রকাণ্ড পাইলটি তুলিয়া দিল। এই ঈষৎ কম্পমান বস্ত্রখণ্ডের পাণ্ডুর বিস্তৃতি সমস্ত আকাশ ও তারাগুলিকে যেন আবৃত করিয়া ফেলিল ! অদৃশ্যপ্রায় পর্বতশ্রেণী হইতে শীতল বায়ু আসিয়া জানাইয়া দিল যে, পর্বতশিখর তখনও সম্পূর্ণরূপে তুষার-যুক্ত হয় নাই। বস্ত্রাস বড় ধীরে বহিতেছিল, এবং মধ্যে মধ্যে একেবারে বন্ধ হইয়া যাইতেছিল ; বোধ হইতেছিল, যেন বায়ুদেবতা তখনও ঘুমাইয়া আছেন, শয্যাভ্যাগ করিয়া আপন কার্যে মনঃসংযোগ করেন নাই।

নাবিকরা নোঙ্গর উত্তোলন করিল। আমি হাল ধরিয়া বসিলাম এবং তরীখানি প্রকাণ্ড প্রেতমূর্তির ঞায় অনায়াসে নিস্তক জলরাশির উপর দিয়া চলিয়া যাইতে লাগিল। বন্দর হইতে বাহির হইবার জ্ঞান আমাদিগকে

বিভিন্ন জাতীয় নিদ্রামগ্ন পোতাশ্রণীর মধ্য দিয়া সত্তর্পণে জাহাজখানি
 ঘুরাইয়া ফিরাইয়া লইয়া যাইতে হইল। আমরা বন্দরের এক পোতা
 হইতে আর এক পোতার ঘুরিয়া যাইতেছিলাম। তরীখানির পশ্চাতে
 একখানি ডিক্সি বা জালিবোট বান্ধা। সদ্যোজাত হংসশাবক বেরুপ
 জলক্রীড়াকালে মাতার অনুবর্তী হইয়া থাকে, ডিক্সিখানিও সেইরূপ আমাদের
 জাহাজের সঙ্গে সঙ্গে আসিতে লাগিল। আমরা যখন জেটী ও সমুদ্রতীরস্থিত
 চতুরঙ্গ দুর্গের মধ্যবর্তী অন্ন-পরিসর সাগরে আসিয়া পড়িলাম তখন তরীখানি
 যেন অধিকতর সজীব ও চঞ্চল হইয়া উঠিল; বন্দরের বন্ধজল অতিক্রম করিয়া
 সমুদ্রের সজীব স্পর্শে আমার ক্ষুদ্রকার অর্ণবপোত ক্ষুদ্র ক্ষুদ্র বীচিমালা উপর
 নাচিয়া নাচিয়া রঙ্গেভঙ্গে চলিতে লাগিল; যেন সে সহসা কোনও কারণে
 আশঙ্কিত অধীর হইয়া পড়িয়াছে। তখন তুফানের চিহ্নমাত্র ছিল না।
 আমি নগর-প্রাচীর ও পঞ্চশত ফুট নামধেয় সমুদ্রের গভীরতা পরিচায়ক
 ভাসমান বয়ান মধ্যবর্তী জলপথে আমাদের তরীর গতি নির্দেশ করিলাম।
 বাতাস পশ্চাদিক হইতে বহিতে থাকায় আমরা পাইলের সাহায্যে সন্মুখস্থ
 অস্তরীপ বেষ্টন করিয়া যাইতে লাগিলাম। তখন উদয়াচলে উষ্মার আবির্ভাব
 সূচিত হইতেছিল। তারাগুলি একে একে নিবিয়া গেল এবং ভিনাক্রাসের
 আলোকস্তম্ভ তাহার ঘূর্ণমান চকুটি সে দিনকার মত মুদিত করিল। আমি
 এতাবৎ অদৃশ্য নাইস নগরীর উপরিভাগে নভোমণ্ডল গোলাপী আভাষ
 রঞ্জিত হইয়াছে, দেখিতে পাঠিলাম। আল্পস্পর্কতশ্রেণীর তুষারনদীনিচয়
 অরণালোকে উদ্ভাসিত হইয়া উঠিল। আমি বার্নার্ডকে হাইল ছাড়িয়া দিয়া
 নিবিষ্টমনে সূর্য্যোদয় দেখিতে লাগিলাম। বায়ুর বেগ-বৃদ্ধি হওয়ায় আমাদের
 তরীখানি ধুমলাভ সমুদ্রবক্ষ যেন ভালরূপ স্পর্শ না করিয়াই প্লুত গতিতে অগ্রসর
 হইতে লাগিল। উপযুক্ত পরি তিনবার এঞ্জেলাসের ঘণ্টানিনাদ বায়ুশি আন্দোলিত
 করিয়া দিল। কি জানি কেন রাত্রি অপেক্ষা প্রভাতে ঘণ্টাধ্বনি অধিকতর
 আনন্দপূর্ণ বলিয়া মনে হয়। নিষ্ক উষাকাল আমার নিকট বড়ই প্রীতিকর!
 মানব তখনও সুষুপ্তিমগ্ন কিন্তু প্রকৃতি সতী নিশীথ নিদ্রার জড়তা পরিত্যাগ
 করিয়াছেন। বায়ুমণ্ডলের অলৌকিক পুলকম্পন অনুভূত হয়। বাহার
 বিলম্বে শয্যা ত্যাগ করেন তাঁহাদের সে সুখের কখনও উপলব্ধি হয় না।
 আমি তখন শুধু শ্বাসপ্রশ্বাস ত্যাগ ও গ্রহণ করিয়া কান্ত থাকি না; আমি
 সেই নির্মল বায়ু সানন্দে পান করি। আমি প্রতিপ্রভাতে জড়জীবনের

পুনরাবর্তন দেখিতে পাই। যে শক্তির দ্বারা গ্রহতারকা উজ্জ্বলিত, ইহা সেই জীবনীশক্তি—মানব সমাজের সেই চিরন্তন অমুষ্টির রহস্য।

রেমণ্ড বলিল “এবার বাতাস পূর্ব হইতে বহিবে।” বার্গার্ড বলিল “না পশ্চিম হইতে।” পোতাধ্যক্ষ বার্গার্ড কুশকার কন্ঠ ও অভ্যস্ত পরিষ্কার পরিচ্ছন্ন। লোকটি বড় হিসাবী ও সাবধান। তাহার শ্মশ্রু রাজী আচক্ষু বিহ্বত কিন্তু তাহার দৃষ্টি সরল এবং কণ্ঠস্বর কোমল ও স্নেহপূর্ণ। বস্তুতঃ এরূপ বিশ্বাসী লোক সহসা দেখা যায় না। কিন্তু সমুদ্রবক্ষে সে সামান্য কারণেই উদ্ভিন্ন হইয়া উঠে। সমুদ্রবাত্যাসূচক তুফান, ইষ্টেরণ পর্বতের শিরোদেশে প্রবল পশ্চিমবাতাস-পরিচায়ক লম্বমান মেঘমালা বা পূর্ব হইতে দমকা বাতাসের আবির্ভাবজ্ঞাপক বায়ুমান যন্ত্রের উর্দ্ধগামী পারদস্তম্ভ ইহাদের মধ্যে যে কোন একটি তাহার উৎকর্ষার ও অধৈর্যের কারণ হইয়া পড়ে।

সে যাহা হউক, বার্গার্ড সুদক্ষ নাবিক, সর্বদা পরিদর্শনকার্যে নিরত এবং অতীব পরিচ্ছন্নতাপ্রিয়। সে জাহাজের পিত্তলাংশে জলবিন্দুমাত্র পড়িলে তৎক্ষণাৎ তাহা মুছিয়া না ফেলিয়া ক্ষান্ত হয় না।

বার্গার্ডশালক রেমণ্ড বনিষ্ঠকায় পুরুষ। তাহার বর্ণ কিঞ্চিৎ মলিন এবং বদনমণ্ডল গুন্ফসুশোভিত। সাহসে, প্রভুপরায়ণতায় এবং অক্লান্ত পরিশ্রমে সে বার্গার্ডের সমকক্ষ, কিন্তু ভগিনীপতির ত্রায় সে অস্থিরমতি নহে এবং সহজে ভীত হইয়া পড়ে না। সমুদ্রের আকস্মিক বিশ্বাসঘাতকতায় সে অধিকতর অভ্যস্ত।

বার্গার্ড, রেমণ্ড ও বায়ুমান যন্ত্র এই তিনে প্রায়ই বিরোধ উপস্থিত হইয়া এক অপূর্ব কোতুক নাট্যের অভিনয় হইয়া থাকে। ইহার মধ্যে বিজ্ঞতম অভিনেতাটী বাক্শক্তি-বিরহিত।

নাবিক-মূলতঃ শপথবাক্য উচ্চারণ করিয়া রেমণ্ড বলিল,—“মহাশয়! আমাদের জাহাজখানি বেশ চলিতেছে।” “আমরা ইতোমধ্যে লে সালেশ উপসাগর এবং লে গেরুপ অতিক্রম করিয়া জলপৃষ্ঠের সহিত সমতল গ্রো নামক অবক্ষুর প্রস্তরময় অস্তুরীপের নিকটবর্তী হইতেছিলাম। এখন সমগ্র আরম্ভ পর্বতশ্রেণী আমাদের নয়নপথে পতিত হইল। দেখিয়া মনে হইল, যেন প্রস্তরীভূত বিপুলকার তরঙ্গরাশি সাগর গ্রাসে সমুদ্রাত। তুষারমণ্ডিত চূড়াগুলি বাস্তবিকই ঘনীভূত শ্বেতবর্ণ ফেনপুঞ্জের ত্রায় মনে হয়। পশ্চাত্তাগে

দিবাকর এই তুষাররাশির উপর তাঁহার স্নাতকত্ব অমল আলোক বিকীর্ণ করিয়া ধীরে ধীরে আকাশমার্গে আরোহণ করিতেছিলেন ।

অন্তরীপ বেটন করিবামাত্র আমরা লেরিন্স দ্বীপপুঞ্জ দেখিতে পাইলাম এবং তৎপশ্চাতে কিয়দূরে এষ্টেরেল পর্বতমালার কুটিল বাহু রেখা প্রতিভাত হইতে লাগিল । এষ্টেরেল পর্বতটিকে ক্যানের রঙ্গমঞ্চের চিত্রশালা বলা যাইতে পারে । বর্ণ ঈষৎ নীলাভ, ক্রীড়া-শৈলের স্তায় সুন্দর ও সুঠাম গঠনভঙ্গি যেন বিলাস-রসিকার হাবভাব-পরিচায়ক । ইংরাজ মহিলা চিত্রকারিণীদিগের প্রাকৃতিক দৃশ্য অঙ্কনে আদর্শরূপে ব্যবহৃত হইবে বলিয়া বা অলম ও যক্ষ্মা-রোগগ্রস্ত রাজস্ববর্গের প্রশংসার জন্তই যেন বিশ্বনির্মাতা খোসমেজাজে এই পর্বতের গগন-চক্রাতপটি নাট্যশালার সৌন্দর্য্যে বিচিত্রবর্ণে রঞ্জিত করিয়াছেন ।

প্রতি ঘটিকায় এষ্টেরেল নিপুণা নটীর স্তায় বেশ ও আকৃতি পরিবর্তন করিয়া অভিজাতবংশীয় দর্শকগণের নয়নরঞ্জন করিয়া থাকে ।

দিবাগমে শৈলশ্রেণীর একখানি বিশুদ্ধ চিত্র সুনীল আকাশপটে সুস্পষ্টরূপে কুটরা উঠে । সেই পেলব নির্মল নীলিমা দক্ষিণ দেশীয় আকাশবর্গের আদর্শ-স্বরূপ । সাম্রাজ্যে শ্রামায়মান বনরাজী অগ্নিময় গগনতলে খঞ্জীকৃত অঙ্ককার-রাশি বলিয়া মনে হয় । সেরূপ জবাকুসুমসম্মিত বিচিত্র রক্তিমাত্মা নভোমণ্ডলে কচিং দৃষ্ট হইয়া থাকে । আমি অত্র একরূপ স্বপ্নরাজ্যসুলভ মনোহর সূর্যাস্ত-সুষ্মা দেখিয়াছি বলিয়া মনে হয় না । যেন সমগ্র দিগ্বাণল অগ্নিশিখা-পরিব্যাপ্ত ।

মেঘমালার ঈদৃশ মধুর দীপ্তি, একরূপ নিপুণ বর্ণসমাবেশ, প্রাকৃতিক বৈভব-প্রাচুর্য্যের একরূপ দৈনিক পুনর্নিকাশ স্বতঃই মনে বিশ্বাসের ও প্রীতির উদ্ভেক করে । কিন্তু এই চিত্র মনুষ্য-তুলিকা-সম্বৃত হইলে হাস্যকর বলিয়া বিবেচিত হইত, সন্দেহ নাই ।

লেরিন্স দ্বীপপুঞ্জ ক্যানের উপসাগরের পূর্বসীমায় অবস্থিত এবং ক্যানের ও কুরান উপসাগরের মধ্যবর্তী । দ্বীপ দুইটি নাট্যশালার দৃশ্যপটে অঙ্কিত কৃত্রিম দ্বীপের স্তায় মনোমুগ্ধকর ; যেন রোগী ও শীত-প্রবাসীদিগের চিন্তাবিনোদনার্থ তপায় স্থাপিত হইয়াছে ।

তৎকালে আমাদের অর্ণবপোত যে স্থানে ছিল সেই উল্লুক সাগরবক্ষ হইতে দর্শন করিলে দ্বীপদ্বয় সমুদ্রোখিত গাঢ় হরিষণ উদ্যান বলিয়া প্রতীত হয় ।

সেন্ট হনরাটের শেষ প্রান্তে বেলাভূমি-প্রত্যঙ্গ তরঙ্গরাশি-বিধৌত একটি প্রাচীন দুর্গের বিচিত্র ধ্বংসাবশেষ রহিয়াছে । দেখিলে স্কটের বর্ণিত দুর্গগুলির কথা মনে পড়ে : প্রাচীরসমূহ সমুদ্রের বীচিমালা ভেদ করিয়া এখনও ঋজুভাবে দণ্ডায়মান । পুরাকালে খৃষ্টধর্মাবলম্বী সন্ন্যাসিগণ স্তারাসেন নামে অভিহিত মুসলমান আততায়ীদের আক্রমণ হইতে আশ্রয়ার্থ এই দুর্গে আশ্রয়গ্রহণ করিয়াছিলেন ।

ফরাসী বিদ্রোহের সময় বাতিরেকে সেন্ট হনরাট চিরকালই খৃষ্টীয় সন্ন্যাসিগণের অধিকারভুক্ত ছিল । উক্ত বিপ্লবকালে জাতীয় নাট্যালয়ের জনৈক অভিনেত্রী এই দ্বীপটি ক্রয় করিয়া লয় ।

সেই দুর্ভেদ্য দুর্গ, সন্ন্যাসী মোক্ষমণ্ডলী, বনাম নীলগিরিমালাবেষ্টিত দ্বীপখণ্ডের নিবিড় তরুণ্যান্তরালে প্রণয়াভিলাষিনী নায়িকার গোপনাভিসার এ সমস্তই যেন অপূর্বভাবপ্রণোদক, সুন্দরী-সুন্দর চাপলা-বাগ্নককাব্যকথার ও কাহিনীর সুখস্মৃতি-বিজড়িত । কিন্তু ক্যানে উপকূলের সাম্ন্যবশতঃ উহা সেরূপ চিত্তাকর্ষক বলিয়া মনে হয় না ।

সেন্ট হনরাটের প্রান্তভাগে বপ্রশোভিত একটি প্রাচীন দুর্গ আছে । ঋজুসমুখিত, লবুকায় সৌন্দর্যস্থিত সেই দুর্গটির সহিত যেন সমস্ত রক্ষা করিবার জন্তই সেন্টমার্গারেট দ্বীপের শেষভাগে অপর একটি স্থলাভিযুক্ত কেলা অবস্থিত । এই বিখ্যাত দুর্গকারার Bazaine এবং ইতিহাস-প্রসিদ্ধ সেই “লৌহমুখাবরণ বিশিষ্ট ব্যক্তি”—(man with the iron mask) অবরুদ্ধ ছিলেন ।

প্রায় অর্ধকোশ বিস্তৃত একটি সমুদ্র-প্রণালী এই কেলা ও ক্রোইজেট অস্তরীপের মধ্যভাগে অবস্থিত । কেলাটি আড়ম্বরশূন্য ও বিশেষত্ববর্জিত ; দেখিলে একটি অশুচ ও অনতিপ্রশস্ত প্রাচীন গৃহ বলিয়া মনে হয় । ইহা স্বতঃই অবসাদ আনয়ন করে ; দেখিলে মনে হয়, যেন একটি আক্রমণোন্মুখ ধূর্ত ঋপদ ভূমির উপর বসিয়া আছে । বাস্তবিকই এই কারাগৃহটি যেন কয়েদিধরা ফাঁদবিশেষ ।

এখন তিনটি উপসাগরই আমার দৃষ্টিপথে পতিত হইতেছে । সম্মুখে দ্বীপপুঞ্জের অগ্রভাগে ক্যানে উপসাগর—তদপেক্ষা অধিকতর সন্নিকটে জুয়ান উপসাগর এবং তৎপশ্চাতে উল্লেখিত তুনারকিণী আনস্শ্রেণীসীমাবদ্ধ ডেস্ আন্জেস উপসাগর । দূরে—অতি দূরে ইতালী-সীমান্ত অতিক্রম করিয়াও

অবিচ্ছিন্ন লম্বমান উপকূলরেখা নয়নগোচর হইতেছে । আমি দূরবীক্ষণ যন্ত্রের সাহায্যে একটি উচ্চাস্তরীপের অন্তর্ভাগে অবস্থিত বর্ডিষেরার খেত হৃদ্যাশ্রেনী দেখিতে পাইতেছি ।

সেই সীমাবিহীন উপকূলে সমুদ্রতীরস্থ নগরীসমূহ, পর্বতক্রোড়ে নিবল্ল পল্লীসমুদায়, হরিংশোভা—বৃক্ষগল্লরীবেষ্টিত উপবন গৃহনিচয়—দেখিলে মনে হয় যেন অতিকায় পক্ষিবৃন্দ উর্দ্ধাবস্থিত ভূষার ক্ষেত্র হইতে নিশাযোগে অবতরণ করিয়া সমুদ্রসৈকতে দেবদারু-বনে কঙ্করাকীর্ণ পর্বতবক্ষে,—সর্বত্রই অগণ্য খেত অণু প্রসব করিয়া রাখিয়াছে ।*

অ্যান্টিরস্ অন্তরীপও অনেকগুলি উদ্যান বাটিকায় পরিশোভিত । সমুদ্র-স্বয়মধ্যস্থ এই লম্বমান ভূখণ্ডের উদ্ধতাংশে যেন এক অত্যাশ্চর্য্য উদ্যান প্রক্ষিপ্ত রহিয়াছে । এখানে যুরোপ মহাদেশের যাবতীয় নয়নাভিরাম কুম্ভমনিকর প্রক্ষুণ্ডিত হইয়া থাকে । অন্তরীপের অগ্রভাগে খাম-খেয়ালি ধরণে নির্মিত একটি আবাস গৃহ । এই হৃদ্যের আকৃতিগত মৌলিকতার আকৃষ্ট হইয়া ক্যানে ও নাইস নগরী হইতে বহুসংখ্যক দর্শক আসিয়া থাকে ।

বাতাস থামিয়াছে । পোতের গতি এখন রুদ্ধপ্রায়, নিশাবাপী স্থলবায়ুর স্বৈর্ঘ্যাবলম্বনে আমরা এক দম্কা সমুদ্র হাওয়ার প্রত্যাশায় অপেক্ষা করিতে-ছিলাম, উহা যে কোনও দিক্ হইতে প্রবাহিত হউক না কেন আমাদের নিকট সাদরে অভ্যর্থিত হইত সন্দেহ নাই ।

বার্গাডের এখনও বিশ্বাস যে, “পশ্চিমে বাতাস” বহিবে । রেমণ্ডের “পূবে হাওয়ার” সমধিক আস্থা । আর বায়ুমান যন্ত্রের পারদরেখা ষট্ সপ্ততি ডিগ্রি (বিভাগ) অতিক্রম করিয়াই নিশ্চলভাবে অবস্থিত ।

এক্ষণে মরীচিমালীর দীপ্ত কিরণজালে ভূমণ্ডল পারব্যাপ্ত হইয়াছে । শুভ্র-বর্ণ গৃহপ্রাচীরসমূহ ইতস্ততঃ ক্ষুরংপ্রভ হিমালীপুষ্পের ত্রায় প্রতীয়মান হইতে-ছিল । বিচ্ছুরিত আলোক-সম্পাতে সমুদ্র-জলরাশি যেন নীলাভ অমূলেপনে অমূলিপ্ত । ক্রমে ক্রমে আমরা লেশমাত্র বায়ুর সাহায্যে অন্তরীপের শেষসীমা অতিক্রম করিতে সমর্থ হইলাম । গন্ধবহের মূল আশ্লেষ অঙ্গে অমূলভূত হইতে ছিল না বটে ; কিন্তু তৎসাহায্যে যে কোনও ক্ষিপ্রগামী সুসজ্জিত তরণী সেই নিস্তক জলরাশি ভেদ করিয়া অনায়াসেই মুহূর্ত্তিতে অগ্রসর হইতে পারে ।

* পাঠক, আরব্য উপকূলের উপস্থাপিত রূপকীর্ত্তি ভিষের কথা স্মরণ করুন ।

সমগ্র জুয়ান উপসাগর ও তন্মধ্যবর্তী নৌসেনার বহর ঠিক আমাদের সম্মুখভাগে বিস্তৃত রহিয়াছে। দূর হইতে লৌহময় যুদ্ধপোতগুলি শুকতরু-বেষ্টিত পাহাড়, দ্বীপ বা শিলা সমুচ্চয় বলিয়া ভ্রমোৎপাদন করে।

ক্যানে ও জুয়ান নগরদ্বয়ের মধ্যবর্তী সমুদ্রতীরের উপকূলাংশের অনুমার্গে ধাবমান বাষ্পীয় শকটোদগারিত ধূমরাশি দেখা যাইতেছিল। উপকূলসন্নিহিত প্রদেশমধ্যে এই স্থানটিই বোধ হয় ভবিষ্যতে সর্কাপেকা মনোরম হইয়া উঠিবে।

চারি দিক্ নিস্তরু। দক্ষিণাঞ্চলের এই নীরব প্রাতে মধুস্বতুর সুখোক্ষ কোমল আলোক হৃদয়ে পুলকসঞ্চার করিতেছিল।

এই অল্প সময়ের মধ্যেই আমার বোধ হইতেছিল, যেন সদাব্যস্ত বাক্য-বহুল সংসারক্ষেত্র হইতে আমি বহু দিন—বহু বৎসর আপনাকে বিচ্ছিন্ন করিয়াছি; নিভৃত বাসের অপূর্ণ মাদকতায় আমি ক্রমে ক্রমে আবিষ্ট হইয়া-পড়িতেছি। কোন আকস্মিক বিশৃঙ্খলতা আমার এই নিরবচ্ছিন্ন মধুর বিশ্রামে অতর্কিত বিঘ্ন উৎপাদন করিবে, এরূপ সম্ভাবনা নাই।

শ্বেত বর্ণের ডাকের চিঠি বা নীল বর্ণের তারের খবর বা সান্ধাৎ-প্রয়াসী বন্ধুবর্গের দ্বারদেশে ঘণ্টাধ্বনি বা আমার পালিত কুকুরের চীৎকারশব্দ এই কয়দিন আর কিছুতেই আমাকে ব্যতিব্যস্ত করিয়া তুলিতে পারিবে না। এখন আর কেহ আমাকে ডাকিয়া পাঠাইবে না—নিমন্ত্রণ করিবে না বা আমার অনিচ্ছা সত্ত্বেও আমাকে লইয়া যাইবে না। আর আমাকে শিষ্ট হাসিতে প্রেীড়িত বা ভদ্রতার ভারাক্রান্ত হইতে হইবে না। আমি আমার পক্ষবিশিষ্ট দোহুলামান গৃহে সমুদ্রবক্ষে ভাসিয়া চলিয়াছি। আমার বাতবস্ত্রশোভিত জাহাজখানি পক্ষিনীর গায় সুন্দর, পক্ষিনীড়ের গায় ক্ষুদ্র এবং প্রলম্বিত, মৌশয্যাপেক্ষাও কোমল ও আরামপ্রদ। বায়ুর ইচ্ছামত সেই অনন্ত জল-রাশির উপর যথাতথা বিচরণ করিতেছি। এখন আমি সম্পূর্ণরূপে নিরালস্য ও নিরঙ্কুশ। নৌচালনার ও আমার পার্চর্য্যার জন্ত আত্মাবহ হই জন নাবিক সর্কদা উপস্থিত রহিয়াছে। আমি যে পরিমাণ পুস্তক ও আহাৰ্য্য সামগ্রী আনাইয়াছি, তাহাতে দুই সপ্তাহ নিৰ্ব্বিবাদে কাটিয়া যাইবে। চতুর্দশ দিবস—বৃথা বাক্য অপচয় করিতে হইবে না। কি আনন্দের কথা!

শ্রীগুরুদাস সরকার।

কায় ও ছায়া ।*

(১)

এই পরিবর্তনশীল ও বৈচিত্র্যময় জগৎ দুইটি স্বতন্ত্র জগতের সনষ্টি ; একটি কায়,—অপরটি ছায়া । দুইটিই বিচিত্র, দুইটিই সম্পূর্ণ, দুইটিই আশ্চর্য্য, দুইটিই সুন্দর । জগৎকে দেখিতে হইলে, জগৎকে বুঝিতে হইলে এই দুইটি স্বতন্ত্র জগৎকে দেখিতে হইবে ও বুঝিতে হইবে । ইহার কোনটিকে বাদ দিলে সমগ্র জগৎকে দেখা হয় না । কি বিশাগ, কি ক্ষুদ্র প্রকৃতির প্রতি পদার্থই এই দুইটি জগতের সম্বন্ধে সৃষ্ট । একটি বৃক্ষকে দেখিতে হইলে শুধু তাহার বিশাগতা বা প্রকাণ্ড কাণ্ডটি দেখিলেই চলিবে না ;—সেই বৃক্ষের ছায়াস্বরূপ তাহার ফুল ও তজ্জাত ছায়াটিকেও দেখিতে হইবে । সেইরূপ একটি ফুল ফুলকে বুঝিতে হইলে, তাহার পলাশগুলি গণিলেই হইবে না ;—তাহার কোমলতা, তাহার সৌন্দর্য্য, তাহার সৌরভ ও তজ্জাত ফলটিকেও বুঝিতে হইবে । একটি রমণীকে জানিতে হইলে, তাঁহার যত্নশোভিত দেহলতা ও তাঁহার আকার দেখিলেই হইবে না ;—তদীয় ছায়াস্বরূপ তাঁহার গুণগ্রাম ও তাঁহার অঙ্গশিখটিকেও জানিতে হইবে । প্রকৃতির প্রতি পদার্থেই এইরূপ ; সূত্রাং জগতের যে কোন জিনিসই দেখি না কেন,—যে দুইটি পৃথক্ জগতের সম্বন্ধে তাহাদের সৃষ্টি,—সেই দুইটিকে বুঝিলেই জিনিসটিকে বুঝা হইবে ।

এই দুইটি জগৎ—কায় ও ছায়া,—স্বতন্ত্র হইলেও প্রথমতঃ এক হইয়া থাকে । ভাল করিয়া না দেখিলে মনে হয়—দুইটি নহে,—একটি,—এমনই ? ওতপ্রোতভাবে একটি আর একটির ভিতর নিহিত হইয়া থাকে । কায়ের ভিতর থাকে ছায়া । দুইটি জগৎ স্বতন্ত্র হইলেও আংশিকভাবে একটি অপরটির উপর নির্ভর করে । কায় ও ছায়া—দুইটি লইয়া পদার্থ । ফুল শুধু তাহার আকার লইয়া নহে ;—তাহার ছায়া—তাহার সৌরভ ও ফল প্রথমে তাহারই ভিতর নিহিত থাকে ; সময়ে তাহারা আত্মপ্রকাশ করে । ফুলটি কুঁড়ি হইতে যখন “ফুটি ফুটি” হইয়া ফুটিয়া উঠে, তখনই তাহার ছায়া—তাহার সৌরভ মন দিক আমোদিত করে । আবার আরও একটু ফুটিয়া উঠিয়া সে আপনার আত্মত্বকে স্থায়ী করিবার জন্য প্রধান ছায়া ফলকে প্রসব করে । সেইরূপ

* ‘চুঁচুড়া হিন্দু-সমিতি’র অধিবেশনে গঠিত ।

একটি বৃক্ষের তিতর তাহার ছায়াবরূপ ফুল ও ছায়া (shadow) নিহিত থাকে। প্রথমতঃ ছায়া কায়ার উপর আংশিকভাবে নির্ভর করিলেও দুইটি স্বতন্ত্র স্বতন্ত্র। নিদাঘের মধ্যাহ্নকালে যখন আকাশে প্রথর রবি, পৃথিবী সূর্যের শুভ্র আলোকে আলোকময়, তখন পথের ধারে একটি বৃক্ষের ছায়ার গিয়া বসিও, নিশ্চয় মনে হইবে যে, যে স্থান ব্যাপিয়া সেই ছায়া—সে একটি স্বতন্ত্র স্থান, সেই ছায়া-রেখার পরেই একটি স্বতন্ত্র স্থান, একটি স্বতন্ত্র জগৎ। যখন মনের মধ্যে একটি আলোড়ন, একটি বিপ্লব উপস্থিত হইবে, যখন খাইতে শুইতে উঠিতে বসিতে কিছুই ভাল লাগিবে না, তখন বৃক্ষের ছায়ার গিয়া বসিও,—ভাল লাগিতেও পারে, নাও লাগিতে পারে; কিন্তু সেই বৃক্ষেরই একটি ফুল হাতে লইয়া দেখিও, তাহার “সকল জালা জুড়ানো” সৌরভ গ্রহণ করিও;—মনের সমস্ত জালা জুড়াইয়া যাইবে, সমস্ত কালিমা মুছিয়া যাইবে। তাই বলিতেছিলাম,—কায়া ও ছায়া দুইটি স্বতন্ত্র জগৎ।

পূর্বেই বলিয়াছি, কায়ার তিতর থাকে ছায়া এবং কায়া ছায়াকে প্রসব করে। কায়া তাহার আকার ও তাহার দেহ লইয়া স্বতন্ত্র হইলেও, ছায়ার জননী বলিয়া তাহার গৌরব। কুল যদি সৌরভের ও ফলের প্রসূতি না হইত, তাহা হইলে তাহার এত আদর হইত না। ঋণকালের জন্ত একটি সৌরভহীন পুষ্পের পলাশগুলি, তাহার বণ্টকু ও তাহার আকারটি দেখিতে পারি;—অধিকক্ষণ কি তাহা ভাল লাগে? কিন্তু একটি সুরভি কুমুমকে কাহারও কখনও মন্দ লাগিয়াছে কি? সে ফুলটিকে কত যত্ন করি, কত মূল্যবান বলিয়া মনে করি। কিন্তু সৌরভহীন ফুলটিকে হীন বলিয়া ত্যাগ করিয়া থাকি। ছায়ার জননী নহে বলিয়াই তাহার প্রতি মানবের এইরূপ অনাদর। সকল বিষয়েই এইরূপ দেখিতে পাই। যে পুরুষের গুণ নাই, বিদ্যা নাই, কীর্তি নাই, ধনঃ নাই,—তাহাকে কি কেহ সম্মান করে? যে নারীর গুণ নাই এবং যে নারী ছায়া বা সম্মানপ্রসূতি নহেন, তাঁহাকে কি কেহ আদর যত্ন করিয়া থাকে? তাহা করে না। কিন্তু হিন্দুর ঘরে নববধূর আদর দেখিও। দেখিবে,—সেই ক্ষুদ্র চলজড়িতা বালিকা, সেই পৃথিবীর প্রায় সকল বিষয়ে অনভিজ্ঞা বালিকা, কত যত্নে রক্ষিতা হইয়া থাকে! সেই ক্ষুদ্র বালিকার কি গৌরব, কি মহিমা! কর্তা হইতে বাড়ীর দাসদাসীগণ পর্যাস্ত—গৃহের সকলেই সেই ক্ষুদ্র বালিকার পরিচর্যায় নিযুক্ত, তাহারই জন্ত ব্যস্ত। “হিন্দুর বধূর অসীম গৌরব। কেন না হিন্দুর বধু ভূত ও ভবিষ্যতের

প্রতিফল। বধু বিনা হিন্দুর উত্তরপুরুষের অভাব হয়, এবং উত্তরপুরুষের অভাব হইলেই পূর্বপুরুষেরও অভাব হয়। বধু বিনা বংশের ধারা অবিচ্ছিন্ন থাকে না, সমস্ত কুলস্থিতি ব্যর্থ ও লুপ্ত হইয়া যায়—বর্ধিত ও পরিবর্তনশীল শক্তি ছারখার হইয়া ঐকান্তিক অকর্মণ্যতার পরিণত হয়। পারিবারিক স্থিতি ও বংশাবলীর ধারা বাহিকতা পুণ্যরূপ মহাশক্তির ফল। সেইজন্তই পারিবারিক স্থিতি ও পুরুষের ধারা বাহিকতা হিন্দুদিগের মধ্যে এত প্রার্থনীয় ও এত গৌরবের জিনিস। হিন্দুর বধু সেই পারিবারিক স্থিতি ও ধারা বাহিকতার হেতু বলিয়া তাঁহার গৌরব অসীম।” সেই জন্তই হিন্দু বধুকে দেবীবৎ পূজা করিয়া থাকে।

কায়ার স্বরূপ—তাহার রূপ-রস-গন্ধ—ছায়ার ভিতর থাকে না। কায়ার নিকট হইতে তাহার কিছু না লইয়াই ছায়া সম্পূর্ণ। বৃক্ষের আকার, বৃক্ষের বিশালতা বা ক্ষুদ্রতা বৃক্ষের ফুলে বা ছায়ায় থাকে না। বৃক্ষের আপনার কোন কিছু না লইয়াই ফুল ও ছায়া সম্পূর্ণ,—একেবারে পৃথক্। বৃক্ষের কিছু না থাকিলেও, বৃক্ষের ছায়ার “আকার বড়ই বিশুদ্ধ, বড়ই সূক্ষ্ম, যেন একখানি ছায়া, একখানি স্বপ্ন, একটি কল্পনাময় কল্পনা, আত্মার ত্রায় শুদ্ধ ও সূক্ষ্ম। বৃক্ষের ছায়া বৃক্ষের কাম-ক্রোধ লোভ মোহ-মাৎস্য-বিবর্জিত—বৃক্ষের সূক্ষ্ম, সুন্দর, শুদ্ধ, স্বপ্নবৎ বৃক্ষত্বমাত্র।” বৃক্ষের কিছু না লইয়াই ছায়া সম্পূর্ণ এবং তাহাতেই তাহার গৌরব।

কায়ার অপেক্ষা ছায়ার গৌরব অধিক ; কায়া অপেক্ষা ছায়া বড়। বৃক্ষের কাণ্ড বা তাহার ডালপালা অপেক্ষা বৃক্ষের ফুল ও ছায়াকেই আমরা সমধিক মূল্যবান মনে করি। ফুলের ক্ষুদ্রত্ব বা বৃহত্ত্ব অথবা তাহার পলাশগুলির দৈর্ঘ্য প্রস্থ অপেক্ষা তাহার সেই মনোমুগ্ধকর ও হৃদয়হারী সৌরভটুকু এবং তাহার সমস্ত সফলতা ফলটিকেই অধিক গৌরব করি। ক্ষুদ্র, অতি ক্ষুদ্র, দীন দুর্বাগুলির এক আদর কিসের জন্ত ? তাহার আকারের ক্ষুদ্রতার জন্ত এ আদর কখনই হইতে পারে না ; আকার অপেক্ষা আরও একটি বড় জিনিস আছে—সেটি তাহার বিনয় ও প্রকল্পতা এবং শ্রামল সৌন্দর্য। এই গুণগুলির জন্তই দুর্বাগুলিকে এত পূজার দৃষ্টিতে দেখি,—এত মূল্যবান্ মনে করি। বসন্তের আগমনে তাহার সেই ক্ষুদ্র অঙ্গে বিরাট্ ছায়ার উদগম হইয়া থাকে এবং তাহা “বিন্দিতকুম্মশিখার উচ্ছল হইয়া—সফলা শক্তির কোমল গভীরতার আন্দোলিত হইতে হইতে সমস্ত ধরণীর সহিত আনন্দোৎসবে যোগদান করে” (“It rejoices

with all the earth—glowing with variegated flame of flowers—waving in soft depth of fruitful strength.”) এই দুর্ভাগকে দেখিয়া কবি বলিয়াছেন—“তাহা ঈশ্বরের দান (“Heavenly gift.”); তাহার এই দিব্য সৌন্দর্য্য এত অনন্ত যে যদিও তাহা আমাদের নয়নে কেবল-মাধুর্য্যের অনন্ত ভাণ্ডার, স্নেহপিয়রের বিশেষ হর্ষ; তথাপি আমরা তাহার সমস্ত সৌন্দর্য্য দেখিতে পাই না, আংশিক দেখি।”*

কবি আবার বলিয়াছেন,—“Go out, in the spring-time among the meadows that slope from the shores of Swiss lakes to the roots of their lower mountains. There, mingled with the taller gentians and the white narcissus, the grass grows deep and free; and as you follow the winding mountain paths, beneath arching boughs all veiled and dim with blossom—paths that for ever droop and rise over the green banks and moulds sweeping down in scented undulation, steep to the blue water, studded here and there with new-mown heaps, filling all the air with fainter sweetness—look up towards the higher hills, where the waves of everlasting green roll silently into their long inlets among the shadows of the pines; and we may perhaps, at last know the meaning of the 147 Psalm, ‘He maketh grass to grow upon the mountains,†’ এই যে স্তব, এই যে পূজা—ইহা কিসের স্তব, কিসের পূজা? দুর্ভাগর ক্রুদ্ধ দেহের পূজা কখনই নহে; দুর্ভাগর যে শক্তি, যে সৌন্দর্য্য বিশাল সৌন্দর্য্যের সহিত ছন্দরক্ষা করিয়া চলিতে পারে,—এ সেই শক্তিরই পূজা। ইহা কায়ায় স্তব নহে,—ছায়ার আরাধনা। আবার, সুনীল আকাশের বোল-

* “We may measure to the full depth of this heavenly gift in our own land; though still, as we think of it longer, the infinite of what meadow sweetness, Shakespeare’s peculiar joy, would open on us more and more, yet we have it but in part.”

Ruskin’s “Modern Painters.”

† Ibid.

কলার পরিপূর্ণ স্নানপতির সুগোল, সুডোল আকার অপেক্ষা তাহার উজ্জ্বল জ্যোৎস্নারশির বিশাল হস্ততরঙ্গকেই আমরা অধিক আদরের বলিয়া গ্রহণ করি। যদি কেহ একখানি প্রকাণ্ড, উজ্জ্বল কাঞ্চন থাল লইয়া বলে,—“এই চাঁদ লও”,—তবে আমরা কি তাহা এত আদরের সহিত গ্রহণ করিয়া থাকি? তাহা করি না। আমরা সুধাকরের সুগোল আকারের অপেক্ষা, তদীর জ্যোৎস্নারশিকেই চাহি। সেই জ্যোৎস্নাই আমাদের কাছে একটি স্বপ্ন, একটি মহিমান্বিত জ্যোতিক্রমসব, একটি “কচি ছেলের হুধের হাসি” বলিয়া বোধ হয়। আমরা চাঁদ অপেক্ষা জ্যোৎস্নাকেই মূল্যবান জ্ঞান করি। মানব জগতের পক্ষেও এ কথা বলা যায়। এই যে সে দিন দয়ার প্রতিমা, পরোপকারের মহীয়সী মূর্তি কুমারী নাইটিঙ্গেল ইহলোক হইতে অবসর গ্রহণ করিলেন, আর কবি তাঁহার তিরোধানে আকুল হইয়া গাহিলেন,—

“নিবিড়-নদীর কোলে অপরূপ ইন্দ্রধনু সম
মলিন এ মহীমানে অভিরাম, চির-অনুপম,
তুমি ফটেছিলে দেবি, আপনার স্বর্গীয় প্রভায়
শুচি-স্নাত করি’ এহি পাপে পূর্ণ পঙ্কিল ধরায়।”

এ কাহার জন্ত রোদন বল দেখি? কুমারীর ক্ষীণ-দীর্ঘ দেহ যষ্টির জন্ত ত এ রোদন নহে। তাঁহার যে করুণাময়ী মূর্তি দীন-আর্তজনগণের শুশ্রূষার জন্ত নিরন্ত নিরন্ত থাকিত, যে কল্যাণী প্রতিমা দুইটি ক্ষুদ্র হস্তে পৃথিবীর সমস্ত কালিমা, সমস্ত দৈন্ত, সমস্ত দুঃখ, সমস্ত যাতনা মুছিয়া ফেলিতে চাহিয়াছিল,—এ সেই মূর্তির জন্ত মর্মান্বিত ক্রন্দন; ইহাতে তাঁহার দেহের ইন্দ্র-দীর্ঘত্বের, ক্ষীণ-স্বলত্বের অনুমাত্র উল্লেখ নাই। ইহা কাহার জন্ত আক্ষেপ নহে,—মঙ্গলময়ী ছায়ার জন্যই হৃদয়ভরা আকুল উচ্ছ্বাস! মানুষ কাহার পূজা করে না, ছায়ারই পূজা করিয়া থাকে।

কায়া ক্ষণিক, ছায়া শাশ্বত। কায়া দুইদিন পরে চলিয়া যাইতে পারে, কিন্তু ছায়া চিরদিন থাকিয়া যায়। ছায়ার বিনাশ নাই। আজ এই বিশাল বৃক্ষ আপনার প্রকাণ্ডত্বে গর্ভ অনুভব করিতে পারে, কিন্তু তাহার বিনাশ ঘটবার সম্ভাবনা। কিন্তু ফুলটি তাহার ছায়ার সাহায্যে জগতে প্রব স্থান অর্জন করিতে পারে। রমণী আজ যতই সুন্দরী হউন, যতই লাবণ্যবতী হউন না কেন, তাঁহার তিরোধান আছেই। কিন্তু তাঁহার ছায়া উত্তরোত্তর প্রসার লাভ করিয়া বিশাল ছায়ার পরিণত হয়। তাঁহার ছায়াক্রপী সন্তান উত্তরবংশের

উদ্ভবে প্রসারলাভ করে। ছায়া পবিত্র, ছায়া সুখকর ছায়া আধ্যাত্মিক-ভাবাপন্ন। একটি লাবণ্যবতী ললনার মুখকমল অপেক্ষা, শিশুর দিব্যদীপ্তিপূর্ণ কচি মুখের সরল হাসি কত মধুর, কত প্রীতিপ্রদ, কত পবিত্র, বল দেখি ? রমণীর বিলোল কটাক্ষের উদ্যম চাঞ্চল্য এই ভোগভূমি পৃথিবীর কথাই স্মরণ করাইয়া দেয় ; কিন্তু শিশুর ঢলঢল চোখের ছলছল শান্ত চাহনি সেইরূপ শান্তিপূর্ণ একটি লোকের ছবি মনোমধ্যে উদ্ঘাটিত করে। জ্যোৎস্নালোকে বৃক্ষের ছায়া দেখিলে পাগল হইয়া যাইবে—সে ছায়া জ্যোৎস্নালোকে এতই কল্পনারূপী—এতই ভাবরূপী—এতই আত্মরূপী। সে আলোকে, সে ছায়া কোন কিছু ছায়া বলিয়া মনে হয় না—মনে হয়, সে ছায়া বৃক্ষ ইচ্ছাময়ের সাধের একটি স্বতন্ত্র সৃষ্টি ! সে ছায়া দেখিলে বাহুজগৎ ভুলিয়া যাইতে হয়। সে ছায়া না দেখিলে আধ্যাত্মিকজগৎ কাহাকে বলে বুঝিতে পারা যায় না।

শ্রীযোগেশ্বর চট্টোপাধ্যায়।

প্রকাশ-পীড়ন।

লৌহবর্ষ দিয়া পাপে কর আবরণ,
সে শুধু যাতনারাশি বাড়িবে শরীরে।
ত্রায়ের শান্তি অসি করি বিদারণ,
শোণিতস্রাবের সনে আনিবে বাহিরে।
ছিন্নবাস দিয়া শুধু রাখিলে ঢাকিয়া
কুশাগ্র ছিঁড়িয়া আনে সেই আবরণ।
আবরিতে হয় যদি, ছিন্ন বাস দিয়া
আবরিও ; কমে তাহে প্রকাশ-পীড়ন।

শ্রীকালিদাস রায়।

প্রাচীন ভারতে আর্য্য ও অনার্য্য সভ্যতার কেন্দ্রস্থল ।

—:~:—

[২]

সাময়িক উন্নতি ও রুচি একস্থানে সীমাবদ্ধ থাকিতে পারে না। যে সময় উত্তর ভারত সভ্যতার পূর্ণমূর্তি পরিগ্রহ করিয়া বিরাজ করিতেছিল, সেই সময় দাক্ষিণাত্যের পার্শ্বত্যা সমাজেও উত্তর ভারতের সভ্যতার এবং রুচির স্রোত ধীরে ধীরে প্রবেশলাভ করিতেছিল।

উত্তর ভারতে যখন রাজা দশরথ রাজত্ব করিতেছিলেন, সেই সময় দাক্ষিণাত্যের কিঙ্কিয়া নামক স্থানে অনার্য্য রাজা বালী প্রভুত্ব বিস্তার করিয়া স্বীয় স্বাভাবিক বলবৃদ্ধিতে অরণ্যচর অসভ্য পার্শ্বত্যা জাতিদিগকে শাসন করিতেছিল।

বিলাসিতা উন্নতির ও সভ্যতার লক্ষণ। যে জাতি যত উন্নত ও সভ্য, তাহার বিলাসিতার মাত্রা তত প্রবল। অসভ্য বর্ষের জাতি সভ্যতার সংস্পর্শে আসিয়া বহল পরিত্যাগ করিয়া বস্ত্রের প্রয়োজনীয়তা অনুভব করে, গিরিগহ্বর পরিত্যাগ করিয়া কুটীরের অনুসন্ধানে ফিরে; ভূশয্যা উপেক্ষা করিয়া পর্য্যঙ্কের জন্ত লালসিত হয়; স্বাভাবিক খাদ্য ফলমূলে বীতশ্রদ্ধ হইয়া কৃত্রিম উপায়ে প্রস্তুত আহাৰ্য্যদ্বারা ক্ষুৎপিপাসা নিবারণ করিতে প্রয়াস পায়। ইহা ক্রমোন্নতির লক্ষণ। কিঙ্কিয়ার অসভ্য সমাজ তখন আর্য্য ভারতীয় সমাজের অনুকরণে এইরূপভাবে বিলাসিতার দিকে অগ্রসর হইতেছিল।

কিঙ্কিয়াবাসী এই সময় বহল পরিত্যাগ করিয়া কার্পাস বস্ত্রে লজ্জা নিবারণ করিত, ভূমি-শয্যা ও বৃক্ষ-কোঠর-বাস ত্যাগ করিয়া পর্য্যঙ্কের ব্যবহার করিত। তখন ইহারা আর্য্য সমাজের অনুকরণে কতদূর অগ্রসর হইয়াছিল তাহাদের রাজধানীর গঠন-প্রণালী হইতেই তাহা উপলব্ধ হইবে।

কিঙ্কিয়া একটি পর্বত-গহ্বর। পর্বত-গহ্বর কিঙ্কিয়া অনার্য্যরাজা বালীর রাজধানী—ইহা অতি স্বাভাবিক। কিন্তু ইহা সাধারণ পর্বত-গুহা নহে; একটি সুবৃহৎ দ্বার-বিশিষ্ট, কাঞ্চন-ভূষিত যন্ত্র ও ধ্বজাবলীসমাকীর্ণা পুরী ৫০

—তদা কাঞ্চনভূষণাম্ ।

প্রাণাঃ স ধ্বজযন্ত্রাঢ্যাঃ কিঙ্কিয়াঃ বালিনঃ পুরীঃ ॥

(কিঃ ১৪১৬)

কিঙ্কিয়ার প্রবেশদ্বার অতি বৃহৎ । গুহা রত্নময় এবং কুহুমিত-কানন-সমর্ষিত । গুহার পরম্পর নিকটবর্তী হওয়া এবং প্রাসাদমালার দ্বারে দিব্য বস্ত্রপরিহিত সশস্ত্র বানর-সৈন্য অবস্থান করিয়া দ্বার রক্ষা করিতেছে । চারি দিক অশুষ্ক ও চন্দনগন্ধে সুবাসিত । পথসমূহ মৈরের মধুগন্ধে আমোদিত । প্রাচীরগাত্র বিচিত্র ফটিক ও মণিখচিত । পাঠক, ঐ দেখুন, লক্ষণ সেই বিচিত্র দ্বার অতিক্রম করিয়া কিঙ্কিয়ার অন্তঃপুরের দিকে অগ্রসর হইতেছেন । লক্ষণ ক্রমে সপ্ত কক্ষ অতিক্রম করিয়া আসিয়া সুবর্ণ ও রক্তত নির্মিত মহামূল্য পর্যাক ও উৎকৃষ্ট আসন-শোভিত সুগ্রীবের একান্ত গুপ্ত অন্তঃপুর দেখিতে পাইলেন । (কিঃ—৩৩)

লক্ষণ অন্তঃপুর-দ্বারে উপনীত হইয়া সুর-তাল-লয়-সম্পন্ন সুমধুর সঙ্গীত শ্রবণ করিতে লাগিলেন এবং উত্তম মাল্য ও বেশভূষা সম্পন্ন সুন্দরী প্রমদা-গণকে দেখিতে পাইলেন । (কিঃ—৩৩)

ইহাই অনার্থ্য অর্ক সভ্যতার কেন্দ্রভূমি কিঙ্কিয়ার চিত্র । এই চিত্র অস্বাভাবিক নহে । কিঙ্কিয়ার বর্ণনা পাঠ করিলে স্বভাবতঃই মনে হয়, কিঙ্কিয়া একটি পর্বতগহ্বর এবং সুগ্রীবের গুপ্ত বিলাসকক্ষ আরও আভ্যন্তরীণ গুপ্ত স্থান । লক্ষণ যে সপ্ত কক্ষ অতিক্রম করিয়াছিলেন তাহা-পর্বতের বিভিন্ন অংশ ও গহ্বর ব্যতীত আর কিছুই নহে ; কেন না, লক্ষণ কিঙ্কিয়ার প্রবেশদ্বার অতিক্রম করিয়া গুপ্ত অন্তঃপুরে যাইতে যাইতে পথে অগ্ন্যস্ত্র বানরগণের বাসস্থান (গৃহ) ও গিরি নদী সকল দেখিয়া গিয়াছিলেন । (কিঃ—৩৩)

কিঙ্কিয়ার অনেক প্রাসাদ ও প্রাচীরের উল্লেখ দেখিতে পাওয়া যায় ।

“বিদ্যামেক গিরি প্রৈথ্যে: প্রাসাদৈনৈক ভূমিভিঃ ।”

এইগুলি পর্বতের স্বাভাবিক প্রস্তর-নির্মিত প্রাসাদাকার গুহা ও প্রস্তর-প্রাচীর । এই সকল প্রাচীর ও গুহাপ্রাসাদের বর্ণনার দোঁখিতে পাওয়া যায় যে, এগুলি সুবর্ণ, ফটিক ও মণিময় ছিল । অসভ্য অরণ্যচরদিগের পক্ষে রত্নসংগ্রহ হুঃসাধ্য বলিয়া মনে হয় না ।

দাক্ষিণাত্যের বানর-সমাজ তখন এইরূপ আর্ধ্য সমাজের অনুকরণে ক্রমোন্নতির পথে অগ্রসর হইতে ছিল ।

যাহারা ইলোরা, অজন্তা প্রভৃতি গুহাবলীর বিচিত্রতা প্রত্যক্ষ করিয়াছেন, তাহারা কিঙ্কিয়ার প্রাসাদ-প্রাচীর কল্পনানেত্রে দর্শন করিতে সমর্থ হইবেন ।

এইবার আমরা অনাৰ্য্য পূৰ্ণ সভ্যতার চিত্র প্রত্যক্ষ করিব । সেই অনাৰ্য্য পূৰ্ণ সভ্যতার কেন্দ্রভূমি লঙ্কা । লঙ্কার অনাৰ্য্য সভ্যতার পূৰ্ণ বিকাশ ও বিলাসিতার পূৰ্ণ চিত্র দেখিতে পাওয়া যাইবে ।

কাঞ্চনেনাবৃত্তাং রম্যাং প্রাকারেণ মহাপুরীম্ ।

গৃহৈশ্চ গিরিসঙ্কটৈঃ শারদাষুদসন্নিভৈঃ ॥ ১৬

পাণ্ডুরাভিঃ প্রতোলীভিরুচ্চাভিরভিসংবৃত্তাম্ ।

অট্টালকশতাকীর্ণাং পতাকাধ্বজ শোভিতাম্ ॥ ১৭

তোরণৈঃ কাঞ্চনৈর্দিব্যলতাপংক্তি বিরাজিতৈঃ । (স্কন্দরা—২)

ইহাই লঙ্কা । হনুমান দূর হইতে এই লঙ্কা দর্শন করিলেন ।

কবিগুরু বায়ীকি এই লঙ্কাকে “কনক লঙ্কা” বলিয়া উল্লেখ করিয়াছেন । কনক লঙ্কা দ্বীপের মধ্যে অবস্থিত একটি নগরী, ত্রিকুট পর্বতের শীর্ষদেশ-সংস্থাপিত এবং চতুর্দিকে পরিখাবেষ্টিত ।

আমরা কবির লেখনী-মুখে বর্ণিত লঙ্কার বর্ণনা সংক্ষেপে এইস্থানে উদ্ধৃত করিলাম ।

লঙ্কার চারিদিকে চারিটি দৃঢ় কপাটবদ্ধ বৃহৎ দ্বার । দ্বার সকলের মধ্যদিকে বাণ, শিলা ও শত শত লৌহময় শতদ্বী স্থাপিত রহিয়াছে । পুরীর চারিদিকে ছল্‌ছল স্বর্ণ প্রাচীর, প্রাচীরের পর ভয়ানক কুস্তীরসমাকুল ও অগাধ বারি-রাশিপরিপূর্ণ পরিখা । পরিখার উপর চারিদ্বারে চারিটি সুপ্রশস্ত কৃত্রিম সেতু, এই কৃত্রিম সেতু প্রাকারোপরি যন্ত্রদ্বারা রক্ষিত, শক্রসৈন্য কোন প্রকারে সেতুতে উঠিলে তাহাদিগকে যন্ত্রসাহায্যে সেই নক্রকুস্তীরসকুল পরিখাজলে নিমজ্জিত করা হয় । লঙ্কার নদীদুর্গ, পর্বতদুর্গ, বনদুর্গ ও কৃত্রিম দুর্গ এই চারি প্রকারের দুর্গ আছে । (লঙ্কা—৩)

নগরীর রাজপথসমূহ অতি বিস্তৃত ও প্রাসাদমালাশোভিত । সেই প্রাসাদাবলী স্বর্ণনির্মিত স্তম্ভ ও গবাক্ষ সকলে শোভিত । স্থানে স্থানে স্ফটিকাদি রত্নসমূহে খচিত সপ্তভোম ও অষ্টভোম গৃহ বিরাজিত । (স্ক—২)

নগর বেদীকাসমূহে শোভিত । বেদিকাসমূহ স্ফটিক, মণিমুক্তা, বৈদূর্য্য-মণি প্রভৃতি বিবিধ রত্নে অর্জিত । বেদীর উপর কোথাও বৃক্ষশ্রেণী, কোথাও ধাতুনির্মিত মূর্ত্তি শোভিত ছিল । প্রাচীরের কুটুমসমূহ মণিময়, উপরিভাগ রৌপ্যের স্তায় পাণ্ডুর বর্ণ । সোপানশ্রেণী বৈদূর্য্যমণিনির্মিত । স্থানে স্থানে গোষ্ঠ ও বস্ত্রালয়সমূহ স্থাপিত । (স্ক—৩)

রাজপথগুলি কুম্ভাকীর্ণ, সেই রাজপথের পাশে হীরকখচিত বাতায়ন-সম্বিত বজ্রাকার ও অক্ষুশাকার মেঘস্পর্শী গৃহাবলী শোভিত। ইত্যন্তঃ পদ্মাকার * ও স্বস্তিকাকার † গৃহসমূহ বিরাজিত। (সু—৪)

এতদ্ব্যতীত স্থানে স্থানে পানগৃহ, পুষ্পবাটী, চিত্রশালিকা, ক্রীড়াভূমি, বিমান, দিবাবিহার গৃহ, রতিগৃহ, কাষ্ঠনির্মিত কৃত্রিম ক্রীড়া পর্বত, গুপ্ত গুপ্ত, চৈত্যাশ্রাসাদ, যজ্ঞভূমি প্রভৃতি বিরাজিত। লঙ্কার রাজগৃহও বহুকক্ষ-সম্বিত ছিল।

ইহাই লঙ্কার সংক্ষিপ্ত চিত্র। অযোধ্যার ঞায় লঙ্কারও বিভিন্ন গৃহের পৃথক পৃথক বর্ণনা আছে। কিন্তু লঙ্কার চিত্র অযোধ্যার চিত্র অপেক্ষা বহু পরিমাণে উন্নত ও ঐশ্বর্যশালী।

পাঠক এইবার রাবণের শয্যাগৃহের বিচিত্রতা অবলোকন করুন। রাবণের শয়নগৃহে স্ফটিক-নির্মিত বিচিত্র বেদী। ঐ বেদী স্থানে স্থানে রত্নখচিত ও একান্ত রমণীয়। বেদীর উপর নীলকান্ত মণিময় পর্য্যঙ্ক। পর্য্যঙ্কের পদ-সমূহ হস্তীদন্তে রচিত ও স্বর্ণমণ্ডিত। পর্য্যঙ্কের উপর মহামূল্য আস্তরণ। সেই মহামূল্য আস্তরণের উপর সুচিকণ আস্তরণ আস্তীর্ণ। পর্য্যঙ্কের এক স্থানে উজ্জলশ্বেত ছত্র—অগ্ৰত্ৰ বালব্যজনহস্ত অবিরাম ব্যজন করিতেছে। শয্যা বিবিধ সৌরভে সুবাসিত। অদূরে স্বর্ণ প্রদীপের উজ্জল শিখা জলিতেছে।

লঙ্কার রাজপথগুলি ও শয়ন কক্ষের ঞায় সমস্ত রাত্রি দীপালোকে আলোকিত থাকিত।

“তাং নষ্টতিমিরাং দীপৈর্ভাস্বরৈশ্চ মহাগৃহৈঃ।”

এই আলোক তৈল প্রদীপের কি তাড়িতালোকের তাহার কোন উল্লেখ নাই। রাবণের শয্যাগৃহে বাল-ব্যজন-হস্তে সমস্ত রজনী অনবরত ব্যজন হইত। রামায়ণের টীকাকাররা ইহা যজ্ঞপুস্তলিকার কার্য্য বলিয়া ব্যাখ্যা করিয়াছেন। লঙ্কার প্রায় প্রতি স্থানেই স্বস্তিকের উল্লেখ দৃষ্ট হয়। স্বস্তিকের সাহায্যে বহু কৃত্রিম পদার্থের নিশ্চারণের উল্লেখও লঙ্কার বিভববর্ণনার দেখা যায়। কৃত্রিমতা সভ্যতার উন্নত পর্য্যায়ের আর একটি লক্ষণ। ইহা ধর্ম্মোন্নত জাতির পক্ষে না হইলেও বিলাসোন্নত জাতির পক্ষে উন্নতির লক্ষণ সন্দেহ নাই।

* পদ্মাকার গৃহ—দক্ষিণদিকের পূর্ব পশ্চিম উত্তর দিকের দ্বারযুক্ত গৃহ।

† স্বস্তিকাকার গৃহ—পূর্বদিকের উত্তর দক্ষিণ পশ্চিম দিকের দ্বারযুক্ত গৃহ।

লঙ্কার বিচিত্র চিত্রশালিকা ব্যতীত একটি কৃত্রিম বাহুকর (museum) ছিল। ঐ গৃহের এক পার্শ্বে নানারূপ পুষ্প ও বৃক্ষলতাদিপূর্ণ কৃত্রিম শৈল, একস্থানে বিচিত্র গৃহ, একস্থানে উৎপলশোভিত কৃত্রিম সরোবর, কোথাও বৈদূর্য্যমণিখচিত কৃত্রিম বিহঙ্গ—রৌপ্য ও প্রবাল নির্মিত পক্ষী, রত্নময় ভূষক, কৃত্রিম অশ্ব, সুবর্ণ ও প্রবালখচিত বিচিত্রপক্ষ পতঙ্গ। একস্থানে সরোবরে হস্তিসমূহ-অতিবেক-নিবুদ্ধ কমলার মূর্তি নির্মিত ছিল। এই বাহু-গৃহের চিত্র অত্যন্ত সভ্যতার নিদর্শন।

আমরা বাহুল্য বিবেচনায় লঙ্কার সভাগৃহ, সৈন্ত্যবাস, অপরাপর রাজপুত্র-গণের বাসভবন ও অশোক বন প্রভৃতির উল্লেখ হইতে বিরত রহিলাম।

লঙ্কার চিত্র বিলাসিতার ও ঐশ্বর্যের পূর্ণ চিত্র প্রকটিত করিয়া দেয়।

যাহারা মোগল ঐশ্বর্যের ক্ষীণ অস্তিত্ব প্রত্যক্ষ করিয়াছেন—তাজমহল—মতি মসজিদ, সীমমহল—যাহারা দর্শন করিয়াছেন তাঁহারা লঙ্কার এই বিপুল ঐশ্বর্যের ও বর্ণনার ক্ষীণ আভাস হৃদয়ঙ্গম করিতে সমর্থ হইবেন।

শ্রীকেদারনাথ মজুমদার।

তদাত ।

সবার জীবন দিয়া, তুমিই কেবল
কোথায় রহিলে পড়ি' মৃতের মতন ;
সবারি মূর্তি সৃষ্টি', হে শুদ্ধ নিম্মল !
আপন মূর্তি কোথা করিলে গোপন ?
কত খুঁজিয়াছি, কতু পাই নাই দেখা ;
কত ডাকিয়াছি, কতু পাই নাই সাড়া ;
চকিতে কুটিছে তবু রামধনু-রেখা !
হৃদাকাশে ; ঝরে তবু করণার ধারা !
কেমনে জাগ্রত, এই বিশ্ব চরাচর
অনন্ত অসীম শূন্যে চির নির্ঝিকার ?
তারি মাঝে তুমি নাই ? ওগো প্রাণেশ্বর ।
করিছ না খেলা তবে তুমিই তোমার ?
বল;—দেব ! মোরে আর করোনা নিরাশ •
—এই প্রাণ, তুমি ; দেহ, তোমারি আবাস ।

শ্রীধীরেন্দ্রলাল চৌধুরী ।

অশোকের রাজকার্য ও শাসন-পদ্ধতি ।

—:—

মহারাজ অশোকের অশুশাসন হইতে তাঁহার রাজকার্য ও শাসন-পদ্ধতি স বিশেষ অবগত হওয়া যায় না; রাজ-কার্য পরিচালনার্থ অশোক যে সকল নূতন পদ্ধতি বা প্রণালী প্রবর্তিত করিয়াছিলেন, কেবলমাত্র সেই সকলের সংক্ষিপ্ত পরিচয় পাওয়া যায় ।

গ্রীক দূত মেগাস্থিনিস পাটলিপুত্রে চন্দ্রগুপ্তের রাজ সভায় বহুদিন অতিবাহিত করিয়াছিলেন । তিনি যে অতিশয় সূক্ষ্মদর্শী ছিলেন, তাঁহার লিখিত ভারতের বিবরণীই তাহার প্রমাণ । যদিও তিনি তাঁহার রচিত বিবরণীর কোন কোন স্থলে অনবধানতার পরিচয় দিয়াছেন, তথাপি তাঁহার বিবরণী হইতে তৎকালে রাজকার্যের ও শাসন-পদ্ধতির যে বিস্তারিত পরিচয় পাওয়া যায়, তাহা সম্পূর্ণ বিশ্বাস্য । মেগাস্থিনিস বিদেশীয় ; তিনি বহু দূর হইতে ভারতে আগমন করিয়াছিলেন । বিদেশীর দৃষ্টিতে, বিদেশীর নিকটে পাটলিপুত্রে রাজকার্য এবং জনসাধারণের রীতি-নীতি, আচার ব্যবহার,—সকলই নূতন বোধ হইয়াছিল । তাই এই সকল বিষয় অতি বিশদ ভাবে তাঁহার বিবরণীতে স্থান-লাভ করিয়াছে ।

মৌর্য সম্রাট অশোকের রাজকার্য ও শাসন-প্রণালী জানিতে হইলে, আমাদেরকে প্রথমতঃ এই বিবরণীর সাহায্য লইতে হইবে । তদন্তিম ইদানীং মহীশূর হইতে চাণক্য প্রণীত অর্থ-শাস্ত্র অভিধেয় একখানি গ্রন্থ প্রকাশিত হইয়াছে । চাণক্যই চন্দ্র গুপ্তকে পাটলিপুত্রে সিংহাসনে প্রতিষ্ঠিত করেন । তিনি চন্দ্রগুপ্তের প্রধান অমাত্য ছিলেন । শুধু রাজকার্যে নহে, সকল বিষয়েই চাণক্য চন্দ্র গুপ্তের দক্ষিণ হস্ত ছিলেন বলিলেও অত্যাুক্তি হয় না । সেই বহুদর্শী, বিচক্ষণ, রাজনীতিজ্ঞ চাণক্যের অর্থ-শাস্ত্র পাঠে তৎকালের রাজকার্য-সংক্রান্ত দাবতীয় তথ্য অবগত হওয়া যায় । সুতরাং দেখা যাইতেছে, চন্দ্রগুপ্তের শাসন-প্রণালী সেই সময়ের দুই জন প্রধান বিজ্ঞ ব্যক্তি লিখিয়াছেন; তন্মধ্যে এক জন বিদেশীয়, বিদর্শী গ্রীক ; বিদেশীর দৃষ্টিতে যেমন দেখিয়াছেন, যেমন বুঝিয়াছেন সেইরূপ লিখিয়াছেন । দ্বিতীয় ব্যক্তি স্বদেশীয়, স্বদর্শী—রাজ্যের প্রধান অমাত্য । তিনি স্বয়ং শাসন-প্রণালীর বিশেষ পরিবর্তন করিয়াছিলেন, অনেক নূতন বিধি-নিষেধ প্রচলিত করিয়াছিলেন—সুতরাং তাঁহার

প্রণীত পুস্তক যে প্রামাণিক তাহাতে সন্দেহ নাই। কিন্তু আশ্চর্যের কথা—এই উত্তর পুস্তকের নিবৃত্ত বিবরণীর মধ্যে অনেক স্থলেই মিল আছে, অনেক বিবরণ উত্তর পুস্তকেই লিপিবদ্ধ হইয়াছে।

আমাদের বিশ্বাস, চাণক্যের বা মেগাস্থিনিসের সময়ে মৌর্য সাম্রাজ্যের যেরূপ শাসন-প্রণালী ছিল, অর্ধ শতাব্দী পরে মহারাজ অশোকের রাজত্ব কালেও তাহা সমভাবে চলিয়া আসিয়াছিল,—তাহার বিশেষ কোন পরিবর্তন হয় নাই। তবে অশোক তাহার বিশাল সাম্রাজ্য সুশৃঙ্খলার সহিত পরিচালিত করিবার জন্ত এবং স্বয়ং বৌদ্ধধর্ম গ্রহণ করিয়াছিলেন বলিয়া, শাসন-প্রণালীর যৎকিঞ্চিৎ পরিবর্তন ও সংস্কার করিয়াছিলেন। তাহার অনুশাসনসমূহ এই বিষয়ে সাক্ষ্য-প্রদান করিতেছে।

৫ ম গিরি লিপিতে প্রকাশ, পাটলিপুত্র অশোকের রাজধানী ছিল। এই নগর পুষ্পপুর, কুম্ভমপুর, পালিবোথু প্রভৃতি ভিন্ন ভিন্ন নামেও অভিহিত হইয়াছে। মেগাস্থিনিস্ লিখিয়াছেন,—গঙ্গা ও হিরণ্যবাহু বা শোন নদের সঙ্গমস্থলের কিঞ্চিৎ দূরে গঙ্গাসৈকতে পাটলিপুত্র অবস্থিত ছিল। এই নগর দৈর্ঘ্যে ৮০ ষ্টাডিয়া বা প্রায় ৯ মাইল এবং প্রস্থে ১৫ ষ্টাডিয়া বা দেড় মাইল; নগরের আকৃতি একটি সমান্তরৈখিক ক্ষেত্রের স্থায়। নগরের চারিদিক পরিখা-বেষ্টিত ছিল। এই পরিখার বিস্তার ৪০০ হস্ত এবং ইহার গভীরতা ৩০ হস্ত। পরিখার পরে আবার একটি সুদৃঢ় কাষ্ঠময় প্রাচীর দ্বারা নগর রক্ষিত হইত। প্রাচীরের চারিদিকে ৬৪টি তোরণ ও ৫৭০টি বুরুজ ছিল এবং বাগনিক্ষেপের জন্য প্রাচীর-গাত্রে নানা স্থানে ক্ষুদ্র ক্ষুদ্র ছিদ্র ছিল। মেগাস্থিনিস্ লিখিয়াছেন, নগরের মধ্যস্থলে নান বৃক্ষগতাদি পরিপূর্ণ একটি সুরম্য উদ্যানের মধ্যে কাষ্ঠনির্মিত রাজপ্রসাদ শোভা পাইত।

ফাণ্ডসন্ প্রমুখ পাশ্চাত্য পুরাতত্ত্ববিদগণের বিশ্বাস যে, আলেকজান্ডার ভারতে আগমন করিবার পূর্বে, ভারতে প্রস্তর-স্থাপত্য প্রচলিত ছিল না। ভারতবাসী ব্যাকট্রিয়ান গ্রীকগণের সংস্পর্শে আসিয়া তাহাদিগের নিকটে প্রস্তর-স্থাপত্য শিক্ষা করে এবং অশোকের সময় হইতে ভারতে প্রস্তর-নির্মিত অট্টালিকার প্রচলন হয়। এখনও ব্রহ্ম, শ্রামে ও জাপানে কাষ্ঠদ্বারা যেরূপ অট্টালিকা ও প্যাগোডা নির্মিত হয়, তৎপূর্বে সেইরূপ কাষ্ঠময় হর্ম্মা নির্মিত হইত।

'Cave Temples of India' নামক পুস্তকে ফাণ্ডসন্ লিখিয়াছেন—

"No stone building is known to exist or any cave

possessing any architectural character whose date can be extended back to the time when Alexander the Great visited India.....that nothing that can properly be called architecture is to be found there (in India) till considerably after Alexander's time.....that the history of Art in India begins with.....the introduction of Buddhism as a state religion under Asoka in the middle of the 3rd century B. C.....that stone architecture commenced in India only 250 years before Christ"

ডাক্তার রাজেন্দ্রলাল মিত্র মহাশয় তাঁহার প্রণীত 'Antiquities of Orissa' নামক গ্রন্থে এই মত খণ্ডন করিয়াছিলেন। তিনি স প্রমাণ করিয়াছেন যে, ভারতীয় প্রস্তর স্থাপত্য যত দিনেরই পুরাতন হউক না কেন, ইহা গ্রীক বা এসিয়ার স্থাপত্য হইতে সম্পূর্ণ স্বতন্ত্র। ভারতীয় স্থাপত্যের নিয়ম, প্রকার ও গঠন-প্রণালী সম্পূর্ণ বিভিন্ন; ইহা সম্পূর্ণ স্বদেশীয় এবং বিদেশীয় প্রভাব-বর্জিত। স্থানভেদে ও কালভেদে এই স্থাপত্যের রূপভেদ হইয়াছে বটে, কিন্তু ইহার মৌলিক বিষয়ত্ব বিন্দুমাত্রও পরিবর্তিত হয় নাই। সুতরাং আমরা যে গ্রীকগণের নিকট প্রস্তর স্থাপত্য শিক্ষা করিয়াছি, এই কথা স্বীকার করা যায় না। আবার মিঃ ফাণ্ডসন্ ও ক্যানিংহাম স্বীকার করিয়াছেন যে, উড়িষ্যার খণ্ডগিরির ও উদয়গিরির হস্তিগুম্ফ এবং বিহারের রাজগৃহস্থিত 'রাজা জরাসন্ধের বৈঠক' অভিধেয় প্রস্তর-হর্গ শাক্য বুদ্ধের জন্মের পূর্বে নির্মিত। সুতরাং, অশোকের অন্ততঃ দুই শত বৎসর পূর্বেও যে ভারতে প্রস্তরগৃহ নির্মিত হইত, তাহা তাঁহারাও একরূপ স্বীকার করিয়াছেন। পুরাতত্ত্ববিদ ৬পূর্ণচন্দ্র মুখোপাধ্যায় মহাশয় নেপালের তরাই প্রদেশে গোরক্ষপুর জিলায় কপিলাবস্তুর ধ্বংসাবশেষ আবিষ্কার করিয়াছেন। তথায় বুদ্ধদেবের সময়ের ও তাহার পূর্ববর্তী কালের প্রস্তর হস্ত্যের ভগ্নাবশেষ বাহির হইয়াছে। এই সকল কারণে স্পষ্টই প্রতীয়মান হয় যে, প্রস্তর স্থাপত্য বহুকাল হইতে ভারতে প্রচলিত ছিল; তবে হইতে পারে যে, অশোকের সময় হইতে ইহার প্রচলন বহুল পরিমাণে বর্ধিত হইয়াছিল।

চন্দ্রগুপ্তের রাজপ্রাসাদ কাষ্ঠনির্মিত হইলেও, বৃহৎ সুবর্ণরঞ্জিত স্তম্ভসকল তাহার শোভা বর্ধন করিত। সেই সকল স্তম্ভে সুবর্ণের লতাপত্রের মধ্যে

রোগের শকীসকল অঙ্কিত ছিল। এই প্রাসাদের বিচিত্র কারুকার্য ও চিত্র-নৈপুণ্য দর্শন করিয়া মেগাস্থিনিন্স বিমোহিত হইয়াছিলেন।

অশোক নিজ বাসস্থানের নিমিত্ত সুন্দর কারুকার্যশোভিত একটি মনোহর প্রস্তরময় রাজপ্রাসাদ প্রস্তুত করাইয়াছিলেন। পঞ্চম শতাব্দীর প্রারম্ভে চীন পরিব্রাজক ফাহিয়ান্ যখন পটলিপুত্রে আগমন করিয়াছিলেন, তখনও এই অশোক-নির্মিত রাজপ্রাসাদ বিদ্যমান ছিল। সেই প্রাসাদের বৃহৎ আকৃতি ও গঠন-নৈপুণ্য দেখিয়া তৎকালের লোকে বলিত যে, উপদেবতায় এই অট্টালিকা প্রস্তুত করিয়াছে ;—নতুবা মনুষ্যের এমন সাধ্য নাই যে, এইরূপ প্রস্তরময় অট্টালিকা নির্মাণ করে। এইরূপ জনশ্রুতিহেতু ফাহিয়ান্ লিখিয়াছেন,—

“The royal palace and halls in the midst of the city which exist now -- as of old, were all made by spirits which he employed and which piled up the stones, reared the walls and gates and executed the elegant carving and inlaid sculpture-work in a way which no human hands of this world could accomplish.” *

এই পরিবর্তনশীল জগতে কিছুই চিরস্থায়ী নহে। বহুকাল যাবৎ কালের কঠোর নিষ্পেষণ সহ্য করিয়া সেই পাটলিপুত্র নগর ও ‘রাক্ষস-নির্মিত’ রাজপ্রাসাদ কোথায় বিলীন হইয়াছে! “সে রামও নাই, সে অযোধ্যাও নাই।”—আছে কেবল স্মৃতি। যে রাজপ্রাসাদ একদিন ‘দীপ্ততাম্, ভূজ্যতাম্’ শব্দে মুখরিত হইত, আজ সেইস্থানে পাটনার “কুমরাহা” পল্লীবাসী দরিদ্র কৃষকগণ নিদাঘের প্রচণ্ড সূর্য্য-কিরণ এবং বর্ষার অবিশ্রান্ত বারিপাত মস্তকোপরি অকাতরে বহন করিয়া, এক মুষ্টি অন্নের জন্ত শস্তক্ষেত্রে হুলচালনা করিতেছে।

বিহারের আধুনিক পাটনা সহর আজকাল যে স্থানে অবস্থিত, পূর্বে সেইস্থানে মৌর্যরাজধানী পাটলিপুত্র ঐশ্বর্য্যভরে স্কীতবক্ষে বিরাজ করিত। যে শোন নদ তৎকালে রাজধানীর পাদ বিধৌত করিয়া প্রবাহিত হইত, বহুকাল হইতে তাহার গতির পরিবর্তন হইয়াছে। এক্ষণে দানাপুরের ৮১০ মাইল উত্তরে শোন, গঙ্গার সহিত মিলিত হইতেছে। কিন্তু নদীতীরস্থিত ঘাট ও সোপানের ভগ্নাবশেষ লক্ষ্য করিয়া এখনও শোনের পূর্বগতি নির্দেশ করিতে পারা যায়। পাটনা, বাঁকিপুর ও তাহাদের পার্শ্ববর্তী গ্রামগুলি

* Buddhist Records of the Western World by S. Beal.

যে ভূমিখণ্ড ব্যাপিয়া রহিয়াছে, সেই স্থানের উপরেই পূর্বে পাটলিপুত্র বিরাজিত ছিল ।

এই ভূখণ্ডের নানাস্থান খনন করিয়া ভূমধ্য হইতে বড় বড় কাঠগড়া বাহির করা হইয়াছে । এই সকল কাঠগড়াদ্বারা প্রাচীন পাটলীপুত্র সুরক্ষিত ছিল । অশোক-নির্মিত প্রস্তরস্তম্ভের ভগ্নাংশও বিভিন্ন স্থান হইতে উখিত হইয়াছে । তদ্বিিন্ন পাটনার নিকটস্থ কমলদা নামক স্থানের জৈন মন্দির হইতে একখানি উৎকীর্ণ প্রস্তরলিপি আবিষ্কৃত হইয়াছে । এই ফলকে খোদিত আছে,—

“সংবৎ ১৮৪৮ বর্ষং মার্গশির বদি ৫ সোমবাসরে শ্রী পাটলীপুর বাস্তুব্য শ্রী সকল সংঘ সমুদায়েন শ্রীস্বর্ণভদ্র স্বামিজী প্রমাদশ্চ কারাপিতং কাৰ্য্যশ্চাগ্রং সুরীশ্রীতপাগচ্ছীয় শ্রীকৈঃলোড়া শ্রী গুণাবচন্দজী প্রতিষ্ঠিতং সকলসুরভিঃ ।”

এই প্রস্তরলিপি হইতে বুঝা যাইতেছে যে, ১৮৪৮ সম্বতে অর্থাৎ ১৭৯১ খৃষ্টাব্দে উক্ত মন্দির প্রতিষ্ঠিত হইয়াছিল । তৎকালে পাটনার নিকটবর্তী স্থান পাটলীপুর নাম অভিহিত হইত । সুতরাং বর্তমান পাটনাতেই যে প্রাচীন পাটলিপুত্র বা পাটলিপুত্র অবস্থিত ছিল, এই ফলকও তাহার অগ্রতম প্রমাণ ।

পাটনা ও বাঁকিপুর আজ কাল সুবৃহৎ অট্টালিকা ও পণ্যবীথিকা পরিপূর্ণ বহু জনাকীর্ণ সমৃদ্ধিশালী জনপদ । কাষেই ঐ স্থানের মৃত্তিকা খনন করিয়া ভূগর্ভ হইতে পাটলিপুত্রের ভগ্নাবশেষ ও ভিত্তি উদ্ধৃত সহজসাধ্য নহে । রেল পথের দক্ষিণ পার্শ্বস্থিত কুমরাহা নামক ক্ষুদ্র পল্লীর সন্নিকটস্থ স্থান কয়েক বৎসর পূর্বে খনন করা হইয়াছিল । যে সকল নিদর্শন মাটির ভিতর হইতে বাহির হইয়াছে তাহাতে স্পষ্টই মনে হয় যে, এই পল্লীর নিকটে অশোকের রাজপ্রাসাদ বিদ্যমান ছিল । এই স্থান পুনরায় খনিত হইলে, অশোকের বহুতর কীর্ত্তিকলাপের চিত্র আবিষ্কার দ্বারা হইয়া ভারত-ইতিহাসে যুগান্তর উপস্থিত করিতে পারে ।

তখন ভারতবর্ষ আজকালকার মত দরিদ্র ছিল না ; ভারত মাতা তখন প্রকৃতই রত্নগর্ভা ছিলেন । তাই, রাজার অতুল ঐশ্বর্য্য এবং রাজ সভার বিপুল ধনরত্ন বিদেশীয় মেগাস্থিনিদের নয়মে ধাঁধা লাগাইয়াছিল । কারুকাৰ্য্য-শোভিত সিংহাসন, সুবৃহৎ স্বর্ণময় পান-পাত্র, বহুমূল্যমণিমুক্তখচিত বস্ত্রালঙ্কার রাজসভার শোভা বর্ধন করিত । রাজা সুবর্ণ-যানে আরোহণ করিয়া নগর-ভ্রমণে বাহির হইতেন ; শত শত সভাসদও সুবর্ণ-শিবিকায় তাঁহার অনুগমন করিত । বস্ত্রালঙ্কারভূষিতা মহিষীও স্বীয় সখীগণপরিবৃত্তা হইয়া

রাজ্যের সহিত গমন করিতেন । বিদেশীর চক্ষুতে এই সকল বিসদৃশ বোধ হইয়াছিল ।

চাণক্য লিখিয়াছেন, রাজা সিংহাসনে, রথে বা অন্য কোন স্থানে—যে স্থানেই অবস্থান করুন না কেন—সকল সময়েই রাজপরিচারিকাগণ, ছত্র চামর, ও সুবর্ণময় পান-পাত্র ধারণ করিয়া তাঁহার পরিচর্য্যার নিযুক্ত থাকিত । ইহা ভারতে প্রাচীন প্রথা । কারণ মনুসংহিতায় লিখিত আছে,—

“পরীক্ষিতাঃ স্ত্রিয়শ্চেনং ব্যজনোদকধূপনৈঃ ।

বেশাভরণসংস্কৃতাঃ স্পৃশেয়ুঃ স্তুসমাহিতাঃ ॥”

সুপরীক্ষিতা, নিয়মিতবেশাভরণভূষিতা স্ত্রী লোকেরা চামর ব্যজন, পানীর জল এবং ধূপন দ্বারা নৃপতির পরিচর্য্যা করিবে ।

মল্লযুদ্ধ, পশুযুদ্ধ প্রভৃতি নানাবিধ ক্রীড়া কোতুকে রাজা যোগদান করিতেন ; কিন্তু যুগরায়ী তাঁহার প্রধান ব্যয় ছিল । রাজা যুগরায় বহির্গত হইবার পূর্বে রাজপথে জনতা রুদ্ধ করিবার উদ্দেশ্যে পথের দুই পার্শ্ব রজ্জু দিয়া ঘেরা হইত । মহিলাগণ ধনুর্ধার ধারণ করিয়া যোদ্ধাবেশে রাজ্যের সহিত গমন করিতেন । ইহারা পথের জনতা নিবারণ করিয়া যুগরায়াত্রীদিগের পথ সুগম করিত । যদি কোন ব্যক্তি ঘটনাক্রমে রজ্জু অতিক্রম করিয়া রাস্তার মধ্যে প্রবেশ করিত, তাহা হইলে তাহার আর নিস্তার নাই ;—তখন প্রাণদণ্ডই তাহার একমাত্র শাস্তি । অত্যাচ্য আরও দুই চারিটি বিষয়ে এইরূপ লঘুপাপে গুরুদণ্ডের ব্যবস্থা ছিল ।

অশোক রাজদণ্ড গ্রহণ করিয়া কয়েক বৎসর এইরূপ যুগরায়ী আয়োজন প্রমোদে সময়াতিপাত করিয়াছিলেন । কিন্তু বৌদ্ধধর্ম গ্রহণান্তর তাঁহার মতিগতি পরিবর্তিত হয় । অভিষেকের দশ বৎসর পরে তিনি সুখ-সম্ভোগের জন্য এই “বিহার-যাত্রা” স্থগিত করিয়াছিলেন এবং ইহার পরিবর্তে “ধর্ম যাত্রা” প্রবর্তিত করিয়াছিলেন । ৮ম গিরিলিপিতে লিখিত আছে,—

“পূর্বে রাজগণ যখন বিহার যাত্রা করিতেন, তখন যুগরায়ী এবং অত্যাচ্য অভিরমণীয় কার্য্য অনুষ্ঠিত হইত । এক্ষণে ধর্মযাত্রা প্রবর্তিত হইয়াছে । উহাতে শ্রমণ ও ব্রাহ্মণগণের সহিত সাক্ষাৎ করিয়া দান, বৃদ্ধগণের সহিত সাক্ষাৎ করিয়া সুবর্ণ দান, রাজ্যের লোকের সহিত সাক্ষাৎ করিয়া ধর্মাদেশ প্রচার এবং ধর্ম জিজ্ঞাসা সম্পন্ন হইয়া থাকে ।”

অশোকের বিশাল সাম্রাজ্য পাঁচ ভাগে বিভক্ত ছিল । সম্রাট পাটলি-

পূৰ্বে অবস্থান করিয়া স্মরণ সাম্রাজ্যের মধ্যস্থলবর্তী রাজ্য-শাসন করিতেন। তন্মধ্যে উজ্জয়িনী, তক্ষশিলা, তোসলি ও সুবৰ্ণগিরি—এই চারিটি নগর অপর চারিটি বিভাগের প্রধান নগর ছিল। কলিঙ্গ গিরিলিপিব্ধয়ে এবং মহীশূরের ব্রহ্মগিরি শৈললিপিতে সম্রাট উক্ত চারিটি বিভাগের শাসনকর্তৃগণকে কয়েকটি আদেশ প্রদান করিয়াছিলেন। তিনি এই সকল বিভাগের শাসনকর্তাদিগকে আযপুত (আৰ্য্যপুত্র) বা কুমার বলিয়া উল্লেখ করিয়াছেন। রাজকুমারগণ এই চারিটি বিভাগের শাসন কার্য্য সম্পন্ন করিতেন। অশোকের অনুশাসন-সমূহের মধ্যে কেবলমাত্র একজন রাজকুমারের নাম দেখিতে পাওয়া যায়; তাঁহার নাম তীবর। তবে সপ্তম স্তম্ভলিপিলিখিত “দালকাণাম্ পি চ মে” আমার পুত্রগণেরও — এই বাক্যে অনুমিত হয় যে, অশোকের অনেকগুলি সন্তান ছিল।

বোধ হয়, তক্ষশিলার রাজকুমার পঞ্জাব ও কাশ্মীর শাসন করিতেন। আফগানিস্থান প্রভৃতি সিন্ধুর পশ্চিমভাগবর্তী রাজ্যসকল হয় ত অথবা কোন বিভিন্ন কর্মচারীর অধীনস্থ ছিল। মালব, গুজরাট, সুরাষ্ট্র সম্ভবতঃ উজ্জয়িনীর শাসন-কর্তার অধীনে থাকিত। ‘অশোকাবদানে’ ও ‘দিব্যাবদানে’ লিখিত আছে; বিন্দুসারের রাজত্বকালে অশোক তক্ষশিলার শাসনকর্তা ছিলেন এবং ‘মহাবংশে’ লিখিত আছে, পিতৃসিংহাসন প্রাপ্ত হইবার পূর্বে তিনি উজ্জয়িনীর অধিপতি ছিলেন। সুতরাং বিন্দুসারের সময়েও রাজকুমারগণ তক্ষশিলা এবং উজ্জয়িনী শাসন করিতেন। পুরী জিলার ধাউলিতে যে কলিঙ্গ লিপিব্ধয় আবিষ্কৃত হইয়াছে, কেবলমাত্র সেই দুই অনুশাসনে তোসলির উল্লেখ আছে। সেই জন্ত অনুমান হয়, তোসলি ধাউলির নিকটে অবস্থিত ছিল। অশোক নব-বিদ্রিত কলিঙ্গের শাসনভার তোসলির রাজকুমারের হস্তে অর্পিত করিয়াছিলেন। সুবৰ্ণগিরির রাজকুমার দাক্ষিণাত্যের অন্যান্য রাজ্য শাসন করিতেন।

(ক্রমশঃ)

শ্রীঅজরচন্দ্র সরকার।

মিলনে মৃত্যু ।

—:~:—

সাত বৎসর,—সুদীর্ঘ সাত বৎসর কারাগৃহে অবস্থিতির পর একদিন পুণ্য প্রভাতে জেসেক পিটার কারাগৃহের বাহিরে আদিয়া দাঁড়াইল । মুক্ত গগন-তলে আপনাকে মুক্ত অশ্রুভব করিয়া তাহার আনন্দাশ্রু বিগলিত হইতে লাগিল । কিন্তু সে মুহূর্তের জন্ত !

বহুদিন অবরোধের পর স্বাধীনতার রসান্বাদন করিতে না করিতে তাহার হৃদয় ভেদ করিয়া একটি গভীর দীর্ঘশ্বাস নির্গত হইল । তাহার সজল চক্ষু বিগলিত হইয়া গেল । মনে হইল, তাহার অবরোধের কারণ,—মনে হইল, একখানি মুখ !

পিটার সওদাগর আফিষে কর্ম করিত । সে ফিস্ কোম্পানীর “ছোট সাহেব” ছিল । জাতিতে বর্ণশঙ্কর হইলেও যুরোপীয় সমাজে তাহার সম্মান ছিল । এমন কি, এক সময় সে লাটসভার সভ্য নির্বাচিত হইবে এরূপ কথাও শুনা গিয়াছিল ।

মেরী পিটারের মাতুল-তনয়া, মেরী আশৈশব তাহার সঙ্গিনী । মেরী যখন দুই বৎসরের—সে তখন পাঁচ বৎসরের শিশু । তাহার অল্পবয়সে পিটারের পিতামাতার কাল হইয়াছিল, সেইজন্ত তাহার শৈশব এবং যৌবন মাতুলগৃহে অতিবাহিত হইয়াছিল । উভয়ের একত্র বাস, একত্র আহার, একত্র ভ্রমণ, একত্র শয়ন ছিল । বড় সুখেই পিটারের শৈশব অতিবাহিত হইয়াছিল । তাহার মাতুলানী ধর্মভীরু মহিলা ছিলেন ; সুতরাং, পিতৃমাতৃহীন পিটারকে তিনি পুত্রনির্কিঁশেবে প্রতিপালন করিয়াছিলেন ।

তাহার পর যখন যৌবন-প্রারম্ভে পিটার এবং মেরী উভয়ে পরস্পরের প্রতি অমুরক্ত হইল, তখন তাঁহার আনন্দের সীমা রহিল না । মেরী তাঁহার একমাত্র সন্তান ও পিটার পুত্রাপেক্ষা প্রিয়তর—সুশীল, সচ্চরিত্র এবং বিনয়ী ।

লিখাপড়া সমাপ্ত হইলে পিটারের মাতুল তাহাকে ফিস্ কোম্পানীতে কর্ম করিয়া দিলেন । পিটারকে তখন বাধ্য হইয়া পৃথক থাকিবার ব্যবস্থা করিতে হইল । হিন্দু পরিবার হইলে এমনটি ঘটতে পারিত না ; কিন্তু যুরোপীয় সভ্যতা স্বতন্ত্র ;—স্বাবলম্বন তাহার মূল মন্ত্র ।—উপার্জনকম হইয়া পিটার আর মাতুলের আশ্রয়ে থাকা বৃত্তিসম্ভব মনে করিল না । তবে সেই গৃহের

আলোক আসিয়া একদিন যে তাহার গৃহ আলোকিত করিবে, সে কিম্বা মেরী একদিনের জন্তও সে বিষয়ে সন্দেহ করিতে পারে নাই। যতদিন সেই সময় না উপস্থিত হইতেছে ততদিন পৃথক থাকা বাঞ্ছনীয়। সুতরাং পিটার পৃথক বাসা লইল।

প্রতিদিন সন্ধ্যায় আফিস হইতে ফিরিয়া মাতুলগৃহে গমন করা পিটারের ব্রত ছিল। দৈবাৎ কোন দিন তাহার আগিতে বিলম্ব ঘটিলে মেরী দ্বারদেশে আসিয়া সাগ্রহে তাহার আগমন প্রতীক্ষা করিত।

মেরীর স্নিগ্ধোজ্জ্বল চক্ষু, তাহার মুক্তাসদৃশ শুভ্র দস্তপংক্তি, তাহার প্রশান্ত মুখাকৃতি, তাহার সুবর্ণবর্ণ কুঞ্চিত কেশদাম এবং সুন্দর গঠন পিটারের হৃদয়ে প্রবল ঝঙ্কাবাতের সৃষ্টি করিত। পিটার দুই হাতে তাহার কুসুমকোমল হস্ত মর্দন করিয়া স্বর্গস্থ অন্ভব করিত; অত্বে অলক্ষ্যে তাহার বিদ্বাধরে চুষন করিয়া আপনাকে কৃতার্থ জ্ঞান করিত।

এমনই করিয়া কয়েক বৎসর কাটিয়া গেল। পিটারের অবস্থা তখনও এত স্বচ্ছল হয় নাই যে, সে বিবাহের প্রস্তাব করিতে পারে। আবার বিবাহের কল্পনা মনে হইলে, তাহার হৃদয় কৃতজ্ঞতায় এতাদৃশ অভিভূত হইত যে, সে কেমন করিয়া মাতুলের নিকট সে প্রস্তাব উপস্থাপিত করিবে ভাবিয়া হির করিতে পারিত না।

যখন পিটার ক্রমোন্নতির শিখরে আরোহণ করিল—যখন সুপ্রতিষ্ঠিত ফিন্স কোম্পানীর সে “ছোট মাহেব” হইল এবং অধ্যবসায় এবং যত্নসহকারে বর্ণশঙ্কর সমাজে প্রতিষ্ঠালাভ করিল—তখন বিধাতার অলক্ষ্য অঙ্গুলীসঙ্কেতে তাহার ভাগ্যাকাশে কৃষ্ণ মেঘের সঞ্চার হইল।

*

*

*

টমাস মেরীর খুল্লতাতপুত্র। পিটার যখন প্রতাহই মনে করিতেছে, আজ যেমন করিয়াই হউক মাতুলের নিকট বিবাহের প্রস্তাব করিব, তখন এক দিন অপরাহ্নে টমাস সিভিল সার্কিস্ পরীক্ষায় উত্তীর্ণ হইয়া ভারতবর্ষে রাজ্যশাসনার্থ আগমন করিল। টমাস খাঁটি যুরোপীয়ান্; মেরীর সে গৌরব ছিল না। মেরীর পিতা কার্যব্যপদেশে এ দেশে আগমন করিয়া এক যুয়েসিয়ান রমণীর প্রেমে মুগ্ধ হইয়া পড়েন। সেই রমণী মেরীর জননী। সুতরাং, জাতি-গৌরবে এবং পদমর্য্যায় পিটার এবং টমাসের মধ্যে অনেক প্রভেদ। একজন এক দিন উচ্চপদে অধিকৃত হইয়া শাসনকর্তা নিযুক্ত হইতে পারেন;

অল্পজন লক্ষপতি এবং লাট সভার সভ্য নিযুক্ত হইলেও প্রথমোক্ত ব্যক্তির জুলনার সমাজের চক্ষুতে বহু নিম্নে অবস্থিত থাকিবেন ।

এই যে অকিঞ্চিৎকর প্রভেদ—এই যে অগ্র্য ব্যবধান মেরীর নিকট ইহা অত্যন্ত বিরাট এবং উৎকট বলিয়া অনুমিত হইল । মেরীর পিতাও মেরীকে ইঙ্গিতে এ কথা বুঝাইয়া দিতে বিস্মৃত হইলেন না । মেরীর মাতার অবশু এ বিষয়ে বিশেষ কিছু বিবেচনার বিষয় ছিল না । তিনি স্বয়ং বর্ণশঙ্কর, স্তত্রাং পিটারকে সে হিসাবে টমাস অপেক্ষা অধিক আত্মীয় মনে করিতেন । তবে সওদাগরপত্নী হওয়া অপেক্ষা সিবিলিয়ান পত্নী হওয়া যে অধিক গৌরবের কথা সে কথা তিনিও অস্বীকার করিতে পারিতেন না ।

টমাস আসিয়া মেরীর প্রতি বিশেষ অনুরাগ প্রদর্শন করিল এবং মেরীও তাহার হৃদয়ের আসক্তি গোপন করিয়া টমাসের প্রতি কৃত্রিম অনুরাগ প্রদর্শন করিতে কুণ্ঠিতা হইল না । সে যেন একটা ক্রীড়া ।

মেরী যখন টমাসের সহিত অধিক মমর অতিবাহিত করিতে আরম্ভ করিল পিটার তখন হৃদয়ে শক্তিশেল অনুভব করিল । যখন মেরী এবং টমাস টেনিস খেলিতে খেলিতে আনন্দে কোলাহল করিত, পিটার তখন দূর হইতে কাতরনয়নে মেরীর মুখপ্রতি চাহিয়া থাকিত । মেরী তাহা বিশেষ লক্ষ্য করিত, কিন্তু লক্ষ্য করিয়াও পিটারকে জানিতে দিত না যে, সে তাহার যত্নগা উপলক্ষি করিতে পারিতেছে ।

মানুষ যাহা অভ্যাস করিতে চেষ্টা করে ক্রমে তাহা তাহার প্রকৃতিগত হইয়া যায় । কৃত্রিম প্রণয় প্রদর্শন করিতে করিতে মেরীর হৃদয় স্বতঃই পিটার হইতে একটু দূরে আসিয়া পড়িল । মেরী যে পিটারকে আর ভালবাসিত না তাহা নহে, তবে সে ভালবাসার উপর কৃত্রিমতার আবরণ আসিয়া পড়িল । মেরী যত আপনাকে পিটার হইতে দূরে রাখিতে চেষ্টা করিত পিটার তত নিকটে থাকিতে প্রয়াস পাইত । ফলে, মেরী ক্রমে পিটারের প্রতি বিরক্ত হইতে আরম্ভ হইল ;—পিটার যেন তাহার এবং টমাসের মধ্যে একটি বিকট ব্যবধানস্বরূপ প্রতীয়মান হইল । বিরক্তি ক্রমে ঘৃণায় পরিণত হইল এবং প্রকৃত প্রণয়ের উপর কৃত্রিমতার আবরণ দৃঢ় হইয়া আসিল ।

পিটার যখন অনুভব করিল যে, সে মেরীর ঘৃণার পাত্র, তখন তাহার হৃদয়ে বড় ব্যথা বাজিল । সে ব্যথার যত্নগা বড় তীব্র । প্রথমে পিটার তাহাতে অতিক্রান্ত হইয়া পড়িল, কিন্তু যখন সে যত্ননার হৃদয় অনেকটা অসাড় হইয়া

পড়িল তখন তাহার হৃদয়ে প্রতিহিংসাবৃত্তি জাগিয়া উঠিল । প্রতিহিংসা প্রবৃত্তি চরিতার্থ করিবার জন্ত সে যে পথ অবলম্বন করিল, তাহা একান্তই ঘৃণ্য । কিন্তু একরূপ অবস্থায় লোকের বিচার-শক্তি খর্ব হইয়া আইসে ; সুতরাং পিটার কৃপার পাত্র—সহানুভূতির অধিকারী ।

যখন প্রায় একরূপ স্থির হইয়া গেল যে, মেরীর সহিত টমাসের বিবাহ হইবে, তখন এক দিন মধ্যাহ্নে পিটার অকস্মাৎ তাহার মাতুলগৃহে আগমন করিল । সে মেরীকে জানাইল, তাহার পিতা অকস্মাৎ আফিসে মুচ্ছিত হইয়া পড়িয়াছেন এবং সেইজন্য সে তাহাকে তথায় লইয়া যাইতে আসিয়াছে । তাহার মাতাকে এ কথা বলিতে নিষেধ, কারণ তাঁহার হৃদরোগ ইদানীং এত প্রবল হইয়াছে যে, অতর্কিত বিপদ-সংবাদে তাঁহার জীবন-সংশয় ঘটিতে পারে । মেরী তাহার সহিত যাইবার জন্ত প্রস্তুত হইয়া আসিল এবং উভয়ে একখানি ভাড়াটিয়া গাড়ীতে প্রবেশ করিল ।

পিটারের আদেশে গাড়ী যে বাড়ীর সম্মুখে আসিয়া দাঁড়াইল, তাহা মেরীর পিতার আফিস নহে । মেরী বিষয় প্রকাশ করিলে পিটার বলিল,—সেই স্থানে তাহার পিতাকে লইয়া আসিয়া গুরুত্ব করা হইতেছে । মেরী সে কথা অবিশ্বাস করিল এবং কোন গভীর ষড়যন্ত্রের আশঙ্কায় করিয়া তৎক্ষণাৎ প্রশ্ন করিবার উদ্যোগ করিল । পিটার তখন পকেট হইতে একটি রিভলভার বাহির করিয়া তাহার ললাট লক্ষ্য করিয়া বলিল, তাহার ইচ্ছার বিরুদ্ধে একপদ অগ্রসর হইলে মেরীর মৃতদেহ ধুলায় লুপ্ত হইবে । বিপদ-বিহ্বলা বালিকা পিটারের আদেশে তাহার অগ্রে অগ্রে সেই জনশূন্য গৃহে প্রবেশ করিল । মেরী ভীত হইয়াছিল যে, পিটার সেই গৃহে বলপূর্বক তাহাকে বিবাহ-অঙ্গীকারে আবদ্ধ করিবে । তাহার সন্দেহ সত্য হইল । মেরী সেই গৃহে বন্দি হইল । নানা উৎপীড়নে পিটার তাহাকে আপনার পরীষে বৃত্ত হইবার অঙ্গীকারবদ্ধ করিতে প্রয়াস পাইল ।

ক্রমে সব কথা প্রকাশ পাইল । পুলিশ মেরীর উদ্ধার সাধন করিল ।

তাহার পর আদালতে অভিযুক্ত হইয়া পিটারের সাত বৎসর সশ্রম কারাবাসের আদেশ হইল । অসৎ কার্যের অপ্রতিহার্য্য অনুশোচনা লইয়া হতভাগ্য কারাগৃহের কঠিন নিগড়ে আবদ্ধ হইল ।

পিটার চাঙ্গিয়া গেল ; টমাস এই মোকদ্দমার পর তাহাকে পরিত্যাগ করিল ; মেরীর হৃৎকের কোণ্ডের সীমা রহিল না । সমাজে সে উপেক্ষিত—আত্মীয়

বহু কর্তৃক পরিবর্জিত হইয়া রহিল। কতবার সে টমাসের নিকট অশ্রুজলে অভিষিক্ত লিপি প্রেরণ করিয়াছে—কিন্তু তাহার উত্তর পায় নাই। প্রায় এক বৎসর পিতৃগৃহের প্রাচীরাভ্যন্তরে আত্মগোপনের ফলে মেরীর স্বাস্থ্য-ভঙ্গ হইল। কঠিন পীড়ায় আক্রান্ত হইয়া মেরী জীবন মৃত্যুর সন্ধিস্থলে আসিয়া উপস্থিত হইল।

মেরীর পিতা টমাসকে সংবাদ দিলেন, মেরী তাঁহাকে একবার দেখিতে চাহে। টমাস প্রত্যুত্তরে মেরীর অসুখের জন্ত দুঃখ প্রকাশ করিয়া সৌজন্য জানাইল;—কিন্তু আসিল না। মেরীর রোগমলিন মুখ অশ্রুপ্লাবিত হইয়া গেল।

পরদিন পিটারের এক পত্র আসিল। কারাগৃহের চিহ্ন-অঙ্কিত—স্থানে স্থানে অশ্রুকলুষিত, মর্ম্পর্শী সে পত্র! তাহার প্রতি বর্ণ—প্রতি ছত্র হৃদয়ের রক্তে রঞ্জিত। মেরীর প্রতি তাহার যে অবিচলিত ভালবাসা, তাহা অক্ষুণ্ণ রহিয়াছে। অনুশোচনা তাহার চিত্তবৃত্তিকে এতাদৃশ অভিভূত করিয়াছে যে, লক্ষয় সময় তাহার মনে হয়, তাহার মস্তিষ্কবিকৃতি ঘটয়াছে। অহোরাত্র তাহার হৃদয়ে রাবণের চিতা জ্বলিতেছে—তাহার জ্বালা! বৃশ্চিক-দংশন জ্বালায় অপেক্ষাও তীব্র—তীক্ষ্ণ! মেরী—তাহার হৃদয়ের অধিষ্ঠাত্রী দেবী—তাহার ইহজীবনের ধ্রুবতারা—তাহার পরজীবনের প্রেষ্ঠা। মেরী কি তাহাকে ক্ষমা করিবে? এক বৎসর—প্রতি রাত্রিতে সে মেরীর লাহিত মুখচ্ছবি দেখিয়া নিদ্রাঘোরে কাঁদিয়া উঠিয়াছে। গত রজনীতে সে স্বপ্ন দেখিয়াছে—মেরী রোগ-শয্যায় শায়িতা, তাহার শীর্ণ কম্পিত হস্তে একখানি উন্মুক্ত লিপি, তাহার নিম্প্রভ আঁখিবুগল অশ্রুস্নাত। স্বপ্ন দেখিয়া সে এমন বিকট চীৎকার করিয়া উঠিয়াছিল যে, কারারক্ষক প্রহরী ভীত হইয়া কারাধ্যক্ষকে সংবাদ প্রেরণ করিয়াছিল। টমাস্—টমাস্ কি তাহাকে প্রত্যাহার করিয়াছে? যদি তাহাই হয়, তাহা হইলে তাহার পাপের প্রায়শ্চিত্ত নাই; কিন্তু টমাস কি নিষ্ঠুর! তাহার ভালবাসা কৃত্রিম—নতুবা প্রণয়িনীর অলীক কলঙ্ক তাহার প্রণয়-বর্জনের কারণ হইত না। মেরী কি যথার্থই রুগ্না—অসুখিনী—পরিভ্যক্তা? মেরী কি একবার আসিয়া তাহাকে দেখিয়া যাইবে না? সে আপনার সুখের জন্ত মেরীকে দেখিতে চাহে না। তাহার পাপের প্রায়শ্চিত্ত—তাহার বন্দিশা, তাহার লাহিত মর্যাদা দেখিলে মেরীর হৃদয়ে দয়ার উদ্রেক হইবে; দয়া ঘৃণার স্থান অধিকার করিয়া মেরীকে মহিষমর্ষী দেবী

মূর্তিতে পরিণত করিবে। যদি তাহাই হয় ;— সে তাহার পক্ষে কি সুখের দিন ! ভগবান—এতদিনে ভগবানের নাম মনে হইয়াছে,—ভগবান কি তাহাকে ক্ষমা করিবেন, এমন সুখের দিনের ব্যবস্থা করিবেন ? মেরী—মেরী, তুমি কাহার ?

পত্র পড়িতে পড়িতে মেরীর নিষ্পভ চক্ষু হঠাৎ অশ্রুসজল হইয়া আসিল,— বিশীর্ণ গণ্ড গড়াইয়া অশ্রুমুক্তা ঝরিতে লাগিল। মনে হইল, শৈশবের স্মৃতি— মনে হইল, বালাবন্ধু পিটারের উজ্জল প্রশান্ত মুখচ্ছবি। মনে হইল, ঘোবনসঙ্গী প্রেম-বিহ্বল চিরসুন্দর পিটার ; সে তাহার জন্ম কত কষ্ট—কত ত্যাগ স্বীকার করিয়াছে। তাহার সুখের জন্ম পিটার কি না করিতে পারিত ? এক দিনের কথা মনে হইল—সে দিন পিটার স্বীয় জীবন বিপন্ন করিয়া মেরীকে শার্দূলমুখ হইতে রক্ষা করিয়াছিল ! পিটার তাহাকে ভালবাসিত ;—সে ভালবাসা যেমন গভীর, তেমনই অনাবিল। কেবল টমাস্ মুহূর্তের জন্ম তাহাদের মধ্যে আসিয়া প্রমাদ ঘটাইয়াছে। মেরীর হৃদয় করুণায় বিগলিত হইয়া গেল। সহানুভূতি তাহার ঘৃণা বিদূরিত করিয়া প্রেমের উৎস মুক্ত করিয়া দিল। ক্রমে মেরীর পাংশু মুখ প্রশান্ত ভাব ধারণ করিল।

মেরীর মাতা পিটারের পত্রের প্রত্যুত্তর লিখিলেন, মেরী রোগশয্যায় শায়িতা ; সুস্থ হইলে সাক্ষাৎ করিবে।

কিন্তু সাক্ষাৎ হইবার পূর্বে কর্তৃপক্ষ পিটারকে মাণ্ডালে জেলে স্থানান্তরিত করিলেন। কিছুদিন পরে মেরীর পিতার মৃত্যু হইল। তাহার আর মাণ্ডালে যাইয়া পিটারের সহিত সাক্ষাৎ করা ঘটয়া উঠিল না।

যে প্রেম এতদিন ফাল্গুনদীর গায় অস্তঃপ্রবাহিনী ছিল, এখন উন্মুক্ত হইয়া দূরত্বের ব্যবধানে রুদ্ধশ্রোত নদীর গায় ক্রমে ক্ষীণ অনবরোধনীয় হইয়া উঠিল।

আরও ছয় বৎসর কাটিয়া গেল। কারাবাসানের পর পিটার মেঘনির্মুক্ত হ্রস্বকলক স্নিগ্ধদীপ্তি পূর্ণশরীর গায় সমুদ্রতীরে আসিয়া দাঁড়াইল। অদূরে নিকটবর্তী পোতাভ্যন্তরে তাহার লাঞ্ছিতা মেরী তাহাকে সম্বন্ধন করিয়া লইয়া যাইবার জন্ম আসিতেছে। বীচিবিক্ষুব্ধ সমুদ্র-বক্ষের ন্যায় তাহার হৃদয় তরঙ্গ-সঙ্কুল। বুঝি তাহার ঘাত প্রতিঘাত শুনিতে পাওয়া যাইতেছে ! পিটার হস্তাবাগে দৃষ্টি দূর-নিবন্ধ করিয়া দেখিতেছে, যেন মেরী জাহাজের ডেকের উপর রেলিং ধরিয় তাহার দিকে চাহিয়া রহিয়াছে।

ক্রমে জাহাজ তীরবর্তী হইল; তখনও পণ্টুন হইতে ছই চারি হাত দূরে রহিয়াছে, কিন্তু অসহিষ্ণু মেরী আর অপেক্ষা করিতে পারিল না, পিটারকে লক্ষ্য করিয়া ঝাঁপ দিয়া পড়িল।

পরমুহুর্তে ঝাঁপ করিয়া একটি শব্দ হইল এবং জাহাজ আসিয়া পণ্টুনের গাত্রে সংলগ্ন হইল। পিটারের চক্ষু আনন্দাশ্রুতে পরিপ্লুত; সে যেন কিছু দেখিতে পাইল না। কিন্তু যখন উচ্চ কোলাহল উঠিল, তখন তন্ময় পিটারের সংজ্ঞা লাভ হইল। উন্নতের ন্যায় ছুটিয়া সে জলে ঝাঁপ দিতে গেল, কিন্তু বহু লোক তাহার গতিরোধ করিল।

তাহার পর মেরীর মৃতদেহ তীরে আনীত হইল এবং সেই দিন অপরাহ্নে তাহার সমাধি হইল।

হতভাগ্য পিটার! মাণ্ডালের রাস্তায় রাস্তায় “পিটার পাগল” ঘুরিয়া বেড়ায় এবং প্রতি নিশীতে মেরীর কবরের উপর বুক পাতিয়া অতি করুণ কণ্ঠে তাহাকে বলিতে শুনা যায়,—“মেরী—মেরী, তুমি কি এই স্থানে আছ?”

শ্রীযতীন্দ্রমোহন বন্দ্যোপাধ্যায়।

মৃত্যু ।

এ জীবনে একবার, দরশন পা'বে তা'র,
পা'বে তা'র স্নেহ-পরশন ;
ঘুচাইয়া ভুল ভ্রান্তি, দিবে সে অনন্ত শান্তি,
ফুটাইবে স্মৃতিব্য নয়ন ।

সে কি আসে যখন তখন ?

যেথা ইচ্ছা যাও চনি,' থাক তুমি তা'রে ভুলি,'
ভুলিবে না সে তোমা কখন,
যখন সময় হ'বে সে আসিয়া অঙ্কে ল'বে
খুলি' দিবে সহস্র বন্ধন ।

সে কি আসে যখন তখন ?

শ্রীযতীন্দ্রনাথ চট্টোপাধ্যায়।

সমালোচনা।

বিদ্যাসাগর।*

জীবনবৃত্ত সাহিত্যের একটি প্রধান ও আবশ্যিক অঙ্গ। ইতিহাসের সহিত জীবনবৃত্তের ঘনিষ্ঠ সম্বন্ধ। ইতিহাসে জাতীয় জীবনের উত্থান, উন্নতি, কীর্তি ও পতনের কথাই আলোচিত হইয়া থাকে। জীবন-কথায়, যাঁহারা সেই জাতীয় জীবনের উত্থান, উন্নতি ও কীর্তিলাভে সহায়তা করিয়া থাকেন তাঁহাদেরই কথা আলোচিত হয়। যে সময় জাতীয় জীবনে নূতন তরঙ্গধারা প্রবাহিত হইতে আরম্ভ হয়, সেই সময় এক একটি তরঙ্গ সেই আগন্তুক অভিনব ভাবের ফেনপুঞ্জ মস্তকে ধারণ করিয়া জাতীয় ইতিহাস বারিধির বক্ষে আবির্ভূত হইয়া থাকে। যাঁহারা প্রথমে এই অভিনব ফেনপুঞ্জ মস্তক মণ্ডিত করিয়া আবির্ভূত হইলেন তাঁহারা মহাপুরুষ—তাঁহারা নূতন যুগের প্রবর্তক। সমতল ধরাপৃষ্ঠে উদীয়মান সূর্যের কিরণ সম্পাত হইবার বহুপূর্বে যেমন সমুদ্রত গিরিশীর্ষে সৌরকর কনকরাগে সমুদ্ভাসিত হইয়া উঠে, সেইরূপ জনসাধারণের মানসক্ষেত্রে নূতন ভাবের আলোকরশ্মি ছড়াইয়া পড়িবার অনেক পূর্বে সেই ভাবের হৈমছাতি সমুন্নতমনা মনস্বিগণের মানসপটে প্রতিবিম্বিত হইয়া থাকে। যাঁহারা জাতীয় জীবনের এই নবতরঙ্গের অগ্রদূত, যাঁহারা এই নূতন আলোকের প্রথম ভোক্তা, তাঁহারা জন সাধারণের আদর্শ ও শিক্ষক। তাঁহাদের নখর দেহ নষ্ট হইয়া গেলেও জনসাধারণের মনে তাঁহারা অবিনশ্বর সিংহাসন লাভ করিয়া থাকেন। সেইজন্য তাঁহারা অমর। ইংলণ্ডীয় কবি বলিয়াছেন :—

“To live in hearts we leave behind
Is not to die.”

* বিদ্যাসাগর—শ্রীবিহারীলাল সরকার প্রণীত। তৃতীয় সংস্করণ, কলিকাতা ২০১২
কর্ণওয়ালিস্ ট্রাষ্ট মেডিকেল লাইব্রেরী হইতে শ্রীগুরুদাস চট্টোপাধ্যায় কর্তৃক প্রকাশিত।
মূল্য কাগজে বাঁধাই সাতসিকা, কাগজে বাঁধাই দেড় টাকা।

বাহার জনসাধারণের আদর্শ ও শিক্ষক তাঁহাদের জীবন-কথা সাধারণের অবশ্যপাঠ্য। এইরূপ সমুন্নতমনা মহাত্মগণের জীবনকথা পাঠ করিলে মানব আপনাকে ও আপনার সমাজকে বুঝিতে পারে,—আত্মশক্তিতে অবহিত হয়। আমাদের মধ্যে একজন যাহা করিয়া গিয়াছেন,—আমরা তাহা না করিতে পারিব কেন, এইরূপ অনক্ষা অশরীরী বাণী যেন মহাত্মা ব্যক্তিগণের চরিত-পাঠকে কার্যক্ষেত্রে সর্বদাই উৎসাহিত করিতে থাকে। পরন্তু এইরূপ মহাত্মগণ সমাজে যে অভিনব ভাবের প্রভাব সঞ্চারিত করিয়া গিয়াছেন,—যে ভাব অনক্ষ্যে আমাদের সামাজিক ও নৈতিক জীবনকে প্রভাবিত করিতেছে,—সে ভাবটি সম্যক্রূপে হৃদয়গ্রম করিতে হইলে যিনি সেই ভাবের অগ্রদূত তাঁহার জীবন-কথা ও সামসময়িক ঘটনাবলী নিবিষ্টমনে পর্যালোচনা করা কর্তব্য। এই জন্ত বৈদেশিক মহাত্মগণের জীবনকথা আলোচনা করা অপেক্ষা স্বদেশীয় মনস্বীগণের চরিত আলোচনা আরও অধিক ফলপ্রদ। দুর্ভাগ্যক্রমে আমাদের দেশে এ পর্য্যন্ত অতি অল্পই উল্লেখযোগ্য জীবনবৃত্ত প্রকাশিত হইয়াছে!

সুপ্রসিদ্ধ লেখক, কবি ও সমালোচক শ্রীযুত বিহারীলাল সরকার মহাশয় স্বর্গীয় বিদ্যাসাগর মহাশয়ের একখানি অতি উৎকৃষ্ট জীবন-কথা লিখিয়াছেন। সম্প্রতি সেই পুস্তকের তৃতীয় সংস্করণ প্রকাশিত হইয়াছে। এতদিন পরে এরূপ সুন্দর পুস্তকের তৃতীয় সংস্করণ প্রকাশিত হইয়াছে,—ইহা বাস্তবিকই বিশ্বয়ের বিষয়। এই উপগ্রাস-নাটক-প্লাবিত দেশে এখনও জীবন-কথা-পাঠকের সংখ্যা প্রয়োজনানুরূপ বৃদ্ধি পায় নাই, ইহাতে এই দুঃখজনক সত্যই স্মৃতি হইতেছে। বিহারী বাবুর ভাষা সুন্দর, হৃদয়গ্রাহী ও ভাবগর্ভ। তাঁহার তথ্যানুসন্ধিৎসাও অনন্তসাধারণ। কালিদাস পদ্মপুরাণ হইতে ‘শকুন্তলার’ আখ্যানবস্ত সংগ্রহ করিয়াছিলেন,—এ তথা তিনিই প্রথমে তাঁহার ‘শকুন্তলা রহস্য’ নামক পুস্তকে প্রচারিত করেন। সিরাজউদ্দৌলাকৃত অন্ধকূপ হত্যার অলীকত্ব প্রমাণে তিনিই সাহসপূর্বক প্রবৃত্ত হইয়াছিলেন। ‘জন্মভূমিতে’ তিনিই প্রথমে এ বিষয়ে সন্দর্ভ লিখিয়াছিলেন,—এবং পরে উহা ‘ইংরেজের জয়’ নামক সুন্দর পুস্তকের অন্তর্ভুক্ত করিয়াছেন। ভাষা গৌরবে তাঁহার ‘তিতুমীর’ অসাধারণ বলিলেও অত্যাক্তি হয় না। কিন্তু ‘বিদ্যাসাগর’ই বিহারী বাবুর প্রধান কীর্তি। ভাষা-গৌরবে এই গ্রন্থখানি যেমন গৌরবান্বিত,—পরিশ্রম, অধ্যবসায় ও ঐকান্তিক যত্ন সহকারে সংগৃহীত তথ্য ইহা তেমনই

সম্পদশালী। ইহাতে এমন অনেক আবশ্যিক তথ্য সংগৃহীত আছে যাহা অন্য কোনও গ্রন্থে নাই। সেই জন্য সাধারণে এই গ্রন্থখানিকে বিদ্যাসাগর মহাশয়ের চরিতাবলীর মধ্যে প্রথম ও প্রধান স্থান দান করিয়া থাকে।

স্বর্গীয় ঈশ্বরচন্দ্র বিদ্যাসাগর মহাশয় একজন বিখ্যাত পুরুষ ছিলেন। তাঁহার অসাধারণ ব্যক্তিত্ব (personality) তাঁহাকে ভারতবাসীর নিকট অমর করিয়া রাখিয়াছে। তাঁহার অসাধারণ বুদ্ধি, প্রোজ্জ্বল প্রতিভা, সর্বব্যাপিনী দয়া, বিস্তীর্ণ সহানুভূতি, অসীম ঐদার্দ্য, অপূর্ব স্বজাতিহিতৈষণা তাঁহাকে চিরকালই বাঙ্গালী-সমাজে বরণ্য করিয়া রাখিবে। তিনি শিক্ষার পথ সুগম ও সাহিত্যের বনিয়াদ সুপ্রতিষ্ঠিত করিয়া বাঙ্গালী জাতিকে যে ঋণজালে আবদ্ধ করিয়া গিয়াছেন, বাঙ্গালী তাহা কখনই বিস্মৃত হইতে পারিবে না। যতদিন বাঙ্গালা ভাষা থাকিবে, ততদিন ঈশ্বরচন্দ্র বিদ্যাসাগর বাঙ্গালায় অমর রহিবেন। কিন্তু যে কৌলিক ও পারিপার্শ্বিক ঘটনানিচর বিদ্যাসাগরকে এই অসাধারণত্ব প্রদান করিয়াছিল,—তাহা সম্যক্রূপে পরি-জ্ঞাত না হইলে বিদ্যাসাগরকে সম্যক্রূপে বুঝা সম্ভব নহে। একজন বিখ্যাত জীবনবৃত্তকার লিখিয়াছেন,—

“The great man springs from an ancestry competent to produce him ; he is the final flower and ultimate outcome of converging hereditary forces that culminate at last in the full production of his splendid and exceptional personality.” ইহার মর্মার্থ এই যে মহাত্মগণ যে কুলে জন্মিয়া থাকেন, সে কুল তাঁহাকে উৎপন্ন করিবার যোগ্য। যে সকল কৌলিক শক্তি তাঁহার জায় গৌরবমণ্ডিত ও অসাধারণ ব্যক্তিকে উৎপন্ন করিবার সম্পূর্ণ উপযুক্ত, সেই সমস্ত কৌলিক শক্তি একমুখী হইয়া তাঁহাকে তাহাদের চরম ফল এই অসাধারণ ব্যক্তিত্ব প্রদান করে।” গ্রাণ্ট অ্যালেন যেরূপ কৌলিক শক্তিকে ডার্বিনের অসাধারণত্বের জননী বলিয়া নির্দিষ্ট করিয়াছেন, সেইরূপ সকল অসাধারণ ব্যক্তির অসাধারণত্বই তাহাদের কৌলিক শক্তি-প্রসূত। ইহা বিজ্ঞানের সিদ্ধান্ত। বিদ্যাসাগরও এই সাধারণ নিয়মের ব্যতিক্রম ছিলেন না। তাঁহার পিতৃবংশ ও মাতৃবংশ কিরূপ অসাধারণ প্রতিভাশিত ছিল, বিহারী বাবুর গ্রন্থে তাহার সম্যক পরিচয় পাওয়া যায়। বিহারী বাবু ত্যক্ত নিপুণতার সহিত একে একে তাহার উল্লেখ করিয়াছেন।

ঠাহার পুস্তকের প্রথম অধ্যায় সেই আলোচনার পূর্ণ। ইহা ভিন্ন বিহারী বাবু পরম হিন্দু। কোষ্ঠীফলে ঠাহার অগাধ বিশ্বাস। সেইজন্য তিনি ঠাহার পুস্তকের দ্বিতীয় অধ্যায়ে বিদ্যাসাগরের কোষ্ঠীর ফলের সহিত ঠাহার জীবন ফল মিলাইয়া দিয়াছেন। এ ব্যাপারটি বিশেষরূপ আলোচ্যও বটে।

ইহা ভিন্ন পারিপার্শ্বিক অবস্থাও (environments) মানব-চরিত্র-
 ানে বহুল পরিমাণে প্রভাব বিস্তৃত করিয়া থাকে, ইহা কেহই অস্বীকার
 করিতে পারেন না। বিদ্যাসাগরের সমকালীন সামাজিক অবস্থা ও চিন্তা-
 প্রবাহ ঠাহার জীবনেরও মতামতের উপর প্রবল প্রভাব বিস্তৃত করিয়াছিল।
 ঠাহার বাণ্যশিক্ষাও ঠাহার জীবনপথকে বিশেষরূপ নিয়ন্ত্রিত করে।
 বিহারী বাবুর পুস্তকপাঠে বিদ্যাসাগরের জীবনের পারিপার্শ্বিক অবস্থার
 প্রভাব বিশেষরূপে জ্ঞানসন্মত করা সম্ভবে। সকলেই জানেন, বিদ্যাসাগর মহাশয়
 একজন পথান সংস্কারক ছিলেন। সাহিত্য-সংস্কার, শিক্ষাসংস্কার ও সমাজসংস্কার
 প্রভৃতিই ঠাহার জীবনের উদ্দিষ্ট ছিল। তিনি যে সময় জন্মগ্রহণ করিয়াছিলেন,
 সেই সময়ট পশ্চাত্য আলোক কেবলমাত্র ভারতে অরণ্যরাগে ফুটিয়া উঠিতে-
 ছিল। সেই আলোক-প্রভাবে বঙ্গীয় হিন্দুসমাজে বিষম বিপ্লব উপস্থিত হইয়াছিল।
 সেই আলোক তরঙ্গের প্রথম সজ্বাত বড়ই তীব্র হইয়াছিল। তখন ইংরাজী
 শিক্ষিত ব্যক্তিগণ মনে করিতেন, হিন্দুর যাহা কিছু তাহাই কুসংস্কার-বিজুষ্টিত,—
 ইংরেজের যাহা কিছু তাহাই উন্নতির পরিচায়ক। সেইজন্য তদানীন্তন
 শিক্ষিত সম্প্রদায় অনিয়মিত মদ্যপানে ও গোমাংসাদি হিন্দুর অখাদ্য ভোজনে
 আত্মগৌরব অমুভব করিতেন। বিদ্যাসাগরের অতুল্যত প্রজ্ঞায় সেই উৎকট
 আলোক প্রতিফলিত হইয়াছিল, কিন্তু সে আলোকের প্রভাব ঠাহার অলোক-
 সামান্য ব্যক্তিত্বকে বিনষ্ট করিতে পারে নাই। বিদ্যাসাগর সেই আলোক-
 সাহায্যে সাহিত্যের ও শিক্ষার পদ্ধতি সংস্কৃত করিয়াছিলেন, কিন্তু চলোন্মীচালিত
 নৈকালপণ্ডের ঞ্চায় নিজ জাতীয়তার গণ্ডী ছাড়িয়া উদ্যোগ হইয়া
 ভাঙ্গিয়া যান নাই। তিনি ইংরেজদিগের সহিত যত ঘনিষ্ঠভাবে মিশিয়া
 ছিলেন, ঠাহার মন কেহই সেরূপ ঘনিষ্ঠভাবে মিশিবার অবকাশ পান
 নাই। কিন্তু তথাপি তিনি কি আহাৰে, কি পরিচ্ছদে কিছুতেই জাতীয়ভাষ
 পরিত্যাগ করেন নাই। নানাস্থানে নানা অসুবিধা ভোগ করিয়াও তিনি
 চটি জুতার সম্মান বজায় রাখিয়াছিলেন। এ সকল তথ্য বিহারী বাবুর
 পুস্তকেই সুন্দরভাবে বর্ণিত আছে। যে প্রতীভা বিদ্যাসাগরকে এত প্রতিকূল

শক্তির বিরুদ্ধে আপনার জাতীয়তা ও নিজস্ব অনুর রাধিতে সমর্থ করিয়াছিল, সে প্রতিভা যে অসাধারণ, তাহা কেহই অস্বীকার করিতে সমর্থ নহেন। পাশ্চাত্য আলোকের প্রভাবেই তিনি সমাজ-সংস্কারে প্রবৃত্ত হইয়াছিলেন। কিন্তু সে সংস্কারে তিনি স্বক্ৰান্তির রীতি, নীতি, আচার, ব্যবহার ও ধর্ম প্রভৃতিতে উপেক্ষা প্রদর্শন করেন নাই। তিনি ধর্মের ও ধর্মশাস্ত্রের দোহাই দিয়াই সমাজসংস্কারে ব্রতী হইয়াছিলেন। বিহারী বাবু এ সকল তথ্য তাঁহার গ্রন্থে বিস্তৃতভাবে লিপিবদ্ধ করিয়াছেন।

বিদ্যাসাগর মহাশয় বাঙ্গালা গদ্য সাহিত্যের অনেকটা উন্নতিসাধন করিয়াছিলেন। তাঁহার পরই বঙ্কিম বাবু বাঙ্গালা গদ্যকে সম্পদশালী ও গৌরবমণ্ডিত করিয়া গিয়াছেন। কিন্তু শিক্ষা-সংস্কারই বিদ্যাসাগরের জীবনের প্রথম ও প্রধান গৌরবজনক কার্য। তিনি প্রথম ভাগ হইতে সীতার বনবাস পর্য্যন্ত বাঙ্গালা গ্রন্থ প্রণীত করিয়া বাঙ্গালা ভাষা শিক্ষার পথ যেরূপ সুগম করিয়া গিয়াছেন—উপক্রমণিকা, ব্যাকরণ কৌমুদী, ঋজুপাঠ, প্রভৃতি সঙ্কলিত করিয়া সংস্কৃত শিক্ষার কণ্টকাকীর্ণ পথ যেরূপ কুমুমাস্তৃত করিয়া গিয়াছেন,—তাহাতেই তাঁহার প্রতিভার বিশেষ পরিচয় পাওয়া যায়। আর সংস্কৃত কলেজে শিক্ষা পদ্ধতি সুগম করিবার জন্ত তিনি “এডুকেশন কোমিশনকে” যে রিপোর্ট দিয়াছিলেন,—তাহাতেই আমরা তাঁহার প্রতিভার পূর্ণ পরিচয় পাইয়া থাকি। কেবল বিহারী বাবুই অতীত পরিশ্রমের সহিত অনুসন্ধান করিয়া এই রিপোর্ট তাঁহার গ্রন্থে সন্নিবিষ্ট করিয়াছেন। অল্প কোনও পুস্তকেই এ রিপোর্ট নাই। এ রিপোর্ট ভিন্ন বিদ্যাসাগর চরিত্র সম্পূর্ণ হইতেই পারে না।

বিহারী বাবুর বিদ্যাসাগরে আর একটি অসাধারণ বিশেষত্ব বর্তমান। সাধারণ চরিত-লেখকের ন্যায় তিনি তাঁহার আলোচ্য ব্যক্তির স্তব করিয়াই গ্রন্থ সমাপ্ত করেন নাই। ঐরূপ করিলে চরিত্র লেখার উদ্দেশ্য সিদ্ধ হয় না। অনেক চরিত্র-লেখক মানুষকে দেবতা গড়িতে প্রয়াস পাইয়া হাস্যভাজন হইয়াছেন। কিন্তু বিহারী বাবুর নিকট বিদ্যাসাগর মহাশয়ের যাহা কিছু ভ্রান্তিমূলক বলিয়া প্রতীত হইয়াছে, তিনি অসঙ্কোচে তাঁহার নির্দোষ করিতে কুণ্ঠাবোধ করেন নাই। বিধবা-বিবাহের শাস্ত্রীয়তা সমগ্রমাণ করিতে ও সমাজে বিধবা-বিবাহ প্রচলিত করিতে বিদ্যাসাগর মহাশয় অপরূপ পরিশ্রম ও ত্যাগস্বীকার করিয়া গিয়াছেন। এমন কি এই

কার্য্যকেই তিনি তাঁহার জীবনের 'সর্ব্বশ্রেষ্ঠ সংকল্প' বলিয়া নির্দিষ্ট করিয়া-
ছিলেন । এই বিধবা-বিবাহ ব্যাপারেই বিহারী বাবু বিদ্যাসাগর মহাশয়ের
সহিত ভিন্নমত । তিনি বিদ্যাসাগরের সিদ্ধান্ত ভ্রান্তিমূলক বলিয়াছেন সত্য,—
কিন্তু বিদ্যাসাগর যে সরল বিশ্বাসে এই মত প্রতিষ্ঠিত করিতে প্রয়াস পাইয়া-
ছিলেন,—ইহা তিনি বিশেষরূপে সম্মান করিতে সমর্থ হইয়াছেন । এ সম্বন্ধে
বিহারী বাবু ভ্রান্ত, কি বিদ্যাসাগর ভ্রান্ত, সে বিচার এখানে অপ্রাসঙ্গিক ।
তবে এইমাত্র বলিতে পরি যে, বিহারী বাবু এই গ্রন্থে নিজস্ব বজায় রাখিয়া
বিদ্যাসাগর মহাশয়ের জীবন-কথার আলোচনা করিয়াছেন । ইহাতেই
গ্রন্থখানির গৌরব অনেক পরিমাণে বৃদ্ধি পাইয়াছে ।

তৃতীয় সংস্করণে পুস্তকখানির ছাপা, ছবি ও বাধাট অতি সুন্দর হইয়াছে ।
পরিশিষ্টে বিদ্যাসাগর সম্বন্ধে কয়েকজন বিশিষ্ট লেখকের মন্তব্য ও প্রায়
পঞ্চাশজন খ্যাতিমান ব্যক্তির সঙ্ক্ষিপ্ত জীবনকথা প্রদত্ত হইয়াছে । এইরূপ
সুর্কাজসুন্দর পুস্তক বিশ্ববিদ্যালয়ের উচ্চ শিক্ষার পাঠ্য তালিকাভুক্ত দেখিলে
আমরা প্রীত হইব । বাঙ্গালীমাত্রেই এই পুস্তক পাঠ করা কর্তব্য । এই
পুস্তক প্রণয়নের বিপুল শ্রমে বিহারী বাবুর স্বাস্থ্যভঙ্গ হইয়াছে ; ইহার সম্যক
সমাদরে তিনি সেই শ্রমের সার্থকতা দেখিতে পাইবেন ।

কাতরা ।

—:~:—

(সংস্কৃত হইতে ।)

যাইব শুনিয়া, ব্যাকুল হইয়া,
অবসর তরে বসিয়াছিল ।
নাহি গুরুজন, পেয়ে নিরজন,
কি বলিবে বলে' আসিয়াছিল ।
যত বার আসে, আঁখিনীরে ভাসে,
সম্বরিতে তাহা ফিরিয়া যায় ;
যাতায়াত সার, হইল প্রিয়ার
কথা অকথিত রহিল, হায় !

সংগ্রহ।

—:~:—

সাহিত্য।

—*—

ডিকেন্সের স্ত্রী-চরিত্র।

—:~:—

ইংরাজি সাহিত্যে ডিকেন্সের রচনার তুলনা নাই। যখন ইংরাজি পাঠক-সমাজ কটের বুকবিগ্রহবহুল নবজন্ম পাঠ করিয়া ক্রমে শ্রান্তিবোধ করিতেছিল, তখন রহস্য-রচনানিপুণ ডিকেন্স 'পিকউইক পেপার্স', প্রকাশ করিয়া যে বর্ষ অর্জন করিয়াছিলেন কাল তাহা বিনষ্ট করিতে পারে নাই। ডিকেন্স রহস্য-রচনার শাণিত অস্ত্রে সমাজ-শরীরের ব্যাধিদ্রষ্ট অংশ দেহচ্যুত করিয়া দিয়া সমাজ ব্যাধিনূত করিতে প্রয়াস পাইয়াছিলেন এবং অসাধারণ প্রতিভাবলে বহু পরিমাণে কৃতকার্য হইয়াছিলেন।

সংগ্রহি সার রবার্ট' নিউল ডিকেন্সের স্ত্রী-চরিত্র সম্বন্ধে যে সন্দর্ভ লিখিয়াছেন তাহাতে উপন্যাসিকের জীবনের এক অংশ নূতন আলোক উদ্ভাসিত হইয়া উঠিয়াছে; দেখা গিয়াছে, তিনি স্বীয় জীবনের অভিজ্ঞতা লইয়া উপন্যাসবর্ণিত চরিত্র চিত্রিত করিয়াছিলেন। ডিকেন্সের সহিত কুমারী বেডনেলের পত্রব্যবহার নামক পুস্তকই লেখকের অবলম্বন। এই পত্র গুলিতে সপ্রমাণ হইতেছে যে, কুমারী বেডনেলই 'ডেভিড কপারফিল্ডে' ডোরার ও 'সিটল ডরিটে' ফ্লোরার আদর্শ এবং প্রণয়িত পুস্তকে নায়কের প্রেমব্যাপার উপন্যাসিকের স্বীয় অভিজ্ঞতার অভিব্যক্তি।

১৮৩০ খৃষ্টাব্দে বেডনেল পরিবারের সহিত ডিকেন্সের পরিচয় হয়। মিষ্টার বেডনেল ব্যাকার অর্থাৎ মহাজন ছিলেন। ডিকেন্স তাঁহার তিন কন্যার সর্ব পরিচয়। কনিষ্ঠা মেরারাকে ভালবাসেন। তখন ডিকেন্সের বয়স অষ্টাদশ, মেরার উনবিংশ। ডিকেন্স তখন আইন আফিসের কায ছাড়িয়া দিয়াছেন—তিনি তখন বেকার। তিনি তখন লণ্ডনের সর্ব বিষয় লক্ষ্য করিতেছেন ও নাটক রচনা করিতেছেন। মেরায়া তাঁহার সহিত প্রেম ক্রীড়া করিত। কিন্তু তাহার পিতামাতার বিশ্বাস ছিল, এই বেকার যুবক কখনই তাঁহাদের জামাতৃপদে বৃত্ত হইবার উপযুক্ত নহে। সেও তাহাই ভাবিত।

ডিকেন্স স্বয়ং লিখিয়াছেন, মেরায়া অন্য প্রণয়প্রার্থীদিগকে উত্থাপ্ত করিবার জন্য সমর সমর তাঁহার প্রতি কৃপাকটাকৃপাত করিত। কাষেই ডিকেন্সের অন্তরের সীমা হতাশা। তথাপি তিনি মেরার মোহে মত্ত ছিলেন; তাহাকে পাইবার জন্য সর্ব্ব দিতে প্রস্তুত ছিলেন। অবশেষে তিনি বুঝিলেন, মেরায়া তাঁহাকে বিবাহ করিবে না। ডিকেন্সের সকল আশা নির্মূল হইল।

ইহার পর ১৮৩৬ খৃষ্টাব্দে ডিকেন্স কুমারী হোপার্ককে বিবাহ করেন। তিনি যেন আপনার বেদনামৃতি হইতে মুক্তিলাভকামনার এ বিবাহ করেন। কিছু দিন সুখে বিবাহ। কাটিল; কিন্তু সব যায়, মৃতি যায় না। ডিকেন্স প্রথম যৌবনের প্রেমমৃতি বিন্মৃত হইতে পারিলেন না। বেডনেল পরিবারে পরিচিত বহু ব্যক্তির চিত্র তিনি চিত্রিত করিয়া গিয়াছেন। তিনি আশ্চরিত লিখিতে আরম্ভ করেন। কিন্তু এই প্রেম-পরিচয় কালের বর্ণনা-কালে তিনি আর লিখিতে পারেন নাই; পাণ্ডুলিপি ভস্মসাৎ করিয়া ফেলেন। হায় প্রেম! ইহার পর তিনি 'ডেভিড কপারফিল্ড' রচনা করেন। এই গ্রন্থ তাঁহার হৃদয়শোণিতে লিখিত, তাঁহার অতি প্রিয় ছিল। এই গ্রন্থ বর্ণিত ডোরা চরিত্র অক্ষয়-কালে তাঁহার সংশয়ের সীমা ছিল না। ডোরা তাঁহার প্রথম যৌবনের প্রেম-প্রতিমা—মেরায়া।

১৮৪৫ খৃষ্টাব্দে ৩৫ বৎসর বয়সে মেরায়ার বিবাহ হয়। বহুদিন ডিকেন্সের সহিত মেরায়ার কোন রূপ পত্রব্যবহারাদি ছিল না। ১০ বৎসর পরে এক দিন অন্য বহুদিন পরে। অনেকগুলি পত্রের সঙ্গে মেরায়ার একখানি পত্র ডিকেন্সের হস্তগত হয়। ডিকেন্স প্রাপ্তিমাত্র সেই পরিচিত হস্তাক্ষর চিনিতে পারেন। তাহার পর ডিকেন্স স্বীকার করিয়াছিলেন যে, এত দিন তিনি যাহাই করুন না কেন—যে কাষেই থাকুন না কেন, তিনি মেরায়ার মৃতি বিন্মৃত হইতে পারেন নাই। তিনি মেরায়ার নাম শুনিলে শিহরিয়া উঠিতেন। তিনি মেরায়াকে 'ডেভিড কপারফিল্ড' পাঠ করিয়া সেই পূর্ব কথা স্মরণ করিতে—তাঁহার প্রেমের গভীরতা উপলব্ধি করিতে অনুরোধ করেন।

পত্রের ভাবে বোধ হয়, মেরায়া ডিকেন্সকে জানাইয়াছিলেন, পিতামাতার অসম্মতি না থাকিলে তিনি ডিকেন্সকে বিবাহ করিতেন। ডিকেন্সকে তখনও সেই পূর্বের মত বলিয়া মনে করিতেন। সাক্ষাতে সে মোহ দূর হইয়া গিয়াছিল; সেই দারুণ অভিজ্ঞতার কথা 'লিটল ডারিটে' বর্ণিত আছে। ইহার পর একবার ডিকেন্স তাঁহাকে অর্থ সাহায্য করিতে কুণ্ঠিত হইয়াছিলেন।

এই প্রেম-ব্যাপারে ডিকেন্সের দাম্পত্য জীবনের অস্থির-কারণ বুঝা যায়—তাঁহার প্রতি স্বতঃই মহামুভূতিতে আমাদের হৃদয় আকৃষ্ট হয়।

বিবিধ ১

—:—

সমাজসংস্কারক ডিকেন্স।

— . —

ডিকেন্সের শতবার্ষিক উৎসবের আর অধিক বিগল্য নাই। তাই বর্তমান সময়ে নানাপত্র ডিকেন্সনামকে নানা প্রবন্ধ প্রকাশিত হইতেছে। সংগ্রহি মিস্টার ম্যাজ সমাজসংস্কার সম্বন্ধে ডিকেন্সের চেষ্টার ও কাব্যের পরিচয় দিয়া 'বুকম্যান' পত্রে একটি প্রবন্ধ প্রকাশিত করিয়াছেন।

ডিকেন্স তাহার উপস্থাসে নানা অত্যাচার ও অনাচার দূর করিতে সচেষ্ট হইয়াছিলেন। শিক্ষা। তাহার উপন্যাসগুলি অনাচারের বিরুদ্ধে যুদ্ধতুর্ধ্য নিবাদিত করিয়াছিল। তাহার বক্তৃতা ও পত্র পাঠ করিলে বুঝা যায়, তিনি সংস্কারকল্পে সর্বদাই সচেষ্ট ছিলেন। তিনি নানাবিধ সংস্কার সাধনোদ্দেশে বহু প্রবন্ধও লিখিয়াছেন। কারাগার-সংস্কার, শিল্পসংস্কার, সম্মানপালন, দরিদ্রাবাস—ডিকেন্স এ সকল কথাই বিশেষ আলোচনা করিয়াছিলেন। 'মাজকাল—এতদিন পরে—আমরা যে ব্যবস্থা করিতেছি, বহুকাল পূর্বে ডিকেন্স সেই ব্যবস্থার কথাই বলিয়াছিলেন। তিনি বলিতেন, অনসাধারণের শিক্ষার ব্যবস্থা ব্যতীত কিছুই হইবে না। ১৮৪৭ খৃষ্টাব্দে তিনি লিখিয়াছিলেন, —অজ্ঞতাই অনাচারের কারণ। যাহাতে কারিগরী বিদ্যাগারে শিক্ষা সহজে কামে লাগান যায় তাহার ব্যবস্থা করিবার জন্য তিনি সচেষ্ট ছিলেন।

কারাগার-সংস্কার ডিকেন্সের মতে অত্যাচার ছিল। তিনি বলিতেন, যাহাতে বালকগণ কারাগারে ঘাইতে না চাহে—তাহাই কর। ১৮৫৪ খৃষ্টাব্দে লণ্ডনে কারাগার-সংস্কার। কলেরার প্রাদুর্ভাবকালে তিনি একটি প্রবন্ধে শ্রমজীবীদিগকে স্পষ্ট বলিয়াছিলেন, তাহারা দলবদ্ধ হইয়া সহরের সংস্কার দাবী করুক। এই যে উপদেশ—এই যে পরামর্শ ইহা জননারকেরই উপযুক্ত—ইহা সমাজের উচ্চস্তরহৃদিগের বিরুদ্ধে নিম্নস্তরহৃদিগের যুদ্ধ ঘোষণা—ইহা সমাজে সাম্যমন্ত্রপ্রচার। তিনি প্রাণদণ্ডের বিরুদ্ধবাদী ছিলেন। যদিও তিনি ইংলণ্ডের আইন হইতে প্রাণদণ্ডের ব্যবস্থা তুলিয়া দিতে পারেন নাই, তথাপি ইহা অবশ্য স্বীকার্য যে, 'টাইমস' পত্রে প্রকাশিত তাহার পত্রের কলে প্রকাশ্য হানে প্রাণদণ্ডদানের ব্যবস্থা রহিত হয়।

এখন তাহার শতবার্ষিক উৎসব উপলক্ষে তাহার স্মৃতি রক্ষার বিরূপ ব্যবস্থা হইবে, তাহার আলোচনা চলিতেছে।

— . —

স্বপ্ন ।

(জর্মানি হইতে ।)

উভয়েই বেকার ; কাহারও চাল চুলা নাই । একজন তুর্ক অপর জন বেদিয়া । ক্ষুধিত হইয়া উভয়ে একটা হোটেল প্রবেশ করিল । যেমন হোটেল, তেমনই আহার্য্য । তথায় একটা শীর্ণকায় মুরগী বাতীত আর কিছুই ছিল না । ভৃত্য সেটাকে মারিয়া পালক ছাড়াইয়া এক টুকরা কাঠ সংগ্রহ করিয়া ঝলসাইতে লাগিল ।

তুর্ক বলিল, “মুরগীটা যেকোন তাহাতে উহাতে উভয়ের কুন্নিবারণ হয় না । আইন, আমরা উভয়ে নিদ্রা যাই ; যে ভাল স্বপ্ন দেখিবে সে ই মাংস খাইবে । কি বল ?”

বেদিয়া স্বীকৃত হইল ;

উভয়ে হস্তান্তরে শয়ন করিল ।

তুর্ক ঘুমাইল, কিন্তু ক্ষুধাতুর বেদিয়ার নরনে নিদ্রা নাহি । সে কেবল মুরগীটাকে দেখিতে লাগিল ।

যখন “রুদ্ধন” শেষ হইল, তখন তুর্ক নিদ্রিত । বেদিয়া উঠিয়া পাইতে লাগিল ।

তুর্ক জাগিয়া বলিল ; “কি খবর ? তুমি কি স্বপ্ন দেখিলে ?”

বেদিয়া বলিল, “তোমার স্বপ্ন-কথা অগ্রে বল ।”

“ভাল । আমি স্বপ্ন দেখিলাম, মহম্মদ আমার জন্য স্বর্গ হইতে একপানি মই নামাইয়া দিলেন । সে মই বেশম-নিশ্চিত । আমি উঠিলাম । স্বর্গদ্বারে দেবদূত জননীর্ মত আমার অভ্যর্থনা করিলেন ; বিবিধ খানা ও পানীয় দিলেন । অন্য দেবদূতগণ আনিয়া আমাকে আলিঙ্গন করিলেন । তাঁহারাও আমাকে বহুবিধ দ্রষ্ট্রাদ্র দিলেন এবং অবিখ্যাসীদিগকে প্রহার করিবার জন্য একগাছি স্বর্গ যষ্ট্রিও দিলেন । আমি তাহা লইলাম না ; কারণ, সে ভার লইয়া আসিতে হইলে আমার আসিতে বিলম্ব হইবে—এ দিকে খাদ্য প্রস্তুত ।

তুর্ক মুরগীর সন্ধান করিতে লাগিল ।

বেদিয়া বলিল, “তুমি লাঠী গাছটি লইলে পারিতে । কারণ, তোমাকে মই বহিরা স্বর্গে উঠিতে দেখিয়াই আমি বুঝিলাম, মহম্মদ অবশ্যই তাঁহার অতিথিকে উত্তম আহার্য্য দিবেন । তাই আমি মুরগীটি খাইয়াছি ।”

সংস্করণ, ১৯৩৮

আষাষত্তা।

ত্রিহেমেন্দ্রপ্রসাদ ঘোষ

সম্পাদিত।

—০—

মুদ্রা।



বিষয়	পৃষ্ঠা।
পুরাতন ক্রমিক	১৫৩
বিহঙ্গিনী (কবিতা)	১৬৪
টলেপি	১৬৫
বিহঙ্গিনী (কবিতা)	১৭৩
কুসুম-বিলাস	১৭৪
কন্যা ও ছাত্র	১৭৪
ভবের পরাকর (কবিতা)	১৭৫
শিতকবির পুরস্কার (পদ)	১৭৬
সঙ্গীত-প্রকাশ (কবিতা)	১৭৬
কন্যা ও বিলাস	১৭৭
স্বাধীনতা (কবিতা)	১৭৮
স্বাধীনতা	১৭৯
কন্যা-বিলাস (কবিতা)	১৮০
স্বাধীনতা	১৮১

সম্পাদিত—ত্রিহেমেন্দ্রপ্রসাদ ঘোষ।

মুদ্রিত—শ্রীমদ্রাজেন্দ্রনাথ বসু।

সংস্করণ, ১৯৩৮

সীলেন্ট ছুণ

আপনি কি জানেন
ইসমার্ক লিনসিড তৈল সকলে এত
পছন্দ করেন কেন ?

সংঘের কার্যকে উজ্জ্বল ও কাঠকে স্থায়ী করিতে
কোন তৈল ইহার সমকক্ষ নয়, পরীক্ষা দ্বারা
সকলে আশাভীত ফল পাইয়াছেন।

এণ্ড ইউল এণ্ড কোং লিমিটেড রো।

সীলেন্ট ছুণ

সীলেন্ট ছুণের
গাথুনি একখণ্ড কঠিন প্রস্তরের স্থায়
পরিণত হয়।

গ্রাহকগণের সুবিধার জন্য ছুণ বস্তাবন্দী করিয়া মেনে
কিন্মা প্রীমারে বুক করিয়া দিই।


কিলবরগ এণ্ড কোং।

৪ নং ফেয়ারলি স্ট্রীট, কলিকাতা।

এক এক কোড, ইত্যাদি দেখুন।

ইসমার্ক লিনসিড তৈল

আর্য্যাবর্ত—



স্বর্গীয় রামতনু লাহিড়ী

লক্ষ্মী প্রিন্টিং ওয়ার্কস্‌।

পুরাতন প্রসঙ্গ ।

(৮)

৩১শে বৈশাখ, ১৩১৮ ।

অনেক দিন পরে আজ আবার সন্ধ্যার সময় বীডন উত্তানে পণ্ডিত মহাশয়ের সহিত আলাপ করিবার অবসর পাইলাম ।

পণ্ডিত মহাশয় বলিলেন—“আজ তোমার সাহিত্য পরিষদের অধিবেশনে উপস্থিত হইবার কথা ছিল, তথায় গেলে না কেন ?” আমি বলিলাম,—“শরীর ভাল নহে ।” তিনি জিজ্ঞাসা করিলেন,—“এই সকল অধিবেশনে প্রবন্ধ পাঠ করা হয় কি ?” আমি উত্তর করিলাম,—“হয় বৈকি ? আজ সম্রাট কনিষ্কের একটি স্বর্ণযুগ্ম প্রদর্শন করিবার কথা আছে । তিনি বলিলেন,—“দেখ, কালিদাসের পুস্তকে যে নিষ্ক কথটি পাওয়া যায়, আমার মনে হয় উহা আর কিছুই নহে, ঐ কনিষ্কের স্বর্ণযুগ্ম । নিষ্ক কথটির অর্থ কি জান ? জেলেদের গলায় অলঙ্কার-স্বরূপ যে সোণার ধুকধুকি পরাইয়া দেওয়া হয়, সেই অলঙ্কার-বিশেষকে নিষ্ক বলে । এখনকার ছেলেপিলের গলায় যেমন মর্দাঙ্গি আমলের মোহর কিম্বা ইংরাজের গিনি বুলাইয়া দেওয়া হয়, সেইরূপ হয় ত সীথির শকরাণের মোহর কালিদাসের সময়ে ব্যবহৃত হইত ।”

আমি বলিলাম,—“আশ্চর্যের বিষয় নহে । বিশেষতঃ যদি এ কথা সত্য হইত হয় যে, কনিষ্ক খৃষ্টীয় দ্বিতীয় শতাব্দীর লোক, এবং মহাকবি কালিদাস চন্দ্রগুপ্ত বিক্রমাদিত্যের সভার নবরত্নের এক রত্ন ।”

পণ্ডিত মহাশয় বলিলেন,—“দেখ, গ্রীক যুগ্ম আমাদের দেশে এত প্রচলিত ছিল যে, সংস্কৃত ভাষার মধ্যে তাহার যথেষ্ট প্রমাণ পাওয়া স্কটিন নহে । সংস্কৃত ‘দ্রম্ম’ নিষ্করূপে বাবনিক Drachma । অমরকোষে তাহার একটি নাম ‘স্নেহযুগ্ম’ । হইতে পারে, স্নেহযুগ্মের বর্ণের মত ইহার বর্ণ, কিন্তু আমার মনে হয় যে, বাস্তবিকই এই যুগ্মের স্নেহরাজার মুখ অঙ্কিত ছিল ।”

আমাদের এই কথোপকথনের মাঝখানে একজন উজ্জলোক বলিলেন—“ওনিরাছেন মহাশয়, অনায়েবুল্ বোহিনীমোহন রায়ের এক পুস্তকটি ভাল করা অগ্ন্যধে পুত হইয়াছে ?” কিছুকণ চুপ করিয়া থাকিয়া পণ্ডিত

মহাশয় বলিলেন—“মোহিনী বাবু was the architect of his own fortune । যখন তিনি সংস্কৃত কলেজে অক্ষয়াদ্বয় অধ্যাপনা করিতেম, আমি তখন তাঁহার ছাত্র । কিন্তু যখন বিশ্ববিদ্যালয় স্থাপিত হইল, তখন আমরা দুজনেই প্রথম বৎসরে প্রবেশিকা পরীক্ষা দিলাম । বঙ্কিম বাবুও আমাদের সহিত উক্ত পরীক্ষায় উত্তীর্ণ হইয়াছিলেন । তাহার পর আমি বি. এ. পড়িবার জন্য প্রেসিডেন্সি কলেজে ভর্তি হইলাম, মোহিনী বাবু কমিটি পরীক্ষা দিয়া উকিল হইলেন ; রাজসাহী জিলার ওকালতী আরম্ভ করিলেন । জিলার জজ লুইস জ্যাক্সন যখন তাঁহাকে স্নেহ করিতেম, বলিতেন—মোহিনীর বালকের মত কচি মুখ ও কৌকড়ান চুল আমার বড় ভাল লাগে । পরে লুইস জ্যাক্সন যখন হাইকোর্টে আসিলেন, মোহিনী বাবুকে কলিকাতার আসিতে পরামর্শ দিলেন । ক্রমে মোহিনী বাবুর কপাল ফিরিয়া গেল । লুইস জ্যাক্সনের আদালতে তাঁহার অসাধারণ প্রতিপত্তি হইয়াছিল । সে কালের সেই কমিটি পাস করা উকিলদিগের মধ্যে তিনি বেশ গুছাইয়া ইংরাজি বলিতে পারিতেন, লুইস জ্যাক্সনও তাহাই পছন্দ করিতেন । আবার তিনি মোকদ্দমা এমন করিয়া আরম্ভ করিতে পারিতেন যে, প্রথম হইতেই জজের কাণ খাড়া হইয়া উঠিত । একবার এক আপিলের মুখবন্ধে তিনি বলিলেন—

“My Lord, analysis of cases may be of two kinds,—the one a commonsense view of the case, the other a learned analysis of it. Mr. Field has here given us a very learned analysis ; but your Lordship will, I trust, appreciate the other kind of analysis, the commonsense view of the case.” আমার বেশ মনে পড়ে, জজ প্রথম হইতেই মনোনিবেশ করিয়া গুনিতে লাগিলেন । লুইস জ্যাক্সনের আদালতে ইহা কম গৌরবের কথা নহে । উকিলরা তাঁহাকে ভয় করিতেন । পচা খাস আপিল দাখিল করিবার জন্য প্রসিদ্ধ কোনও উকিল আপিলের সওয়াল জবাব আরম্ভ করিতে না করিতেই তিনি আপিলের কাগজ আশে আশে ফেলিয়া দিতেন । তিনি আপনার সুখ্যাতি পর্য্যন্ত গুনিতে ভালবাসিতেন না, বরং যে তাঁহাকে সুখ্যাতি করিত, তাহাকেই কড়া কথা শুনাইয়া দিতেন । কবি হেমচন্দ্র বন্দ্যোপাধ্যায়ের কথা তোমাকে পূর্বে কিছু বলিয়াছি, * কিন্তু এই প্রসঙ্গে একটি কথা আমার মনে পড়িতেছে ।

একদিন একটা মোকদ্দমার argumentএর সময় তিনি লুইস জ্যাক্সনকে একটু compliment দিলেন, অমনি লুইস বলিয়া উঠিলেন—“You must not expect to win your case by flattering me ;” হেম বাবুও অবিচলিত ভাবে উত্তর দিলেন—“Then I withdraw the remarks, my Lord”. হেম বাবুর ঐ একটা অসাধারণ গুণ ছিল, তিনি সদাই প্রফুল্ল থাকিতে পারিতেন। একদিন হারি বাবু তাঁহাকে বলিলেন, ‘গাধ্ হেম, তোর ব্যাপারখানা কি বল্ দেখি? এই যে জজদের কাছে এত লাধি কাঁটা খাস্, তবুও তুই সৰ্ব্বদা হাসিস্, তোর মুখ ত কখনও ভার দেখ্‌লুম না।’ হারি বাবুর কথায় হেম বাবু হাসিতে লাগিলেন। হেম বাবুর এই সহাস্ত ভাব আমার বড় ভাল লাগিত। একবার তিনি আমাকে উপলক্ষ করিয়া একখানা গোটা নাটকই রচনা করিয়া ফেলিয়াছিলেন, এবং খান পঞ্চাশেক মুদ্রিত করিয়া বন্ধুবান্ধবের মধ্যে বিতরণ করিয়াছিলেন। আমার নিকট সে নাটকের একখণ্ডও নাই। দেখি যদি উমাকালীর নিকট থাকে।

“কিন্তু মোহিনী বাবুর কথা বলিতেছিলাম। একটা বড় জমিদারি কিনিবার সময় লুইস জ্যাক্সন তাঁহাকে টাকা ধার দিয়াছিলেন। আজ সেই বিষয় সম্পত্তি তিন নয় ছয় হইয়া গেল।

“তখনকার দিনে জজরা যে উকিলের উপর বিরক্ত হইতেন, তাহার কারণ ছিল। কমিটি পাশ করা অনেক উকিল ভাল করিয়া গুছাইয়া ইংরাজি বলিতে ত পারিতেনই না, পরন্তু যাহা বলিতে যাইতেন, তাহা অত্যন্ত অদ্ভুত রকম দাঁড়াইত। একজন উকিল একবার একটা right of wayর মোকদ্দমা উপলক্ষে দণ্ডায়মান হইয়া বিচারপতিকে বুঝাইতে চাহেন যে, যে পথ লইয়া বিবাদ হইতেছে, সে পথে সদা সৰ্ব্বদাই সকলের গতিবিধি ছিল। এই কথাটি বুঝাইবার জন্য তিনি ক্রমাগত বলিতে লাগিলেন—It is a case of promiscuous intercourse, my Lord. জজ ম্যাকফার্সন্ উকিলের দিকে তাকাইয়া আন্তে আন্তে বলিলেন—You are a born idiot, Babu.

“বিখ্যাত বিদ্যালয়ের পরীক্ষাগারেই মোহিনী বাবুর সঙ্গে আমার ছাড়া-ছাড়ি হয়। আমি প্রেসিডেন্সি কলেজে এক বৎসর অধ্যয়ন করিয়া কয়েক মাস ডক্টর্ন্ কলেজে পড়িয়াছিলাম। ডক্টর্ন্ কলেজে দর্শন শাস্ত্রের অধ্যাপক ছিলেন ডাক্তার জর্জ স্মিথ। সুন্দর, সরল, সুদীর্ঘ দেহ, প্রশস্ত

লন্ডন, সৌম্য কাণ্ডি, অসাধারণ পাণ্ডিত্য ;—তাঁহাকে সকলেই ভক্তি করিত । তিনি প্রসিদ্ধ দার্শনিক স্যার উইলিয়ম হ্যামিল্টনের শক্ত ছাত্র ছিলেন । তাঁহারই মুখে শুনিয়াছি, তাঁহার গুরু হ্যামিল্টন পক্ষাঘাত-রোগগ্রস্ত অবস্থাতেই অধ্যাপনা করিতেন । মিষ্টার স্মিথ দুইখানা বড় বড় পুস্তক লিখিয়া গিয়াছেন,—ডাক্তার ডকের জীবন-চরিত ও বিশপ কটনের জীবন-চরিত । তিনি আমাকে যথেষ্ট স্নেহ করিতেন । দার্শনিক জর্জ পেনের একখানি পুস্তক আমি এমন করিয়া অধ্যয়ন করিয়াছিলাম যে, তিনি আমার আগ্রহ দেখিয়া সান্তিশয় প্রীত হইয়াছিলেন । আমার সহাধ্যায়ীরা সকলেই লাতিন জানিত, আমি উক্ত ভাষায় সম্পূর্ণ অজ্ঞ ছিলাম, ইহা জানিতে পারিয়া তিনি আমাকে তাঁহার নিজকক্ষে বসাইয়া লাতিন শিখাইতেন । কিন্তু তিনি অধিক দিন অধ্যাপনা করিলেন না । কলেজের কাজ ছাড়িয়া দিয়া তিনি শ্রীরামপুরে গেলেন ; সেস্থানের 'ফ্রেণ্ড অন্ড ইণ্ডিয়া' পত্রিকার সম্পাদক হইলেন । সম্পাদক হইয়া তিনি কিছু গোল করিয়া বসিলেন । আমি জানিতাম, তিনি একটু গোঁড়া খ্রীষ্টান । সেই জন্মই গোল বাধিল । তখনও সিপাহিবিরোধবহিঃ সম্পূর্ণ নির্বাপিত হয় নাই । 'ফ্রেণ্ড অন্ড ইণ্ডিয়া' এমন উৎকর্ষ খ্রীষ্টানি সুরে লিখিতে আরম্ভ করিল যে, গভর্নমেন্ট পর্য্যন্ত ব্যস্ত হইয়া উঠিলেন । সমস্ত ভারতবর্ষ খ্রীষ্টান না হইলে ইংরাজের রক্ষা নাই, এই কথাই উক্ত পত্রিকা বারম্বার বলিতে লাগিল । লর্ড ক্যানিং দেখিলেন, এ এক নূতন বিপদ ; এরূপ উন্নত প্রলাপে আবার অশান্তির তুফান উঠিতে পারে । সবিশেষ চিন্তা করিয়া তিনি যুদ্ধাধিকার একটি আইন করিলেন, এবং তাঁহার কলে পত্রিকাখানা বন্ধ হইয়া গেল ।

“বহুদিন পরে, আমি যখন হাইকোর্টে ওকালতি করি, একদিন শ্রীরামপুর রেল ষ্টেশনে মিষ্টার স্মিথকে দণ্ডায়মান দেখিতে পাই,—সেই সুদীর্ঘ দেহ, প্রশস্ত লন্ডন, সৌম্য কাণ্ডি । তিনিও আমার প্রতি একদৃষ্টে তাকাইয়া রহিলেন, আমার কিন্তু ভয়সা হইল না যে, তাঁহার সহিত বাক্যালাপ করি ।

“হিন্দু কলেজের কাণ্ডেন রিচার্ডসনের জ্ঞান মিষ্টার স্মিথ যশস্বী হইতে পারেন নাই । আমি কাণ্ডেনের কাছে কখনও অধ্যয়ন করি নাই ; কিন্তু যখন আমি সংস্কৃত কলেজে পড়ি, তখন তাঁহাকে অনেক-বার দেখিয়াছি । তোমরা বোধ হয় শুনিয়া থাকিবে যে, লর্ড মেকলে রিচার্ডসনের মুখে সেক্সপীয়রের কিয়দংশের আবৃত্তি শুনিয়া এক চমৎকৃত

হইয়াছিলেন যে, তৎকালে তাঁহাকে হিন্দু কলেজের অধ্যাপক নিযুক্ত করিলেন। পরে কিন্তু মিষ্টার বীটনের (Drinkwater Bethune) সঙ্গে তাঁহার মনোমালিন্য হয়; তিনি কর্মত্যাগ করিতে বাধ্য হইলেন। যতদূর আমরা জানিতে পারিয়াছিলাম, তাঁহার এই কর্মত্যাগের একটা নিগূঢ় কারণ ছিল, কিন্তু সে বিষয়ের আলোচনা এখন নিম্প্রয়োজন।

“কাণ্ডেন রিচার্ডসনের চাকরিটি গেল। অল্পকাল পরেই মতিলাল-শীল ও রাজেন্দ্রলাল দত্ত প্রমুখ কয়েকজন ভদ্র লোক সিঁদুরিয়াপটির গোপাল মল্লিকের বাড়ীতে মেট্রোপলিটান কলেজ নামক একটি বিদ্যালয় স্থাপিত করিলেন। এখন হারিসন রোডে সে বাড়ীর চিহ্নমাত্রও নাই, তাহার উপর দিয়া উক্ত রাস্তা চলিয়া গিয়াছে। এই বাড়ীতে ‘বিধবা-বিবাহ নাটক’ প্রথম অভিনীত হইয়াছিল। কাণ্ডেন রিচার্ডসন সেই বিদ্যালয়ে অধ্যাপক নিযুক্ত হইলেন। কলেজটি কিন্তু বেশি দিন টিকিল না। আমি যখন বি. এ. পাস করিয়াছি, তখন শুনিলাম যে, কাণ্ডেন রিচার্ডসন কয়েকমাস প্রেসিডেন্সি কলেজে অধ্যাপনা করিয়াছিলেন। সেই সময়ে রাজকুমার সর্বাধিকারি প্রেসিডেন্সী কলেজের ছাত্র। আমি তাঁহার মুখে রিচার্ডসনের যথেষ্ট প্রশংসাবাদ শুনিয়াছি।

কাণ্ডেন রিচার্ডসন Selections from English Poets, Literary Leaves, প্রভৃতি যে কয়খানি পুস্তক প্রণয়ন করেন, সেই কয়খানা পুস্তকেই তিনি যে গুণপনার পরিচয় দিয়াছেন, তাহা বিশেষভাবে প্রশংসনীয়। তিনি ইংরাজ ও স্কট্ কবিদিগকে যথোচিত সমালোচনা করিতে ছাড়েন নাই। এমন কি সেক্সপীয়রের যে সনেটটি পাঠ করিলে শিক্ষিতব্যক্তিমাত্রই বিশ্বয়ে ও লজ্জায় অধোবদন হইলেন,—‘Master mistress of my passion’ ইত্যাদি, রিচার্ডসন সেই সনেটটিরও একটি সুকৃতিপূর্ণ ব্যাখ্যা করিবার নিফল প্রয়াস পাইয়াছিলেন; অবশেষে তিনি বলিয়া উঠেন ‘I wish Shakespeare had never written a sonnet like this.’ মেকলে একবার হিন্দুকলেজে কাণ্ডেন রিচার্ডসনের ছাত্রদের পরীক্ষা লইলেন। ঘটনাচক্রে যে কবিতাটি তাঁহার দৃষ্টিতে পড়িল, সেটি মিন্টনের একটি সনেট—যে কবিতায় তিনি ভয় প্রকাশ করিতেছেন যে, একদল সৈন্য আসিয়া তাঁহার গৃহ ভাঙ্গিয়া দিবে। তিনি কাণ্ডেন, কর্ণেল ইত্যাদি সেনানায়কদিগকে স্মরণ করাইয়া দিতেছেন যে, দিগ্বিদ্যুৎ আলোকলাভার যেমন পিণ্ডারের বাড়ীটি ভগ্ন করেন নাই, সেইরূপ

উহারিও যেন ইংরাজ কবির বাড়ীটি না ভাঙেন। কবিতাটির প্রথম ছত্র captain or colonel বলিয়া আরক্ক হইয়াছে। পাঠ করিবার সময় কলোনেল উচ্চারণ না করিলে ছন্দপতন হয়। একজন ছাত্র প্রথমেই কবিতাটি পড়িবার সময় কলোনেল পড়িয়া গেল। মেকলে আনন্দিত হইয়া যুবকটির নিকটে আসিয়া তাহার পিঠ চাপড়াইতে লাগিলেন।

“সম্প্রতি না কি রমেশচন্দ্র দত্তের এক ভাগিনেরীর সতীদাহ হইয়াছে? কাগজওয়ালারা না কি খুব বাহবা দিতেছে? দেখ, হরেন্দ্র হেম্যান্ট উইলসন আইনের দ্বারা সতীদাহ উঠাইয়া দিতে না কি নারাজ ছিলেন। একজন ইংরাজ এই প্রথার বিরোধী হয়েন নাই। ইহা কিরূপে ঘটিল, তাবিলে বিস্মিত হইতে হয়। তিনি সংস্কৃত শাস্ত্রে দিগ্গজ পণ্ডিত ছিলেন বটে, এমন কি সংস্কৃত ভাষায় কথোপকথন করিতে পারিতেন, কিন্তু তিনি জোর এই পর্য্যন্ত বলিয়া ক্ষান্ত হইতে পারিতেন যে, সতীদাহরোধ করিলে হিন্দুর ধর্মবিখ্যাসে আঘাত লাগে। এই বিখ্যাসেই বোধ হয় তিনি আইনের দ্বারা সতীদাহ উঠাইতে চাহেন নাই।

“সিদ্ধদেশ জয় করিয়া যখন সুর চার্লস নেপিয়র উক্তপ্রদেশে ইংরাজ-রাজত্ব প্রতিষ্ঠিত করিলেন, তখনই ঘোষণা করিয়া দিলেন যে, তথায় আর সতীদাহ চলিবে না, কারণ সিদ্ধেশ্বরের দশ বৎসর পূর্বেই লর্ড বেণ্টিঙ্কের আমলে ইংরাজ-রাজ্য হইতে সতীদাহ-প্রথা উঠাইয়া দেওয়া হইয়াছিল। ইংরাজ-রাজত্বের বিশিষ্ট গৌরব এই যে, উহার মধ্যে সতীদাহ-প্রথা অথবা ক্রীতদাস রাখিবার প্রথা আদৌ থাকিতে পারিবে না। যখন ঘোষণা প্রচারিত হইল, তখন তথাকার কয়েকজন প্রাচীন ধর্ম্মাভিমानी চাঁই-গোছ হিন্দু উহার নিকট উপস্থিত হইয়া বিনীতভাবে নিবেদন করিলেন—হজুর, সতীদাহ উঠাইয়া দিলে আমাদের সনাতন হিন্দু ধর্ম্মে হস্তক্ষেপ করা হয়। এই কথা শুনিয়া তিনি অমানবদনে উত্তর দিলেন—সতীদাহ তোমাদের ধর্ম্মের অন্তর্গত হইতে পারে; কিন্তু আমি যে ধর্ম্ম মানি, এ প্রথা তাহার সম্পূর্ণ বিপরীত; অতএব জানিয়া রাখিও, যিনি ইহাতে লিপ্ত হইবেন, আমি নিশ্চয়ই তাঁহাকে কঁাসি দিব।—It may be your religion to burn your widows, but remember, it is my religion to hang those who will be concerned in it.—এই কথায় তটিকাব্যের ছইটি শ্লোক আমার মনে পড়ে। রাক্ষস মারিচ বলিতেছেন—আমাদের ধর্ম্ম এই

যে, বিজ্ঞ ও বেদবজীদিগকে হত্যা করা, নগরকে প্রেতের আবাস ভূমি করা,—

অদ্যঃ বিজ্ঞান্ বেদবজীন্ নিহন্যঃ

কুর্মাঃ পুরং প্রেতনরাধিবাসং

ইত্যাদি,

রামচন্দ্রও উত্তর দিলেন ‘তোমাদের যদি ঐ ধর্ম হয়, আমারও এক ধর্ম আছে,—যাহারা ঐ রূপ করিবে, তাহাদিগকে নিধন করা—

ধর্মোহস্তি সত্যং তব রাক্ষসায়ং

অথো ব্যতিস্তে তু মমাপি ধর্মঃ

ব্রহ্মধিবস্তে প্রণিহ্নি যেন

রাজ্ঞবৃত্তিধৃতভাসুরাজ্ঞঃ।

ইহাতে দেখিতেছি যে, যেখানে যত উচ্চ অঙ্গের কর্মবীর (men of action) জন্মগ্রহণ করিয়াছেন, সমান অবস্থায় সংস্থাপিত হইলে সকলেরই একমুখে ‘রা’ বাহির হয়। কোথায় ত্রেতাযুগের রামচন্দ্র, কোথায় স্মর চার্লস্ নেপিয়র! কিন্তু দেখ, যেন দুজনে পরস্পর পরামর্শ করিয়া কথা কহিতেছেন।

“যখন লর্ড বেণ্টিঙ্কের আমলে সতীদাহ উঠাইবার হুকুম প্রচারিত হইল, তখন না কি হিন্দুসমাজের চাইগণ ইংলণ্ডে সে বিষয়ের প্রতিবাদের জন্য আন্দোলন করিবার উদ্যোগ করিয়াছিলেন, এবং সেই উপলক্ষে তথায় একজন কোন্সিলি নিযুক্ত করিয়াছিলেন। সেই কোন্সিলি আর কেহ নহেন, আমাদের পরিচিত মিষ্টার বীটন (John Drinkwater Bethune) যিনি প্রায় ২২।২৩ বৎসর পরে এখানে আইনের সদস্য Law Member হইয়া আইসেন। তিনি না কি যখন সতীদাহের স্বপক্ষে কোন্সিলি হইলেন, তখন এই প্রধান বিশেষ বিবরণ, ইহার ঘোরতর অত্যাচারপূর্ণতা, ইহার লোমহর্ষণ নৃশংসতা ভালরূপ হৃদয়ঙ্গম করিতে পারেন নাই। পরে এ দেশে আসিয়া এবং এখানে লোকজনের সঙ্গে কথাবার্তা কহিয়া তিনি সমস্ত হৃদয়ঙ্গম করিতে পারিলেন। তখন উহার স্বপক্ষে এক সময়ে কোন্সিলি হইয়াছিল। বলিয়া এরূপ ছর্কিবহ অনুতাপবন্ধনা উহার হৃদয়কে অভিভূত করিল যে, তিনি প্রতিজ্ঞা করিলেন যে, দেশের নারীজাতির প্রতি এই প্রকার অত্যাচার-পাতকে আমি লিপ্ত হইয়াছি, উহার প্রায়শ্চিত্তের জন্য সেই দেশের নারী-

জাতির কিঞ্চিৎ উপকারার্থ আমি আমার সর্ব্ব দিয়া বাইব । তদনুসারেই তিনি বেধুনকলেজের প্রতিষ্ঠাকল্পে সর্ব্ব দান করিয়া গিয়াছেন ।

“আমি দেখিতেছি যে, এখনও প্রাচীনধর্ম্মানুরাগী কোনও কোনও মহাত্মা ব্যক্তি সতীদাহ-প্রথার প্রতি কিছু কিছু অনুরাগ প্রদর্শন করেন; এবং গায়ের জোরে উহা উঠাইয়া দেওয়া হইয়াছে ইহা ভাবিয়া তাঁহারা এখন পর্য্যন্ত যেন কিছু মনঃস্কুল হইলেন । ইহাতে ততদূর আশ্চর্য্যান্বিত হইবার কারণ নাই । কারণ Lecy's History of Rationalism পাঠ করিয়া দেখা যাইতেছে যে, ধর্ম্মের দোহাই দিয়া মানুষ পোড়ান যুরোপেও বড় অধিক দিন উঠিয়া যায় নাই । এই সমস্ত ব্যাপার এবং যুরোপের ইতিহাসে ক্রুসেড নামক বুদ্ধ এবং ক্যাথলিক প্রটেস্ট্যান্টদিগের মধ্যে দীর্ঘকালব্যাপী ঘোরতর রক্তারক্তি ব্যাপার, এই সকল বিষয় আলোচনা করিলে মনোমধ্যে একটা বিষন্নতার ভাব আসিয়া পড়ে এবং মনে হয় How melancholy is the history of mankind when contemplated in connection with events like these ! উন্নতি, উন্নতি বলিয়া আমরা যে বড়াই করিয়া থাকি তাহা কত সামান্য ! এবং কি প্রকার অত্যাচারপরম্পরার মধ্যে দিয়া সেই ৪৭-সামান্য উন্নতি লাভ করা গিয়াছে ভাবিলে এক প্রকার হতাশাস হইতে হয় ।

“এই প্রসঙ্গে বিদ্যাসাগর মহাশয়ের প্রবর্তিত বিধবা বিবাহ স্বত্বক্ষেও দুই এক কথা বলা যায় । আমি দেখিতেছি, এক্ষণে উচ্চ শিক্ষিত দলের মধ্যেও সনাতন ধর্ম্মের দিকে যে একটা reaction আসিয়া জুটিয়াছে তাহার প্রভাবে বিধবা বিবাহের প্রতিও বিতৃষ্ণা জন্মিয়াছে । আরও এক আশ্চর্য্যের বিষয় এই যে, কোম্বলের দলও সেই বিতৃষ্ণা প্রদর্শন করেন । এ স্থলে বক্তব্য যে কোম্বলের বিবিধ * apercuর মধ্যে একটি apercu আছে তাহার নাম তিনি দিয়াছেন বিগ্ৰহ বিবাহ—chaste marriage । তিনি বলেন যে, যদিও

* কিছু কাল হইল ফরাসি ভাষার দর্শন শাস্ত্রের মধ্যে এই একটি নূতন কথা প্রচলিত হইয়াছে । ইংরাজিতে এখনও পর্য্যন্ত ইহার অনুরূপ কোনও শব্দ বাহির হয় নাই । মোটা বৃত্তি apercu শব্দের অর্থ এইরূপ বলা যাইতে পারে যে, যখন কোনও চিন্তায়িতা কোনও একটা গুরুতর এবং নানাবিধ প্রসবী (prolific idea) উদ্ভাবিত করেন বাহার আন্দোলন দ্বারা অনেক অভিনব তত্ত্বকথা মনোমধ্যে উদ্ভূত হয়, তাদৃশ Idea কেই apercu কহে । কোম্বলের গ্রন্থাবলীর মধ্যে এই প্রকার বিস্তারিত apercu লক্ষিত হয়, তাহার এক একটি অবলম্বন করিয়া এক একটি বিস্তারিত প্রবন্ধ দেওয়া যাইতে পারে । কোম্বল কিন্তু চুচুরি কথায় ইঙ্গিত মাত্র করিয়াই সারিয়া দিয়া গিয়াছেন ।


পুরাকালে প্রথম উদ্ভবে বিবাহের প্রধান উদ্দেশ্য ছিল, সম্ভান উৎপাদন ও শৃঙ্খলাবদ্ধ রূপে শারীরিক বৃদ্ধি চরিতার্থকরা। চরমাবস্থায় কিন্তু বিবাহের সেই উদ্দেশ্য স্বীকার করা যায় না। স্ত্রীজাতি ও পুরুষ জাতির স্বাভাবিক অনেক গুলি বৈলক্ষণ্য আছে। এমন অনেকগুলি গুণ ও প্রকর্ষ (perfection) স্ত্রীজাতিতে আছে, যথা, মেহ, পরানুগ্রহ, কোমলতা, সম্ভানপ্রতিপালনতৎপরতা, পরহুঃখকাতরতা, প্রকৃতি—যেগুলি সেই পরিমাণে সাধারণঃ পুরুষ-জাতিতে স্বাভাবিক বিদ্যমান দেখিতে পাওয়া যায় না। পক্ষান্তরে পুরুষ-জাতিরও এইরূপ কতগুলি প্রকর্ষ আছে, যথা সাহস, দৃঢ়তা, অধ্যবসায়, নছোড়-বাদ্দা এই বৃদ্ধি, যেগুলি সেই পরিমাণে স্ত্রীজাতির নাই। জন্ ট্যুরাট্ মিল হয়ত বলিবেন যে, স্ত্রীপুরুষজাতির এই স্বাভাবিক বিভিন্নতা উভয়ের চিরন্তন প্রচলিত শিক্ষার ও অভ্যাসের বিভিন্নতাবশতঃ ঘটিয়াছে এবং অভ্যাসের কিঞ্চিৎ অদল বদল করিয়া দিলে কয়েক পুরুষের মধ্যে সেই বৈসাদৃশ্য উঠিয়া যাইবে। কোম্ব্তের মত কিন্তু তাহা নহে। যেমন স্ত্রীজাতির শাশ্রু উদ্ভেদ হয় না, চুল বড় হয়, স্তনদ্বয় বিবৃদ্ধ হয়, শরীরে লোম অল্প হয়, অস্থি কোমল থাকে, অধিকাংশই cartilage, স্বভাবের বিভিন্নতাও সেইরূপ physiological। পুরুষেরও তদ্রূপ। এখন কোম্ব্ বলেন যে, যখন বিবাহদ্বারা দুই জাতি পরস্পর সর্বদা কাছাকাছি থাকে, তখন একের দেখিয়া অন্যের হীনতাগুলি কতকদূর অপনীত হইতে থাকে। পুরুষের মেহবৃদ্ধি বৃদ্ধি পায়, নারীর অধ্যবসায় প্রবল হয়, ইত্যাদি। এই সকল পরিবর্তন অপ্রার্থনীয় নহে। ইহাতে সম্ভানের উপকারই আছে, এবং বিবাহ দ্বারা সেই অভিপ্রায়টি কিয়দংশে সিদ্ধ হয়। অতএব যদি বিবাহের প্রধান অভিপ্রায় ইহাই হইল, তবে রিপূর চরিতার্থতার সহিত বিবাহের সম্বন্ধ বিচ্ছিন্ন করিয়া দেওয়া যাইতে পারে। বিশেষতঃ এরূপ অনেক রুগ্ন, শীর্ণ, জীর্ণ ব্যক্তি আছেন যাঁহাদিগের পক্ষে সম্ভানের উদ্ভব উচিত নহে। আজিকার কালে একথা এক প্রকার স্বতঃসিদ্ধ হইয়া গিয়াছে। রোগ যে পুরুষাবৃত্তমে সংক্রামিত হয়, সে বিষয়ে আর কিছুমাত্র সন্দেহ নাই। স্বভাবের দোষও তদ্রূপ। কেবল আমরা অত্মাপি চিত্ত-দৌর্বল্য বশতঃ এই গুরুতর শারীরতত্ত্বসাহসারে চলিতে পারি না। কিন্তু ইহা আমাদের বড়ই লজ্জার ও স্বণার কথা। আমি স্বয়ং পক্ষাঘাতগ্রস্ত বা যুগ্মরোগগ্রস্ত অথচ আরও অনেক সেই সেই রোগগ্রস্ত জীবকে পৃথিবীতে আনিবার উদ্যোগ করিতেছি, ইহা অপেক্ষা অধিক কাণ্ড আর কি হইতে

পারে? কিন্তু এখন পর্যন্ত অতি অল্প লোকই ইহা ভাবিয়া থাকেন। বাপ মা ছেলেপুলের বিবাহ দিবার সময়ে একটু ভাবেন বটে, কিন্তু বিবাহ একবার হইয়া গেলে দম্পতি আদৌ এদিকে লক্ষ্য করে না। আবার যুরোপে এতন্নিবারগাৰ্ধ যে সকল প্রথা প্রচলিত করিবার চেষ্টা হইয়াছে ও হইতেছে, ইহাদিগের অন্তর্করণে ভব্যতার লেশ আছে তাঁহারা কেহই বোধ হয় সেগুলির অনুমোদন করিবেন না। কেহ কেহ এই উপলক্ষে ভ্রূণহত্যাপ্রথাও চালাইতে চাহে। তৎসম্বন্ধে এই কথা বলিলেই যথেষ্ট হইবে যে, উহা ভ্রূণলোকের নিকটে নিতান্ত জুগুপ্সিত ব্যাপার। এই সমস্ত পর্য্যালোচনা করিয়া কোম্বৎ বিশুদ্ধ বিবাহ নামে এক নূতন কাণ্ড চালাইতে চাহেন। তিনি বলেন, বিবাহ কর, কিন্তু শারীরিক সম্বন্ধ সংস্থাপিত করিও না। ইহারই নাম chaste marriage। এই কথা শুনিবামাত্র বোধ হয় পনের আনা তিন পাই লোক হো হো করিয়া হাসিয়া উঠিবেন এবং কোম্বৎকে বন্ধ পাগল বলিয়া বিদ্রূপ করিবেন। কিন্তু আমার ত বোধ হয়, যদি চ কাম-রিপুর তুল্য প্রবল বৃত্তি আর নাই, তথাপি কোম্বতের নূতন কাণ্ডটা একেবারে হাসিয়া উড়াইয়া দিবার বিষয় বলিয়া বোধ হয় না। রোমান ক্যাথলিক পাদ্রিদিগের মধ্যে এ সম্বন্ধে বিস্তর ভাণ্ডামি প্রকাশিত হইয়াছে বটে; কিন্তু তাহাই বলিয়া উহা একেবারে আদ্যোপান্ত ভাণ্ডামি বলিয়া মনে হয় না। তাহা হইলে এতদিন সমাজ কখনই উহা সহ করিত না।

“এখন বলিতে চাহি যে, যেমন কোম্বতের মতে বিশুদ্ধ বিবাহ এক নূতন কাণ্ড, সেইরূপ ধর্মবিবাহ (Religious marriage) আর একটি নূতন কাণ্ড। তিনি বলেন, ধর্মবিবাহস্বত্রে গ্রথিত হইলে এ ভ্রমের আর বিবাহ করা চলিবে না। পতিই মরুন, আর পত্নীই মরুন, উভয়কেই এ ভ্রমের মত মৃত পতি বা পত্নীর ধ্যানে জীবনযাত্রা নির্বাহ করিতে হইবে। যদি একবার তির বা পত্নীর স্বভাবের সহিত কিঞ্চিৎ পরিচয় জন্মিয়া থাকে, তাহা হইলে তিনি অবর্তমানে তাঁহার স্বভাবের ধ্যান করিয়াই বিশেষ আনন্দ সহকারে জীবন নির্বাহ করা যাইতে পারে। কোম্বৎ এই নিয়ম কি জ্ঞী কি পুরুষ উভয়ের পক্ষেই একেবারে জারি করিতে চাহেন এবং একগকার কোম্বতের দলও এই ভ্রম বোধ হয় বিধবাবিবাহের প্রতি বিরূপ হইয়া বসিয়া আছেন। তাঁহারা বোধ হয় বলেন যে, পরিণামে যখন বিধবা-বিবাহ উঠাইয়া দিতে হইবে, তখন উহা আর চালান কেন?

“কিন্তু তাঁহারা ইহা ভাবিয়া দেখেন না যে, এখন যে অবস্থা আছে, তাহাতে স্ত্রীজাতির প্রতি ঘোর অত্যাচার হইতেছে এবং পুরুষজাতির ঘোর স্বার্থপরতা প্রকটিত হইতেছে। পুরুষ ষাট বৎসরের বৃদ্ধ হইলেও অনায়াসে আবার বিবাহ করিতে যান, কেহ টু শব্দটিও করে না, কিন্তু নারী ১২।১৩ বৎসরে বিধবা হইলেও বৈধব্য-যন্ত্রণা ভোগ করুন, এক সন্ধ্যা আহা করুন, সর্বপ্রকার লুপ্ত ক্ষমতা পরিত্যাগ করুন, ভ্রাতার সংসারে আধাদাসী হইয়া কাল যাপন করুন, ভাইপো ভাইঝিদিগকে মানুষ করুন, ইহাই তাঁহার প্রতি আদেশ। একগণকার সর্বসাধারণ ‘এজু’র (Educated শব্দের এই সংক্ষেপ ব্যবহার করিলাম) দলও এই ব্যবস্থার পক্ষপাতী। আজকাল আধ্যাত্মিকতা বলিয়া একটা কথা বাহির হইয়াছে। ‘এজু’রা বলেন, বিধবা বিবাহ চালাইলে নারীর আধ্যাত্মিকতার হ্রাস হইবে। একরূপ ব্যবস্থা মন্দ নহে বটে! আমরা পুরুষ, মেঠাই মণ্ডার ভাগটা আমরাই সমস্ত গ্রহণ করি, আধ্যাত্মিকতা ওরফে কঠোর ব্রত পালন নারীর স্বক্কেই চাপাইয়া দেওয়া যাউক। হামলেটের ওফেলিয়া ভ্রাতা লেয়ার্টিসকে বলিতেছেন—দাদা, কণ্টকাকীর্ণ পথে বিচরণ করিবার পরামর্শ আমাকে ত খুব দিলেন, কিন্তু নিজে যেন কেবল মেঠাই মণ্ডা লইয়াই কাল যাপন করিবেন না, তাহাতে আপনারও চরিত্র-ভ্রংশ হইবার সম্ভাবনা আছে। মিল্টন বলিয়াছেন—Spare fast that with the Gods doth diet ;— মিল্টনের এই উক্তি অকপট বটে। ইহার মধ্যে তাঁহার মনে একধামা মুখে একধামা ছিল না। কিন্তু ‘আইভানহো’তে বনবাসী সন্ন্যাসী (Monk) যখন রিচার্ড রাজাকে বলিতেছেন—আমার ঘরে ছোলা ভাজা ছাড়া অল্প কোনও ভাল খাদ্য দ্রব্য নাই,—তখন রিচার্ড অনেক পীড়াপীড়ি করাতে পরিশেষে তাঁহার ভাঁড়ারের মধ্য হইতে কালিয়া, কাবাব, পুরি প্রভৃতি ভাল ভাল খাবার বাহির হইতে লাগিল। নারীর প্রতি আমাদের পুরুষজাতির উপদেশটা কিয়দংশে তদ্রূপ। পুরুষ বিধবাদিগকে বলেন—ওগো ক্রীমতিগণ, একাদশী কর, একসন্ধ্যা ধাও, চুল মুড়াইয়া ফেল, সৌধীন ধাওয়া দাওয়া এককালে ত্যাগ কর, শরীর খুব ভাল থাকিবে, দীর্ঘকাল নীরোগে জীবন কাটাইবে। পুরুষ নিজে কিন্তু চর্ক্য চোম্ব লেছ পের ছাড়িবেন না। ইহারই নাম আধ্যাত্মিকতা! এই আধ্যাত্মিকতা বজার রাখিবার জন্য আমরা পুরুষ রৌদ্রবৃষ্টিতে ছাতা মাথায় দিব, স্ত্রীলোক কিন্তু দিতে পারিবেন না। শীতকালে জামাজুতা পরিব, নারী কিন্তু শীতে হি হি করুক আর

টলেমি। *



প্রসিদ্ধনামা টলেমি খৃষ্টীয় দ্বিতীয় শতাব্দীর মধ্যভাগে মিশরের অন্তর্গত আলেকজান্দ্রিয়া নগরীতে আবির্ভূত হইয়াছিলেন। অল্পশাস্ত্রে এবং জ্যোতির্বিজ্ঞান ঠাঁহার অসাধারণ পারদর্শিতা ছিল। তদ্ব্যতীত তিনি সঙ্গীত-পটু ছিলেন, ঠাঁহার সুমধুর সঙ্গীত শ্রবণে লোক মুগ্ধ হইত।

টলেমি জ্যোতির্বিজ্ঞানবিষয়ে অলমাজেষ্ট নামধেয় একখানি সুবৃহৎ গ্রন্থ রচনা করিয়া গিয়াছেন, অলমাজেষ্টের পরিশিষ্টরূপে তদীয় ভূগোল-বৃত্তান্ত রচিত হইয়াছিল।

টলেমির ভূগোল-বৃত্তান্তও আট অধ্যায়ে বিভক্ত সুবৃহৎ গ্রন্থ; ইহার একটি অধ্যায়ে ভারতবর্ষীয় বিবরণ লিপিবদ্ধ আছে।

টলেমি পৃথিবী গোলাকাররূপে বর্ণনা করিয়া তাহার পরিধি ১৮০০০০ ষ্টেডিয়া এবং মধ্য রেখার এক ডিগ্রির বিস্তার ৫০০ ষ্টেডিয়া বলিয়া নির্দেশ করিয়াছেন। ঠাঁহার এই অঙ্কপাত ভ্রমাত্মক, এজন্য তদীয় গ্রন্থোন্নিষিত নগর, নদ, নদী ইত্যাদির বর্তমান নাম ও অবস্থান নির্ণয় করা কঠিন। কিন্তু তথাপি লাসেন, ইউল প্রভৃতি পাশ্চাত্য পণ্ডিতগণ বহু অনুসন্ধান ও চিন্তা-বলে এবিষয়ে অনেক পরিমাণে কৃতকার্য হইয়াছেন।

খৃষ্টীয় দ্বিতীয় শতাব্দীতে সিন্ধু নদের পশ্চিম কূলের বহু অংশ ভারত-বর্ষের অন্তর্ভুক্ত ছিল। কান্দাহার, গজনী, কাবুল, বাক প্রভৃতি ভারতবর্ষের পশ্চিম সীমা ছিল। এই সকল জনপদে হিন্দু রাজস্বগণ রাজত্ব করিতেন। পুরাকালে কান্দাহার গাক্কার, বাক বাহ্লীক, কাবুল করোর নামে পরিচিত ছিল।

ভারতবর্ষের উত্তর সীমা ইমায়ুস নামক পর্বত পর্যন্ত বিস্তৃত ছিল। ইমায়ুস সংস্কৃত হিম শব্দের অপভ্রংশমাত্র। গ্রীকগণ হিন্দুকুশ পর্বতের এই নাম প্রদান করিয়াছিলেন। ইমায়ুস পর্বত এবং তাহার চতুর্পার্শ্বে শাকই, কছোজ, কিরাতাই প্রভৃতি ইতিহাসপ্রসিদ্ধ জাতির বাস ছিল।

টলেমি স্বীয় গ্রন্থে সিন্ধু নদের মুখ হইতে গঙ্গা নদীর মুখ পর্যন্ত বিস্তৃত

সমগ্র ভারতীয় উপকূলের বর্ণনা লিপিবদ্ধ করিয়া গিয়াছেন। আমরা তদনুসারে ভারত উপকূলবর্তী প্রধান প্রধান জনপদের বর্ণনায় প্রবৃত্ত হইলাম।

সিরিষ্ট্রিনি সৌরাষ্ট্রের অপভ্রংশ। বর্তমান সময়ে উহা গুজরাট নামে পরিচিত। সিরিষ্ট্রি প্রাচ্য দেশের প্রধান নগর ছিল। বর্তমান সময়ে এই নগর জুনাগড় নামে পরিচিত, তৎপূর্বে জীর্ণ নগর নামে পরিচিত হইয়াছিল। জুনাগড়ের চতুর্পার্শ্বে প্রাচীনত্বের অসংখ্য নিদর্শন দেখিতে পাওয়া যায়। জুনাগড়ের নিকটবর্তী পর্কতগাত্রে অশোকের, স্বক গুপ্তের এবং ক্রদ্রদাসের অনুশাসন-লিপি উৎকীর্ণ রহিয়াছে।

মনগ্রোসন বর্তমান সময়ে মনগ্রোল নামে পরিচিত হইতেছে। মনগ্রোল দক্ষিণ-পশ্চিম উপকূলবর্তী একটি সমুদ্র বন্দর এবং জুনাগড় করদ রাজ্যের অধীন।

লারিক লাসেনের মতে সংস্কৃত রাষ্ট্রিক এবং প্রাকৃত লাটিক শব্দের অপভ্রংশমাত্র, লারিক বা রাষ্ট্রিক বর্তমান গুজরাট দেশের একাংশব্যাপী ছিল। লার শব্দ লাট শব্দের অপভ্রংশ। গ্রীক লেখকবর্গ লার শব্দের শেষে স্বদেশীয় “ইক” শব্দ যোগ করিয়া লারিক শব্দের সৃষ্টি করিয়াছেন বলিয়া নির্দেশ করা যাইতে পারে। বাক্গজা (সংস্কৃত নাম কুক্কচ্ছ এবং আধুনিক নাম বরোচ) ও উজ্জয়িনী নামক প্রসিদ্ধ স্থানদ্বয় লারিক দেশের অন্তর্গত ছিল।

নৌসরিপ বর্তমান সময়ে নৌসরি নামে পরিচিত। নৌসরি আধুনিক সুরাটের অষ্টাদশ মাইল দক্ষিণে অবস্থিত।

পৌলিপৌল বর্তমান সময়ে সঞ্জন নামে পরিজ্ঞাত। সঞ্জন নৌসরি নামক স্থানের অনতিদূরে দক্ষিণদিকে অবস্থিত।

আরিয়াকি বা আর্য্যাকি আধুনিক মহারাষ্ট্রের পূর্বনাম ছিল। এই দেশের অধিকাংশ অধিবাসী আর্য্যজাতিসমূহ ছিল। আর্য্য নরপতি ভদ্রায় শাসন কার্য্য নিৰ্ব্বাহ করিতেন। তৎকালে এই দেশের চতুর্পার্শ্বে আর্য্যেতর জাতির বাস ও রাজত্ব ছিল; এই কারণে আমাদের বর্ণিত জনপদ আর্য্যাকি নাম প্রাপ্ত হইয়াছিল। আরিয়াকি বা আর্য্যাকি তিম অংশে বিভক্ত ছিল। একাংশে সদিনেইস বংশীয়গণ আধিপত্য করিতেন, তাঁহাদের আধিপত্য সমুদ্রোপকূল পর্য্যন্ত বিস্তৃত ছিল। সদিনেইস বংশীয়গণের আধিপত্যাধীন সমুদ্রোপকূলে সমৃদ্ধ বণিকগণ বাস করিত। আরিয়াকি বা আর্য্যাকিতে অন্ধ্র, বংশীয়গণেরও আধিপত্য ছিল।

সৌপর বর্তমান সময়ে সুপারা নামে পরিচিত। সুপারা বাসিন নামক স্থানের ছয় মাইল উত্তরে অবস্থিত। প্রাচীন কালে সৌপর বিখ্যাত বাণিজ্য-কেন্দ্রে পরিণত হইয়াছিল। সুপারার পার্শ্বে পুরাতন অট্টালিকাটির অনেক ভগ্নাবশেষ দেখিতে পাওয়া যায়; তন্মধ্যে অশোকের লিপি এবং বৌদ্ধ স্তূপ আবিষ্কৃত হইয়াছে।

সিমিলা আধুনিক চৌলের পূর্ব নাম ছিল। চৌল বোম্বাইয়ের দক্ষিণ দিকে ২৩ মাইল দূরে অবস্থিত। সিমিলা প্রাচীন ভারতের একটি প্রসিদ্ধ বন্দররূপে বর্ণিত হইয়াছে। পর্তুগিস বণিকগণের প্রথম আগমন কালেও সিমিলার বাণিজ্য-গৌরব অক্ষুণ্ণ ছিল। যে সকল বৈদেশিক বণিক বাণিজ্যোপলক্ষে চৌলে আগমন করিতেন, তাঁহাদের প্রমুখাৎ নানা তথ্য অবগত হইয়াই টলেমি পশ্চিম ভারতের ভূগোল-বৃত্তান্ত অবগত হইয়াছিলেন।

হিঙ্গকৌর বোম্বাই প্রেসিডেন্সির অন্তর্গত ঘোড়াবন্দর নামক স্থানে অবস্থিত ছিল, পণ্ডিত ভগবান লাল ইহাই নির্দেশ করিয়াছেন।

টলেমি ভারতবর্ষের পশ্চিম উপকূলবর্তী আরও কতিপয় ক্ষুদ্র ও বৃহৎ নগরের নামোল্লেখ করিয়াছেন। এই সমস্ত নগরের অধিকাংশই বাণিজ্য-প্রধান গঞ্জ ছিল। আমরা বাহুল্যভয়ে ঐ সমুদায় স্থানের কেবল নামোল্লেখ করিয়াই ক্ষান্ত হইতেছি। (১) বালতিপত্র, (২) মন্দগোর, (৩) খেরসোনিসস, (৪) নিত্র, (৫) তিগ্গিস, (৬) ব্রহ্মগড়, (৭) কলই করিয়াস, (৮) মৌছিরিস, (৯) পদ পিরোর, (১০) সেমনি, (১১) কোরউরা, (১২) মেলকিন্দ, (১৩) বকরেই, (১৪) এলঙ্গকল, (১৫) কোস্তিয়ার, (১৬) বোম্বল। এই সমস্ত স্থানের বর্তমান নাম সঙ্ক্ষে অনেক মতবৈধ দেখিতে পাওয়া যায়।

কুমারিয়া কুমারিকা অন্তরীপ ব্যতীত আর কিছুই নহে। কুমারী দুর্গার অন্ততম নাম। কুমারী দেবীর মূর্তি প্রতিষ্ঠিত ছিল বলিয়া স্থানটি ঐ নাম প্রাপ্ত হয়।

সসিকোরেই বর্তমান সময়ে তুতিকোরিণ আখ্যা প্রাপ্ত হইয়াছে। তুতিকোরিণ বর্তমান সময়ে একটি প্রসিদ্ধ বাণিজ্য বন্দর। সসিকোরেইও প্রাচীন কালে বাণিজ্যস্থানরূপে প্রসিদ্ধ ছিল।

কোলখোই নগর কুমারিকা অন্তরীপের পূর্বাংশে বিস্তারিত ছিল। এই স্থান মুক্তার কারবারের জন্য শ্রীসম্পন্ন ছিল। কোনকই বা কোরকই প্রাচীন কোলখোই রূপে নির্দিষ্ট হইয়াছে। এই স্থানে প্রাচীন

পাণ্ড্য (টলেমি লিখিয়াছেন পাণ্ডিয়ল) বংশের প্রথম আবির্ভাব হইয়াছিল বলিয়া কথিত আছে। এই স্থানেই তাঁহাদের রাজ্যের রাজধানী ছিল, তাহার পর মাদুরার রাজধানী স্থানান্তরিত হইয়াছিল। বর্তমান তিনেভেলি জিলার অধিকাংশ পাণ্ড্য রাজ্যের অন্তর্গত ছিল। পাণ্ড্যরাজ্য কোইম্বাটুর পর্য্যন্ত বিস্তৃত ছিল।

কোরির আধুনিক নাম কাল মিয়র, ইহা একটি অন্তরীপ।

বাটোই বর্তমান সময়ে তাঞ্জোর জিলায় পরিণত হইয়াছে।

প্যারালিয়ার আধুনিক নাম ত্রিবাঙ্কুর। প্যারালিয়া ত্রিবাঙ্কুর আখ্যা প্রাপ্ত হইবার পূর্বে পুরালী নামে পরিচিত হইয়াছিল। এই কারণে ত্রিবাঙ্কুরের অধিপতিগণের উপাধি পুরালীশাল ছিল।

সোর চোলের অপভ্রংশমাত্র। চোল অতি প্রাচীন রাজ্য।

করোরার আধুনিক নাম করুর; করোরা খাবিরস নামক নদীর তীরে অবস্থিত ছিল। খাবিরস বর্তমান সময়ে কাবেরী নামে খ্যাত। খাবিরস বা কাবেরী অর্কগঙ্গা নামে খ্যাতিলাভ করিয়াছিল। এই জন্ত পুরাতত্ত্বজ্ঞগণ অনুমান করিয়াছেন যে, যে সকল আর্য্য এই স্থানে প্রথম উপনিবেশ স্থাপন করিয়াছিলেন, গঙ্গাতীরে তাঁহাদের বাস ছিল। করোরা চেরা বা কেরলপুত্র রাজ্যের রাজধানী ছিল। চেরা বা কেরলপুত্র অতি প্রাচীন রাজ্য।

কৃষ্ণা ও গোদাবরী নদীর মধ্যগত প্রদেশের কতিপয় স্থানের বর্ণনা টলেমির গ্রন্থে লিপিবদ্ধ আছে। এই সকল স্থানের বর্তমান অবস্থান ও নাম সম্বন্ধে অনেক তর্ক ও মতবৈধ দেখিতে পাওয়া যায়। এই কারণে আমরা কেবল তাঁহাদের নাম উল্লেখ করিয়াই ক্ষান্ত হইতেছি। (১) পোদৌকি, [বাণিজ্য স্থান] (২) মেলানজি [বাণিজ্য স্থান] (৩) কোন্ডিস, (৪) মনরফ [বাণিজ্য স্থান] (৫) কন্ঠকনীল [বাণিজ্য স্থান] (৬) কোদৌরা, (৭) অরসিগিনি।

টলেমি উড়িষ্যা দেশের কতিপয় নগরের ও নদীর উল্লেখ করিয়াছেন। এই সকল নগরের ও নদীর নামের সহিত উড়িষ্যার বর্তমান নগরের ও নদীর নামের সাদৃশ্য নাই। টলেমি-প্রদত্ত দুইটি নগরের নাম উল্লিখিত হইতেছে। ননিগইনা এবং করগর। পুরাতত্ত্বজ্ঞ গণ্ডিতগণ নির্দেশ করিয়াছেন যে, ননিগইনা কীর্কোর পুরী এবং করগর পূর্ব্যক্বেত্র কনারক ব্যতীত আর কোন স্থান নহে।

টলেমি কোশম্ব নামক একটি নগরের উল্লেখ করিয়াছেন। ইউলেনের মতে বর্তমান বালেশ্বর নামক স্থানই টলেমির কোশম্ব। কিন্তু লাসেন লিখিয়াছেন যে, সুবর্ণরেখা নদীর মুখে কোশম্ব নগর বিদ্যমান ছিল; যদি লাসেনের নির্দেশ প্রকৃত হয়, তবে কোশম্ব নগর কালগর্ভে একেবারে বিলীন হইয়া গিয়াছে; উহার চিহ্নমাত্রও নাই। পুরাকালে এলাহাবাদের নিকট যমুনাতীরে কোশাঙ্গী নামে একটি বিখ্যাত নগরী বিদ্যমান ছিল। বৌদ্ধগণ কোশাঙ্গীকে পবিত্র তীর্থক্ষেত্ররূপে গণ্য করিতেন। নামসাদৃশ্য দেখিয়া অনুমান করা যাইতে পারে যে, যমুনাতীরবর্তিনী কোশাঙ্গীর রাজবংশীয়গণ টলেমির কোশাঙ্গের প্রতিষ্ঠা করিয়া এক নূতন রাজ্যের পত্তন করিয়াছিলেন।

টলেমি গঙ্গা নদীর পঞ্চ মুখের নাম উল্লেখ করিয়াছেন, কচ্ছিসন, মেগা, কম্বেরিখন, সিউদন্তমল এবং এণ্ডিবোল। গঙ্গার সর্বপশ্চিম মুখের নাম কচ্ছিসন। কচ্ছিসন সম্ভবতঃ ভাগীরথী। লাসেনের মতে পুরাকালে সুবর্ণরেখা গঙ্গানদীর এক শাখা ছিল এবং কচ্ছিসন নামে সুবর্ণরেখাই উদ্ভিষ্ট হইতেছে। টলেমি দুইটি নগরের নাম উল্লেখ করিয়াছেন, একের নাম পোলোবা অপরের নাম তিলো শ্রামণ।

টলেমি কাশ্মীরের নাম কাশপেইরিয়া লিখিয়াছেন। 'রাজতরঙ্গিনী' অনুসারে খৃষ্টীয় দ্বিতীয় শতাব্দীতে রাজা মেঘবাহনের শাসনকালে কাশ্মীরের বিপুল সমৃদ্ধি ও প্রবল প্রতাপ প্রতিষ্ঠিত হইয়াছিল। কাশ্মীরের অধিকার পঞ্জাবের অধিকাংশ স্থানে প্রতিষ্ঠিত এবং বিক্র্যপর্বত পর্য্যন্ত বিস্তৃত হইয়াছিল।

টলেমি বিপাশা, শতদ্রু, যমুনা এবং গঙ্গার উত্তরস্থানবর্তী দেশ কিলিন্দ্রিনি নামে পরিচিত করিয়া গিয়াছেন। কিলিন্দ্রিনির সংস্কৃত নাম কুলিন্দ। মহাভারতে কুলিন্দবাসীদিগের উল্লেখ দেখিতে পাওয়া যায়। তাহারা রাজস্বর যুদ্ধকালে উপহার স্বরূপ স্বর্ণ প্রদান করিয়াছিল।

উত্তর ভারতে পাণ্ডুই নামে এক রাজ্য প্রতিষ্ঠিত ছিল বলিয়া টলেমি স্বীয় গ্রন্থে উল্লেখ করিয়া গিয়াছেন। টলেমির পাণ্ডুই রাজ্য পাণ্ডবরাজ্য, ইহা সহজেই বুঝা যাইতেছে। মহাভারত ব্যতীত অন্যান্য গ্রন্থেও পাণ্ডবরাজ্যের উল্লেখ আছে। 'ললিত বিস্তর' নামক বৌদ্ধ গ্রন্থে লিখিত হইয়াছে যে, বুদ্ধদেবের আবির্ভাবকালে পাণ্ডবগণ হস্তিনাপুরে রাজত্ব করিতেন। ইহার পরবর্তীকালে পাণ্ডবগণ আদিস্থানচ্যুত হইয়াছিলেন এবং নানা শাখার

বিস্তৃত হইয়া ভারতবর্ষের অনেক প্রদেশে রাজত্ব করিতেন। রাজপুতানা, পঞ্জাব, অন্ধ্রপ্রদেশ এবং দক্ষিণ ভারতের স্থানে স্থানে তাঁহাদের আধিপত্য প্রতিষ্ঠিত ছিল, এরূপ পরিজ্ঞাত হওয়া যায়।

বর্ত্তমান লাহোর প্রাচীন লবকরূপে নির্দিষ্ট হইয়াছে। অযোধ্যার অধিপতি লব এই নগরের প্রতিষ্ঠা করিয়াছিলেন।

শাকল সংস্কৃত সাহিত্যে শাকল লিখিত হইয়াছে। শাকল প্রাচীন মদ্ররাজ্যের রাজধানী ছিল। বর্ত্তমান লাহোরের পশ্চিমদিকে ৬০ মাইল দূরে শাকল অবস্থিত ছিল বলিয়া নির্দিষ্ট হইয়াছে।

মহাভারতোক্ত ইন্দ্রপ্রস্থ কালক্রমে পরিবর্তিত হইয়া ইন্দবর নাম প্রাপ্ত হইয়াছিল। বর্ত্তমান দিল্লীর নিকটবর্ত্তী স্থানে এই নগর বিস্তৃত ছিল।

মহারাজ শকর ভারতবর্ষের ললামভূতা মথুরা নগরীর প্রতিষ্ঠা করিয়াছিলেন। আধুনিক সময়েও মথুরার পূর্ব্বখাতি অক্ষুণ্ণ আছে বলিয়া নির্দেশ করা যাইতে পারে। টলেমি এই মথুরার নামই বিকৃত করিয়া মদৌরা লিখিয়া গিয়াছেন।

লাসেন এবং অন্যান্য পুরাতত্ত্বজ্ঞ পণ্ডিতের মতে গগাসমিরা বর্ত্তমান আজমীরের নামান্তরমাত্র।

ইউলের মতে গোবর্দ্ধন পর্ব্বত এররস নামে পরিচিত হইয়াছে। গোবর্দ্ধন পর্ব্বত শ্রীবন্দাবনের একাংশে অবস্থিত; সুতরাং, অনুমান করা যাইতে পারে যে, শ্রীবন্দাবনই টলেমির উদ্দিষ্ট ছিল।

উত্তর পঞ্চালরাজ্যের রাজধানীর নাম অহিচ্ছত্র ছিল। টলেমি এই অহিচ্ছত্রের নাম অদিসদর লিখিয়াছেন। এক বিষধর সর্প একদা উত্তর পঞ্চাল রাজ্যের নিদ্রিত প্রথম অধিপতির মস্তকোপরি ফণা বিস্তৃত করিয়াছিল। এইজন্য তদীয় রাজধানী অহিচ্ছত্র নাম প্রাপ্ত হইয়াছিল।

কণৌজ বা কান্ধকুজ টলেমির হস্তে পতিত হইয়া কাণগোরা নাম প্রাপ্ত হইয়াছে। গঙ্গা নদীর অন্ততম শাখা কালিন্দী নদীর তীরে এই নগর অবস্থিত ছিল।

টলেমির হস্তে পতিত হইয়া ভারতবর্ষের সমস্ত স্থানের নাম বিকৃতি প্রাপ্ত হইয়াছিল; কেবল নাসিক নগরের নাম পরিবর্তিত হয় নাই। রামাজায় অশ্বজ লক্ষণ এইস্থানে সূৰ্পনখার নাসিকা কর্ত্তন করিয়াছিলেন। বর্ত্তমান সময়ে নাসিক ভারতবাসীর একটি প্রসিদ্ধ তীর্থস্থান।

টলেমি পালিম্বোধরা ও মেগাহিনিস পালিবোধরা লিখিয়াছেন। এই দুই নগরী অভিন্ন বলিয়া নির্দিষ্ট হইয়াছে। পালিম্বোধরা অথবা পালি বোধরা প্রাসাই রাজ্যের রাজধানী ছিল। প্রাসাই প্রাচ্য শব্দের অপভ্রংশ। গ্রীকগণ মগধ সাম্রাজ্যের এই নাম প্রদান করিয়াছিলেন। মগধ সাম্রাজ্যের পূর্বাধিপতি নিবন্ধন এই নাম প্রদত্ত হইয়াছিল। পালিম্বোধরা অথবা পালি বোধরার প্রকৃত নাম পাটলীপুত্র ছিল। বর্তমান পাটনার নিকটবর্তী স্থানে পাটলীপুত্রের ভগ্নাবশেষ আবিষ্কৃত হইয়াছে

পুরাকালে তাম্রলিপি (আধুনিক তমলুক) সাতিশয় প্রসিদ্ধ স্থান ছিল। পালি সাহিত্যে তাম্রলিপি তামালিতিরূপে বর্ণিত দেখিতে পাওয়া যায়। তামালিতি সহজেই বিকৃতি প্রাপ্ত হইয়া তামাল তিসে পরিণত হইয়াছিল।

পুরাতত্ত্ব পণ্ডিতগণ সিদ্ধান্ত করিয়াছেন যে, গ্রীক-বর্ণিত গঙ্গা রাঢ়ি ও রাঢ়ভূমি অভিন্ন। এই দেশের রাজধানী গঞ্জি নামে অভিহিত হইয়াছে। গঞ্জি কোন্ স্থানে অবস্থিত ছিল, তাহা আজও পর্যন্ত নির্ণীত হয় নাই।

ইউল নির্দেশ করিয়াছেন যে, টলেমির হস্তে কর্ণ সুবর্ণ নামক রাজ্য বিকৃতি প্রাপ্ত হইয়া কার্টসিনা হইয়াছে। পুরাকালে আধুনিক মুর্শিদাবাদ জিলায় কর্ণসুবর্ণ নামে এক পরাক্রান্ত রাজ্য প্রতিষ্ঠিত ছিল।

আমরা টলেমি-বর্ণিত ভারত-বিবরণের স্থূল মর্ম প্রদান করিলাম। এই প্রবন্ধে যে সকল বৃত্তান্ত লিপিবদ্ধ হইল, তদ্ব্যতীত আরও বহুসংখ্যক নগর, পর্বত এবং নদ নদীর বৃত্তান্ত তদীয় পুস্তকে প্রদত্ত হইয়াছে। এতৎসমুদায়ের অধিকাংশেরই অবস্থান ও ব্যাপ্তি এ পর্যন্ত নির্ণীত হয় নাই; যেগুলির অবস্থান ও ব্যাপ্তি নির্ণীত হইয়াছে, তাহাও তাদৃশ প্রসিদ্ধ ছিল না। এই কারণে আমরা তৎসকলের উল্লেখে বিরত হইলাম।

টলেমির গ্রন্থে অনেক ভারতীয় জাতির এবং বংশের সংক্ষিপ্ত বিবরণ প্রদত্ত হইয়াছে। এই বিবরণ পাঠে তৎকালের রাজনৈতিক অবস্থা সঙ্ক্ষেপেও কিঞ্চিৎ আভাস প্রাপ্ত হওয়া যায়। আমরা পাঠকগণের কৌতুহল নিবারণ-জন্য এই বিবরণের কিয়দংশ সঙ্কলিত করিয়া দিতেছি।

কাবুল ও সিন্ধু নদের সঙ্গমস্থল হইতে সিন্ধু নদের মুখ পর্যন্ত বিস্তৃত সমগ্র দেশে শিথির অর্থাৎ শকগণ আধিপত্য করিতেন। শকগণ মধ্য এশিয়া হইতে আগত হইয়াছিলেন। কিন্তু তাঁহারা কালক্রমে ভারতবর্ষের ধর্ম ও আচারব্যবহার গ্রহণ পূর্বক ভারতবাসীর তুল্য হইয়াছিলেন।

সিন্ধু নদের পূর্বদিকে অর্থাৎ যে স্থান হইতে সিন্ধু নদ নানা শাখায় বিভক্ত হইয়া সমুদ্রাভিমুখ হইয়াছে, তাহার পূর্বদিকে আভীরগণ বাস করিত। আভীর শব্দ সংস্কৃত, ইহার অর্থ গোপালক। দেশীয় শব্দ আহির।

ভারতবর্ষের প্রখ্যাতনামা নগর নাসিকের পূর্বদিকে পুলিন্দেই জাতির বাস ছিল। এই প্রদেশে পুলিন্দেইগণের প্রবল প্রভাপ পরিদৃষ্ট হইত। পুলিন্দেই জাতি ভারতবর্ষের অনার্য্য আদিম অধিবাসী ছিল।

নর্মদা নদীবিধৌত প্রদেশের একাংশে প্রপিওটাই জাতি বাস করিত। এই স্থানে কোসা নামী একটি নগরী প্রতিষ্ঠিত ছিল। কোসা নগরীতে হীরক পাওয়া যাইত।

তাশ্চি নদীর তীরদেশ হইতে সাতপুরা শৈলমালা পর্য্যন্ত বিস্তৃত দেশে ফিলিটাই জাতি বাস করিত। লাসেন ফিলিটাই ভীল জাতির অপভ্রংশ বলিয়া নির্দেশ করিয়াছেন। ভীল শব্দের সংস্কৃত নাম ভিল্ল। ভীলগণ সাতিশয় যুগরাশ্রিয় ছিল বলিয়া আর্য্যগণ তাহাদিগকে ভিল্ল নামে অভিহিত করিতেন বলিয়া আমরা অনুমান করিতেছি; কারণ ভিল্ল, শব্দের অর্থ ধনুক।

বিহ্ম্য পর্ব্বতের পূর্বদিকে ভাই ও লিন্দেই জাতি বাস করিত। পাণিনি এই জাতিকে ভুলিন্দী নামে পরিচিত করিয়াছেন।

মধ্য ও দক্ষিণ ভারতের আরণ্য প্রদেশে শবরেই জাতির বাস ছিল। সংস্কৃত সাহিত্যে শবরেই জাতি শবর নামে কথিত হইয়াছে।

উত্তর ভারতের, পশ্চিমে রাজপুতানায় পোরোরোই বংশীয়গণ রাজত্ব করিতেন। পোরোরোই পৌরব শব্দের অপভ্রংশ। ভারতবর্ষের প্রাচীনতম গ্রন্থ বেদে পৌরব রাজগণের উল্লেখ দেখিতে পাওয়া যায়। পৌরবগণ যমুনা ও গঙ্গানদীর মধ্যবর্তী প্রদেশে রাজত্ব করিতেন। পরবর্তী কালে এতদপেক্ষা বিস্তৃত স্থানে তাঁহাদের অধিপত্য পরিব্যাপ্ত হইয়াছিল। গ্রীক বীর আলেকজান্ডারের ভারত আক্রমণ সময়ে মহারাজ পুরু পঞ্জাবের একাংশে অধিপত্য করিতেন। ঐতিহাসিকগণ নির্দেশ করিয়াছেন যে, পুরু তাঁহার নাম নহে, পরন্তু উপাধিমান ছিল এবং পৌরববংশসম্বৃত বলিয়া তাঁহার ঐ উপাধি হইয়াছিল। আলেকজান্ডারের পরবর্তী কালে পৌরবগণ প্রমর নামে খ্যাত হইয়াছিলেন এবং রাজপুতানায় তাঁহাদের একাধিপত্য প্রতিষ্ঠালাভ করিয়াছিল।

শোণ ও নর্মদা নদীর উৎপত্তি-স্থানের মধ্যবর্তী প্রদেশে মন্দলইগণ অধিপত্য করিতেন।

মৃত্যুমিলন ।

সপ্তম পরিচ্ছেদ ।

রগভেরী ।

প্রাণীদের যে অংশ অঙ্গর সিংহের অধিকৃত সেই অংশসংলগ্ন উপবনে একখানি শিবিকা ছিল। বাহকগণ শিবিকা রাখিয়া চলিয়া গিয়াছিল। সেই শিবিকায় ভদ্রা মাসাধিক কাল পরে রেবার সহিত সাক্ষাৎ করিতে আসিয়াছে।

মাসাধিক কাল পরে দুই সখীতে সাক্ষাৎ—যেন কত যুগ অদর্শনের পর আজ আবার মিলন। কথা ফুরায় না—কথায় কথা বাড়িয়া যায়—এক কথা হইতে অল্প কথার আরম্ভ হয়—শেষে মূল বিষয় আর মনে থাকে না। রেবা কত কথা জিজ্ঞাসা করিল—পিতার কথা, মাতার কথা, ভ্রাতার কথা, ভ্রাতৃজ্ঞার কথা, ভ্রাতৃপুত্রীর কথা, তাহার পর গৃহপালিত হরিণের কথা, শুকপক্ষীর কথা, সে কত কথা! তাহার সেই কিংসুক ভ্রু কত বড় হইয়াছে; তরুশাখায় সেই ঝুলনা এখনও ঝুলান আছে কি না? এমনই কত কথা জিজ্ঞাসা করিয়া রেবা আজ ভদ্রাকে বিভ্রত করিয়া তুলিল। ভদ্রা উত্তর দিতে লাগিল—রেবাকে কত বিক্রম করিতে লাগিল।

ভদ্রা আজ বিশেষ প্রয়োজনে আসিয়াছিল, তাই সে রেবার প্রশ্নবর্ষণের বিরাম খুঁজিতেছিল। একবার একটু সুযোগ পাইয়া সে আপনার আগমনের মুখ্য উদ্দেশ্য রেবাকে জানাইল। রাজ্যে রগসজ্জার আয়োজন চলিতেছে, রাজা ঘোষণা করিয়াছেন, অস্ত্রধারণকর্ম প্রজাবর্গকে প্রস্তুত হইতে হইবে—রাজপুত্র যুদ্ধব্যবসায়ী—যুদ্ধেই তাহার আনন্দ—যুদ্ধেই তাহার সুখ, এখন রাজপুত্র তাহা ভুলিয়া অলস, অকর্মণ্য হইতেছে—ইহার প্রতীকার করা আবশ্যিক; তাই রাজার আদেশ—গ্রামে গ্রামে যুদ্ধ-ক্রীড়া হইবে—প্রজাবর্গ এমনভাবে প্রস্তুত থাকিবে যে, যে দিন—যখন আবশ্যিক সকলে সত্য সত্য যুদ্ধে প্রস্তুত হইতে পারে। রাজকর্মচারীরা রাজার এই আদেশ প্রতিপালনে ব্যগ্র হইয়াছে। অধিকাংশ প্রজাই মনে করিয়াছে, রাজার এ আদেশ, সত্য সত্যই রাজপুত্রকে পুনরায় বলবীর্ঘ্যদৃষ্ট করিবার উদ্দেশ্যে প্রচারিত হইয়াছে। কিন্তু রেবার পিতা মনে করিয়াছেন, এ আদেশ-

প্রচারের অন্ত—গূঢ় উদ্দেশ্য বর্তমান। তাঁহার বিশ্বাস গূঢ় উদ্দেশ্য না থাকিলে—এ আদেশ প্রচারের সঙ্গে সঙ্গে প্রতিপালনে এমন কঠোরতার প্রবর্তন হইত না; কারণ, এ আদেশ প্রচার বহুদিনের অভ্যাসে দারুণ আঘাত করিয়াছে—প্রচার নানা কার্যে বিশৃঙ্খলার উৎপাদন করিতেছে—সেইজন্য ইহাতে কোন কোন সম্প্রদায়ের অসন্তোষ অনিবার্য। রাজা তাহা বুঝিয়াছেন। বুঝিয়াও তিনি যে এইরূপ ব্যবস্থা করিয়াছেন, তাহাতে স্পষ্টই প্রতীত হয়—এ আদেশ প্রচারের কোন গূঢ় উদ্দেশ্য বর্তমান। কিন্তু সে উদ্দেশ্য প্রকাশিত হয় নাই। তাই রাজ্যের কোন বিপদের আশঙ্কা করিয়া রেবার পিতা ভদ্রাকে কণ্ঠার নিকট পাঠাইয়াছেন; যদি কণ্ঠা সে বিষয়ে কিছু জানিতে পারিয়া থাকে।

ভদ্রা রেবাকে এই কথা বলিল। রেবা স্থির হইয়া শুনিল—তাঁহার কোঁতুকালোকদীপ্ত আননে ধীরে ধীরে চিস্তার ছায়া ব্যাপ্ত হইয়া পড়িল—যেন সন্ধ্যার স্বচ্ছাঙ্ককারে বসন্তের দিবালোক আবৃত হইয়া গেল। সে বলিল, “ভদ্রা আমি ত ইহার কিছুই জানি না! পিতা কি বলিয়াছেন, রাজ্যের ও রাজার আসন্ন বিপদের আশঙ্কা আছে?”

ভদ্রা জানিত, সেই আশঙ্কা করিয়াই রেবার পিতা তাহাকে সংবাদ লইতে পাঠাইয়াছেন; কিন্তু রেবার স্বভাবতঃ প্রফুল্ল মুখ অঙ্ককার দেখিয়া তাহার আর সে কথা বলিতে ইচ্ছা হইল না। সে বলিল, “তিনি কেবল আদেশ প্রচারের উদ্দেশ্য জানিতে চেষ্টা করিতেছেন। আশঙ্কা কিসের?”

শুনিয়া রেবা আশ্চর্য হইল বটে, কিন্তু তাহার সন্দেহ কাটিল না। অন্ত কথার মধ্যে সে ভদ্রাকে আরও দুইচারিবার এই কথা জিজ্ঞাসা করিল। আর সে কেবল ভাবিতে লাগিল, কই অজয় সিংহ ত তাহাকে কিছু বলেন নাই।

অপর্যাছে ভদ্রা বিদায় লইল। রেবার আদেশে প্রতিহারিণী যাইয়া বাহকবর্গকে অন্তঃপুরোষ্ঠানে ডাকিয়া আনিল।

এতদিন পরে সন্ধ্যা; যাই—যাই করিয়াও যাইতে কত বিলম্ব।

শেষে বেলা যায় দেখিয়া ভদ্রা বলিল, “আর বিলম্ব করিতে পারিব না। চলিলাম।” রেবা সখীর সঙ্গে সঙ্গে উঠানে আসিল। ভদ্রা শিবিকার আরোহণ করিল,—প্রতিহারিণী উত্তানঘার মুক্ত করিয়া দিল—শিবিকা বাহির হইয়া গেল; প্রতিহারিণী আবার ঘর রুদ্ধ করিল। ভদ্রা যেন

মনে দেবতাকে ডাকিল—ঝড় উঠিলে প্রথম সর্বোচ্চ গৃহচূড়ার প্রতিহত হয়—সেই গৃহই তাহার প্রিয় সখীর গৃহ ।

ভদ্রা চলিয়া গেল,—রেবার নয়ন ছল ছল করিতে লাগিল—মিলন সুখের—বিদায় দুঃখের । রেবা কি ভাবিতে ভাবিতে যাইয়া উদ্ভানমধ্যে এক-ধানি মর্শ্বর-রচিত আসনে উপবেশন করিল ।

উপরে আকাশে রবিকর ক্রমে নিস্তেজ হইয়া আসিতে লাগিল—গতি-শীল মেঘখণ্ডে নানা বর্ণের বিকাশ হইতে লাগিল । চারিপার্শ্বে তরুশাখায় নীড়াগত বিহগের সাক্ষ্য কাকলি । নিম্নে ঘনশ্রাম ভূণ মরকতের মত সমুজ্জল । রেবা বসিয়া রহিল । ক্রমে দিনাস্ত-তপনের রক্তরশ্মি তরুশূলে লুটাইয়া পড়িল—তাহার পর তরুকাণ্ড বাহিয়া উচ্চ হইতে উচ্চতর শাখায় সিন্দুররাগ লেপন করিতে করিতে ক্রমে পত্রে রক্তরাগ চালিয়া শেষে ধূসর-গগনে মিলাইয়া গেল । অন্ধকার তরুর শির হইতে ক্রমে নামিয়া আসিতে লাগিল । উদ্ভানোখিত কুমুম-সৌরভ যেন ক্রমেই ঘনীভূত হইতে লাগিল ; দূরে বৃক্ষমালা অন্ধকারে মিলাইয়া যেন এক হইয়া যাইতে লাগিল । নীড়ে বিহগ-বিবার নীরব হইল । আকাশে তারকা ফুটিয়া উঠিল । সেই স্নানালোকে বাহুড়ের দল উড়িয়া পক্ষফল বৃক্ষাভিমুখগামী হইল—স্বচ্ছাঙ্ককার ভূণের উপর তাহাদের ছায়া গাঢ় অন্ধকার রচনা করিতে লাগিল ।

রেবা বসিয়া ভাবিতেছিল ।—কখন তপনকিরণ সন্ধ্যার অন্ধকারে নিবিয়া গিয়াছিল,—সে তাহা বুঝিতে পারে নাই । সে ভাবিতেছিল—কোন বিপদের আশঙ্কার পিতা ভদ্রাকে পাঠাইয়াছিলেন ? সে আরও ভাবিতেছিল, অজয় সিংহ কেন তাহাকে কিছু বলেন নাই ? সে কথা ভাবিয়া যুবতীর—প্রেমিকার—পত্নীর হৃদয়ে অভিমান দেখা দিতেছিল—যেন শরতের মধ্যাহ্ন গগনে লঘু মেঘ ভাসিয়া আসিতেছিল । পরিচারিকা যে কখন তাহার নিকটে আসিয়া দাঁড়াইয়াছিল, তাহা সে জানিতেও পারে নাই ।

অল্পক্ষণ অপেক্ষা করিয়া—রেবা তাহার আগমন জানিতে পারে নাই বুঝিতে পারিয়া পরিচারিকা জানাইল, যুবরাজ আসিয়া তাহার অন্বেষণ করিতেছেন । পরিচারিকার কণ্ঠস্বরে রেবা চমকিয়া উঠিল ; চাহিয়া দেখিল, সন্ধ্যা হইয়াছে । সে উঠিল—গৃহাভিমুখগামী হইল ।

রেবা ছই এক পদ অগ্রসর হইতেই দেখিল, সম্মুখে অজয় সিংহ ।

অজয় সিংহ বলিলেন, "শ্যাম বে একাকিনী অক্ষয়কে বলিয়া গিয়াছে ?
ভদ্রা চলিয়া গিয়াছে ?"

রেবা বলিল, "হাঁ।"

অজয় সিংহ সেই মর্মরাসনাভিমুখে চলিলেন, রেবাকে বলিলেন, "আইস,
এই স্থানেই বসি।"

রেবা ফিরিল।

পরিচারিকা গৃহে ফিরিয়া গেল।

অজয় সিংহ ও রেবা মর্মরাসনে উপবেশন করিলেন। তখন প্রাণাধারের
উপর নবোদিত চন্দ্র দৃষ্টিগোচর হইল। রেবার মুখে একটু আঁধার লাগিয়া-
ছিল, তাহা দেখিয়া অজয় সিংহ রহস্য করিয়া বলিলেন, "আকাশে চাঁদ আজ
মেঘমুক্ত, কিন্তু তোমার মুখ মেঘাচ্ছন্ন কেন?"

রেবা কোন উত্তর করিল না। কেমন করিয়া কথাটা জিজ্ঞাসা করিবে,
সে তাহাই ভাবিতেছিল।

রেবাকে নীরব দেখিয়া অজয়সিংহ ভাবিলেন, একি? যে সদাশ্রুতা
তাহার এ ভাবান্তর কেন? রেবার পিতৃগৃহের সংবাদ ভাল ত? তিনি
জিজ্ঞাসা করিলেন, "ভদ্রা কি বলিয়া গেল?"

রেবার ঈষ্মিত সুযোগ উপস্থিত হইল। সে বলিল, "পিতা সংবাদ
জানিতে পাঠাইয়াছিলেন।"

অজয়সিংহ জিজ্ঞাসা করিলেন, "কিসের সংবাদ?"

"রাজ্যের।"

"সে কি?"

"রাজা প্রজাবর্গকে যুদ্ধ-ক্রীড়া করিতে ও সর্বদা যুদ্ধের অস্ত্র প্রস্তুত থাকিতে
আদেশ প্রচার করিয়াছেন। এ আদেশ কেন প্রচারিত হইল?"

"রাজপুত্রের গৌরবদীপ্তি নির্ক্ষিপিতপ্রায়। তাহার পুনরুদ্ধারের
রাজা সচেষ্ট হইয়াছেন—তুমি ত তাহা জান। তাই এ আদেশ।"

"তুমি কি তাহাই? পিতা বলেন, তাহা হইলে এ আদেশ প্রচারের সঙ্গে
সঙ্গে পালন বিষয়ে এমন কঠোর বিধান হইত না;—বহুদিনের অভ্যাস
বিশেষ কারণ ব্যতীত একদিনে পরিবর্তিত করা কর্তব্য নহে—তাহাতে
বিপদের সম্ভাবনা বিস্তর।"

অজয় সিংহ মুহূর্ত্ত নির্বাক রহিলেন—ভাবতে লাগিলেন, সমস্ত কথা

পত্নীকে বলিবেন কি না। গুপ্ত-মন্ত্রণা-গৃহে যে কথার আলোচনা হইয়াছে, সে কথা প্রকাশ করিবেন কি? কথার বলে, রমণী স্বভাবতঃ গুপ্তকথা গোপন রাখিতে অসমর্থ। এ অবস্থায় কি করা কর্তব্য?

স্বামীকে নীরব দেখিয়া রেবা তাঁহার মুখপানে চাহিল। অজয় সিংহ পত্নীর সেই জ্যোৎস্নাস্নাত মুখ দেখিলেন। তাঁহার সঙ্কল্প স্থির হইয়া গেল, যে পত্নীকে বিশ্বাস করিতে না পারে, সংসারে তাহার মত হতভাগ্য আর কে আছে? যে পত্নী হৃদয়ে স্মৃধ, বাহুতে বল—তাহাকে বিশ্বাস না করিলে কাহাকে বিশ্বাস করিব?

অজয় সিংহ সেদিন মন্ত্রণা-গৃহে শ্রুত সকল কথা ধীরে ধীরে পত্নীকে বলিতে লাগিলেন, রেবা স্থির হইয়া শুনিতে লাগিল।

সে কথা শেষ করিয়া অজয় সিংহ বলিলেন, “এ অবস্থায় বিপদের আশঙ্কা অস্বাভাবিক নহে। প্রস্তুত থাকাই কর্তব্য। যদি বিপদ না ঘটে, এ কার্যে রাজপুত্রের উপকার ব্যতীত অপকার হইবে না।”

রেবা জিজ্ঞাসা করিল, “আর যদি বিপদ ঘটে?”

অজয় সিংহ বলিলেন, “বলিয়াছি, রাজা বলিয়াছেন—সংগ্রামে বা মৃত্যুতে রাজপুত্রের ভয় নাই।”

রেবা স্বামীর দিকে চাহিল। অজয়সিংহ দেখিলেন, তাহার নয়ন ছল ছল করিতেছে—সেই অশ্রু-সজল নয়ন জ্যোৎস্নালোকে জল জল করিতেছে।

অজয় সিংহ বলিলেন, “সংগ্রামে কি রাজপুত্র-রমণীর এখন ভয় হয়?”

রেবা উত্তর করিল, “রাজপুত্র রমণী জীবনসর্বস্বকে—হৃদয়ের ধনকে কাল সমরে পাঠাইবার সময় বলিয়া দিয়াছে—অপমানই মৃত্যু—মৃত্যু স্মৃতি-মাত্র। রাজপুত্র সম্মুখ সংগ্রামে উন্মাদনার মৃত্যুশয়না বৃত্তিতে পারে না, রাজপুত্ররমণী অনলে আত্মসমর্পণ করিয়া শত্রুর স্পর্শ হইতে আত্মরক্ষা করে। রাজপুত্ররমণী এখনও সংগ্রামে ভীতিবিহীন হইতে শিখে নাই।”

অজয় সিংহের মনে হইল, যেন করুণাময়ী দেবীমূর্তিতে রণরঙ্গিনীরূপ প্রকাশিত হইল। তিনি মনে করিলেন—রমণী সত্যই রহস্যময়ী। তিনি নামের পত্নীকে বন্ধে টানিয়া লইলেন।

অষ্টম পরিচ্ছেদ।

ব্যাকুলা।

সন্ধ্যা উত্তীর্ণ হইয়া গিয়াছে। রাণী দীপালোকিত কক্ষে বসিয়া আছেন—
যেন কাহার জন্য অপেক্ষা করিতেছেন; কক্ষদ্বারের নিকট কোন শব্দ
শুনিলেই তিনি সেই দিকে চাহিতেছেন। কক্ষে বহুপাত্রসজ্জিত কুসুমের গাঢ়
সৌরভ—দীপের তৈলের সুগন্ধে মিশিতেছিল—আর কক্ষের এক কোণে
একটি পাত্রে প্রজ্জ্বলিত অঙ্গার হইতে গুণ্ণুলের সুরভি উথিত হইতেছিল।

রাণীর বেশভূষায় অভ্যস্ত পরিপাট্যের অভাব—অমানিশার মত অন্ধকার
কেশে আজ আর হীরকের দীপ্তি নাই—কেবল পরিধের বসনে মণিয়ুক্তা
দীপালোকে কক্ কক্ করিতেছে। রাণীর হৃদয়ে যে নানাভাবে বিকাশ
হইতেছিল—তাহা তাঁহার মুখভাব লক্ষ্য করিলে বুঝিতে আর বিলম্ব
ঘটে না—সে মুখ এখন আর পূর্বের মত ভাবলেশশূন্য—মর্দররচিতবৎ
নহে—আজ নানা পরিবর্তনশীল ভাবে ও চিন্তায় তাহা বিচিত্র সৌন্দর্য্যে
শোভাময় হইতেছিল—প্রভাতের মুক্তাগুলি রবিকরে বা দিনান্তের সিঁদু-
কোমল আলোকে কুসুম এমন বিচিত্র শোভা ধারণ করিতে পারে না।
আজ রাণীর হৃদয় কি চিন্তা-চাঞ্চল্য-চঞ্চল?

রাণীর ঘোবনের সমস্ত অজ্ঞাত কবিতা এখন আত্মপ্রকাশ করিতেছিল,
তাঁহার নিকট অসাধারণ মাধুরীময়ী মনে হইতেছিল। আর সন্ধ্যা সন্ধ্যা
দারুণ মনস্তাপে তাঁহার জীবন মরুভূমিতে পরিণত হইতেছিল। তাঁহার
মনে হইতেছিল, যেন তাঁহার সযত্ন-সিক্ত কুসুম-কানন অসার কণ্টক-
শ্রেণী পূর্ণ হইয়াছে—তাই জীবন সুখহীন—সৌন্দর্য্যহীন—শ্রীহীন।

নিঃশব্দে দ্বার মুক্ত করিয়া উমা কক্ষে প্রবেশ করিল।

উমাকে দেখিয়া রাণী উঠিয়া দাঁড়াইলেন—তাঁহার নয়নময় দীপ্ত হইয়া
উঠিল—মুখে রক্তাভা ব্যক্ত হইয়া পড়িল, কপালে কোমল—স্বচ্ছ—সুন্দর
ঘকের নিরে নীল শিরাগুলি রক্তপ্রবাহে পুষ্ট হইয়া উঠিল।

রাণী জিজ্ঞাসা করিলেন, “উমা! সংবাদ পাইয়াছ?”

উমা শিরঃসঞ্চালনে জানাইল—পাইয়াছি, তাহার পর দ্বার অর্গলবৎ
করিল। সে রাণীর নিকটে আসিয়া বলিল, “উপবেশন করুন। আমি
সকল সংবাদ নিবেদন করিতেছি।”

রাণী বেন আপনার অধীরতার লক্ষিতা হইলেন — আসনে উপবেশন করিলেন । উমাও উপবেশন করিল ।

শুভ্রাশ্রমপ্রাচীর সংবাদের—জনরবের গতিরোধ করিতে পারে না, বয়ঃ জনরব যুখে যুখে বিকৃতি ও বিশালতা লাভের পর সে প্রাচীর লঙ্ঘন করিয়া আইসে । রাজ্যে রণসজ্জার সংবাদও রাজ্যান্তঃপুরে প্রবেশলাভ করিয়াছিল । তাই রাণী সংবাদ জানিবার জন্য উমাকে তাহার ভ্রাতৃসমীপে প্রেরণ করিয়াছিলেন ।

উমা শঙ্কর সিংহের নিকট প্রকৃত সংবাদ জানিতে গিয়াছিল । শঙ্কর সিংহ তাহাকে সকল কথা বলেন নাই সত্য, কিন্তু প্রকৃত ব্যাপারের সম্পূর্ণ আভাস দিয়াছিলেন । রাজ্যের বিপদের সম্ভাবনার কথা, রাজার সঙ্কল্পের কথা, যোগলের রোবাগ্নি প্রদীপ্ত হইলে কি ঘটবার সম্ভাবনা, তাহার কথা—শঙ্কর সিংহ ভগিনীকে এ সকলের আভাস দিয়াছিলেন ।

তাহার পর শঙ্কর সিংহ ভগিনীর নিকট রাণীর পরিবর্তনের কথা শুনিয়া বলিয়াছিলেন,—“উমা, এ পরিবর্তন যদি পূর্বে সংসর্গিত হইত—তবে হয়ত ঘটনাত্মকঃ অল্প পথে প্রবাহিত হইত । এখন বহিঃস্বয়ং পতনকে কে কিরাইতে পারে ? এখন যে অগ্নি জলিয়াছে—তাহাতে কত অমূল্য রত্ন ভস্মীভূত হইবে, তাহা কে বলিতে পারে ? রাণী রাজাকে সুখী করিতে পারিলেন না, আপনিও বেদনার জর্জরিত হইলেন ।” বলিতে বলিতে শঙ্কর সিংহের নয়ন অশ্রু-সজল হইয়া আসিয়াছিল । সে সকল কথা শুনিয়া উমা নয়নের জল সংবরণ করিতে পারে নাই । সে যে সত্য সত্যই রাণীকে ভাল বাসিয়াছে । তাহার ব্যর্থ-সুখসন্ধান নারী-জীবনে সে কর্তব্য ভাবিয়া প্রথম তাঁহাকে ভালবাসিতে শিখিয়াছিল সত্য, কিন্তু সে ভালবাসা যে শেষে একান্তই সত্য হইয়া দাঁড়াইয়াছিল । কর্তব্যের স্বর্ণশৃঙ্খল শেষে শ্রীতির কুম্বডোরে পরিণত হইয়াছিল । তাহার ব্যবহার বুঝি রাণীর হৃদয়েও সত্য সত্য অহুরাগের উৎপাদন করিয়াছিল । আর সঙ্গে সঙ্গে তাহার অহুরাগও বৃদ্ধিত হইয়াছিল । তাই সে যখন পাষণপ্রতিমাকে ভালবাসিত, তখনও আশা করিত, একদিন এ পাষণে কোমলতার উৎস প্রবাহিত হইবে । আর আজ যখন তাহার সেই আশা কেবল কলবতী হইয়াছে, তখন—তখন কি সব শেষ হইবে ?

পিতৃভ্রাতৃ হইতে প্রাসাদে প্রত্যাবর্তনকালে উমা সমস্ত পথ কাঁদিয়াছে ।

প্রাসাদে আসিয়া সে আপনার কক্ষে বাইরা আপনার চিত্তচাক্ষুণ্য সংবত করিয়া,—আপনার অশ্রুচিহ্ন ধোত করিয়া তবে রাণীর নিকটে আসিয়া-ছিল।

উমা রাণীকে প্রকৃত কথা কত দূর জানিতে দিবে, তাহা স্থির করিয়া আসিয়াছিল। রাণীর সাগ্রহ প্রশ্নের উত্তরে সে ক্রমে ক্রমে তাঁহাকে তাহা জানাইল। কিন্তু উমা বাহা বলিল, রাণীর তাহাতেই আসন্ন বিপদের গুরুত্ব উপলব্ধি করিতে বিলম্ব ঘটিল না।

উমার কথা শেষ হইলে রাণী আর চিত্তচাক্ষুণ্য গোপন রাখিতে পারিলেন না—ব্যাকুল ভাবে বলিলেন, “উমা, এখন উপায় ?”

উমা কি উত্তর দিবে ? সেও ত কোন উপায় স্থির করিতে পারে নাই !

তাহাকে নিরুত্তর দেখিয়া রাণী বিহ্বল ভাবে বলিলেন, “উমা, তবে কি আর কোন উপায় নাই ?”

উমা বহু কষ্টে আপনার ব্যাকুলতা গোপন করিল,—রাণীকে সাহসনা প্রদানে সচেষ্ট হইল। সে বলিল, “বিপদের সম্ভাবনা হইতে পারে জানিয়া এত ব্যাকুল হইবার কোন কারণ নাই। আকাশে মেঘ ত সর্বদাই গভীরতায় করে—কয়খানি মেঘ সত্য সত্যই প্রলয়-বাত্যার সূচনা করে ?”

রাণী বলিলেন, “কিন্তু, উমা, যে পক্ষিণী আপনার ভাগ্যদোষে আশ্রয়-তরুর বিশাল বক্ষে আপনার আশ্রয়-নীড় বাঁধিয়া লইতে না পারে, তাহার আশঙ্কা যে কেবল আশঙ্কামাত্র নহে, সে যে সর্বনাশের সান্নিধ্যে আপনার হৃদয়ের দারুণ বেদনাচাক্ষুণ্য !”

রাণীর কণ্ঠ রুদ্ধ হইয়া আসিল। উমা দীর্ঘশ্বাস ত্যাগ করিল।

দুইজনে বসিয়া ভাবিতে লাগিলেন।

রাণীর মনে হইতে লাগিল, তিনি যে দিকে চাহেন—কেবলই সূচিভেদ্য অন্ধকার ; তাহার অদৃষ্টাকাশ মেঘাঙ্ককার অমানিশার মত তিমিরাবগুষ্ঠিত—তাহাতে কোন দিকে কোথাও তারকার ক্ষীণ আলোক পর্য্যন্ত লক্ষিত হয় না, আর সেই অন্ধকারে অদূরে প্রলয়-বাটিকার প্রবল গর্জন শ্রুত হইতেছে,—বজ্রনাড়ে সংহার-ডমরু ধ্বনিত হইতেছে,—প্রকৃতি আসন্ন ধ্বংসের অস্ত বন্ধ পাতিয়া দিয়াছে ! আর তাহারই মধ্যে তিনি রমণী একান্ত একাকিনী মুহুর্যমিলনের কূলে দাঁড়াইয়া আপনার প্রেমমাত্র লইয়া ধ্বংসের গতিরোধ করিতে উদ্যত হইয়াছেন ; তাহার এই অসাধ্য-সাধন-প্রয়াসে দিকে দিকে

বিজ্ঞানের অট্টহাস্ত ধ্বনিত হইতেছে। তাঁহার খাস রুহ হইয়া আসিতে লাগিল—তিনি আশ্রয়বিহীন হইলেন।;

ঘারে মূহ মূহ করাঘাতশব্দে রাণী চমকিয়া চাহিলেন। তখন নিশীথ-কাল উপস্থিত। রাণী দেখিলেন, উমা দীর্ঘকালব্যাপী চিন্তাশ্রমের পর প্রগাঢ় নিদ্রায় অভিভূতা। তিনি উঠিয়া দ্বার মুক্ত করিলেন; ছইজন পরিচারিকা বহুক্ষণ অপেক্ষার পর শঙ্কা-সঙ্কুচিতহৃদয়ে ঘারে করাঘাত করিয়াছিল। তাহাদিগকে আবশ্যিক উপদেশ প্রদান করিয়া রাণী শয়নমন্দিরে প্রবেশ করিলেন। শূন্য মন্দিরে শূন্য শয্যায় শয়ন করিয়া রাণী আবার ভাবিতে লাগিলেন। তিনি রাজাকে চিনিতে পারেন নাই; চিনিতে চাহেন নাই; চিনিবার ক্ষমতা তাঁহার ছিল না। তাই তখন তিনি পতির স্বেচ্ছাদত্ত উপহার প্রগাঢ় প্রেম উপেক্ষা করিয়াছিলেন, সে প্রেম আকর্ষণ করিবার মত কোন গুণ তাঁহার ছিল না, তথাপি সাগর যেমন আপনার উচ্ছৃঙ্খিত প্রেম নদীকে উপহার দেয়—রাজা তেমনই তাঁহাকে আপনার প্রেম উপহার দিয়াছিলেন—তিনি সে উপহার প্রত্যাখ্যান করিয়াছেন, বুঝি সে প্রেমের স্বরূপ উপলব্ধি করিবার যোগ্যতাও তাঁহার ছিল না,—নহিলে তিনি সেই প্রেম উপেক্ষার ও অবহেলার পরিত্যাগ করিয়া স্বামীর বেদনার কারণমাত্র হইবেন কেন? তাহার পর কত দীর্ঘ দিন গেল—বসন্তের পর বসন্ত আসিল, জীবনের বসন্ত আসিয়া তাঁহারই দোষে ফিরিয়া গেল। তাহার পর? তাহার পর এখন তাঁহার অন্ধের নয়নেও রাজার রাজমহিমা প্রতিভাত হইল—তখন লজ্জা—সঙ্কোচ—আপনার উপর দিকার তাঁহার প্রেমের মুখরত্ন রুহ করিয়া দিল। তখন সহসা রাজার আশ্রমের প্রতি অনুরাগ দেখিয়া আশ্রমবাসিনীর কথা শুনিয়া তাঁহার মনে পবনতাড়িত স্বচ্ছ মেঘের লঘু ছায়ার মত সামান্য সন্দেহের অনুভূতিমাত্র অনুভূত হইয়াছিল। কিন্তু তিনি সে সন্দেহকে মনে স্থান দান করেন নাই।

তিনি বিবাহের অব্যবহিত পরে তাঁহারই সখীগণের সম্বন্ধে রাজার ব্যবহারের কথা শ্রবণ করিয়া, রাজধানীতে বিপন্ন ব্যথিত প্রজার সম্বন্ধে রাজার ব্যবস্থা মনে করিয়া মনকে সে সন্দেহ হইতে মুক্ত রাখিয়াছিলেন।

কিন্তু হায়—তিনি যে কিছুতেই রাজাকে মনের কথা জানাইতে পারেন নাই,—তিনি যে একবার কথা চাহিতে পারেন নাই,—কথা চাহিতে পারিলে তাঁহার হৃদয়ের এই বেদনার যে অর্ধেক উপশম হইত? কত দিন

নিশীথে তিনি শূণ্ড পতির চরণতলে বসিয়া অশ্রু বিসর্জন করিয়াছেন—কিন্তু তাঁহার আগরণের সম্ভাবনা দেখিলেই লজ্জার—সঙ্কোচে চলিয়া আসিয়াছেন; যেন তিনি তঙ্করের মত আপনার স্বামীর শয়নমন্দিরে প্রবেশ করিয়াছিলেন—আসিয়া আপনার শয্যায় লুটাইয়া কাঁদিয়াছেন। তিনি দিবা রাত্রি কেবল আশা করিয়াছেন রাজা যদি একবার তাঁহাকে পূর্বের মত একটি কথা কহিতেন! কিন্তু কই সে আশা ত পূর্ণ হয় নাই; তাঁহারই ব্যবহার-ব্যথিত প্রেম আর ত তেমন করিয়া আত্মপ্রকাশ করে নাই। সেও ত তাঁহারই দোষে।

আজ বিপদের যে ছায়া পড়িয়াছে—তাহাতে কি হয় কে জানে?

আজ রাণীর হৃদয়ের ব্যাকুলতা সকল সঙ্কোচ অতিক্রম করিল। আজ তিনি পতির চরণে আপনার সকল কথা নিবেদন করিবেন সঙ্কল্প করিয়া রাজার শয়নকক্ষে প্রবেশ করিলেন।

কক্ষ শূণ্ড! রাজা নাই!

রাণীর চক্ষুর সম্মুখে কক্ষের আলোক ও হৃদয়ে আশার আলোক যেন নির্বাপিত হইয়া গেল। তিনি রাজার শূণ্ড শয্যায় পড়িয়া দারুণ যন্ত্রণায় কাঁদিতে চাহিলেন। যাতনাতিশয়ে ক্রন্দন আসিল না।

রাণী জানিতেন না—রাজা তখন দূতযুগে অনিবার্য বিপদের সংবাহ পাইয়াছেন—তখন তাঁহার আদেশপত্র লইয়া অখারোহী পত্রবাহকগণ রাজ্যের চারিদিকে যাত্রা করিতেছে। রাণীর সকল আশা সত্য সত্যই ফুরাইবার সম্ভাবনা হইয়াছে।

কারা ও ছায়া ।

(২)

ছায়া সকল প্রকার উন্নতির মূল । ছায়াকে অবলম্বন করিয়া ছায়ার মৌলিক আদর্শের আদর্শ হৃদয়ে ধরিয়া, সকল প্রকার উন্নতি করি । কি কাব্যে, কি কলাবিদ্যায়, কি ইতিহাসে—মানবজ্ঞানের সকল শাখাতেই এই ছায়া উন্নতির মূল বলিয়া বোধ হয় । চিত্রকর অপেক্ষা তদ্ব্যক্তি চিত্রখানিকে আদর্শ করিলে চিত্রবিদ্যায় উৎকর্ষলাভ করিয়া থাকি । কবি অপেক্ষা কবির ছায়ারূপ তদীয় ভাবপ্রাণিত কাব্যখানিকে আদর্শ করিয়া কাব্য-নাট্যে উন্নতি করিতে পারি । মানবজাতির প্রথম পুরুষের ছায়া উত্তর-বংশীয়গণের ছায়ার সহিত মিলিত হইয়া বিরাট মানব ইতিহাসে পরিণত হইয়াছে । মানব সৃষ্টির “প্রথম পুরুষের অবস্থা মনে কর দেখি—কিছু জানে না, কিছু বুঝে না, ভয়ে আকুল, পদে পদে ভ্রমবশতঃ ভীষণ অবস্থাপন্ন, যোগে নিকরপার, পূজায় পিশাচ-শাসিত । অনেক ভুলিয়া, অনেক সহিয়া প্রথম মনুষ্য মরিয়া গেল । পৃথিবীতে কিছু রাখিয়া গেল না—কেবল এক বৃত পশুচর্ম আর দুই খণ্ড কাঠ রাখিয়া গেল । দ্বিতীয় মনুষ্য সেই চর্মটুকু এবং কাঠ দুইখানি পাইয়া বেন কতই শান্তিলাভ করিল, কত আলা বরণা হইতে অব্যাহতি পাইল । আতপতাপিত পথিক বৃক্ষের ছায়া পাইলে যেমন চরিতার্থ হয়, প্রথম মনুষ্যের চর্মটুকু এবং কাঠ দুইখানি পাইয়া দ্বিতীয় মনুষ্যও তেমনি চরিতার্থ হইল । সেই চর্মখণ্ডটুকু এবং দুইখানি কাঠে দ্বিতীয় মনুষ্য প্রথম মনুষ্যের ছায়া দেখিতে পাইল । সেই ছায়ার বসিয়া সে পশুচর্ম একটি পাথরের তীর নির্মাণ করিল । নির্মাণ করিয়া তাহার পূর্বপুরুষের কাঠ এবং চর্মখণ্ড এবং তাহার পাথরের তীরটি রাখিয়া মরিয়া গেল । তৃতীয় মনুষ্য সেই সবগুলি পাইয়া আরো একটু বেশী শ্রমশান্তি লাভ করিল, ক্রেশ হইতে আরো একটু মুক্ত হইল, তাহার জীবন-পথের বরণা আরও একটু কমিল । তাহার জীবন-পথের উপর তাহার পূর্বপুরুষের ছায়া আরো একটু প্রশস্ত, আরো একটু ঘনীভূত হইল । এইরূপে মনুষ্য পর্যায় বৃত বাড়িতে লাগিল, মনুষ্যের পূর্বপুরুষের ছায়াও তত বাড়িতে লাগিল, সেই ছায়ার বসিয়া মনুষ্যের পুং, শান্তি,

সবুচ্ছি, সদাশয়তা, সুনীতি, সুরীতি, সাহসিকতা, সর্বাঙ্গীণ সৌন্দর্য্য তত বৃদ্ধি হইতে লাগিল। ক্রমে সেই ছায়া বাড়িয়া বাড়িয়া গাঢ়তর হইয়া বিরাট-রূপ ধারণ করিল। সেই বিরাট ছায়ায় বসিয়া বিরাট মনুষ্য ধর্ম্মশাস্ত্রে, ইতিহাসে, পুরাণে, দর্শনে, কাব্যে, বিজ্ঞানে, শিল্পে বিরাট কীর্ত্তি সম্পন্ন করিয়া বিরাট সভ্যতার সৃষ্টি করিল। মানুষের মন পূর্ব পুরুষের বিরাট ছায়া পায় বলিয়াই বিরাট মূর্ত্তি ধারণ করিতে পারে। নহিলে মানুষের পর মানুষ, পুরুষের পর পুরুষ, পর্য্যায়ের পর পর্য্যায় পশুপক্ষীর স্থায় সমান কাল, সমান শোকার্ত্ত থাকিয়া যায়, জীবনপথে সমান অলিয়া পুড়িয়া মরে।” (ত্রিধারা।) সেই জন্যই বলিয়াছি, মানব-সমাজ ছায়ার সন্মিলনেই বিরাট রূপ ধারণ করিয়াছে। শুধু বিরাট মানব সমাজের উন্নতি ছায়ার উপর নির্ভর করিতেছে—তাহা নহে; ব্যক্তিগত, জাতিগত, দেশগত—সকল প্রকার উন্নতির মূলই ছায়া। তুমি নেপোলিয়ানের ছায়া লইয়া বীর হইতে চাহ। আমি প্রতাপের ছায়া লইয়া ত্যাগী, সন্ন্যাসী, সাধক হইতে চাহি। তুমি দার্শনিকের ছায়া লইয়া দার্শনিক হইতে চাহ। আমি কবির ছায়া লইয়া কবি হইতে চাহি। তুমি Pope বা Bishop এর ছায়া লইয়া ধার্ম্মিক হইতে চাহ। আমি ব্রাহ্মণের আদর্শ লইয়া ধার্ম্মিক হইতে চাহি। সকল মানবই, সকল জাতিই, সকল দেশই এইরূপ ছায়ার অনুকরণে, ছায়ার অনুসরণে উন্নতিলাভ করিতেছে। ছায়ার এমনই আশ্চর্য্য শক্তি, এমনই মোহিনী মায়া, এমনি অদ্ভুত কুহক।

আত্মত্যাগেই আত্মপ্রতিষ্ঠা হইয়া থাকে। সুতরাং আত্মপ্রতিষ্ঠা করিতে হইলে আত্মত্যাগ বা আত্মোৎসর্গ করা আবশ্যিক। “ছায়া আত্মত্যাগের ফল। গাছের ছায়ায় গাছের রঙ থাকে না, গাছের দেহের পুষ্টি ও স্থূলতা থাকে না, গাছের জ্যোতিঃ ও লাবণ্য থাকে না, গাছের তেজঃ থাকে না, গাছের রস থাকে না। গাছ সব ত্যাগ করিলে তবে গাছের ছায়া হয়। স্ত্রী পুত্র, জনক জননী, ভাই ভগিনী, দাস দাসী, বন্ধু বান্ধব, সুখ সম্পদ, ভোগ বিলাস সব ত্যাগ করিয়া স্বল্প ছায়ারূপী হইলে পর তবে বুদ্ধ, চৈতন্য অসংখ্য আতপতাপিত অনন্তপথের পথিকের বিশ্রামস্থান হইয়াছিলেন।” তিলে তিলে আপনার শ্রামল সৌন্দর্য্যত্রীকে পরিপূর্ণ করিয়া নব অতিথি বসন্তের সমাগমে আপনার সমস্ত রূপসমৃদ্ধি উৎসর্গ করিয়া, যখন প্রকৃতি ত্যাগে বরণ্য, মহিমায় উজ্জ্বল ও নগ্ন সৌন্দর্য্যে দিব্য হইয়া

উঠেন, তখনই তাঁহার আত্মপ্রতিষ্ঠার সময় উপস্থিত হয়। তখনই আবার নবীন পল্লবে সজ্জিত হইয়া তদীয় ছায়া ফুলের ভিতর আত্মপ্রতিষ্ঠার বীজ নিহিত করিতে সমর্থ হইলেন। “বহুদিন হইল আমার একটি হিন্দু বালিকার সহিত সাক্ষাৎ হয়। বালিকা তিন চারি বৎসরের মধ্যে বোবনে পদার্পণ করিল। তখন তাহার দেহ যেন বোলকলায় পূর্ণ হইয়া উঠিল। পূর্ণ কোমরে সুন্দর স্রোতস্বিনী যেন কূলে কূলে পুরিয়া উঠিল, গান্ধ-ভরা জল ছম্ ছম্ করিতে লাগিল। যুবতী শ্রামাঙ্গী,—কিন্তু শ্রামাঙ্গে সৌন্দর্য্য যেন ধরে না—শ্রামাঙ্গীর সৌন্দর্য্যের ছটা যেন তাঁদের হাসির ঞায় হাসিয়া বেড়াইতে লাগিল। বোধ হইতে লাগিল, যেন যুবতীর পূর্ণ প্রস্ফুটিত দেহে পৃথিবীর সমস্ত ঐশ্বর্য্য সংযুক্ত হইয়াছে। এই সময়ে কিছুদিন আমি তাঁহাকে দেখিতে পাই নাই। আবার যখন দেখিলাম, তখন আর তাঁহাকে দেখিলাম না;—তাঁহার দেহের তত ঐশ্বর্য্য তাঁহার দেহে নাই—সে সমস্ত তাঁহার ছায়ারূপী দেহের ছায়ারূপী অক্ষস্থিত শতদলপদ্মসদৃশ একটি শিশুর দেহে অর্পিত হইয়াছে। ঐশ্বর্য্যরূপিনী যুবতী আপনার ঐশ্বর্য্য সন্তানকে দিয়া আপনি ছায়ারূপিনী হইয়াছেন।” (ত্রিধারা) যুবতীকে জননী হইতে দেখিয়া বুঝিলাম যে, যুবতী অপেক্ষা জননী সুন্দর, এবং বৃক্ষ অপেক্ষা বৃক্ষের ছায়া সুন্দর। ত্যাগ করিতে না পারিলে জগতে কোন কাষই হয় না। জননীর ঞায় আপনার সব ত্যাগ করিতে না পারিলে ছায়াই হয় না,—ছায়া না হইলে আত্মপ্রতিষ্ঠা করিবার উপায় হয় না।

সকল দেশেই কায়ার অপেক্ষা ছায়ার আদর অধিক। তবে ভারতে অণু দেশের অপেক্ষা এ আদর আরও একটু গাঢ়তর। অণু দেশে ছায়ার আদর আংশিক, ভারতে তাহা সম্পূর্ণ। অণু দেশে অনেক সময় কায়ার জন্ম কায়ার আদর, অণুদেশে যুবতীর লাবণ্যময়ী মূর্তির পূজাই দেখিতে পাই; কিন্তু ভারতে “প্রজনার্থং মহাভাগা পূজার্হা গৃহদীপ্তয়ঃ”—তাঁহারা সন্তানকে জন্ম দেন বলিয়াই মহাভাগ, পূজণীয়, ও গৃহের দীপ্তিস্বরূপা। সেইজন্যই ভারত বলে “পুত্রার্থে ক্রিয়তে ভার্য্যা”—এবং সেইজন্যই ভারতের শাস্ত্রকার বলিয়াছেন—“যত্র নার্যাস্ত পূজাস্তে রমস্তে তত্র দেবতাঃ”—নারী যেখানে পূজিতা হইলেন, দেবতারাও তথায় বিহার করেন। ভারত রমণীকে দেবী বলিয়া পূজা করে।

প্রতি মানব জাতির চিন্তা, তাহার আচারবিচার, তাহার ধর্ম্মাধর্ম্ম তাহার

যতামত সেই জাতির কাব্যে যেমন পরিষ্কাররূপে প্রতিফলিত হয়,—এমন আর কিছুতেই হয় না। হিন্দুর এই ছায়াপ্রিয়তা হিন্দুর কাব্যে বহুল পরিমাণে দেখিতে পাই। ভারতের কাব্যে কায়ার অপেক্ষা ছায়ারই গৌরব অধিক দেখি। ভারতের যে কোন কবির কাব্যেই এইরূপ দেখিতে পাই। ‘কুমার সম্ভবে’ দেখি কায়ার অপেক্ষা ছায়ার গৌরব অধিক ; ‘অভিজ্ঞান শকুন্তলে’ দেখি,— কায়া যে স্থলে কোনও কাব্য করিতে পারে না, ছায়া সে স্থলে অনায়াসে সেই কাব্য করিয়া দেয়। ‘কুমার সম্ভবের’ প্রথমে কি দেখি ?—দেখি,—সৌন্দর্যের আকর হিমালয়ে অতর্কিত অকাল বসন্তের আবির্ভাবে “দিগ্ধু সন্তঃপুষ্পিত অশোকের নবপল্লবজাল মগ্নরিত করিয়া আতপ্ত দীর্ঘনিশ্বাস ফেলিলেন।” নব বসন্তের সমাগমে বনস্থলী অভিনব সৌন্দর্যে উদ্ভাসমানা হইয়া উঠিল। আর সেই নৈসর্গিক সৌন্দর্যের মধ্যে, প্রকৃতির বাসন্তী বল্লরীরই মত অরূপম সুন্দরী—

আবর্জিতা কিঞ্চিদিবস্তনাভ্যাং

বাসো বসানা তরুণার্করাগম্।

পর্যাণ্তপুষ্পস্তবকাবনত্র।

সঞ্চারিণী পল্লবিনী লভেব ॥

—গৌরী যখন যতি কৃষ্ণিবাসের হৃদয়ে লালসা উদ্দীপিত করিতে না পারিয়া অভিমানে, রোষে, ক্ষোভে আপনার সৌন্দর্য্য ও রূপরাশিকে ধিকার দিতে দিতে ফিরিলেন, তখন বুঝিলাম—কায়ার সৌন্দর্য্য যতই হউক না কেন, তাহা বাস্তবিকই মূল্যবান নহে। আবার যখন তিনি “দিবসের শশি-লেখার ত্রায় কর্ণিতা, ধ্বংস-লম্বিত পিঙ্গল-জটাধারিণী তপস্বিনী”বেশে— প্রেমের সফলতা সন্তানজননের উপযুক্ত নিশ্চলোজ্জলবেশে—মহাযোগী মহাদেবের মনোহরণ করিলেন, তখন বুঝিলাম, কায়ার অপেক্ষা ছায়ার গৌরব অধিক ; জননীর মূর্তি যুবতীর মূর্তি অপেক্ষা মহিমময়ী। সেই জন্যই “জননীপদ আমাদের দেশের নারীর প্রধান পদ ; সন্তানের জন্য আমাদের দেশে একটি পবিত্র মঙ্গল-ব্যাপার। সমস্ত কুমার-সম্ভব কাব্য কুমার-জন্মরূপ মহৎ ব্যাপারের উপযুক্ত ভূমিকা। মদন গোপনে শর-নিক্ষেপ করিয়া বৈধব্যবোধ ভাঙিয়া যে মিলন ঘটাইয়া থাকে, তাহা পুত্রজন্মের যোগ্য নহে ; সে মিলন পরস্পরকে কামনা করে, পুত্রকে কামনা করে না। এই জন্যই কবি মদনকে ভয়সাৎ করাইয়া গৌরীকে দিয়া তপশ্চরণ করা-

ইয়াছেন। এই অন্তই কবি প্রকৃতির চাকল্যস্থলে ধ্রুব নির্ভার একাগ্রতা, সৌন্দর্য্য-মোহের স্থলে কল্যাণের কমনীয় দ্যুতি এবং বসন্তবিহ্বল বনানীর স্থলে আনন্দনিমগ্ন বিশ্বলোককে দাঁড় করাইয়াছেন ;—তবে কুমারজন্মের সূচনা হইয়াছে। কুমারজন্ম ব্যাপারটা কি ; তাহাই বুঝাইতে কবি মদনকে দেব-রোষানলে আহুতি দিয়া অনাথা রতিকে বিলাপ করাইয়াছেন।* অকস্মাৎ উত্তাসমান উদ্দাম সৌন্দর্য্য কল্যাণপ্রসূতি নহে,—তাহা প্রেমের চরম পরিণাম সন্তান-উৎপাদনের সহায় নহে বলিয়াই দেবতা ইহাকে প্রত্যাখ্যান করিয়া-ছেন। যে কায়া ছায়ার প্রসূতি হইবার উপযুক্ত নহে, তাহার এমনই অনাদর !

‘অভিজ্ঞানশকুন্তলে’ দেখি “কণ্ঠহিতাকেও একদিন তাঁহার যৌবন-লাবণ্যের সমস্ত ঐশ্বর্য্যসম্পদ লইয়া অবমানিত হইয়া ফিরিতে হইয়াছিল।” ‘শকুন্তলার’ প্রথমে দেখি,—দুঃস্বস্ত অনসূয়া-প্রিয়হৃদার সখীর রূপ দেখিয়া মুগ্ধ। তখন শকুন্তলার যৌবন সবে মাত্র উদ্ভিন্ন হইয়াছে, তারুণ্যের সমস্ত সৌন্দর্য্য বালিকার নবান্ধে মুঞ্জরিত হইয়া উঠিয়াছে। আর রাজা সেই সৌন্দর্য্য দেখিয়া কখনও বলিতেছেন,—“দুরীকৃতাঃ ধনু গুণৈরুচ্ছানলতা বনলতাভিঃ”, কখনও ভাবিতেছেন, মানুষী শক্তিতে এমন রূপের সম্ভব নহে,—“ন প্রভাতরলং জ্যোতিক্রদেতি বসুধাতলাৎ”,—আবার কখনও সেই রূপময়ীকে তদবস্থায় দেখিয়া মোহগ্রস্ত হইয়া মহর্ষি কথকে “অসাধুদর্শী” ভাবিয়া বলিতেছেন,—

ইদং কিলাব্যাজমনোহরং বপু-
স্তপঃকমং সাধয়িতুং য ইচ্ছতি ।
ধ্রুবং স নীলোৎপলপত্রধারয়া
শমীলতাং ছেত্তুমুর্ষিব্যবশ্যতি ॥

কায়ার উচ্ছলিত রূপের জন্ম এই যে আগ্রহ,—ইহা জ্ঞানীর লিপ্সা নহে, অজ্ঞানের মোহ। তাহা কাব্যমাজেই আমরা দেখিতে পাই। শকুন্তলার এই রূপ, এই অমানুষী ললিতত্ৰী দুঃস্বস্তকে শেষে ভুলাইতে পারিল না। রাজা এ রূপকে অগ্রাহ করিলেন। কিন্তু শেষ অঙ্কে দেখে দেখি—কি নিম্নোচ্ছল চিত্র ! স্বর্গের অমৃতময় তপোবনে একটি বালক আপনার পবিত্র রূপমঞ্জরী বিকীর্ণ করিয়া সমস্ত তপোবনটিকে উদ্ভাসিত করিয়া রাখিয়াছে। আর শকুন্তলার সে স্থানে কি রূপ ? তিনি,—

* অমৃত রবীন্দ্রনাথ ঠাকুর প্রণীত প্রাচীন সাহিত্য ।

বসনে পরিধূসরে বসানা

নিয়মকামমুখী ধৃতৈকবেগিঃ।

তিনি এখন আপনার সমস্ত রূপমাধুরী তদীয় সন্তান বা ছায়ার অঙ্গে ঢালিয়া দিয়া “ত্যাগের দ্বারা পরিপূর্ণ, হুঃখের দ্বারা চরিতার্থ এবং ধর্মের দ্বারা ধ্রুব” হইয়াছেন। এখন রাজা সহজেই পরাজয় স্বীকার করিলেন। যে শকুন্তলাকে একদিন ‘আপন্নসত্তা’ বলিয়া রাজা প্রত্যাখ্যান করিয়াছিলেন, আজ সেই শকুন্তলার সেই পুত্রের অঙ্গস্পর্শ করিবার জন্ত, রাজা একান্ত চঞ্চল হইয়া উঠিলেন। কায়া যাহা করিতে পারে নাই, ছায়া সহজেই তাহা সম্পন্ন করিল। রাজা এবার পরিপূর্ণ রূপকে প্রত্যাখ্যান করিতে পারিলেন না। তাঁহাদের মিলন হইল। ভারতবর্ষ এই মিলনকেই শ্রেষ্ঠ মিলন বলে।

“ভারতবর্ষের পুরাতন কবি প্রেমকেই প্রেমের চরমগৌরব বলিয়া স্বীকার করেন নাই, মঙ্গলকেই প্রেমের চরম লক্ষ্য বলিয়া ঘোষণা করিয়াছেন। তাঁহার মতে নরনারীর প্রেম সুন্দর নহে, যদি তাহা বন্ধ হয়,—যদি তাহা আপনার মধ্যেই সঙ্কীর্ণ হইয়া থাকে,—কল্যাণকে জন্মদান না করে এবং সংসারের পুলকণ্ডা অতিথিপ্রতিবেশীর মধ্যে বিচিত্র সৌভাগ্যরূপে ব্যাপ্ত হইয়া না যায়।”* আবার সেদিনকার কবির কাব্যেও দেখি,—কায়া যে স্থানে প্রত্যাখ্যাতা,—সে স্থানে তাহা ছায়ার জন্ত কাঁদিয়া মরিতেছে। ভ্রমর ক্ষুদ্র বালিকা—বালিকা নহে, যুবতী,—ভ্রমরেরই মত কালো; তাহার হৃদয়ে অগাধ প্রেম-পারাবার নিরন্তর উদ্বেলিত। গোবিন্দলাল সুগৌর। পতি-পত্নীতে অচ্ছেদ্য দৃঢ় বন্ধন। কিন্তু এ বন্ধনও কাটিয়াছিল। যে গোবিন্দলাল ভ্রমরের কালো রূপে একদিন মুগ্ধ ছিল, যে ভ্রমরকে মোহাগর্ভ “ভ্রমর,” “ভোমরা” “ভোমর,” “ভোম,” “ভুমরি,” “ভূমি,” “ভূম” “ভোঁ-ভোঁ” প্রভৃতি নিত্যনূতন, নিত্য স্নেহপূর্ণ, রঙ্গপূর্ণ, সুখপূর্ণ সম্বোধনে আদর করিত, যে ভ্রমরের “চাহনি দেখিয়া গোবিন্দলাল ভাবিত, “এত গুণ!” আবার যে ভ্রমরের “চাহনি দেখিয়া গোবিন্দলাল ভাবিয়া ভাবিয়া, এ সংসার সকল ভুলিয়া বাইত,” সেই গুণময়ী, প্রেমময়ী “ভোমরা দাসী”কেও গোবিন্দলাল ত্যাগ করিয়াছিল। কিন্তু ভ্রমর যদি আপনার ছায়াটিকে কোলে করিয়া বসিয়া থাকিত, তাহা হইলে শত রোহিণীর রূপলাবণ্য

* প্রাচীন সাহিত্য।

ধূলিসৃষ্টির স্তায় নগণ্য বোধ হইত। যখন ভ্রমর স্বামীকে ধরিত্তা রাখিতে পারিল না,—যখন কায়া অভীষ্টলাভ করিতে পারিল না—তখন ভ্রমর কি করিল?—“ভ্রমরের একটি পুত্র হইয়া স্মৃতিকাগারেই নষ্ট হয়। ভ্রমর আজি কঙ্কাস্তরে গিয়া ঘর রুদ্ধ করিয়া সেই সাত দিনের ছেলের জন্ত কাঁদিতে বসিল। মেঝের উপর পড়িয়া ধূলায় লুটাইয়া প্রশমিত নিশ্বাসে পুত্রের জন্ত কাঁদিতে লাগিল। ‘আমার ননীর পুতলী, আমার কাকালের সোনা, আজ তুমি কোথায়? আজ তুই থাকিলে আমার কার সাধ্য ত্যাগ করে? আমার মায়া কাটাইলেন, তোর মায়া কে কাটাইত? আমি কুরূপা, কুংসিতা, তোকে কে কুংসিত বলিত? তোর চেয়ে কে সুন্দর? একবার দেখা দে বাপ—এই বিপদের সময় একবার দেখা দিতে পারিস না—যরিলে কি আর দেখা দেয় না?’—”

ছায়ার জন্ত কায়ার এ রোদন বড়ই করুণ, বড়ই মর্শ্পর্শী, বড়ই পবিত্র। জগতে কায়া অপেক্ষা ছায়ারই গৌরব অধিক। কায়ার ক্ষণিক উজ্জল দীপ্তির মোহে আমরা যেন ছায়ার শান্ত শান্ত বাধুরী ভুলিয়া না বাই; কায়ার উদ্দাম সৌন্দর্য্যে অন্ধ হইয়া ছায়ার মঙ্গল প্রতিমাকে যেন অবহেলা না করি। ছায়াই জগতের সকল সুখের, সকল উন্নতির মূল। কায়া ক্ষুদ্র, ছায়া বিরাট; কায়া দীন, ছায়া মহান; কায়া ও ছায়ার এই দর্শন বিধাতার বিচিত্র সৃষ্টি!

শ্রীযোগেশ্বর চট্টোপাধ্যায়।

গুণের পরাজয়।

রবি করে সারা বিখে কিরণ বিস্তার,
গিরি-গুহা-অন্ধকার না পারে হরিতে;
জানী করে নরহৃদে জ্ঞানের সঞ্চারণ,
বুধ-হৃদি-অজ্ঞানতা নায়ে বিদুরিতে।

শ্রীযতীন্দ্রনাথ চট্টোপাধ্যায়।

পিতৃভক্তির পুরস্কার।

মৃত্যুঞ্জয় রায় যখন পাঠের ব্যবসা করিতে আরম্ভ করেন তখন, ব্যবসা নুতন, কাষেই ব্যবসায়ে যথেষ্ট লাভ ছিল। মৃত্যুঞ্জয় পঞ্চবিংশবর্ষকাল ব্যবসা করিয়া যে লাভ করিয়াছিলেন, তাহা বর্তমান সময়ে ব্যবসায়ীদিগের কল্পনাভীত। এই ব্যবসায় উপলক্ষে তাঁহাকে সর্বদা যুরোপীয় ব্যবসায়ী-দিগের সহিত মিশিতে হইত। সে সম্প্রদায়ে তাঁহার যথেষ্ট সম্মানও ছিল। তিনি বৎসরে একদিন যুরোপীয় ব্যবসাদারপ্রভৃতিকে নিমন্ত্রণ করিয়া অপ্যায়িত করিতেন। কিন্তু নিমন্ত্রণটা হইত তাঁহার বাগানে। কারণ তিনি এদিকে কিছু গোঁড়া হিন্দু ছিলেন—গৃহের এক অংশ ভাঙ্গিয়া ঠাকুর বাড়ী নির্মিত করাইয়াছিলেন। তবে দুই বিষয়ে তিনি যুরোপীয়দিগের অহুকরণ করিতেন—তিনি যেক্ষেপেই হউক যথাকালে নিদিষ্ট কার্য শেষ করিতে চেষ্টা করিতেন এবং শারীরিকশ্রমবিমুখতা নিন্দনীয় জ্ঞানে প্রত্যহ প্রাতে অশ্বারোহণ করিতেন।

চল্লিশ বৎসর বয়সে তাঁহার পত্নীর মৃত্যু হয়। তখন তাঁহার কন্যায় বিবাহিতা। মৃত্যুঞ্জয় আর বিবাহ করিলেন না; কিন্তু পিতৃের উপায় ও সম্পত্তির উত্তরাধিকারী করিবার উদ্দেশে পোষ্যপুত্র গ্রহণ করিলেন। এই দত্তকগ্রহণ উপলক্ষে কন্যায়ের সহিত মৃত্যুঞ্জয়ের মনোমালিন্য ঘটিয়াছিল। কন্যায়ের আশা ছিল, তাঁহারাই পিতার বিপুল সম্পত্তির উত্তরাধিকারিণী হইবেন। পিতার দত্তক-গ্রহণে তাঁহারা হতাশ হইলেন। কন্যায়ের হতাশা বেদনার পর্য্যবসিত হইল; জামাতৃয়ের হতাশা মর্মান্তিক ক্রোধে পরিণতি লাভ করিল। মৃত্যুঞ্জয় তাহা বুঝিলেন; বুঝিয়া মনে মনে হাসিলেন। তিনি স্বনামধন্য পুরুষ; জামাতৃয়ের বিলাসপ্রিয়তা ও কর্মবিমুখতা তাঁহার ভাল লাগিত না। এখন তিনি আশা করিলেন, এবার হয়ত তাঁহারা উপার্জনের উপায় দেখিবেন। সে বাহাই হউক, তিনি যে উইল করিলেন, তাহাতে কন্যায়ের যে ব্যবস্থা করিলেন তাহাতে জামাতৃয়ের অর্ধোপার্জনচেষ্টা না করিলেও যে চলিত না, এমন নহে। কিন্তু সে উইলের ব্যবস্থা তিনি ও তাঁহার উকীল ব্যতীত আর কেহই জানিতেন না। সে ব্যবস্থার বিষয় তিনি সতর্কতার সহিত গোপন রাখিয়াছিলেন। কেবল তাঁহার বিশেষ অহুগ্রহভাজন জ্ঞাতি ও প্রধান কর্মচারী বলাইচন্দ্র জানিতেন, তিনি উইল করিয়াছেন।

ক্রীমাধবের ব্যবহারে মৃত্যুঞ্জয় যেরূপ অসুখী ছিলেন পোষ্যপুত্রের ব্যবহারে ততোধিক অসুখী ছিলেন। পোষ্যপুত্র কেবল যে অলস ও অকর্মণ্য ছিল তাহাই নহে; পরন্তু অসৎ সংসর্গে সে ক্রমেই দুর্বৃত্ত হইয়া উঠিতেছিল। তাঁহার মৃত্যুর পর সে যে ব্যবসা চালাইতে পারিবে না, তাহা বুঝিয়া তিনি অল্পে অল্পে জাল গুটাইতেছিলেন। কিন্তু ক্রমে তাঁহার মনে এই ধারণা বদ্ধমূল হইতেছিল যে, সে সম্পত্তি নষ্ট করিয়া শেষে স্বয়ং কষ্ট পাইবে। এই ধারণা তাঁহার পক্ষে অশেষ ক্লেশের কারণ হইয়াছিল।

২

রাত্রির দ্বিতীয় প্রহর উত্তীর্ণ হইয়া গিয়াছে। মৃত্যুঞ্জয়ের নিদ্রাভঙ্গ হইল। তাঁহার বোধ হইল, নিজে প্রাঙ্গণে বহুকণ্ঠের কলরব; কিন্তু সকলেই যথাসম্ভব অমুচ্চ স্বরে কথা কহিতে সচেষ্ট। তিনি বাতায়নের পাখী তুলিলেন; যে দৃশ্য দেখিলেন, তাহাতে যুগপৎ বেদনায় ও বিরক্তিতে তাঁহার হৃদয় চঞ্চল হইয়া উঠিল। পোষ্যপুত্র ক্রীমাধব অতিরিক্ত মত্তপানহেতু “বেএক্তিয়ার;” তৃত্যবর্গ ধরাধরি করিয়া তাহাকে লইয়া যাইতেছে। তাহার অমুচ্চ স্বরে কথা কহিতেছে; বোধ হয়, উদ্দেশ্য—তিনি জানিতে না পারেন।

প্রাঙ্গণের যে দিকে তাঁহার শয়নগৃহ—তাঁহার বিপরীত দিকে ক্রীমাধবের শয়নগৃহ। মৃত্যুঞ্জয় দেখিলেন, সেই কক্ষের বাতায়নে দাঁড়াইয়া তাঁহার পুত্র-বধু মানদা আপনার হৃদয়দার দারুণ চিত্র দেখিল, তাহার পর বেদনার আতিশয্যে ছুই কর জুড়িয়া দেবতার উদ্দেশে প্রণাম করিল। কিশোরীর এই বেদনাব্যঞ্জক ভাবে মৃত্যুঞ্জয় মর্মান্বিত হইলেন। পুত্রবধুকে তিনি অত্যন্ত স্নেহ করিতেন। তাঁহারই স্নেহে বালিকা শান্তদীপ্ত স্বপ্নরাগে আসিয়া এক দিন জনকজননীর অভাব অনুভব করে নাই। তাহার মর্ষবেদনার বিষয় চিন্তা করিয়া মৃত্যুঞ্জয় হৃদয়ে বৃষ্টিকদংশনঘাতনার মত দারুণ যন্ত্রণাভোগ করিতে লাগিলেন।

মৃত্যুঞ্জয় আর ঘুমাইতে পারিলেন না। তিনি স্থির করিলেন, সম্পত্তির আবশ্যক ব্যবস্থা করিয়া তিনি ব্যবসায় তুলিয়া দিয়া বৃন্দাবনবাসী হইবেন।

৩

ক্রমে রাত্রি পোহাইল। তৃত্য আসিয়া সংবাদ দিল—অর্থ সঞ্চিত হইয়াছে।

মৃত্যুঞ্জয় অল্পমনস্কভাবে মৃত্যুঞ্জয় বেশপরিবর্তন করিয়া অর্থ আয়ো-

হণ করিলেন। চিন্তা সঙ্গে সঙ্গে গেল। কিছুদূর অগ্রসর হইবার পর সম্মুখে একটি পলায়নপরা বালিকার পবনান্দোলিত রঞ্জিত অঞ্চলাগ্র দেখিয়া অশ্ব ভীত হইল—সহসা ঋজুগতি ত্যাগ করিয়া বেগে বামদিকে ফিরিল। নিপুণ নাবিক যেমন বাত্যাৱষ্টিতে অনায়াসে নৌকার গতি নির্দেশ করিতে পারে অখারোহণপটু মৃত্যুঞ্জয় তেমনই অনায়াসে অশ্বের গতি নির্দেশ করিতে পারিতেন। কিন্তু আজ তিনি একান্ত অন্তমনস্ক ছিলেন—আজ তিনি সমস্ত জীবনের সঙ্কলিত কার্যা ত্যাগ করিতে উন্মত্ত—তাই চিন্তাবিষ্ট। অশ্বের গতিপরিবর্তনে তিনি ভূপতিত হইলেন—মস্তকে দারুণ আঘাতে মূর্ছিত হইলেন।

এদিকে আরোহীর পতনে অশ্ব বেগে গৃহাভিমুখে ছুটিয়া চলিল—বাইয়া মন্দুরায় প্রবেশ করিল। তখন গৃহে সংবাদ আসিল—হাঁকাহাঁকি ডাকা-ডাকি আরম্ভ হইল—চারিদিকে লোক গেল।

প্রায় এক ঘণ্টা পরে বলাইচন্দ্র মূর্ছিত প্রভুকে লইয়া সাশ্রনেত্রে গৃহে প্রবেশ করিলেন। মানদা কাঁদিতে লাগিল।

ডাক্তারগণ আসিলেন। বহু চেষ্টায় মৃত্যুঞ্জয়ের জ্ঞানসঞ্চার হইল, কিন্তু তাহার আবির্ভাব বিলয়ভূমিষ্ট বিদ্যাতের মত অল্পকালস্থায়ী হইল। সকলেই বুঝিলেন, মৃত্যুঞ্জয়ের আত্মকাল ফুরাইয়া আসিয়াছে। শ্রীমাধবের মোসাহেব-মহলে “মাইফেল” চলিল; মৃত্যুঞ্জয়ের মৃত্যুর পর কিরূপ ব্যবস্থা হইবে— তাহার সম্বন্ধে কালনেমীর লক্ষ্যভাগের পুনরভিনয় হইতে লাগিল। বৃদ্ধ তাহাদের অধঃপতনের পথে অন্তরায়রূপে বিচ্যমান ছিলেন—এবার সে অন্তরায় দূর হইতেছে; তাহারা গড়াইতে গড়াইতে অধঃপতনের অতলে ষাইবে। সে কল্পনাতেও কত সুখ!

৪

মানদা আহারনিদ্রা ত্যাগ করিয়া ঋতুরের সেবা করিতে লাগিল। ইহাতে তাহাকে নন্দাঘরের নিকট অত্যন্ত গঞ্জনা ভোগ করিতে হইল। পিতা পোষ্যপুত্র গ্রহণে কন্ডাদিগের ভাবান্তরে স্বার্থের প্ররোচনা বুঝিয়া-ছিলেন—কন্ডাঘরের সহিত তাঁহার ঘনিষ্ঠতার কিছু হ্রাস হইয়াছিল। এখন তাঁহারা আসিলেন।—পোষ্যপুত্রের পত্নী মানদার ব্যবহারে তাঁহারা এমনই ভাব দেখাইতেন, যেন সে নিতান্তই উড়িয়া আসিয়া জুড়িয়া বসিয়াছে। মানদা তাঁহাদের যুগা বিক্রম কিছুতেই বিচলিত হইত না। সে সাগ্রহে ঋতুরের

শুক্রবা করিত । শৈশবে পিতৃহীনা মানদা খণ্ডরের স্নেহে পিতৃস্নেহের আশ্রয়
পাইয়াছিল—সে স্নেহের স্বরূপ বুঝিতে পারিয়াছিল ।

৫

সাত দিন কাটিয়া গেল । রোগীর অবস্থা প্রভাতে একটু ভাল থাকে ;
মধ্যাহ্নের পর হইতে বিকারলক্ষণ প্রকাশ পায় । অষ্টম দিন প্রভাত হইতেই
অবস্থান্তর লক্ষিত হইতে লাগিল—প্রভাতেই একবার মূর্ছা হইল । মানদা
“জল দাও—জল দাও”—বলিয়া উঠিল । বলাইচন্দ্র বলিলেন, “আমি ঠাকুর
বাড়ী হইতে চরণামৃত আনিতেছি” ; বলিয়া তিনি দ্রুতপদে ঠাকুরবাড়ীর
দিকে চলিলেন । গোলমালে শ্রীমাধব তথায় আসিয়াছিল । সে বলিল
“আর চরণামৃত কেন ? আমার ঘরে ভাল জল আছে ।” ততক্ষণে মৃত্যুঞ্জয়ের
মূর্ছান্তর হইয়াছে—পুত্রের কথা তাঁহার কর্ণগোচর হইল । পুত্র যে পানীয়ের
কথা বলিতেছে তাহা তিনি বুঝিতে পারিলেন—ভাবিলেন, তিনি ত মৃত্যুমুখে ;
দুইদিনের বিলম্ব—তাহাও যাহার সহিতেছে না তাহাকেই তিনি পুত্র বলিয়া
গ্রহণ করিয়াছেন ! তাঁহার কোটরগত নয়নধর জলে ভরিয়া উঠিল । মানদা
স্বপ্নে অঞ্চলে সে অশ্রু মুছাইয়া দিল ।

৬

পরদিন প্রভাতে আবার মৃত্যুঞ্জয়ের জ্ঞানোদয় হইল । আজ কণ্ঠাধর
পরামর্শ স্থির করিয়া আসিয়াছিলেন । জ্যেষ্ঠা বলিলেন, “বাবা, আমাদের
কি হইবে ?”

মৃত্যুঞ্জয় বলিলেন, “কেন, মা ?”

“তুমি না থাকিলে কি আর আমরা এ বাড়ীতে প্রবেশ করিতে
পাইব ?”

“পাইবে, মা । আমি তাহার ব্যবস্থা করিয়াছি । আর তোমাদের অভাব
কিসের যে তোমার এবাটীর আশ্রয়ের প্রত্যাশা রাখিবে ?”

কনিষ্ঠা এতক্ষণ অঞ্চলে চক্ষু মুছিতেছিলেন ; এখন বলিলেন, “দেখিলে,
দিদি, আমি ত বলিয়াছিলাম, বাবা সে ব্যবস্থা করিবেন ।”

জ্যেষ্ঠা বলিলেন, “আমিইকি তাহা জানিতাম না ? কিন্তু বাবা—
মা'র গহনাগুলি—”

মৃত্যুঞ্জয় বলিলেন, “ভাল কথা মনে করিয়াছ । আগামী কল্য প্রাতে
আমাকে একথা স্মরণ করাইয়া দিও ।”

কন্ঠাঘরের মুখে ও চক্ষুতে আনন্দদীপ্তি দীপ্ত হইয়া উঠিল।

মৃত্যুঞ্জয় বলাইচন্দ্রকে ডাকাইয়া বলিলেন, “বলাই, কল্যা প্রাতে একজন স্বর্ণকার আনা হইবে এবং আমার এটর্নীকে আসিতে বলিবে।”

৭

পরদিন প্রাতে স্বর্ণকার আসিলে মৃত্যুঞ্জয় কন্ঠাঘরকে ডাকাইয়া তাঁহার মৃত্যু পত্নীর অলঙ্কারগুলি আনা হইলেন। তাঁহার আদেশে প্রত্যেক অলঙ্কার সমান দুই ভাগে বিভক্ত করা হইল। দুই কন্ঠাকে সেইগুলি সমান ভাবে ভাগ করিয়া দিয়া মৃত্যুঞ্জয় বলিলেন, “তোমাদের প্রাপ্য হইতে কে তোমাদিগকে বঞ্চিত করিতে পারে?” জ্যেষ্ঠা কন্ঠা বলিলেন, “বাবা, সে কি আর আমি জানি না? তুমি আমাদের কত ভালবাস!” কনিষ্ঠা বলিলেন, “তুমি ছাড়া আর আমাদের কে আছে; আমাদের মা নাই; কিন্তু তোমার স্নেহে আমরা সে অভাব বৃদ্ধিতে পারি নাই।”

ইহার পর এটর্নী ডাক পড়িল। রুক্মিণী কক্ষে মৃত্যুঞ্জয়ের নূতন উইল লিখিত হইবে। মৃত্যুঞ্জয় উইলে সহি করিলেন—সাক্ষী এটর্নী, বলাইচন্দ্র ও এটর্নীর সহকারী।

সাত দিন পরে মৃত্যু মৃত্যুঞ্জয়কে জয় করিল। মৃত্যুঞ্জয়ের শারীরিক ও মানসিক যন্ত্রণার অবসান হইল।

৮

গৃহে হৃহিত্বের আর্তনাদ ধ্বনিত হইল। কিন্তু তাহা অধিককালস্থায়ী হইল না। সকলেই মৃত্যুঞ্জয়ের উইলের নির্দেশ জানিবার জন্য উৎসুক। কেবল মানদার সে উৎসুক্য নাই!

তাহার পর সংবাদ দিয়া এটর্নীকে আনান হইল। তিনি উইল আনা হইলেন। উইল পাঠকালে আশায় ও আশঙ্কায় মৃত্যুঞ্জয়ের হৃহিত্বের ও জামাতাদিগের হৃদয় চঞ্চল হইয়া উঠিল। শ্রীমাধব জানিত, সে-ই মৃত্যুঞ্জয়ের উত্তরাধিকারী, নিশ্চিত আনন্দে তাহার ওষ্ঠাধর মূহূহাস্তলিঙ্গ।

মৃত্যুঞ্জয় উইলে বলিয়াছিলেন, তিনি পূর্বে যে উইল করিয়াছিলেন, তাহাতে তাঁহার কন্ঠাঘরের প্রত্যেককে পাঁচ লক্ষ টাকা দিয়াছিলেন এবং অবশিষ্ট সম্পত্তি দেবোত্তর করিয়া পোষপুত্র শ্রীমাধবকে সেবাইত করিয়া ছিলেন। পুত্রকন্ঠার ব্যবহারে তিনি মৃত পরিবর্তিত করিয়াছেন। কন্ঠাঘর তাঁহাদিগের জনমীর অলঙ্কার পাইয়াছেন; তাঁহারা আর কিছুই পাইবেন না।

শ্রীমাধবকে তাঁহার কিছুই দিবার ইচ্ছা ছিল না ; কিন্তু তিনি সেই দরিদ্র-সন্তানকে ধনীর উত্তরাধিকারী করিবার চেষ্টা করিয়া তাহার “চাল” বাড়াইয়া দিয়াছেন—সেইজন্য তাহাকে কিছু দেওয়া তাঁহার কর্তব্য । তাঁহার সমস্ত সম্পত্তি রিসিভারের হস্তে যাইবে । তাহার আয় হইতে শ্রীমাধব ও মানদা প্রত্যেকে মাসিক ১০০০ টাকা স্বত্তি পাইবেন ; অবশিষ্ট আয় কোন সদস্থ-ঠানে ব্যয়িত হইবে ।

* * * * *

উইলের নির্দেশ শুনিয়া মৃত্যুঞ্জয়ের দুহিতৃষয় মৃত্যুশুণ্ড পিতার উদ্দেশে নানারূপ মস্তব্য প্রকাশ করিতে করিতে নিজ নিজ গৃহে প্রত্যাবর্তন করিলেন । শ্রীমাধবা ক্রোধে ও অভিমানে অধীর হইয়া সুরাপানে হতাশা-বেদনা ভুলিতে সচেষ্ট হইল । তাহার মোসাহেবদল তাহাকে বুঝাইল, এ উইল টিকিবে না ।

কেবল পতিপ্রেমবন্ধিতা অভাগিনী মানদা স্বপ্নের মৃত্যুতে আপনাকে পিতৃহীনা, অসহায়া অনুভব করিল ।

আজ সেই উইলে উল্লিখিত ব্যক্তিদিগের মধ্যে আর কেহই জীবিত নাই । কেবল একটি জনহিতকর অনুষ্ঠান আজও মৃত্যুঞ্জয়ের স্বৃতিকে মৃত্যুঞ্জয়ী করিয়া রাখিয়াছে ।

সত্য-প্রকাশ ।

নিশীথের ধ্বাস্তরাশি বিনাশি, প্রভাতে,
 কুটে যবে প্রাচী-নভে ভাস্বর তপন ;
 ধরণী উজলি' উঠে পবিত্র জ্যোতিতে—
 মধুর হরষ-রসে হয় নিমগন ।
 মিথ্যা-মোহ তমোরাশি নাশিয়া ভেমতি
 জ্যোতির্ময় সত্য যবে প্রকাশে হৃদয়ে ;
 অস্তর ভয়িলা উঠে সে শুভ আলোকে,—
 কি সুখ-আবেশে আত্মা রহে যথ হ'য়ে !

শ্রীবিভূতিভূষণ মজুমদার ।

ধর্ম ও বিজ্ঞান।

যুরোপের সংসর্গে ও অগ্রগতি করেকটি অবাস্তব কারণে আজকাল আমাদের দেশে ধর্মবুদ্ধি হ্রাস পাইতেছে। যুরোপে বিজ্ঞানের সহিত সংঘর্ষে ধর্মকেই হটিতে হইয়াছে। যে ধর্মমতের সহিত যুরোপে বিজ্ঞানের বিরোধ বাধিয়া ছিল, সে ধর্মমত তর্ক-যুক্তির সম্মুখে অধিক ক্ষণ ভিষ্ঠিতে পারে না। সে ধর্মমতের প্রথম কথা জ্ঞান বৃক্ষের ফলের আশ্বাদনই মানবের পতনের মূল কারণ। সংসার-উদ্ধানে ভগবানই জ্ঞানবৃক্ষ সৃষ্ট করিয়াছিলেন, ভগবানের ইচ্ছাতেই সেই বৃক্ষ কাননপ্রান্তে ফলশোভিত হইয়াছিল। কিন্তু ভগবানের আদেশেই আদি মানব ও মানবী তাহা ভক্ষণ করেন নাই। তাহার পর সর্পরূপী সন্নতান আসিয়া মানবজননী ইভকে সেই জ্ঞানফল ভক্ষণ করিতে প্রলুব্ধ করে। ইভ আবার তাঁহার ভর্তাকে সেই ফল ভক্ষণ করান। ফলে মানবজাতির পতন ঘটে। পাশ্চাত্য ধর্মশাস্ত্রে মানবদেহে পাতক-সঞ্চারের ইহাই আদি ইতিহাস। এই উক্তিতে পাশ্চাত্য ধর্মশাস্ত্রের জ্ঞান-বিরোধিতা ও অন্ধবিশ্বাস-মূলকতাই সূচিত হইতেছে। কিন্তু অবস্থার তাড়নায় ও প্রকৃতির প্রতিকূলতায় পাশ্চাত্য জাতিগণ ক্রমশঃ জড় জগতের কয়েকটিমাত্র রহস্যের উদ্ভেদ করিতে সমর্থ হইয়াছেন। ইহাতে বিশ্বের বিষয় কিছুই নাই। যে যাহার সাধনা করে, সে তাহাতেই সাফল্য লাভ করিয়া থাকে। ভারতবর্ষে প্রকৃতি দেবী যেরূপ করুণা-কটাক্ষ করিয়াছেন, যুরোপের কোনও দেশেই প্রায় সেরূপ করেন নাই। প্রকৃতি-প্রদত্ত স্বাভাবিক অবস্থায় থাকিলে যুরোপে প্রাণরক্ষা করা বড় কঠিন হইয়া উঠে। তথায় প্রাণের দায়ে প্রতিকূল প্রকৃতির সহিত সংগ্রাম করিয়া তাঁহার নিকট হইতে আশ্রয়লাভ কবচ সংগ্রহ করিয়া লইতে হয়। সেই সংগ্রামে মানব বতই জয়যুক্ত হইতে লাগিল, ততই সে প্রকৃতির মর্শ্বরহস্য উদ্ভিন্ন করিয়া তাঁহার নিকট হইতে অধিক জ্ঞান ও সম্পদ সংগ্রহ করিতে আগ্রহম্বিত হইয়া উঠিল। এই প্রকারে যুরোপে জ্ঞান ও জড় বিজ্ঞানের উৎপত্তি আরম্ভ হইল।

পাশ্চাত্য বিজ্ঞান যতদিন নিতান্ত শিশু ছিল, ততদিন তাহার সহিত ধর্মের সংঘর্ষ বাধে নাই। তখন কংস-ভয়ে দূরে রক্ষিত দেবকীনন্দনের মত উহা গোকুলে বশোদার গৃহেই বাড়িতেছিল। ক্রমে বিজ্ঞান সবল ও পুষ্ট হইতে লাগিল, সঙ্গে সঙ্গে ধর্মের সহিত তাহার বিরোধ বাধিয়া উঠিল। এই বিরোধের

ফলে ধর্মের বল ও প্রসার বৃদ্ধি হইতে থাকিল । গ্যালিলীওর ধীবর-সম্মানে যে ধর্ম প্রচারিত হইয়াছিল, ঊনবিংশ শতাব্দীর শেষভাগে সেই ধর্মই কত পরিবর্তিত ও রূপান্তরিত হইয়াছে, তাহা ভাবিলে বিস্মিত হইতে হয় । জ্ঞান বা বিজ্ঞানের সহিত ধর্মের বিরোধই ধর্মমতের এই পরিবর্তনের কারণ । ধর্ম ও জ্ঞানের বিরোধ ফলেই পাশ্চাত্য দর্শনের উৎপত্তি । দর্শন প্রথমে ধর্মেরই অঙ্গুগত ভূত্য ছিল । ধর্ম প্রবক্তৃগণ যখন নিরবচ্ছিন্ন বিশ্বাসের আসর ছাড়িয়া যুক্তির আসরে নামিলেন,—তখনই দর্শন-শাস্ত্রের উদ্ভব হইল । কিন্তু দর্শন অধিক দিন ধর্মের অঙ্গুগত্য করে নাই । ধর্মপ্রবক্তারা বিশ্বাসের আসরের অতি সান্নিধ্যেই যুক্তির আসর পাতিয়া তাহাতেই উপস্থিত হইয়াছিলেন । কিন্তু দর্শন যেমন বিশ্বাসের সহিত সকল সংশ্রব ছাড়িয়া কেবল যুক্তির আসরেই পালা আরম্ভ করিল, অমনই ধর্মের সহিত দর্শনের ঘোর বিবাদ বাধিয়া উঠিল । নূতন আসরে দাঁড়াইরা দর্শন সাহস্কারে সকলকে সম্বোধন করিয়া বলিল,—“আমার নিকট আইস, আমি যুক্তিবলে বিশ্বের ও মানব জাতির ভাগ্যের রহস্য উদ্ভিন্ন করিয়া তোমাদিগের নিকট নূতন তথ্যের প্রচার করিব ।”

ধর্মপ্রবক্তৃগণ বিশ্বাসের আসরে উপস্থিত থাকিয়া ধর্মমতকে পদ্ধতিবদ্ধ করিতে থাকিলেন । ইন্দ্রিয়াতীত সত্য—যে সত্য বাক্য ও মনের অগোচর,—যে সত্যের বাখ্যার্থ্য পরীক্ষা করিবার শক্তি মানবের নাই—সেই সত্য ধর্মের বিষয়,—তাহার প্রমাণ আপ্তবাক্যে ; আপ্ত-বাক্যে যাহার বিশ্বাস নাই—সেই অবাঙমনসোগোচর সত্য, উপলব্ধি করিতে অসমর্থ । দর্শন বিশ্বাসের আসর ছাড়িয়া যুক্তির আসর ধরিল,—ধর্মের সহিত সম্বন্ধ ছিন্ন করিল—কিন্তু বিজ্ঞানের সহিত তাহার বিরোধ বৃদ্ধি না । দর্শন যুক্তির ও তর্কের সাহায্যে অতীন্দ্রিয় বিষয় সম্বন্ধে লোকের প্রত্যয় জন্মাইতে সচেষ্ট হইল । ইহার প্রধান অস্ত্র অনুমান । বিজ্ঞানও যুক্তির আসরেই কার্য্য আরম্ভ করিল, কিন্তু ইহার প্রধান অস্ত্র পর্য্যবেক্ষণ (Observation) এবং পরীক্ষা (Experiment) যুক্তির কতকগুলি তথ্য উভয়েই স্বীকার করিয়া থাকে । দর্শন সিদ্ধান্ত করিয়াছে যে, কারণ ব্যতীত কার্য্যের উৎপত্তি অসম্ভব ; বিজ্ঞানে পর্য্যবেক্ষণ ও পরীক্ষার দ্বারা সে সিদ্ধান্ত অস্বীকার্য্য প্রতিপন্ন করিয়াছে । বিজ্ঞান ও অনুমানের আশ্রয় লইয়া থাকে, তবে সে অনুমান নিতান্তই প্রত্যক্ষমূলক । যাহার কতকগুলি দৃষ্টান্তও প্রত্যক্ষ করা হয় নাই, বিজ্ঞান সে সম্বন্ধে কোনও অনু-

যাত্রই করিতে সম্মত নহে। কিন্তু যে অহুমান যুক্তিবিরোধী নহে, দর্শন সেই অহুমান অভ্রান্ত বলিয়া স্বীকার করিতে সম্মত। দর্শনের বিষয় প্রত্যক্ষ নহে, সুতরাং দর্শন কেবল প্রত্যক্ষমূলক অহুমানের উপরই নির্ভর করিতে সম্মত নহে।

দর্শনের আলোচ্য বিষয়,—পরমাশ্রা, আধ্যাত্মিক স্বাধীনতা, আশ্রার অমরত্ব, কার্য-কারণ বাদ ও আশ্রিক্য-বাদ। অতি প্রাচীনকাল হইতে এই কয়টি বিষয় প্রতিপাদন করিবার জন্য অসাধারণ ধীশক্তিসম্পন্ন মহাত্মগণ চেষ্টা করিয়া আসিতেছেন,—কিন্তু তাঁহাদের সে চেষ্টা সর্ববাদিসম্মতিক্রমে সাফল্যলাভে সমর্থ হয় নাই। দর্শনশাস্ত্ররূপ তরনী সন্দেহদিক অহুমানের কুহেলিকায় অঙ্গ আবৃত করিয়া বন্দর তাগ করিল, পথে সেই কুয়াসাসমাচ্ছন্ন অক্ষুট আলোকে কত দৃশ্য দেখিল, কিন্তু চলিতে চলিতে বৃত্তাকার গতিতে আবার সেই বন্দরেই আসিয়া উপস্থিত হইল। সে যে আকাশ-তলে বিচরণ করিয়াছে, সে আকাশ সর্বদাই অল্পাধিক কুজ্জাটিকায় সমাচ্ছন্ন, নিশ্চয়তার সূর্য তথায় সে কুহেলিকা-জালভেদ করিয়া আশ্রজ্যোতি প্রকাশ করিতে সমর্থ হয় না। দর্শন মানবকে অনেক নূতন দৃশ্য দেখাইয়াছে, নূতন তথ্য শুনাইয়াছে, কিন্তু কুয়াসাজালে সমাচ্ছন্ন বলিয়া সে দৃশ্য ও সে তথ্য সে নিশ্চয় বলিয়া বুঝিতে ও বুঝাইতে পারে নাই। অধিকন্তু দর্শন যে স্থান তাগ করিয়া গিয়াছে, আবার ঘুরিয়া ফিরিয়া সেই স্থানেই উপস্থিত, সে নিজ গন্তব্য স্থানে উপনীত হইতে পারিল না, সে যে সকল সমস্যার সমাধান করিবে সাব্যস্ত করিয়াছিল তাহা পূর্বের আয় রহস্যময়ই রহিয়া গেল! পক্ষান্তরে পাশ্চাত্য পণ্ডিতগণ বলিয়া থাকেন যে, বিজ্ঞান সরল পথে অগ্রসর হইতেছে। বিজ্ঞান ঋজু পথে যতই অগ্রসর হইতেছে, ততই তাহার বলবৃদ্ধি হইতেছে, ততই সে নূতন নূতন আবিষ্কারে মানব-সমাজকে চমকিত করিতেছে। বিজ্ঞান যে তথ্য আবিষ্কৃত করিতেছে, লোকের চক্ষুতে অঙ্গুলি দিয়া তাহার ষাধার্থ্য সপ্রমাণ করিতেছে। বিজ্ঞানের এই উন্নতি-দর্শনে পৃথিবীবাসী মানবমণ্ডলী বিস্মিত। গত কল্যা যাহা অসম্ভব ছিল, অল্প বিজ্ঞান তাহা সকলের সমক্ষে সম্ভব বলিয়া সপ্রমাণ করিতেছে। সুতরাং সর্বত্রই বিজ্ঞানের জয় বিঘোষিত হইতেছে। যাহা বৈজ্ঞানিক সিদ্ধান্তের প্রতিকূল তাহাই ভ্রান্ত বলিয়া উপেক্ষিত ও উপহসিত হইতেছে। যুরোপের ধর্মবিশ্বাসের কতকগুলি মত বৈজ্ঞানিক সিদ্ধান্তের প্রতিকূল হওয়াতে তথায় ধর্মবিশ্বাস

কুসংস্কারমূলক বলিয়া উপেক্ষিত ও অনাদৃত । যুরোপের দর্শনও এখন চুই ভাগে বিভক্ত হইয়া পড়িয়াছে । আধ্যাত্মিক ও অতীন্দ্রিয় বিষয় লইয়া কেবল যে দর্শন আলোচনা করিয়া থাকে (metaphysics), তাহা এখন জর্শ্বণী ভিন্ন আর সর্বত্রই অনাদৃত ও উপেক্ষিত । যে ভাগ ইন্দ্রিয়গ্রাহ্য বিষয় লইয়া সার্বজনীন সত্য আবিষ্কারে যত্নশীল, তাহা ক্রমশঃ বিজ্ঞানেরই ছন্দানুবর্তী হইয়া পড়িতেছে । দৃষ্টান্ত স্বরূপ ধ্রুবদর্শনের (positive philosophy) নাম করা যাইতে পারে ।

বিজ্ঞানের প্রভাবে যুরোপে ধর্মের প্রভাব ও প্রতাপ ক্ষুণ্ণ হইয়াছে, তাহা অস্বীকার করিবার উপায় নাই । এখন জিজ্ঞাস্য, বাস্তবিকই বিজ্ঞান ধর্মের বিরোধী, না ধর্মবিশেষের বিরোধী ? আমাদের ধারণা বিজ্ঞান—পাশ্চাত্য জড়বিজ্ঞান, এখনও ধর্মবিরোধী হইতে পারে নাই । আন্তিক্য-বাদ ও নাস্তিক্য বাদ উভয়ই জড়বিজ্ঞানের গভীর বাহিরে অবস্থিত । ঈশ্বর, আত্মার অমরত্ব, ও পুনর্জন্মবাদ প্রভৃতির নাস্তিক্যও বিজ্ঞান এখনও সপ্রমাণ করিতে সমর্থ হয় নাই । বিজ্ঞান এইমাত্র বলিতে পারে ও বলিয়াছে যে, ঐ সকল বিষয় পর্য্যবেক্ষণ ও পরীক্ষা করা সম্ভবে না ; সুতরাং ঐ সম্বন্ধে মতামত প্রকাশ করা মানবের ধৃষ্টতামাত্র । বিজ্ঞানকে অজ্ঞেয়বাদী বলিতে ইচ্ছা হয় বল, কিন্তু উহাকে নাস্তিক বলিতে পার না । হেকেলের স্থায় চরম নাস্তিক্যও পর্য্যবেক্ষণ ও পরীক্ষা দ্বারা নাস্তিক্য-বাদ সপ্রমাণ করিতে পারেন নাই । তাঁহাকেও সম্ভাবনাসূচক অনুমানদ্বারা নাস্তিক্য-বাদ সপ্রমাণ করিতে প্রয়াস পাইতে হইয়াছে ।

বিজ্ঞানের সহিত সংঘর্ষে যুরোপে ধর্মবিশ্বাস ক্ষুণ্ণ হইতেছে ;—তাহা দেখিয়া হিন্দুও শ্রীম ধর্মসিদ্ধান্তে আস্থাশূন্য হইতেছেন, ইহা বাস্তবিকই বিশ্বয়ের বিষয় । হিন্দুর ধর্মবিশ্বাস জ্ঞানের বিরোধী নহে, বরং জ্ঞানের পক্ষপাতী । হিন্দুই বলিয়া থাকেন, 'জ্ঞানানুষ্টিঃ'—অর্থাৎ জ্ঞান হইতেই মুক্তিলাভ হইয়া থাকে । এ জ্ঞান জড়বিজ্ঞানের জ্ঞান নহে সত্য,—কিন্তু এ জ্ঞান অজ্ঞানতা বা অন্ধ-বিশ্বাস নহে । এ জ্ঞান আত্মজ্ঞান । কিন্তু ইহাও সত্য যে, জড়বিজ্ঞান এ পর্য্যন্ত সেই আত্মজ্ঞানকে ভ্রান্ত বলিয়া সপ্রমাণ করিতে সমর্থ হয় নাই । বরং হিন্দুর অনেক সিদ্ধান্ত জড়বিজ্ঞান সত্য বলিয়া স্বীকার করিয়াছে । আর এক কথা—বিজ্ঞানকেই বা আমরা সত্যের কষ্টিপাথর বলিয়া গ্রাহ্য করিব কেন ? বিজ্ঞান যেমন নূতন নূতন সত্যের আবিষ্কার করিতেছে,

নূতন নূতন মতের স্থাপনা করিতেছে,—তেনমই অনেক পুরাতন মতকে
 ত্যাগ বলিয়া পরিত্যাগ করিতেছে না কি? বিজ্ঞান আজ যে সিদ্ধান্ত সত্য
 বলিয়া স্বীকার করিতেছে, কাল তাহা ত্যাগ বলিয়া পরিত্যাগ করিবে না,
 এ কথা কে বলিতে পারে? অবশ্য আমি বিজ্ঞানকে অনাদর করিতে
 বলিতেছি না। কিন্তু বিজ্ঞান একেবারেই অত্যাগ, এ কথা কখনই স্বীকার
 করা যায় না। বিজ্ঞান যে সার্বভৌম সত্যের সম্মিহিত হইতে পারে না,—
 এ কথা অনেক বৈজ্ঞানিকই স্বীকার করিয়া থাকেন। গত অগ্রহায়ণ মাসের
 ‘আর্য্যাবর্তে’ লক্ষপ্রতিষ্ঠ বৈজ্ঞানিক শ্রীযুক্ত রামেন্দ্রচন্দ্র ত্রিবেদী মহাশয়
 “বিজ্ঞানে পৌত্তলিকতা” নামক সন্দর্ভে দেখাইয়াছেন,—“যে সকল তথা-
 কথিত সত্য লইয়া আমরা স্পর্ধা করি ও তাহাদিগকে সার্বভৌম সত্য
 বলিয়া নির্দেশ করি, মূল অন্বেষণ করিলে দেখা যাইবে, উহার সর্বত্রই
 আমাদের মনঃকল্পিত সত্য।” অতএব “যাহাকে বিজ্ঞান বলি, তাহা
 মানুষেরই বিজ্ঞান এবং প্রকৃতি তাহার সর্দীর্ণ জীবনযাত্রার অসুকুল সর্দীর্ণ-
 তাবে মানুষকে গড়িয়াছেন বলিয়াই, মানুষের বিজ্ঞানকেও সর্দীর্ণ দেবালয়ের
 মধ্যে সর্দীর্ণ পৌত্তলিকতার প্রশয় দিতে হইয়াছে।” বিজ্ঞানের সিদ্ধান্ত
 যে অত্যাগ, এরূপ অনুমান করিবার কারণ নাই। তথাপি বর্তমান যুগের
 বিজ্ঞান কতকগুলি আধ্যাত্মিক সত্য স্বীকার করিয়াছে। ইচ্ছাশক্তি (will
 power) চিন্তাসঙ্কমণ (telepathy) ভাবাভিভূতি (hypnotism) প্রভৃতির
 কথা এখন বিজ্ঞান স্বীকার করিতেছে, কিন্তু ইহার কারণতত্ত্ব নির্ণয়ে এখনও
 বিজ্ঞান সাফল্যলাভে সর্বথা সমর্থ হয় নাই। পঞ্চাশতরে বিলাতের বিখ্যাত
 বৈজ্ঞানিক ডাক্তার আলফ্রেড্ রাসেল্ ওয়ালেস্ বৈজ্ঞানিকের যুক্তি অব-
 লম্বনেই হিন্দুর অনেকগুলি সিদ্ধান্তে উপনীত হইয়াছেন। ইনি ঈশ্বর, আত্মার
 অমরত্ব, কর্মফল, দেবতা প্রভৃতি স্বীকার করিয়াছেন। তিনি স্পষ্টই বলিয়াছেন
 যে, ‘অ্যামিবা হইতে মনুষ্য পর্য্যন্ত নানা যোনি পরিভ্রমণ করিয়া এই জগতে
 নানাবাওয়া পুষ্টি লাভ করে। পৃথিবী মানবস্থিতির জন্যই পরিকল্পিত। এ স্থানে
 জীবাত্মা পূর্ণ পরিণতি লাভ করিলে সে লোকান্তরে আধ্যাত্মিক রাজ্যে
 প্রবেশ করিবার অধিকার পায়। ইহা ত হিন্দুরই সিদ্ধান্ত। ইহা অবশ্য
 স্বীকার্য্য যে, ডাক্তার ওয়ালেসের এ সিদ্ধান্ত সম্পূর্ণ পর্য্যবেক্ষণ ও পরীক্ষার দ্বারা
 নিস্পন্ন নহে,—বৈজ্ঞানিক যুক্তিতে এ সিদ্ধান্ত কেবল সম্ভাব্য বলিয়াই
 বিবেচিত হইতেছে। যে বিজ্ঞান এতদিন ধর্মকে উপেক্ষা করিয়া আসিতে-

ছিল, আল সেই বিজ্ঞানের তরী বে হানে উপনীত হইয়াছে, সে হান হইতে হিন্দুর কতকগুলি সিদ্ধান্ত লোকালোক পর্বতের ভার কখনও দৃষ্ট ও কখনও অদৃষ্ট হইতেছে। বিজ্ঞান ইহা অপেক্ষা আর ঐ সত্যের সন্নিহিত হইতে পারিবে কি না, জানি না। কিন্তু ইহাও সত্য যে, হিন্দুরা যে পথ দিয়া এই সত্যকে পাইয়াছেন,—সে পথটা একবার পরীক্ষা করিয়া দেখা আবশ্যিক।

হিন্দুমনসিগণ যে পথ অবলম্বনে ধর্মসম্বন্ধে এই সার সত্য আবিষ্কৃত করিয়াছেন, তাহার নাম যোগ। যোগের নাম শুনিলেই ইদানীন্তন তথা-কথিত শিক্ষিত সম্প্রদায় উপেক্ষায় নাসিকা কুঞ্চিত করেন, অথবা অট্টহাস্তে দ্বিধ্বক্ষে মুখরা করিয়া তুলেন। ইহাদের অবিশ্বাস নষ্ট হইতেও অধিক সময় আবশ্যিক হয় না। একজন বিখ্যাত চিকিৎসক ভূকৈলাসের রাজ-বাটীতে আনীত জনৈক যোগীকে দেখিয়া এতদূর বিশ্বাসী হইয়াছিলেন যে, তিনি পরে তাঁহার ছাত্রগণকে বলিয়াছেন,—“ভূকৈলাসের ব্যাপার দর্শনের পর কি সম্ভব আর কি অসম্ভব. তাহা আমি নিশ্চয় করিতে পারি না। বিজ্ঞান-পাঠে যাহা অসম্ভব বলিয়া আমার ধারণা ছিল,—তাহা সম্ভাব্য ইহা আমি প্রত্যক্ষ দেখিয়াছি।” এই ডাক্তার মহাশয় বিলাতে চিকিৎসা-শাস্ত্র অধ্যয়ন করিয়াছেন ; শরীর বিজ্ঞানে ইহার প্রগাঢ় ব্যুৎপত্তি আছে। বিলাতের কোন চিকিৎসালয়ে ইনি কিছুকাল চিকিৎসাও করিয়াছিলেন। কিন্তু এরূপ ঘটনা ত নিত্য প্রত্যক্ষের বিষয় হইতে পারে না।

সাধারণ মনোবিজ্ঞান—পরোকভাবে যোগের দ্বারা পরম সত্যকে উপলব্ধি করা হইতে পারে,—এইরূপ অনুমানের সহায়তা করিয়া থাকে। হিন্দুরা বলেন, চিত্তের পাঁচটি অবস্থা,—ক্ষিপ্ত, মূঢ়, বিক্ষিপ্ত, একাগ্র ও নিরুদ্ধ। চিত্ত যখন বাসনাতাড়িত ও চঞ্চল থাকে, তখন তাহার ক্ষিপ্ত অবস্থা; যখন সে রিপূর তাড়নার কাষ করে. তখন তাহার মূঢ় অবস্থা; যখন সে উচ্চ চিন্তার নিরত হয়, কিন্তু প্রবৃত্তির তাড়নার স্থির থাকিতে পারে না, তখন তাহার বিক্ষিপ্ত অবস্থা। আর যখন সে একনিষ্ঠ হইয়া আলোচ্য বিষয়ে সংলগ্ন থাকে, তখন তাহার একাগ্র অবস্থা। চিত্ত একাগ্র না হইলে কোনও দুর্লভ সমস্যারই সমাধান করিতে পারে না। অনেকে জানেন যে, অনেক মনশী গতিত স্বপ্নসঙ্করণ (somnambulism) অবস্থার অনেক দুর্লভ সমস্যার সমাধান করিয়াছেন। ইহার কারণ, সে সময় মনের অধিকাংশ বৃত্তিই সুস্থ থাকে,—চিত্তের কার্য একমুখ হয়, সেইজন্য চিত্তের একাগ্রতা

অধিক হইয়া থাকে। চিন্তের সেই গভীর একাগ্রতা হয় বলিয়া জাগ্রত অবস্থায় যে সমস্তার সমাধান অসম্ভব, স্বপ্নাবস্থায় তাহা সম্ভব হইয়া উঠে। যোগদ্বারা সেই একাগ্র অবস্থা আরও গাঢ় ও ঘনীভূত করা হয়। যোগাবস্থায় জড় দেহ ও জড় মন একেবারে নিষ্পন্দ হইয়া পড়ে। কেবল চৈতন্যমাত্র অবশিষ্ট থাকে। চিন্ত কেবল দক্ষ সূত্রের দ্বারা ক্রীণ ও সংস্কার-অবস্থা মাত্র প্রাপ্ত হয়। চিন্তের এই অবস্থাকে নিরুদ্ধ অবস্থা বলা হইয়া থাকে। এই অবস্থায় আত্মা জড় দেহ হইতে কতকটা বিমুক্ত হয়। সেই জড় হইতে বিমুক্ত আত্মা অধ্যাত্ম রাজ্যে প্রবেশ করিয়া উহার বিষয় পর্যালোচনা করিতে সমর্থ হয়। এ কথা অর্ষৌক্তিক বলিয়া মনে করিবার কোনও কারণ নাই। যখন দেখা যায়, ভাবাবিষ্ট (hypnotized) অবস্থায় দেহ ও মন কতকটা নিষ্পন্দ হইলে আত্মিক শক্তি বিলক্ষণ বৃদ্ধি পায়, তখন যোগদ্বারা চিন্তবৃত্তির নিরোধ করিলে সে শক্তি যে বহুগুণে বৃদ্ধি পাইবে, তাহাতে আর সন্দেহ কি আছে? আর এক কথা, যোগের দ্বারা চিন্তবৃত্তি নিরুদ্ধ না করিয়া দেখিলে, সে অবস্থা কিরূপ, তাহা কেমন করিয়া বুঝা যাইবে? যদি অবিখ্যাসই করিতে হয়, তাহা হইলে বিনা পরীক্ষায় উহাতে সন্দেহ করা কি অর্ষৌক্তিক নহে?

আসল কথা, বিজ্ঞান এখনও হিন্দুর ধর্মমতে কুঠারাঘাত করিতে সমর্থ হয় নাই। তাই সুপ্রসিদ্ধ নাস্তিক মিসেস্ অ্যানি বেশান্ত বুদ্ধ বয়সে হিন্দু-ধর্মের পক্ষপাতিনী। তাই বিবেকানন্দ প্রভৃতি যুরোপে ও মার্কিনে বৈদান্তিক ধর্ম প্রচারিত করিয়া প্রতিষ্ঠা-লাভ করিয়াছেন। বিজ্ঞান ও ধর্মের আসল স্বতন্ত্র সত্য,—কিন্তু উহারা পরস্পর-বিরোধী নহে।

শ্রীশশিভূষণ মুখোপাধ্যায়।

নাকে খৎ ।

—*—

ইহা কবির হেমচন্দ্র বন্দ্যোপাধ্যায়ের রচনা । ইহার ইতিহাস সম্বন্ধে
আচার্য্য শ্রীবৃন্দ কৃষ্ণকমল ভট্টাচার্য্য মহাশয় বলিয়াছেন :—

হাইকোর্টের উকিলদিগকে প্রতি বৎসর আদালতে পঞ্চাশ টাকা জমা
দিতে হয় । আমি একবার ভুলক্রমে পঞ্চাশ টাকার পরিবর্তে একখানা
পাঁচশত টাকার নোট জমা দিবার জন্য উমাকালীর (উমাকালী যুথো-
পাধ্যায়) হস্তে দিয়াছিলাম । আমার বিশ্বাস, আমি পঞ্চাশ টাকাই
দিয়াছি । উমাকালী খুব সাকুব লোক, সে তৎক্ষণাৎ আমার ভুল বুঝিতে
পারিয়া, আমাকে কিছু না বলিয়া, সেই নোটখানি লইয়া হেম বাবুর
নিকটে যায় । হেম বাবু এই ব্যাপারটি অবলম্বন করিয়া একখানি
নাটক রচনা করিয়া ফেলেন । এই নাট্যোক্ত ব্যক্তিগণ সম্বন্ধে একটু টাকা
বোধ হয় আবশ্যিক ।

কষ্টকল্প বিজ্ঞানিধি
ওরফে
মিষ্ট অমল বিজ্ঞানুধি ।

}

আমি

ধনুন্ধর ওরফে 'গুণেন্দ্র'
অগ্নিভট্ট ওরফে 'ধুমুখালি'
চাঁদকবি
রত্নসভা

... যোগেন্দ্রচন্দ্র ঘোষ
... উমাকালী
... হেমচন্দ্র বন্দ্যোপাধ্যায়
... কলিকাতা বিশ্ববিদ্যালয়

—*—

কাব্যোক্ত পাত্র।

পুরুষ।

কষ্টকল্প বিদ্যোনিধি [বঙ্গসমাজে, মিষ্ট অমল বিদ্যাসুধি নামে পরিচিত]	} একজন নামাশান্ত বিশারদ বহু- ভাষাজ্ঞ পণ্ডিত, কিন্তু বিষয়বুদ্ধি প্রায় নাই। সম্প্রতি রত্নসভা* ইঁহাকে অনেক টাকার বৃত্তি দিয়া অধ্যা- পকত্বে বরণ করিয়াছেন।
ধনুন্দর [বঙ্গ-সমাজে-“গুণেন্দর”]	} একজন ব্যবসাদার, বড় মাহুব ; বিদ্যোনিধির বন্ধু।
অগ্নিতটু [বঙ্গসমাজে-“ধুম্বালি”]	} উকীল, বিদ্যোনিধির ছাত্র, পূর্বোক্ত উভয়ের বন্ধু।
চাঁদকবি	} একজন কিছুতকিমাকার কবি। পূর্বোক্ত সকলের বন্ধু।
বাগপা পাঁড়ে	বিদ্যোনিধির দরওয়ান।

স্ত্রী।

রাঙা বো	...	বিদ্যোনিধির বর্ষীয়সী গৃহিণী। স্বভাব কিছু অধিক ঋজু।
সতিন্ বো	...	বিদ্যোনিধির যুবতী স্ত্রী।
মোকদা	...	রাঙাবোএর দাসী।
কুঞ্জ	...	সতিন্ বোএর দাসী।
সর্কারী	}	রাঙাবোএর কস্তাঘর।
সক্যাবালা		

* “রত্ন সভা” নানা জাতীয় পণ্ডিতের একটি বৃহৎ সভা ; কোন ধনশালী রাজা প্রতি বৎসর এক এক জন অধ্যাপককে মনোনীত পূর্বক অনেক টাকা বৃত্তি দিবার তার এই সভার প্রতি সমর্পণ করিয়াছেন।

নাকে খং ।



(হান্ত-কাব্য ।)

প্রথম অঙ্ক ।



প্রথম গর্ভাক্ষ ।

কষ্টকর বিদ্যোনিধি । (Seated,—a quantity of bank notes
scattered before him.)

বিদ্যোনিধি । (Solos স্বগত)—

চেরু টাকা !—উঃ চেরু—heaps of 'em ;

জয় জয়কার রত্নসভার ! well that's a name !

অনেক শম্মা—বিদ্যোনিধি, বিদ্যোশুধি ভায়

বেঁচে যান—(বড় নয় !) আমারি যা হওয়া !

“একাদশ বৃহস্পতি”—বচনটা ত ঠিক !

ভাগ্য ফলতি সর্বত্র—শাস্ত্র কি অলীক ?

নিদেন্ অনেক দুখী প্রাণী (নামের পিঠে ছালা)

রত্নসভার দোহাই দিয়ে জুড়োন পেটেরু জালা !

(নোটগুলো নেড়ে চেড়ে)

তা, এই গ্যালো—একশো একশো—আর একশো এই ;

(এ যামুটা চলবে ভালো, ভাবনা বড় নেই !)

আর চারশো—ওতে, শুধু বো অম্বর ভায়র দেনা ;

অধনী মানবো শাস্ত্র—পরেও যদি ট্যানা !

এই পাশশো—বড় গিল্লির হাতে দেবো ফেলে ;

বাগ্দানুটা অনেক দিনের, আর চলে না ঠেলে ।

(আ গ্যালো যা, তবু ফুরোর না !)—বাকি এ পঞ্চাশ

(সব টাকা একবারে কি না !) এ পঞ্চাশ—ও সর্বনাশ,

এ বছরের লাইসেনি যে আনো নিতে বাকি !

(বেওসাদারি বন্দ নয়, সেটাও হাতে রাখি,)

ও টাকাটা, পাঠাই তবে অগ্নিতটের কাছে,
 শুভ্র শীতল মুক্তি ;—কে ওখানে আছে ?
 (বাপ্পা পাঁড়ের প্রবেশ)

এক ছেরা ঠহুরো—

(ছুইখানি চিঠির মোড়কে শিরোনামা লিখিয়া)

দো খৎ মেতে যাও ;

ইয়েঃঠো কাশ্মীরি ঠাকুর—মেও হাঁত্বে উঠাও,

ঠিকানা মালুম্ ? ইয়েঃ খাম্ উন্থিকো দেনা ।—

দোসুরা ইয়েঃঠো ভট্ঠী (হায় তো পহচানা ?)

লম্বাসা যুরদ্, গোরা, বেলুকা ভৌঅরু সীর—

উন্থকা পাস্ মে জানা ।

বাপ্পা ।—

ইঁ মালুম্ কিয়া, মীর ।

(বাপ্পা পাঁড়ে চিঠি লইয়া নিষ্ক্রান্ত ।)

বি । ও সক্ষরি ! আয়, হেথা ।—

(সর্করীর প্রবেশ)

ঠাকুর মা কোথায় র্যা ?

সক্ষ । পূজো কচে ঠাকুর ঘরে ; আমি যাই—অঁ্যা—অঁ্যা—

(পালাবার চেষ্টা ।)

বি । শোয়া বলি, ফুল তুলেছে কে র্যা আজ তাঁর ?

তুই তুলিচিস্ ?

সক্ষ । না বাবা না, আজ্ যে সোঁদির* ভার ।

বি । যেই তুলিস্, তা অতো কেন ? আদ্ সাজিটাক্ দিবি,

পূজোর-পূজোর মলো মাপী ।—বলি শোন্ সবি ।

বলো গে তো রাঙা বোঁকে আমার ঘরে যেতে ।

সক্ষ । কেন বাবা ? তাকে কি তুই সন্দেহ দিবি খেতে ?

আমায় দেনা—

বি । দেবো এখন্, আগে গিয়ে বন্ ;

লম্বী মেয়ে সবি আমার, চল্ মা, ঘরে চল্ ।

(উত্তরে নিষ্ক্রান্ত ।)

* সোঁদি—সন্ধ্যা ।

প্রথম অঙ্ক ।

দ্বিতীয় গর্ভাঙ্ক ।

(পাশের ঘর ।)

রাঙা বৌ এবং বিদ্যানিধির প্রবেশ ।

রাং বৌ । কেন ডাকলে ?

বি । আর কিছু না, এই কথানা নোট
(তিনশো টাকা) মাকে দিও,—মাসুখরচের মোট ;
উপরি অতিথ্যত কিছু, সবই এতে সারা—

রাং বৌ । আর হতভাগীর হলো বুঝি কথাই আশার ঝারা ?
দেবো-দেবো, হচ্ছে-হবে, কতই এলাকাটি !
যিছে খালি কেঁদে মনুম ভিজ্জে আচোট মাটি ।
বলে দেবে একুথানা—তা সেই বা এত কি ?
চাটে যেরে পেটে হলো—ছাড়া গলা ছি !
যুধ দেখাতে লজ্জা করে, লোকে কতই বলে ;
আমার বেলায় শুকনো হাঁড়ী—সবার বেলাই চলে !
এদিন কিছু বলি নাই—ভালো টানাটানি,
এখন কি যে—ঐ কি বল্যে—শুনচি কাণাকাণি
ব্রহ্মসভার কি নছারি—কি একটা ভারি
পদ হয়েছে—তবু কেন এখন মারামারি ?
না যদি দেও, বলুই না হয়—ভাঁড়াভাঁড়ি কেনো ?
মন ঠাণ্ডার প্রাণ ঠাণ্ডা আসল কথা কেনো ।
এদের—ওদের—তাদের বেলায় কতই শুভে পাই ;
ধন্য ভেবে দেওত দিও, এখন আমি যাই ।

বি । চটুই কেন ? শোনো বলি—

রাং বৌ । শুনে শুনে কালা !

বি । সত্যি বলুচি, এবার তোমার পোহাবারোর পালা ।

রাং বৌ । (ধম্কে) তিন সত্যি কর ।

বি। তিন সত্যি ?—যেয়ে পড়ে !
 মরদ্ কি বাৎ হায় হাতী কি দাঁৎ—কত্তি না তোড়ে,
 ইয়াদ, রাক্‌হো জী !
 রাং বৌ। ও আবাবু কি ? কি দেবে দেও।
 (বিচ্ছে হস্ত প্রসার।)

দেখি—দেখি, কত ভরী ?

বি। ধরো, এই নেও।

রাং বৌ। (গালে হাত)

ও পোড়া ছাই ! কি অভাগগি !—এতেই ঝাঁপাই এত ?
 ছেঁড়া কাগজ একটুকরো—মেতি পাতের মত।
 কাজ নি—রাধো—

বি। আ আবাগী, পাঁশশো টাকার নোট !
 ত্রৈ ভাঙালিই দশনলী হয়—আর এক ছড়া গোট।

রাং বৌ। (আঁচলে বেঁধে)

জিগ্‌সবো—ঠাকরুণকে—

বি। দিকি—বিলক্ষণ !

(মুখরা প্রথরা ভার্য্যা তথাপি কাঞ্চন)

দাঁড়াও—শোনো, বলি শোনো—

রাং বৌ। শুন্বো, তা এখন

মিটুই আগে সন্দে'টা।

(প্রস্থান)

বি। আ তোমার মরণ !

প্রথম অঙ্ক।

তৃতীয় গর্ভাঙ্ক।

ধনুছরের বৈঠকখানা।

(অগ্নি এবং ধনুছর আসীন।)

অগ্নি। হরে কিষ্ট ! হরে কিষ্ট ! রাধামাধব, ছি।

ধনু । (XIX Century যুড়ে)

অঁগা,—কিহে, ও অগ্নিতট ? কও ব্যাপারটা কি ?

অগ্নি । (ধনুর হাতে দিয়ে)

এই নেও পড়ো চিঠি খানি—এই নেও ধরো নোট,
রত্নসভার অধ্যাপক—কেবল ভোটের ঘোট !

ধনু । (নোট ও চিঠি হাতে—অবাক !)

আঃ গ্যালো যা ! রওত দেখি ;

(উল্টে পাল্টে)

—না পাশশোই বটে !

বেশ পঞ্চাশ, বিচ্ছেনিধি !

অগ্নি ।

ল্যাজ বেঁধে দাও জটে !

টাচা ছোলা বুদ্ধিখানি গুরুর আমার বেশ ;

দিনকাণাটা মাঝেমাঝে—ত্রটে দোষের শেষ !

অনেক জানে, অনেক পড়ে, অনেক ভাষার জ্ঞান

বিষয় কাজে এই খান্টা (কপালে হাত দিয়ে)—

অঁদারে ল্যাঠ্যান্ !

তাঁর আবার গে বেওসাদারি—লাইসেনির পাস !

মক্ৰন্ গিয়ে ভটী পড়ে—নয় করন্ গে চাষ !

ধনু । চটো কেন ?

অগ্নি ।

দেখো দেখি—চটবো না ত কি ?

পঞ্চাশে—পাঁশশোর ফের—তার টিকি কেটে দি !

ধনু । থাকলে ত ?

অগ্নি ।

কি বলবো ছাই—চাঁদ কবি যে নাই !

ধনু । না, বেচারি—ভালো কত !—ফেরোৎ দেওয়া চাই ।

অগ্নি । তুমি দেখ্ছি আর একটা ! রগড় করে কে ?

সাথে খুঁজি চাঁদ দাদাকে,—থাকতো যদি সে—

ধনু । তাই বলো না—রগড় খোঁজো ?

অগ্নি ।

বলবে ঘোড়ার ডিম্ !

টাকা ফেরৎ দেবে তাকে ? থাক আগে হীমসীম !

ধনু । তবে চলো বড়ীর হাতে দিয়ে আসি তাঁর,

বাড়তি যেটা সাড়ে চাশশো—বেশ হবে পরজার।

ঘরে ঘরে বাধবে ভালো—জলটা উচুনীচু।

ভাল মানুষের মেয়ে না হয় পেয়ে যাবে কিছু

অগ্নি। বেশ কথা এ,—চলো তবে—খাবার খেয়ে আসি,
শীগগির বলো গাড়ী জুস্তে।

(প্রস্থান)

ধনু।

কোনু হায় রে? ষাঁসী,
কোচমানুকো ভেজো ইহাঁ।—না, দিকির পীরের ষাঁসী!

দ্বিতীয় অঙ্ক।



প্রথম গর্তাক।

(বিচ্ছেনিধির বাটি ।)

ধনুদ্বর ও অগ্নিভট্টের প্রবেশ।

ধনু। বিচ্ছেনিধি মহাশয়, বাড়ী আছেন গো?

অগ্নি। কারুই যে সাড়া নাই—

ধনু।

ও বিচ্ছেনিধি,—ও ও—;

না, ঘরে নেই।—ও সন্ধ্যা,—ও নিশি—ও সন্ধ্যা,

নিব্বুয় যে, সাড়া শব্দ বন্দ—একি জালা!

ও গো, কে আছ গো?

অগ্নি।

গ্যালো যা বাড়ী শুদ্ধ কালো?

রাং ষৌ। (পরদার ভিতর হইতে মৃদুস্বরে)

ও যোকদা, জিগ্গোস্ না, কে?

মো।

ইয়া গা, কে তোমরা গা?

কাকে খোঁজো?—কস্তা বাড়ী নেই।

ধনু।

কস্তার মা?

তিনি কোথা?—আর মেয়ে সব যত কুঁচো কাঁচা?

মো। ও গো, সবাই গ্যাছে—সে বাড়ীতে।

ধনু ।

বাইরে এসো বাছা ।

(মোকদ্দার প্রবেশ ।)

ই্যা গা. একাই তুমি আছ ?—বৌ ও নেই ঘরে ?

মো । কোন্ বৌ গো, রাঙা বৌ ?—বাড়ী মাথায় করে
তিনিই কেবল আছেন একা ।

ধনু । (অগ্নিকে) কর্তব্য কি পরে ?

অগ্নি । গুরু-পত্নী—হান্ কি তাতে ?—ওগো বাছা শোণো ।

ধনু । করিস্ কি,—ও মিন্‌সে ?

অগ্নি । তুমি গাছের পাতা গোগো,
একাই আমি যাবো না হয় ?—ও কি, তাঁকে বলো,
বারু একটি মোটা সোটা—গণেশ-পেটা, ধনো,
ধীরপুরে ঘর, বড় দরকার—দেখা কস্তে চান ।
আর—পড়ো আমি গুরুঠাকুরের—আমাঙরে পান
এনো ছটো হাতে করো ।

মো । (অগ্নির প্রতি তীব্রদৃষ্টি করিয়া)

আপনারা দাঁড়ান ।

(প্রস্থান ।)

মো । (পরদার পশ্চাৎ ভাগে)

ও রাঙাবৌ, খড়কি তুলে দেখেদেখি চেয়ে
বারু ছটি, কে ওনারা ? চিন্তে পার মেয়ে ?
একটি ওঁদের গেরম্বারি, একটি কিছু কাঁচা
(জানিনে মা আজ্‌কাল্‌কের কল্‌কাতার কি চাঁচা)
পান খেতে চায় ! আবার বলে আসুবো তোমার ঠাঁই ;
চেনা ওনো হবে বুঝি ! দরোয়ানটাও নাই ?

রাঙা বৌ । ও কি, ওঁদের আস্তে বন্, বসতে জায়গা দে ।

মো । (ছুইখানি আসন পাতিয়া)

আনুন তবে ।

রাঙা বৌ । ও মধি, ও পোড়ারমুখী কপাট টেনে নে ।

(কপাট অর্ধবন্ধ করণ)

ধনুঃ ও অগ্নির অন্তরে প্রবেশ ।

ধনু। দরকারী কাজ তাই আজকে এতো বাড়াবাড়ি
কস্মাটি কি গাঁজা টানেন! টাকার ছড়াছড়ি?
পঞ্চাশেতে পাঁশশো দেন—হিসেব অঁটাঅঁটি!
রাখো ভুলে, ধরো এখন সাড়ে চাশশো খাঁটি।
পাশ আপিসে পঞ্চাশ দিতে পাঁশশো দেছে ফেলে:
মাথা খুঁড়লেও দিওনা তাঁয়, দেখবো কেমন ছেলে?
ও টাকাতে গয়না করো—না হয় যদি পারো
কোম্পানীর কাগোজ কিনে আখের সুসোর করো
দাঁতে কুটি নিলেও তবু দিওনা এ তায়,
কোথা পেলে এখন যেন, সন্ধান না পায় ॥

মো। (রাঙা বোঁএর হইয়া) উনি বল্চেন—
আপনিই রাখুন, কাজ কি হাতের ফেরে;
গয়নাস্তরে পাঁশশো টাকার নোট দিয়েছেন ধরো
আজ সকালে; তাই ভাব্চেন আবার কেমন করো
নেবেন এটা?

ধনু। (মোকদ্দার প্রতি) কই, দেখি? নেও ত চেয়ে।
(অগ্নিকে) ওহে শম্মা—বুঝেছত?

অগ্নি। তোমার আগে—all bright as day.
(ভিতরে বাক্স টানা ও চাবি খোলার শব্দ।)

মো। (ধনুর প্রতি)
এই নিন, এই কাগজখানি আজ সকালে দিয়া
নিউদ্দেশ সেই অবধি। (নোট প্রদান।)

ধনু। (নোটখানি দেখিয়া)
ও শম্মা ভায়্যা,
দেখো দেখো, যা ভেবেচি, ঠীকঠাক এ তাই।
(নোট দেখাইয়া)

অগ্নি। হৃদ করে বিস্ময়নিধি “ড্যাম his আই!”

ধনু। (৫৫০ টাকার নোট দিয়া)
এখন তুলুন সবগুলি এ সিন্দুকটা খুলে;
আ-হাবা, বায়ুনের মেয়ে, এতেই গেচেন ভুলে?

পাঁশশো নয়ত ? পঞ্চাশ যে তোমার যা তা হেথা,
 এখন কি আর এ সব নিতে ধন্যধর্ম্মির কথা ?
 পাঁশশো দেছে পাঁশশোই গুর । কসে বাঁধুন গিরে
 পরশু দিনে বিকেল বেলা আসবো আবার ফিরে ।
 আমরা এলে পরে যেনো—দেছেলো যে ধানি,
 সেইধানিকে দেখিয়ে তাঁকে, করেন টানাটানি ।
 ঘোরফের সব মিটে যাবে মিলবো যখন সবে ;
 ভালোমানুষের মেয়ে তোমার পুরো পাঁশশোই হবে ।
 (আসন হইতে উত্থান ।)

রাঙা বো । ও মোকদ্দা, বসতে বন্, খাবার তৈয়ের্ করি ।
 ধনু । আজ্ থাক্ সে, পরশুই হবে, আগে চুরি ধরি ।
 (প্রস্থান)

দ্বিতীয় অঙ্ক ।

দ্বিতীয় গর্ভাঙ্ক ।

বিদ্যেনিধির অন্ত্র জীর বাটা ।

সতিন বো ও কুঞ্জর প্রবেশ ।

স । কি লো কুঞ্জ—দেখা হোলো ?

কু । না, সত্যই মা, না ।

স । ও বাড়ী নেই,—গেছে কোথা ?

কু । ইচ্ছে যেথা ।

স । তোমার মাথা !—ভেসে বন্ । তোর আজ্ জে নতুন কেতা !

কু । সবই নতুন—একলাই কেনে থাকবো ছেঁড়া ন্যাভা ?

স । তুই যে দাসুরায়কে টেকা দিলি ? ও কুঞ্জ কি ।

কু । সত্যই মা, শুন্লুম গিয়ে—ও বাড়ীতে

স । (সাগ্রহে) কি, শুন্নি কি ?

কু । শুনে এলুম কাণায়ুবো পাঁশশো টাকার নোট,

তিনশো ভরির চন্দ্রহার একশো ভরির গোট ;

রাঙা বৌয়ের ভাঙ্গা কপাল শুয়, গ্যাছে ফিরে !
এখন ভাগ্যবতীর পেশাবাদাম—সতীনমায়ের জিরে !

স। রাধ্, তোর ছড়াকাটা—কে বল্লে তোকে ?

কু। ওরাই বলে—তারাই বলে—পাড়াগুদ লোকে ।

স। কুঞ্জ, আমার মাথা ধাসুলো—আনুগে তাকে ডেকে ।

কু। (জিব কেটে)

ছি, কি কথা ? আনুবো তো গা নাগাল পেলে তায় ?

চৌপাহারা চাদিকে যার তায় কি ধরা যায় ?

কাটলে শেকল আর কি পাখী দাঁড়ের পানে চায় ?

এখন রাঙা বৌয়ের খাঁচায় পোরা, আর কে তাকে পায় !

স। পোষা যে লা ? অনেকদিনে অনেক ছাত্তু গুলে

সিটী দিভে শিখিয়েছি তায় সেও কি যাবে ভুলে ?

যা কুঞ্জ যা, যেখানে পাস্, আ—ঐ যে গুণমণি !

(দূরে বিচ্ছেনিধিকে দেখিয়া)

যা, সরে যা—ঐ ঘরে থাক্ ; আজকে খুনোখুনি !

(বিচ্ছেনিধির প্রবেশ ।)

স। (তাহার নিকটে গিয়া)

আমার কিছু চাই ।

বি। হাতে কিছু নাই ।

স। ওদের, ওদের বেলা

তবে টাকার কেন খেলা ?

রাঙা ডোবার জলে

শুনি, ছী নী নি চলে ।

ঢাকাই জালা পেট,

চন্দ্রহারে সেট !

কঁকাল গাদা বোট

তাইতে সোনার গোট !

আমার বেলা যেই,

অমনি হলো নেই ॥

বি। কে বলেছে এ সব কথা ?

স। কেন ?—একি সব উচ্ছে মতা ?

বি। দি, দিয়েছি ইচ্ছে আমার ।

স। কে তোলাবে—আমার—?

বি। যা ছিল—তা সব গিয়েছে ।

স। কতো ছিল ?—কে নিয়েছে ?

বি। তোমার বলে তা—হবে কি ?

স। শুভকরী অঁক্ শিখ্ছি ।

বি। ক্যামা কর—ক্যামা কর—সত্যি হাতে নাই ।

সবৌ । একাদশ বৃহস্পতি—কি তবে সে ছাই !

শনিবারে জেবে পূরে এলো এতো গুলো—

মার্কামারা—“ভেলম-পেপার”—সেগুলো কি ধুলো ?

ভাল বটে নাগরালি—কারো মুখে খাজা !

তারি যেনো আট্টা মেয়ে—আমি কি তা বাজা ?

বি। কেমকরী, ক্যামা কর—হিসেব শোণো বলি ;

ধূলিগুঁড়ি সবই গ্যাছে—শুত্র এখন থলি !

দিক্বি করি পায়ে ছুঁয়ে (জারুপাত পূর্বক)

—চাশশো মহাজনে,

তিনশো গেল পেটে খেতে—পঞ্চাশ লাইসেনে ;

আর পাঁশশো—আর পাঁশশো রাধতে দিয়েছি,

ভাল মন্দ আখের ভেবে—

স। আমিই তবে কি

ছাই ফেলতে ভাঙা কুলো ও বিণ্ডেনিধি ?

বি। ফিরে বারে যত পাবো, তোমার দেবো সব,

গুরু হাঁড়ি—পায়ে নেড়ে—কেন কর রব ?

স। লেখো তবে—লেখো খত—(আন্তো কি ইংষ্ট্যাও)

সুদগুরু লিখে দেও—“প্রমিসরি বণ্ড”

আমি নাকি বোকা মেয়ে—আমার দেবেন ফাকি ?

গুণনিধি, গুণীন্ আমি, চিনি ভালো—চাকি ।

বি। (খত লিখিয়া পাঠ করণ)

“I. O. U.,—আই প্রমিস্”—সাতশো টাকা সাড়ে,

“অন্ ডিমাণ্ডে” দেবো - আমি সূদে যত বাড়ে ;
 মাসে মাসে—টাকায় টাকা সূদ দিতে স্বীকার ;
 না যদি দি—সতীন বোঁএর শ্রীপদ-প্রহার।

স। এখন—সে বাড়ী যাও বিচ্ছেনিধি !—করো গে আহার।

সঃ বোঁ। (প্রস্থান।)

(ভাবিতে ভাবিতে বিচ্ছেনিধির প্রস্থান।)

দ্বিতীয় অঙ্ক।

তৃতীয় গর্ভাঙ্ক।

বিচ্ছেনিধির গৃহ।

আসীন তক্তপোষে—

বিচ্ছেনিধি, ধনুছর ও অগ্নিভট্ট।

ধনু। আজ্জে বড় ব্যাজার ব্যাজার ?

বি। এমন কিছু নয়।

ধনু। তবু—তবু ?

বি। মাথা মুণ্ডু—

ধনু। বলতে লজ্জা হয় ?

বি। আর আলিও না,—ঢের জলেছি।

অগ্নি। সে কেমন আবার ?

কি আলাতন গুরুঠাকুর ?

সন্ধ্যাবালার প্রবেশ।

সন্ধ্যা। ও বাবা, একবার

বাড়ীর ভেতর মা ডাক্চে।

বি। যা যা—এখন যা।

সন্ধ্যা। আর শীগ্গির—শীগ্গির করে—ডাক্চে ভোঁকে মা

বি। সেও যরুক—তুই ও যর, দে—কাপড় ছেড়ে দে।

যাবো এখন—যখন ধুসী।

ধনু। ভারী গরম যে ?

যাও না কেনো, একটিবার শুনেই না হয় এলে ;
আমরাও ত বসবো খাবো,—দোষটা কি তা গেলে ?
বি । বড় জ্বালালে—চলু যাচ্ছি ।

সন্ধ্যার সহিত প্রস্থান ।

অগ্নি । আমরাও গুড়ি গুড়ি

চলো না কেন পেছু ধরি ।

ধনু । আ বিস্তের বুড়ি !

টের পাবে যে—সব কাঁসবে—তুমি কি পাগল ?

হেথা বসেই সব শুনবে ;—ভাবনাটা কেবল

পারবে কি না ভাল রাখতে ;—নয় কুঁহলে খল ।

অগ্নি । ঐ বেধেছে—নারোদ, নারোদ !—পারবে না কোঁদল ?

কোঁদল ছাড়া মেয়ে মানুষ কে দেখেছে কবে ?

ধনু । শোণো—শোণো—হচ্ছে কি ।

রাং বো । হ্যাঁগা নাকি তবে

পাঁশশো টাকার একখানা নোট গয়নান্তরে দেছ ?

জুয়োচুরি এমনতরো কদিন শিখেছ ?

তাই বুঝি, তা—ঠাকরুণকে দেখতে দিতে মানা ?

ভেঙ্কি খেলার চোখে ধুলো—যায় পাছে না জানা !

নেই বা দিতে ;—এ ভাঁড়ামি এ বয়সে—ধীক্ !

গলায় দড়ি ! বিস্তেনিধি উপেষটাতেও ধিক্ !

আর একটা—কি ঐ যে—রত্ন কিসের পায়া—

তাতেও ধিক্—ধীক্—ধীক্—বড়ই বেহায়া !

মাথা ধুঁড়ে মরুবো আমি—ঘর সংসারে ছাই,

এই নাও সেই জালী কাগোজ—

(৫০ টাকার নোট ফেলিয়া দিয়া)

বি । কি জ্বালা—বালাই ।

এই খানা কি সেই খানা ?

রাং বো । না, অনেক স্তাভাৎ তাই

আছে কি না—দিচ্ছে আমার হাতে গুণে গুণে ?

বলতেও লাজ নাই কি মুখে ?—পোড়াও গে উঠনে !

বি। তাইতো—তবে কেমন হোলো! কাকে দিহু তুলে?
রাং বো। হয় তো তাকেই দেছ—যার পাখ্‌ধুলো খাও তুলে!

বি। (ক্রুদ্ধ হইয়া)

যুখ্‌ সামালে কথা বলিস্—বড্ড বাড়াবাড়ী?
শিকেয় তুলে এমনিই হয় ভাঙা ছড়ার হাঁড়ী!

ধনু। (বাহির হইতে)

বিচ্ছেনিধি, বলি ওকি?—কি হয়েছে অঁয়া?
ভঙ্গলোকের কথার কেতা এমনিই বটে ছ্যা!

বি। (হতবুদ্ধিভাবে নোটখানি দেখিতে দেখিতে প্রবেশ)

তাইত!—তবে এ কি হলো?

ধনু। কি হয়েছে বলো?

বি। হবে আর কি মাথা মুগু!—এদিক ওদিক গ্যালো।

শম্মাভায়া, হঁয়া হে, তোমার চিঠির ভেতর মোড়া
নোটখানা সে কত টাকার?

অগ্নি। না, দিকি শালের যোড়া

পুরস্কারি হলো শেষে! এ নৈলে কি হয়?

গুরুর মত গুরু বটে—বিচ্ছেনিধিরু জয়!

হকুম্‌ যেমন—তেমনি দিছি সরকারি-আপীসে

চাওরটিকে এখনু দেখি জেলে পাঠাও শেষে!

বি। আরে চটো কেন? আমার হেথা—বেশ্মোতেলো জলে

ধনু। চট্‌বার তো কথাই বটে—

বি। বাঁচি আমি ম'লে।

ধনু। কি হয়েছে, বলুই ছাই—বুঝ্‌তে তবে পারি।

বি। মাথায়ুগু বলুবো কি আর—করিছি বক্‌মারি

রঙ্গসভারু টাকারু পিণ্ডি—হাতে নিয়ে তুলে।

পাঁশ্‌শো টাকার একখানা নোট—কাকে দিছি তুলে!

ঠিক মিনুতে যার ছুটেছে—নাকে দিহু খৎ;

এ বক্‌মারি আর করুবো না—দেখবো অগ্ন পথ!

ধনু। জানো—আমারু ঠিকে ঠাকে আছে লেয়াকৎ।

বি। হঁয়া তা জানি।

ধনু ।

চলো—তবে, নাকে দেবে খত্

রাঙাবৌএর চরণতলে,—মিলিরে দেবো তবে ।

আর এক কথা—একটা ভালো ফলার দিতে হবে !

ধাক্কো তাতে আমরা হুজ'নু—ইয়ার্ বকস আর ;

চাঁদুকবিকে হবে দিতে কথকতার ভার ।

আগাগোড়া সন্টার যাকো ভাংবে তোমার ভূর ।

রাজী হওত, ভয়টা তবে করি এখন দূর ।

বি । তাই সই,— আর সয়না প্রাণে ! যেথা সেথা আলা,

দিবা রাত্তির বগড়া কোঁদল—কাণ্টা কালা পাল্লা !

এক জায়গায় দাসের খৎ—এক জায়গায় নাকে ;

অধ্যৈপকি করু ভালো—চরকার পাকে পাকে !!

ধনু । চল এখন বৌএর কাছে ।

বি ।

আজকে না হয় থাক ।

ধনু । না না,—না তা হবে না—ছেঁচ'তে হবে নাক !

পঞ্চাশ্ দিতে পাঁশশো দিলে—পাঁশশোতে পঞ্চাশ ;

ঠিকঠাকে মিলে গ্যালো—মিটলো দেশের আশ্ !!

(সকলের অন্তরমহলে প্রবেশ ।)

সমাপ্ত ।

সংগ্রহ।

বিজ্ঞান।

অসবর্ণ-বিবাহে স্পেন্সার।

গত মে মাসের 'মডার্ন রিভিউ' নামক ইংরাজী মাসিক পত্রে অধ্যাপক ক্রীযুত ডি. এন. চৌধুরী "অসবর্ণ বিবাহে হার্বার্ট স্পেন্সার" শীর্ষক একটি প্রবন্ধ প্রকাশিত করিয়াছেন। অধ্যাপক মহাশয় তাঁহার প্রবন্ধের মুখবন্ধে লিখিয়াছেন, "অসবর্ণ-বিবাহ-ব্যাপারে যে আইন-সম্পর্কিত বাধা বিদ্যমান, তাহা উঠিয়া বাইতেছে, সুতরাং এসময়ে উহার প্রাণিতত্ত্ব-সম্পর্কিত দিকটি বিশেষরূপে বিবেচনা করিয়া দেখা আবশ্যিক।" এই উপলক্ষে তিনি মনস্বী হার্বার্ট স্পেন্সারের একটি উক্তি উদ্ধৃত করিয়া অসবর্ণ-বিবাহের সমর্থনের প্রয়াস পাইয়াছেন। আমরা নিম্নে তাঁহার সন্দর্ভের স্থূল মর্ম প্রদান করিয়া তৎসম্বন্ধে সঙ্ক্ষেপে আমাদের মন্তব্য প্রদান করিলাম।

চৌধুরী মহাশয় প্রথমেই বলিয়াছেন,—“প্রাণিতত্ত্ব হিসাবে যদি অসবর্ণ-বিবাহ সমর্থিত না হয়, তাহা হইলে সামাজিক আবশ্যিকতা বা আইনের মঞ্জুরীর জাতি বৈবাহিক মণ্ডলী। অজুহত দেখাইয়া কোনও লাভ নাই।” জীবতত্ত্ব-বিজ্ঞান এখনও সম্পূর্ণরূপে স্মৃতিকাগুহের সীমা উত্তীর্ণ হয় নাই সত্য, তথাপি

এই উক্তিতে চৌধুরী মহাশয়ের উহাতে প্রগাঢ় বিশ্বাস সূচিত হইতেছে। তিনি বলিয়াছেন, জাতি বিভাগটি এখন দৃঢ় বৈবাহিক মণ্ডলীতে (marriage guilds) পরিণত হইয়াছে। যদি জাতিবিভাগের বজ্রবন্ধন একটু শিথিল করিয়া দেওয়া হয়, তাহা হইলে ব্যবসায়-সমিতি হিসাবে ইহা কতকটা সামাজিক মঙ্গল সাধিত করিতে পারে সত্য, কিন্তু যদি আমরা সামাজিক ও রাজনৈতিক হিসাবে জাতীয় উন্নতি সাধন করিতে ইচ্ছা করি, তাহা হইলে বৈবাহিক মণ্ডলী হিসাবে জাতি-ভেদটি বজায় রাখা বিধেয় নহে। সুতরাং এই সময় জীবতত্ত্বের হিসাবে এই সমস্যার সমাধান করা কর্তব্য।

হার্বার্ট স্পেন্সার, কেণ্টেরো কানেকো নামক জনৈক জাপানী রাজনীতিবিদগণকে যে বিজাতীয় বিবাহের বিষয় লিখিয়াছিলেন, তাহা তাঁহার মৃত্যুর পর প্রকাশিত হইয়াছিল। ঐ পত্রে তিনি উক্ত জাপানীকে বিদেশীদিগকে যথাসম্ভব দূরে রাখিতে পরামর্শ দিয়াছিলেন। হার্বার্ট স্পেন্সার বিভিন্ন জাতির মিশ্রণের বিরোধী ছিলেন। জীব-বিজ্ঞানের হিসাবেই তিনি ঐরূপ মিশ্রণের বিরোধী। এই পত্র প্রকাশের পর যুরোপে একটা ডুমুল কোলাহল উঠিয়াছিল। ডাক্তার লিখিত স্পেন্সার-চরিত্রে এই সম্বন্ধে এই মর্মে এক টিপ্পনী প্রকাশিত হয় যে, “বিভিন্ন-জাতীয় মানবের মধ্যে বিবাহ দ্বারা ও একই জাতীয় বিভিন্ন প্রকারের পশুর সংমিশ্রণ দ্বারা প্রকৃষ্টরূপে এই তথ্য সপ্রমাণ হইয়াছে যে, বাগদের মধ্যে অতি সামান্য পরিমাণ পার্থক্য আছে, তাহাদের ভিন্ন যে স্থলে অভ্যস্ত বিভিন্ন জাতির শোণিত মিশ্রিত হইয়াছে, পরিণামে

তাহার ফল নিশ্চিতই বন্দ হইয়াছে।” এ হলে বিভিন্ন জাতির শোণিত সংমিশ্রণ স্পষ্টতঃই নিবিদ্ধ হইয়াছে। এখন কতটুকু বিভিন্ন জাতির সংমিশ্রণে আমাদের বংশধরগণের উন্নতি হইতে পারে, তাহাই বিচার্য। অনেক শিক্ষিত ব্যক্তি স্পেলারের এই মত উদ্ধৃত করিয়া তাঁহাকে অসবর্ণ-বিবাহের বিরুদ্ধবাদী প্রমাণিত করিতে প্রয়াস পাইয়া থাকেন।

অতঃপর চৌধুরী মহাশয় লিখিয়াছেন যে, উক্ত উক্তির পৌর্কোপর্য্য বিবেচনা করিয়া দেখিলে বুঝা যায় যে, যে ক্ষেত্রে স্পেলার ঐ উক্তি করিয়াছেন, সে অসবর্ণ-বিবাহ দোষা-
বহ নহে।
ক্ষেত্রে কেবল যেরূপ অবস্থায় বিভিন্ন জাতির সংমিশ্রণে কুফল ফলিবার সম্ভাবনা, তাহাই নির্দিষ্ট করা তাহার উদ্দেশ্য ছিল। দুই বা ততোধিক জাতির মধ্যে কতটুকু পার্থক্য থাকিলে তাহাদের মধ্যে যৌন সম্বন্ধ সংস্থাপনে শুভ ফল ফলিবার সম্ভাবনা, তাহার কথা উক্ত পত্রে আলোচিত হয় নাই। তিনি উক্ত মনস্বী লেখকের ‘সোসিওলজি’ নামক গ্রন্থের প্রথম ভাগ হইতে সপ্রমাণ করিতে চেষ্টা করিয়াছেন যে, অত্যন্ত বিভিন্ন প্রকৃতির জীবের সম্মিলন শুভফলপ্রসূ হয় না। যে হলে ঐ বিভিন্ন প্রকৃতির জীবগণের জীবনপ্রবাহ ভিন্নমুখ, সে হলে সংমিশ্রণ-ফল অসম্ভবজনক হইয়া থাকে, ইহা সত্য। সমাজ-শরীরে ঐরূপ সংমিশ্রণ ফল অশুভজনক হয়। এরূপ সংমিশ্রণে পরস্পর-বিরোধী গুণ বিভিন্ন-সম্প্রদায়ভুক্ত ব্যক্তিকে আশ্রয় না করিয়া একই ব্যক্তিকে আশ্রয় করে। বর্ণসঙ্কর জাতি (half-caste) যেরূপ এক দিকের পূর্ব-পুরুষদিগের নিকট হইতে এক প্রকারের আচার ব্যবহার, রীতিনীতি ও সামাজিক প্রথা প্রভৃতি প্রসূত ভাব ও প্রবৃত্তি নিচয় প্রাপ্ত হয়, সেইরূপ অন্য দিকের পূর্বপুরুষদিগের নিকট হইতে সম্পূর্ণ বিভিন্ন প্রকারের আচার-ব্যবহার, রীতিনীতি ও সামাজিক প্রথা প্রভৃতি প্রসূত ভাব ও প্রবৃত্তি-নিচয় প্রাপ্ত হইয়া থাকে। ফলে, তাহাদের কোনও ভাবই পরিস্ফুট হয় না। ব্যক্তিগত হিসাবে ইহাদের সামাজিক স্বাতন্ত্র্য থাকে না—এবং ইহারা স্বতন্ত্র সামাজিক জাতির সৃষ্টি করিতেও পারে না। চৌধুরী মহাশয় এ হলে বলিয়াছেন যে, সম্পূর্ণ বিভিন্ন প্রকৃতির মানবজাতির মিশ্রণই অনিষ্টজনক।

অতঃপর তিনি স্পেলারের উক্তি উদ্ধৃত করিয়া দেখাইয়াছেন যে, সম-প্রকৃতির মানব-জাতির মধ্যে যদি সামান্য পার্থক্য থাকে, তাহা হইলে তাহার ফল অত্যন্ত শুভ-জনক হয়। ইহাতে তাহাদের ধাতুগত স্বাতন্ত্র্য পরিস্ফুটও বিকশিত হইয়া উঠে, এবং সামান্য পার্থক্যগুলি লোপ পায়। অর্থাৎ বাহ্য সেই জাতির মৌলিক ভাব, তাহাই পুষ্ট ও যাহা কৌলিক তাহা লুপ্ত হয়। চৌধুরী মহাশয়ের ব্যাখ্যা অনুসারে যে সকল জাতির মূল
ইষ্ট ও অনিষ্ট।
এক, অথচ বাহ্যে বিভিন্ন শাখাভুক্ত, তাহাদের মিশ্রণই উন্নতি-

জনক,—যে সকল জাতি মূলতঃই বিভিন্ন, তাহাদের মিশ্রণই যোর অনিষ্টজনক ও বংশহানির কারণ। তিনি কতকগুলি উদাহরণদ্বারা এবিষয় সপ্রমাণ করিতে চেষ্টা করিয়াছেন। তিনি বলেন, হিব্রুজাতি শোণিতের পবিত্রতা রক্ষা করিয়া আসিতেছে বলিয়া গর্ভ করিয়া থাকে সত্য, কিন্তু নীলনদী-তীরে অবস্থিতি-কালে, দেশে দেশে জন্মে ও গ্যালোষ্টাইন দেশ বিজয়ের পর তাহাদের

দেহে বিভিন্ন সেমিটিক জাতির শোণিত মিশ্রিত হইয়াছে। অন্যান্য গ্রীক জাতির সহিত মিশ্রণ-ফলেই প্রাচীন এথেনীয়গণ উন্নতির উচ্চ শিখরে আরুঢ় হইতে সমর্থ হইয়াছিল। প্রাচীন রোমক জাতি সাবিনি, সাবেলি ও সামনাইট প্রভৃতি আৰ্য্যজাতির বিভিন্ন শাখার সংমিশ্রণ-ফলে উন্নতি-লাভে সমর্থ হইয়াছিল। ইংরেজ জাতিও বিভিন্ন স্ক্যান্ডিনেভীয় জাতির মিলন-ফলে উৎপন্ন সেইজন্ত তাহারা এত উন্নত। ইহার পর তিনি লিখিয়াছেন, স্পেন্সার যদি হিন্দু আৰ্য্য জাতির ইতিহাস ভাল করিয়া পর্য্যালোচনা করিবার অবকাশ পাইতেন, তাহা হইলে তিনি জানিতে পারিতেন যে, অতি প্রাচীন কালে হিন্দুজাতিরা যখন ভিন্নজাতির শোণিত তাঁহাদের শোণিতে মিশ্রিত হইতে দিতেন, তখন তাঁহারা ক্রমশঃ উন্নতি-লাভে সমর্থ হইয়াছিলেন। আৰ্য্যগণ এদেশে আসিলে এদেশের আদিম অধিবাসী ড্রাবিডীয় (Dravidians) জাতির সহিত তাঁহাদের শোণিত মিশ্রিত হয়। তাহার পর কণিঙ্কের সময় কুশান জাতির সহিত আৰ্য্যশোণিত মিশিয়া যায়। তাহার ফলে তদানীন্তন আৰ্য্যগণের এত উন্নতি। এই মিশ্রণের পথ রুদ্ধ করিয়াই হিন্দুজাতি অবনতি-পথের পথিক হইয়াছে।

স্পেন্সার ভারতের যুরেশীয় ও আমেরিকার সঙ্করজাতি দর্শনে উক্ত সিদ্ধান্তে উপনীত হইয়াছেন। এই উভয় জাতিই মৌলিক জাতির দোষ সমস্ত প্রাপ্ত হইয়াছে—শুণ কিছুই পায় নাই। চৌধুরী মহাশয় বলেন, ইহারা পশুপ্রকৃতি চরিতার্থের ফল, সেই জন্ত ইহারা উভয় কুলের দোষাবলী প্রাপ্ত হয়। তথাপি ইহাদের মধ্যে ভারত ইতিহাসে প্রসিদ্ধ ডিরোজিও, প্রতীচ্য আলেকজান্ডার ডুমা, ও মার্কিনী নিগ্রোদিগের নেতা ক্রকার টি ওয়াসিংটনকে দেখিতে পাই। সুতরাং এ সম্বন্ধে বিশেষ বিবেচনা না করিয়া কোনও সিদ্ধান্তে উপনীত হওয়া উচিত নহে।

আমাদের মনে হয় যে, চৌধুরী মহাশয় পূর্বে হইতেই অসবর্ণ-বিবাহের অনুকূল সংস্কার লইয়া এই বিষয়টি অনুসন্ধানে প্রবৃত্ত হইয়াছেন। তিনি যে সমস্ত ঐতিহাসিক তথ্য প্রমাণ-স্বরূপ উদ্ধৃত করিয়াছেন, তাহাতে সন্মিলিত জাতিগণের কৌলিক পার্থক্য কতটুকু ছিল, যথার্থভাবে তাহার নির্ধারণ অসম্ভব। অতীতের অন্ধকারে তাহা অস্পষ্ট হইয়া গিয়াছে। ভারতীয় হিন্দুগণ সম্বন্ধে তিনি যাহা বলিয়াছেন, তাহা অনুমানমাত্র। বৈজ্ঞানিক অনুসন্ধানে অস্পষ্ট ও আনুমানিক তথ্যের স্থান নাই। সুতরাং বর্তমানের দিকে দৃষ্টি দেওয়াই বিধেয়। অসবর্ণ-বিবাহের ফলে যদি জাতীয় উন্নতির পথ উন্মুক্ত হইত, তাহা হইলে যুরেশীয়, ক্রিয়োল, প্রভৃতি জাতির মধ্যে অপেক্ষাকৃত অধিক মনস্বী ও বলবান্ লোকের আবির্ভাব দেখা যাইত। ব্রাহ্ম ও বৈরাগীদিগের মধ্যে নানা জাতীয় লোকের আমাদের বক্তব্য।

শোণিত মিশ্রণে বাধা নাই। দেশীয় খৃষ্টানসমাজে বহুজাতির সংমিশ্রণ ঘটিতেছে। কিন্তু কি দৈহিক বলে, কি মানসিক শক্তিতে, তাহারা যুরোপীয় বা হিন্দুজাতিকে অতিক্রম করিতে সমর্থ হইতেছে না। এদেশীয় মুসলমানগণ এ দেশের নানা জাতি হইতে মহান্দীর ধর্মে দীক্ষিত। তন্নিম্ন ইহাদের মধ্যে পাঠান, মোগল, তাতার প্রভৃতি জাতিও অল্প ছিল। বহুদিন ধরিয়া ইহাদের শোণিত মিশ্রিত হইয়া আসিতেছে।

কারণ, মুসলমানগণ স্বধর্ম্মীর মধ্যে কোনওরূপ পার্থক্যই রাখেন না। সাম্যবাদের এমন সুন্দর ধর্ম্ম আর নাই। কিন্তু জিজ্ঞাসা করি, কি দৈহিক বলে, কি সৌন্দর্য্যে, কি বুদ্ধিপ্রাথর্য্যে, মুসলমানগণ কি জাতিভেদে বিভক্ত বৈষম্যবাদের সমর্থক হিন্দুদিগকে অতিক্রান্ত করিতে সমর্থ হইয়াছেন? সত্য বটে, কর্ম্মঠ মুসলমান চাৰী প্রভৃতি সম্প্রদায়ের শারীরিক বল আলস্ত-শ্রিয় ভঙ্গ হিন্দুদিগের শারীরিক বল অপেক্ষা অধিক; কিন্তু পোদ, নমঃশূঙ্গ, কাপালিক, বাগ্দি, গোয়ালী প্রভৃতি হিন্দুচাৰী ও শ্রমশীল জাতি অপেক্ষা তাহাদের দৈহিক বল অধিক নহে। মুসলমান ভঙ্গলোকের দৈহিক বল হিন্দু ভঙ্গলোকের দৈহিক বল অপেক্ষা কিছুমাত্র অধিক নহে। এরূপ পরীক্ষিত ও পরিদৃশ্যমান সত্য চক্ষুর সম্মুখে থাকিতে ইতিহাসের অন্ধকারে বিভ্রান্ত হইয়া অসবর্ণ-বিবাহই জাতীয় উন্নতির নিদান—এ কথা বলা সঙ্গত নহে। চৌধুরী মহাশয় যে জীবতত্ত্বের তথ্যাবতারণা করিয়াছেন, তাহা অত্যন্ত অটল। উহার অনেক সিদ্ধান্ত এখনও অবিদ্যমান বলিয়া সপ্রমাণ হয় নাই। বর্ত্তমান অবস্থায় তাহার আলোচনা অসম্ভব।

বিবিধ ।

মানবের ভবিষ্যৎ ।

অদূর ভবিষ্যতে জগতের, বিশেষতঃ মানবজাতির, কি পরিবর্ত্তন ঘটিবে, তাহা জানিবার জন্ত অনেকেই উৎসুক। কিন্তু এ বিষয়ে বিখ্যাত বিজ্ঞানবিদগণ একান্ত অভাব। সুতরাং লোক মনের উৎসুক্য মনেই চাপিয়া রাখে। বর্ত্তমান যুগে বিজ্ঞানবলেই মানবের অদৃষ্টচক্র ও কার্য্যপদ্ধতি পরিবর্ত্তিত হইতেছে। সুতরাং বিংশ শতাব্দীর শেষে বা একবিংশতিতম শতাব্দীর প্রারম্ভে মানবজাতির অবস্থা কি ঘটিবে, তাহা জানিবার জন্ত কোতুহলী লোকেরা বৈজ্ঞানিক বিশেষজ্ঞের নিকট মধ্যে মধ্যে গমন করিয়া থাকেন। টমাস এ এডিসন বর্ত্তমান যুগের একজন লক্ষ্যশীল বৈজ্ঞানিক। তড়িৎবিজ্ঞানেই ইনি বিশেষজ্ঞ। ফনোগ্রাফ, ইনক্যান্ডেসেন্ট ল্যাম্প, কিনেমোটোগ্রাফ, এরোফোন, মেগাফোন ও অন্যান্য বিবিধ তড়িত যন্ত্র আবিষ্কারে ইনি মানব-সমাজে যুগান্তর উপস্থিত করিয়াছেন। বৈদ্যুতিক সঞ্চয় (electric storage) যন্ত্র আবিষ্কৃত করিবার জন্ত ইনি প্রাণপণ চেষ্টা করিতেছেন। সুতরাং ভবিষ্যতে বৈজ্ঞানিক আবিষ্কার-প্রভাবে মানব-সমাজের কিরূপ দশান্তর উপস্থিত হইবে, তাহা জানিবার জন্ত কেহ কেহ তাহার সহিত আলাপ করিতে চাহেন। সম্প্রতি অ্যালেন বিয়েসন নামক জনৈক মার্কিনবাসী তাহার সহিত যে কথোপকথন করিয়াছেন, তাহা গত মার্চ মাসের 'গ্যাস্ ম্যাগাজিন' নামক বিখ্যাত মার্কিনী মাসিক পত্রিকায় মুদ্রিত হইয়াছে। আমরা তাহার মূল মর্ম্ম নিয়ে প্রকাশিত করিলাম।

এডিসন বলেন যে আর অধিকদিন সুবর্ণের দ্বন্দ্বল্যুৎ থাকিবে না। লোক আর লোহার

সিন্দুকে স্বর্ণ না রাখিয়া উহা বাহিরে ফেলিয়া রাখিবে। লোক আর স্বর্ণ-মুক্তার বেতন
 হেবের অনাদর লইবে না,—ভাষিনীরা আর সোণার গহনার “গা সাজাইবেন”
 না। কৃত্রিম উপায়ে সোণা প্রস্তুত হইবেই,—তবে কি উপায়ে সোণা
 প্রস্তুত হইবে, এইটুকুমাত্র জানিতে বিলম্ব। হয়ত কল্যই সে উপায় জানিতে পারা যাইবে।
 স্বর্ণ ও রত্নের পার্থক্য অতি মল্ল। উহাদের পরস্পরের উপাদান পদার্থ বিভিন্নভাবে
 বিস্তৃত ও বিভিন্ন পদ্ধতিতে প্রযুক্ত। পদার্থের বিস্তার ও এরোপ-পদ্ধতির উপরই উহার
 নির্ভর। সকল পদার্থই সমান; সম্ভবতঃ রেডিয়াম মূলভ ধাতুকে মহার্ঘ ধাতুতে পরিণত
 করিতে পারিবে। রেডিয়াম দ্বারা ঐ কার্য সাধিত না হয়,—অন্য কিছু দ্বারা সেই কার্য
 সংসাধিত হইবে।

ইদানীং অধমর্ণণ স্বর্ণ দ্বারা উত্তমর্ণের ঋণ শোধ করিবেন বলিয়া চুক্তিসূত্রে আবদ্ধ
 হইলেন। ইহা বাস্তবিকই বিষম বিপজ্জনক। পৃথিবীর অধিকাংশ সম্পত্তি
 আশঙ্কার আভাস। অকস্মাৎ উত্তমর্ণের হস্ত হইতে অধমর্ণের হস্তে গমন করিতে পারে।
 ইহার মতে ব্যাঙ্কাররা বড় নির্ভীক। তাহার অর্থ লইয়া কায়-করবার করে সত্য,
 কিন্তু অর্থ কি তাহা বুঝে না।

ভবিষ্যতে মানুষ চিরকালই বাষ্পীয় যানে যাতায়াত করিবে না। যান সঞ্চালনে তড়িৎ
 ভবিষ্যৎ যান। কি অন্য কিছু ব্যবহৃত হইবে? এই প্রশ্নের উত্তরে এডিসন একটি
 সুন্দর গল্প বলেন। তিনি বলেন দশ বৎসর পূর্বে একদা শীতকালেব
 অপরাহ্নে তিনি তাঁহার ফ্লোরিডাহু পরীক্ষাগারের সম্মুখস্থ প্রাক্ষেপে বসিয়া ছিলেন। আকাশ
 সৌরকর-সমুচ্ছল ও মেঘলেশমাজশূন্য ছিল। নিকটস্থ একটি কলের চিমনী বা ধূমলী
 হইতে ধূমরাশি সহস্র ফুট উর্ধ্বে উৎক্ষিপ্ত হইতেছিল। বায়ু যেন রুদ্ধগতি। সেই সময় এডিসন
 লক্ষ্য করিলেন, একটি মার্কিনী বাজপক্ষী সেই উচ্ছৃত ধূমস্তম্ভের শীর্ষস্থলেরও উর্ধ্বে বায়ু-
 মণ্ডলে চক্রাকারে পরিক্রমণ করিতেছিল। সে অকস্মাৎ অধঃক্রমিত ও উৎক্রমিত হইতে
 ছিল, কিন্তু সে তাহার পক্ষধরের কিছুমাত্র সঞ্চালন করিতেছিল না। তাহার পক্ষধর ঠিক
 সরলভাবে বিস্তৃত ছিল। পক্ষসঞ্চালন ব্যতীত পক্ষীটি কি প্রকারে বায়ু মণ্ডলে আপনাকে
 উড্ডীন রাখিয়াছে,—এডিসন তাহাই ভাবিতে লাগিলেন। স্থির, নিশ্চল বায়ু-মণ্ডলে পক্ষীটি
 পক্ষকম্পন করিল না,—পাখা নিস্পন্দ রাখিয়া নিম্নে পড়িয়া আবার উর্ধ্বে উঠিল কি করিয়া?
 নয় বৎসর চিন্তা করিয়া তিনি কোনও সিদ্ধান্তে উপনীত হইতে পারেন নাই। নয় বৎসর
 পরে তিনি সেই সমস্তার সমাধানে সমর্থ হইয়াছেন। তিনি সিদ্ধান্ত করিয়াছেন যে, শব্দ-
 জনিত বায়ুর তরঙ্গ ও ঐ পক্ষীর পক্ষাভ্যন্তরস্থ ক্ষুদ্র ক্ষুদ্র পালকের সম্বর্ষণ-জনিত বায়ু তরঙ্গ-
 নিচর ঐ পক্ষীকে বায়ু-মণ্ডলে পরিভ্রমণ করিতে সহায়তা করিতেছিল। ভ্রমর যেমন শব্দ-
 জনিত বায়ুতরঙ্গ কর্তৃক পরিচালিত হয় পক্ষীটিও সেইরূপ বায়ুতরঙ্গ কর্তৃক পরিচালিত
 হইতেছিল। বায়ু একেবারে নিখর না হইলে ভ্রমর পক্ষসঞ্চালন করে না। যানব্রহ্মের
 নিকট হইতে ইহার গতি শিক্ষা করিয়া ভবিষ্যতে যাতায়াতের জন্য বিমান প্রস্তুত করিবে।
 সেই বিমান যন্ত্রের পঞ্চাশ কোশ বেগে চলিবে। বর্তমান যুগে যে সমস্ত “এরোপ্লেন”

“বাইপেন” প্রভৃতি প্রস্তুত হইতেছে, তাহা টিকিবে না। বান-চালনে ভবিষ্যতে বাস্প ব্যবহৃত হইবে না।

এডিসন বলেন, ভবিষ্যতে নিকেলের কাগজে ইম্পাভের মলাটে পুস্তক মুদ্রিত ও প্রকাশিত হইবে। নিকেলের কাগজে ছাপার কালি বেশ ধরিতে।
নিকেলের পুস্তক। সৌদামিনীর সাহায্যে নিকেলের অতি পাতলা কাগজ প্রস্তুত হইবে।

৪০ হাজার পৃষ্ঠার পুস্তক দুই ইঞ্চির অধিক পুরু হইবে না।

এডিসন বলেন যে, ভবিষ্যতে মানুষ কার্টের আসবাব ব্যবহৃত না করিয়া ইম্পাভের আসবাব ব্যবহার করিবে। ইম্পাভের উপর বেহপিনি, চেম্বী, ওয়ালনাট, ওক প্রভৃতি কার্টের বর্ণ করা সহজ হইবে। লোক আর ইটকের ঘর প্রস্তুত করিবে না। মাল মসলা কঠিনভাবে জামাট বাধাইয়া তাহাতে গৃহাদি প্রস্তুত করিবে। প্রাচীন মিশরবাসীদের নিকট হইতে যুরোপীয়রা ইটকের ব্যবহার শিক্ষা করিয়াছে। ইটকের গৃহ ও আসবাব। ব্যবহার বিধম ভুল। বাহারা কার্টের গৃহ নির্মিত করে তাহারা বাতুল। জামাট মাল মসলার গৃহ পঞ্চাশ তলা পর্য্যন্ত উন্নত করা বাইতে পারে। ইহাতে ভূমিকম্পের ও অগ্নির ভয় নাই। টেলিফোন যন্ত্রের আরও অনেক উন্নতি হইবে।

এডিসন বলেন, ভবিষ্যতে কলের অনেক উন্নতি হইবে। কলের এক প্রান্তে কাগড়, সূতা, বোতাম, টিসু কাগজ ও পেটবোর্ড দিলে অন্য প্রান্তে প্রস্তুত পোষাক বাস্তব হইয়া বাহির হইবে। মুদ্রায়ন্ত্র হইতে পুস্তক বাধাই হইয়া বহির্গত হইবে। ইনি বলেন, মানবের উদ্ভাবনার এখন শৈশবকালমাত্র। যন্ত্রের এক প্রান্তে তুলা কলের উন্নতি। ও বোতাম দিলে অন্য প্রান্তে প্রস্তুত পোষাক পাওয়া যাইবে, এরূপ যন্ত্র উদ্ভাবিত হওয়া অসম্ভব নহে।

অদূর ভবিষ্যতে কৃষিকার্য্যে যুগান্তর ঘটবে। কৃষিকার্য্যে বুদ্ধিমান লোকের প্রয়োজন হইবে। যিনি কৃষক, তাঁহাকেই যুক্তিকা-পরীক্ষক, উদ্ভিদতত্ত্বজ্ঞ ও অর্থনীতি-বিশারদ হওয়া আবশ্যিক হইবে। কৃষাণকে আর বলদ লইয়া ক্ষেত্র-কর্ষণ করিতে হইবে না। এক খানি কেদারায় বসিয়া বোতাম টিপিলে ও হাতল ঘুরাইলে, ক্ষেত্র ভড়িৎবলে কর্ষিত হইবে ; বিদে বাণ্ডই, মই, নিড়ান, কাটা, ঝাড়া ওকানো, এমন কি, শস্ত গোলাজাত পর্য্যন্ত হইতে পারিবে। ইতোমধ্যেই কৃষির যথেষ্ট উন্নতি হইয়াছে। কিন্তু ভবিষ্যতের উন্নতির ভুলনার বর্তমান উন্নতি অতি অকিঞ্চিৎকর বিদ্যৎ-সকর-যন্ত্র আবিষ্কৃত হইলেই কৃষিকার্য্যের বহুল পরিবর্তন ঘটবে।

বর্ষা-গীতি ।

নব নীল মেঘজালে আবরিয়া গগনে,
 শ্রামল হরিত পীত বরণে
 রঞ্জি' কাননতল
 বিকাশি' যুথির দল
 দীর্ঘা ধরায় করি' শোভাময়ী সরসা
 আসে মঙ্গলময়ী বরষা ।

বাদল রাগিণী বাজি' উঠে আজি ভুবনে
 বনবীধি যুধরিত পবনে ।
 ঝরঝর অবিরল
 ঝরে বাদলের জল,
 ধ্বনিত তটিনীনীরে কলগীতি সহসা,
 সঙ্গীতময়ী নব বরষা !

খেলিছে মেঘের কোলে চঞ্চলা দায়িনী,
 চমকিত-চিত পুর-কামিনী ।
 চাহি' আকাশের পানে
 প্রেমব্যথা জাগে প্রাণে
 প্রণয়-আকুল-হিয়া অহুরাগে বিবশা,
 মিলন-মধুরা অগ্নি বরষা !

সিক্ত কেতকীবন পুলকিত স্রবাসে ।
 কেকা-রব করি' শিখী উছাসে ;
 যাতিয়া মেঘের ডাকে
 নাচে নীপতরুশাখে ।
 পথিকবধুর হৃদে জাগে পুন উরসা,
 হরষ মগনা নব বরষা !

শ্রীরমণীমোহন ঘোষ ।

সাধুচরিত ।*



মুসলমান রাজত্বের শেষভাগে দেশে যে অশান্তি ব্যাপ্ত হইয়া পড়িয়াছিল, তাহা জাতীয় উন্নতির অন্তরায় ছিল। দেশে রাজনীতিক অবস্থা পরিবর্তনের সঙ্গে সঙ্গে যখন সেই অশান্তির অবসান হইল ও দেশে নব শিক্ষার সূত্রপাত হইল, তখন-আজ হইতে ৮০ বৎসর পূর্বে কোন ইংরাজ লেখক ইংরাজদিগকে সঙ্ঘোষন করিয়া বলিয়াছিলেন—“Recollect, Gentlemen, that ‘Knowledge is power.’ You have now laid the foundation of it among an acute and intellectual people. Its diffusion is inevitable. The schoolmaster is abroad with his primer, pursuing a course which no power of man can hereafter arrest. A light is now rising in the East, destined to attain meridian strength and splendour, and to ‘Shine more and more unto the perfect day’. Through the medium of schools, literary meetings, and printed books, all the learning and all the science, of Europe will be greedily imbibed, and securely domiciled, by the Hindoos of India. Knowledge, Gentlemen, is power.” তাঁহার এই ভবিষ্যৎবাণী বর্ণে বর্ণে সত্য প্রতিপন্ন হইয়াছে। যুরোপের শিক্ষার কিরণে ভারতের মানসক্ষেত্রে যে পরিবর্তন ঘটিয়াছিল, তাহা একান্তই অদ্ভুতপূর্ব। তখন ভারতে বহু কৰ্ম্মবীরের ও ধর্ম্মবীরের আবির্ভাব হইয়াছিল। রবিকরে সমুজ্জল চন্দ্র যেমন রাজনীর অন্ধকার বিনষ্ট করে, নূতন শিক্ষার আলোকে সমুজ্জল বাঙ্গালীর প্রতিভা তেমনই চারিদিক আলোকিত করিয়াছিল। “নব্য-বঙ্গের সাহিত্য-গগনে এই সময়ে উজ্জল নক্ষত্রপুঞ্জের আবির্ভাব হইল,—কবি ঈশ্বরচন্দ্র গুপ্তকে পুরোবর্তী করিয়া কাব্যাকাশে মহাকবি মাইকেল মধুসূদন দত্ত

* সাধুচরিত—শ্রীমদ্বুলচন্দ্র বটক বি, এ, প্রণীত মূল্য আট আনা।

রামতমুলাহিড়ী ও তৎকালীন বঙ্গসমাজ—শ্রীশিবনাথ শাস্ত্রী প্রণীত—মূল্য ২।০ টাকা—কলিকাতা ৫৪, কলেজ স্ট্রীট হইতে এস, কে, লাহিড়ী এণ্ড কোম্পানী কর্তৃক প্রকাশিত।

Ramtanu Lahiri—Sir Roper Lethbridge, K. C. I. E.

আর্য্যাবর্ত-



রামতনু লাহিড়ী
(প্রৌঢ় বয়স্ক)

লক্ষী প্রিন্টিং ওয়ার্কস্



সমুদিত হইলেন, নাট্যকার দীনবন্ধু মিত্রের ‘নীলদর্পণ’ ‘নীলকর-বিষধর-গণের’ বিষদন্ত চিরদিনের জন্য উৎপাটিত করিয়া দিল, বিজ্ঞানসাগরের প্রাঙ্গল ও প্রসাদগুণযুক্ত ভাষার উপর বঙ্কিমচন্দ্রের সর্বতোমুখী প্রতিভার বিমল রশ্মি পতিত হইয়া তাহাকে অনুপম সুবমায় মণ্ডিত করিল, তাঁহার তুলিকার বিচিত্র বর্ণসম্পাতে এবং অসাধারণ কাব্যকৌশলে বাঙ্গালা সাহিত্য অপূর্ব শ্রী ও গৌরবে উদ্ভাসিত হইল। অতঃপর মহাত্মা কেশবচন্দ্র সেন আবির্ভূত হইয়া একেশ্বরবাদ প্রচারে প্রবৃত্ত হইলেন। ভাবের গভীরতা, ভাষার ললিত ছটায় ও তাঁহার বক্তৃতার মোহিনী শক্তিতে যুবকগণ মন্ত্র-যুক্তের ঞ্চায় তাঁহার দিকে আকৃষ্ট হইতে লাগিল। সকল দিকেই আশা ও উজ্জ্বলের চিহ্ন পরিলক্ষিত হইল। নব্যবঙ্গের উদীয়মান কবি, নাট্যকার, ঔপন্যাসিক প্রভৃতির প্রচারিত পুস্তকাদি পাঠে এ দেশবাসী আহ্লাদ-সাগরে মগ্ন হইল। বাঙ্গালা ভাষা যে একটা ভাষা, তাহা যে যুহুর্ভে যুহুর্ভে প্রাণে বিভিন্ন ভাবের আবির্ভাব করিতে সমর্থ, তাহা যে কবির প্রতিভাসূত্রে গ্রথিত হইলে মেঘমন্ড্রে আকাশমণ্ডল প্রকম্পিত করিয়া পরস্পরেই আবার বসন্তসমা-গমছষ্ট কোকিলের ঞ্চায় মধুর বন্ধারে প্রাণে সুধা-তরঙ্গ তুলিতে পারে, এ ধারণা কাহারও ছিল না; বাঙ্গালী বিন্মিত হইয়া দেখিল বাঙ্গালা ভাষা সংসারের সহস্র বন্ধাটের মধ্যেও সুখী অসুখী, ধনী নির্ধন, সকলেরই প্রাণে শাস্তিবিধান করিতে সমর্থ।”

এই সময় যে সকল ধর্মবীরের ও কর্মবীরের আবির্ভাব হইয়াছিল, রাম-তনু লাহিড়ী মহাশয় তাঁহাদিগের নেতৃত্বভুক্ত। রামগোপাল ঘোষপ্রমুখ কর্মবীরগণ যখন প্রতীচ্য আদর্শে বাঙ্গালীকে কর্মক্ষেত্রে আহ্বান করিতে-ছিলেন, রামতনু বাবু তখন বাঙ্গালীকে সাধুত্বের আদর্শ দেখাইতেছিলেন। সৌভাগ্যক্রমে তিনি শিক্ষকের কার্যে ব্রতী হইয়াছিলেন। যখন ডিরোজিও প্রভৃতির শিক্ষার শিক্ষিত নব্যবাঙ্গালীদল সংসারের নামে উচ্ছৃঙ্খলতার উদ্ভায় তরঙ্গে ইতস্ততঃ আন্দোলিত হইতেছিলেন তখন রামতনু বাবু শিক্ষককার্যে রত থাকিয়া আপনার পুণ্য চরিত্রের পুত প্রভাবে তাঁহাদিগকে পবিত্রতার পথে পরিচালিত করিতেছিলেন।

রামতনু বাবুর জীবন অশ্রুগুণ কর্মবহুল ছিল না—কর্মের অস্থিরতার সে জীবনের বিশেষত্ব ছিল না কাষেই সাধারণ হিসাবে সে জীবনের কাহিনী বিবৃত হইবার সম্ভাবনা নাই। কিন্তু সে জীবনের পুণ্য কথাপাঠে পাঠকের

উপকারের সম্ভাবনা । কাষেই তাঁহার একাধিক চরিতকথা প্রকাশে আমরা পুলকিত হইরাছি ।

শাস্ত্রী মহাশয় রামতনুবাবুর ভক্ত শিষ্য, স্বয়ং সুপণ্ডিত তিনি তাঁহার গ্রন্থে বাঙ্গালার সেই সময়ের সামাজিক ইতিহাস লিপিবদ্ধ করিয়া দেখাইয়াছেন—রামতনুবাবুর আবির্ভাব বাঙ্গালার নূতন চেতনাসঞ্চারের ফল—ভারতের ঋষিচরিত্রে প্রতীচ্য প্রভাবের সুফল ।

রামতনু বাবুর চরিত্রবলের পরিচায়ক একটি ঘটনা শাস্ত্রী মহাশয়ের পুস্তক হইতে নিম্নে উদ্ধৃত হইল :—যে দিন তাঁহার পুত্র নবকুমারের মৃত্যু হইয়াছে ।—“নবকুমারের প্রাণবায়ু দেহকে পরিত্যাগ করিয়াছে, তাঁহার মৃতদেহ পড়িয়া রহিয়াছে, তৎপার্শ্বে শোকাক্ত মাতা অচেতন হইয়া রহিয়াছেন, এদিকে রামতনু বাবু পল্লীবাসী তাঁহার আত্মীয় সুপ্রসিদ্ধ কার্তিকেচন্দ্র রায় মহাশয়ের একটি পুত্রকে ধরিয়া বাহিরে প্রাক্গনস্থিত একটি বেঞ্চের উপরে বসিয়া তাহাকে সাস্তুনা করিতেছেন । সে যুবকটি নবকুমারকে এতই ভালবাসিত যে সে শোকে অধীর হইয়া উঠিয়াছে ; কোনও ক্রমেই শোক সম্বরণ করিতে পারিতেছে না । রামতনুবাবু তাহাকে বলিতেছেন ‘সে কি হে ! তুমি শিক্ষিত লোক, সকল বোক, কোথায় তোমার জেঠাইমাকে বোঝাবে, শাস্ত করবে না, তুমিই অধীর হয়ে গেলে?’ এমন সময়ে কয়েকজন যুবক আসিয়া উপস্থিত । তৎপূর্বে তাঁহারা সপ্তাহে এক দিন আসিয়া লাহিড়ী মহাশয়ের সহিত ধর্ম্মালাপ করিতেন । এ জন্ত তাঁহাদের একটি সঙ্গত সভার মত ছিল । সেই দিন উক্ত সভার অধিবেশনের দিন । তদনুসারে তাঁহারা উপস্থিত । তাঁহারা জানিতেন না, যে কিয়ৎকাল পূর্বে নবকুমারের মৃত্যু হইয়াছে । তাঁহারা না জানিয়া ঘরে প্রবেশ করিতে যাইতেছেন, এমন সময়ে লাহিড়ী মহাশয় দ্রুতপদে গিয়া বলিলেন, ‘দেখ আজ এ বাড়ীতে সভার অধিবেশন হবে না ; আমার ভুল হয়ে গিয়েছে, আগে সংবাদ পাঠান উচিত ছিল ।’ সকলে কারণ জিজ্ঞাসা করাতে তিনি ধীরভাবে বলিলেন, ‘অল্পকাল পূর্বে নবকুমারের মৃত্যু হয়েছে, তার মৃত দেহ ঐ ঘরে পড়ে আছে, তোমরা যেও না, দেখলে কষ্ট হবে ।’ শুনে ত সকলে অবাক শোকের চিহ্ন মাত্র ও নাই ।”

এই বিবরণে টেনিসনের অমর রচনা মনে পড়ে :—

“I curse not nature, no, nor death
For nothing is that errs from law”

‘সাধুচরিত’ এই সাধু পুরুষের পুণ্যকথার পূর্ণ। এই পুস্তক হইতে উদ্ধৃত নিম্নলিখিত বিচরণটিতে রামতনু বাবুর সহৃদয়তার পরিচয় পাওয়া যাইবে :—
 “একদিন দুই ঘটিকার সময় স্কুল ছুটি হইয়াছে। গ্রীষ্মকাল, বড় রৌদ্র উঠিয়াছে। দারুণ সূর্যের তাপে গাছপালা শুষ্ক ও মৃতপ্রায়। চারিদিক কাঁ কাঁ করিতেছে। লাহিড়ী মহাশয় যে পাকী করিয়া স্কুলে যাতায়াত করিতেন, বাহকেরা তাহা লইয়া কোথায় চলিয়া গিয়াছে, দেখিতে পাইলেন না। অমনি ছাত্রেরা দৌড়িল, দেখিল, এক বৃক্ষতলে বেশ ছায়া পড়িয়াছে, তথায় পাকী রাখিয়া বাহকগণ নিশ্চিন্ত মনে অকাতরে ঘুমাইতেছে। বালকগণ ডাকিতে যাইবে, এমন সময় লাহিড়ী মহাশয় আসিয়া তাহাদিগকে নিবেদন করিলেন। একটি বালক বলিল, ‘কেন ডাকব না? আপনি দাঁড়াইয়া থাকিবেন, আর ওরা ঘুমবে? আমি এক ছাতার বোঁচার তুলে দিচ্ছি।’ লাহিড়ী মহাশয় যেন অন্তরে ব্যথা পাইলেন, বলিলেন, ‘কর কি, কর কি? এমন কাজ করতে আছে? ওরা কত পরিশ্রম করে, একটু ঘুমিয়েছে, থাক না। আমি ততক্ষণ তোমাদের সঙ্গে গল্প করি।’

সত্যের জন্ত, ঋণের জন্ত, মতের জন্ত রামতনু বাবু সর্ববিধ নির্যাতন প্রফুল্ল ভাবে সহ্য করিতেন। সেই সকল নির্যাতনের অধিপতীক্ষার তাঁহার চরিত্রে যেন অগ্নিদগ্ধ স্তবর্ণের মত সমধিক বিস্তৃতি লাভ করিয়াছিল।

তিনি স্বভাবতঃ করুণ-হৃদয়—কোমল-প্রবৃত্তিশালী ছিলেন। কিন্তু অশ্রায় দেখিলে তিনি তাহার প্রতিবাদ করিতে কুণ্ঠিত হইতেন না, সত্যের অপলাপ দেখিলে তিনি তাহা সহ্য করিতেন না। তিনি মতের জন্য যে নির্যাতন সানন্দে সহ্য করিয়া গিয়াছেন, তাহা মনে করিলে বিস্মিত হইতে হয়।

দীনবন্ধু মিত্র মহাশয় তাঁহার ‘সুরধনী কাব্য’ গ্রন্থে রামতনু বাবুর যে বর্ণনা করিয়া গিয়াছেন তাহাতে নিপুণ চিত্রকরের তুলিকাপাতে লাহিড়ী মহাশয়ের পুঁত চরিত্রের গুণরাশি যথায়থ বিবৃত হইয়াছে :—

“পরম ধার্মিকবর এক মহাশয়,
 সত্য বিমণ্ডিত তাঁর কোমল হৃদয়।
 সারল্যের পুঙ্কলিকা, পর হিতে রত,
 সুখ দুঃখ সম জ্ঞান ঋষিদের মত।

ভিত্তেত্রিয়, বিজ্ঞতম, বিগুহ বিশেষ,
 রসনার বিরাজিত ধর্ম উপদেশ ।
 একদিন তাঁর কাছে করিলে ষাপন
 দশদিন ভাল থাকে দুর্কিনীত যন ।
 বিজ্ঞা বিতরণে তিনি সদা হরষিত,
 নাম তাঁর রামতনু সকলে বিদিত ।”

বর্তমান লেখকের ঞার ষাঁহারা তাঁহার স্নেহভাজন হইবার সৌভাগ্য লাভ
 করিয়াছেন, তাঁহারা বলিবেন, ভারতবর্ষের পুণ্যক্ষেত্র আজও ঋষিশূন্য হয়
 নাই ; যে দেশে জ্ঞানীরা পূজাচারের অমুঠানই জীবনের চরম ও পরম
 মনে করিতেন—সেই দেশেই রামতনু বাবুর আবির্ভাব সঙ্গত ও স্বাভাবিক ;
 এবং তাঁহার মত লোকের আবির্ভাবেই মানব সমাজ ধন্য হয় ।

রামতনুবাবুর চরিতকথার আলোচনার বাঙ্গালীর প্রকৃত উন্নতির
 সম্ভাবনা । আমরা আশা করি, এই পরিবর্তনের যুগে—এই সংস্কারের নামে
 উচ্ছৃঙ্খলতার প্রবর্তন কালে রামতনু বাবুর আদর্শ অমানিশায় ধ্রুব তারার
 মত বাঙ্গালীকে তাহার গন্তব্য পথের নির্দেশ করিয়া দিবে ।

আর্য্যাবর্ত—



রামগোপাল ঘোষ

লক্ষ্মী প্রিন্টিং ওয়ার্কস্‌।

আর্য্যাবর্ত্ত।

শ্রীহেমেন্দ্রপ্রসাদ ঘোষ

সম্পাদিত।


—০—

সূচী।

বিষয়	পৃষ্ঠা।
ভূঃখ	২৩৩
বৃত্তা-মিলন	২৪২
বিভাগ (কবিতা)	২৫৮
অশোকের রাজকাণ্ড ও শাসন-পদ্ধতি	২৫২
প্রশ্ন (কবিতা)	২৬৫
যুরোপ-ভ্রমণ	২৬৬
কবি (কবিতা)	২৭১
এই কি চিকিৎসা ? (গল্প)	২৭২
বঙ্কিম প্রসঙ্গ	২৮২
শ্রীকেন্দ্র	২৮৪
সমালোচনা	২৯২
ঋতুবর্ণন (কবিতা)	২৯৮
সংগ্রহ	৩০১

প্রকাশক—শ্রীকুর্গাননাথ বসু।

১০৬২ প্রাসাদার স্ট্রীট, কলিকাতা।



আপনি কি জানেন
হাঁসমার্ক লিনসিড তৈল সকলে এত
পছন্দ করেন কেন ?
রংয়ের কার্যকে উজ্জ্বল ও কাঠকে স্থায়ী করিতে
কোন তৈল ইহার সমকক্ষ নয়, পরীক্ষা দ্বারা
সকলে আশাতীত ফল পাইয়াছেন।
এণ্ড ইউল এণ্ড কোং চ ক্লাইভ রো।

সীলেন্ট চূণ

সীলেন্ট চূণের
গাঁথুনি একখণ্ড কঠিন প্রস্তরের ন্যায়
পরিণত হয়।


গ্রাহকগণের সুবিধার জন্য চূণ বস্তাবন্দী করিয়া রেল
কিন্দা ষ্টীমারে বুক করিয়া দিই।

কিলবরণ এণ্ড কোং।

৪ নং ফেয়ারলি প্লেস, কলিকাতা।

এল. এন. এস. — ২৫ নং রাস্তা সবক্লেব ষ্ট্রিট, কলিকাতা।

শিল্পীসংস্কার দাস দ্বারা মুদ্রিত।



ছঃখ ।

—০—

ছঃখের কাহিনী লইয়া আপনাদের সমক্ষে উপস্থিত হইতেছি, আপনারা ভিখারী বলিয়া প্রত্যাখ্যান করিবেন না ত? ছঃখের প্রকৃতি এই যে সে হৃদয়ের অতি নিভৃততম প্রদেশকে স্পন্দিত করিয়া আমাদের অজ্ঞাতসারে নয়নোপান্তে সমবেদনার অশ্রুবিन्दু বহিয়া আনে। ছঃখকে শত চেষ্টা করিয়াও আমরা দূরে রাখিতে পারি না। সৃষ্টির আদি হইতে যে ছঃখের করুণ গীতি ধ্বনিত হইতেছে, তাহারই পিচ্ছিত তান মূর্ছনা মানবের কাব্য-দর্শন-ইতিহাসকে আচ্ছন্ন, বিপ্লুত ও মহিমাম্বিত করিয়া রাখিয়াছে। সূর্যাস্তের ম্লিঙ্ক করজাল যেমন সাক্ষ্য মেঘমালাকে বিদ্ধ, বিদীর্ণ ও পরিব্যাপ্ত করিয়া তাহাতে নানাবর্ণ সমাবেশে বিচিত্র করিয়া তুলে, ছঃখ তেমনি মানবজীবনকে অসংখ্যভাবে ঘিরিয়া ঘিরিয়া তাহাকে ম্লিঙ্ক, গম্ভীর ও করুণ করিয়া দেয়। তাহার চেতনা, তাহার কৰ্ম-প্রবণতা, তাহার বেদনা, তাহার প্রযত্ন, তাহার মহিমা, তাহার উদারতা, তাহার আশাভরসা, তাহার হাহাকার—শতদিকে শতভাবে এই ছঃখের চিরপুরাতন অথচ চিরনূতন কাহিনী বহন করিতেছে।

তাই মানবের ভাষা এই এক ছঃখেরই অনন্ত অভিব্যক্তিতে পরিপূর্ণ। না হইবে কেন? ছঃখ হইতেই যে ভাষার জন্ম। শিশুর ক্রন্দন যে তাহার পরিষ্কৃত ভাষার অগ্রদূত। ক্রৌঞ্চ মিথুনের ছঃখে মুহম্মান হৃদয় হইতে যে শোক বা শ্লোকের জন্ম হইয়াছিল, সেই বিশ্বব্যাপিনী সমবেদনাই মানব-ভাষার আদি জননী। সেই জন্মই বোধ হয় ভাষা তাহার জননীকে প্রায় ভুলিয়া থাকে না। সহস্র কণ্ঠে সহস্র রাগিনীতে ভাষা ছঃখের গীতি গাহিয়া সমস্ত চরাচর বিশ্বকে মুগ্ধ, স্তম্ভিত করিয়া রাখিয়াছে। তাই ছঃখ লইয়াই মানবের কাব্য। নির্বাসিত যক্ষের বিলাপ, শ্রীরাধিকার বিরহ, ছামলেটের জীবনে বিস্মৃহা, নিষ্কলঙ্ক ডেস্‌ডিমনার শোকাবহ পরিণাম, পতিরতা ভ্রমরের লাঞ্ছনা—এ সকলই সেই বিশ্ব-বেদনার এক একটি মূর্ছনা। সমস্ত মানবের জীবনের মধ্য দিয়া ছঃখ যে অব্যাহত স্রোতটি বহাইয়া দিয়াছে, তাহারই এক একটি ক্ষুদ্র বৃহৎ তরঙ্গ কবিতার ছন্দে কাব্যে ফুটিয়া উঠে, আর সেই বিশ্বব্যাপিনী বেদনার স্বাক্ষরে সমস্ত মানবজীবন পূর্ণ ও পরিব্যাপ্ত হইয়া যায়।

সমস্ত সৌরজগৎ যেমন সূর্য্যকে কেন্দ্র করিয়া আবর্তিত হইতেছে, তেমনই অন্ত দিক দিয়া দেখিলে বোধ হয় যেন মানবজীবনকে কেন্দ্র করিয়া সমস্ত বিশ্ব চরাচর দিবারাত্র ঘুরিতেছে। এই বিস্তৃত পরিধির মধ্যে বিন্দুমাত্র মনুষ্য-জীবন আধ্যাত্মিক বলে সমগ্র বস্তুকে আকর্ষণ করিতেছে। সমগ্র ইহলোক ও পরলোক মানববুদ্ধির বিষয়ীভূত হইয়া প্রত্যক্ষ অথবা পরোক্ষভাবে মানবের প্রয়োজন-সাধন করিতেছে। জড়বস্তু জড়ের কোনও প্রয়োজন-সাধন করে কিনা সন্দেহহীন, কিন্তু ইহা নিঃসন্দেহে বলা যাইতে পারে যে জগতের যাবতীয় বস্তু মানবের ভাগ্যের সহিত কোনও না কোনও প্রকারে জড়িত আছেই আছে। এই যে এক বিপুল বিশ্বব্যাপী নিগূঢ় আকর্ষণ, ইহাকে এক হিসাবে বিশ্বের কেন্দ্রগামিনী শক্তি বলা যাইতে পারে। মানব এই বহুধা বিভিন্ন শক্তি-সংঘের অবিশ্রাম ঘাতপ্রতিঘাতে সর্বদা স্পন্দিত, জাগ্রত ও প্রবুদ্ধ। এই যে এক অচেনা, অজানা, বিপুল ব্রহ্মাণ্ড শক্তি নিচয়ের মধ্যে আবির্ভূত হইয়া মানব ধীরে ধীরে আপনার শক্তিসঞ্চয়পূর্ব্বক অন্ত সকল শক্তিকে অভিভূত করিবার নিয়ত চেষ্টায় কখনও উঠিতেছে, কখনও বা পড়িতেছে, ইহাই মানবের সংসার, ইহাই মানবের ভাগ্য। সুখ এবং দুঃখ এই ভাগ্যেরই অবস্থা বিপর্যয়। কখনও সুখরবির খরকিরণে সে ভাগ্য প্রসন্ন, নিশ্চল, জাজল্যমান। আবার কখনও সে সুখ কেন্দ্রীয় উষার ত্রায় ক্ষণিক ম্লান আলোকে দুঃখের চিররাত্রিকে কদাচিৎ অবসান করিয়া দেয়।

ব্যক্তিগত এবং জাতীয় জীবন এই ভাগ্যবিপর্যয়ের অতি আশ্চর্য্য আশ্চর্য্য দৃষ্টান্ত চক্ষুর সমক্ষে উন্মুক্ত করে। একদিকে যেমন যীশুর নিষ্ঠুর পরিণাম, সক্রুতিসের অপ্রত্যাশিত বিষপান, রাজপুত্র সিদ্ধার্থের সংসার ত্যাগ, সিজারের হত্যা, নেপোলিয়নের নিরাসন, অপরদিকে তেমনি পারস্যের পতন, উদ্ধার ত্রায় গ্রীসের উত্থান ও বিলয়, রোমের গৌরবদীপ্ত মধ্যাহ্নে সূর্য্যাস্ত—চিরাভিশাপ-গ্রস্ত ভারতের কথা আর তুলিয়া কাষ নাই—এ সকল ব্যক্তিগত ও জাতীয় দুঃখের কাহিনী বহন করিয়া ইতিহাস যুগযুগান্তর ধরিয়া শোকাশ্রুপূত ব্রতচারিণী বিধবার ত্রায় চলিয়াছে। তাহার প্রতি পত্র দুঃখের তপ্তশ্বাসে ত্রিয়মাণ। যেখানে কোনও ব্যক্তি বা জাতিবিশেষের আকস্মিক উন্নতি চক্ষু বলিয়া দিতেছে, সেইখানেই এক বিরাট অধঃপতনের বিপুল আয়োজনের আভাস ও অন্তর্নিহিত রহিয়াছে। যেখানে চরিত্রের মহিমায়, শৌর্য্যের গৌরবে হৃদয় আশাবিহীন হইয়া উঠে, সেইখানে আবার কলঙ্ককালিমায়, ভগ্নহৃদয়ের হাহাকারে

দিক্ আচ্ছন্ন হয়। মানবের ইতিহাস আলোচনা করিলে দুঃখের বিশাল ছায়ার শিহরিয়া উঠিতে হয়। মনে হয়, যেন দুঃখের বিরাটমূর্ত্তি মহাকায় কলোসাসের মত পদদ্বয়ের দ্বারা মানবের ভাগ্যকে অধিকৃত করিয়া দণ্ডায়মান রহিয়াছে। যতই আমরা উজ্জলতর দিকে দৃষ্টি নিবদ্ধ করিতে চেষ্টা করি না কেন, দুঃখের ছায়া অজ্ঞাতসারে তাহাকে মলিন করিয়া দেয়। সুখবাদের (optimism) একটি প্রবল বাধা এই যে সুখ বড় অনিশ্চিত, দুঃখের জ্ঞান নিশ্চিত সংসারে আর কিছু আছে কি না সন্দেহ। সুখের সমষ্টি ও দুঃখের সমষ্টি মিলাইয়া দেখিলে সুখসমষ্টিরই আধিক্য দৃষ্ট হয়— এই ধারণাই সুখবাদের স্তম্ভ-স্বরূপ। কিন্তু সুখ ও দুঃখের “সমষ্টি” আদৌ করা যায় কি না তাহা গভীর সন্দেহের বিষয়। অতীত সুখ ও বর্তমান সুখ যখন একই মাপকাঠির দ্বারা স্তিরীকৃত হইতে পারে না, অবস্থা ও কালভেদে যখন সুখ দুঃখের পরিমাণ ও প্রকৃতি অত্যন্ত পরিবর্তিত হইয়া যায়, তখন তাহাদের যোগফল তুলনা করা অসম্ভব বলিয়াই ত মনে হয়। আর একটি অতি গুরুতর কথা এই যে সুখের অনুভূতি অপেক্ষা দুঃখের অনুভূতি বোধ হয় মানব প্রকৃতিতে অত্যন্ত প্রবল। দুঃখ আমাদেরকে যত পীড়িত, ব্যথিত ও অভিভূত করে, সুখ তেমন আনন্দ দান করিতে সমর্থ নহে। সুখের মাদকতা অপেক্ষা দুঃখের তীব্রতা আমরা সমধিক অনুভব করিয়া থাকি। সেই জন্ত একদিনের, এমন কি এক দণ্ডের, দুঃখ সারাজীবনের হাসিরাশিকে ম্লান ও অকিঞ্চিৎকর করিয়া দিতে পারে। সুখ বড় হুমুলা, বিলাসের সামগ্রী, অনেক সাধনা করিয়া অল্প পরিমাণে সুখ লাভ করা যায়, সে সুখও আবার অনেক সময়ে দুঃখের সংমিশ্রণে বিশ্বাদ হইয়া যায়। দুঃখ কিন্তু চিরস্থির, অনায়াসলব্ধ এবং অকৃত্রিম। “The still sad music of humanity”—কবির এই মর্ম্মস্পর্শী বাক্যটি একটি অতি নিষ্ঠুর সত্যের আভাসমাত্র। মানুষের জীবনের সহিত দুঃখ যে কি এক নিবিড় বন্ধনে বাঁধা আছে, তাহা যে বিধাতার বিধানে নিয়ন্ত্রিত, সেই বিধাতাই কেবল বলিতে পারেন। কোন্ অনাদি অনির্কচনীয় দুঃখে এই বিশ্ব সৃষ্ট হইয়াছিল, আর কোন্ দুঃখে সমগ্র জীবের ললাটে দুঃখ লিখিত হইয়াছিল, তাহা মানবের পক্ষে চিরাক্ষ যবনিকায় আবৃত। ক্ষণিকের জন্ত ও যদি সে রহস্যময়ী যবনিকা অপসারিত হইত! কিন্তু তাহা হয় না। দুঃখের সহিত সংগ্রাম করিয়া করিয়া যখন মানব অবসন্ন হইয়া পড়ে, তখন দুঃখের নবীন মূর্ত্তি মৃত্যু আসিয়া ক্লান্ত অক্ষিপংক্তি চিরমুদিত করিয়া দেয়।

জীবনের প্রভাতে দিগ্বলয়ের পাশে যে ক্ষুদ্র মেঘখণ্ড সঞ্চিত ছিল, তাহাই প্রসারিত হইয়া দিনমানের দীপ্তিকে চিরাককারে পরিণত করিয়া দেয়।

হুঃখের সহিত সংগ্রামে পরাভূত হইয়া মানুষ কখনও বিচলিত, ক্ষুব্ধ ও সন্ত্রস্ত হইয়া উঠে, আবার কখনও সংসারের এই ক্রুর, নিশ্চয় উপহাস দেখিয়া চিন্তার আশ্রয় গ্রহণ করে। চিন্তা মানবের স্বাধীন বৃত্তি—সেখানে সে অনেক পরিমাণে শান্তি-লাভ করিতে পারে। সেই জন্ত যখন বিশ্বের সহিত কোনও রূপে মানবের বনিয়া উঠে না, চারিদিকেই যখন লাঞ্ছনা, বেদনা, অপমান আসিয়া হৃদয়কে মণ্ডিত ও প্রপীড়িত করিয়া তুলে, তখন মানব আপনার মধ্যে সংযত হইয়া একটুখানি হাঁফ ছাড়িয়া বাঁচে। মানুষের যদি কোথাও কিছুমাত্র স্বাধীনতা থাকে, তবে তাহা এইখানে। অবশ্য চিন্তার দ্বারা হুঃখের অবসান হইতে পারে কি না এবং অনন্তকাল হইতে চিন্তা করিয়া মানব হুঃখের লাঘব করিতে পারিয়াছে কি না, তাহা ভাবনার বিষয়। কিন্তু ইহা সত্য যে যতদিন হইতে মানুষ হুঃখভোগ করিতেছে, সেই অরণ্যভীত কাল হইতেই মানুষের চিন্তা হুঃখের স্বরূপ ও প্রতীকার নিরূপণে নিযুক্ত রহিয়াছে।

রাজকুমার শাক্যসিংহ যৌবনে এই হুঃখের বিশ্বরূপ দেখিয়া শিহরিয়া উঠিয়াছিলেন। জন্ম-জরা-মৃত্যু-প্রপীড়িত সংসারে সুখের আলেয়া দেখিয়া তিনি ভুলিতে পারেন নাই। তাই রাজৈশ্বর্য ফেলিয়া সন্ন্যাস-ব্রত গ্রহণ করিয়া তিনি চিন্তায় নিমগ্ন হইলেন। তাঁহার চিন্তার ফল এখনও অর্দ্ধজগৎ উপভোগ করিতেছে। “সর্বং হুঃখং হুঃখং” এই সত্যের উপর তাঁহার ধর্মের ভিত্তি স্থাপন করিলেন।

কো হু হাসো কিমানন্দো নিচ্চং পজ্জলিতে সতি।

অন্ধকারেন ওনদ্ধা পদীপং ন গবেস্‌সথ। ধম্মপদ, জরাবগ্‌গো।

বাগনা ধ্বাদি রূপ অগ্নির দ্বারা নিত্য প্রজ্জলিত এই সংসারে কিসের হাসি, কিসের আনন্দ! অন্ধকার-নিমগ্ন রহিয়াও তোমরা তত্ত্বজ্ঞান রূপ প্রদীপের অন্বেষণ করিতেছ না?

বাস্তবিকই কিসের হাসি? কিসের আনন্দ? যদি হুঃখই স্বভাবসিদ্ধ হয়, তবে কেন এ বিড়ম্বনা? কেন এ সুখের অভিনয়?

“যথা দণ্ডেন গোপালো গাবো পাচেতি গোচরং

এবং জরা চ মচ্চু চ আয়ুং পাচেত্তি পাণিনং।”

ধম্মপদ, দণ্ডবগ্‌গো।

রাখাল যেমন দণ্ডের দ্বারা তাড়না করিয়া গাভীগণকে গোষ্ঠে লইয়া যায়, তেমনই জরা ও মৃত্যু প্রাণিগণের আয়ুকে (জীবনকে) তাড়না করিয়া লইয়া যায় ।

যে তত্ত্বজ্ঞান লাভ করিলে দুঃখের কবল হইতে মুক্তিলাভ করা যায়, সে তত্ত্বজ্ঞান বহুশ্রমলভ্য । কেবল শাস্ত্র পাঠের দ্বারা সে তত্ত্বজ্ঞান লাভ করা যায় না । নির্ঝাণ রূপ পরমসুখ লাভ করিতে হইলে বাসনার উচ্ছেদ-সাধন করিতে হয় । অনাদি বাসনা হইতে কৰ্মের উৎপত্তি এবং কৰ্ম হইতে ফলের উৎপত্তি ; কৰ্মফল হইতে পুনঃ পুনঃ জন্মলাভ হয়, জন্ম হইতে রোগ, শোক, জরা মৃত্যু প্রভৃতি অশেষ দুঃখ ভোগ করিতে হয় । অতএব তত্ত্বজ্ঞানের দ্বারা মোহ বাসনার নিরাস হইলে কৰ্ম ক্রয়প্রাপ্ত হয় ; কৰ্ম ক্রীণ হইলে কৰ্মফল বিলীন হইতে থাকে, স্মৃতরাং জন্ম এবং তাহার অবশ্যস্বাবী সহস্র দুঃখ কষ্ট আর ভোগ করিতে হয় না । অতএব দুঃখের প্রতীকার সম্বন্ধে ভগবান বুদ্ধ উপদেশ করিলেন :—

“তন্ হায় জায়তে সোকো তন্ হায় জায়তে ভয়ং

তন্ হায় বিপ্রমুক্তস্ নখি সোকো কুতো ভয়ং ?”

ধন্যপদ, পিয়বগ্ গো ।

তৃষ্ণা হইতে শোক জন্মে, তৃষ্ণা হইতে ভয় জন্মে, তৃষ্ণা হইতে বিপ্রমুক্ত ব্যক্তির শোক থাকে না, ভয় থাকিবে কেমন করিয়া ?

বৌদ্ধের চিন্তাশ্রোত যেমন জগতের দুঃখবেদনারাশি দূর করিয়া নির্ঝাণের জ্ঞান অস্তঃকরণের উর্ধ্বরতা সম্পাদন করিয়া দিতে প্রবাহিত হইয়াছিল, তেমনি অগ্রাণ্ড ভারতীয় দর্শন ও দুঃখের কঠোর তত্ত্ব উপলব্ধি করিয়া তাহার প্রতিবিধানকল্পে আবিভূত হইয়াছিল । ভগবান আদিবিদ্বান কপিল দুঃখের প্রস্তাবনা লইয়া সাংখ্যদর্শনের উদ্বোধন করিলেন :—

দুঃখত্রয়াভিঘাতাজ্জিজ্ঞাসা তদবঘাতকে হেতৌ

দৃষ্টে সাপার্থা চেন্নৈকাস্তাত্যস্ততোহভাবাৎ ।

আধ্যাত্মিক অর্থাৎ শারীরিক ও মানসিক দুঃখ, আধিভৌতিক দুঃখ, এবং আধি-
দৈবিক দুঃখ সকল মনুষ্যকে নিয়ত তাড়না করিতেছে, এই দুঃখকে পরাভব
করিবার জ্ঞান মানব অসংখ্য উপায় অবলম্বন করিতেছে, কিন্তু তাহাতে দুঃখের
অত্যন্ত নিবৃত্তি হয় না অর্থাৎ নিঃশেষে পর্যাবসান হয় না, এই লক্ষ্যই তত্ত্বজ্ঞানের
প্রয়োজন । পুরুষ এবং প্রকৃতির ভেদজ্ঞানই সাংখ্যমতে প্রকৃত তত্ত্বজ্ঞান । এই

ভেদজ্ঞান হইতেই মুক্তি । বাস্তবিক পুরুষের বন্ধন ও নাই, মোক্ষও নাই, প্রকৃতিই বন্ধন ও মোক্ষের বিষয় । পুরুষ তত্বতঃ নিত্যমুক্ত, উদাসীন, এবং সাক্ষিস্বরূপ । প্রকৃতির সাহাচর্য্য পুরুষের যে দুঃখ, তাহা বিবেকবান ব্যক্তি আরোপিত বলিয়াই জানেন । অহুচরগণের জয় পরাজয় যেমন সেনাপতিতে বর্ত্তে, সেষ্টরূপ প্রকৃতির সুখ দুঃখ পুরুষে বর্ত্তে । “বন্ধমোক্সসংসারাঃ পুরুষে উপচর্য্যাস্তে যথা জয়পরাজয়ৌ ভৃত্যগতাবপি স্বামিন্যুপচর্য্যেতে তদাশ্রয়েণ ভৃত্যানাং তদ্ভাগিত্বাৎ তৎফলস্য চ শোকলাভাদেঃ স্বামিসম্বন্ধাৎ ভোগাপবর্গয়োশ্চ প্রকৃতিগতয়োঃ-বিবেকগ্রহাৎ পুরুষসম্বন্ধ উপপাদিত ইতি ।” তত্বকৌমুদী ।

তত্ত্বানুশীলনের দ্বারা “আমি পুরুষ, আমি ভোক্তা বা কর্ত্তা নহি, আমার স্বামিত্ব নাই,” এইরূপ যে জ্ঞান হয়, তাহাই বিশুদ্ধ বিমল তত্ত্বজ্ঞান । প্রকৃত জ্ঞানই তত্ত্বজ্ঞান, অন্যপ্রকার জ্ঞান অজ্ঞানমাত্র । “তত্ত্বজ্ঞানঞ্চ জ্ঞানমতোহন্ত-স্বিধ্যাজ্ঞানমজ্ঞানমেব ।” (ভামতী) । একবার তত্ত্বজ্ঞান হইলে প্রকৃতির খেলা সাদৃ হইয়া যায়, পুরুষকে আর তখন প্রকৃতি বাধিয়া রাখিতে পারে না । পুরুষের সুখদুঃখভোগরূপ যে অভিনয় তাহা নিবৃত্ত হইয়া মোক্ষলাভ হয় ।

“রঙ্গস্য দর্শয়িত্বা নিবর্ত্ততে নর্ত্তকী যথা নৃত্যাৎ

পুরুষস্য তথাআনং প্রকাশ্য নিবর্ত্ততে প্রকৃতিঃ ।”

সাংখ্যকারিকা ।

দর্শকদিগের নিকট নৃত্য দেখাইয়া যেমন নর্ত্তকী নিবৃত্ত হয়, তেমনই প্রকৃতি পুরুষের নিকট আত্মস্বরূপ প্রকাশিত করিয়া প্রবৃত্তি হইতে বিরত হইয়া থাকেন ।

চৈতন্য-বিশিষ্ট নিজস্ব পুরুষ দুঃখের অতীত । অচেতন, জড়-প্রধান অথবা প্রকৃতিই দুঃখের আশ্রয় । কারণ প্রবৃত্তি হইতে দুঃখের জন্ম । পুরুষের ত কোন ও প্রবৃত্তি নাই, সুতরাং পুরুষের দুঃখ কল্পিতমাত্র । প্রশ্ন হইতে পারে অচেতনের অবার প্রবৃত্তি কি ? তদ্বত্তরে বলা যায়, বৎসের জন্ত অচেতন দুঃখের যেমন স্বতঃ করণ প্রবৃত্তি আছে, অচেতন প্রকৃতির ও তেমনই মোক্ষের জন্ত প্রবৃত্তি স্বীকার করিতে বাধা কি ?

জার্মান দার্শনিক শোপেনহাওয়ার ও জগতের দুঃখ ক্লেশের উৎপত্তি নির্ণয় করিতে গিয়া এক অচেতন প্রবৃত্তির (blind irrational will) অস্তিত্ব স্বীকার করিয়াছিলেন । অচেতন অন্ধ প্রবৃত্তি হইতে জগতের উৎপত্তি হইয়াছে, কাষেই জগতে দুঃখের আতিশয্য । দুঃখই জীবের স্বাভাবিক অবস্থা, সুখ দুঃখের অভাবমাত্র । (প্লেটোর মত ও এইরূপ ।) বাঁচিয়া থাকিবার অন্ধ

বাসনা হইতেই অসংখ্য দুঃখের সৃষ্টি। জীবন এক প্রকাণ্ড মরীচিকামাত্র “প্রথমে মার্শ্বগুদগ্ধ নিরবচ্ছিন্ন মধ্যাহ্নের মত উধর এই সংসার” জন্মই দুঃখের আকর; সুখদুঃখ বিরহিত নির্ঝাণই এক মাত্র কামনার বস্তু। শোপেন হাওয়ার বৌদ্ধ মতের প্রতি পক্ষপাতী ছিলেন।

শোপেনহাওয়ারের শিষ্য হার্টমান তাঁহার আচার্য্যের গ্রাম দুঃখকেই সারতত্ত্ব বলিয়া মানিয়াছিলেন এবং দুঃখের নিবৃত্তিকেই পরম পুরুষার্থ বলিয়া স্বীকার করিয়াছিলেন। কিন্তু তাঁহার মতে জগতের মূল প্রবৃত্তি একান্ত অচেতন নহে। চৈতন্যের সহিত প্রবৃত্তির মিলনই হার্টমানের চিন্তার মুখ্য ফল। তাহা হইলেও হার্টমান বৈদান্তিকের গ্রাম জগৎকারণকে প্রথম হইতেই সচেতন বলিয়া গ্রহণ করেন নাই। তাঁহার মতে প্রবৃত্তি প্রথমে অচেতন ছিল। সেই অচেতন প্রবৃত্তি হইতে সৃষ্টির আরম্ভ; কিন্তু সৃষ্টি প্রক্রিয়া আরম্ভ হইতেই চৈতন্যের আবির্ভাব হইল। চৈতন্য আবির্ভূত হইয়া জগৎকে নানাপ্রকারে শৃঙ্খলাসম্পন্ন ও সম্পূর্ণ করিতে চেষ্টা করিল। সেই চেষ্টার ফলে জগতের কার্য কারণ পরস্পরের মধ্যে অনেক সময়ে একটি সচেতন প্রেরণা দেখিতে পাওয়া যায়। চেতনা রূপ জননী এবং কাম (প্রবৃত্তি) রূপ জনক হইতে জগতের প্রসব হইয়াছে, প্রসবের পরে চেতনা গুণবতী মাতার গ্রাম গর্ভজাত সন্তানকে নানা উপকরণে সাজাইতে চেষ্টা করিয়াছেন, কিন্তু প্রবৃত্তির যে উদ্যম অন্ধ প্রকৃতি, তাহা যাইবে কোথায়! কাষেই জগতের অসম্পূর্ণতা স্বাভাবিক এবং দুঃখ ও অনিবার্য্য। প্রবৃত্তির যখন বিনাশ হইবে, দুঃখের তখন অন্ত হইবে। যেহেতু প্রবৃত্তি হইতে জগতের উৎপত্তি হইয়াছে, প্রবৃত্তির বিনাশ হইলে জগৎ ও ধ্বংস প্রাপ্ত হইবে। সেই পরম নির্ঝাণই একমাত্র কামনার বস্তু।

সৃষ্টির মূল যে প্রবৃত্তি, তাহাকে গয়টে ও অচেতন বলিয়া স্বীকার করিয়াছেন সৃষ্টির আদিতে “কর্ম” ছিল (“Im Anfang war die That” Faust) এই কর্ম প্রবৃত্তি প্রথমে অচেতন ছিল। (বৌদ্ধেরা বলিতেন “অবিজ্ঞা হইতে বাসনার জন্ম।”) গাতীর ক্ষীর যেমন অচেতন হইলে ও বৎসের জন্ম প্রবাহিত হয়, তেমনই এই কর্ম-প্রবণতা অজ্ঞাতসারেই তত্ত্বজ্ঞানের অভিমুখে প্রবর্তিত করিতেছে।

তত্ত্বজ্ঞান যে দুঃখ নিবৃত্তির এক মাত্র উপায়, ইহা হিন্দু ও বৌদ্ধ দার্শনিকেরা সকলেই স্বীকার করিয়াছেন। এই বিষয়ে খৃষ্টীয় ধর্মতত্ত্বের সহিত এ দেশীয় চিন্তার কিঞ্চিৎ পার্থক্য লক্ষিত হয়। বাইবেলে যে মৌলিক পাপের বর্ণনা

আছে, তাহা হইতে মনে হয় যে মানুষ সেই নিষিক ফল ভক্ষণ করিবার পূর্বে সুখে স্বচ্ছন্দে ছিল ; পরে প্রবৃত্তির প্রেরণায়ই হউক আর চিরাপরাধিনী স্ত্রী জাতির পরামর্শেই হউক, সেই ফলের আশ্বাদ গ্রহণ করিয়া মৃত্যু ও দুঃখভোগের অভিসম্পাত লাভ করিল। খৃষ্টান শিক্ষকগণ জন্মান্তর বাদ ও কর্মফলের তত্ত্ব বুঝিতে পারেন না, বলেন যে এক জন্মের পাপের প্রায়শ্চিত্ত অপরজন্মে কিরূপে হইবে ? বিশেষতঃ যখন পূর্ব জন্মের পাপের স্মৃতি পর্য্যন্ত পরজন্মে থাকে না। কিন্তু তাঁহাদের অনেকেই অবলীলাক্রমে এই মৌলিক পাপের তত্ত্ব (Theory of Original Sin) মানিয়া আসিতেছেন। এক জনের পাপের প্রায়শ্চিত্ত নিরপরাধ ভবিষ্যৎশীয়েরা কেন করিবে তাহা বুঝিয়া উঠা সহজ নহে। পিতার ধাতুগত দোষ যে পুত্রে বর্তে, সেই তত্ত্বই বিধাতার ঞ্চার-বিচারের সহিত মিলাইয়া উঠা কঠিন ; তাহাতে একজনের দোষে যে অনন্ত কাল ধরিয়া সমগ্র মানব জাতি প্রায়শ্চিত্ত করিয়া গরিবে, ইহা বুঝা আর ও কঠিন ব্যাপার বলিয়া মনে হয়। তারপর এই ফলভক্ষণব্যাপারকে যদি রূপক বলিয়া কল্পনা করা যায়, এবং ফলকে জ্ঞান-বৃক্ষের ফল বলিয়া মনে করা যায়, তাহা হইলে দেখিতে পাই যে জ্ঞানলাভই দুঃখের কারণ। এক দিক দিয়া দেখিলে কথাটা ঠিক। জ্ঞান না থাকিলে সুখ-দুঃখের অনুভূতি হয় না। মনুষ্য ও নিম্ন শ্রেণীর প্রাণীর মধ্যে অনুভূতি বিষয়ে প্রভেদ এই যে পশু-পক্ষিগণ যন্ত্রণা অনুভব করে মাত্র (কোন কোন দার্শনিক তাহাও স্বীকার করেন না), মানুষ জ্ঞানের দ্বারা আপনার অবস্থা, দুঃখের প্রকৃতি ও পরিমাণ বুঝিতে পারে। চিন্তার দ্বারা তাহার অশ্র-মাণি সে শতগুণে বাড়াইয়া লয়। কিন্তু যে জ্ঞানের দ্বারা দুঃখকে দুঃখ বলিয়া প্রতীতি হয়, তাহা অনুভবমাত্র। প্রকৃত জ্ঞান তাহা নহে ; প্রকৃত জ্ঞানের অধিকারী মৃত্যু হইতে অমৃত উপনীত হইলেন।*

সংসার দুঃখময়, ইহা বৈরাগ্যের মূল সূত্র। এই বৈরাগ্য হইতেই প্রবৃত্তির উচ্ছেদ হয়। প্রবৃত্তি অনন্ত দুঃখের আকর। সেই জন্মই হিন্দু দর্শনে দুঃখ বাদের আতিশয্য। দুঃখবাদের দ্বারা সমস্ত কর্ম-প্রবণতার মূল প্রস্রবণকে জমাইয়া ভুবারে পরিণত করা বোধ হয় তাঁহাদের উদ্দেশ্য ছিল না। চরিত্রনীতি যদি হিন্দু দর্শনের মূল ভিত্তি হয়, তবে দুঃখের এক বিরাট মূর্ত্তি সম্মুখে রাখিয়া সংসার ও সাধনার অভ্যাস করিবার চেষ্টা বর্তমান সুখবাদের যুগেও যে মূল্য

* অবিদ্যায়া মৃত্যুঃ তীর্ষা বিদ্যায়াইমৃতমমৃতং । শ্রুতিঃ ।

বিহীন এ কথা বলা যায় না। দুঃখের মধ্য দিয়া চরিত্রের অধি পরীক্ষা হয়।[†] সংসারে যে সুখ নাই একথা বোধ হয় হিন্দুদর্শনকার বলিতেন না।

“ন সুখস্যান্তরালনিষ্পত্তেঃ।” গৌতমসূত্র ৪র্থ অধ্যায় ১ম আঃ।

সংসারে যে সুখ নাই, একথা বলা মহর্ষি গৌতমের অভিপ্রেত নহে। দুঃখ-চ্ছায়া সমাচ্ছন্ন সংসারে সুখের আলোক কণিক ও অনিশ্চিত, ইহা জানিয়াই ঋষিগণ বৈরাগ্যের উপদেশ করিতেন। সুখের জন্ত লালসা না থাকিলে যদি জীবনে দুঃখও আসে, তাহা হইলেও তাহা সহ করা সহজ হইবে এই উদ্দেশ্য-প্রণোদিত হইয়া তাঁহারা বলিয়াছেন,

ম তদ্যবস্থিতং পুংসাং ন তৎকর্ম ন তদ্বচঃ

ন তদ্বোগঃ সমস্তীহ যন্ন দুঃখায় কন্যাতে।

ভুদিদং সর্বং দুঃখং ভাবয়মানো বিরজ্যতে বিরক্তো বিমুচ্যত ইতি। জ্ঞান-দর্শন।

ইহ জগতে আমাদের এমন কিছু নাই যাহা দুঃখান্বক নহে। অতএব সমস্তই দুঃখমূল ইহা ভাবিয়া বৈরাগ্য অবলম্বন কর। বৈরাগ্য অবলম্বন করিলে দুঃখ হইতে মুক্তি লাভ করিবে। তত্ত্বজ্ঞান জন্মিলে মনে বৈরাগ্য উদ্ভিত হয় এবং বৈরাগ্যই নিঃশ্রেয়সলাভের একমাত্র পন্থা।

বেদান্তের মতেও তত্ত্বজ্ঞানই দুঃখনিবৃত্তির মুখ্যতম সাধন বলিয়া বর্ণিত হইয়াছে। এখানে একটু বিশেষত্ব দৃষ্ট হয় এই যে আত্মার মুক্তির জন্ত জ্ঞানই একমাত্র ফলোপধায়ক। মোক্ষ বিষয়ে অন্ত কোনও ব্যাপার, অনুষ্ঠান বা ক্রিয়ার অপেক্ষা নাই। ষাণ্মত্বের অনুষ্ঠানে মুক্তির পথে বিশেষ অগ্রসর হওয়া যায় না; “নিঃশ্রেয়সফলত্ব ব্রহ্মজ্ঞানং ন চ অনুষ্ঠানান্তরাপেক্ষং।” শঙ্কর ভাষা। তবে শমদমাদিসাধনসম্পৎ এবং মোক্ষের জন্ত আকাঙ্ক্ষা না থাকিলে তত্ত্বজ্ঞানের অধিকার জন্মে না। কর্মকাণ্ড প্রাথমিক সোপান মাত্র। সংসারানল দগ্ধ হইয়া শান্তির সলিলে নিমজ্জন করিবার জন্ত জীব বধন আকুল হয়, তখনই তাঁহাকে ব্রহ্মতত্ত্ব উপদেশ করিতে হইবে। (বেদান্তসার) ইহার দ্বারা বুঝা যাইতেছে যে বৈরাগ্য উপস্থিত না হইলে ব্রহ্মজ্ঞানের অধিকার জন্মে না।

† Suffering is not only the postulate whence our moral nature starts, it is also the discipline through which it gains its true elevation—
Martineau's Study of Religion Vol. II, P. 94.

নিত্যানিত্যবিবেকের নাম তত্ত্বজ্ঞান । ব্রহ্মই নিত্য, আর সমস্তই অনিত্য । জীবাত্মার সহিত পরব্রহ্মের যে ভেদজ্ঞান তাহা অলীক, কল্পিত, অবিদ্যা-জনিত । অবিদ্যা দূর হইলে ব্রহ্মের সহিত আত্মার অভিন্নত্ব পরিস্ফুট হইয়া উঠে । এই অর্থে তত্ত্বজ্ঞানই মোক্ষ । অতএব ব্রহ্মজ্ঞানই পরমপুরুষার্থ । “বিগলিত-নিখিলহুঃখানুশব্দপরমানন্দধনব্রহ্মাবগতিব্রহ্মণঃ স্বভাব ইতি সৈব নিশ্চয়সংপুরুষার্থঃ” ।—ভামতী । “ব্রহ্মবেদ ব্রহ্মৈব ভবতি” । ব্রহ্মের স্বরূপ সৎ, চিৎ এবং আনন্দ । হুঃখানুশব্দলেশবিহীন যে চিৎস্বরূপ আনন্দ সেই আনন্দই ব্রহ্ম । জীব যখন তাহার ব্যবহারিক সত্তাকে পরমার্থতবে বিলীন করিয়া দিতে পারে, যখন তাহার আশিষের অভিমান দূর হইয়া এক বিরাট সর্বব্যাপী নিত্যশুদ্ধবুদ্ধ-স্বভাবে নিমজ্জিত হয়, তখন তাহার মোহজাল, তাহার হুঃখরাশি অপসারিত হইয়া যায় । তত্ত্বজ্ঞানলাভের আর একটি ফল এই যে দেহকে আত্মা বলিয়া যে ভ্রম মানবের মনে বদ্ধমূল রহিয়াছে, দেহেন্দ্রিয়াদির সুখহুঃখ লইয়া তাহার যে অভিমান তাহাকে ইতস্ততঃ ধাবিত করিতেছে, তাহা বিদূরিত হয় ।

চার্বাকেরা বলেন দেহাতিরিক্ত আত্মা নাই,

“দেহে হৌল্যাদিযোগাচ্চ স এবাত্মা ন চাপন্ন ।”

“আমি হুল”, “আমি কুল” এইরূপ উক্তি হইতে স্পষ্টই বুঝা যায় যে দেহ এবং আত্মা অভিন্ন” । সুতরাং চার্বাকগণের মতে দেহের সুখই আকাজকার বস্তু যদি তাহাতে হুঃখের মিশ্রণ থাকে, তাহা ক্ষতি কি ? কোন মুখ তুঁবেল সস্তাব আছে বলিয়া ততুল আহরণে বিরত হয় ? (চার্বাক দর্শন) ইউরোপে এপিকিউরাসের শিষ্যগণও ক্ষণিক সুখের অনুসরণকেই সারনীতি বলিয়া মানিয়াছিলেন । চার্বাক ও এপিকিউরাস উভয়ের এই সুখবাদের মধ্যে একটি প্রচ্ছন্ন অতিমাত্র ব্যস্ততা লক্ষিত হয় । যেমন করিয়া হটক জীবনকে উপভোগ করিয়া লও, এই যে বর্তমান মুহূর্তটি তাহার সুখহুঃখ লইয়া তোমার নিকট আসিয়াছে, ইহা এখনই চলিয়া যাইবে, আর ফিরিয়া আসিবে না ; অতএব ইহার সুখটুকু লুটিয়া লইতে ভুলিও না । পরমুহূর্তে তোমার ভাগ্যে কি আছে কে বলিবে ? ওমর খাইয়মের কবিতার মধ্যে যেমন একটি হুঃখের সঙ্কল্প তান রহিয়াছে, দুর্দমনীর সুখলিপ্সার নিয়ম দিয়া যেমন হুঃখের অন্তঃ-সলিল বহিয়া যাইতেছে, তেমনই এই সকল দার্শনিকগণ সুখ সুখ করিয়া জগতের হুঃখবাহন্যকে আরও স্পষ্টতর করিয়া তুলিয়াছেন । হাসিতে গিয়া তাঁহাদের নয়নপংক্তি আর্দ্র হইয়া উঠিয়াছে । দেহের সুখ হুঃখ লইয়া বাহারা

যাত, তাহার সুখ খুঁজিতে গিয়া হুঃখ আহরণ করিয়া ফিরিয়া আসে। বাসনার তৃপ্তিই জীবনের সমস্ত সুখের নিলয় মনে করিয়া তাহার বাসনারূপ ক্রীড়িকার দিকে ধাবিত হয়! ন জাতু কামঃ কামানাং উপভোগেন শাম্যতি। কাজেই বাসনার অনলশিখা আরও দাহ করিতে থাকে। সুখাশেষী এপি-কিউরীয়গণও ইহা কিয়ৎ পরিমাণে বুঝিয়াছিলেন, এবং বাসনাকে দমন করিবার বিধিযুক্ত উপদেশ প্রদান করিতে তাঁহারা ভুলেন নাই। যুহুর্ভের সুখ অপেক্ষা সমগ্র জীবনের ঘনীভূত সুখ যে শ্রেয়স্বর, তাহাও তাঁহারা উপদেশ করিয়াছিলেন, কিন্তু গোড়ার যে ভুল রহিয়া গেল,—অর্থাৎ প্রকৃতির চরিতার্থতাই সুখ—সেই ভুলের ফলে তাঁহাদের উপদেশ এক অস্বাভাবিক, অস্বস্তি স্বার্থবাদে পরিণত হইয়াছে।

বেদান্ত দেহ এবং আত্মাকে সেই জন্ত সম্পূর্ণ পৃথক করিয়া দৈহিক তৃপ্তিকে নিতান্ত অকিঞ্চিৎকর বলিয়া প্রতিপন্ন করিলেন। দেহে যে আত্মার অধ্যাস অর্থাৎ ভ্রমাত্মক কর্তব্য হয়, তাহা তত্ত্বজ্ঞানের দ্বারা বিনষ্ট হয়। আকাশে যেমন প্রাকৃতজন নীলকান্তির আরোপ করে, অবিদ্যাশ্রিত ব্যক্তি সেইরূপ দেহকেই “আমি” পদবাচ্য বলিয়া মনে করে। আত্মার স্বরূপ জানিলে এই অধ্যাস দূর হইয়া যায়, তখন আর অনিত্য দেহের হুঃখে লোকে সন্তপ্ত হয় না। তখন রোগশোক মৃত্যুর অতীত হইয়া আত্মা আপনার আনন্দধন স্বভাবে তৃপ্তি লাভ করেন। আত্মা অচ্ছেদ্য, অক্লেশ্য, অজর, অমর, শীতোষ্ণ-সুখদুঃখাদির অতীত। (ভগবদ্গীতা) এই অর্থে, আত্মতত্ত্বের দ্বারা বেদান্ত মরজীবনের হুঃখকে অতিক্রম করিতে চেষ্টা করিয়াছেন।

পাশ্চাত্য ষ্টোয়িক (Stoic) দার্শনিকগণ জ্ঞানী পুরুষের (Theory of the Wise man) আদর্শ স্থাপন করিয়া বেদান্তের জ্ঞান তত্ত্বজ্ঞানকে আশ্রয় করিয়াছিলেন। তিনিই প্রকৃত জ্ঞানী, যিনি পৃথিবীর সুখদুঃখে সম্পূর্ণ উদাসীন। হুঃখে নুঃখিগমনা সুখে নুঃখ বিগতম্পৃহঃ। এইরূপ চরিত্রই আদর্শচরিত্র। পৃথিবীতে হুঃখ, অসংখ্য, অজস্র; কিন্তু তাহাতে বিচলিত হইলে হুঃখেরই জর হইবে; জ্ঞানী ব্যক্তি পার্থিব সুখদুঃখকে গ্রাহ্য করেন না। বেদান্তের জ্ঞান ষ্টোয়িকগণও অদ্বৈতবাদী। সমস্ত বিশ্বচরাচর অনন্ত চিৎশক্তির (Logos) দ্বারা অসুপ্রাপিত। কবি ওয়ার্ডস্‌ওয়ার্থ টিণ্টারন আবে নামক কবিতার এই সর্বব্যাপী সত্তার একখানি সুন্দর ছবি অঙ্কিত করিয়াছেন। বিশ্বনিয়ন্তৃশক্তি (Pneuma) সর্বলোকে অবস্থিতি করেন, ইহাও ষ্টোয়িকগণ কর্তব্য করিতেন।

চৈতন্যরূপ সর্বশক্তিমান ঈশ্বরের সৃষ্ট বিশ্বে দুঃখ ও পাপ কেমন করিয়া আসিল, তাহারও একটা মীমাংসা করিবার জন্য ঠৌম্বিকগণ চেষ্টা করিয়াছিলেন । তাঁহাদের মতে অনেক দুঃখই প্রকৃতপক্ষে অমঙ্গল নহে । অনেকস্থলে দুঃখ মঙ্গলের নিদান । যেমন যুদ্ধ । যুদ্ধে লোকক্ষয় হয় বলিয়া পৃথিবী অত্যধিক জনাকীর্ণ হইতে পারে না । যে সকল স্থলে দুঃখকে একরূপভাবে উড়াইয়া দেওয়া যায় না, সেরূপ স্থলে ঠৌম্বিকগণ স্বীকার করেন যে জগতের অসম্পূর্ণতাই (Imperfection) দুঃখ ক্রেশের জননী । সমস্ত জাগতিক ক্রিয়া ও প্রণালী সাধারণ বিধিসমূহের দ্বারা নিয়ন্ত্রিত । এই সকল সাধারণ নিয়ম ব্যক্তিবিশেষের অপেক্ষা করে না । সুতরাং সাধারণতঃ সমগ্রের পক্ষে যাহা মঙ্গলাস্পদ অংশের পক্ষে বা ব্যক্তি বিশেষের পক্ষে তাহা মঙ্গলাস্পদ না হইতেও পারে । এই অসম্পূর্ণতার জন্যই জগতে দুঃখকষ্টের প্রাচুর্য্য দেখিতে পাওয়া যায় । আধুনিক ইংরেজ দার্শনিক মার্টিনোর মতও এইরূপ । সুখদুঃখকে অগ্রাহ্য করিয়া যিনি কর্ত্তব্যকর্ম্মের অনুষ্ঠান করেন, তিনিই প্রকৃতপক্ষে সুখী । পাশ্চাত্য জগতে ঠৌম্বিকগণই কর্ত্তব্যবুদ্ধির (conception of Duty in the abstract) প্রবর্ত্তক ।

ঠৌম্বিকগণ বিধাতার মঙ্গলময় বিধানে আস্থাবান হইলেও দুঃখের উপলব্ধিকে একেবারে বর্জন করিতে পারেন নাই । চতুর্দিকে দুঃখের অস্তিত্ব দেখিয়া তাঁহারা আনন্দপ্রমোদকে সর্বদা দূরে রাখিতেন । “মধুবিষমিশ্রিত অন্ন খাইতে গিয়া এমন কে শিল্পিবর আছেন যিনি বিষভাগ পরিত্যাগ করিয়া মধুভাগ গ্রহণ করিতে পারেন ?” এই গম্ভীরপ্রকৃতিক ঠৌম্বিকগণের মধ্যে কেহ কেহ আত্মহত্যার সমর্থন করিতে ও কুণ্ঠিত হইতেন নাই । রোগশোক দুঃখ যখন একেবারে চারিদিক হইতে ঘনাইয়া আসে, জীবন যখন যন্ত্রণার অধীর হইয়া উঠে, তখন সে দুঃখ নিবারণ করিবার ক্ষমতা সকলেরই আছে । আত্মবিনাশের মহান্ অধিকার ভগবানই আমাদের হস্তে বৃত্ত করিয়াছেন, আত্মহত্যার দ্বারা দুঃখ হইতে নিষ্কৃতি লাভ করিবার এই চরম অধিকার মানবের শ্রেষ্ঠ স্বাধীনতা । (এপিক্টেটস্) । দুঃখতত্ত্বের মীমাংসার ব্যাপ্ত হইয়া ঠৌম্বিকদিগের চিন্তা এই অদ্ভুত এবং অস্বাভাবিক ফল প্রসব করিয়াছিল ।

আর একটি বিষয়ের উল্লেখ করিয়া এই বিস্তৃত প্রবন্ধের উপসংহার করিব । দুঃখতত্ত্বের আলোচনা করিতে গিয়া দার্শনিকগণ কখনও কখনও দুঃখকে একেবারে কামিনিক বলিয়া উড়াইয়া দিতে চাহিয়াছেন । কেহ কেহ বলেন

যে দুঃখ পারমার্থিক নহে। আমাদের ভাবনাই সুখদুঃখের জন্ম দায়ী। আমাদের চিন্তার দ্বারা আমরা একটি ঘটনাকে সুখাত্মক বা দুঃখাত্মক রূপে দেখিতে পারি। যখন আমার পায়ের আঙ্গুল কাটিয়া গিয়াছে, তখন আমি ইচ্ছা করিলে ইহাকে সুখ বা দুঃখের প্রাণোজক বলিয়া মনে করিতে পারি। শারীরিক যন্ত্রণায় যখন আমি অস্থির হইতেছি, তখন আমি মনে করি, যে আমার নিতান্তই দুঃখদৃষ্ট, আমি সংসারে কেবল কষ্ট ভোগ করিবার জন্যই জন্মগ্রহণ করিয়াছিলাম, হয়ত এই ক্ষত বিধাক্ত হইয়া উঠিয়া অচিরে আমার ভবলীলা সাজ করিয়া দিবে, তাহা হইলেই আমার পুত্রকন্যাতির মুখদর্শনে আমাকে চিরজন্মের মত বঞ্চিত হইতে হইবে ইত্যাদি ইত্যাদি....., এইরূপ চিন্তা মনে উদ্ভিত হইলে আমার চক্ষু ফাটিয়া জল আসিবে, আমি নিশ্চয়ই চতুর্দিক অন্ধকার দেখিব, এবং জীবনে অভিসম্পাত না করিয়া থাকিতে পারিব না। আর যদি মনে করি, আমার সামান্য পায়ের আঙ্গুল কাটিয়া গিয়াছে বইত নয়, আর একটু হইলে আরও গুরুতর ক্ষতি হইত, এমন কি জীবনসংশয় হইতে পারিত। সামান্য আঘাত অল্প দিনেই ভাল হইয়া যাইবে, যাহারা চিরকালের জন্য উত্থানশক্তি রহিত হইয়া পড়িয়া আছে, তাহারা কি দুর্ভাগ্য! এইরূপ চিন্তা করিলে দুর্ঘটনার লঘুত্বের জন্য ও নিজের শুভাদৃষ্টের জন্য ঈশ্বরকে ধন্যবাদ না দিয়া থাকিতে পারা যায় না। নিজের ইচ্ছার উপর যখন সুখদুঃখ নির্ভর করে, তখন প্রকৃতপক্ষে সুখদুঃখের স্বতন্ত্র সত্তা কোথায় ? (জেম্‌স্ হিণ্টন)

“শব্দাদ্যবিশেষেহপি চ ভাবনাবিশেষাৎ সুখাদি বিশেষোপলব্ধেঃ।”

(শঙ্কর ভাষ্য ২ অঃ ২ পাঃ ২ শ্লঃ)

একই শব্দ, একই স্পর্শ, একই রূপ কেবল ভাবনার পার্থক্য অনুসারে কাহার কিছুতে সুখ, কাহার কিছুতে দুঃখ হইয়া থাকে। কিন্তু সুখদুঃখ যে কেবল মানবের কর্তন্য উপর নির্ভর করে, বস্তুতঃ তাহাদের কোনও স্বতন্ত্র অস্তিত্ব নাই, এরূপ সিদ্ধান্ত সমীচীন বলিয়া বোধ হয় না।

যাহা হউক, দুঃখের অস্তিত্ব যদি স্বীকার করা যায়, তাহা হইলে আর একটা প্রশ্ন আসিয়া পড়ে; তাহার মীমাংসা জগতের ধর্মতত্ত্বের একটি বিবৃ্ত স্থান অধিকার করিয়া আছে; আমি পূর্বেই স্থানে স্থানে তাহার কিঞ্চিৎ আভাস দিয়াছি, সুতরাং উপসংহারে তৎসম্বন্ধে সংক্ষেপে আর দুই একটি কথা বলিলে অপ্রাসঙ্গিক হইবে না। এ জগতে দুঃখ কেন ?

এই প্রশ্নের সমাধান করিতে আন্তিক দার্শনিকগণ ব্যতিব্যস্ত হইয়া পড়িয়াছেন। এত দুঃখক্লেশের সহিত এক পরমকারুণিক ভগবানের ধারণার সামঞ্জস্য রক্ষা করা অনেকস্থলে কঠিন হইয়া পড়িয়াছে। গাণেশপূজা শিশুরা যখন বৃষ্টিচাত কুম্ভের ন্যায় করিয়া পড়ে, সংসারের একমাত্র অবলম্বন, অন্ধের নয়ন পুত্র যখন অনাথা জননীকে ফাঁকি দিয়া চলিয়া যায়, ভূমিকম্প, ভীষণ ঝটিকায়, বা জলপ্লাবনে সহস্র সহস্র লোক হাহা-কারে গগন বিদীর্ণ করিয়া যন্ত্রণায় ছটফট করিতে করিতে মৃত্যুমুখে পতিত হয়, তখন আমরা অশ্রুসিক্ত নয়নে কেবল ভগবানের করুণার দিকে চাহিয়া সাহায্যলাভ করিতে পারি না। যিনি বিশ্বাসী, তিনি অবশ্য গভীর বিশ্বাসের বলে মনে করিতে পারেন যে ভগবানের মঙ্গলময় বিধানে এসবই ভাল। কিন্তু এরূপ একান্তবিশ্বাস-সম্পন্ন ব্যক্তির সংখ্যা নিতান্তই বিরল। অবশ্য বাহারা আমাদের অল্পবুদ্ধিতার দোহাই দিয়া জগতের যাবতীয় দুঃখক্লেশ ও নির্ভর ব্যাপারকে সমর্থন করিতে চাহেন, তাঁহাদের বিনয় ও নির্ভর উভয়ই বিশ্বয়জনক। তাঁহারা বলিবেন, এ সকলই মঙ্গলের জন্য, কেবল আমাদের অল্পবুদ্ধি সমস্ত বিষয় বুঝিতে সমর্থ নহে। সসীম কি অসীমকে ধারণা করিতে পারে? খন্দোতের আলোক দেখিয়া মধ্যাহ্নসূর্যের জ্যোতিঃ মাপিতে চাহ? এইরূপ দীনতার ভাব লইয়া যাহারা জাগতিক মঙ্গলে আস্থাবান, তাঁহাদের বিশ্বাস অসীম। এরূপ বিশ্বাসীর সংখ্যা ও বেশী নাই বলিয়া বোধ হয়।

পূর্বেই বলিয়াছি যে খৃষ্টানগণ এই দুঃখনিচয়ের কারণ নির্দেশ করিতে গিয়া এক মৌলিক পাপের কল্পনা করিয়াছেন। স্বর্গভ্রষ্ট দেবতা মহাশয়ও নিরন্তর মনুষ্যকে পাপের দিকে লইয়া যাইবার জন্য ব্যস্ত আছেন। পাপই দুঃখের মূল; দুঃখের ফলভোগ করিতেই হইবে, সেইজন্য নরনারায়ণ অথবা নরদেবতা খৃষ্ট (Man in God, God in man—Tennyson) সমস্ত মানবের দুঃখের ভার স্বন্ধে লইয়া অতি নির্ভর মৃত্যুকে আলিঙ্গন করিলেন। তাঁহার ললাটে সেই কণ্টক কিরীট যে স্বর্গীয় জ্যোতিতে উদ্ভাসিত হইয়াছিল, তাঁহার কনককিরণে সহস্র সহস্র মানবের হৃদয় আজিও পুলকিত ও মহিমাষিত। খৃষ্টানদিগের স্বর্গ নিরবচ্ছিন্ন সুখের আলয়। সংসারের নিশ্চয় কশাঘাতে কাতর মানব পরলোকে সমস্ত অত্যাচার ও অবিচারের প্রতীকার আশা করে। পুত্রশোকাতুরা মাতা, স্বামিবিয়োগ বিহ্বলা পত্নী স্বর্গে গিয়া পুত্র ও পতির মর্শ্ব কামনা করে। হিন্দু দার্শনিকগণের সহিত খৃষ্টানগণের এইখানে একই

প্রভেদ আছে। পৌরাণিকগণ যদিও বিভিন্ন সূত্রে উপাদানে তাঁহাদের স্বর্গকে সাজাইয়া লন—দিব্যস্ত্রীকরচাকচামরবীজন হঠতে উর্বসী ত্রিলোক্যমার নৃত্যগীতাদির উপভোগ কিছুই বাদ দেন নাই, তাহা হইলেও দার্শনিকগণ এই স্বর্গকে দুঃখানুশঙ্গবিহীন বলিয়া মনে করেন না। তাঁহারা এই স্বর্গের অস্ত্র লালায়িত নহেন। পরলোকে গিয়া পুত্রকল্যাণাদির সহিত মিলিত হইয়া পরম সুখে কাল বাপন করিব এরূপ চিন্তা তাঁহাদের নাই। পুত্রকল্যাণাদির সহিত যে বন্ধন, তাহা মারার খেলা মাত্র মনে করিয়া নিষ্ঠাবান হিন্দু ইহলোকেই সে সকল হইতে বিমুক্ত হইতে চেষ্টা করেন। ইহলোকের অনিত্য সুখ কল্পনা তাঁহারা পরলোক পর্য্যন্ত বহিয়া লইয়া যান না।

খৃষ্টানগণ যেমন দুঃখ ও পাপের জন্ম ঈশ্বরাতিরিক্ত এক স্বভাব কারণের কল্পনা করিয়াছিলেন, অত্যাচার ধর্ম্মেও সেরূপ কল্পনা দেখিতে পাওয়া যায়। আবেস্তার সং ও অসং, আলোক ও অন্ধকার (অহরমসদ্ ও আরিমান) এই দুই প্রকার দেবতার অস্তিত্ব স্বীকৃত হইয়াছে।

হিন্দু দার্শনিকগণ এইরূপ ব্যাখ্যায় সঙ্কষ্ট হইতে পারেন নাই। যে তত্ত্বজ্ঞানকে তাঁহারা পুরুষার্থ বলিয়া নির্দেশ করিয়াছিলেন, (সক্রোতিস ও বলিতেন ধর্ম্ম এবং তত্ত্বজ্ঞান অভিন্ন—Virtue is knowledge), সেই তত্ত্বজ্ঞানের দ্বারা তাঁহারা দুঃখের কারণ নির্ণয় করিতে চেষ্টা করিয়াছিলেন। তাহার ফলে হিন্দুদর্শনে জন্মান্তরবাদের এবং কর্ম্মফলবাদের আবির্ভাব হইল। যে অসংখ্য দুঃখক্লেশ সংসারকে ভয়াকুলিত করিয়া তুলিয়াছে, তাহার হেতু এ জন্মে খুঁজিয়া পাওয়া কঠিন, এজন্য জন্মান্তরের কল্পনা আবশ্যিক হইয়া উঠে। কর্ম্মচক্র নিয়ত ঘূর্ণমান, সুখদুঃখ সেই কর্ম্মচক্রের নেমী মাত্র। সেই কর্ম্মচক্রের আবর্তনে পুনঃপুনঃ জীবকে সংসারে আসিতে হয়। যে দুঃখ এজন্মে অসহ্য বোধ হইতেছে, তাহা পূর্ব্বে জন্ম বা প্রাক্কনের ফল মনে করিয়া শান্ত হও। কর্ম্মোচ্ছেদের চেষ্টা কর, তাহা হইলেই সংসার বন্ধন খসিয়া পড়িবে। যদি কর্ম্মের উচ্ছেদ সাধন করিতে চাও, কর্ম্মফলের আকাঙ্ক্ষা করিও না; নিকামভাবে কর্তব্যের অনুষ্ঠান করিলে, (Kant's Categorical Imperative—নিরপেক্ষ বিধি) কর্ম্মের ফলস্বরূপ সুখদুঃখকে উপেক্ষা করিলে (Stoic Indifference), বাসনার কটাহে দখ হইতে হয় না। সুখ দুঃখের অতীত জীব মোক্ষপন্থার আকৃষ্ট হইয়া একমাত্র ঈশ্বরের শরণ গ্রহণ করেন ("বাম্বেকং শরণং ব্রহ্ম" শ্লোক)।

অনেকে বলেন যে সংসারকে বাহারা অনিত্য মনে করেন তাহারা সকলেই হুঃখবাদী এবং এই জন্যই ভারতীয় অদ্বৈতবাদ হুঃখবাদের সহিত জড়িত । আমাদের যে অলসতাও অসাড়তা, তাহাও এই অদ্বৈতবাদের স্বক্কে চাপাইয়া দেওয়া হয় । অবশ্য অদ্বৈতবাদ আত্মাভিমানকে খর্ব করিয়া যে কর্মনিষ্ঠাকে সজ্জ্বলিত করিয়াছে সে বিষয়ে সন্দেহ নাই । মানুষ হুঃখের কশাঘাতেই ইতস্ততঃ ধাবিত হয় এবং যতই সে সুখকে স্পৃহনীয় ও নিজের আয়ত্ত বলিয়া মনে করে ততই তাহার কর্ম প্রবৃত্তি বর্দ্ধিত হয় । বোধ হয় হুঃখের তাড়না এবং পুরুষকারাশ্রয়ই পাশ্চাত্য জগৎকে এত কর্মময় ও সমৃদ্ধি-সম্পন্ন করিয়াছে । কিন্তু আশ্চর্য্যের বিষয় এই যে, যে অদ্বৈতবাদ ও নিকাম কর্মো-পদেশের দ্বারা ভগবান অর্জুনকে যুদ্ধে প্রবৃত্ত করিলেন, তাহাই আমাদের মধ্যে অলসতা আনিয়া দিয়াছে ! অদ্বৈতবাদ হুঃখবাদকে আশ্রয় করিয়া জন্মে নাই অগতের হুঃখ বিমিশ্রিত ক্ষণস্থায়ী সুখের প্রতি বীতশ্রদ্ধ হইয়া অদ্বৈতবাদী এক উচ্ছন্নতর অনাবিল চিরন্তন সুখের কামনা করিয়াছিলেন । ক্ষণিক সুখবাদের তুলনায় ইহাকে নিত্যসুখবাদ বলিতে পার, কিন্তু ইহাকে হুঃখবাদ বলিলে সঙ্গত হইবে না ।

বাহা হউক, হুঃখের তত্ত্বমীমাংসার মানবের এত যে ঐকান্তিক প্রবল তাহা কতদূর সফল হইয়াছে ? হুঃখ কি কমিয়াছে ? যেখানে মরুভূমি ছিল, সেখানে কি পুষ্পের উদ্যানে পরিণত হইয়াছে ? এ প্রশ্নের কোনও তাত্ত্বিক (theoretical) উত্তর দেওয়া সম্ভবপর বলিয়া মনে হয় না । দর্শনশাস্ত্র যে ভাবেই এ প্রশ্নের মীমাংসা করুক না কেন, বাবহারতঃ এ মীমাংসার অন্য কেহ অপেক্ষা করে না । সংসারের স্রোত এক মুহূর্ত্তও এ মীমাংসার অন্য দাঁড়াইয়া নাই । সাধারণ দৃষ্টিতে লোকে সহজেই বুঝিয়া লয় যে সংসারে যত আসক্ত হওয়া যায়, ততই উর্গানাভে মক্ষিকার মত আরও আবদ্ধ হইয়া পড়িতে হয় ; হুঃখের বোঝা ততই বাড়ে । স্বার্থকে যত বড় করিয়া দেখা যায় ; ততই প্রকৃত মঙ্গল দূরে চলিয়া যায় । মানুষ আপনার লাভ খুঁজিতে গিয়া কেবল কণ্টকের বোঝা মাথায় করিয়া লইয়া আসে ।

তুমেব সুখং নামে সুখমস্তি । ছান্দোগ্য ৭।১৩

আনন্দ পাইতে হইলে ভুমানদের অনুসন্ধান করিবে, অন্নে সুখের তৃষ্ণা কখনও মিটে না ।*

শ্রীধর্মেশ্বরনাথ মিত্র ।

যুত্যা-মিলন ।

নবম পরিচ্ছেদ ।

—:~:—

বিপদ ।

—o—

পত্রবাহকদিগকে পাঠাইয়া রাজা একবার কক্ষের সম্মুখে মুক্ত অলিন্দে আসিলেন । উপরে আকাশ নক্ষত্র-খচিত ; চারিদিকে স্নিগ্ধ স্তম্ভি । রাজার মনে হইল, জীবনে এইরূপ স্নিগ্ধ স্তম্ভি কবে আসিবে ? অন্ধকারে—মেঘাবৃত গগনের এক প্রান্তে একটী ক্ষীণজ্যোতি তারকার আলোকের মত আশা তাঁহার হৃদয়েও লক্ষিত হইল । তিনি কক্ষে প্রত্যাগত হইলেন ।

তখন অতিরিক্তশ্রান্তিজনিত অবসাদ অনুভূত হইল । রাজা বসিয়া ভাবিতে লাগিলেন—ভাবিতে ভাবিতে তাঁহার নিদ্রাকর্ষণ হইল ; তিনি শয়ন করিলেন—তাঁহার পর অল্পক্ষণের মধ্যেই গাঢ় নিদ্রায় অভিভূত হইয়া পড়িলেন ।

কক্ষের দ্বার ও বাতায়ন মুক্ত ছিল ; প্রভাতের প্রথম আলোক ফুটিতে না ফুটিতে গৃহ আলোকিত হইল । রাজা জাগিয়া মন্ত্রীকে ও সেনাপতিকে আসিতে সংবাদ দিলেন ।

মন্ত্রী ও সেনাপতি আসিলে রাজা তাঁহাদিগের সহিত আবশ্যিক পরামর্শ করিলেন । রাজার নিকট সকল কথা শুনিয়া উভয়েরই মুখ বিবর্ণ হইয়া গেল । এ বিপদের সম্ভাবনা ছিল সত্য, কিন্তু এত সত্ত্বর যে এ বিপদ ঘটিবে, তাহা কেহই মনে করেন নাই ।

রাজা বলিলেন, “আমি জানিতাম, এ বিপদ অনিবার্য ; আমি যোগলের স্বভাব বিশেষরূপে লক্ষ্য করিয়াছি ।”

তাঁহার পর রাজা সৈন্তবল সম্বন্ধে নানা কথার আলোচনা করিলেন ; নানা স্থানে যেরূপ উপদেশ দিয়াছেন তাহা দুইজনকে জানাইলেন । উভয়েই বলিলেন, সে অবস্থায় অত্র কোনরূপ উপদেশ দিবার ছিল না ।

বহুক্ষণ পরামর্শের পর মধ্যাহ্নের অল্পক্ষণ পূর্বে মন্ত্রী ও সেনাপতি বিদায় লইয়া স্ব স্ব কার্যালয়ে গমন করিলেন ।

রাজা অজয় সিংহকে ডাকিয়া পাঠাইলেন ।

অল্পকণ পরে অজয় সিংহ আসিয়া উপস্থিত হইলেন ।

রাজা ভ্রাতাকে বসিতে বলিলেন ; তিনি বসিলে বলিলেন, “অজয়, সংবাদ শুনিয়াছ ?”

অজয় সিংহ বলিলেন, “কিসের সংবাদ ?”

“মোগল সেনা রাজ্য আক্রমণ করিতে আসিতেছে । গতকল্য রাত্ৰিকালে আমি সংবাদ পাইয়াছি । দুই তিন দিনেই তাহারা রাজ্য-সীমায় উপস্থিত হইবে ।”

অজয় সিংহের বোধ হইল যেন, তিনি সহসা আলোকোজ্জ্বল গিরিশিখর হইতে গভীর অন্ধকূপে পতিত হইলেন । তিনি কোন কথা বলিতে পারিলেন না ।

রাজা তখন সংবাদ প্রাপ্তি হইতে এ পর্য্যন্ত যাহা করিয়াছেন, সমস্ত ভ্রাতার নিকট বিবৃত করিলেন ।

অজয় সিংহ নীরবে সব শুনিলেন, কোন কথা কহিতে পারিলেন না । রাজার কথা শেষ হইলে তিনি কেমন অন্তমনস্ক ভাবে বলিলেন, “মোগল শক্তির সহিত কি আমরা সংগ্রামে সমর্থ হইব ?”

রাজা বলিলেন, “না । আমাদের পরাজয় অনিবার্য্য ।”

অজয় সিংহ বিষয়ে ভ্রাতৃমুখে চাহিলেন ।

রাজা স্নেহে ভ্রাতার স্বক্লে করসংস্থাপন করিয়া বলিলেন, “আমি তাহা জানিয়াই কার্য্যে প্রবৃত্ত হইয়াছিলাম । রাজপুত সংগ্রামে মৃত্যু ভুলিয়া যাইতেছে । সে আদর্শের উদ্ধার আবশ্যিক । আমি সে কার্য্য করিব ।”

অজয় সিংহ ভ্রাতার চরণে পতিত হইলেন, “আপনার সঙ্গে সঙ্গে যে ভবিষ্যতের সকল আশার অবসান হইবে ! আমি আপনার আদেশে মোগলের সহিত সংগ্রামে প্রবৃত্ত হইব ।”

জ্যেষ্ঠ স্নেহে কনিষ্ঠকে তুলিয়া বলিলেন, “অজয়, আমি রাজা ; আমিই এ কার্য্যের অধিকারী । তুমি অধিকারী নহ । স্নেহবন্ধনে বাঁধিয়া আমাকে কর্তব্য-চ্যুত করিও না ।”

অজয় সিংহ বলিলেন, “আমার কি কোন কর্তব্য নাই ?”

“আছে । আমার পর সমস্ত রাজকর্তব্য তোমার,—রাজ্য-রক্ষা, প্রজা-পালন, রাজপুতগোরবের পুনরুদ্ধার এ সকল তোমার কর্তব্য হইবে ।”

“আমি এ কর্তব্য কেমন করিয়া পালন করিব ?”

“সেই কথা বলিব বলিয়া তোমাকে ডাকিয়াছি,—এই আমার শেষ উপদেশ ।”

অজয় সিংহ কাঁদিয়া ফেলিলেন ।

রাজা বলিলেন, “অজয়, তাই, স্থির হও। আর ধৈর্য্যচ্যুত হইবার সময় নাই, পুষ্পদ্বারে শত্রু, বিপদ আসন্ন; এখন ধৈর্য্যচ্যুত হইও না। স্নেহ, প্রেম, ভক্তি কর্তব্য এ সকলের অপেক্ষা অধিক আদরণীয়। আজ আমি তোমাকে তোমার কর্তব্যের কথা বলিব।”

অজয় সিংহ শুনিতে লাগিলেন।

রাজা বলিলেন, “আমি সেতু পরীক্ষা করিয়া দেখিয়াছি। সেতুর দুইটি স্তম্ভ নষ্ট করিয়া রাখিতে হইবে, তাহা হইলে সেতু দুইজন অশ্বরোহীর ভার সহিতে পারিবে না; সহজে নষ্ট করা যাইবে। বিজয়ী মোগল সেনা যদি সেতু নষ্ট করিবার পূর্বে কোনরূপে পুরপ্রবেশের চেষ্টা করে, তবে তাহারা সেতুর মধ্যভাগে আসিলেই সেতু ভাঙ্গিয়া পড়িবে। আর আমাদের প্রয়োজনে তুমি সেতুর অবস্থা জানিয়া আবশ্যক ব্যবস্থা করিতে পারিবে।”

অজয় সিংহ বুঝিলেন, রাজা বুঝিয়াছেন, তিনি স্বয়ং আর ব্যবস্থা করিতে পারিবেন না।

রাজা বলিলেন, “তুমি সেতুর মুখ রক্ষা করিবে। আমি যদি মোগল সেনার সহিত সংগ্রামে নিহত হই, তবে আর আমার দেহ উদ্ধারের চেষ্টা করিও না। কিন্তু সম্ভবতঃ শত্রুদল আমাকে বন্দী করিতে চেষ্টা করিবে; পিঞ্জরাবদ্ধ রাজপুতকে দিল্লীর রাজ-সভায় দেখাইতে ইচ্ছা করিবে। সেই আশঙ্কায় আমি প্রত্যাবর্তনে পথ শঙ্কটশঙ্কন করিয়াছি। মোগল সেনা দীর্ঘ পথ ঘুরিয়া আসিবে, ততক্ষণ গুপ্ত পার্কৃত্য পথে আমরা সেতুমুখে আসিতে পারিব। জানিও জীবনের আশা থাকিতে আমি সংগ্রাম হইতে বিরত হইব না। যদি সেতুমুখে ফিরিয়া আসি, জানিও আমার বাঁচিবার আশা নাই। সেতু অধিক ভার সহিতে পারিবে না, আমার মস্তক দেহচ্যুত করিয়া আনিয়া সংকার করিও।”

এই আদেশ শুনিয়া অজয় সিংহ সম্মুখে বিষণ্ণ দেখিয়া বিচলিত পদিকের মত বিচলিত হইলেন। রাজা বলিলেন, “স্থির হইয়া গুন। তোমার পুর-প্রত্যাবর্তন আবশ্যিক; অনর্থক আপনাকে বিপন্ন করিও না।”

অজয় সিংহ বলিলেন, “আমি পুরে প্রত্যাবর্তন করিয়া কি করিব?”

রাজা বলিলেন, “সেতু নষ্ট হইলে মোগল সহজে পুরপ্রবেশ করিতে পারিবে না। বিশেষ এ রাজ্যে প্রলোভনীয় কিছুই নাই। তখন মোগল সন্ধিপ্রার্থী হইতে পারে। তাহা হইলে—তুমি সন্ধির আবরণে আবার প্রস্তুত হইতে পারিবে।”

“এখন কি সন্ধি অসম্ভব?”

“যুদ্ধের পূর্বে সন্ধি ! সে কাপুরুষের কার্য্য। বিশেষ রাজপুত্র যে আদর্শ হারাইতেছে, যুদ্ধের পূর্বে সন্ধিতে তাহার পুনরুদ্ধার অসম্ভব।”

“তবে কি নিশ্চয় মৃত্যু জানিয়া যুদ্ধে প্রবৃত্ত হওয়াই আবশ্যিক ?”

“এ ক্ষেত্রে তাহাই কর্তব্য।”

অজয় সিংহ আবার বলিলেন, “আমি যুদ্ধে যাই। আপনি যে মহৎ অনুষ্ঠানে প্রবৃত্ত হইয়াছেন, আপনি ব্যতীত আর কেহ তাহার সংসাধনে সমর্থ হইবে না।”

“কাষ কাহারও জন্ত বাধিয়া থাকে না। এ কাষ তুমি আমার অপেক্ষা সুসম্পন্ন করিতে পারিবে।”

অজয় সিংহ বিস্মিত ভাবে বলিলেন—“আমি !”

রাজা বলিলেন, “হাঁ। আমার এ কাষ কর্তব্য-পালন; তোমার কেবল তাহাই নহে।”

অজয় সিংহ কিছু বুঝিতে পারিলেন না—বিস্ময়বিষ্ফারিত নেত্রে জ্যেষ্ঠের মুখে চাহিয়া রহিলেন।

রাজা বলিলেন, “আমি তোমাকে কিছু বলি নাই সত্য; কিন্তু তুমি কি আমার সকল কথা জান না? আমি এতদিন লক্ষ্যভ্রষ্ট হইয়া কর্তব্যে উদাসীন ছিলাম; আপনি হতাশ হইয়া স্বার্থক আমি কর্তব্য ভুলিয়াছিলাম। আজ তাহার প্রায়শ্চিত্তকাল উপস্থিত। আমি দেহশোণিতে আমার সে অপরাধ প্রকাশিত করিব। আমার জীবনে সুখ নাই; আমার জীবন মরুময়। যশে আমার সুখ নাই, জীবনে আমার আকর্ষণ নাই।”

অজয় সিংহ এতক্ষণে ভ্রাতার কথার অর্থ বুঝিতে পারিলেন। রাজা বলিতে লাগিলেন, “অজয়, আমার সৌভাগ্য—এ রাজ্যের সৌভাগ্য, আমার সম্মান নাই। প্রেমহীন পিতামাতার সম্মান মনুষ্যত্বের অধিকারী হয় না। তুমি আপনি ভাগবাসিয়া বিবাহ করিয়াছ। তাই আমি তোমার বিবাহ সিদ্ধ বলিয়া গ্রহণ করিয়াছি। তোমাদের সম্মান একদিন এই রাজ্যের অধীশ্বর হইবে এ কর্তব্যেও আমার পক্ষে সুখের। তুমি তোমার সম্মানগণের জন্ত রাজ্য রক্ষা করিবে; তাহাদের গৌরবের জন্য কীর্ত্তি অর্জন করিবে; তাহাদের জননীর সুখের জন্ত যশস্বী হইতে সচেষ্ট হইবে। তুমি আমার অপেক্ষা ক্ষত্রিয় গৌরবের উদ্ধার-কার্য্য সুসম্পন্ন করিতে পারিবে! আমি তোমার উপর এ কার্য্যের ভার দিয়া সুখে মরিতে যাইতেছি; আমার মৃত্যুতে আমার হৃৎকের অবসান, আর নূতন আদর্শের প্রতিষ্ঠা।”

আজ জ্যেষ্ঠের জীবনের দারুণ নিষ্ফলতা ও অসৌম বেদনা কনিষ্ঠের নিকট পরিষ্কৃত হইয়া উঠিল। তিনি বুঝিলেন, যুক্তিতর্কে তিনি জ্যেষ্ঠকে নিরস্ত করিতে পারিবেন না। তিনি তথাপি বলিলেন, “তবে অনুমতি করুন, আমি আপনার সঙ্গে সঙ্গে যুদ্ধ করিব।”

রাজা স্নেহে বলিলেন, “তুমি সে অনুমতি পাইবে না; আমি দিব না। জীবনে তোমার আকর্ষণ আছে; সেই আকর্ষণ তোমার মঙ্গলকর। তাহাই তোমাকে কর্তব্য-পথে পরিচালিত করিবে। যদি তোমার দ্বারাও আমার অনুষ্ঠিত কার্য সম্পন্ন না হয় তুমি তোমার সম্মানদিগকে ব্রত উদ্‌ঘাপনের ভার দিয়া যাইতে পারিবে।”

অজয় সিংহ কিছুতেই মন স্থির করিতে পারিতেছেন না দেখিয়া রাজা বলিলেন, “অজয় বেলা হইয়াছে। যদি সময় পাই আবার এ বিষয়ের আলোচনা করিব।”

অজয় সিংহকে উখনোযোগী দেখিয়া রাজা বলিলেন, “অজয়, যাইও না। আজ দুই ভাই একত্র আহা করিব।”

জ্যেষ্ঠের স্বর স্নেহাঙ্গু।

এই কথায় অজয় সিংহের নয়ন অশ্রুপূর্ণ হইয়া আসিল। তিনি বুঝিলেন, হয় ত জীবনে দুই ভ্রাতার মিলনের একরূপ সুযোগ আর ঘটবে না বুঝিয়াই আজ জ্যেষ্ঠ এ কথা বলিলেন।

আহায়ে বসিয়া জ্যেষ্ঠ কনিষ্ঠের সহিত অন্য কথা কহিতে লাগিলেন—তিনি নানা বিষয়ের আলাপ করিতে লাগিলেন, যেন আসন্ন বিপদের ছায়া—মৃত্যুর মূর্তি তাহাকে কিছুমাত্র বিচলিত করিতে পারে নাই। জ্যেষ্ঠের অবিচলিত ধৈর্য্য, সঙ্কল্পের দৃঢ়তা, হৃদয়ের বল ও আদর্শের উচ্চতা দেখিয়া অজয় সিংহের হৃদয় ভক্তিতে পূর্ণ হইয়া গেল।

অপরাহে সংবাদ আসিল, আর এক দিনে মোগল-বাহিনী রাজ্যের সীমার উপনীত হইবে।

রাজা, মন্ত্রী, সেনাপতি, অজয় সিংহ ও শঙ্কর সিংহকে লইয়া কর্তব্য বিষয়ের বিচারে প্রবৃত্ত হইলেন।

দশম পরিচ্ছেদ ।

—:~:—

বিদায় ।

—•—

মোগল সৈন্য রাজ্যসীমার নিকটে উপস্থিত,—এ সংবাদ আসিল । রাজা প্রস্তুত হইয়া ছিলেন । যতদূর সম্ভব সেনাসংগ্রহ হইয়াছিল, অনেক সৈন্য পুর্বেই সীমান্তে প্রেরিতও হইয়াছিল ।

আগামী প্রাতে রাজধানীর পরিথারূপে বিরাজিতা নদীর পরপারে—কর ক্রোশমাত্র ব্যবধানে রাজ্যসীমায় যুদ্ধক্ষেত্রে জয়পরাজয় নির্ধারিত হইবে । রাজা যুদ্ধের ফল বুঝিয়াছেন ; তদনুসারে সকল ব্যবস্থা করিয়াছেন । তিনি রাজ্যের সকল কথা অজয় সিংহকে বুঝাইয়া দিয়াছেন, মন্ত্রীকে আবশ্যিক উপদেশ দিয়াছেন ; রাজ্যের ও রাজধানীর সম্বন্ধে রাজার কর্তব্য করিয়াছেন । তিনি শেষ বিদায়ের জন্ত প্রস্তুত ।

রাত্রি যখন প্রায় শেষ হইয়া আসিয়াছে তখন সংবাদ আসিল, যে সমস্ত সৈন্য যুদ্ধক্ষেত্রে যাইতে আদিষ্ট হইয়াছিল তাহারা সকলে সেতু পার হইয়া গিয়াছে । শুনিয়া রাজা বলিলেন “যুবরাজকে সেতুর দুইটি স্তম্ভ নষ্ট করিতে আদেশ দিতে বল ।”—তিনি স্বয়ং অজয় সিংহকে সেই মর্মে পত্র লিখিয়া দিলেন । দূত পত্র লইয়া চলিয়া গেল ।

রাজা কর্তব্য ত্যাগ করিয়া নিম্নে আসিলেন, তাহার পর অন্তঃপুর ও বহির্বাটীর মধ্যবর্তী উঠানে আসিলেন । আকাশে চন্দ্রকর, উঠান জনহীন—শব্দহীন । উঠানমধ্যে ভ্রমণ করিতে করিতে রাজা এক পার্শ্বে একটি রুদ্ধ দ্বারের নিকটে উপনীত হইলেন । তিনি দ্বার মুক্ত করিলেন । সেই দ্বারপথে রাজা গৃহ-বিগ্রহের মন্দির-প্রাঙ্গণে প্রবেশ করিলেন । প্রাঙ্গণ ও মন্দির জনশূন্য ; প্রাঙ্গণ প্রস্তরফলকাবৃত—পরিচ্ছন্ন । আজ অগ্রসর হইয়া মন্দিরের সম্মুখে উপনীত হইলেন । দ্বার রুদ্ধ । রাজা লোহদণ্ডের মধ্য দিয়া চাহিয়া দেখিলেন । মন্দির-গর্ভে প্রজ্বলিত দীপালোকে বিগ্রহ স্পষ্ট দেখা গেল না । রাজা আবার চাহিয়া দেখিলেন । সাধনার এমন সময় আর নাই—মন্দিরে আর কেহ নাই, চারিদিকে শান্তি ; সাধক সংসারের সকল বন্ধন বিচ্ছিন্ন করিয়াছে, তাহার সম্মুখে মৃত্যুর মহতী মূর্তি ! রাজা ভক্তিভরে প্রণত হইলেন—বলিলেন,—“হে দেবতা, তুমি ঐত

দিন বে অবোধ্য শাসকের হস্তে এ রাজ্যের শাসনদণ্ড দিয়া রাখিয়াছিলে—সে আজ তাহার রাজদণ্ড লইয়া ছেলেখেলা শেষ করিল। আজ তুমি তাহার সকল অপরাধ—সকল ক্রটি মার্জনা কর ; তাহার হুঃখ, তাহার দৌর্ভাগ্য, তাহার আকাঙ্ক্ষা, তাহার আশা—তুমি সকলই জান। তুমি এই রাজ্যের মঙ্গল কর !” রাজা আবার প্রণত হইলেন। তিনি সেই স্নিগ্ধ —শাস্ত রজনীরই মত স্থির—চাঞ্চল্যহীন।

মন্দির-প্রাঙ্গণ অতিক্রম করিয়া রাজা পুনরায় উদ্যানে প্রবেশ করিলেন। আজ তাঁহার পুরমন্দিরের বৃক্ষ পুরহিতকে মনে পড়িল। তিনিই তাঁহার জ্ঞান-চক্ষু ফুটাইয়াছিলেন। ভাবিতে ভাবিতে রাজা উদ্যানের আর এক দিকে আসিলেন। শুক্রান্তে প্রবেশের দ্বার সেই দিকে অবস্থিত। রাজা ধীরে ধীরে সেই দ্বারের সম্মুখে আসিলেন। দ্বার হইতে পথ আলোকে উজ্জ্বল। রাজাকে দেখিয়া প্রহরী সমস্তমে উঠিয়া দাঁড়াইল, রাজাকে অভিবাদন করিল। রাজা কি ভাবিতেছিলেন—দেখিতে পাইলেন না।

রাজা কিছুক্ষণ দাঁড়াইয়া কি ভাবিলেন ; স্থির হৃদয়ে সামান্য অস্থিরতার আবির্ভাব অনুভব করিলেন। রাজা আবার ভাবিলেন,—আজ সব শেষ !

ভাবিতে ভাবিতে ধীর পদে রাজা দ্বার অতিক্রম করিলেন—পথ ও সোপান অতিক্রম করিয়া দ্বিতলে উপনীত হইলেন।

প্রথম কক্ষেই রাজা দেখিলেন, উমা বসিয়া আছে। উমা সে রাত্রিতে ঘুমাইতে পারে নাই—কেবল ভাবিতেছিল। সে রাজাকে দেখিয়া উঠিয়া দাঁড়াইল। রাজা বলিলেন, “উমা, তুমি ঘুনাও নাই? সমস্ত রাত্রি জাগিয়া আছ? যাও, যাইয়া শয়ন কর।”

রাজা সে কক্ষ অতিক্রম করিলেন। রাজা প্রথমে রাণীর বিশ্রাম-কক্ষ-দ্বারে উপনীত হইলেন। কক্ষদ্বার মুক্ত ; কক্ষে আলোক জলিতেছে। রাজা কক্ষে প্রবেশ করিলেন। রাণী সে কক্ষে নাই।

রাজা সে কক্ষ হইতে বাহির হইয়া শয়ন-কক্ষে প্রবেশ করিলেন। সে কক্ষও দীপালোকে আলোকিত ; সে কক্ষও শূন্য !

রাজা হৃদয়ে সহসা বেদনা অনুভব করিলেন। তিনি মনে করিলেন, মানুষ আশায় ভ্রান্ত হয় ;—আশায় কেবল যাতনা। মেঘাঙ্ককার নিশায় সহসা বিছা-ধিক্রাণে যেমন সমস্ত প্রকৃতি নয়ন সমক্ষে সপ্রকাশ হইয়া উঠে—তেমনই আজ

তাঁহার বিবাহিত জীবন মনে পড়িয়া গেল । সে জীবনে সকল আশার আলোক হতাশার অন্ধকারে বিলীন হইয়াছে—জীবন ধূমপূর্ণ হইয়াছে ।

আজ সে জীবনে শেষ আশার নির্বাণ ! তিনি ব্রাহ্ম আশার আজ মৃত্যু-প্রবাহে পতিত হইবার পূর্বে একবার অন্তঃপুরে রাণীর নিকট শেষ বিদায় লইবার জন্ত আসিয়াছিলেন । সে আশাও হতাশার পরিণত হইল ।

রাজা ফিরিলেন ।

তিনি সোপানপ্রান্তে উপনীত হইলে উমা রাণীর সন্ধানে গেল । সে রাজাকে এত সত্ত্বর ফিরিতে দেখিয়া ভাবিল—এ কি ? উমা যাইয়া রাণীর বিশ্রাম-কক্ষে ও শয়ন-কক্ষে দেখিল, রাণী নাই । তখন সে অন্তান্ত কক্ষ দেখিতে দেখিতে রাজা কার্য্য করিতে করিতে যে বিশ্রাম-গৃহে শয়ন করিতেন সেই কক্ষে উপনীতা হইল ; দেখিল, রাণী বসিয়া আছেন । রাজা সেই কক্ষে আসিবার সম্ভাবনা জানিয়া রাণী সেই কক্ষেই তাঁহার আগমন প্রতীক্ষা করিতেছিলেন । আজ তিনি হৃদয়ের কথা ব্যক্ত করিবেন সঙ্কল্প স্থির করিয়াছিলেন । তাঁহার নয়নে নিদ্রাম্পর্শ হয় নাই । কক্ষে উমাকে দেখিয়া তিনি বিস্মিত ভাবে চাহিলেন ।

উমা রাণীকে জানাইল, রাজা অন্তঃপুরে আসিয়াছিলেন, সম্ভবতঃ তাঁহাকেই সন্ধান করিয়াছিলেন এবং না পাইয়া ফিরিয়া গিয়াছেন ।

রাণীর মস্তকে যেন আকাশ ভাঙ্গিয়া পড়িল । তিনি দ্বিজ্ঞাসা করিলেন, “রাজা কোথায় !”

উমা উত্তর করিল, “আমি তাঁহাকে সোপানশ্রেণী অবতরণোদ্যোগী দেখিয়া আসিয়াছি ।”

রাণী যেন জ্ঞানহারার মত দ্রুতপদে সেই দিকে চলিলেন, উমা সঙ্গে সঙ্গে চলিল ।

রাণী দীর্ঘ পথ-কক্ষ দ্রুত পদে অতিক্রম করিয়া সোপানশ্রেণীতে আসিয়া দাঁড়াইলেন—তাঁহার পর সোপানশ্রেণী অবতরণ করিয়া পথ বাহিয়া উদ্যান-দ্বারে উপনীতা হইলেন । সহসা তাঁহাকে সম্মুখে দেখিয়া প্রহরী সমস্ত্রমে সরিয়া গেল ।

রাণী সত্বক নয়নে দেখিলেন, রাজা উদ্যান অতিক্রম করিয়া বহির্বাটীতে প্রবেশ করিতেছেন । তাঁহার পক্ষে যেন জগতের ধ্বংস হইয়া গেল । তিনি মুহূর্ত্ত পাষাণমূর্ত্তির মত স্থির হইয়া দাঁড়াইয়া রহিলেন ; তাঁহার পুর

একবার অশ্রুবাষ্পরুদ্ধ কণ্ঠে ডাকিলেন—“উমা!” রাণীর আর বাক্যক্ষুণ্ণ হইল না। তাঁহার হই চক্ষু ফাটিয়া ঝর ঝর করিয়া অশ্রু ঝরিতে লাগিল।

এ দিকে রাজা হতাশাকাতর হৃদয়ে আপনার উপবেশন-গৃহে উপনীত হইলেন। সে কক্ষে কেবল শঙ্কর সিংহ উপবিষ্ট ছিলেন। রাজা শঙ্কর সিংহকে শেষ উপদেশ দিয়া—ভৃত্যকে আপনার বেশ আনিতে আদেশ করিলেন। ভৃত্য কোন্ বেশ আনিবে জিজ্ঞাসা করিলে রাজা মুহূর্ত্তমাত্র চিন্তা করিয়া বলিলেন, “আমি অভিষেকের দিন যে বেশ পরিধান করিয়াছিলাম, সেই বেশ আনয়ন কর।”

ভৃত্য সেই বেশ আনয়ন করিল। রাজা তাহা পরিধান করিলেন,—আজ তিনি রাজা।

রাজা যখন অশ্রুরোহণে যুদ্ধক্ষেত্রাভিমুখগামী হইলেন—তখন পূর্ব গগনে দিবালোক কেবল ফুটিয়া উঠিতেছে।

রাজা দ্রুত অশ্রুচালনা করিয়া নগর অতিক্রম করিলেন; তাঁহার মনে হইতে লাগিল—নগর যেন আসন্ন বিপদের সম্ভাবনায় স্থির।

নগরোপকণ্ঠে আশ্রমদ্বারে উপনীত হইয়া রাজা দেখিলেন, দ্বার মুক্ত। রাজা অশ্রুপৃষ্ঠ হইতে অবতরণ করিলেন,—দ্বাররক্ষককে অশ্রুবল্লা প্রদান করিয়া আশ্রমে প্রবেশ করিলেন; দেখিলেন, পার্শ্বতী অলিন্দে দাঁড়াইয়া দ্বারের দিকে চাহিয়া আছে।

রাজা অলিন্দে উঠিয়া বলিলেন, “পার্শ্বতী, আমি যুদ্ধে যাইতেছি। তোমার আশ্রমের বিষয় আমি অজয়কে বিশেষ করিয়া বলিয়া দিয়াছি।”

পার্শ্বতী জিজ্ঞাসা করিল, “যুদ্ধে পরাজয় কি অবশ্যসম্ভাবী?”—তাঁহার কণ্ঠস্বর আবেগ-কম্পিত।

রাজা বলিলেন, “হঁ।।”

“তবে যুদ্ধে প্রবৃত্ত হওয়াও কি অবশ্যসম্ভাবী? আর কোন উপায় কি নাই?”

“সকলেই যদি অগ্র উপায়ের সন্ধান করে, তবে রাজপুত্রকে বিলোপোগ্রস্থ গৌরব রক্ষার আদর্শ কে দেখাইবে?”

“কিন্তু আপনি—”

“দীর্ঘ অবর্ষণ অন্তে যখন স্নিগ্ধ বর্ষণে ধরণী শস্যপূর্ণা হইবার সম্ভাবনা হয়, তখন কোন্ পথে একজন ঋণিক বারিসিক্ত হইয়া মৃত্যুমুখে পতিত হইবে তাহা কেহ গণনা করিবে না।”

পার্বতী ধীরে ধীরে বলিল, “রাজ্যের কি হইবে?”

রাজা উত্তর করিলেন, “রাজ্য কখন রাজহীন হয় না—তাই রাজার নিধন নাই। এক যায়—আর তাহার স্থান অধিকার করে। কেবল কাহারও অস্ত্র প্রজা হই দিন হুঃখ করে—কেহ মরিলে সুখী হয়। অজয় প্রজারঞ্জন বিবরে আমার অপেক্ষা পারগ হইবে,—তাহাতেই রাজার কীর্তি ও কৃতিত্ব। আমার অস্ত্র শোক করিবার কেহই এ জগতে নাই।”

পার্বতী মুখ তুলিল, জিজ্ঞাসা করিল, “কেহ নাই!”

রাজা বলিলেন, “না।”

রাজা দেখিলেন, পার্বতীর নয়ন অশ্রুপূর্ণ হইয়া আসিল। তিনি আপনার হৃদয়ে ব্যাকুলতা অনুভব করিলেন। তাঁহার আশঙ্কা হইল, বুঝি এতদিন হৃদয়ে গোপনে রক্ষিত ভাব আজ মূহুর্ত্তে আত্মপ্রকাশ করিতে চাহিতেছে। তিনি শঙ্কিত হইলেন—বাস্তবাবে বিদায় লইলেন, দ্বারে আসিয়া আশ্বে আরোহণ করিয়া কশাঘাতে অশ্বকে বেগে চালিত করিলেন।

পার্বতী দাঁড়াইয়া দেখিল—রাজাকে লইয়া অশ্ব বেগে সেতু অতিক্রম করিয়া গেল। তাহার পিপাসিত নয়ন যেন সে মূর্ত্তি পান করিতে লাগিল।

তাহার পর অশ্ব ও অশ্বারোহী অদৃশ্য হইয়া গেল। তখন পার্বতী সেই নগ্ন হস্ত্যতলে লুটাইয়া পড়িল। রাজা যে স্থানে দাঁড়াইয়া ছিলেন—পার্বতী ভক্তিতরে সাধকের মত—প্রেমিকার মত—আসীম আগ্রহে সেই স্থান চুম্বন করিল।

বিভাগ ।

—:~:—

(সংস্কৃত হইতে)

কুহব-কোমলা বালা, বিবম বিরহ জ্বালা,
সহিতে না পারি' একাকিনী ।
নিদারুণ সে বেদনে, নিজ আশ্রবকুঞ্জে
ভাগ করি' দিল বিরহিনী ।
কর্মভেদী অশ্রুধার বকুঞ্জে দিল তা'র,
ভরজনে ভর চিন্তাভার ;

দীনভাব পরিজনে, সস্তাপ-সজনীগণে,
কিছু আর না রহিল তা'র ।
সব জ্বালা ফুরায়েছে, শুধু দীর্ঘশ্বাস আছে,
আজি কালি তাহাও ফুরাবে ।
তা'র লাগি চিন্তা আর কেন কর বারবার,
সব জ্বালা তা'র ত জুড়াবে ।

অশোকের রাজকার্য ও শাসন-পদ্ধতি।

(২)

আমরা পূর্বে প্রবন্ধে মহারাজ অশোকের সাম্রাজ্য-বিভাগ বর্ণনা করিয়াছি এবং দেখাইয়াছি যে, তাঁহার সাম্রাজ্য পঞ্চভাগে বিভক্ত ছিল ; সম্রাট পাটালপুত্রে অবস্থান করিয়া স্বয়ং সাম্রাজ্যের মধ্যস্থলবর্তী রাজ্যসকল শাসন করিতেন এবং অন্য চারিটি বিভাগ রাজকুমারগণ কর্তৃক শাসিত হইত।

কয়েকটি রাজ্য লইয়া ভিন্ন ভিন্ন বিভাগ নির্দিষ্ট ছিল। কুমারগণের নিম্নস্থ কর্মচারীদিগের নাম “রাজুক” বা রাজা। পৃথক পৃথক রাজ্য ইহাদিগের অধীনে থাকিত ; আবার এক একটি রাজ্য বিভিন্ন প্রদেশে বিভক্ত ছিল। এই সকল প্রদেশে শাসনকর্তৃগণের নাম “প্রাদেশিক”। ইহারা রাজুকের অধীনে থাকিয়া প্রদেশের রাজকার্য সম্পন্ন করিতেন। রাজুক ও প্রাদেশিকগণ সম্রাজ্যের উচ্চতম কর্মচারী ; এই জন্য তাঁহারা “মহামাত্য” নামে অভিহিত হইতেন। মহামাত্যগণের অধীনে বহু নিম্নতর কর্মচারী নিযুক্ত থাকিত। তাঁহাদিগের নাম “যুক্ত” “উপযুক্ত” প্রভৃতি। অশোকের ভিন্ন ভিন্ন অনুশাসন হইতে এই সকল কর্মচারীগণের পরিচয় প্রাপ্ত হওয়া যায়।

দেখা যাইতেছে, ইদানীং ভারত-সাম্রাজ্য যেরূপ ভাবে বিভক্ত হইয়া ইংরাজ-রাজ কর্তৃক পরিচালিত হইতেছে, অশোকের সাম্রাজ্যও প্রায় সেইভাবে পরিচালিত হইত। বিভাগীয় শাসনকর্তা কুমারগণকে আমরা আধুনিক লেফটেন্যান্ট গভর্নর বা গভর্নরের সহিত তুলনা করিতে পারি। আজকাল যেমন লেফটেন্যান্ট গভর্নরের অধীনে বিভাগের কমিশনারগণের স্থান, তৎকালে রাজুকগণ সেইরূপ কুমারদিগের অধীনস্থ কর্মচারী ছিলেন। আবার প্রাদেশিকগণ জিলার ম্যাজিষ্ট্রেটের সহিত তুলনীয়। কমিশনার এবং ম্যাজিষ্ট্রেটগণ যেমন ভারত রাজ্যের উচ্চতম কর্মচারী বা Imperial Service এর লোক, তৎকালে রাজুক ও প্রাদেশিকগণও সেইরূপ মহামাত্য বা উচ্চ কর্মচারীর পদে প্রতিষ্ঠিত ছিলেন। অশোকের যুক্ত ও উপযুক্ত অভিধেয় নিম্নতম কর্মচারীগণ আধুনিক ডেপুটি ও উপ (সাব) ডেপুটি পুত্রব।

আজকাল সরকারী কার্যালয় সকল ছোট বড় নানাবিধ কেরানীকূলে পরিপূর্ণ। সামান্য ক্লার্ক হইতে বড় বড় সেক্রেটারি পর্যন্ত সকলেই তা কেরানী। তখনও সরকারী কার্যালয়ের লিখাপড়া করিবার জন্য এক দল কর্মচারী

নিযুক্ত থাকিত ; চাণক্য তাঁহার অর্থশাস্ত্রে এই লেখক সম্প্রদায়ের কার্যকলাপ বিবৃত করিয়াছেন । এতদ্ব্যতীত সাম্রাজ্যের প্রজাবৃন্দের এবং রাজ-কর্মচারীগণের সকল বৃত্তান্ত অবগত হইবার জন্ত অশোক “প্রতিবেদক” নামে এক শ্রেণীর কর্মচারী নিযুক্ত করিয়াছিলেন । প্রতিবেদকগণ সকল সময়ে সম্রাটকে সম্রাজ্যের যাবতীয় সংবাদ গোপনীয়ভাবে জ্ঞাপন করিত ।

রাজধানী পাটলিপুত্রের রাজকার্যা-পরিচালনার্থ একটি সমিতি নির্দিষ্ট ছিল । এই সমিতি ছয়টি বিভিন্ন বিভাগে বিভক্ত ছিল । ৫ জন কর্মচারী লইয়া প্রত্যেক বিভাগ গঠিত হইত । প্রথম সম্প্রদায় শিল্পসংক্রান্ত যাবতীয় বিষয় পর্যবেক্ষণ করিত । রাজধানীর অধিকাংশ শিল্পী পারিশ্রমিক লইয়া রাজ-সরকারে কার্য করিত । এই সকল শিল্পী ও কারীকরণের পারিশ্রমিক নির্ধারণ করা, তাহাদিগের দৈনিক কার্য পরিদর্শন করা প্রভৃতি সকল কার্য প্রথম বিভাগীয় কর্মচারীগণের হস্তে বৃত্ত ছিল । দ্বিতীয় সম্প্রদায় বিদেশীয় ব্যক্তির তত্ত্বাবধান করিত । রাজধানীতে আগত বিদেশীয়গণের বাসস্থান নিরূপণ করা, তাহাদিগের সর্ব প্রকার অভাব বিমোচন করা, পীড়িত হইলে তাহাদিগের চিকিৎসার ব্যবস্থা করা—এই সম্প্রদায়ের কার্য ছিল । আজ কাল বিদেশী রাজার দূতগণ (Consuls) অত্র রাজার রাজ্যে বাস করেন । স্বদেশ হইতে কোন ব্যক্তি সেই রাজ্যে আগমন করিলে, এই দূত তাঁহার অভাব অভিযোগ শ্রবণ করেন । রাজা বিদেশীর জন্য স্বয়ং কোন বন্দোবস্ত করেন না । কিন্তু ভারতবর্ষ অতিথোর জন্ত চিরপ্রসিদ্ধ ; তাই মোর্য্যরাজ বিদেশীর অতিথি অভ্যাগতের সংকারভার স্বয়ং গ্রহণ করিতেন ; বিদেশীয়গণের সুখ-স্বচ্ছন্দতার প্রতি তাঁহার বিশেষ দৃষ্টি ছিল । তৃতীয় সম্প্রদায় অধিবাসীগণের জন্মের ও মৃত্যুর ধারবাহিক তালিকা প্রস্তুত করিত । রাজস্ব আদায়ের সুবিধার জন্ত জন্ম-মৃত্যুর হিসাব রাখা বিশেষ আবশ্যিক হইত । বোধ হয়, তৎকালে জনসংখ্যার উপরে লোকপ্রতি বার্ষিক কোন কর নির্দিষ্ট ছিল । এখনও ফ্রান্স প্রভৃতি দেশে এইরূপ কর বা Poll Tax প্রচলিত আছে । ব্যবসায়বাণিজ্য পরিদর্শনের ভার চতুর্থ সম্প্রদায়ের উপর সংক্রান্ত ছিল । এই বিভাগীয় কর্মচারীগণ পণ্যদ্রব্যাদির ওজন করিবার মান নিরূপণ করিতেন । পণ্য দ্রব্যের বিক্রয়-মূল্যের উপর একটি বিশেষ শুল্ক নির্দিষ্ট ছিল বলিয়া সকল দ্রব্যই এই বিভাগ কর্তৃক চিহ্নিত হইয়া বিক্রয়ার্থ বাজারে নীত হইত । তদুপরি যে সকল পণ্য দ্রব্য রাজধানীতে প্রস্তুত হইত, প্রথম সম্প্রদায় সেই সকল

উদ্ধারধান করিত। ব্যবসায়ীগণ নূতন ও পুরাতন দ্রব্য সকল পৃথক রাখিতে আদিষ্ট হইত এবং তাহারা রাজধানীতে প্রস্তুত, রাজ্যের অন্তর্ভুক্ত হইতে আনীত এবং বিদেশজাত দ্রব্য পৃথক ভাবে রক্ষা করিতে বাধ্য হইত। ষষ্ঠ সম্প্রদায়ের কার্য ব্যবসায়ীদিগের নিকট হইতে বিক্রীত দ্রব্যের শুদ্ধ সংগ্রহ করা। এই শুদ্ধগ্রহণ প্রথা আবহমান কাল হইতে ভারতে প্রচলিত আছে। মিগাস্থেনিস লিখিয়াছেন, ব্যবসায়ীদিগকে বিক্রীত দ্রব্যের মূল্যের দশমাংশ শুদ্ধ স্বরূপ রাজাকে প্রদান করিতে হইত। কিন্তু সকল দ্রব্যের সমান শুদ্ধ হওয়া সম্ভব নহে; বোধ হয়, দ্রব্যের প্রকার ভেদে শুদ্ধের পরিমাণের ত্রাসবৃদ্ধি হইত। মনুসংহিতার সপ্তম অধ্যায়ে দেখিতে পাই,

“ক্রয়বিক্রয়মধ্বানং ভক্তঞ্চ সপরিব্যয়ম্ ।

যোগক্ষেমঞ্চ সম্প্রক্ষ্য বাণিজ্যে দাপয়ৎ করান্ ॥”

৭ । ১২৭

বাণিজ্য দ্রব্যের ক্রয়বিক্রয়ের মূল্য, তাহা কতদূর হইতে আনীত হইয়াছে, ভক্তাদিতে কত খরচ পড়িয়াছে, চৌরাদি হইতে রক্ষার নিমিত্ত যে ব্যয় এবং লভ্যাংশ—এই সকল হিসাব করিয়া রাজা বাণিজ্য দ্রব্যের উপর কর-স্থাপন করিবেন।

সাম্রাজ্যের অন্তর্ভুক্ত প্রধান নগরীতে কিরূপ ভাবে রাজকার্য সংসাধিত হইত, তাহা ঠিক বলা যায় না; তবে “অর্থশাস্ত্র” আলোচনা করিলে মনে হয় যে, রাজধানীর ঞ্চার অন্তর্ভুক্ত প্রধান নগরের রাজকার্য ও সমভাবে এইরূপ সমিতি কর্তৃক সম্পন্ন হইত।

রাজাই ভূমির অধিস্বামী ছিলেন। কৃষকগণের নিকট হইতে রাজা উৎপন্ন শস্তের চতুর্থাংশ রাজস্ব গ্রহণ করিতেন। সময়ে সময়ে অষ্টম ভাগও গৃহীত হইত। ঋগ্বেদেই গিরিস্তম্ভে লিখিত আছে, বুদ্ধদেবের জন্মস্থান বলিয়া অশোক লুধিনী গ্রামের অষ্টভাগ কর গ্রহণ করা বন্ধ করিয়াছিলেন। বোধ হয়, ভূমির উৎপাদিকা শক্তির এবং কর্ষণ-ব্যয়ের তারতম্যানুসারে শস্তের চতুর্থ বা অষ্টমভাগ রাজার প্রাপ্য ছিল। এইরূপে রাজস্ব আদায় করিয়া প্রতি বৎসর অনেক শস্ত রাজ ভাণ্ডারে সঞ্চিত হইত। ইহার কিয়দংশ ব্যবসায়ীগণ ক্রয় করিত; কিয়দংশ রাজ-কর্মচারী ও সৈন্যগণের ভরণপোষণের জন্য ব্যয়িত হইত এবং কতক বা ভবিষ্যৎ দুর্ভিক্ষাদি-নিবারণজন্য সঞ্চিত থাকিত।

পণ্য জ্বোর শুকের কথা পূর্বেই উক্ত হইয়াছে। তদতির "উদক-ভাগ" নামে আর এক প্রকার জলকর প্রচলিত ছিল। কৃষি কার্যের উন্নতি-করে রাজা খাল কাটাইয়া দিতেন, হ্রদের চারিধার বাঁধাইয়া বাহাতে সকল সময়ে তাহাতে জল থাকে, তাহার বন্দোবস্ত করিতেন। এই সকল খালের বা হ্রদের জল কৃষকগণ নিজ নিজ ক্ষেত্রে ব্যবহার করিত এবং তজ্জন্ত ক্ষেত্রোৎপন্ন শস্তের তৃতীয় অথবা চতুর্থ, আংশ রাজাকে উদক-ভাগ স্বরূপ প্রদান করিত।

গির্গারে আবিষ্কৃত রুদ্রনামার গিরিলিপিতে লিখিত আছে,—“মৌর্য্যস্ত রাষ্ট্রেন বৈশ্বেন পুষ্যগুপ্তেন কারিতং অশোকস্ত মৌর্য্যস্ত তে (তৎ ?) ষবন রাজেন তুষাম্পেনাধিষ্ঠায় প্রণালী-ভিরলকৃতং।” মৌর্য্য-রাজ চন্দ্রগুপ্তের শালক পুষ্যগুপ্ত (এই সুদর্শন হ্রদ) প্রস্তুত করাইয়াছিলেন; মৌর্য্য-রাজ অশোকের প্রসিদ্ধ ষবন-রাজ তুষাম্প প্রণালী দ্বারা (এই হ্রদ) অলঙ্কৃত করাইয়াছিলেন। এই গিরিলিপি পাঠ করিলে স্পষ্টই প্রতীয়মান হয় যে, কৃষি-কার্যের উন্নতি-করে অশোক বিশেষ যত্নবান ছিলেন। গুজরাটের অন্তর্গত গির্গার পাটনিপুর হইতে প্রায় সহস্রাধিক ক্রোশ দূরে অবস্থিত ছিল, সেই স্থুর প্রদেশেও তিনি বহু অর্থ ব্যয় করিয়া সুদর্শন হ্রদের সংস্কার করাইয়া কৃষিক্ষেত্রে জল-সেচনের সুব্যবস্থা করিয়াছিলেন। ইহা হইতে বুঝা যাইতেছে, কৃষিকার্যের উন্নতি-বিধান করা—তিনি রাজোচিত কর্তব্য কর্ম মনে করিতেন। মিস্রদেশে নিখিলিগণ, উচ্চতন রাজ-কর্মচারিগণের মধ্যে কতকগুলি লোক, মিস্র দেশের জায়, নদনদীর তত্ত্বাবধান করিত, জমি জরিপ করিত, এবং প্রধান প্রধান খালের জল যে সকল স্রোতদ্বার দিয়া বাহির হইয়া অশ্রান্ত শাখা খালের মধ্য দিয়া প্রবাহিত হইয়া কৃষকগণের ক্ষেত্রে সমভাবে জল যোগাইত—সেই সকল স্রোতদ্বার পরিদর্শন করিত। ইহা হইতে বুঝা যাইতেছে যে, ক্ষেত্রে জল-সেচনের ব্যবস্থা করণার্থ রাজকর্মচারিগণের মধ্যে একটি স্বতন্ত্র বিভাগ ছিল।

চন্দ্র-গুপ্তের বিপুল বাহিনীর কথা সকল ইতিহাস লেখকই উল্লেখ করিয়াছেন। তাঁহার সৈন্য বিভাগে ৬০ লক্ষ পদাতিক, ৩০ সহস্র অশ্বারোহী, ২ সহস্র রণহস্তী এবং বহু সংখ্যক রথ নিযুক্ত থাকিত। রাজ্য শান্তি অশান্তি—সকল সময়েই সৈন্যগণের স্তরপোষণ এবং যুদ্ধের উপকরণাদি সংরক্ষণের ব্যয়ভার বহন করিতেন। রাজধানীর শাসনকার্য্য নির্বাহক সমিতির ন্যায়, সৈনিক বিভাগের শাসন ও পরিচালন ভার একটি পৃথক রণসমিতির উপর ন্যস্ত ছিল। এই রণ-সমিতি ৩ ছয়টি বিভাগে বিভক্ত ছিল। প্রত্যেক বিভাগের ভিন্ন ভিন্ন কর্তৃ

নির্ধারিত ছিল; এবং ৫ জন কর্মচারী প্রত্যেক বিভাগের যাবতীয় কার্য পরিচালনা করিতেন। এই ছয়টি বিভিন্ন বিভাগের পরিচর নিম্নে প্রদত্ত হইল :—

(১) জলযুক্ত বিভাগ। একজন সেনাপতি ও অন্য চারিজন কর্মচারী এই বিভাগের উপর কর্তৃত্ব করিতেন।

(২) যুদ্ধের জন্ত রসদ সংগ্রহ ও বহন বিভাগ। এই বিভাগীয় কর্মচারীগণ, সৈন্যদিগের খাদ্যাদির ব্যবস্থা করিতেন।

(৩) পদাতিক সৈন্য বিভাগ।

(৪) অশ্বারোহী সৈন্য বিভাগ।

(৫) রণ-রথ-বিভাগ।

(৬) রণ-হস্তী বিভাগ।

সৈন্যগণ সাধারণতঃ ধর্ম্মরূপ, ঢাল ও তরবারি লইয়া যুদ্ধ করিত। শত্রুপক্ষ অধিকতর নিকটবর্তী হইলে, যোদ্ধৃগণ দুই হস্তে অসি চালনা করিত। যুদ্ধ-রথে সারথী ব্যতীত, দুইজন রথী এবং রণ-হস্তীতে মাছত ব্যতীত তিন জন যোদ্ধা অবস্থিতি করিত।

তৎকালে হস্তীই রাজাদিগের প্রধান বল ছিল। হস্তী তিন্ন কোন যুদ্ধই প্রায় সংঘটিত হইত না। চাণক্য লিখিয়াছেন, রাজার যুদ্ধজয় প্রধানতঃ হস্তীর উপরেই নির্ভর করে। এই জন্তই তিনি নিয়ম করিয়াছিলেন যে, হস্তী-বিনাশকারীর প্রাণদণ্ড হইবে।

অশোকের সৈন্যবল কিরূপ ছিল তাহা তাহার অনুশাসন হইতে জানা যায় না। তবে কলিঙ্গ জয়ের সময়ে,—“ একশত পঞ্চাশ হাজার লোক বন্দী হয়, লক্ষ লোক তথায় নিহত হয় এবং উহার অনেক গুণ লোক (সেই সময়ে) মারা যায়”—ইত্যাদি বিবরণ অনুশাসনে পাঠ করিলে মনে হয় অশোকের সৈন্যবল বড় সাধারণ ছিল না।

চন্দ্রগুপ্তের রাজত্বকালে অতি ভয়ঙ্কর দণ্ডবিধি প্রচলিত ছিল। তিনি সাতিশয় কর্ণের ভাবে রাজ্য পরিচালনা করিতেন। তাহার ফলে এবং দেশের জনসাধারণ নিতাচারী ও স্বধর্ম্মপরায়ণ ছিল বলিয়া, রাজ্যে দম্মতন্ত্রানির উপদ্রব প্রায়ই ঘটত না। মিগাস্থেনিস্ লিখিয়াছেন, তিনি ষতদিন পাটলিপুত্রে ছিলেন তাহার মধ্যে একদিনও মোট.২২৫ টাকার (২০০ Drachmai) অধিক চুরি হয় নাই; অথচ তৎকালে পাটলিপুত্রের জনসংখ্যা প্রায় চারি লক্ষ ছিল।

কোন ব্যক্তি অন্য লোকের অঙ্গহানি করিলে, সেই অপরাধী ব্যক্তিরও

রাজ্যদেশে সেই অঙ্গহানি হইত ; তন্নিম্ন তাহার হস্ত ও কাটিয়া দেওয়া হইত । যদি কেহ কোন রাজকর্মচারী শিল্পীর হস্তপদাদি ছেদন করিত, তাহা হইলে সেই অপরাধী মৃত্যুদণ্ডে দণ্ডিত হইত । কোন পবিত্র বৃক্ষের অনিষ্ট-সাধন করিলে, বিক্রীত পণ্য দ্রব্যের শুদ্ধ প্রদান না করিলে অথবা রাজা যখন মৃগয়াযাত্রা করিতেন তৎকালে পথে তাঁহার গমনে বাধা প্রদান করিলে— মৃত্যুদণ্ড হইত ।

মহারাজ অশোক তাঁহার পিতামহের পদাঙ্ক অনুসরণ করিয়া অপরাধীদিগকে এইরূপ কঠোর শাস্তি প্রদান করিতেন কি না, তাহা নির্ণয় করিবার উপায় নাই । তবে তিনি যে অপত্যনির্কীর্ণশেষে প্রজাপালন করিতেন, সকল লোককেই আপনার সন্তানের ন্যায় স্নেহের চক্ষুতে দেখিতেন—তাঁহার মুক শিলালিপিগুলি আজিও এই কথা স্পষ্টাক্ষরে সাধারণে ঘোষণা করিতেছে । অশোক কলিঙ্গ গিরিলিপিতে লিখিয়াছেন,—“সকল প্রজাই আমার সন্তান আমার সন্তানগণ যাহাতে ইহলোকে ও পরলোকে সুখ-স্বচ্ছন্দতা লাভ করে, ইহা যেমন আমার অভিপ্রেত, সকল প্রকার জন্তুও আমার সেইরূপ অভিলাষ ।” আবার তিনি কর্মচারিগণকে আদেশ প্রদান করিতেছেন—“যাহাতে প্রজাবৃন্দ আমাকে বিশ্বাস করে এবং ‘রাজাই আমাদের পিতৃস্বরূপ । তিনি তাঁহার আপনার মত আমাদেরকে ভালবাসেন, তাঁহার নিকটে আমরা তাঁহার সন্তানের ন্যায়’—এই বাক্যের সত্যতা যাহাতে তাহারা বুঝিতে পারে, তাহার ব্যবস্থা করিবে ।” ইহা হইতে বুঝা যাইতেছে যে, অশোক পিতামহের ন্যায় রাজ্য-শাসনে কঠোর নীতি অবলম্বন করেন নাই । সম্ভবতঃ তিনি রাজকীয় দণ্ডবিধির আমূল পরিবর্তন করিয়া থাকিবেন ।

মৃত্যুদণ্ড অশোকের সময়েও প্রচলিত ছিল । কিন্তু পূর্বে দণ্ডাজ্ঞা প্রচারিত হইবামাত্র, অপরাধীর প্রাণবিনাশ হইত । অশোক এই প্রথার পরিবর্তন করিয়া আদেশ প্রচার করিলেন যে, দণ্ডাজ্ঞা প্রাপ্ত হইবার পরেও তিন দিবস অপরাধিগণ জীবিত থাকিবে । তাহারা এই তিন দিন পরজন্মের হিতাকাঙ্ক্ষায় দান করিবে এবং অনশনব্রত গ্রহণ করিয়া পরলোকে গমন করিবার নিমিত্ত প্রস্তুত হইবে ।

অশোকের রাজ্যাভিষেকের বার্ষিক উৎসব মহা সমারোহের সহিত সম্পন্ন হইত । জনসাধারণ আনন্দে আত্মহারা হইয়া এই উৎসবে যোগদান করিত । বন্দিগণ এই উৎসব উপলক্ষে কারামুক্ত হইত ।

অশোক প্রথমে রাজসিক বলে সাম্রাজ্য-শাসন করিয়াছিলেন। ক্রমে বয়োবৃদ্ধির সহিত যতই তিনি বৌদ্ধধর্মের নিগূঢ় তত্ত্বসমূহ হৃদয়ঙ্গম করিতে সমর্থ হইলেন, ততই তিনি উপলব্ধি করিতে লাগিলেন যে, কেবল বাহুবলে সেই বিশাল সাম্রাজ্য শাসন করা অসম্ভব। তৎপরে কলিঙ্গের রক্তপ্লাবিত রণক্ষেত্রে তাঁহার জ্ঞানচক্ষু উন্মীলিত হইয়াছিল। অতঃপর তিনি স্বয়ং গিরিলিপিতে প্রচার করিলেন,—“আমার মতে সকল বিজয়ের মধ্যে ধর্মবিজয়ই মুখ্য।” তিনি বুঝিলেন যে, বাহুবলে বা অসিসাহায্যে রাজ্য জয় করা অপেক্ষা, সাম্বিক বলে অথবা ধর্মপ্রভাবে রাজ্য জয় করাই সমীচীন। অনন্তর তিনি বৌদ্ধসভ্যের নেতৃত্ব গ্রহণপূর্বক প্রজাপুঞ্জের ধর্মোপদেষ্টা হইয়া বৌদ্ধধর্ম প্রচারার্থ বন্ধপরিকর হইয়াছিলেন। তিনি অসি দ্বারা অথবা প্রলোভন প্রদর্শন করিয়া আপনার এই মহৎ উদ্দেশ্য সাধনে প্রবৃত্ত হইয়া নাই; পক্ষান্তরে সর্বজীবে দয়া, ধর্মোপদেশ প্রদান, সাধুজনের সেবা এবং বহুবিধ লোকহিতকর কার্যের অনুষ্ঠানই তাঁহার ধর্মপ্রচারের প্রধান সহায় হইয়াছিল। “ধর্মরাজ অশোক” শীর্ষক প্রবন্ধে এই সকল বিষয়ের আলোচনা করিবার ইচ্ছা রহিল।

শ্রীমজরচন্দ্র সরকার।

প্রশ্ন।

—:—

(মূরের অনুকরণে)

কেন নীল আভা গগনে ?

তব সুনীল স্নিগ্ধ নয়নের কথা

সদা জাগে তা'র স্মরণে,

তাই নীল আভা গগনে।

কেন এ রাঙিমা অশোকে ?

তব রক্ত চরণ পরশে মাতিয়া

ফুটেছিল সে যে পলকে,

তাই এ রাঙিমা অশোকে।

কেন মধুমাখা রাগিনী ?

তব মধুর বচন ঝঙ্কারে তার

বাজিছে দিবস যামিনী,

তাই মধুমাখা রাগিনী।

কেন এ মাধুরী ভুবনে ?

তব কাণ্ড করণ নির্মল ছবি

নেহারি গগনে পবনে,

তাই এ মাধুরী ভুবনে।

শ্রীমানিকচন্দ্র ভট্টাচার্য।

যুরোপ-ভ্রমণ ।

—:~:—

(২)

ট্রেনে উঠিয়া দেখি যে, গাড়ীগুলি আমাদের দেশের গাড়ীর মত নহে । প্রত্যেক গাড়ীর দুই সীমায় দ্বার এবং লম্বালম্বিভাবে Corridor (বারান্দা) রহিয়াছে । প্রত্যেক গাড়ীতে গুটিপাঁচেক কামরা, এক এক কামরায় দুইটি বেঞ্চ, ভাল গদি ও লেস্ দিয়া মোড়া । প্রত্যেক বেঞ্চে তিনজন যাত্রীর বসিবার কথা । একটা কামরা মহিলাদিগের জন্য ও একটা কামরা ধূমপায়ীদিগের জন্য ; অবশিষ্ট তিনটা nonsmokers ; জানালায় কাচ দেওয়া এবং পর্দা দেওয়া ; কাঠের জানালা বা খড়খড়ি নাই । ধূমপায়ীদিগের গাড়ীতে জানালার নিম্নে ছাই ফেলিবার জন্য কোটার মত একটা পাত্র বসান । এ ট্রেনে প্রথম, দ্বিতীয় ও তৃতীয় শ্রেণীরই গাড়ী ছিল ; কিন্তু অনেক ট্রেনে দ্বিতীয় শ্রেণী থাকে না, বিশেষ ইংলণ্ডে । সে কথা পরে বলিব ।

আমি যখন গাড়ীতে উঠিলাম, তখন সে কামরায় আর কেহ ছিলেন না । জাহাজের সঙ্গীদিগের মধ্যে দুই জনের সঙ্গে দেখা হইল ; তাঁহারা বলিলেন, সে রাত্রি মার্শেল্‌সেই থাকিবেন ।

গাড়ী ছাড়িবার কিছু পূর্বে একজন ফরাসী যুবক আসিয়া উঠিলেন । একটি যুবতী ও একজন বালক তাঁহাকে তুলিয়া দিতে আসিয়াছিলেন । জিনিষপত্র তুলিয়া দিয়া তাঁহারা দুইজন প্ল্যাটফর্মে যাইয়া দাঁড়াইলেন, আর যাত্রীরা corridorএর জানালা নামাইয়া তাঁহাদের সঙ্গে কথাবর্তা আরম্ভ করিলেন । যখন গাড়ী ছাড়িবার সময় হইল তখন তিনি সেই জানালা দিয়া ঝুঁকিয়া যুবতীটিকে সেই লোকারণ্যের মধ্যে ক্রমাগত প্রগাঢ়ভাবে চুম্বন করিতে লাগিলেন । দেখিয়া মনে হইল, হাঁ ফরাসীদেশ বটে !

ট্রেনে একটা খাবারের বাস্ক কিনিয়াছিলাম । পুরু কাগজের বাস্ক ; তাহার মধ্যে তিন টুকরা তিন প্রকার মাংস, একখানা রুটি, কিছু মাখন, কিছু পনির, একটা আপেল, একখানা চকোলেট, একটা ছুরী, একটা কাঁটা, এক খানা প্লেট, এক বোতল জল, এক বোতল ক্লায়েট, একটা কাচের গ্লাস ও একটা কর্ক-ক্রু ; দাম মাত্র ৪ ফ্রাঙ্ক অর্থাৎ ২।০ টাকার কিছু কম ।

গাড়ী ছাড়িবার পর আমি সেই বাস্ক খুলিয়া আহার করিতে লাগিলাম ।

সহযাত্রীটি আমার সহিত আগাপ করিলেন। তিনি ভাঙ্গা ভাঙ্গা ইংরাজী জানিতেন, কথাবার্তায় খুব ভদ্রলোক বলিয়াই মনে হইল। তিনি আমাকে সমস্ত খবর দিয়া ফেলিলেন। বলিলেন, যে যুবতীটি তাঁহাকে তুলিয়া দিতে আসিয়াছিলেন তিনি তাঁহার fiancée; দুইমাস পরে বিবাহের কথা ঠিক হইয়াছে। আমাকে বিদেশী দেখিয়া তিনি খুব যত্ন ও আপ্যায়িত করিতে লাগিলেন।

যুরোপের গাড়ীতে শয়নের স্থান পাওয়া যায় না। কোন কোন ট্রেনে sleeping car থাকে, প্রথম শ্রেণীর ভাড়ার উপর প্রায় ১৫২০ টাকা অধিক দিলে এক রাত্রির জন্য শয়নের স্থান পাওয়া যায়। আমাদের ট্রেনে sleeping car ছিল না, থাকিলেও অতগুলি টাকা অপব্যয় করিতাম কি না সন্দেহ। দুইজনে দুই বেঞ্চে শুইয়া রাত্রি কাটাইয়া দেওয়া গেল। প্রভাতে উঠিয়া দেখি, দুই ধারে কেবল ছোট ছোট পাহাড়, ধারে ধারে দ্রাক্ষক্ষেত্র; গাছপালা সবই নূতন ধরণের; মাঝে মাঝে মাঠ ও ঘর দেখা যায়, সেও আমাদের দেশের মত নহে; বাড়ীর ছাত সবই ঢালু। গ্রাম, মাঠ সবই অতি পরিপাটিভাবে সাজান। অনেক নদীও দেখা গেল, সবই ছোট।

আমাদের ট্রেন rapide অর্থাৎ খুব কম ষ্টেশনে দাঁড়ায়। প্রায় ৭১০ টায় ট্রেন লারোস্ (Laroche) ষ্টেশনে দাঁড়াইল। তথায় চা পান করিতে নামিলাম। দেখি, বুফেতে (buffet) চা নাই, আছে কফি অথবা চোকোলাত বা কোকো। অগত্যা কোকো পান করা গেল। দাম মাত্র ১/১০! আমাদের দেশের তিন গুণ!! একটু পরেই সেন্ নদী দেখিলাম। এই সেন্ (Seine) যাহার নাম বাল্যকালে বিদ্যালয়ে এত করিয়া মুখস্থ করিয়া-ছিলাম? আমাদের দেশের খালের অপেক্ষাও ছোট। পাহাড় আদৌ উচ্চ নহে, জল হইতে ৩৪ হাত মাত্র হইবে; দুইধারে বেশ জঙ্গল, মধ্যে গজ ত্রিশেক চওড়া এক নদী, এরই নাম সেন্।

প্রায় ষাড়ে দশটার প্যারিসে পৌঁছিলাম।

আমার একজন বাঙ্গালী বন্ধু লগুন হইতে প্যারিসে আসিয়া আমার জন্য ষ্টেশনে উপস্থিত থাকিবেন, কথা ছিল। মার্শেল হইতে তাহাকে টেলিগ্রামও করিয়াছিলাম। ট্রেন যখন গার ডু লিয়ঁ (Gare du Lyon) নামক ষ্টেশনে আসিয়া দাঁড়াইল তখন আমি উৎসুক হইয়া তাহাকে খুঁজিতে লাগিলাম, কিন্তু তাঁহার কোনও চিহ্ন পাইলাম না; ভাবিলাম, এখন কি করি? সে যাহা

হটক, মুটে (fecteur) আসিয়া জিনিষপত্র নামাইল। এ দেশের মুটেরা মাথায় মোট বহে না; হয় ঠেলাগাড়ীতে জিনিষ তুলিয়া হাত দিয়া ঠেলিয়া লইয়া যায়, নহেত একটা চামড়ার দল দিয়া জিনিষগুলি বাধিয়া স্বক্কে ফেলিয়া লয়। মুটেরা সকলেই রেল কোম্পানীর নিকট মাহিয়ানা পায়, কাজেই যাত্রীদের নিকট যেটা পায় সেটা সবই “উপরি লাভ”।

ষ্টেশনটি খুবই বড়। একরূপ ষ্টেশন প্যারিসে আরও আটটি আছে। ষ্টেশনে সর্বত্রই ফরাসী, ইংরাজী প্রভৃতি ভাষায় লিখা “Beware of Pickpockets” অর্থাৎ গাঁটকাটার ভয়; সাবধান! ইংলেও এ রকম বিজ্ঞাপন ট্রাম, টিউব, ডাকঘর প্রভৃতি সর্বত্র দেখা যায়; কোথাও কোথাও আবার আছে “male and female” অর্থাৎ পুরুষ ও স্ত্রী দুই জাতীয় গাঁটকাটা, সাবধান।

ষ্টেশনের বাহিরে আসিয়াই বুঝিলাম, এ আমাদের দেশ নহে। রাস্তা পরিষ্কার ও পাতর দিয়া বাঁধান। বাহিরে বড় বড় হোটেলের অম্নিবস্ গাড়ী অপেক্ষা করিতেছে ও অনেক ভাড়াটে গাড়ী রহিয়াছে। অম্নিবস্ ও গাড়ী দুই রকম, ঘোড়ায় টানা ও মোটর (বৈদ্যাতিক), ভাড়াটে ঘোড়ার গাড়ীতে Taximeter বসান; ভাড়ার জন্ত গাড়াওয়ানের সহিত বকাবকি করার প্রয়োজন হয় না। অবশ্য Meterএ যে ভাড়া লিখে তাহার উপর ষংকিঞ্চিং (Tip) গাড়াওয়ানকে দেওয়া নিয়ম; টিপ্ অথবা পুর বোয়ার (Pour boire) যুরোপে অত্যন্ত চলিত; উঠিতে বসিতে খাইতে শুইতে সকল-কেই টিপ্ দিতে হয়। হোটেলেরেও এই পাপ; শুনিয়াছি, কম টিপ্ দিলে হোটেলের লোকেরা মালপত্রের উপর গুপ্ত সঙ্কেত লিখিয়া দেয়, অত্র হোটেলেরে যত্র পাওয়া যায় না। তবে সব দেশের চেয়ে ইংলেও টিপের প্রচলন কম। তথায়ও দুই একটি হোটেল আছে যথায় ওয়েটারদের খানার পর স্বর্ণ মুদ্রা টিপ দিতে হয়, তাহাই নিয়ম। প্যারিস, লণ্ডন প্রভৃতি বড় বড় হোটেলেরে ওয়েটাররা বেতন ত পায়ই না; অধিকন্তু অধিকারীকে অনেক টাকা দিয়া (premium) চাকরী পায়। আমি এক গাড়ী ভাড়া করিয়া টগাস্ কুকের অফিসে বন্ধুর সন্ধানে চলিলাম। বলিতে ভুলিয়াছি, ভাড়াটে গাড়ী সবই খোলা, ফিটন জাতীয়। কুকের অফিসে কর্মচারীরা বলিল, “লোকদের ঠিকানা আমরা কাহাকেও বলি না।” অনেককরণ বকাবকি করার পর ঠিকানা বলিয়া দিলে, গাড়াওয়ানকে সেই ঠিকানায় যাইতে বলিলাম। সে অনেক ঘুরিয়া প্রায় ১২।০ টার সময় বন্ধুদিগের হোটেলের সম্মুখে লইয়া গেল। যাইয়া দেখি, তিন জন বাঙ্গালী আমার জন্ত

লগুন হইতে আসিয়াছেন। একজন বাসায় আমার জন্ত অপেক্ষা করিতেছেন ; আর দুইজন আমাকে খুঁজিতে বাহির হইয়াছেন। প্রায় অর্ধঘণ্টা পরে প্যারিসের সব কয়টা ট্রেশন Taxiতে যুরিয়া তাঁহারা আসিয়া উপস্থিত হইলেন। প্রায় ১৪ ফ্রাঙ্ক (৮৫০) ট্যাক্সি ভাড়া আক্কেল সেলামি দিতে হইল। যাহা হউক, একটার পর সকলে মেশা গেল এবং প্রাতরাশ সমাপন করা হইল।

প্যারিস।

প্যারিসে অষ্টাহ বাস করিয়াছিলাম। কত সহর দেখিয়াছি। প্যারিসের শ্রাঘ সুন্দরী নগরী আর কোথাও দেখি নাই। আমাদের জাহাজে যিনি পার্সার ছিলেন, তিনি একজন প্যারিসবাসী। পার্সার জাহাজের Executive head ; কাপ্তেন যেমন জাহাজ চালান বিষয়ে একচ্ছত্র নরপতি, পার্সার যেইরূপ জাহাজের আভ্যন্তরীণ বন্দোবস্তের সর্বময় কর্তা। যাত্রীদের সুখস্বচ্ছন্দতা তাঁহার উপর বিশেষরূপে নির্ভর করে! উদ্দেশ্যে ১৮ মাস ভারতবর্ষ ভ্রমণ করিয়াছিলেন, কাশীধামের ও জয়পুরের অনাবিল প্রশংসা তাঁহার মুখে শ্রুত হইত। তিনি আমাকে বলিয়াছিলেন “শুনলাম, আপনি বেড়াইতে যাঠিতেছেন। তাহা হইলে প্রথমে প্যারিসে যাওয়া আপনার পক্ষে অত্যন্ত ভুল হইতেছে। কারণ, প্যারিস দেখিলে আপনার আর কোনও সহরই ভাল লাগিবে না ; হয় ত আর কোথাও যাঁইবার ইচ্ছাই হইবে না।” কথাটি বাস্তবিকই বড় ঠিক। এমন সহর ত আর দেখিলাম না। প্রত্যেক রাস্তা প্রত্যেক বাড়ী দেখিলেই চক্ষু জুড়ায়। আমাদের দেশে অথবা বিলাতে যে রূপ যে কোনও রকমে বাসো-পযোগী করিয়া বাড়ী গাড়িতে পারিলেই হইল, প্যারিসে সে রূপ বলিয়া বোধ হইল না। সব বাড়ী দেখিলেই মনে হয়, কিসে সুন্দর দেখাইবে তাহার জন্ত বিশেষ চেষ্টা সপ্রকাশ। রাস্তাও সেইরূপ—খুব সোজা সোজা পরিষ্কার রাস্তা। ভূবন-বিখ্যাত বুলভার্ডগুলি দেখিলে দিল্লীর টাঁদনী চকের কথা মনে পড়ে। ফুটপাথের উপর গাছের সারি ; রাস্তার মধ্যস্থল দিয়া আর একটা চওড়া ফুটপাথ, তাহার উপর দুই সারি গাছ। অন্যান্য রাস্তাও বেশ চওড়া একেবারে সরু গলি খুবই কম। প্রত্যেক চৌমাথার উপর চারিধারে চারিটি সুন্দর বাড়ী ; কিছু না কিছু একটা স্থাপত্য সৌন্দর্য আছেই। দক্ষিণে বামে রাস্তা সরল ভাবে গিয়াছে ; দেখিলে বাস্তবিকই চক্ষু জুড়ায়। সর্বত্রই মনে হয়, স্থাপত্য সৌন্দর্যের জন্ত বিশেষ চেষ্টা করা হইয়াছে। রাস্তায় ধুলার একান্ত অভাব ; প্রায় সকল রাস্তাই পাতর দিয়া বাধান ; দুই একটা রাস্তা কাঠ দিয়া বাধানও আছে।

প্যারিসে দুইটি জিনিষ প্রথমেই আগন্তকের দৃষ্টি আদর্শ করে, প্রথম প্যারিসের স্মৃতি—প্যারিস যেন সদাই আনন্দময়ী । রাস্তায় লোক জন ব্যস্ত সমস্ত ভাবে চলিতেছে কিন্তু সকলেরই মুখে যেন হাসি লাগিয়া আছে । সকলেরই পরিধেয় অতি পরিপাটি, সাজ সজ্জা হাবভাব সবই যেন holiday garb । এ সহরে কেহ যে দুঃখী আছে তাহা বোধই হয় না ; বিশেষ সন্ধ্যার পর । উজ্জল আলোক-মালায় শোভিত রাস্তায় দলে দলে শত শত নর নারী কেবল হাসিমুখে রাস্তায় রাস্তায় ঘুরিয়া বেড়াইতেছে । দেখিলে বাস্তবিকই মনে এক অপূর্ব আনন্দের আবির্ভাব হয় । দ্বিতীয়, রাস্তায় বসিয়া কাফি বা অন্ত পানীয় সেবন । সব রাস্তার ধারেই অনেকগুলি কাফে (cafe) বা রেস্টুরাঁ (Restaurant) আছে । ফুটপাথের উপর অনেকগুলি চেয়ার ও ছোট ছোট পাতরের টেবল । বৈকালে ৪।৫ টার পর হইতে রাত্রি ১২।১ টা পর্য্যন্ত এই সব চেয়ার লোক-পূর্ণ থাকে । এইরূপ রাস্তায় বসিয়া কাফি পান প্যারিস সহরের একটা অঙ্গবিশেষ । কেহ হয় ত এক পেয়লা কাফি চাহিয়া সেই স্থানে ৩।৪ ঘণ্টা বসিয়া ক্রমাগত লোকজনের যাতায়াত দেখিতেছেন বা নিজের পত্রাদিই লিখিতেছেন ; তবে অধিকাংশই যুগলমূর্তি । এইরূপ ভাবে রাস্তায় বসিয়া সময় কাটান আর কোন সহরে এরূপ ভাবে নাই । ইংলণ্ডে এ প্রথা একেবারেই নাই । যুরোপের অন্ত দুই একটি দেশে এইরূপ কতকটা আছে বটে ; কিন্তু সে খুব কম ।

প্যারিস সহর সন্ধ্যার প্রাক্কালে জাগিয়া উঠে, ও রাত্রি ২।৩টা পর্য্যন্ত খুব প্রফুল্ল থাকে । রাস্তায় খুব ভীড় ; সকলেই সহাস্ত্র মুখে গমনাগমন করিতেছে ; থিয়েটার, অপেরা, মিউজিক হল প্রভৃতি হইতে বাদ্যধ্বনি শুনা যাইতেছে । সকলেই যথাসম্ভব ফ্যাসান করিয়া কাপড় চোপড় পরিয়া বাহির হইয়াছে । বাস্তবিকই প্যারিসের পরিচ্ছদে একটি মাধুরী আছে । যদিও ভারতবাসী আমি ও বিষয়ের বড় কিছু ধার ধারি না, তবুও প্যারিসের পরিচ্ছদে যে একটা মনোহারিত্ব দেখিয়াছিলাম, তাহা আর কোনও দেশে দেখিলাম না । প্যারিসের স্ত্রীলোকের মুখে (বোধ হয় এই পোষাকের জন্তই) যে কমনীয়তা দেখা যায়, ইংলণ্ডে তাহা নিতান্তই দুর্লভ । প্যারিসের আর একটা বিশেষত্ব, প্যারিসবাসীর সৌজন্য । কোনও লোককে রাস্তায় যদি পথ জিজ্ঞাসা করেন, তিনি তখনই আপনার সহিত কিছু দূর যাইয়া আপনাকে পথ দেখাইয়া দিবেন । লগনে কাহাকেও পথ জিজ্ঞাসা করিলে সে ব্যক্তি তখনই বলিবেন, আমি এ সহর অথবা এ পল্লী চিনি না, অথচ সম্ভবতঃ সে সেই পল্লীতেই-

আজন্ম বাস করিতেছে। তবে লগুনে পুণিশম্যানরা এত সজ্জন ও তাহাদের রাস্তাঘাটও এত ভাল জানা থাকে যে অণু লোককে জিজ্ঞাসা করিবার প্রয়োজন বড় হয় না। সে কথা পরে বলিল।

প্যারিসে আমার এই বিশেষ স্মৃতিধা হইয়াছিল যে, যে কয়জন বাঙ্গালী ভদ্রলোক আমার অপেক্ষায় প্যারিসে আসিয়াছিলেন তাঁহাদের মধ্যে একজন খুব ভাল ফরাসী জানেন। এমন কি কেহ কেহ বিশ্বাসই করিত না যে, তিনি পূর্বে কখনও প্যারিসে আইসেন নাই। তাঁহার ফরাসী ভাষার উচ্চারণ প্রভৃতি একেবারে অনিন্দ্যসুন্দর। তাঁহার গুণে আমরা অল্প খরচে ও অল্প সময়ে প্যারিসে যেরূপ সমস্ত দেখিতে পাইয়াছিলাম, তাহা তিনি না থাকিলে কিছুতেই হইত না। আমি তাঁহার কাছে নিতান্তই কৃতজ্ঞ; কারণ, যদিও আমরা কলিকাতায় খুব কাছাকাছি থাকিতাম, স্বদেশে তাঁহার সহিত আমার আলাপ ছিল না এবং তিনি অনেক সময় নিজের অসুবিধা করিয়া আমার জন্য প্যারিসে ঘুরিয়া বেড়াইয়াছেন। তখন ধন্যবাদ দেওয়া হইয়া উঠে নাই; কারণ, উহাতে আমি অনভ্যস্ত। আজ এই স্মরণে শ্রীশ বাবুর গুণগান করিয়া লইলাম, যদি তাঁহার দৃষ্টিতে পড়ে।

শ্রীনরেন্দ্রকুমার বসু।

কবি।

(সংস্কৃত হইতে)

না ডাকিতে যায় কাছে গিয়ে পদ চলে না ;
 শুধাইলে সমাদরে কোন কথা বলে না ;
 কম্পযুতা তনুলতা শোভে স্বেদ হারেতে ;
 মলিন নলিন মুখ স্বরুদ্ধ লাজেতে ;
 প্রতিভা নবীনালা যা'র হৃদে উদিত
 নবোঢ়া বধুর মত সরমে সে মুদিত ।
 সভামাঝে লাজে পদ থেমে যায় সহসা
 হৃদয়ে উদয় ভাব রসনা যে অবশ্য ।

এই কি চিকিৎসা ?

(১)

ভাগ ছেলে বলিয়া বাহিরে আমার একটা বেশ থোস্ নাম ছিল, আর “সাহেবের” প্রিয় ছাত্র বলিয়া সহপাঠী মহলেও বেশ একটু পসার প্রতিপত্তি ছিল। তাই যখন কোন বিষয়ে কোনও অভাব অভিযোগাদির কথা জানাইবার জন্য সকল ছেলেরা আমাকে তাহাদের প্রতিনিধি করিয়া “সাহেবের” নিকট পাঠাইত, আর যখন আমি ক্ষীণবক্ষে, দীপ্ত নয়নে “সাহেবের” সম্মুখে সোজা হইয়া দাঁড়াইয়া চাঁচাছোলা ইংরাজীতে সেগুলি বেশ শুছাইয়া বলিতাম এবং বাহিরে বারান্দার দাঁড়াইয়া ছেলেরা বিস্ফারিত নয়নে আমাদের পানে চাহিয়া থাকিত, আর অক্ষুট স্বরে জল্পনা করিত,—“অমরেন্দ্রের কি বরাৎ !” “ওঃ ওর কি কপাল জোর !”—তখন বাস্তবিকই আমি বুকের ভিতর একটা তেজ অমুত্ত্ব করিতাম, প্রাণের ভিতর দিয়া একটা বৈদ্যাতিক শক্তির “ঝাঁকি” চলিয়া যাইত।

পরীক্ষার কিছুদিন পূর্বে যখন “সাহেব” একদিন আমাকে হাঁসপাতালের ‘অপারেশন্ থিয়েটারে’ বলিলেন,—“I think, Amarendra, you must pass and be a worthy assistant of mine.”—তখন ঈষৎ হাস্যের সহিত শিরঃসঞ্চালন করিলেও আমি মনে মনে প্রভূত আশ্চর্য প্রসাদ লাভ করিয়া-ছিলাম। তাহারপর সবেমাত্র এক সপ্তাহ পরীক্ষার ফল বাহির হইলেই “সাহেব” আমাকে ডাকাইয়া বলিলেন,—“You should formally apply for the post now vacant in the Surgical Ward.”

ছইচারিদিন পরে কলেজের প্রিন্সিপ্যালের সহিত সাক্ষাৎ করিয়া সেলাম দিলাম ; তিনি হাসিমুখে আমাকে বহলি পরোয়ানা দিয়া একবারে আমাকে দাস-খতে সহি করাইয়া লইলেন। আমিও তাঁহাকে আমার আন্তরিক কৃতজ্ঞতা জানাইয়া সানন্দচিত্তে মেসে ফিরিলাম ; বুঝিলাম, First Surgeon স্পার্ক “সাহেবের” সুনজরের জোরেই আমি আজ Surgical Ward এর House Surgeon। আনন্দে আশ্রহারা হইয়া তৎক্ষণাৎ ৫ টাকার ল্যাংড়া আম আনাইয়া সেগুলির যথাযোগ্য সদ্যবহার করা গেল ; অবশ্য আমি একা নহে, মেসের কয়েকটি বন্ধুবান্ধব মিলিয়া। সকলে কত কি বলিতে লাগিল ;—কেহ বলিল,—

“এইবার একটা কুবেরের একমাত্র কন্যার স্বক্কে চাপ দাদা।” কেহ বলিল,—“মাহেলক্ষণে ‘সাহেবের’ সহিত তোর শুভদৃষ্টি হ’য়ে ছিল।” রমেশ বাবু একটু গস্তীর প্রকৃতির লোক, এতক্ষণ চুপ করিয়া বসিয়া ছিলেন, তিনি অতি মৃদুস্বরে সহানুভূতিজড়িত কণ্ঠে বলিলেন,—“এইবার তোমার দুঃখ ঘুচিল, ভাই !” আমি কেবল হর্ষবিবাদের আন্দোলনে তাড়িত হইতে হইতে ঐ শেষের কথাই ভাবিতেছিলাম ; মনে হইতেছিল, বুঝি আজ এই পঁচিশ বৎসর বয়সে জগতের মধ্যে মাথা খাড়া করিয়া দাঁড়াইবার একটা অধিকার পাইলাম ; বোধ হইল, জগতের সাধারণ সুখ-দুঃখের উপর আমার একটা দাবী, একটা স্বত্ব যেন আজ হইতে নিজের পাঁওনা-গণ্ডা বুঝিয়া লইবার জন্য মাথা তুলিতে আরম্ভ করিল ; মনে হইতে লাগিল, বুঝি এত দিনের জল-ঝড়ের পর, আজ আবার সৌভাগ্যের সুখরবি মাথার উপর মঙ্গল-আশীষের পূর্ণজ্যোতি-বিকাশে অতীতের সেই দুঃখ ভোগের স্মৃতিকে মধুরতর করিয়া তুলিতে লাগিল,—আর সঙ্গে সঙ্গে আমার বিগত জীবনের সুখসাগরীর অভাব আমার নয়নকে অশ্রুভারাক্রান্ত করিল। এমন সময়ে মেসের ছেলেরা আমার পিঠে একটা চড় মারিয়া বলিল,—“কি দাদা ! নগদ টাকা ক’টা একদমে খরচ ক’রে কি heart এর contraction টা বেড়ে গেল নাকি ?”

(২)

নূতন কাষে খুব প্রাণপণে খাটিতেছি। ‘সাহেব’ যথেষ্ট স্নেহ করেন, আর হাঁসপাতালের অনাথ, পীড়িত, রোগক্লিষ্ট বেচারীদের শীর্ণ পাণ্ডুর মুখের স্নান জ্যোতি আমার হৃদয়ের সমস্ত করুণাকে এমন একটা সবল আঘাতে জাগাইয়া তুলিয়াছে যে, সে আর আমার মনকে একটুও অবসন্ন হইতে দেয় না, কাষে কাষেই ফাঁকি দিবার প্রবৃত্তিটা তাহার বড় কমই হয়। কিন্তু আর ত পারি না !

প্রতিনিয়ত রোগীদিগের সেই “গেলুম—মলুম” চিৎকার,—সেই একধেয়ে কারার সুর, সেই এক রকমের আইডোফর্মের গন্ধ, সেই একই প্রকার অসুখ, ব্যাণ্ডেজ, আর ড্রেসিং, সেই একই অল্পচর সহচর ও কাষের ফর্দ—আমাকে যেন একেবারে “অতিষ্ঠ” করিয়া তুলিয়াছে। এরা সব যেন আমাকে পাগল করিবার জন্য একযোগে ষড়যন্ত্র করিয়াছে ; সবাই রোজ একই ভাবে, একই সুরে, একই সঙ্কার আমার বৈচিত্রবিহীন জীবনটাকে একটা নীরস, শুষ্ক—না, একটা প্রকাণ্ড মরুভূমিতে পরিণত করিবার চেষ্টা করিতেছে।

এদিকে প্রত্যহই মার চিঠি পাইতেছি,—“শীঘ্র শীঘ্র ছুটি নিরে বাড়ী এস, বাবা । আমি তোমার জন্ত একটি পরীর মত মেয়ে দেখে রেখেছি । আমার একটি দোসর করে দাও, বাবা ! আমি আর একা পেরে উঠি না ইত্যাদি ।”—
 হাঁ, আমি এতদিন বিবাহ করি নাই, কারণ পড়াশুনার সময়ে—বিশেষতঃ মেডিক্যাল কলেজের ছয় বৎসরের rigorous imprisonment:এর মেয়াদের মাঝে আবার কাঁধ ভারি করা বুদ্ধিমানের কাষ নহে ; তা ছাড়া বাবা মারা যাওয়ার পর হইতে আমাদের নিতান্তই ছরবস্থা গিয়াছে, বলিতে হইবে । কোনও ক্রমে মা তাঁহার খণ্ডরের ভিটার মাটি কামড়াইয়া থাকিয়া দিনান্তে একবার করিয়া বাস্ত-ভিটার “সন্ধ্যা” দেওয়া বজায় রাখিয়াছিলেন ।—আজকালকার নব্যা ভব্যা শিকিত সহরে সুন্দরী হইলে এতদিনে পৈতৃক ভিটাটা কৃতিবাসের বা চণ্ডীদাসের ভিটার অবস্থায় অথবা মহাকবি বাম্বীকির সমাধি-স্তূপে পরিণত হইত । মার মত মেয়ে নাই, তাই তিনি আজও সে চালাঘর খানিকে এবং তাহার আনুসঙ্গিক সমস্ত সুখকাহিনীজড়িত শত পুণ্যস্মৃতির নিদর্শনটিকে যকের ধনের ন্যায় বুক দিয়া রক্ষা করিতেছেন । তাই, এক একবার মনে হইতেছিল, যাই, বাড়ী গিয়া কিছুদিন বিশ্রাম সুখভোগ করিয়া আসি । কলিকাতার এই অবিশ্রান্ত ঘড়্, ঘড়্, ছড়্, ছড়্, শব্দ-কোলাহলের নারকীয় বিভৎসতাকে কিছুদিনের জন্য দূরে ফেলিয়া রাখিয়া পল্লী-জননীৰ সেই শান্তিসুপ্ত স্নিগ্ধগাম অভয়াঙ্কলে আশ্রয় গ্রহণ করি ।
 আবার ভাবি,— এই নূতন চাকরীটা ? দূর হউক, চূপচাপ করিয়া থাকা যাক । হাঁসপাতালের রোগীর সেবা করিয়া যে আনন্দ হয়, সেইটাকেই কিছু বাড়াইয়া লইয়া, বেশ একটা মহেশ্বের খোলস তাহাকে পরাইয়া দিয়া, সেইটার দ্বারাই মনকে জ্বলাইয়া রাখিতে ইচ্ছা হয় । আবার যখন নাটক-নভেল-কাব্য-রসাত্তিসিক্ত মনের মাঝে সেই অব্যক্ত অচিন্তনীর কল্পনা-প্রসূত সৌন্দর্য্যের অধিষ্ঠাত্রীদেবী-রূপিনী মানস-প্রতিমার মোহিনী ছবি মাঝে মাঝে বিহ্বৎ-দীপ্তি হানিয়া যায়, তখন মনে হয়, বিবাহ জিনিষটি কি ? যাহাই হউক, পাঁচ রকম উপসর্গে পড়িয়া প্রাণটা যেন কিছু খড়্-ফড়্ করিতে লাগিল । ভাবিলাম, কি করি ? একটু সুখ-শান্তির জন্ত কোথায় যাই ?

(৩)

না, আর পারা যায় না ! দুইটা বাজিয়া গিয়াছে, কাবুলি শেষ করিয়া সবে মাত্র হাত ধুইয়াছি, আর অমনি বেহারা আসিয়া সংবাদ দিল,—“বাবু, মার

কেস্‌ আরা হ্যার।” কিঞ্চিৎ রাগতস্বরে বলিলাম,—“তোমরা মাথা আরা হ্যার।” তাহার পর কাগজপত্র দেখিয়া বুঝিলাম যে, সেটি Transferred case ; রোগী Tuberculosis of the knee-jointএ অনেক দিন ভুগিতেছে, আমাদের হাসপাতালে অক্ষুণ্ণের জন্ত আসিয়াছে। অতিশয় বিরক্তির সহিত তদন্ত করিতে গেলাম।

রোগীকে দেখিয়া বলিলাম,—“কই, দেখি কোন্‌ পায়ে? বাঁচবেও না, অথচ কেবল আমাদের ভোগাতে আসা।” এই শেষের কথাগুলি যদিও আপনার মনে মনে বলিবার ইচ্ছা ছিল, কিন্তু সে সময়ে মন অত্যন্ত অগ্রসর ছিল বলিয়া সেগুলি অস্বাভাবিক কর্কশ ভাবে, একটু জোরে মুখ হইতে বাহির হইল; আমি নিজেরই আমার অসাবধানতায় একটু লজ্জিত হইলাম। তাহার পরে একটু স্থির হইয়া চাহিয়া দেখি যে, রোগী রোদনোন্মুখ। সুন্দর, সুঠাম চেহারা, বয়স প্রায় ১৮।১৯, লম্বা-লম্বা ঘন কাল চুল, বড় বড় টানা-টানা চোক দুটি জলে ভরিয়া ডব্‌ডবে হইয়া আছে। মুখখানি সুগোল, পরিষ্কার, গোরবর্ণ, দেহ বেশ বলিষ্ঠ। সে হাত দু'খানি জোড় করিয়া বলিল,—“বাবুজী, তুমি আমার বাবা, তুমি আমার মা, তুমিই আমার ভাই। আমার কেউ নেই, তুমি আমার বাঁচাও।” আমি কিঞ্চিৎ অপ্রতিভ হইয়াও, নিজের সেই দুর্বলতাকে একটা কাঠিন্যের আবরণে ঢাকিতে গিয়া, গম্ভীর ভাবে বলিলাম,—“কাঁদলে আর আমি কি করব? দেখি কোথায় যা। অমন কান্না চের দেখেছি।” যতদূর সম্ভব বিনীতভাবে ও কোমল বাক্যে সে রোগের বিবরণ ও পরিচয় একে একে বলিলে পরে, তাহার একটা ব্যবস্থা করিয়া আমি জোর করিয়া মুখের উপরে খানিকটা গাম্ভীর্য ছড়াইয়া দিয়া “বেশী গোলমাল ক'র না, চুপ ক'রে প'ড়ে থাকো।”—এই কথা বলিতে বলিতে সদর্পে সেস্থান পরিত্যাগ করিলাম।

কিন্তু মানুষের মন এমন একটা জিনিষ, যে তাহাতে অতি ক্ষীণ রেখারও বিষপাত খুব সহজেই হইয়া থাকে,—সে এত সূক্ষ্ম যে, সামান্য কম্পনেরও সে নির্মূল্য পরিমাপক। কিন্তু তাহার তারগুলি এত খাঁটি সুরে বাঁধা যে, সামান্ত একটু এড়ো যা লাগিলেই, সেগুলি ভিতরে বেহুয়া বাজিবেই বাজিবে,—আবার বাহ্য বস্তুর যত মোহ, বহির্জগতের যত কোলাহল কর্ণের তীক্ষ্ণতাকে যতই হাস করুক না কেন, প্রাণের ভিতরের নিগূঢ় কথা—প্রাণের তারের কম্পন, তাহার ডায়া—তাহার শব্দ জগতের অপর সমস্ত ধ্বনিকে ছাপাইয়া উঠিবে, আর অসুস্থিত কর্ণের ব্যথাযথ সমালোচনা সমান ভাবে শুনাইয়া যাইবেই যাইবে।

সেদিন আমি অনেক কাযকর্মে ব্যস্ত থাকিলেও মাঝে মাঝে সেই করুণ রাগিণীর উচ্চ বন্ধার আমার প্রাণে যেন ছুরির দাগ বসাইতেছিল। রাত্ৰিতে ঘুমের ঘোরেও শুনিতে লাগিলাম,—“তুমি আমার মা, তুমিই আমার ভাই, আমার কেউ নাই। আমার ভাই ও ভাইবো আমাকে তাড়িয়ে দিয়েছে। বাবু—উহঃ, উহঃ বড় ব্যাথা। একটু আস্তে, বাবুজী, বড় ব্যাথা।” রাত্ৰিতে অনেকবার ঘুমাইতে ঘুমাইতে উঠিয়া বসিয়াছি, অনেকবার তন্দ্রালস-ভাবে অর্দ্ধোচ্চারিত নিদ্রালস-কণ্ঠে বলিয়াছি,—“ভয় কি, ভাই! এই যে আমি।” কতবার ঘুম ভাঙ্গিয়া গিয়াছে, বিছানায় বসিয়া মনে করিয়াছি—আজ ভাল কায করি নাই; অনাথ বিপন্নকে ভৎসনা করিয়া ভাল কায করি নাই। দশ বৎসর পূর্বের সেই ঘটনা,—একখানি এমনই মুখের ছবি, একটী এমনই করুণ বেদনা-জড়িতকণ্ঠের অভিনানোচ্ছ্বসিত বাণী যেন কর্ণে শুনিতে পাইলাম,—“উহ, দাদা! বড় ব্যাথা. বড় লাগছে।” কি একটা অব্যক্ত যাতনায় বুকের ভিতরটা ফুলিয়া ফুলিয়া উঠিতে লাগিল; বাকি রাত্ৰিটুকু আর ঘুম হইল না। বিছানায় পড়িয়া এপাশ ওপাশ করিতে করিতে আবার তন্দ্রা আসিল; আহা সেই সরল সুন্দর মুখখানি, পরিষ্কার বড় বড় টানা-টানা জলভরা চোক, আর লম্বা লম্বা কাল ঘন চুল! বলিতেছে—দাদা! বড় ব্যাথা, বুক নাও।”

(৪)

তাহার পর প্রতিদিন সেই রোগীকে দেখিতে যাই,—হাঁসপাতালের কায থাকিলে ত যাই-ই, আবার কোন কায না থাকিলেও বাসায় বসিয়া পরকুৎসা করার চেয়ে,—সমাজ-নীতির, রাজ-নীতির প্রবল তর্কে ঘরের কড়িকাঠ ভাঙ্গিয়া ফেলার চেয়ে, গোলদিঘাতে অসংখ্য জনশ্রোতের মধ্যে বেড়াইতে গিয়া বিষম ধাক্কা খাওয়ার চেয়ে, হাঁসপাতালের নির্জজন গৃহে, দীনহীনের শয্যাপার্শ্বে বসিয়া একটি পরিত্যক্ত গৃহ-প্রতাড়িত পীড়িতের দুঃখ-কাহিনী শুনিতে আমার প্রাণের ভিতর বেশী আগ্রহ হইত।

প্রত্যহ বৈকালে একটা নির্দিষ্ট সময়ে আমি তাহাকে দেখিতে যাই, সন্ধ্যার পর পর্য্যন্ত তথায় থাকিয়া বাসায় ফিরি। তাহার পা এখনও কাটা হয় নাই, সে একটু স্নহ আছে, আজকাল সে বুক একটু বল পাইয়াছে। তাহার মুখে, তাহার স্বদেশের, তাহার গৃহস্থালীর সমস্ত খুঁটি-নাটি শুনিতে বড় করুণ, বড়ই মনঃস্পর্শী। সে এখন মৃত্যুর নিকটবর্তী, হয় ত আর ইহজীবনে তাহাকে স্বদেশে কিবিত্তে হইবে না, তাহার জন্মভূমিকে সে আর দেখিতে পাইবে না—এইরূপ

অবস্থায় তাহার উত্তেজিত চিত্তের সরল করণ উচ্ছ্বাস, তাহার বাল্যের স্বপ্ন, তাহার শৈশবের খেগা, যৌবনের আকাঙ্ক্ষা যেখানে পূর্ণতা লাভ করিবার সুযোগ পাইত—সে জন্মভূমির, তাহার সোণার বাগানার এমন একটা মহিমময় বন্দনা-গীতি সে গাহিত, যাহা আমার নিকট বড় মধুর, অথচ গভীর ঠেকিত। সে যখন বলিত, কেমন করিয়া তাহারা দুইটি ভাই বোনে মিলিয়া গৃহপ্রান্তবাহিনী নদীতীরে খেলাঘর পাতিয়াছিল, কেমন করিয়া উর্ধ্বরক্ষিতপ্রসূত ধনধাত্তেভরা সৌন্দর্য্যশালী কামরূপে বর্দ্ধমান শশিকলার ন্যায় তাহারা স্ফূর্তি পাইত, কেমন করিয়া তাহারা শৈশবে মাতৃক্রোড়ে শুইয়া উপকথা শুনিতে শুনিতে ঘুমাইয়া পড়িত, কেমন করিয়া শেফালি-ফুলের মালা গাঁথিয়া কল্পিত দেবতার গলদেশে ছুলাইয়া দিত, কেমন করিয়া সুখহঃখের মধ্যে থাকিয়া তাহাদের শৈশব ও বাল্যকাল অতীত হইয়াছিল—তখন আমারও শৈশব ও বাল্যকালের একটি নিখুঁত ছবি মনের মাঝে বেশ স্পষ্টভাবে উঁকি মারিত।

আবার যখন সে কাঁদিতে কাঁদিতে বলিত, সে তাহার পিতাকে কখনও দেখে নাই, তাহার মা-ই তাহাদের আশ্রয়দণ্ড ছিলেন, সেই মা যখন তাহার বড় ভাইয়ের হাতে তাহাকে ও তাহার ছোট বোনটিকে সঁপিয়া দিয়া এ জগৎ হইতে বিদায় লইলেন, তখন সে কি হঃখের দিন ! তাহার পর যখন ভাইবৌর অনাদরে—অবজ্ঞায় আধ ফুটন্ত কুসুমের মত কিশোর ভগিনীটি হঠাৎ শুকাইয়া ঝরিয়া পড়িল, আর সেই তীব্র হিংসাদেবপূর্ণ সংসারের মাঝে সে একা দাঁড়াইয়া রহিল, তখন তাহার কি অবস্থা ! আবার যখন তাহার দাদা তাহাকে ডাড়াইয়া দিলেন, বলিলেন, “এখানে তোমার জায়গা হবে না, তুমি চলে যাও,” যখন তাহার জননী জন্মভূমির বৃকে তাহার প্রতিপালনের জন্য একবিন্দু খাদ্য সামগ্রীও সে পাইল না, তাহার কোলে মাথা ঞ্জিবার একটু স্থানও তাহার পক্ষে ছল্লভ হইল, তাহার আপন ভাই তাহার সাক্ষাতে তাহার ছায়াস্পর্শ করিতে স্বপ্না-বোধ করিতে লাগিল, তখন একবার সে ভাবিয়াছিল যে, কামিখ্যার পাহাড় হইতে লাফাইয়া পড়িয়া বিপুলশ্রোত অতলস্পর্শী ব্রহ্মপুত্রের বক্ষে আশ্রয় গ্রহণ করিয়া চিরদিনের জন্ত তাহার সকল জালা-যন্ত্রণা জুড়াইবে। আহা, তাহা হইলে বোধ হয় সে একটু শান্তিতে মরিতে পাইত !

কিন্তু সে ভাবিল যে, সে পুরুষ, মেয়ে মানুষের মত মৃত্যুই তাহার প্রধান আশ্রয় নহে ; সে বিদেশে গিয়া নিজের পুরুষকারের বলে একবার জগতের

মাঝে মাঝে তুলিয়া দাঁড়াইবার চেষ্টা করিবে, তাহাও যদি না হয়, অগৎ যদি এতই নিষ্ঠুর হয় যে, একটা পেট চলিবার মত আহার তাহাকে দিতে কুঠা বোধ করে, একটা মাথা রাখিবার মত জায়গা তাহাকে দিতে অস্বীকৃত হয়, তবে সে চলিয়া যাইবে,—কোন দূরস্থিত তীর্থস্থানে গিয়া, ~~তীর্থ~~ তীর্থধিষ্ঠাত্রী দেবীকে সাক্ষী রাখিয়া তাহার সেই অপ্রয়োজনীয়, সেই প্রত্যাখ্যাত জীবনকে এ জগৎ হইতে অবসর লইতে, চিরদিনের জন্য এ জগতের মায়া কাটাইতে বাধ্য করিবে । তাহার পর সে তাহার জন্মভূমি—সোনর্ধ্য ও প্রাচুর্যের লীলাক্ষেত্র কামরূপ—ভারতের সেই পুণ্যতীর্থ,—তাহার সাধের কামরূপ ছাড়িয়া অনেক কষ্ট, অনেক পরিশ্রমের পর কলিকাতার আসিয়া পৌঁছিয়াছে । সেখানে একটি আসাম বোর্ডিংএর পাচকের কার্যে নিযুক্ত থাকিয়া, মাস কয়েক কাটাইয়া এখন সে রোগশয্যার দিন যাপন করিতেছে । হায় ! হতভাগ্য এ কালব্যাদি কি আর কখনও তোমার ছাড়িবে ? আমিই কি তোমার এই কালকবল হইতে কাড়িয়া লইয়া আবার তোমার জন্মভূমির ক্রোড়ে পাঠাইয়া দিতে পারিব ? না ; তাহা দুঃশামাত্র ।

(৫)

কাল রাত্রিতে ভাল ঘুম হয় নাই । আজ সেই কেসটি “সাহেব” take up করিবেন বলিয়াছিলেন । কাল সন্ধ্যার সময় অনেক বুঝাইয়া, অনেক প্রবোধ দিয়া তাহাকে রাজি করিয়াছি । আহা, তাহার এতদিনের পাখানি আজ পর হইতে চলিল ! তাহার যে পা তাহাকে মাটির উপর খাড়া করিয়া রাখিয়াছিল ও রাখিবে—আজ জীবনের মধ্যাহ্ন-সময়ে সে তাহাকে ত্যাগ করিয়া যাইবে,—এ কথা ভাবিতে আমারই বড় কষ্ট বোধ হইতেছে, তাহার ত হইবেই ।

তাড়াতাড়ি কলেজে গিয়া শুনিলাম যে, “সাহেব” আইসেন নাই ; আজ তিনি আসিবেন না, একটি বিশেষ “কলে” দার্জিলিং গিয়াছেন । মনটা একটু দমিয়া গেল । বড়ই বিষণ্ণ চিন্তে ৭৮ নং “বেডে” সেই রোগীকে জানাইলাম যে, আজ আর তাহার পা কাটা হইবে না । দেখিলাম, সেও যেন একটু নিশ্চিত হইল ।

তাহারপর রাত্রিতে night duty ছিল ; গিয়াই শুনিলাম, Resident Surgeon Maclein সাহেব বলিয়া গিয়াছেন, যেগুলি emergency case সেগুলি তিনি এই রাত্রিতেই দেখিবেন, আর একটা amputatien case আছে, সেটাও তিনি নিজেই শেষ করিবেন । অগ্রসর চিন্ত আরও বেঠিক হইয়া গেল । মনটা কেমন একরূপ বিজ্রোহী ভাবাপন্ন হইয়া বড়ই ব্যথা দিতে লাগিল ।

কি করি, একে “সাহেব” বড় রাগী ও বদমেজাজী, তাহার উপর এ কাল

তিনি বেশ সিদ্ধহস্ত নহেন। মনটা বড়ই চঞ্চল হইয়া রহিয়াছে। নিতান্ত অগ্রসর চিত্তে রাত্রির অশান্ত কতকগুলি কাণ্ড সারিতে লাগিলাম। এমন সময়ে “সাহেব” আসিলেন, এক মুখ হাসিয়া বলিলেন, “অমরেন্দ্র ! তুমি বোধ হয় সব কেসগুলি শুছাইয়া রাখিয়াছ ?” আমি নীরবে মাথা নাড়িয়া সম্মতি প্রকাশ করিলাম।

তাহার পর অপারেশন। দুই একটি যাহা উপস্থিত কেস ছিল, সেইগুলি সারা হইলে, সেই পরিচিত ৭৮নং রোগীকে লিফটে তুলিয়া অপারেশন থিয়েটারে আনা হইল। সে অনেকবার আমার মুখপানে চাহিতে লাগিল ; আমি বলিলাম “ভয় কি ! আমি রয়েছি।” কিন্তু আমারও বুকের ভিতরে যেন কেমন করিতে লাগিল ; আমি কম্পিত হস্তে তাহার নাকে ক্লোরোফর্মের ঠুলি চাপিয়া ধরিলাম।

ধীরে ধীরে সেই কুসুম সুকুমার অঙ্গ অসাড়, নীরব, নীথর হইল। আহা ! কি সে কমনীয় মূর্তি। রাত্রিতে সেই অপারেশন-রুম বৈজ্ঞানিক আলোকে উদ্ভাসিত, চতুর্দিকে সুপরিষ্কৃত যন্ত্রাদি কাচপাত্রে সজ্জিত, খেতখোত পরিচ্ছদে মার্সেরা চারিদিকে দাঁড়াইয়া আছে, এ সমস্তই যেন চতুর্দিকে একটা ঔজ্জ্বল্যের প্রবল তরঙ্গ ছুটাইল, ঘরের মাঝে যেন আলোকের চেউ খেলিতে লাগিল। এ সময়ে সেই অনিন্দ্যসুন্দর মুখের স্নিগ্ধ কাস্তি কি মধুর ! ধ্যানী বুদ্ধের ধ্যান-নিরত শান্তিপবিত্র মুখমণ্ডলের সেই আত্মদানের বিশ্বয়কর চিত্র যেন এ মুখেও প্রতিফলিত। একটি দীর্ঘনিঃশ্বাস আমার অন্তরের অন্তস্তল হইতে বাহির হইল।

(৬)

“সাহেবের” অপারেশনে অসম্ভব রকম বিলম্ব হইতে লাগিল। রক্তস্রাব অত্যন্ত অধিক হইতেছে দেখিয়া আমি একটু অস্থির হইয়া পড়িলাম। একি ! হাতে যে নাড়ী পাইতেছি না ! তৎক্ষণাৎ তাহার হাতে যন্ত্র বিদ্ধ করিয়া ঔষধ দেওয়া হইল। ‘সাহেব’ অপারেশন করিতে গিয়া একটি বড় শিরা কাটিয়া ফেলিয়াছেন, অথচ সে দিকে তাঁহার লক্ষ্যই নাই। একি ! একি সম্ভব ? আমি তাঁহাকে বুঝাইয়া বলিলে, তিনি গম্ভীর মুখে বলিলেন, “I know my duty best.” এবং আপন মনে কাণ্ড করিতে লাগিলেন। আমি সত্বরে আবার বলিলাম,— “Sir, saline inject করিতে হইবে। রোগীর রক্তহীনতার মৃত্যু হইতে পারে।”

তিনি একটু কর্কশ কণ্ঠে বলিলেন, “Mind your business, Sir.” আমি কিছু অশান্ত হইয়া উঠিলাম। তাহার পরে সাহেব রোগীর নাড়ী পরীক্ষা করিয়া, গায়ে হাত দিয়া মুখ কিঞ্চিৎ বিকৃত করিয়া বলিলেন, “বোধ হয় sudden shock লেগে কোন cerebral vessel rupture হয়েছে, আমি open ক’রে দেখবো।” আমি ত বিস্ময়ে হতবুদ্ধি ! একি ! “সাহেবের” কি মাগার ঠিক নাই নাকি ? তাহারপর তাঁহার ছুরিকা-সমেৎ উখিত হাতখানি চাপিয়া ধরিয়া তাড়াতাড়ি বলিলাম, “আপনি কি করছেন, সে এখনও নিশ্বাসপ্রশ্বাস ফেলছে, তাকে কোঁক কাটাতেদিন ; আবার মাথায় অগ্নাঘাত ক’রে লোকটাকে খুন করবেন নাকি ?” ‘সাহেব’ রাগে অগ্নিমূর্ত্তি হইয়া বলিলেন, “Damn you ! I don’t want such an impertinent assistant. You ought to be dismissed immediately”. আমি এত উত্তেজিত হইয়া ছিলাম যে আমার আত্মসংবরণের ক্ষমতাটুকুও তখন লোপ পাইয়াছিল। আমি তৎক্ষণাৎ “সাহেবের” সম্মুখে রাগান্বিতভাবে বলিলাম,—“I care a fig for the post. আপনি কি আমাকে মনুষ্যত্ব বর্জন করতে বলেন। ছিঃ লোকটা মরছে, আর তাকে এই সময়ে আপনি পশুর গায় কাটাকাটি করবেন ; এ কখনও হ’তে পারে না। চাকরী করছি ব’লে কি হৃদয় পাষণে বেঁধেছি নাকি ? এই দণ্ডেই আপনার চাকরীর মুখে লাথি মেরে চলে যাচ্ছি।”

ফ্যাকাসে ঠোঁট হুঁখানি বার কতক কাঁপিয়া কাঁপিয়া স্থির হইল। রোগীর মুখে মৃত্যুরছায়া ঘনাইয়া আসিল ; মৃত্যুনিভীষিকা তাহার মুখে চোখে কেমন একটা আতঙ্কের ছায়া দেখাইয়া গেল ; পরিপাণ্ডুর মুখশ্রী আরও পাণ্ডুবর্ণ ধারণ করিল ; হাত হুঁখানি বাড়াইয়া দিয়া, একবার জোরে নিশ্বাস টানিয়া লইয়া সে বলিল, “দাদা ! বড় ব্যাথা—জল, একটু জল।”

সে জল চাহিতেছে। আহা এ সময়ে কে তাহাকে একটু জল দিবে ? আমি তৎক্ষণাৎ এক লাফে একটা বোতল হইতে একটু distilled water লইয়া তাহার মুখে চোখে দিতে লাগিলাম। সে কেবল কাতর ভাবে বলিল, —“দাদা ! বড় ব্যাথা,—একটু জল। আমি ষাই।” আমার চক্ষু ফাটিয়া জল বাহির হইল। আমি আর থাকিতে না পারিয়া, তাহার বুকের উপরে ঝুঁকিয়া পড়িয়া বলিলাম, “কোথা যাচ্ছ, ভাই ! কোন্খানে বেদনা, ভাই ?” আমার চক্ষুর জল তাহার বুকের উপর মুখের উপর, অজস্রধারে পড়িতে লাগিল।

দশ বৎসরের সেই পুরাতন কথা আমার মনে আবার জাগিয়া উঠিল।

সেই আমার ছোট ভাই ! রুগাকে আমি বড় মারিতাম, সে আমাকে যেন ধমের মত ভয় করিত । তাহার শেষ অস্থির সময় আমার দেখিলে বা আমি কিছু জিজ্ঞাসা করিলে সে কেবল বলিত,—“দাদা, বড় ব্যাথা ।” সে শুধু আমার মুখের দিকে ফ্যাল ফ্যাল করিয়া চাহিয়া “দাদা ! দাদা !” বলিয়া ডাকিত ।

আজ এই ঘোরা রজনীর মধ্য যামে, এমন স্থানে এরূপ অবস্থার আত্মহারা আমি কি করিতেছি ? সুমূর্খর মুখের ক্ষীণ ম্লান জ্যোতি যেন গৃহের সমস্ত তীব্র আলোককে উপহাস করিয়া আরও ম্লান হইয়া আসিতেছে ; তাহার রক্তহীন পাণ্ডুবর্ণ মুখখানি যেন কণিক ক্ষমতামত্ত মানবকে সগর্বে উপহাস করিয়া ধীরে ধীরে কালিমামস্তিত হইয়া আসিতেছে । বিধাতার দেওয়া একটা আশীর্বাদ যেন আর্তনাদ করিতে করিতে এ জগতের নিষ্ঠুরতাকে অভিশাপের বজ্রায় ডুবাইয়া দিয়া উর্দ্ধদিকে চলিয়া যাইতেছে,—একটা উজ্জ্বল জ্যোতির ক্ষীণাবশেষ যেন ধীরে ধীরে আপনি নিবিয়া আসিতেছে,—বিধাতার একটা দান ধীরে ধীরে আবার দাতার নিকটে ফিরিয়া যাইতেছে । তাহাকে নীরবে যাইতে দাও ; ধীরে ধীরে তাহাকে অনন্তে মিশাইতে দাও । চূপ !

অমর ।

বঙ্কিম-প্রসঙ্গ ।

—:~:—

বঙ্কিমচন্দ্র কিরূপ ভাবে উপদেশ দিতেন; তাহার একটি পরিচয় দিব ।

আমাদের বংশের কেহ বাহিরেব লোকের কাছে মন্ত্র গ্রহণ করেন ন বংশের মধ্যে কোন বয়োজ্যেষ্ঠ উপযুক্ত ব্যক্তির কাছে মন্ত্র গ্রহণ করিয়া থাকেন । এ প্রথা বহুকাল হইতে আমাদের বংশে চলিয়া আসিতেছে । তদনুসারে আমার কোন খুল্লতাত-ভ্রাতা বঙ্কিমচন্দ্রের নিকট মন্ত্র গ্রহণ করিয়াছিলেন । মন্ত্র প্রদান করিয়া বঙ্কিমচন্দ্র তাঁহার নবদীক্ষিত শিষ্যকে একটিমাত্র উপদেশ প্রদান করিয়া ছিলেন । তিনি বলিয়াছিলেন, “তুমি নিয়ত স্মরণ রাখিবে, তুমি ব্রাহ্মণ ।” কথাটি বড় ছোট নহে । এত অল্প কথায় এত বড় উপদেশ হইতে পারে, আমি পূর্বে তাহা জানিতাম না ।

এবার বঙ্কিমচন্দ্রের হৃদয়ের পরিচয় দিবার অভিপ্রায়ে একটা ক্ষুদ্র গল্পের অবতারণা করিব । কাঁটালপাড়ার সন্নিকটবর্তী গরিফা নিবাসী কোন ভদ্র-সন্তান বিদ্যাভ্যাস করিতে সমুদ্রপারে গমন করিয়াছিলেন । তিনি ফিরিয়া আসিয়া দেখিলেন, সমাজ তাঁহার বিরুদ্ধে দ্বার রুদ্ধ করিয়াছে । তৎকালে আমার পিতা ও খুল্লতাত সঞ্জীবচন্দ্র সমাজের নেতা । ভদ্র-সন্তান আমার পিতার আশ্রয় ভিক্ষা করিলেন । পিতা আশ্রয় দিতে পরাস্বুখ হইয়া বলিলেন, “আমি বদৃচ্ছা সমাজের উপর অত্যাচার করিতে পারি না ; তুমি তোমার জাতির কাছে যাও । যদি তোমার স্বজাতি তোমায় গ্রহণ করে ত তাহা হইলে আমার কোন আপত্তি নাই ।”

অবশেষে তিনি প্রায়শ্চিত্ত করিলেন । কিন্তু জাতি বা সমাজ তাঁহাকে গ্রহণ করিল না । তখন তিনি নিরুপায় হইয়া বঙ্কিমচন্দ্রের শরণাগত হইলেন ।

বঙ্কিমচন্দ্রের দয়া হইল । তিনি ভাবিয়া চিন্তিয়া একটা উপায় স্থির করিলেন ; ভদ্র-সন্তানকে সম্বোধন করিয়া বলিলেন, “দেখ, তুমি একটা রবিবারে আমার নিমন্ত্রণ কর, আমি তোমার বাড়ীতে গিয়া থাইয়া আসিব ।”

তিনি তাহাই করিলেন । বঙ্কিমচন্দ্র রবিবার দিবস বেলা ৯ টার সময় শিরালমহে ট্রেনে উঠিলেন ; এবং দশটা সাড়ে দশটার সময় নৈহাটীতে নামিয়া ঘোড়ার গাড়ী করিয়া নিমন্ত্রণকারীর বাড়ীতে উপস্থিত হইলেন, কাঁটালপাড়ার কেহ তাঁহাকে দেখিতে পাইল না, অথবা তাঁহার উদ্দেশ্য জানিতে পারিল না ।

কথিত ভদ্রলোকের গৃহে অন্নাহার করিয়া বঙ্কিমচন্দ্র অপরাহ্নে আমার পিতার সহিত সাক্ষাৎ করিলেন। আমি তখন উপস্থিত ছিলাম। বঙ্কিমচন্দ্র হই একটা কথার পর সহাস্যে বলিলেন, “দাদা, একটা কাণ্ড করেছি।”

পিতা জিজ্ঞাসা করিলেন, “কি করেছ ?”

বঙ্কিমচন্দ্র হাস্যের সুর আরও চড়াইয়া বলিলেন, “রায়েদের বাড়ী খেয়ে এসেছি।”

পিতা স্তম্ভিত হইলেন। রায় মহাশয় অন্তরালে অবস্থান করিতেছিলেন। সময় বুঝিয়া তিনি অগ্রসর হইলেন। তখন পিতা আর কি বলিবেন? ভদ্র-সম্মান অচিরে সমাজে স্থান পাইলেন। কিন্তু ক্ষুধার্ত্ত ব্রাহ্মণ পণ্ডিতের দল কিছু না লইয়া ছাড়েন নাই। কবেই বা ছাড়েন? অন্নপ্রাশনে বা শ্রাদ্ধে—আগমনে বা নিষ্ক্রমণে তাঁহাদের সমান আনন্দ। শ্রাদ্ধে কিছু বেশী, কেন না তখন বিদায় দিয়া ‘বিদায়’ গ্রহণ করেন।

ভদ্রসম্মান সমাজে স্থান পাইয়া বঙ্কিমচন্দ্রের নিকট চিরদিন কুতজ্ব ছিলেন। এইরূপ অনেকে সমাজচ্যুত হইয়া অবশেষে বঙ্কিমচন্দ্রের শরণাগত হইয়াছিলেন। বঙ্কিমচন্দ্র তাঁহাদের অভয় দিয়া সমাজভুক্ত করিয়া লইয়া ছিলেন। তাঁহাদের নাম করিবার প্রয়োজন নাই। মহামহোপাধ্যায় হরপ্রসাদ শাস্ত্রী ও বাবু তারকনাথ সরকার সে সব কথা বলিতে পারেন।

বঙ্কিমচন্দ্র যখন বহরমপুরে ছিলেন তখন কোন পত্রিকা-সম্পাদক ভিক্ষার্থে কলিকাতা হইতে তথায় উপস্থিত হইয়াছিলেন। চাঁদা কি জন্য, তাহা আমি জানি না। সম্পাদক মহাশয় চাঁদা সংগ্রহে বড় একটা কুতকার্য্য হইতে না পারিয়া অবশেষে বঙ্কিমচন্দ্রকে ধরিলেন। বঙ্কিমচন্দ্র রাণী স্বর্ণময়ীকে অনুরোধ করিলেন। রাণী তদুত্তরে চারিশত টাকা প্রদান করিলেন; সম্পাদক মহাশয় চারিশত টাকা লইয়া গৃহে প্রস্থান করিলেন।

অতঃপর বঙ্কিমচন্দ্রের মনে ধারণা জন্মিল যে, এই টাকা উচিত কার্য্যে ব্যয়িত হয় নাই। তিনি বড় ক্ষুব্ধ হইলেন; কেন না, তাঁহারই চেষ্টায় এ টাকা সংগৃহীত হইয়াছিল। তিনি এই চারি শত টাকা দাতাকে ফিরাইয়া দিবার জন্ত সম্পাদক মহাশয়কে অনুরোধ করিলেন। সম্পাদক উদগীরণ করিতে অসম্মত হইলেন। তখন উভয়ের মধ্যে কড়া কড়া কথা চলিতে লাগিল। অবশেষে উভয়ের মধ্যে সকল সম্বন্ধ বিচ্ছিন্ন হইল।

সম্পাদক মহাশয় তখন বেশ এক হাত লইলেন; তাঁহার হাতে কাগজ ছিল; তিনি সেই পত্রিকার স্তম্ভে খুব জোর কলমে বঙ্কিমচন্দ্রের বিরুদ্ধে লিখিতে লাগিলেন। কাগজখানি সে সময় বাঙ্গালায় লিখিত হইত। বাঙ্গালা ভাষায়, বাঙ্গালীর গৌরব বঙ্কিমচন্দ্র অনেক গালি খাইলেন। তিনি কোন উত্তর দিলেন না; কেবল ‘রজনীতে’ হীরালালকে আনিয়া সম্পাদকের চরিত্র অঙ্কিত করিলেন।*

শ্রীশচীন্দ্র চট্টোপাধ্যায়।

* গ্রন্থকারের বঙ্কিমচন্দ্রের জীবনী হইতে।


শ্রীক্ষেত্র ।

—:—

অষ্ট শ্রীশ্রীজগন্নাথ দেবের রথ-যাত্রা । কয়েক দিন পূর্ব হইতেই 'রথেজু বামনং দৃষ্ট্বা পুনর্জন্ম ন বিণ্ডতে' এই মহাজনোক্তি স্মরণ করিয়া ধর্মপ্রাণ হিন্দু যাত্রীর দল নানা দিশে দিশে হইতে শ্রীক্ষেত্র পুরী অভিমুখে ধাবিত হইয়াছে । উৎকলে শ্রীক্ষেত্রে এ মহোৎসব যে দেখিয়াছে সে আর জীবনে তাহা ভুলিবে না । লক্ষাধিকলোক মিলিত কর্তে যখন 'জয় জগন্নাথ জি কি জয়' উচ্চারণ করে তখন সেই উৎসারিত ভক্তির উৎসে অবিশ্বাসীর হৃদয়ও প্রাণিত হইয়া উঠে । সমগ্র উৎকল দেশ প্রাচীন কাল হইতেই ধর্মক্ষেত্র বলিয়া প্রসিদ্ধ ; এই স্থানে গঙ্গাপাসকের তীর্থ ক্ষেত্রই বিরাজমান :—(১) বিদ্রজা মণ্ডল বা পার্বতী ক্ষেত্র—বজ্রপুর বা যাজপুর—পুতসলিলা বৈতরণীতীরে (২) মহাবিনায়ক ক্ষেত্র—গণপতি ক্ষেত্র—ধান মণ্ডল রেলষ্টেশন হইতে কিয়দূরে (৩) হরক্ষেত্র—একলিঙ্গ লিঙ্গেশ্বর বা ভুবনেশ্বর (একাত্রবন) (৪) অর্কক্ষেত্র বা পদ্মক্ষেত্র—কোণার্ক—এই সুপ্রসিদ্ধ কৃষ্ণপ্রস্তরনির্মিত সূর্য্যমন্দির পুরী হইতে নয় ক্রোশ পূর্বোক্তরে সাগরতীরে (৫) শ্রীক্ষেত্র—পুরুষোত্তম—পুরী ।

এই প্রধান পঞ্চতীর্থ ব্যতীত সাধারণ দেব মন্দির যে উড়িষ্যার কত আছে কে তাহা গণনা করিবে ? তাই হণ্টার লিখিয়াছেন, শত শত দেবালয় এই প্রদেশের কীর্তি বিস্তার করিতেছে । এমন গ্রাম বিরল যথায় উৎকৃষ্ট মন্দির দেবোত্তর নহে । প্রতি নগরে বৃহৎ মন্দির ও প্রতি গ্রামে দেবালয় বিরাজমান । এই ধর্মপ্রবণতার স্রোত পার্বত্য অঞ্চলের দিকেও প্রধাবিত, মুক্ত বৃহৎ প্রত্যেক পর্বতচূড়া দেবমন্দিরে অলঙ্কৃত । বৈদেশিকরাও এ দেশে আসিলে পবিত্র ক্ষেত্রে উপস্থিত হইয়াছি, এই ভাব অনুভব করেন । এখনও উড়িয়া কৃষক বলিয়া থাকে, প্রতিমা-নাশক মুসলমান বিজেতা এই স্থানে আসিয়া অপ্রতিভ হইয়া ফিরিয়াছে । কথিত আছে, জনৈক মুসলমান সেনাপতি বলিয়াছিলেন,—(১) এ দেশ মানুষের উচ্চাভিলাষের বা জয়াকাঙ্ক্ষার স্থান নহে, ইহা দেবতার গীলাভূমি ; এক প্রান্ত হইতে অপর প্রান্ত পর্য্যন্ত এখানে ধর্ম-যাত্রীরই অধিকার । বিদেশীর মনেই যখন এই ভাব তখন তীর্থযাত্রী বা পর্য্যটক হিন্দুর পক্ষে এই পূণ্য ভূমি বিরূপ অপূর্ব শ্রীসম্পন্ন বলিয়া

ଆର୍ଯ୍ୟାବର୍ତ୍ତ ।



ଶ୍ରୀ ଶ୍ରୀ ଜଗନ୍ନାଥ ଦେବର ମନ୍ଦିର—ପୁରୀ ।

Printed by K. V. Seyne & Bros.

প্রতীয়মান হয়, তাহা সহজেই অনুমের। উৎকলের সমস্ত তীর্থে মধ্য আকার তীর্থরাজ পুরুষোত্তমই বহু প্রাচীন কাল হইতে সমগ্র ভারতবাসী হিন্দুর ভক্তিপূর্ণ অনুরাগ আকর্ষণ করিয়া আসিতেছে। বৈদিক উক্তি ছাড়িয়া দিয়া (১) মহাভারতের লবণ সাগর গর্ভ হইতে ‘পুনরুন্মহ্য সলিলা দেবী রূপা স্থিতা বভৌ’ (২) উল্লেখ যদি শ্রীক্ষেত্রের রত্ন বেদী অনুমান করা যায়, তবে বলিতে হইবে অতি প্রাচীন কাল অবধি পুরী দেবেশ বিষ্ণুর অধিষ্ঠানক্ষেত্র। প্রধান প্রধান পুরাণ গ্রন্থে পুরুষোত্তমের মাহাত্ম্য কীর্তিত আছে (৩) পরবর্তী তন্ত্র গ্রন্থেও এই মাহাত্ম্য সম্প্রদানিসম্মতিক্রমে স্বীকৃত। কলিঙ্গদেশ মহারাজ অশোকের রাজ্যত্ব হইবার পর উৎকলে বৌদ্ধ প্রভাব বদ্ধমূল হয়। বৌদ্ধেরাও এই পুরুষোত্তমকে কেন্দ্র করিয়া উড়িষ্যায় সঙ্কল্পের জয়পতাকা উড্ডীন করিয়াছিলেন। খণ্ডগিরি প্রভৃতিতে জৈন ধর্মের প্রাচুর্য্যের দৃষ্টান্তও বিরল নহে। তবেই অন্ততঃ সার্কি দ্বিসহস্র বৎসর ধরিয়। শ্রীক্ষেত্র হিন্দুর ধর্ম-ক্ষেত্র স্বরূপে বিদ্যমান রহিয়াছে, ইহা সাহস করিয়া বলা যায়। শ্রীমৎ শঙ্করাচার্য্য হইতে আরম্ভ করিয়া শ্রীচৈতন্য প্রভৃতি মহাত্মগণ এ ক্ষেত্রে শুভাগমন করিয়া ইহাকে পুণ্যভূমি করিয়া তুলিয়াছেন। এ হেন তীর্থে রথ দেখিবার জন্ম লোকের অত্যাধিক আগ্রহ আশ্চর্য্যের বিষয় নহে।

(১) স্মার্ত শিরোমণি রঘুনন্দন অথর্ব বেদ হইতে উদ্ধৃত করিয়াছেন।

আদৌষদারু প্লবতে সিন্ধোমধ্যে অপুরুথম্।

তদাবলম্ব দুদুনো তেন যাহি পরং স্থলম ॥

শাখায়ন ব্রাহ্মণেও এই বচন আছে। কিন্তু বর্তমান মুদ্রিত অথর্ব বেদে ইহা না পাইয়া কেহ কেহ ইহার আধুনিকত্ব প্রতিপাদনে প্রয়াসী। শাখায়নের ভাষ্যকার “অপুরুষদারুময় পুরুষোত্তমের আরাধনা করিলে লোকে ‘পরং স্থলং’ বিম্বলোক যায়” এই ব্যাখ্যা দিয়াছেন, এবং পণ্ডিতপ্রবর রঘুনন্দনের উক্তি প্রামাণিক।

(২) বন পর্ব—১৪৪। “সান্নিধ্যং কুরু দেবেশ সাগরে লবণান্তসি” ইত্যাদি উক্তি শ্রীক্ষেত্র লক্ষ্য করিয়াই বলা হইয়াছে স্পষ্ট মনে হয়। তবে এ কালে “বৌদ্ধ প্রভাবের পূর্বে হিন্দুর প্রায় কিছুই ছিল না” এই মত বড়ই প্রবল; যে কিছু প্রাচীনত্বের প্রমাণ বাহির হয়—তাহাই প্রকিণ্ডের মধ্যে পড়িতেছে বলিয়াই—জয়ের কথা।

(৩) ব্রহ্ম পুরাণ, পদ্ম পুরাণ, নারদ পুরাণ, এবং হৃদ পুরাণের উৎকল খণ্ডে জগন্নাথ মূর্তি স্থাপনের কিবরন এবং পুরুষোত্তম-মাহাত্ম্য কীর্তিত হইয়াছে। পুরাণগুলির বয়স এখনও নিশ্চিতরূপে নির্ণীত হয় নাই। অন্যান্য পুরাণেও ক্ষেত্র-মাহাত্ম্য বর্ণিত আছে। কপিল সংহিতা ও মীলাত্রি মহোদয় উড়িষ্যায় লিখিত। এতদ্বির বিষ্ণু বামল, রত্ন বামল, বব্জুচ পরিশিষ্ট ও চতুর্ভুজ চিত্তামণি প্রভৃতি তন্ত্রাদি গ্রন্থেও ক্ষেত্র-মাহাত্ম্য সবিশেষ আলোচিত হইয়াছে।

হনু পুরাণে উৎকল খণ্ডে লিখিত আছে যে, সত্যযুগে জনৈক তপস্বী পরম ভাগবত অবন্তীর অধিপতি মহারাজ ইন্দ্রদ্যুম্নের নিকট উপনীত হইয়া তাঁহাকে বলিলেন, “ভারতবর্ষের অন্তর্গত বিষ্ণু ক্ষেত্র সমূহের মধ্যে ওড়্র দেশের সমুদ্রতীরবর্তী পুরুষোত্তম ক্ষেত্র অতি মহান্। বৈতরণী হইতে ঋষিকুল্যা পর্য্যন্ত স্থান অতি পবিত্র, তন্মধ্যে দক্ষিণ সমুদ্রের উত্তর ভাগের পঞ্চকোশ পুণ্যতর এবং ইহার মধ্যে কোশত্রয়পরিমিত দক্ষিণাবর্ত শঙ্খাকৃতি ভূমি পুণ্যতম, কিন্তু হুর্গম। উহার তৃতীয়াবর্তে নীলাচলে নীলনীরদকান্তি নীলমাধব মূর্তি আবির্ভূত হইয়াছেন। দেবতারা বৎসরের অর্ধেক কাল তাঁহার পূজা করেন, অপরাধকে বিশ্ববসু নামক পুণ্যবাণ শব্দে অর্চনা করিয়া থাকে। সেই স্থান অতি গোপনীয় পুণ্যভূমি। সামান্য গুণশালী ব্যক্তিদিগের চক্ষুচক্ষু দ্বারা ঐ মূর্তি দৃষ্টিগোচর হয় না। এই অদ্বিতীয় পবিত্র বিষ্ণুবেষ্টনে আমি নিরন্তর বাস করি। যদি তুমি এই শ্রীমূর্তি দর্শনে অভিলাষী হও, তবে প্রথমে আপনার কোন বিশ্বস্ত ব্যক্তিকে তথায় প্রেরণ কর। তিনি পথ নিরূপণ করিয়া প্রত্যাগমন করিলে তুমি সেই ক্ষেত্রে যাত্রা করিবে।” এই বলিয়া তপস্বী অন্তর্হিত হইলেন।

মহারাজ ইন্দ্রদ্যুম্ন স্বীয় পুরোহিতের কনিষ্ঠ ভ্রাতা বিদ্যাপতিককে নীলাঙ্গি গমনে আদেশ দিলেন। বিদ্যাপতি মহানদী উত্তীর্ণ হইয়া একান্ত কানন লঙ্ঘন করিয়া নীলাচলের দিকে চলিলেন; পথিমধ্যে ব্যাধ বিশ্ববসুর সাক্ষাৎ পাওয়ার তাহার সাহায্যে অনায়াসে হুর্গম পথ অতিক্রম করিলেন। ব্যাধের সহিত মিত্রতা স্থাপন করিয়া তাহার সাহায্যে তিনি রোহিণ্যাদি তীর্থ ও নীলমাধব দর্শন করিলেন। অতঃপর বিদ্যাপতি স্বদেশে প্রত্যাগমন করিয়া রাজাকে সংবাদ দিলে ইন্দ্রদ্যুম্ন অবিলম্বে মন্ত্রীর হস্তে রাজ্যভার ন্যস্ত করিয়া সপরিবারে প্রধান প্রজাবর্গ ও সম্পত্তিসহ নারদের সঙ্গে উৎকল যাত্রা করিলেন। উড়্রিয়ার সীমান্তভাগে রাজা চণ্ডিকা-দেবী দর্শন ও অর্চনা করিলেন। চিত্রোৎপলা মহানদীর সমীপবর্তী স্থানে উড়্রিয়ারাজের সহিত ইন্দ্রদ্যুম্নের সাক্ষাৎ হইল তাঁহার নিকট নীলাচল বালুকায় প্রোথিত হইয়াছে, এই সংবাদ শুনিয়া রাজা ইন্দ্রদ্যুম্ন নিতান্ত মুহূমান হইয়া শেষে নারদের পরামর্শে ও উৎসাহে অগ্রসর হইতে লাগিলেন। তাঁহার একান্তকানন (ভুবনেশ্বর) দিয়া অগ্রসর হইবার সময় লিঙ্গেশ্বরের পূর্বাঙ্ক-পূজার বাদ্য-ধ্বনি শুনিতে পাইলেন। নারদ বলিলেন, কৃষ্ণের সহিত স্বর্গে পরাস্ত স্মতরাং ভীত হইয়া শিব তখন একান্তকাননে অবস্থিত

করিতেছেন। রাজা বিন্দুতীর্থে স্নান ও একলিঙ্গের অর্চনা করিয়া পরে অগ্রসর হইলেন। নারদ বলিয়াছিলেন, নীলমাধব তিরোহিত হইয়াছেন বটে, কিন্তু তিনি পরে দারুব্রহ্মরূপে অবতীর্ণ হইবেন। ইন্দ্রদ্বায় সমুদ্রতীরে উপনীত হইয়া নরসিংহ দেবের স্থাপনের পরে শত অশ্বমেধ যজ্ঞ আরম্ভ করিলেন। যজ্ঞের ষষ্ঠ দিনে রাজা স্বপ্নে ভগবানের শ্বেতদ্বীপস্থ অপূর্ব মূর্তি দর্শন করিলেন। নারদের নিকট স্বপ্নের কথা ব্যক্ত করিলে নারদ বলিলেন “দশ দিনেই স্বপ্নের ফল প্রত্যক্ষ হইবে; তিনি যজ্ঞশেষে বৈকুণ্ঠনাথের সাক্ষাৎ পাইবেন।” যজ্ঞাবসানে মঞ্জিষ্ঠাবর্ণের এক বৃক্ষ সমুদ্রতটে সংলগ্ন দেখিয়া লোক রাজাকে সংবাদ দিল। শত্ৰুচক্রাঙ্কিত মহান বৃক্ষকাণ্ডের সৌরভে সমুদ্রতীর পরিব্যাপ্ত হইল। নারদ মহানন্দে রাজাকে বলিলেন “স্বপ্ন অদ্য সফল হইল। শ্বেতদ্বীপে ভগবানের লোম হইতে এই বৃক্ষের উৎপত্তি।” রাজা বৃক্ষরূপী চতুর্ভূজ নারায়ণ মূর্তি দেখিলেন; নারদের পরামর্শে বাদ্যোৎসব সহকারে তরুরূপী যজ্ঞেশ্বরকে লইয়া গিয়া যজ্ঞবেদীর মধ্যে স্থাপিত করিলেন। এই দারুতে কি প্রকারে প্রতিমা নির্মিত হইবে জিজ্ঞাসিত হইয়া নারদ বলিলেন, “অচিন্ত্য জগৎ-পতির রূপ কে স্থির করিতে পারে?” ইতোমধ্যে আকাশ বাণী হইল, “মহারাজ চিন্তা নাই, শাস্ত্রপাণি এক বৃদ্ধ বার্কিক আসিয়া নির্মাণ কার্য আরম্ভ করিবে। পঞ্চদশ দিবস প্রতিমার নির্মাণস্থান অর্থাৎ যজ্ঞবেদীর চতুর্দিক রুদ্ধ করিয়া রাখিবে, এবং সর্বদা বাদ্যধ্বনি করাইবে, যেন নির্মাণ-শব্দ কেহ না শুনিতে পায়। যে ঐ শব্দ শুনিবে তাহার বংশনাশ ও যে দেখিবে সে অন্ধ হইবে।” বিশ্বকর্মা বৃদ্ধ সূত্রধররূপে মহাবেদীমধ্যে প্রবেশ করিলেন। পঞ্চদশ দিবসে দ্বার উদ্ঘাটিত হইলে দেখা গেল, বার্কিক অস্তহিত এবং সূদর্শনহস্ত জগন্নাথ, বলরাম ও চাক্রমুখী সূভদ্রা রত্নবেদীর উপর বিরাজিত।

অনন্তর রাজা ইন্দ্রদ্বায় মূর্তিপ্রতিষ্ঠার নিমিত্ত সহস্র হস্ত উচ্চ প্রাসাদ নির্মাণ করাইয়া তাহার গর্ভে প্রতিষ্ঠা করাইলেন এবং শবর বিশ্ববসুর বংশধরগণকে আনাইয়া প্রতিমার লেপ-সংস্কার কার্য নির্বাহ করিলেন। তৎপরে মন্দিরের ও প্রতিমার প্রতিষ্ঠাকালে ব্রহ্মাকে আনয়ন করিবার নিমিত্ত ইন্দ্রদ্বায় নারদের সঙ্গে ব্রহ্মলোকে উপনীত হইলেন। ব্রহ্মা তখন পূর্ণ ব্রহ্মের লীলা-গান-শ্রবণে ব্যাপ্ত ছিলেন। রাজা দ্বারদেশে অপেক্ষা করিতে লাগিলেন। পরে নারদ সমস্ত বিষয় জ্ঞাপন করিলে ইন্দ্রদ্বায়কে নিকটে আনাইয়া ব্রহ্মা বলিলেন—
“রাজন, তুমি পরম বিষ্ণুভক্ত। তোমার প্রার্থনা পূর্ণ করিতে আমি সম্মত আছি।

কিন্তু তুমি যে সময়টুকু এই স্থানে অপেক্ষা করিয়াছ, তাহার মধ্যে ৭১ যুগ অতীত হইয়াছে। এখন স্বরোচিষ মনুর অধিকার। যে কার্যের জন্ত আসিয়াছ সেই মূর্তির ও প্রাসাদের চিত্রমাত্র আছে। যাহা হউক তোমরা অগ্রগামী হইয়া প্রতিষ্ঠাসভার আয়োজন কর, আমি দেবগণসহ পশ্চাৎ যাইতেছি। ইন্দ্র-ছায় মর্ত্যে প্রত্যাগমন করিয়া অনেক অনুসন্ধানের পর দেখিলেন যে, তাঁহার নিশ্চিত মন্দিরে উড়িষ্যার গাল রাজার প্রতিষ্ঠিত মাধবমূর্তি বিরাজমান। মাধবকে মন্দিরের পশ্চিম ভাগের ক্ষুদ্র মন্দিরে স্থাপিত করিয়া রাজা প্রতিষ্ঠার জব্যাদির আয়োজন করিতে লাগিলেন। লোকে গাল রাজাকে এই বৃন্তাস্ত জানাইলে তিনি মহাক্রোধে সসৈন্যে যুদ্ধার্থ অগ্রসর হইলেন; কিন্তু ক্ষেত্রে উপনীত হইয়া অপূর্ব দেবমূর্তি ও ব্রহ্মা প্রভৃতিকে তাহার প্রতিষ্ঠায় নিযুক্ত দেখিয়া আপনাকে কৃতার্থ মনে করিলেন। ইন্দ্রছায়ের যথারীতি সংকার করিয়া গাল রাজা তাঁহার অনুগত হইয়া প্রতিষ্ঠাকার্যে যোগ দিলেন। ব্রহ্মা ভরদ্বাজ মুনিকে প্রাসাদ-প্রতিষ্ঠা করিবার আজ্ঞা দিলেন। বৈশাখের শুক্ল অষ্টমী তিথিতে পুষ্যা নক্ষত্রে বৃহস্পতিবারে মন্দির প্রতিষ্ঠিত হইল। এই সময় ভগবান স্বয়ং ইন্দ্রছায়কে সম্বোধন করিয়া বলিলেন, “তোমার এই নিষ্কাম কার্যে আমি প্রীত হইয়াছি। তুমি ভূরি অর্থব্যয় করিয়া এই প্রাসাদাদি নির্মাণ করাইয়াছ—ইহ ভগ্না হইলেও আমি এই স্থান ত্যাগ করিব না। অপরাধ কাল পর্যন্ত দারুভঙ্গরূপে এই স্থানে অবস্থান করিব।” (১) অতঃপর পূজা, রথ উৎসবদির বর্ণনা, মহাবেদী মহাত্ম্য ও ক্ষেত্র-মহাত্ম্য বর্ণিত আছে। বিখ্যাতসুবংশীয় দয়িত (ভগবানের প্রিয়) এবং বিদ্যাপতিবংশীয়রা (বর্ত্তমানে পতি ও মহাপাত্র) সেবার কার্যে নিযুক্ত রহিলেন। অন্ন প্রসাদ সম্বন্ধে জাতিভেদজ্ঞান ত্যাগ করিয়া নির্বিকার ভাবে উহা গ্রহণ করিতে হইবে, ‘প্রাসাদের অবমাননার ফল’ ইত্যাদি কথাও উৎকল খণ্ডে উল্লিখিত হইয়াছে।

ব্রহ্ম এবং নারদ পুরাণে উল্লিখিত বিবরণ অপেক্ষা সংক্ষিপ্ত এক বর্ণনা পাওয়া যায়। ইহাতে বিদ্যাপতি ও শবর-সংবাদ নাই; ইন্দ্রছায় পুরুষোত্তম ক্ষেত্রে আসিয়া যজ্ঞসমাপনান্তে কিরূপে পুরুষোত্তম-সাক্ষাৎকার লাভ হইবে এই চিন্তায় কুশাসনে নিম্জিত হইয়া পড়িলে ভগবান তাঁহাকে স্বপ্নে দেখা দিয়া বলেন, “হে মহীপাল, তোমার ভক্তিতে ও যজ্ঞে আমি প্রীত

হইয়াছি। তুমি আমার সনাতনী প্রতিমা প্রাপ্ত হইবে। নিশাবসানে সাগর-
তীরে জলে স্থলে কুলালস্বী এক মহা বৃক্ষ দেখিতে পাইবে। একাকী পরশু
হস্তে তথায় যাইবে এবং সেই বৃক্ষে আমার প্রতিমা নির্মাণ করিবে।” রাজা
সেই বৃক্ষচ্ছেদন আরম্ভ করিয়াছেন, এমন সময় বিষ্ণু বিশ্বকর্মাণকে লইয়া তথায়
উপনীত হইলেন এবং পরিশেষে বিশ্বকর্মার দ্বারা ত্রিমূর্তি নির্মিত হইল। (১)
পদ্মপত্রায়ত নগ্ন শঙ্খচক্রগদাধর নীলজীমূতসন্নিভ ও দিব্য হরি মূর্তি (২)
শারদেন্দুসমপ্রভ নীলাম্বর মহাবল অনন্তমূর্তি (৩) স্বর্ণবর্ণাভা হারকেয়ূরভূষিতা
শুভদ্রা মূর্তি। ইন্দ্রদ্বায় সরোবরের দক্ষিণে নৈঋত কোণে নগুপের উপরে রাজার
নির্মিত মন্দিরে মূর্তিত্রয় স্থাপিত করিবার নিমিত্ত স্বয়ং বিষ্ণু আদেশ দিয়া গেলেন।
মহা মহোৎসবে রথে করিয়া মূর্তিত্রয় প্রাসাদে প্রতিষ্ঠিত হইল। ইতি। উৎকল
খণ্ডের বর্ণনার সহিত ইহার তুলনা করিলে বলিতে হইবে, উৎকল খণ্ড পরবর্তী
কালে লিখিত। অন্যান্য পুরাণে (কুর্মা, পদ্ম, মৎস্য, বরাহ ইত্যাদিতে) উৎকল
খণ্ডে প্রতিপাদ্য ক্ষেত্র-মাহাত্ম্য বর্ণিত হইয়াছে। পরবর্তী কপিল সংহিতা, নীলাজি-
মহোদয় প্রভৃতি সংস্কৃত গ্রন্থের বর্ণনা বিস্তারিত বলিয়া তাহা দেশীয় পণ্ডিতের রচনা
বলিয়া অনুমিত হয়। মন্দিরে রক্ষিত মাদলা পঞ্জীতে জগন্নাথের ইতিহাস লিখিত
আছে। উড়িয়া ভাষায় মাগুনিয়া দাসের ক্ষেত্র পুরাণ ও শিশুরামের দারুব্রহ্ম
নামক পুস্তকদ্বয়ে উৎকলে প্রচলিত প্রবাদযোগে রূপান্তরিত হইয়া জগন্নাথের
প্রতিষ্ঠাব্যাপারও জগন্নাথদেবের মত নব কলেবর ধারণ করিয়াছে। বারাস্তরে
ঐ সমস্ত বর্ণনার সার সংগ্রহ করা যাইবে।

শ্রীজগন্নাথ নীল মাধবরূপে পূর্বে শবরের পূজিত ছিলেন, ইন্দ্রদ্বায়ের
আগমনের অব্যাহিত পূর্বে সমুদ্রমধ্যে গুপ্ত হইয়াছিলেন, শেষে ইন্দ্র-
দ্বায় যজ্ঞান্তে দারুব্রহ্মরূপে জগন্নাথের প্রতিষ্ঠা করেন। এই সমস্ত উল্লেখ
অনুমিত হয় যে, আর্য্যগণের মধ্যে যাহারা প্রথমে উৎকলে পদার্পণ করেন,
তাহারা প্রাচীন অধিবাসী শবরদলকে অনুগত করিবার অভিলাষে, তাহাদের
স্থাপিত মূর্তির অনুকরণে দারুমূর্তির পূজাই প্রচলিত করিয়াছিলেন। তখন
তাহাদের যজ্ঞের মহাবেদীই পূণ্যতীর্থ বলিয়াই গণ্য হইয়াছিল (মহাভারতের-
বেদীর উল্লেখ পুরাণের উক্তির সহিত মিলাইয়া দ্রষ্টব্য); এখনও ব্রাহ্মণ পণ্ডিত-
বর্গ ঐ মহাবেদীকেই পূণ্যময় সিদ্ধপীঠ জ্ঞান করেন; ঠাকুর মহাবেদীতে না
থাকিলে ‘মহা প্রসাদ’ ই হয় না। উৎকল খণ্ডে রথোৎসবকে মহাবেদীর
উৎসব বলিয়া বর্ণনা করা হইয়াছে। দারুব্রহ্মপ্রতিষ্ঠার বিষয়টিই অধর্কবেদের

ও শাস্ত্রানুসারে “অপৌরুষেয় দারু” বলিয়া স্বীকার করা যাইতে পারে । মহাভারতাদিতে দক্ষিণ ও দক্ষিণ-পূর্ব ভূভাগই শবর জাতির বাসভূমি বলিয়া উল্লিখিত হইয়াছে । পাশ্চাত্য পণ্ডিতবর্গের এবং রাজেন্দ্র লাল মিত্র মহাশয়ের গবেষণায় ইতঃপূর্বে স্থিরীকৃত হইয়াছিল যে, জগন্নাথের পূজা উৎসব প্রভৃতির ভিত্তি বৌদ্ধ ধর্ম । তাঁহাদের মতে জগন্নাথমূর্তি বৌদ্ধ যন্ত্র বা ত্রিশূল মূর্তির বা বৌদ্ধ ত্রিমূর্তি (বুদ্ধ, সজ্জ ও ধর্মের) অনুকরণ ; জগন্নাথ মূর্তির মধ্যে এখনও ব্রহ্ম পদার্থ বলিয়া যে বস্তুটি সযত্নে রক্ষিত হয় তাহা বুদ্ধ দেবের চিহ্ন বা উহার অনুকরণে সৃষ্ট ; জগন্নাথের রথযাত্রা উৎসব বুদ্ধদেবের দস্তোৎসব—ইত্যাদি ইত্যাদি (১) মহা প্রসাদে জাতিভেদ প্রথার মূলোচ্ছেদ এবং দেশীয় প্রবাদে ও চিত্রপটে বৌদ্ধ অবতারের জগন্নাথ মূর্তি দৃষ্ট হয় এই দুইটি তাঁহাদের উল্লিখিত প্রমাণের মধ্যে প্রধান কথা ।

কিন্তু সমস্ত বিষয় সবিশেষ পর্যালোচনা করিলে অনুমিত হয় যে, মহারাজ অশোক-প্রিয়দর্শীর রাজ্যভুক্ত হওয়ার পরে কলিঙ্গে ও উৎকলে বৌদ্ধধর্মের বহুল প্রচার হইলে জগন্নাথের উপাসনায় বৌদ্ধ ভাব অনুপ্রবিষ্ট হয় । কিন্তু বৌদ্ধধর্ম এই মূর্তি প্রতিষ্ঠার বা জগন্নাথ-উপাসনার মূল ভিত্তি—এই মত আধুনিক । মাদলা পঞ্জীতে লিখিত আছে—অশোক দেব যখন সম্রাট ছিলেন, তখন বৌদ্ধ ভাবে জগন্নাথের উপাসনা প্রচলিত হইয়াছিল । বুদ্ধের দস্তোৎসবের ব্যাপার পৌরাণিক কাহিনীমাত্র—ঐতিহাসিক ভিত্তিহীন । দস্তপুর ও পুরী একই স্থান নহে । মহাভারতে ইহার নাম দস্তকুরা ; গ্নিনীর ভৌগোলিক বিবরণে দস্তগুলা—ইহা গোদাবরী তীরে অবস্থিত ছিল । বৌদ্ধ যন্ত্রের সহিত জগন্নাথ মূর্তির সাদৃশ্য আনুমানিকমাত্র । হিন্দু শাস্ত্রেও প্রাচীন কাল হইতে যন্ত্র পূজার প্রথা দৃষ্ট হয় । (১) শবরপূজিত নীলমণিনিভ প্রস্তর মূর্তি আর্য্য-ঔপনিবেশিকের হস্তে এই যন্ত্রের ভাবে রূপান্তরিত হইয়াছে, ইহাও বলা যাইতে পারে । রথ-যাত্রা বৌদ্ধদিগের উদ্ভাবিত নহে । অশোকের অনুশাসনে দেবতা-

(১) Cunningham, Fergusson, Hunter and M. Williams and Rajendra Lala Mitra's Orissa.

(১) পণ্ডিত সদাশিব কাব্যকর্ষ অনুমান করেন যে, জগন্নাথ, বলরাম ও সূতজা এই ত্রিমূর্তির—আমাদের ‘ও’ অর্থাৎ অ, উ, ম, এই তিনের যন্ত্রাকারে প্রতিষ্ঠা । মীমাংসা দর্শনে যন্ত্রের সঙ্গে সঙ্গে যন্ত্রপূজার উল্লেখও দেখা যায় । এক্ষেত্রে হস্তপদাদিবিহীন অথচ কার্য-করণক্ষম নিরাকার ব্রহ্মের উপসনাই সূচিত হইতেছে ।

দিগের রথযাত্রার উল্লেখ আছে,-ইহা তাঁহার সময়ে প্রাচীন প্রথা ছিল, স্পষ্ট বোধ হয়। জগন্নাথদেবকে বুদ্ধ অবতারের মূর্তি বলিয়া অঙ্কিত করা উড়িষ্যার অতি অল্প কালই চলিতেছে এবং ভারতের সর্বত্র ইহা স্বীকৃত হয় না। মহাপ্রসাদ কেবল জগন্নাথের নহে, ভুবনেশ্বরে এবং নিকটবর্তী অল্প তীর্থেও সকল জাতীয় লোকের নির্বিকার ভাবে প্রসাদগ্রহণের প্রথা আছে। ব্রহ্ম পদার্থ বুদ্ধদেবের মর্ত্যাদেহের কোন অংশ—বা বৌদ্ধ-প্রথা হইতে এইরূপ চিহ্ন রক্ষা করার প্রথা আসিয়াছে এই উক্তিও সমীচীন নহে; কারণ, বৈদিক যুগেও এই প্রথার উল্লেখ দৃষ্ট হয় এবং প্রাচীন বৌদ্ধগ্রন্থ ‘মহা পরিনির্বাণ সূত্রে’ বুদ্ধদেবের দেহ-সংস্কারের পর দেহের অংশ-বিশেষ রক্ষা করার কথায় তৎপূর্বে এই প্রথা প্রচলিত ছিল দেখা যায় (২)।

দুই বৎসর পূর্বে যখন দ্বিতীয়বার পুরী গিয়া তথায় কিছুদিন ছিলাম, তখন পুরী-নিবাসী মহামহোপাধ্যায় সদাশিব কাব্যকণ্ঠ মহাশয়ের সহিত এই সম্বন্ধে আমার কিছু আলোচনা হইয়াছিল। পণ্ডিত মহাশয় স্বয়ং এ বিষয়ে বাহা লিখিয়াছেন তাহা এবং মন্দিরে রক্ষিত বিখ্যাত মাদলা পঞ্জীর প্রথমাংশ বা ‘রাজভোগ’ ইতিহাসের নকল তাঁহার নিকট যাহা আছে, তাহা অনুগ্রহ করিয়া আমাকে পড়িতে দেন। মাদলা পঞ্জীর (তালপত্রে লিখিত, মর্দলাকার) এই অংশের ভাষা পুরী-প্রবাসী, উড়িষ্যার ভাষায় ফাজেল আমার দুই উকিল বন্ধু বিশেষ চেষ্টা করিয়াও বুঝিতে পারিলেন না; কাব্যকণ্ঠ মহাশয়ের পরিচিত একজন কৃতবিদ্যা বি এ উড়িয়া মহাপাত্র বিশেষ শ্রম স্বীকার করিয়া কয়েকদিন ধরিয়া উহা আমার সমক্ষে অনুবাদ করিলেন, আমি লিখিয়া লইলাম। ইংরাজ পণ্ডিতরা এবং ৮রাজেন্দ্রলাল মিত্র মহাশয় মাদলা পঞ্জীর বয়স কি উপায়ে স্থির করিয়াছিলেন, জানা যায় না। মহাপাত্র মহাশয় বলেন, ইহা অতি প্রাচীন উড়িয়া, সাধারণের বোধগম্য নহে; কিন্তু কত প্রাচীন তাহা স্থির করিবার উপায় নাই। মাদলা পঞ্জীর প্রথম খণ্ডে পুরাণাদির অনুকরণে প্রতি যুগের কাল ও প্রধান সম্রাটগণের নাম আছে। পরে পরীক্ষিতের পুত্র জন্মেজয় হইতে আরম্ভ করিয়া ১৫ জন সম্রাটের অধীনে জগন্নাথের সেবাকার্য্য নির্বাহিত হইয়াছিল বলিয়া উল্লেখ আছে। ইহাদিগের সুদীর্ঘ রাজত্বকাল ও অগ্ৰাণ্য অসম্ভব বিষয়ের নির্দেশ দেখিয়া পঞ্জীর এই অংশ

(২) উল্লিখিত বিষয়ের অনেকগুলি নূতন Bengal District Gazetteer পুস্তকেও স্বীকৃত হইয়াছে। ‘বিষকোষে’ বন্ধুবর নগেন্দ্রনাথ বসু মহাশয়ও বিস্তৃত আলোচনা করিয়াছেন।

আনুমানিক বলিয়া নির্দেশ করা যাইতে পারে । পঞ্জীর মতে তৎপরে শোভন বা শিবদেবের রাজত্বের দ্বিতীয় বর্ষে রক্তবাহু নামক এক যবনরাজ পুরী আক্রমণ করায় জগন্নাথদেবের মূর্তি দক্ষিণদেশে শোণপুরে স্থানান্তরিত ও মৃত্তিকামধ্যে প্রোথিত হয় । ১৪৪ বৎসর পরে মহারাজ যযাতি মূর্তি উদ্ধার করিয়া আনিয়া তাঁহার রাজত্বের ত্রয়োদশ বর্ষে ৩৮ হাত উচ্চ এক মন্দির নির্মাণ ও তাহাতে বিগ্রহের পুনঃ প্রতিষ্ঠা করান । যযাতি দ্বিতীয় ইন্দ্রদ্যুম্ন বলিয়া উল্লিখিত ।

শ্রীকালীপ্রসন্ন বন্দ্যোপাধ্যায় ।

সমালোচনা ।

—:~:—

ব্যবহারিক কৃষি-দর্পণ ।*

—o—

সে বড় লজ্জার কথা—যে দেশের জনসংখ্যার মধ্যে শতকরা প্রায় ৮০ জন কৃষিজীবী, সে দেশের কৃষিকার্যের উন্নতিকল্পে সেই দেশের লোকই এত উদাসীন ; সে বড় ক্ষোভের বিষয়—যে দেশের কৃষকরা মাথার ঘাম পায়ে ফেলিয়া বৎসরের প্রথম হইতে শেষ পর্য্যন্ত দিবারাত্র সমানে একটানা হাড়ভাঙ্গা পরিশ্রম করিয়া দেশের অন্নসংস্থানের জন্য প্রাণপাত করে, সেই দেশের কৃষকরাই দুর্ভিক্ষপীড়িত হইয়া সর্ব্বাশ্রয়ে যমালয়ের পথ দেখাইয়া দেয় ; সে বড় দুঃখের কথা—যাহারা আমাদের সমাজের মেরুদণ্ডস্বরূপ, আমাদের অন্নদাতা, আমরা তাহাদিগকেই ঘৃণার চক্ষুতে, অবজ্ঞার ভাবে দেখিয়া থাকি ! তাই দেশে কৃষি সম্বন্ধীয় কোনরূপ আলোচনা হইতে দেখিলে আমাদের মনে আনন্দের উদয় হয়, আমাদের ক্ষুদ্র ক্ষমতাটুকু কেন্দ্রীভূত করিয়া সেই আলোচনায় যোগদান করিতে ইচ্ছা করে ।

মেডিক্যাল নর্সরীর স্ত্রীযোগ্য অধ্যক্ষ কবিরাজ শ্রীযুক্ত হেমচন্দ্রদেব মহাশয় 'ব্যবহারিক কৃষি-দর্পণ' অভিধেয় একখানি বহুগবেষণাপূর্ণ পুস্তক

* ব্যবহারিক কৃষি-দর্পণ—কবিরাজ শ্রীহেমচন্দ্র দেব কর্তৃক প্রণীত ও প্রকাশিত ।

শ্রণয়ন করিয়া সাধারণের ধন্যবাদার্থ হইয়াছেন। সমালোচনার জন্য আমরাও একধণ্ড পুস্তক উপহার পাইয়াছি।

কিন্তু সমালোচনা করিতে গিয়া বড়ই গোলে পড়িয়াছি। প্রথম গোল—পুস্তকের নাম লইয়া। ‘ব্যবহারিক কৃষি-দর্পণ’ নাম পড়িয়া প্রথমে মনে করিয়াছিলাম যে, ‘ব্যবহারিক’ অর্থে Practical,—যাহা কৃষি-সম্বন্ধে আসল কাষের কথা—Theoryর ফাঁকা কথা নহে। কিন্তু যখন পুস্তকের ভিতরে প্রবেশ করিয়া দেখিলাম যে, ইহাতে প্রকৃত কাষের কথা অতি অল্পই লিপিবদ্ধ হইয়াছে, পুস্তকের অধিকাংশই Theoryতে এবং শস্যের ইতিহাসে ও পরিচয়ে পূর্ণ তখন পুস্তকের নামের অর্থ সম্বন্ধে মনে কেমন একটু সন্দেহ উপস্থিত হইল। গ্রন্থের ২৬ পৃষ্ঠায় উপনীত হইয়া আমাদের এই সন্দেহ ভঞ্জন হইয়াছে। দেখিলাম “কৃষি কাহাকে বলে?” শীর্ষক পরিচ্ছেদে লিখিত আছে,—“কৃষি দ্রব্য স্থলতঃ দুই শ্রেণীতে বিভক্ত করা যাইতে পারে। আলু, ধান.....ইক্ষু, তামাক প্রভৃতি যেরূপ কৃষি হইতে উৎপন্ন হইয়া থাকে, রবার, চা, কফি.....কার্পাস, লাঙ্গা.....প্রভৃতিও সেইরূপ কৃষি হইতে উৎপন্ন হইয়া থাকে। ইহাদের মধ্যে মানবের খাদ্যরূপে যাহা উৎপন্ন হয়, তাহা খাদ্যকৃষি এবং বস্ত্র, রং বা কস্ম প্রভৃতি শিল্পের উপাদানের নিমিত্ত যেগুলি উৎপন্ন হয়, তাহা ব্যবহারিককৃষিরূপে নির্দিষ্ট হইতে পারে।” স্মরণ্য বৃদ্ধা গেল, ব্যবহারিক অর্থে Practical নহে। ইহার অর্থ, যাহা আমরা আহাৰ না করিয়া অন্য উপায়ে ব্যবহার করি।

বাস্তবিকই গ্রন্থের মধ্যে ‘ব্যবহার্য্য’ শব্দ ভিন্ন অন্য কোনও শব্দে বিষয় লিখিত হয় নাই। যাহাতে পেট ভরে, এমন কোন শব্দে উল্লেখও ইহাতে নাই। গ্রন্থে তিনটি বিষয় আলোচিত হইয়াছে,—(১) মিষ্টবর্গ, (২) রবারবর্গ, (৩) সূত্রবর্গ। মিষ্টবর্গ অর্থাৎ, ইক্ষু, বিট, খজুর প্রভৃতির চাষ যে কিস্তি ‘ব্যবহারিক কৃষি’র মধ্যে প্রবেশ লাভ করিল, তাহা বুঝিতে পারিলাম না। এতদ্ভিন্ন ৫২ পৃষ্ঠাব্যাপী একটি উপক্রমণিকা এই গ্রন্থে সন্নিবেশিত হইয়াছে। এই উপক্রমণিকাই পুস্তকের গৌরব রক্ষা করিয়াছে। ইহাতে গ্রন্থকার স্বীয় কৃষিবিষয়ক জ্ঞান, বুদ্ধি ও বিবেচনার প্রকৃষ্ট পরিচয় প্রদান করিয়াছেন; সাধারণ কৃষি সম্বন্ধীয় যাবতীয় অবশ্যজ্ঞাতব্য বিষয় অতি সংক্ষেপে অথচ বেশ নিপুণতাসহকারে বিবৃত হইয়াছে। অন্তরক্ষা, মূলধন, যুক্তিযুক্ত কৃষিকার্য্য, কৃষিকার্য্যে লোকাভাব, লাভজনক কৃষি, মৃত্তিকা পরীক্ষা, ভূমির প্রকারভেদ,

ভূমি-কর্ষণ, সার, শস্তপরিষ্কার, বীজরক্ষা প্রভৃতি বহুতর বিষয় এই অধ্যায়ে আলোচিত হইয়াছে। জীবনেহের মস্তকের স্থায়, এই উপক্রমণিকাই এ পুস্তকের প্রধান অঙ্গ। এই উপক্রমণিকাবিহীন হইলে পুস্তকের প্রাণহানি হইত।

দ্বিতীয় গোল—এই পুস্তক প্রণয়নের উদ্দেশ্য লইয়া। লেখক লিখিয়াছেন,—“ব্যবহারিক কৃষির প্রায় অধিকাংশই বহুব্যয়সাধ্য, সুতরাং বিস্তবান্ না হইলে তাহাদের চাষ সফল হয় না।” তবেই বুঝা গেল যে, এই পুস্তক সাধারণ লোকের জ্ঞান লিখিত হয় নাই; কারণ তাহারা বিস্তবান্ নহে এবং তাহারা “ব্যবহারিক কৃষি” অপেক্ষা খাদ্যকৃষি অধিক বুঝে,—তাহারা যে “হাভাতের” দল। আগে পেটের চিন্তা তাহার পর অন্য কথা। উদয় পূর্ণ থাকিলে তবে অন্য কার্যে মনোনিবেশ করা যায়। গ্রন্থকার অবগত আছেন কি না জানি না যে, আমাদের দেশের দশ আনা লোক প্রত্যহ এক বেলা মাত্র আহার করিতে পায়। দেশের যখন এইরূপ হৃদয়-বিদারক শোচনীয় অবস্থা, তখন দেশের জনসাধারণ যে ‘পেটটা জানে সার’—তাহাতে আর সন্দেহ কি? তাই বলিতেছিলাম যে, যদি কৃষিকার্যের উন্নতি করিয়া দেশের দৈন্য দূর করাই আমাদের প্রকৃত উদ্দেশ্য হয়, তাহা হইলে কি উপায়ে দেশের অন্নভাব ঘূর্ণিতে পারে, কিরূপে আমাদের খাদ্যশস্যের উন্নতি হইতে পারে, সেই বিষয়ে অগ্রে যত্নবান্ হওয়া সর্বতোভাবে কর্তব্য।

তৃতীয় গোল—পুস্তকের ভাষা লইয়া। পুস্তকের ভাষা স্থানে স্থানে দুর্বোধ্য। কোন কোন স্থলে ভাষা অলঙ্কারের ভারে কুঞ্জ হইয়া পড়িয়াছে। একটা নমুনা দিতেছি;—

“কেশরীর অকস্মাৎ ভীষণ গর্জনে বনমধ্যস্থ খাপদকুল যেমন স্তম্ভিত কিংকর্তব্যবিমূঢ় হইয়া পড়ে, ক্রুরদর্শন সর্বোপকরণসম্পন্ন নিষাদের দর্শনে ভীত মৃগকুল যেমন ইতস্ততঃ ধাবমান হয়, অলঙ্ক গতিবিধি লোলরসন মহাব্যালের সমীপসঞ্চরণে বিটপ-শিখর-সমাদীন নিঃশঙ্কচিত্ত বিহঙ্গকুল যেমত ঘোর কোলাহলে উড্ডীয়মান হয়, তমোময় পাপরাশির আগমনে জ্যোতিষরূপ পুণ্যরাশি যেমন মুকায়িত হন, অধুনা আমাদের পূর্বকালীন গ্রাম্য সমৃদ্ধি, সুখশান্তি, সারল্য—আশা-ভরসা ভোগাবসানে ক্ষীণপুণ্য ব্যক্তির লোকান্তর অবতরণবৎ, বিভাবারীসমাগমে ভগবান মরীচিমালীর অস্তর্ধানবৎ, অপার মরুপ্রান্তরে ভূষিত পথিকের নেত্রে মরীচিকাসঞ্চরণবৎ, প্রাণমনবিমোহন

নিষ্কলঙ্ক নিশীথ স্বপ্নবৎ, সমস্তই কর্মফলে, কালপ্রভাবে লোপ পাইয়াছে।” ইহাই কি ভাষার অলঙ্কার? এরূপ অলঙ্কারে ভাষাকে সজ্জিত করা অপেক্ষা তাহাকে নিরাভরণা রাখা শ্রেয়ঃ নহে কি? আবার ‘রাখাল ঠেপাইয়া’, ‘ঝঞ্জাট পোহাইয়া’, ‘আহেলিবেলাত’, ‘সস্তায় কিস্তিমাতে’ প্রভৃতি গ্রাম্য এবং বৈদেশিক শব্দ এবং ‘অসাত্ম্য’ প্রভৃতি দুর্কোথ্য সংস্কৃত শব্দ পুস্তকের বহুতর স্থানে দৃষ্ট হয়। আনাদের ধারণা, এই ভাবের পুস্তকের ভাষা সহজ ও প্রাঞ্জল হওয়াই ভাল। সংস্কৃত শাস্ত্রে সুপণ্ডিত গ্রন্থকারের ‘উচিৎ’ লেখা উচিত হয় নাই।

পূর্বেই বলিয়াছি যে, উপক্রমণিকায় অনেক জ্ঞাতব্য বিষয় সন্নিবেশিত হইয়াছে, কিন্তু উহাতে বর্ণিত বিষয়গুলি বেশ শৃঙ্খলার সহিত সাজান হয় নাই, অর্থাৎ যে বিষয়টি যে স্থানে আলোচিত হওয়া উচিত ছিল, যে বিষয়ের পরে যে কথার অবতারণা হওয়া ভাল ছিল, তাহা হয় নাই। সার সম্বন্ধে লেখক বিস্তারিত আলোচনা করিয়াছেন। কিন্তু সার সম্বন্ধে যাহা প্রধান কথা—কোন্ শ্রেণীর সার কোন্ শ্রেণীর শস্যের পক্ষে উপযোগী, তাহা একেবারেই বলা হয় নাই। আমাদের দেশের কৃষকগণ নানাবিধ সার ব্যবহার করে বটে, কিন্তু কোন্ কোন্ জাতীয় শস্যের পক্ষে কোন্ কোন্ সার বিশেষ প্রয়োজনীয়, তাহা তাহারা সবিশেষ অবগত নহে। আমাদের কৃষকগণকে সার সম্বন্ধীয় অনেক বৈজ্ঞানিক বিষয় এখনও শিক্ষা করিতে হইবে। সারের প্রয়োগ সম্বন্ধে ইংলণ্ডের রাসায়নিকশ্রেষ্ঠদ্বয় মিঃ Lawes ও মিঃ Gilbertএর উক্তি সকলেরই স্মরণ রাখা কর্তব্য। তাঁহারা উপদেশ দিয়াছেন,—

“Use phosphates for turnips and such like root-crops, potash for leguminous plants and active nitrogen for grains.”—এত অল্প কথায় সার সম্বন্ধে এমন সত্ব্তি আমরা আর কখনও দেখি নাই। সার সম্বন্ধে এইরূপ স্থূল কথাও জানা না থাকিলে, সার প্রয়োগ করিয়া আশারূপ ফললাভ করিবার আশা দূরশামাত্র।

পুস্তক পাঠ করিয়া আমাদের দৃঢ়ধারণা হইয়াছে যে, সার সম্বন্ধে গ্রন্থকারের বিশেষ অভিজ্ঞতা নাই; কারণ কার্পাসের জন্ত সারের ব্যবস্থা লিখিবার সময় তিনি তাঁহার পরিচিত সর্বপ্রকারের প্রায় ২০টি সারের উল্লেখ করিয়াছেন, অথচ যে চূণ কার্পাসের প্রধান সার, তাহার উল্লেখ নাই।

গ্রন্থকার লিখিয়াছে, সোরার সংস্কৃত নাম ‘সৌবর্চল লবণ’। কিন্তু

আমাদের বিশ্বাস সোরা ও সৌবর্চল লবণ সম্পূর্ণ স্বতন্ত্র পদার্থ। কবিরাজ মহাশয়কেই জিজ্ঞাসা করি যে, সৈন্ধব, সৌবর্চল, বিট, সামুদ্র ও সস্তার—এই পঞ্চলবণ দ্বারা যখন তিনি কবিরাজী ঔষধ প্রস্তুত করেন, তখন কি সৌবর্চল লবণ বা চলিত কথায় যাহাকে ‘সবল’ লবণ বলে, তাহার পরিবর্ত্তে সোরা ব্যবহার করিয়া থাকেন? সোরা ও সবল লবণ যে একই পদার্থ এ ধারণা তাঁহার কিরূপে হইল?

গ্রন্থের প্রারম্ভে গ্রন্থকার উদ্ভিদের নামকরণ সম্বন্ধে এক নূতন পন্থার উদ্ভাবন করিয়াছেন। তাঁহার ইচ্ছা বৈজ্ঞানিক ল্যাটিন নামগুলিকে যতদূর সম্ভব পরিবর্ত্তিত করিয়া সংস্কৃত নামে পরিণত করা। তিনি *Andropogon nardus* কে ঝানড্রোপোগণ ভূঙ্গুণ, *Butea frondosa*কে বিউটিয়া পলাণ, *Sida acuta*কে বলাপীত প্রভৃতি ল্যাটিন-সংস্কৃত অথবা পূরা সংস্কৃত নামে অভিহিত করিতে চাহেন। ইহাতে লাভ? যখন কোন একটি দেশীয় উদ্ভিদকে ভালরূপে চিনিতে হইলে, (Identify) মিঃ প্রেনের “Bengal Plants” আমাদের একমাত্র সম্বল, তখন কেবলমাত্র নামটির পরিবর্ত্তন করিয়া আমাদের কি লাভ হইবে? ইংরাজী উদ্ভিদ শাস্ত্রের সাহায্য না লইয়া কোন কবিরাজের সাধ্য নাই যে বলিয়া দেন—শাস্ত্রোক্ত গাছের এবং চক্ষুর সমক্ষে বর্ত্তমান গাছের মধ্যে কোন পার্থক্য নাই। দুই বেলা দেখিতেছি, বিচক্ষণ কবিরাজগণও ‘আয়াপান’ জ্ঞানে সেই জাতীয় অগ্র গাছ ঔষধার্থে ব্যবহার করিতেছেন, ‘অশ্বগন্ধা’ বোধে অগ্র বনগাছ ব্যবহৃত হইতেছে। আমাদের আয়ুর্বেদ শাস্ত্রে উদ্ভিদের গুণাগুণ বিস্তারিতভাবে আলোচিত হইয়াছে বটে, কিন্তু উদ্ভিদের সহিত পরিচিত হইবার অর্থাৎ গাছ চিনিবার কোন উপায় বা পন্থা আয়ুর্বেদশাস্ত্রে লিখিত হয় নাই। সুতরাং যখন কোন একটি উদ্ভিদের আকৃতিগত পরিচয় শিক্ষা করিতে হইলে, বাধ্য হইয়া আমাদেরকে ইংরাজী উদ্ভিদশাস্ত্রের সাহায্য লইতে হয়, তখন সেই শাস্ত্রানুযায়ী নামকরণ থাকিলে ক্ষতি কি?

মিষ্টবর্গের মধ্যে ‘ইক্ষু’ অতি উপাদেয় প্রবন্ধ, বহু কথার আলোচনায় পূর্ণ। তবে দীর্ঘ ৬ পৃষ্ঠা ব্যাপী নানা দেশীয় আকের পরিচয়পূর্ণ তালিকা না দিলেও চলিত। লেখক লিখিতেছেন যে, মরিসস্, যাতা প্রভৃতি স্থানের ইক্ষুর চাষ আমাদের দেশে নিষ্ফল হইয়াছে, বহু চেষ্টাতেও ইহাদের চাষ সফল হয় নাই। আমরা কিন্তু তাঁহার মত সমর্থন করিতে না পারায় হুঃখিত। অযোধ্যা

প্রদেশের অন্তর্গত প্রতাপগড় নামক স্থানের সরকারী কৃষিক্ষেত্রে মরিসস্ আকের চাষ হওয়ার আশাতীত ফল-লাভ হইয়াছে। আমরা স্বয়ং সেই কৃষিক্ষেত্র পরিদর্শন করিয়াছি। তদ্বিন্ন সরকারী অগ্রাণু ক্ষেত্রেও যাতা ইক্ষু বেষণ সম্ভোষণক্রমে জন্মাইতেছে। মিষ্টবর্গের মধ্যে তালের গুড় বা চিনির নামোল্লেখমাত্র নাই। দক্ষিণ ভারতে প্রচুর পরিমাণে তালের গুড় ও চিনি প্রস্তুত হইয়া থাকে। রবারবর্গ সম্বন্ধে আমাদের বিশেষ কিছু বক্তব্য নাই, তবে রবার প্রস্তুত-প্রণালী ভাল করিয়া বর্ণনা করা হয় নাই; অধিকাংশ সময়েই যে, ফট্‌কিরী দিয়া রবারের রস গাঢ় করিতে হয়, এ কথাও লিখিত হয় নাই। সূত্রবর্গের মধ্যে কার্পাস অতি সুলিখিত প্রবন্ধ, তবে কার্পাসের চিরশত্রু কীটাদির বিষয় অতি সংক্ষেপে আলোচিত হইয়াছে। বিছুতী, আনারস, বেড়েলা, চাড়া প্রভৃতির আলোচনা আরও সংক্ষেপে করিয়া, পাট, শোন, তিনি প্রভৃতি মূল্যবান সূত্রসম্বলিত গাছের চাষের বিষয় অধিকতর বিস্তৃতভাবে লিপিবদ্ধ হওয়া উচিত ছিল।

আমরা একে একে অনেক কথার আলোচনা করিলাম। পুস্তকখানি সুবৃহৎ, বহু তথ্যে পূর্ণ। ইহার সকল কথার সমালোচনা অসম্ভব, সংক্ষেপে দুইচারি কথা মাত্র বলিলাম। শুদ্ধ কৃষিবিষয়ক নহে, প্রসঙ্গক্রমে পুস্তকমধ্যে লেখক অগ্রাণু নানা বিষয়ের গবেষণা করিয়াছেন। পুস্তক পাঠ করিয়া আমরা বুঝিয়াছি, তিনি দেশের জন্ত নানা বিষয় চিন্তা করেন। অর্থনীতি ও সমাজ-নীতিও তাঁহার চিন্তার বিষয়। তিনি পুস্তকের নানাস্থানে ঐ বিষয়ে চিন্তা-শীলতার পরিচয় প্রদান করিয়াছেন। তিনি একস্থলে লিখিয়াছেন,— “কল ছাড়িয়া হস্তপ্রস্তুত দ্রব্য ব্যবহার করিতে হইবে, কারণ যন্ত্রবলে বহু লোকের কর্ম অল্পলোকের দ্বারা অল্প সময়ে সম্পন্ন হইয়া থাকে। ভারতবর্ষ দুঃস্থ-লোকসংখ্যাবহুল দেশ, কল ছাড়িয়া হস্তপ্রস্তুত দ্রব্য ব্যবহার করিলে এই সকল দুঃস্থ লোকের অন্নসংস্থান হইতে পারে, অপরন্তু হস্তপ্রস্তুত দ্রব্যের উপর অসম-প্রতিদ্বন্দ্বিতাবশতঃ শুল্ক না বসিলেও বসিতে পারে।” ইহাই অর্থনীতির একটি কঠিন সমস্যা। অনেকে লেখকের মতাবলম্বী না হইতে পারেন; কিন্তু ঠাই যে আমাদের বিশেষ ভাবিব্যাক্য কথা সে বিষয়ে সন্দেহ নাই। আবার তিনি অত্র লিখিয়াছেন,— “সন্মাপেক্ষা মহাপাপ অর্থপণে পুত্র বিক্রয় করিতেছি। দুঃস্থ কন্যাভারাক্রান্তগণকে নির্যম হৃদয়ে উৎপীড়ন করিতেছি। মহাপাপের ফলস্বরূপ প্রথম যৌবনেই কতকগুলি অপোগণ্ডভারাক্রান্ত পলিতনতশির বার্কিকোর বেশ ধারণ করাইতেছি।” শেষের কথাগুলির অর্থ ঠিক হৃদয়ঙ্গম করিতে না পারিলেও, বেশ অনুভব করিতেছি যে, এই সকল উক্তি লেখকের অন্তরের অন্তস্তল হইতে বাহির হইয়াছে। বাস্তবিকই মনে হয়, তিনি দেশের ও সমাজের দুঃখে ত্রিয়মাণ।

পরিশেষে গ্রন্থকারের নিকটে আমাদের একান্ত অনুরোধ, তিনি যেন ভবিষ্যতে প্রকৃত ব্যবহারিক কৃষিদর্পণ লিখিয়া দেশের যথার্থ মঙ্গল-সাধনে যত্নবান হইবেন। তিনি চিন্তাশীল, বহুদর্শী ব্যক্তি, নিজের অভিজ্ঞতাগুলি গুছাইয়া লিখিলেই এই বিষয়ে সফলকাম হইবেন।

ঋতুবর্ণন ।

—:~:—

(১)

নিদাঘের দিবাকর প্রচণ্ড প্রতপ্ত কর
 দীর্ঘ ধরা উত্তাপে আকুল ;
 শুষ্ক শম্প, গুল্মগুলি প্রাস্তরে ধূসর ধূলি ;
 স্থলচর খুঁজে জলকুল ;
 উন্মুক্ত ভাণ্ডারঘার, ধরণীর উপহার
 পক্ক ফল পড়ে তরুতলে ;
 পবনের দীর্ঘশ্বাস বসন্ত কুম্ভমহাস
 বৃন্তচ্যুত করে দলে দলে ।
 কখনো দিবস শেষে প্রলয়-অঁধার-বেশে
 বজ্রসখ মেঘদল আসে ;
 ধরা 'পরে করে ধার ; সুরভিনিশ্বাস তা'র
 বৃষ্টিমিথু বায়ু 'পরে ভাসে ।
 দূর প্রিয় মুখ স্মরি' জাগি' কাটে বিভাবরী
 কে অভাগা বিরহী নিদাঘে,
 বিরহ-বেদনা তা'র স্থান নাই ঘুচাবার
 দীর্ঘশ্বাস ফেলি' নিশি জাগে ?

(২)

বরষার মেঘদল অশ্রাস্ত বরষে জল,
 মেঘে স্নান তপন-কিরণ ;
 শীতল শিকরভার বহিতে পারে না আর
 ধীরে বায়ু করে বিচরণ ;
 আকুল আবিলা জল, আবর্তের কল কল
 নদী চাহে অসীম সাগর ;
 গুরু গুরু মেঘস্বরে শিখী কেকারব করে
 জলকূলে ভেক-কোলাহল,
 নিদাঘের তপ্ত ধরা স্নিগ্ধশামশান্তিভরা,
 সরিৎ সরসী ভরা জল ।
 মৃদু মেঘ গরজনে বেদনা জাগায় মনে,
 মেঘালোকে হৃদয় বিকল
 কণ্ঠে প্রিয়া-বাহুলতা তবু হৃদে ব্যাকুলতা,
 বিরহীর মরণ মঙ্গল ।

(৩)

শরতে শেফালিশাখে দোয়েলু দিবসে ডাকে,
 ঝরাফুলে ভরা তরুতল ;
 তরুণতপনকরে হীরকের জ্যোতি ধরে
 ছুর্কাদলে শিশিরের জল ;
 হরিৎ শস্যের ক্ষেত্র দেখিলে জুড়ায় নেত্র ;
 মাঠে শ্বেত কাশের চামর ;
 সরসীর স্বচ্ছ জলে ফুটে পদ্ম শতদলে
 মৃদু বাস ভাসে বায়ু'পর ।
 নিশায় তারকাদলে কর্করিত নভতলে
 ছায়াপথ প্রশাস্ত কেমন ।
 লঘু মেঘ বায়ু'পরে ভাসি' চলে—খেলা করে ;
 রবিশশী অস্নান কিরণ ।
 সমীরে শেফালিবাসে কি মোহ আবেশ আসে,
 প্রিয়ার নিখাস লাগে গায় ;
 বিরহ-বেদনভার হৃদয়ে সহে না আর
 পূর্ণ হৃদি মিলন-তৃষায় ।

(৪)

হেমন্তে পবনধামে শীতের আভাস আসে
 কন্দমুখে ফুটে শুভ্র হাস ;
 স্বর্ণচূড় ক্ষেত্র পরে বায়ু মুখে খেলা করে,
 দ্রোণপুষ্প বিরল বিকাশ ;
 সাস্ত্র মধু-আহরণ চক্রবক্ক মক্ষীগণ
 মধুপ-রক্ষার নাই বনে ;
 শীতের শিশিরভয়ে পত্র, পক্ষ, তৃণ লয়ে
 নীড় রচে বিহগ যতনে ;
 মালঞ্চ ফুটে না ফুল, শুধু ক্ষেত্রে লতাকুল
 কুমুম ভূষণে শোভা পায়
 কেহ প্রাতে, কেহ সাঁঝে বিচিত্র বরণে সাজে
 ফলগ্রন্থ কুমুম-শোভায় ;
 শিশিরশীতল বায় তরুলতা শিহরায়
 বৃষ্টি হ'তে পত্র পড়ে ঝরি' ;—
 শীর্ণ শোভা ধরণীর দীর্ঘ হৃদি বিরহীর
 কাঁদি কাঁটে দীর্ঘ বিভাবরী ।

(৫)

হিমেন স্নানভেজ রবি ধরার মলিন ছবি ;
 কুরাশায় আঁধার প্রভাত ;
 স্বপ্নআয়ু দিনমান ছরা লভে অবসান,
 দীর্ঘ নিশি সহে হিমপাত ;
 নাহি নগ্ন শাখা'পর বিহগের মধুস্বর ;
 মগ্ন ধরা বিষাদ-পাথারে ;
 নিশীথে অস্বরগায় তারাকুল শিহরায়,
 স্নান শনী নিশীথ আঁধারে ।
 নগ্ন বনে রক্তরাগে ফুটে কোন্ অহুরাগে
 গোলাপের অরুণ বরণ !
 ক্ষুদ্র কণ্টকের গায় ফুল ফুট' ঝরি' যায়—
 ধরণীর বিচিত্র ভূষণ ।
 বিরহ শয়ন'পরে কে কাটাবে শূন্য ঘরে
 শিশিরের সুদীর্ঘ যামিনী—
 যবে তপ্ত প্রিয়বুকে আকুল মিলনমুখে
 আসে মান তেয়াগি' যামিনী !

(৩)

বসন্তে প্রফুল্ল ধরা আকুলপুলকভরা,
 ফুলে ফুলে উজল কানন ;
 শাখীশাখা 'পরে পাখী আকুল সখীরে ডাকি'
 কণ্ঠভরা মধুর কুজন ;
 নব পল্লবিত কুঞ্জে ফুটে ফুল পুঞ্জে পুঞ্জে,
 গুঞ্জে অলি মধু আহরণে ;
 সুখর পবনশ্বাসে কুসুম-সুরভি ভাসে
 মেঘহীন সুনীল গগনে ;
 পুলকিত সমীরণ বিকশিত উপবন,
 ধরণীর নবীন যৌবন,
 তৃষিত হৃদয় টানে তৃষিত হৃদয়-পানে,
 নিলন-তিয়াসী এ ভুবন ।
 শত বাধাবিঘ্ন টুটি' হৃদি পদ্য উঠে ফুটি',
 বসন্তের দেবতা প্রণয়,
 বিরহ বিষম ব্যথা বসন্তে মিলন প্রথা
 মধু ঋতু মিলন-সময় ।

সংগ্রহ।

শিল্প।

—:•:—
 যুরোপে ও ভারতে শিল্পকলা।

গত জুন মাসের 'ইণ্ডিয়ান রিভিউ' নামক বিখ্যাত মাসিক পত্রে ডাক্তার এ. ওস্লে
 Religious Art in India and Europe শীর্ষক একটি প্রবন্ধ প্রকাশিত করিয়াছেন।
 বাহলা ভাষায় ঐ শীর্ষ্যখ্যার অনুবাদ করিলে বলিতে হয় "ভারতে ও যুরোপে ধর্মসম্পর্কিত
 কলাবিদ্যা।" ডাক্তার ওস্লে তাঁহার Concept of Monism (একত্ববাদের ধারণা)
 শীর্ষক সন্দর্ভে লিখিয়াছিলেন যে, যে আদর্শ হিসাবে প্রাচী দর্শন শাস্ত্রের সৃতিকাগৃহ এই
 অভিখ্যালাভ করিয়াছে, সেই হিসাবেই প্রাচী দর্শনশাস্ত্রের সমাধিক্ষেত্র এই অভিখ্যালাভের
 অধিকারী; প্রাচীতে যে সমস্ত চৈতন্যবাদ ও ধর্মতত্ত্ব উদ্ভূত হইয়া জড়বাদসমাচ্ছন্ন যুরোপকে
 পর্যন্ত প্রভাবিত করিয়াছিল এবং যুরোপকর্তৃক গৃহীত হইয়াছিল, তাহাও এখন এই সমাধিক্ষেত্রে
 সম্বাহিত রহিয়াছে।

ডাক্তার ওসলের এই উক্তি লইয়া নানা বিতর্কের উদ্ভব হইয়াছে । অনেক সমালোচক এই উক্তি ষথার্থ বলিয়া স্বীকার করিতে অসম্মত । তাঁহারা যুরোপে জড়বাদ । বলেন,—এখন যুরোপের ধর্ম ও দর্শনে অধ্যাত্মভাব প্রবল রহিয়াছে ।

ইহার উত্তরে লেখক বলিয়াছেন,—বর্তমান সময়ে যুরোপে যে সমস্ত ধর্মমত প্রচলিত আছে, তাহা সমস্তই জড়বাদসমাম্পন্ন, একথা ধর্মব্যাত্মাত্মগণ অমানবদনে স্বীকার করিবেন, এরূপ কখনই আশা করা যায় না । উহা স্বীকারে তাঁহাদের লাভ নাই । আর ধর্মের সমর্থকগণের পক্ষে উহা স্বীকার করা শোভনও হইতে পারে না । অগত্যা বিদ্যার ও জ্ঞানের অন্য ক্ষেত্র হইতে ইহার সমর্থক তথ্য দ্বারা এই উক্তি সপ্রমাণ করা আবশ্যিক হইয়া পড়িয়াছে ।

যে হিসাবে অধ্যাত্মবাদ (idealism) হিন্দুস্থানের ধর্মচিন্তাকে নিয়ন্ত্রিত করিতেছে, যে ভাবে চৈতন্যবাদ তথাকার ধর্মচিন্তার সহিত ওতঃপ্রোতভাবে প্রাচীর চৈতন্যবাদ । বিজড়িত রহিয়াছে, সে হিসাবে ও ভাবে অধ্যাত্মবাদ যুরোপের ধর্মমতকে প্রবলভাবে প্রভাবিত করিতেছে কি না,—কলাবিদ্যামাত্র দ্বারা তাহা বেশ সপ্রমাণ হইতে পারে । কলাবিদ্যা চিন্তারই প্রতিবিম্বিতা মূর্তিমাত্র । সেই চিন্তা যদি চিন্তা নামের যোগ্য হয়, সেই চিন্তা যদি কল্পনামার্গের অনুসারিণী হয়, তাহা হইলে অধ্যাত্মবাদের সেবিকা কল্পনা তদানীন্তন ধর্মসম্পৃক্ত শিল্পকলায় নিশ্চিতই প্রতিবিম্বিতা হইবে ।

এই বিষয়টির বিচার করিবার পূর্বেই কি হইলে এই ব্যাপারের মীমাংসা হইবে সে সম্বন্ধে আমাদের একমত হওয়া আবশ্যিক । নীতিবিজ্ঞান ও কলাবিদ্যার দ্বৈতভাব । দর্শন যেমন একেবারে দ্বৈত পরিহার করিতে পারে না, কলাবিদ্যাও সেইরূপ একেবারে দ্বৈতভাববর্জিত হইতে পারে না । প্রত্যেক কলাশিল্পের বাহ্য অর্থাৎ বস্তুমূলক (objective) এবং আন্তর বা ভাবমূলক (subjective) দুইটি দিক আছে, তাহা সকলেই স্বীকার করিতে বাধ্য । বাহ্য বা বস্তুমূলক প্রতিকৃতি বাস্তব পদার্থের যত অনুরূপ হইবে, ততই তাহা স্থলর বলিয়া বিবেচিত হইবে । পক্ষান্তরে আন্তর বা ভাবানুসৃত প্রতিকৃতি আমাদের চিন্তার বা মনোভাবের—আমাদের কল্পনারই চিত্র বা প্রতিকৃতি মাত্র । বাহাতে আমাদের শিক্ষিত সমাজের সৃষ্টি জন্মে, এরূপভাবে যদি আমরা চিরাগত বিশ্বাসকে আমাদের আলেখ্যাদিতে প্রতিফলিত করিতে পারি, তাহা হইলে ভাবমূলক কলাবিদ্যায় আমরা উৎকর্ষ লাভ করিয়াছি বলিয়া বিবেচিত হইব ।

কেহ কেহ বস্তুমূলক কলাবিদ্যাকে কলাবিদ্যা বলিয়া স্বীকার করিতেই সম্মত নহেন । এ সম্বন্ধে এইমাত্র বলিলেই যথেষ্ট হইবে যে, ফটোগ্রাফারের শিল্প-বস্তুমূলক ও ভাবমূলক কলাকে আমরা উচ্চ অঙ্গের শিল্পকলা বলিয়া স্বীকার করিতে সম্মত নহি । ইহার কারণ সহজেই অনুমের ; ফটোগ্রাফার বাস্তবতার দিক হইতে তাঁহার শিল্পের যতই উৎকর্ষ সংসাধিত করুন না কেন, সেই শিল্পের বিচারকালে আমরা আমাদের ভাবুকতাকে একেবারে পরিহার করিতে

পারি না। আমরা আমাদের মনের ভাব লইয়া কলাবিদ্যাকে দেখিবই দেখিব। আর এক কথা, বাহ্য বা বাস্তব প্রতিকৃতি বস্তুর হুবহু নকল হইতেই পারে না। বাহ্য বা বস্তুগত হিসাবে তাহার কিছু না কিছু ক্রটি থাকিয়াই যায়। সেই ক্রটিই তাহার ভাবগততার মানদণ্ড। শিল্পী বাহ্যকে খাঁটি বাস্তব শিল্পে পরিণত করিবে মনে করে, তাহাতে তাহারই অজ্ঞাতে কল্পনা আসিয়া প্রতিফলিত হয়। সেই জন্য যন্ত্রজ শিল্প ব্যতীত সকল শিল্পই সম্পূর্ণ বাস্তব অথবা সম্পূর্ণ ভাবমূলক হয় না। তবে যাহার সহিত প্রাকৃতিক পদার্থের সৌন্দর্য্য অত্যন্ত অধিক, তাহাকেই আমরা বস্তুগত এবং যাহা কেবল আমাদের কল্পনা, বিশ্বাস ও পরম্পরাগত ধারণার প্রতিচ্ছবিমাত্র—যন্ত্রজগতে যাহার সদৃশ কিছুই নাই,—তাহাকেই আমরা ভাবমূলক কলাশিল্প বলিয়া থাকি।

উপরে নির্দিষ্ট দুইটি চরম বিভক্ত চিত্রশিল্পের মাঝামাঝি অনেক কলাশিল্পের স্তর আছে। যুরোপীয়রা সেইরূপ শিল্পেরই সেবা করিয়া থাকেন। যন্ত্রদ্বারা প্রতিফলিত বা নির্মিত কোনও বস্তুর প্রতিকৃতিকে তাঁহারা কলাবিদ্যার মধ্যেই পরিগণিত করিতে সম্মত নহেন। তাঁহারা বলিয়া থাকেন যে, যাহাতে মানবের কোন প্রবল মনোভাব প্রতিফলিত হয় নাই,—তাহাকে কলাবিদ্যা বলিয়া গণনা করা যাইতে পারে না। ভারতীয় ধর্মসম্পর্কিত শিল্পকলা ভাবমূলক। ঐ শিল্পের যথেষ্ট গুণ আছে; কিন্তু তথাপি যুরোপীয়গণ তাহাকে “অস্বাভাবিক” বলিয়া নাসিকা কুঞ্চিত করিতে কুণ্ডা বোধ করেন না। তাঁহাদের এই অবজ্ঞার কারণ বিশ্লেষণ করিয়া দেখা আবশ্যিক। বিশ্লেষণে তাঁহাদের ঐ ধারণা পরস্পরবিরোধী মতের উপর প্রতিষ্ঠিত, পূর্বার্জিত ভ্রান্ত সংস্কারদ্বারা আবিল কিম্বা ন্যায়সঙ্গত তাহা প্রতীয়মান হইবে। দুই দিক হইতেই ইহার বিচার করা আবশ্যিক।

চিত্রশিল্প, ভাস্করশিল্প প্রভৃতি শিল্পকলা মানবের আভ্যন্তরীণ ভাবেরই বাহ্যবিকাশ ইহা সত্য; শিল্পকলায় সেই আভ্যন্তরীণ ভাব যখন প্রতিফলিত থাকে, তখন তাহার সহিত খেয়াল, উদ্দামতা ও অবিবেচকতাও প্রতিবিম্বিত হয়। বাস্তব পদার্থের সহিত তুলনা করিয়া সেই অস্বাভাবিকতা পরিহার করা আবশ্যিক। ইহা যুরোপীয় শিল্পী স্বপক্ষীয় উক্তি। ডাক্তার ওসলে এই বিষয়টি কারবারের অংশীদারের দৃষ্টান্তদ্বারা পরিস্ফুট ও বিশদ করিয়া দিয়াছেন। মনে করুন, কোনও কারবারের দুইজন অংশীদার, একজন প্রবীণ আর একজন নবীন। নবীন অংশীদার মহাশয়কে একটা কার্য পদ্ধতি স্থির করিয়া অনুমোদনার্থ তাহা প্রবীণ অংশীদারের নিকট উপস্থিত করিতে হয়। প্রবীণ অংশীদার উহার পরিবর্তন ও আংশিক পরিবর্তন করিয়া দিলে, তবে তাহা সাধারণের নিকট প্রকাশ পায়। এক্ষেত্রে যেমন প্রবীণ অংশীদারের প্রভাবই প্রবল, সেইরূপ যুরোপীয় শিল্পকলায় প্রাকৃতিক পদার্থের প্রভাবই প্রবল। জড়জগতই এস্থলে প্রবীণ অংশীদারের মত প্রভাবসম্পন্ন। মানবের মনোভাব শিল্পকলায় যাহাই প্রতিফলিত করুক না কেন, তাহা পরিশেষে জড়জগতের নিকট অনুমোদনার্থ প্রেরণ করিতেই হইবে। প্রকৃতি তাহাকে কাটিয়া ছাঁটিয়া যথাসম্ভব আগনার সৃষ্ট পদার্থের অনুরূপ করিয়া দিলে তবে তাহা শিল্পকলা বলিয়া গ্রাহ্য হইবে। এস্থলে আভ্যন্তরীণ ভাব বাহ্য বস্তুর ছন্দানুবর্তী। এরূপ শিল্পকলায় আভ্যন্তরীণ ভাব অল্পবিস্তর প্রতিবিম্বিত হইলেও উহা বস্তুমূলক বলিয়াই গ্রাহ্য হইবে।

ডাক্তার এ. কে. কুমারস্বামী দেখাইয়াছেন যে, ভারতীয় ধর্মসম্পৃক্ত শিল্পকলা ভাবমূলক। বাহ্য জগতে বহুশীর্ষ ব্রহ্মার ও শিবের ন্যায় কোনও কিছুই ভারতীয় কলাবিদ্যা অস্তিত্ব নাই। সেই জন্য যাহারা পদার্থমূলক শিল্পকলার সেবক, তাহাদের নিকট উহা কিন্তুুতকিমাকার ও অস্বাভাবিক বলিয়া বোধ হয়। ডাক্তার ওসলে বলেন, ভারতীয় ধর্মজীবনে আধ্যাত্মিকতাই প্রবল, সেই জন্য

তাহাদের ধর্মসম্পর্কিত কোনও আলেখ্য, প্রতিকৃতি প্রভৃতিতে জড়জগতের কোনও কিছুই প্রতিফলিত দেখা যায় না। তাহাদের ধর্মচিন্তা মানবচিন্তাতেই নিবদ্ধ নহে। তাহাদের দৈবর—ভক্ত মানুষমাত্র নহেন। হিন্দুর কলা-কারবারে অধ্যাত্মবাদই প্রধান অংশীদার। হিন্দু শিল্পী তাহাদের আদর্শকে বাহ্য বস্তুর যুগকাঠে মস্তক অবনামিত করাইতে চাহেন না। ধর্মসম্পর্কিত শিল্পকলায় ভারতবাসীর আত্মার বিশেষত্ব প্রকাশমান।

ডাক্তার ওসর্লে লিখিয়াছেন,—যুরোপে ইহার অনুরূপ কিছুই দৃষ্ট হয় না। সত্য বটে, যুরোপের ধর্মসম্বন্ধীয় শিল্পকলা সে কালের বিকাশ ও পরম্পরাগত যুরোপে সেকাল ও একাল। জনশক্তির উপর প্রতিষ্ঠিত, কিন্তু তাহাদের প্রতিকৃতিগুলি এখন ঠিক প্রকৃতিক পদার্থপ্রতিকৃতির অনুরূপ হইয়া পড়িয়াছে। তাহাদের দেবতাগুলি যেন ঠিক মানুষ। ভগবানের জননী কুমারী মেরি মানবেরই তুষ্টিসাধকসৌন্দর্যে সমুদ্ভাসিত। যাহা কিছু দিয়া, তাহাই এখন জড়বাদের জোয়ালে মস্তক অবনত করিতে বাধ্য হইয়াছে। বিজয়ী জড়বাদের প্রভাব সর্বত্রই পরিলক্ষিত। যে সময় খৃষ্টীয় ধর্মের প্রভাব অক্ষুণ্ণ ছিল, সে সময় একরূপ ছিল না। তখন উহার ভাবমূলক দিকটা বেশ পরিষ্কৃত থাকিত। তদানীন্তন আলেগো স্বর্গ তিনস্তরসমবিত করিয়া চিত্রিত করা হইত এবং তখনকার দেবতার মুখমণ্ডল ধানী বুদ্ধের মুখ মণ্ডলের ন্যায় প্রশান্ত বিমলানন্দে সমুদ্ভাসিত দৃষ্ট হইত।

ইহাতেই ভারতীয় ধর্মচিন্তায় আধ্যাত্মিকতা বা চেতন্যবাদের প্রভাব সৃষ্টি হইতেছে হিন্দুর ধর্ম-শিল্প যে ভাবমূলক, ইহা তাহারই প্রকৃষ্ট প্রমাণ জড়বাদের প্রাবল্য। ভারতে আধ্যাত্মিকতার জন্য হিন্দুর ধর্ম-বিশ্বাস কেবল শূন্যগর্ভ অতুষ্ণান বা শুষ্ক শব্দকাবরণমাত্র নহে, তাহা জীবন্ত বিশ্বাস। সত্য বটে, মধ্য যুগে খৃষ্ট ধর্ম মানবীয়তায় (anthropomorphism) প্রভাবিত ছিল, সে মানবীয়তা পরিহার করা অসম্ভব—কিন্তু তাহার শিল্প কলায় আবশ্যিক ভাবপ্রবণতার অভাব ছিল না। বর্তমান সময়ে যুরোপীয় কলাবিদ্যায় বস্তু-মূলকতার প্রভাববিস্তার দেখিয়া স্পষ্টই বুঝা যাইতেছে যে, যুরোপে জড়বাদই প্রাদান্যলাভ করিতেছে এবং তথায় ধর্মবিশ্বাস লুপ্ত হইয়াছে। তথায় লোক হয় ত এমনও পুরুষপদাঙ্গপায়িত ধর্ম কার্যের অতুষ্ণান করিতে পারে, কিন্তু যে জীবন্ত বিশ্বাস শিল্পকলাকে অপারিবিব হিল্লিয়ার্তীত সৌন্দর্য মণ্ডিত করিত, তাহা আর নাই।

ইদানীন্তন যুরোপীয়গণ তাহাদের ধর্ম সম্পর্কিত শিল্পকলায় কতকটা প্রেনোমাদের দাবী করিয়া থাকেন। উহার উপর দেবতার দেবতার রক্ষার উপযোগী অবগুষ্ঠন টানিয়া দিলেই হইল। ধর্মসম্পর্কিত শিল্পকলায় যদি ভাবমূলকতাকে বস্তুমূলকতার অত্যন্ত অধীন করা হইয়া থাকে আর সেই অধীনতা পড়াযে যদি ইহাই বিবেচিত হয় যে, চিত্রিত বস্তু প্রকৃতিক পদার্থের অনুরূপ না হইলে তাহার আধ্যাত্মিকতা প্রতিফলিত করা সম্ভবে না, তাহা হইলে তথায় কি আধ্যাত্মিকতার ধর্ম তথায় প্রতিষ্ঠিত হইতেছে না? ডাক্তার ওসর্লে বলেন, আমি কি এই সমাধিক্ষেত্রের কথা বলি নাই? উহার উত্তর তিনি কেহ বলেন যে, অভিব্যক্তি বাদের প্রভাবে দেবতার পদাঙ্গ পরিবর্তিত হইলে শিল্পকলায় তাহা হইলে আমরাও ভ্রমভ্রামা করি, তাহার কিরূপ পরিচয়িত হইয়াছেন এবং পালক হইত হইয়া কি হইয়াছেন? ধর্মবিশ্বাসগণ যদি এই প্রশ্নের উত্তর দিতে না পারেন, তাহা হইলে তাহাদের তুষ্টিসাধন ইহার চূড়ান্ত উত্তর হইবে।

আর্য্যাবর্ত্ত।

শ্রীহেমেন্দ্রপ্রসাদ ঘোষ

সম্পাদিত।

—০—

সূচী।

বিষয়	পৃষ্ঠা।
অবসরী চণ্ডালিনী	৩০৫
পুরাতন প্রসঙ্গ	৩০৮
কৃত্য-মিলন	৩১১
পাষণের কথা	৩১৭
ইরোপ-অবশ	৩২২
ভ্রাত (কবিতা)	৩২৩
ভণ্ড (গল্প)	৩২৬
রাবারণ ও মহাকীর্ত	৩২৮
স্বামী বটুক সার	৩৩৩
সমালোচনা ১০০	৩৩৬
সংগীত	৩৩৯
অবসরী (কবিতা)	৩৪৩

প্রকাশক—শ্রীহৃগীনাথ ঘোষ।

১০-খং বাসুদেবপুর রাস্তা, কলিকাতা।



আপনি কি জানেন
ইসমার্ক লিনসিড তৈল সকলে এত
পছন্দ করেন কেন ?
রংয়ের কার্যকে উজ্জ্বল ও কাঠকে স্থায়ী করিতে
কোন তৈল ইহার সমকক্ষ নয়, পরীক্ষা দ্বারা
সকলে আশাভীত বল পাইয়াছেন।
এণ্ড ইউইল এণ্ড কোং লিমিটেড রো।

সীলেন্ট ছুণে

সীলেন্ট ছুণে
গাঁথুনি একখণ্ড কঠিন প্রস্তরের ন্যায়
পরিণত হয়।

আঁহকগণের সুবিধার জন্ত ছুণে বস্তাবন্দী করিয়া বেলে
কিথা টীমারে বুক করিয়া দিই।

কিলবরণ এণ্ড কোং।

৪ নং কেয়ারলি স্ট্রীট, কলিকতা।

দ্রবময়ী চণ্ডালিনী ।

জগতে অনেকেই বড় লোকের বড় কথা লইয়া ব্যস্ত ; ইতিহাসও বিশেষ ব্যস্ত । কিন্তু দুই একটা গরীব দুঃখী সামান্য লোকের কথা ইতিহাসে থাকিলে ক্ষতি কি ? ‘সমরু বেগমের’ ইতিহাস বা কাহিনী আর্য্যাবর্তে প্রসিদ্ধি লাভ করিয়াছে, আজিও সর্দানায় গেলে, মুসলমান-খ্রীষ্টান-মণ্ডলী দেখিয়া বিস্মিত হইতে হয় । আমার দ্রবময়ীর পৌত্র বর্তমান ; সেই দ্রবময়ী ও তাহার শিশু পৌত্রের কথাই বলিতেছি । ইতিহাসে ক্ষুদ্রের স্মৃতিচিহ্ন থাকিলে ইতিহাসের কলঙ্ক হয় না ।

বর্ধমান জেলার কালুনা বিভাগের মধ্যে মহম্মদ আমিনপুর পরগণায় উটরো বা আবাজী দুর্গাপুর একখানি অতি ক্ষুদ্র গ্রাম । গ্রামে কেবল মুসলমান ও চণ্ডালের বাস । গ্রামখানি আমাদের হুগলী জেলার ৩২০ নং তৌজির একখানি ছিটা মহল । ৩২০ নং তৌজিতে আমার পত্নী স্বহ । আমি ১৮৮৮ খৃষ্টাব্দে এই পত্নী লই । সে আজি ২৩ বৎসরের কথা । আমাদের কাগজে ৬ বৈকুণ্ঠ সর্দারের নামে ২০।/০ জমা এখনও চলিতেছে । বৈকুণ্ঠ সর্দার চণ্ডাল । সে গ্রামের একজন খোদকস্ত প্রজা এবং চৌকীদার ছিল । বৈকুণ্ঠের মৃত্যুর পূর্বে বৈকুণ্ঠের পুত্র একটি শিশু সন্তান রাখিয়া পরলোকগত হয় । ৩৫।৩৬ বৎসর হইল, বৈকুণ্ঠের মৃত্যু হইয়াছে । তখন তাহাদের সংসারে রহিল—বৈকুণ্ঠের স্ত্রী দ্রবময়ী ও তাহার শিশু পৌত্র রঙ্গলাল । রঙ্গলাল এখনও জীবিত আছে ।

৩০।৪০ বৎসর পূর্বে, দেশে দণ্ড্য তস্কর বিস্তর ছিল । বিশেষ আমাদের হুগলী জেলার উত্তরাংশ ও বর্ধমানের দক্ষিণাংশ একরূপ অরাজক ছিল বলিলেও চলে । চিতের মার পুকুর, সরালের দীঘী, উচালনের দীঘী বাবরাক-পুরের দীঘী—এই সকল স্থানে দিনের বেলায় সামান্য লাভের লোভে দণ্ড্যরা নরহত্যা করিত । তখন চৌকীদারি একটা ‘সত্যিকার’ কার্য্য ছিল । এখনকার দিনের মত সোমবারে সদরে হাজিরা দিয়াই চৌকীদারেরা নিশ্চিন্ত থাকিতে পারিত না ।

বৈকুণ্ঠ একজন নামডাকে পরিচিত সর্দার ছিল । তাহার মৃত্যুতে কে

তাহার কার্য্য করিবে ? অপোগণ্ড শিশু রঙ্গলালের ও তাহার পিতামহীর কিসে ভরণপোষণ হইবে ? ছুর্গাপুর গ্রামখানি ছোট, কিন্তু পার্শ্বস্থ আর একখানি গ্রাম ও পটী লইয়া নিতান্ত ছোট নহে । চৌকীদারের এলাকা বড় কম নহে । দ্রবময়ী স্বামী বর্ত্তমানে, তাহার অশুধ-বিশুধ করিলে, মাঝে মাঝে কর্ত্তৃপক্ষের অগোচরে গ্রামের চৌকীদারি করিত ; গ্রামের লোকেরা তাহা জানিত । তাহারা পরামর্শ দিল,—“দ্রবময়ী, তুমি চৌকীদারির অশু দরখাস্ত কর ।” দ্রবময়ী শিশু রঙ্গলালকে ক্রোড়ে লইয়া, একজন প্রতিবেশীর সঙ্গে কালনার গিয়া হাজির । কালনার কর্ত্তৃপক্ষেরা বিস্মিত হইলেন বটে, কিন্তু দ্রবময়ীকে উপহাস করিলেন না বা তাড়াইয়া দিলেন না । এই ঘটনার ১০।১২ বৎসর পরে দ্রবময়ী আমাদের বাড়ী আসিয়াছিল । তখনও সে বেশ ছষ্ট পুষ্ট বলিষ্ঠ ।

গোলমুখে গোল গোল ডাগর চক্ষু, কপালের উপর একরাশি চুল । বিধবার মলিন মোটা কাপড়ে পরিবার আদব-কায়দা বেশ । তাহারই মুখে তাহারই কাহিনী আমি শুনিয়াছিলাম ।

কালনার কর্ত্তৃপক্ষেরা জিজ্ঞাসা করিলেন,—“দ্রব, তুমি লাঠি-খেলা জান ?” দ্রবময়ী একটু সঙ্কোচে ঘাড় নাড়িয়া জানাইল—সে লাঠি-খেলা জানে । দরখাস্তের অশুকূলে অনেক কথা লিখিয়া, দ্রবময়ীর হস্তে সেই দরখাস্ত তাহারা বর্ত্তমানে পোলিসের “বড় সাহেবের” কাছে পাঠাইয়া দিলেন ; বলিয়া দিলেন,—“তুমি তোমার পৌত্রটিকে লইয়া বর্ত্তমানে যাও ।”

“পোলিস্ সাহেব” দরখাস্ত পাইয়া মহা খুসী । তৎক্ষণাৎ ম্যাজিষ্ট্রেট “সাহেবের” কাছে দৌড়িয়া গিয়া খবর দিলেন যে, এক বাঙ্গালি মেয়ে লাঠি-খেলায় পরীক্ষা দিয়া তাহার স্বামীর চৌকীদারি চাকরি লইতে আসিয়াছে । জেলায় মহা গোল উঠিল । দুই কর্ত্তায় দু’খানা কেদারা আনাইয়া কাছারীর মাঠে বৈঠক করিলেন,—আর দাঁড়াইয়া আহেলে মামলা, কেরাণী-আমলা—সহস্র লোক । সকলেই আজি মজা দেখিবে ।

দ্রবময়ী এতক্ষণ একটি গাছতলায় দাঁড়াইয়া ছিল ; আশ্তে আশ্তে দর্শক-চক্র-মধ্যে প্রবেশ করিল ; কোলের নাতিটিকে প্রতিবেশীর স্বন্ধে বসাইয়া দিল । কোমরে ফাড়ে কাপড় বাধিয়া “সাহেবদের” সম্মুখে হাঁটু গাড়িয়া বসিল, আত্মমি-নত হুইয়া প্রণাম বা সেলাম করিল ; চারিদিকে দর্শক-মণ্ডলীকে মাথা নোয়াইয়া অভিবাদন করিল ; তাহার পর মহিষমর্দিনী-মূর্ত্তিতে দাঁড়াইয়া উঠিয়া “সাহেবকে” অতি বিনীতস্বরে বলিল,—“হজুর ! একলা ত লাঠি-খেলা

হয় না ! কে আমার সঙ্গে খেলিবে, আশুক ।”—কেহই আসিতে চায় না ।
 আওরতের সঙ্গে খেলিতে গিয়া কি সম্ভব নষ্ট করিবে ? শেষে “পোলিস্ সাহেবের”
 সঙ্কেতে একজন কনষ্টবল্ অগ্রসর হইল । ঠকাঠক্, ঠকাঠক্—কনষ্টবল বড় ধূর্ত ;
 কাণ্ডখানা একটা প্রহসনের মত করিয়া তুলিল । সর্দারনী তাহা বুঝিল ;
 বলিল,—“হুজুর ! আমাকে কি সং সাজাইয়া তামাসা দেখিতেছেন ? একি
 লাঠি-খেলা হইতেছে ?” “পোলিস্ সাহেব” আবার আর একরূপ সঙ্কেত করি-
 লেন । ঘড়ী দেখিলেন—দশ মিনিট খেলা হইল,—সর্দারনীর লাঠি কনষ্ট-
 বলের লাল পাগ্‌ড়ি স্পর্শ করিল । “সাহেব” খেলা বন্ধ করিয়া সর্দারনীর
 প্রশংসাবাদ আরম্ভ করিলেন,—সর্দারনী কিন্তু এখনও সন্তুষ্ট নহে ; করযোড়ে
 বলিল,—“খেলোয়াড় দুইজন আমাকে মারিতে আশুক ; দেখুন, আমি নিজেকে
 সামলাইতে পারি কি না ?” তাহাই হইল—দুই দিক্ হইতে দুই জনে
 আক্রমণ করিতে আসিল ; দ্রব দুই গাছা লাঠি দুই হাতে লইয়া, তাহাদের
 আক্রমণ ব্যর্থ করিতে লাগিল । পাঁচ মিনিট পরে “সাহেব” খেলা বন্ধ
 করিলেন ।

“সাহেব” দাঁড়াইয়া উঠিয়া সর্দারনীকে সম্বোধন করিয়া বলিলেন,—“তুমার
 মরদ্ কি কাম্‌মে তুম্ বাহাল ছয়া ।” জনতা আছ্লাদে হলহলা করিয়া গর্জ্জন
 করিয়া উঠিল । ব্রাহ্মণেরা গৈতা হাতে তুলিয়া আশীর্বাদ করিলেন । “সাহেব”
 বসিয়াছিলেন, ম্যাজিষ্ট্রেটের সহিত কি পরামর্শ করিয়া, আবার উঠিয়া দাঁড়া-
 ইয়া বলিলেন,—“তুমারা বক্‌শিশ্ দশ রুপেয়া ।” আর একজন বাবুর দিকে
 মুখ ফিরাইয়া বলিলেন,—“A scer of methai for the grand-child.”
 ইহার পৌত্রটিকে এক সের মিঠাই দিতে হইবে ।

একসের মিঠাই লইয়া তাহারা সেইদিনই রওনা হইল—আশঙ্কা হইয়াছিল
 যে, সে রাত্রি বর্ধমানের থাকিলে জনতার জ্বালায় ঘুম হইবে না । দ্রবময়ী এখন
 স্বর্গের চণ্ডাল-লোকে । পূর্বেই বলিয়াছি—রঙ্গলাল জীবিত—হুর্গাপুরে ।

সর্দারনী যখন বিশ বৎসর পূর্বে আমাকে এই গল্প বিবৃত করে, তখন
 তাহার পদ্যপলাশলোচন অশ্রুপূর্ণ হইয়াছিল ; আমি আজি লিখিবার সময়ে
 অশ্রু বিসর্জন করিতেছি । কেন, তোমরা বলিতে পার ?

পুরাতন প্রসঙ্গ ।

(২)

৪ঠা আষাঢ়, ১৩১৮ ।

শ্রীযুক্ত মহেন্দ্রনাথ মুখোপাধ্যায় মহাশয় গিল্যাণ্ডাসের বাড়ী একশত ত্রিশ টাকা মাহিনার কর্ম করিতেন । অনেকদিন হইল, তিনি কর্ম হইতে অবসর লইয়াছেন এবং উক্ত হোম হইতে মাসিক ১৩০ টাকা পেন্সন পাইতেছেন । এখন তাঁহার বয়স ৭২ বৎসর ।

তাঁহার সহিত সাক্ষাৎ করিয়া আমি বলিলাম—“অনেকবার আপনার মুখে কলিকাতায় পুরাতন থিয়েটারের গল্প শুনিয়াছি । আজ সেইগুলি লিপিবদ্ধ করিয়া রাখিবার ইচ্ছা করিয়াছি । আপনি নিজে অভিনয় করিয়াছিলেন, বোধ হয় আপনার সমসাময়িক অভিনেতা আর কেহ জীবিত নাই ।”

তিনি বলিলেন,—“হাঁ, ঠিক বটে ; যাহাদের সহিত আমি ‘কুলীনকুলসর্কস্ব’ নাটক অভিনয় করিয়াছিলাম, তাঁহারা কেহই জীবিত নাই ।”

“তখন আমার বয়স ১৬।১৭ বৎসর মাত্র । চড়কডাঙ্গা রোডে (বর্তমান টেগোর কাসুল রোড) রামজয় বসাকের বাড়ীর উঠানে ষ্টেজ বাধা হইয়াছিল, ইষ্ট ইণ্ডিয়া রেল কোম্পানীর এজেন্টের অফিসের বড় বাবু রাজেন্দ্র বন্দ্যোপাধ্যায়ের তত্ত্বাবধানে রঙ্গমঞ্চ প্রস্তুত হইল । জগদুর্লভ বসাক তাঁহাকে উক্ত কার্যে যথেষ্ট সাহায্য করিয়াছিলেন । রঙ্গমঞ্চের ঠিক সমুখের দোতলার আমাদের Rehearsal হইত, তালিম রাজেন্দ্রবাবুই আমাদের শিক্ষা দিতেন । আমাদের এই Rehearsal প্রত্যহ হইত না, শুধু শনিবার ও বুধবার রাত্রিতে হইত । নাটকের রচয়িতা পণ্ডিত রামনারায়ণ কখনও তথায় আসিতেন না, একদিনমাত্র কেবল নাটকের অভিনয় দেখিতে আসিয়াছিলেন ।

“আমাদের সেই ‘কুলীনকুলসর্কস্ব’ নাটক অভিনয়ের পূর্বে একটিবার-মাত্র শ্রামবাঞ্চারে থিয়েটার হইয়াছিল । লক্ষ টাকা ব্যয় করিয়া একজন ধনকুবের ‘বিদ্যামুন্দর’ অভিনয় করাইয়াছিলেন । কিন্তু তখন আমি জন্ম গ্রহণ করি নাই ।

‘কুলীনকুলসর্কস্ব’ নাটক এই বাড়ীতে চারবার অভিনীত হইয়াছিল। রাজেন্দ্রবাবু ও জগদ্বলভবাবু দিব্য ভূঁড়ি লইয়া মাথায় লম্বা টিকি বিলম্বিত করিয়া ব্রাহ্মণ পণ্ডিত সাজিয়াছিলেন। রাজেন্দ্রবাবুর হস্তে একটি শামুকের নস্ট্রাধার। তাঁহারা হুইজনে যখন তর্কবিতর্ক করিতেন, তখন শ্রোতৃবৃন্দ হাসিয়া এ উহার গায়ে পড়িত। একটি সখের দল বাজাইত। আমি কুলাচার্য্য সাজিতাম। আমার বক্তৃতা ছিল—‘তার পর সেই আপন অভীষ্ট-দেবাভিনিবিষ্ট আদিশুর—’ (ও কি ও, তুমি আমার বক্তৃতাটাও লিখিয়া লইতেছ যে? ছাপাইবে না কি?—আমি বলিলাম, “আজ্ঞা হাঁ, আপনি অনুগ্রহ করিয়া বলিয়া যাউন।”)

যুধোপাধ্যায় মহাশয় বলিলেন—“তাঁহার পর সেই আপন অভীষ্ট-দেবাভিনিবিষ্ট আদিশুর রাজা কাণ্যকুজ হইতে সাগ্নিক বেদবিজ্ঞ পঞ্চ বিপ্রকে রাজধানীতে আনয়ন করেন। পরে তাঁহারা সদাশ্রিত হইয়া সমাগমন পূর্বক যজ্ঞশীল আদিশুর মহারাজের আদেশানুসারে গোড়ভূমিতে বসতি করিয়াছিলেন। পরে তাঁহাদিগের বংশপরম্পরা বিস্তৃত হওয়ায়, বল্লাল ভূপাল তন্মধ্যে এই অভিনব কুলপ্রথা প্রচার করেন। যথা শাণ্ডীল্য ভট্টনারায়ণ-বংশজাত আদি বরাহ বন্দ্য। কাণ্ডপগোত্রে দক্ষবংশপ্রসূত সুলোচন ভট্ট, ভরদ্বাজগোত্রে শ্রীহর্ষবংশোৎপন্ন ধুরন্ধর যুধোটি, সাবর্ণগোত্রে বেদগর্ভবংশোদ্ভব বীরব্রত গাঙ্গুলী ও সুধীর কুন্দ, বাৎসগোত্রে ছান্দড়বংশপ্রসূত সুরভি ঘোষাল ও কবি কাঞ্জিলাল।’

“বক্তৃতাটা আর কত লিখিবে? আমি তখন অল্পবয়স্ক, কিন্তু অভিনয় করিয়া সুখ্যাতি অর্জন করিয়াছিলাম।

“থিয়েটারের দ্বিতীয় পর্ব ছাত্তুবাবুর (৩ আশুতোষ দেব) বাড়ীতে। শকুন্তলার অভিনয় হইল। ছাত্তুবাবুর নাতি শরৎবাবু শকুন্তলা সাজিয়াছিলেন। যখন Stage এর উপরে বিশ হাজার টাকার অলঙ্কারে যজ্ঞিত হইয়া শরৎবাবু দীপ্তিময়ী শকুন্তলার রাণীবেশ দেখাইয়াছিলেন তখন দর্শকবৃন্দ চমৎকৃত হইয়াছিল। পাইকপাড়ার রাজারা—প্রতাপচন্দ্র সিংহ ও ঈশ্বরচন্দ্র সিংহ তাঁহাদের নিজ বাটীতে একটি রঙ্গমঞ্চ বাধিবার জন্য কৃতসঙ্কল্প হইলেন। অল্পকালের মধ্যেই তাঁহাদের অভীষ্ট সিদ্ধ হইল, এবং তাঁহাদের রঙ্গমঞ্চে রামনারায়ণ পণ্ডিতের ‘রত্নাবলী’ ও মাইকেল মধুর ‘শর্নিষ্ঠা’ অভিনীত হইল। কিন্তু সে কথা পরে বলিতেছি।

“শকুন্তলা সাজিলেন শরৎবাবু । ছদ্মস্ত—প্রিয়মাধব মল্লিক । ইনি র্যালিমেন্টোজানির বাড়ী কর্ম করিতেন, Cashier ছিলেন । ছর্কাসা—গ্রে স্ট্রিটের অন্নদা যুথোপাধ্যায়, বেশ সুপুরুষ, পরে পুলিশের ইন্স্পেক্টর হইয়া ছিলেন । অননুয়া—অবিনাশচন্দ্র ঘোষ, ইনি পরে হাইকোর্টের Interpreter হইয়াছিলেন । প্রিয়ংবদা—ভুবনমোহন ঘোষ, স্কুল মাষ্টার । আমি হইতাম কথমুনির আশ্রমের এক ঋষিকুমার । শরৎবাবুর ভগিনী-পতি উমেশচন্দ্র দত্ত (Mr. O. C. Dutt) Stage-manager ছিলেন । তখনও তিনি খ্রীষ্টান হয়েন নাই । তাঁহার কায ছিল whistle দেওয়া, পট-ক্ষেপণ ও উত্তোলন ইত্যাদি ।

“একটি কোতুককর ব্যাপার লইয়া সংবাদপত্রে তীব্র সমালোচনা হইয়াছিল । নিমন্ত্রিত ভদ্রলোকগণ যখন টিকিট দেখাইয়া উঠানে নাটমন্দিরে প্রবেশ করিতেছিলেন, তখন এক ব্যক্তি অভ্যাগত ব্যক্তিদিগের পোষাক দেখিয়া ‘মহাশয়, Front seat,’ ‘মহাশয়, Side seat’ বলিয়া চীৎকার করিতে থাকেন । অবশ্যই বাড়ীর কর্তৃপক্ষীয়েরা এই ব্যাপারের জন্ত মোটেই দায়ী ছিলেন না ।

“একব্যক্তি ‘শকুন্তলা’র গান বাঁধিয়া দিয়াছিলেন, তাঁহাকে আমরা কবিচন্দ্র বলিয়া ডাকিতাম । তাঁহার ভাল নামটি কি, তাহা আমি এখন ভুলিয়া গিয়াছি । ঐ রকম দেখ, ধীরাজের সঙ্গে অনেকদিন একত্র নিমন্ত্রণপাটিতে ও বড়লোকদিগের আসরে ফুর্তি করিয়াছি ও গান গাহিয়াছি, কিন্তু ধীরাজের আসল নামটা কি, তাহা জানি না ; কখনও জানিতাম কি না, তাহা বলিতে পারি না ।

“কবিচন্দ্র ছাত্তুবাবুর নিকটে আসিলে বাবু বলিলেন—‘দেখ কবিচন্দ্র, গানগুলি যেন সুন্দর সুরুচিসঙ্গত হয় ।’ কবিচন্দ্র বলিল—‘জয় জয় রাম সীতারাম, (এই বুলি তাহার মুখে চক্ৰিশ ঘণ্টাই ছিল) আমি কি জানি না যে, আপনি সপরিবারে এখানে বাস করেন ? এমন গান গাহিব যে মেয়েরা উঠিয়া যাইবেন ?’

“৩১৪ বৎসর পরে ছাত্তুবাবুর বাড়ী আমরা ‘মহাশেতা’ অভিনয় করি । অন্নদা বন্দ্যোপাধ্যায় নায়ক এবং ক্ষেত্রমোহন সিংহ নায়িকা হইয়াছিলেন ।

“ধিয়েটারের তৃতীয় পর্ব—পাইকপাড়ার রাজবাড়ীতে । ‘রত্নাবলী’ ও ‘শশিষ্ঠা’ অভিনীত হইল । আমি দর্শক হিসাবে গিয়াছিলাম । দৈত্য

সাজিয়াছিলেন তারাতাদ গুহ, শিবচন্দ্র গুহের পুত্র। বাগ্‌বাজারের যত্নাথ চট্টোপাধ্যায় বসতি সাজিয়াছিলেন। গায়ক কৃষ্ণধন বন্দ্যোপাধ্যায়, যিনি পরে কুচবিহার-রাজ্যে একটা বড় চাকরি পাইয়াছিলেন, সাজিয়াছিলেন শর্মিষ্ঠা। মাইকেল মধুর নাম তখন খুব জাহির হইয়াছিল।

“চতুর্থ পর্ব—কালীপ্রসন্ন সিংহের বাড়ী। ক্ষেত্রমোহন সিংহ ও মণি-মোহন সরকার ওরফে ‘মণিলাড্’ অভিনয়ে বেশ কৃতিত্ব দেখাইয়াছিলেন। রামনারায়ণ পণ্ডিতের ‘বেণীসংহার’ নাটক অভিনীত হয়। আমি কর্ণ সাজিয়া ছিলাম। ছর্যোধনের স্ত্রী ভানুমতীর রূপ যেন Stageএর উপর বলমূল করিতে লাগিল। পট উত্তোলিত হইলে যখন ভানুমতীকে দণ্ডায়মানা দেখা যাইত, সমগ্র দর্শকমণ্ডলী আনন্দে হাততালি দিয়া দাঁড়াইয়া উঠিত। তেমন Applause আর কেহ কখনও পাইয়াছে কি না, জানি না।

“এইস্থানে একটি কথা, মজার কথা বলি শুন। কালী সিংহ একটি ভদ্রলোকের ছেলেকে এমন স্নেহ করিতেন যে, তাহাতে সাধারণ মোসাহেবের দল ঈর্ষ্যান্বিত হইয়াছিল। সেইজন্য ঝাল ঝাড়িবার ব্যবস্থা করা হইল এই অভিনয়ের দিনে। যখন নিমন্ত্রিত ভদ্রলোকগণ টিকিট দিয়া একে একে প্রবেশ করিতে লাগিলেন, তাঁহাদের সকলকেই এক এক খণ্ড মুদ্রিত কাগজ দেওয়া হইল। তাহাতে লিখা ছিল—

‘আর না পাইব যেতে,
না পাব Lemon খেতে,
তুমি ত এ সব সাথে
বিসম্বাদ ঘটালে।
পেয়েছ ইংরাজি জুতো,
মনোমত মজবুত,
আমার কপালে জুতো।
আর নাহি ঘটালে ॥
বিলাতি এসেছ নানা,
দেখনি তোমার নানী নানা,
আপনি মেখেছ কত,
আমারে না মাখালে।
পুরাতন মদ যত.
সব তব বাসগত,
আপনি খেয়েছ দাদা,
আমারে না খাওয়ালে ॥

কে লিখিয়াছে এবং কাহাকে উদ্দেশ্য করিয়া লিখা হইয়াছে, তাহা কাহারও জানিতে বাকি রহিল না।

“প্রথম পর্ক—সিঁহুরিয়া পটিতে মেট্রোপলিটান কলেজে ‘বিধবা-বিবাহ’ নাটক অভিনীত হইল। বিহারী চট্টোপাধ্যায় নাট্যিক হইয়াছিলেন। পরে বিহারীবাবু বেঙ্গল থিয়েটারে খুব যশস্বী হইয়াছিলেন।

“ষষ্ঠ পর্ক—ঠাকুরবাড়ী।

“প্রথমে গোপীমোহন ঠাকুরের পুরাতন বাড়ীর দোতালার নাচঘরে ষ্টেজ বাঁধা হইল। রামনারায়ণ পণ্ডিত মহারাজা যতীন্দ্রমোহন ঠাকুরকে (তখনও তিনি মহারাজা হইয়া নাই) বলিলেন—“আমি আপনাকে ঠিক রত্নাবলী’র মত একখানা নাটক লিখিয়া দিব।” তাঁহার রচিত ‘মালবিকাগ্নিত্র’ নাটক আমরা প্রথম অভিনয় করিলাম। ছোটরাজা সৌরীন্দ্রমোহন ঠাকুর সেই একবার মাত্র Stageএ অভিনয় করিয়াছিলেন; বড় রাজার অনুরোধে তিনি ‘কঙ্কী’ সাজিয়াছিলেন, দৌড়িয়া Stageএ আসিয়া করষোড়ে তিনি বলিলেন—“মহারাজ, মহারাজ, বড় বিপদ! ছোটরাণী নীলবান্দর দেখে মূর্ছা গিয়েছেন, আপনি শীঘ্র অন্তঃপুরে আসুন।”

“আমি বিদূষক সাজিয়াছিলাম, শরৎবাবু ছিলেন আমার Understudy। আমার অভিনয় দেখিয়া রাজা প্রতাপ নারায়ণ সিংহ এত প্রীত হইলেন যে, তিনি গ্রীন্ রুমে আসিয়া আমাকে কোলে করিয়া লইয়াছিলেন। বড় রাজাও খুসী হইয়া আমাকে বলিলেন—“Mohendra Babu, you are the second best বিদূষক I have seen.” কেশবচন্দ্র গাঙ্গুলী, ফিনান্স আপিসের কন্স-চারী, বড় রাজার বিশিষ্ট বন্ধু, তখনকার দিনে সব চেয়ে সেরা বিদূষক ছিলেন। পাইকপাড়ায় ‘শশিষ্ঠা’ ও ‘রত্নাবলী’র অভিনয়ে তিনি বিদূষক হইয়া বিশেষ কৃতিত্ব দেখাইয়াছিলেন। তিনি আমাদের শিক্ষাগুরু ছিলেন,— Motion, স্বগতঃ, চমকে ওঠা ইত্যাদি বিষয়ে আমাদের শিক্ষা দিতেন।

“ফিনান্স আপিসের দীননাথ ঘোষ ছিলেন Stage Manager; শরৎবাবু Prompter। তিনি Stageএর ভিতর হইতে বাঁয়া-তবলা বাজাইতেন। এইস্থানে বলিয়া রাখি যে, শরৎবাবুর মত পাখোয়াজ বাজাইতে সে সময়ে খুব কম লোক পারিত; বরোদা হইতে আগত পাখোয়াজের ওস্তাদ মৌলা বক্স ঠাকুরবাড়ীতে শরৎবাবুর বাজনা শুনিয়া তারিফ করিয়াছিল।

আর্য্যাবর্ত



শ্রীযুক্ত মহেন্দ্রনাথ মুখোপাধ্যায় ।

“ঠাকুরবাড়ীতে থিয়েটারের জন্য একটি কার্যনির্বাহক সমিতি গঠিত হইয়াছিল, তাহার সভ্য ছিলেন বিদ্যাসাগর মহাশয়, মাইকেল মধুসূদন, কেশব গাঙ্গুলী, দীন ঘোষ। এই কমিটি বাছাই করিয়া দিত, আমাদের মধ্যে কে কি সাজিবে।

(খ) “ঠাকুরবাড়ীর দ্বিতীয় পর্ব—মহারাজ (তখন তাঁহাকে আমরা বড় রাজাই বলিতাম) নিজ বাড়ীতে রঙ্গমঞ্চ প্রস্তুত করাইলেন। তথায় তাঁহার স্বরচিত ‘বিদ্যানন্দর’ প্রথম অভিনীত হইল। কমিটি বাছাই করিলেন,—বিখ্যাত ক্রপদ খেমালের ওস্তাদ মদনমোহন বর্মনু হইলেন ‘বিদ্যা’, আমি হইলাম ‘সুন্দর’।

“তৎপরে ‘রুক্মিণী-হরণ’ ও ‘মালতীমাধব’ অভিনীত হইল। মালতী-মাধবে আমি ‘মকরন্দ’ সাজিয়াছিলাম। ক্ষেত্র সেন ‘মালতী’, ও বহু চাটুষ্যে ‘মাধব’ সাজিয়াছিল। সঙ্গে সঙ্গে কোতুকনাট্যও অভিনীত হইত, যথা,—‘উত্তর সঙ্কট’, ‘বুড়ো শালিকের ঘাড়ে রোঁ’, ‘বুঝ্লে কি না’। শেষোক্ত নাটিকা মহারাজের স্বরচিত। এইটিকে লক্ষ্য করিয়া একটা ছোঁড়া ছুঁটু মি করিয়া একখানা কেতাব লিখিল, ‘কিছু কিছু বুঝি’।

(গ) “মহারাজের বাগানে,—‘মালতীমাধব’ অভিনীত হইল। এইবার আমি ‘মাধব’ সাজিয়াছিলাম। ‘মালতী’ ক্ষেত্র সেন, আর হরি বন্দ্যোপাধ্যায় ‘অধোরঘট যোগী’। বড়লাট লর্ড নর্থব্রুক অভিনয় দর্শন করিয়াছিলেন, ইহার পূর্বে রাজবাড়ীতেও তিনি উপস্থিত ছিলেন। পালা শেষ হইলে আমরা বেশ পরিবর্তন করিতে যাইতেছি, এমন সময় মহারাজ বলিলেন—‘পোষাক ছাড়িবেন না, লার্ট সাহেব তলব দিবেন। কথা কহিতে হইলে ষ্বরদার Sir বলিবেন না, My Lord বলিবেন।’ মাইকেল মধুও খুব করিয়া আমাকে শিখাইলেন, My Lord বলায় ভুল না হয়।

“হঠাৎ আমাকেই ডাকা হইল। বড়লাট ডাকিতেছেন! মাথা ঘুরিয়া গেল। স্বপ্নাবিষ্টের মত চলিলাম। যাইবার সময় মনে হইল, যেন কাণের কাছে বড় রাজা বলিলেন ‘My Lord’ ভুলিবেন না; মনে হইল যেন মাইকেল মধু বলিয়া দিলেন সাবধান, ‘My Lord’। লার্ট সাহেব জিজ্ঞাসা করিলেন—‘Were you the hero when I came to his residence?’ কল্পিতকণ্ঠে উত্তর হইল ‘Yes, Sir!’ তৎক্ষণাৎ মহারাজ বলিয়া উঠিলেন ‘Yes my Lord; there were two heroes, he was one of them.’

বস্! সব মাটি! সহস্র দর্শকের সম্মুখে দীপালোকিত রঙ্গমঞ্চে অভিনয় করিয়া মনে বড় সাহস হইয়াছিল। এই মাটি সাহেবের সম্মুখেও ত ছুইবার অভিনয় করিলাম। তবে কেন এমন হইল? এমন না হইলে গিল্যাণ্ডস' হোসে কেরাণীগিরি করিব কেন?

“আর একটি ব্যাপার বলি, তাহা হইলে বুদ্ধিতে পারিবে, আমার বায়ুনে কপাল কত মন্দ। দর্শকবৃন্দের মধ্যে রেওয়ার মহারাজা ছিলেন। তিনি ছ' গাঁটরি কাশ্মীরী শাল ও এক খাল মোহর আনিয়া বড় রাজাকে বলিলেন—‘আপনি যদি কিছু মনে না করেন, এইগুলি আমি অভিনেতৃগণের মধ্যে বিতরণ করি।’ বড়রাজা বলিলেন ‘ও কথা মনেও আনিবেন না, উঁহারা সকলেই আমারই মত ভদ্রলোক, উঁহারা কখনই এরূপ দান গ্রহণ করিবেন না।’ আমরা সকলেই বড় রাজার সমকক্ষ! দান গ্রহণে অসমর্থ। ওগো বিদেশী রাজা! কেমন করিয়া তোমায় বুঝাইব যে, আমি ঠাকুর-বাড়ীর বড় রাজাবাহাদুরের সমকক্ষ নই, নই, নই! আমি অত্যন্ত দীন হীন ব্রাহ্মণ, গিল্যাণ্ডস' হোসের সামান্য কেরাণী মাত্র। ব্রাহ্মণ-সন্তান আমি, রাজার দান গ্রহণে অসমর্থ হইব কেন?

“মাটি সাহেবের কাছে মাথা ঘুরিয়া গিয়াছিল। কাশ্মীরী শাল ও মোহরের খাল বুদ্ধি-বিপর্যায় ঘটাইয়া দিল। বড় রাজার prestige অক্ষুণ্ণ রহিল। সমস্ত আকাশ জুড়িয়া নক্ষত্রপুঞ্জ আমার হুঃখে হাসিতে লাগিল।

“ইহার অল্পকাল পরেই যতীন্দ্রমোহন ঠাকুর রাজা হইলেন, এবং তদুপলক্ষে আমাদের প্রত্যেককেই এক এক যোড়া গজাঙ্গলে শাল উপহার দিলেন।

“সপ্তম পর্ক। অর্ধেন্দুশেখর মুস্তফি সান্তালদিগের বাড়ীতে পেশাদারি থিয়েটার খুলিলেন। ‘নীলদর্পণ’ অভিনীত হইল। তখনও পুরুষে স্ত্রীলোক সাজিত।

আমরা retire করিলাম।

* * *

৭ই আষাঢ়, ১৩১৮।

মহেন্দ্রবাবুকে বলিলাম “মুখ্যে মহাশয়, আজ এই প্রবন্ধের পাণ্ডুলিপি-ধানি পূজ্যপাদ পণ্ডিত কৃষ্ণকমল ভট্টাচার্য্য মহাশয়কে পড়িয়া শুনাইলাম। তিনি অত্যন্ত প্রীত হইয়া বলিলেন ‘মহেন্দ্র বাবু আমার বাল্যবন্ধ, বোধ হয়

আমার চেয়ে এক বৎসরের বড়। তিনি তোমাকে যে বাঙ্গালা Stageএর ইতিহাস দিয়াছেন, এমনটি আর কেহ দিতে পারিবে না। তাঁহার যখন, ১৪ বৎসর বয়স, তখন তিনি 'চার এয়ারের তীর্থযাত্রা' নামক একখানি পুস্তক প্রণয়ন করেন। আমার দাদা সেই পুস্তক পাঠ করিয়া বলিলেন 'মহেন্দ্র যে এমন বই লিখিতে পারে, তাহা কে জানিত? বাস্তবিক ছেলেটি একটি genius।' 'কুলীনকুলসর্কস্ব' নাটকের অভিনয় যখন দেখিতে গিয়াছিলাম, তখন ধরিতে পারি নাই যে, মহেন্দ্র অভিনয় করিল।'

"মুখ্যো মহাশয়, আপনার সেই পুস্তক একখানি দেখিতে পাই কি?"

তিনি বলিলেন—“ছুঃখের বিষয়, আমার নিকট একখণ্ডও নাই। আর যে থিয়েটারে যাতিয়াছিলাম, তখন আর ওসব খেয়াল করি নাই। শনিবারে প্রায়ই বড় রাজার Emerald Bowerএ, কিছা ছোট রাজার “প্রমোদ-কাননে” কিছা ছাত্তুবাবুর পেনিটির বাগানবাড়ীতে গান, বাজনা, আনন্দ উৎসবে কাটাইতাম। বড় রাজার জন্মদিন অক্ষয় তৃতীয়া। ঐ উপলক্ষে কিছু বেশী ধুমধাম হইত। ধীরাজ (ও ইদানীং প্যারীমোহন কবিরত্ন) গান বাঁধিতেন, আমি তাহাদের সহিত গাহিতাম। ছাত্তুবাবুর বাগানে নীলমাধব ডাক্তার আমার সাক্ষরদ ছিলেন।

“এক এক দিন ছোট রাজা আসিয়া আমাদের গানে যোগ দিতেন। এক দিন তিনি বলিলেন 'ধীরাজের সেই গানটার অর্থ আমি আজ নিশ্চয়ই বাহির করিব, তোমরা সেই গানটা গাও ত?' আমরা গান ধরিলাম—

আমায় হের হর-অঙ্গনা,

আমি ফলার করুব না,

তুমি কালশশী, গোকুলবাসী,

যরে চা'ল বাড়ন্ত যুচলো না।

গেল ভজার মা'র কাঁধা মোলো রাজা মাকাতা,

* ইচ্ছের আরক হবে ওষধ পাই কোথা?

আবার নদের রাজার রাজ্য গেল,

আমার আইবুড় নাম যুচল না।

আমি ফলার করুব না।

কাপে নিয়ে গেল কাণ,

তোমার দিব ধইয়েন ধান,

আউটে কীর কোরো,

না হর গেতে গুরো ণাণ।

শিবে গুঁড়ি কাটা গেল,
আবার খেউরি হওয়া হোলো না।
আমি ফলার করুব না।

দেখ, যার মাথায়ুণ্ড কোনও অর্ধই করা যায় না, ছোট রাজা তার একটা সোজা মানে বাহির করিবেন কি করিয়া ?

“ধীরাজ আবার গান ধরিত—এই স্থানে বলিয়া রাখি যে, কোনও একটি ব্যক্তিবিশেষকে লক্ষ্য করিয়া এই গান রচিত হইয়াছিল—ধীরাজ গান ধরিত—

কোম্পানীর চাকরি গেছে, আ মরি,
নাই সে শরীর
স্নাই কিশোরীর,
আগে পৃথিবীতে গা দিতেন না
এরি ছিলেন অহঙ্কারী।

গিরু গরু নাই বিচার,
চপ্ কট্ লেট্ অনিবার,
আহার হোতো না বাবুর
বিনে সে ‘ফাউল করি’।

বৌমায়ের Beer বেতো,
Moselle এতে মাথা ধরতো,
বাজে লোকের বরাদ্দ ছিল ব্রাণ্ডি।
এখন dish হয়েছে কলাপাত,
চাম্চে হয়েছে হাত,
ব্রাণ্ডির বদলে এখন
বা করেন মা ধান্যেশ্বরী।

“আমি বৃদ্ধ হইয়াছি, দৃষ্টিশক্তি অত্যন্ত ক্ষীণ, কিন্তু এই সকল গান যখন আমার মাথার মধ্যে গুঞ্জরিয়া উঠে, তখন আমারও দেহে চাঞ্চল্য অনুভূত হয়। Auld Lang Syneএর মাহাত্ম্য তোমরা কি বুঝিবে ? কিন্তু যদি আমার কথায় সে সময়কার সমাজের একটি চিত্রও তোমাদের মনোমধ্যে পরিষ্কৃত হয়, তাহা হইলে কৃতার্থ হইব।”

শ্রীবিপিনবিহারী গুপ্ত ।

মৃত্যু-মিলন।

চতুর্থ খণ্ড।

প্রথম পরিচ্ছেদ।

রণক্ষেত্রে।

রাজা রণক্ষেত্রে উপনীত হইয়া দেখিলেন, উভয় দল প্রস্তুত। দুইটি সিংহ সম্মুখীন হইলে যেমন আক্রমণের পূর্বে রোষরক্ত লোচনে পরস্পরকে লক্ষ্য করে, দুইদল সেইরূপ পরস্পরকে লক্ষ্য করিতেছিল। রাজার আগমনে রাজপুত সেনা জয়ধ্বনি করিয়া উঠিল—অপর দিকে যোগল সেনাপতির আদেশে গোলন্দাজ কামানের রঞ্জুত্বেরে দীপ্ত শলিতা প্রদান করিল। রাজা তাহা লক্ষ্য করিলেন, সেনাপতিকে বলিলেন, “কামান অধিকার না করিলে উপায় নাই।” সেনাপতি তদনুসারে আদেশ প্রচার করিলেন। রাজপুত সেনা বীরবিক্রমে অগ্রসর হইল। যোগলের অগ্নিবর্ষণ অবহেলা করিয়া রাজপুত সৈনিকগণ কামান অধিকার করিল; অগ্নিবর্ষণ বন্ধ হইল; কিন্তু ততক্ষণে বহু হতাহত রাজপুত সৈনিক রণস্থল পূর্ণ করিয়া পড়িয়াছে।

তখন সম্মুখ-যুদ্ধ আরম্ভ হইল। যে সকল আহত রাজপুত রণক্ষেত্রে শায়িত হইয়াছিল, তাহারা কোনরূপে ফিরিয়া, কেহ বা মস্তক উত্তোলন করিয়া, কেহ বা করে ভর দিয়া যুদ্ধ লক্ষ্য করিতে লাগিল।

সম্মুখ-যুদ্ধে রাজপুত বিশেষ পারদর্শী। কিন্তু রাজপুত সৈনিক সকলেই অশিক্ষিত নহে; বিশেষ যোগল বাহিনী সংখ্যায় রাজপুত বাহিনীর দশগুণেরও অধিক। সুতরাং রাজপুতের পরাজয় অনিবার্য।

রাজপুতের অত্যাধাতে যোগল বাহিনী ক্ষয় হইতে লাগিল; কিন্তু সমুদ্রের

বারিরাশির স্তায় সে ক্ষয় অক্ষুণ্ণ হইল না। এদিকে রাজপুত সৈনিক-দল ক্রমেই সংখ্যায় কমিতে লাগিল।

মধ্যাহ্ন অতীত হইয়া গেল। রাজা চারিদিকে চাহিয়া দেখিলেন, আর অধিকরণ সংগ্রাম অসম্ভব। তিনি বেগে অশ্চালনা করিয়া শত্রুর সম্মুখীন হইলেন। শত্রুদল তাঁহাকে বেষ্টিত করিল। বিষম যুদ্ধ চলিতে লাগিল।

অল্পকণ যুদ্ধের পর রাজা বুঝিলেন, তাঁহাকে নিহত করা যোগলের অভিপ্রেত নহে—তাঁহাকে বন্দী করাই তাহাদিগের উদ্দেশ্য। তিনি মনে মনে হাসিলেন,—যে জীবন বিসর্জন করিতেই আসিয়াছে, মৃত্যু ব্যতীত আর কে তাহাকে বন্দী করিতে পারে? তিনি শত্রু-বৃহৎ-মধ্যে প্রবেশ করিলেন।

আরও কিছুকণ যুদ্ধ চলিল। রাজার দেহ শোণিতস্রাবে ক্রমেই নিশ্চেষ্ট হইয়া পড়িতে লাগিল। তিনি বুঝিতে পারিলেন, এ অবস্থায় অল্পকণের মধ্যেই শত্রুর বন্দী হওয়া অনিবার্য। তিনি মুহূর্ত্ত চিন্তা করিলেন; তাহার পর যে প্রভুভক্ত, সুশিক্ষিত সৈনিকগণ তাঁহাকে ঘিরিয়া ছিল, সেই অন্সায়মান সৈনিকদলকে সময়োপযোগী আবশ্যক আদেশ প্রদান করিলেন।

বিদ্যাহ্বয়ে শত্রুবৃহৎ ভেদ করিয়া রাজপুত সৈনিকদল রাজাকে লইয়া বাহির হইয়া গেল, তাহার পর পরিচিত পার্শ্বত্যা পথে বিদ্যাহ্বয়েই মত মিলাইয়া গেল। যোগল সৈনিকগণ তাহাদিগের অনুসরণ করিতে পারিল না; সে পথ তাহাদিগের একান্ত অপরিচিত। শেষে তাহারা দূতের নির্দেশমত পথে নগরাভিমুখে চলিল। সে পথ দীর্ঘ ও সঙ্কটসঙ্কুল।

সেতুমুখে অজয় সিংহ একদল সৈনিকসহ অপেক্ষা করিতেছিলেন। মধ্যে মধ্যে রণক্ষেত্র হইতে দূতমুখে সংবাদ আসিতেছিল; সে সংবাদ আশাশ্রিত নহে। তিনি নানা অমঙ্গলের চিন্তায় কাতর। সম্মুখে প্রান্তর;—পশ্চাতে সেতু, স্তম্ভচ্ছেদনহেতু দুর্বল। একবার পশ্চাদিকে চাহিয়া অজয়সিংহ দেখিলেন—মন্দিরের বৃদ্ধ পুরোহিত সেতু অতিক্রম করিয়া আসিতেছেন। অজয় সিংহ বিস্মিত হইলেন। বৃদ্ধ নিকটে উপনীত হইলে অজয় সিংহ প্রণাম করিয়া জিজ্ঞাসা করিলেন, “আপনি কোথা হইতে আসিলেন?”

বৃদ্ধ উত্তর করিলেন, “আমি তীর্থে তীর্থে ভ্রমণ করিয়া একবার রাজধানীতে আসিতেছিলাম। পথে এই সংবাদ পাইয়া দ্রুত আসিয়া উপস্থিত হইয়াছি। শেষ সংবাদ কি?”

অজয় সিংহ বলিলেন, “রাজপুত সেনা সংখ্যায় ক্ষীণ হইয়া আসিয়াছে ।”

“বৎস, রাজা এ সংগ্রামের অনিবার্য ফল নিশ্চয়ই জানিতেন ।”

“জানিতেন ; জানিয়া আমাদের নিবেদন সত্ত্বেও এ কার্যে প্রবৃত্ত হইয়াছেন ।”

অজয় সিংহ সংক্ষেপে রাজার উদ্দেশ্য ও উপদেশ বুদ্ধকে বুঝাইলেন । বুদ্ধ স্থিরভাবে তাহা শুনিলেন ; তাহার পর অজয়সিংহের কথা শেষ হইলে গদগদ কণ্ঠে বলিলেন,—“বৎস, বহুদিনের দুর্ভাগ্য একদিনে যায় না ; কিন্তু যে প্রথম দুর্ভাগ্যকে পদাঘাতে দূর করিতে সচেষ্ট হয়—গৌরব তাহার । আজ সে গৌরব—তোমার ভ্রাতার—আমার রাজার । আজ আমরা ধন্য ।”

অজয়সিংহ বলিলেন, “কিন্তু জয়ের কোন আশা ত নাই ।”

বুদ্ধ বলিলেন, “জয় আর গৌরব এক নহে । জগতের ইতিহাসে অনেক স্থলে দেখিবে—সমুজ্জ্বল সাফল্য অপেক্ষা অবনত অসাফল্যের গৌরব অধিক । জয় পরাজয় অনিশ্চিত । রাজপুত কি সর্বত্রই জয়ী হইতে পারিয়াছে ? কিন্তু রাজপুত কখনও আপনার স্বাভাব্য, সম্মান, সম্মান বিসর্জন দেয় নাই । তাহাতেই রাজপুতের গৌরব । রাজপুত সেই আদর্শ অতলতলে বিসর্জন করিয়া অধঃপতনের পথে অগ্রসর হইতেছিল ; আজ একজন রাজপুত নৃপতি সেই আদর্শের উদ্ধার—চেষ্টায় আপনার জীবন বিসর্জন করিতেছেন । বৎস, তাহার মত গৌরব কাহার ? এমন আদর্শ কি নিষ্ফল হইবার ?”

“কিন্তু আপনি শুনে নাই, রাজা রাজপুত-সম্মতগঠনের চেষ্টায় নিষ্ফল হইয়াছিলেন । যাহারা ঈর্ষ্যাবশে বা ভয়ে তাহার প্রস্তাবে স্বীকৃত হয় নাই—তাহারাই যোগলকে সংবাদ দিয়াছে—ইহাই রাজার বিশ্বাস ।”

“আমার সহিত পথে শঙ্কর সিংহের সাক্ষাৎ হইয়াছিল । আমি সব শুনিয়াছি । বহুদিনের আবর্জনা কি একদিনে দূর হয় ? কিন্তু এতদিনে আবর্জনার স্তূপে অগ্নিসংযোগ হইল—তাহার ক্ষয় অবশ্যতাবী । হতাশ হইও না । যিনি বিপদের একমাত্র শরণ—তিনিই রাজাকে এ কার্যে প্রবৃত্ত করাইয়াছেন । তাহার কার্য তিনিই করাইবেন ।” বুদ্ধ উদ্দেশে দেবতাকে প্রণাম করিলেন ।

পার্কৃত্য পথে দূরে ধূলি লব্ধিত হইল । এ পথ যোগলের অপরিচ্ছাদিত ; কিন্তু বিশ্বাস নাই । অজয় সিংহ যুষ্টিমের সৈনিক লইয়া যুদ্ধের জন্ত প্রস্তুত হইলেন ।

অল্পকালমধ্যেই দূরে রাজপুত্রের পরিচিত বেশ লক্ষিত হইল। তাহার পর সৈনিকগণ আরও নিকটবর্তী হইলে অজয়সিংহ ও পুরোহিত দেখিলেন, তাহারা রাজাকে লইয়া আসিতেছে।

সেই মুষ্টিমেয় সৈনিক রাজাকে লইয়া যখন সেতুর নিকট উপনীত হইল— তখন দেহের নানাস্থানে ক্ষতমুখে শোণিতপাতে রাজা অবসন্ন—অশ্বপৃষ্ঠে আর বসিয়া থাকিবার সাধ্য নাই; দুইদিকে দুইজন তাঁহাকে ধরিয়া অশ্বচালনা করিতেছে।

অজয় সিংহ সযত্নে জ্যেষ্ঠকে অশ্বপৃষ্ঠ হইতে নামাইয়া লইলেন; তার পর তাঁহাকে সেই তৃণাচ্ছাদিত ভূমিতে শায়িত করিলেন। রাজা দেখিলেন, সম্মুখে বৃদ্ধ পুরোহিত। তিনি গভীর আক্ষেপের স্বরে বলিলেন, “আজ আর কি দেখিতে আসিয়াছেন?”

বৃদ্ধ উচ্ছ্বসিত স্বরে বলিলেন, “আজ আমি আমার রাজাকে দেখিতে আসিয়াছি; আজ আমি রাজপুত্র গৌরবের তরুণ-অরুণ-বিকাশ দেখিতে আসিয়াছি। আজ আমি ধন, আজ তুমি ধন, আজ এ রাজ্য ধন।”

এই সময়ে বৃদ্ধ দেখিতে পাইলেন, পরপারে আশ্রমসীমায় পার্শ্বতী শিলা-ধণ্ডের উপর দাঁড়াইয়া এই দৃশ্য দেখিতেছেন। অজয়সিংহ সৈনিকদ্বয়কে একে একে সেতু পার হইয়া নগরে প্রত্যাবর্তন করিতে উপদেশ দিলেন— তাহারা সেই আদেশ পালন করিতে লাগিল।

রাজা বুঝিতে পারিলেন, তাঁহার দেহ হইতে জীবনীশক্তি প্রবাহিত হইয়া যাইতেছে। তিনি অজয় সিংহকে বলিলেন, “মোগল সেনা অল্পকালমধ্যে আসিবে। আমার উপদেশমত কার্য্য কর।” অজয়সিংহ তাঁহাকে তুলিতে উত্তত হইলেন। রাজার কুক্ষিত জয়ুগে বিরক্তির চিহ্ন ফুটিয়া উঠিল; তিনি বলিলেন “কি করিতেছ?”

অজয়সিংহ উত্তর করিলেন, “আপনাকে নগরে লইয়া যাইব।”

রাজা বলিলেন, “আমি রাজপুত্র; যুদ্ধে পরাজিত হইয়া নগরে ফিরিব না। মোগল আমাকে মারিবে না জানিয়া—আপনাকে মরণাহত বুঝিয়া আমি এইস্থানে আসিয়াছি। আমার মস্তক ছেদন করিয়া লইয়া যাও।”

অজয়সিংহ মুষ্টিকা-লগ্ন-দৃষ্টি হইয়া রহিলেন।

রাজা উত্তেজিত ভাবে জিজ্ঞাসা করিলেন, “পারিবে না?”

অজয়সিংহ নিরুত্তর রহিলেন।

রাজা উঠিয়া বসিতে চেষ্টা করিলেন—পারিলেন না; সেই চেষ্টায় তিনি আরও অবসন্ন হইয়া পড়িলেন। তখন তিনি পদতলে দণ্ডায়মান একজন সৈনিককে ইঙ্গিতে আপনার আদেশ জানাইলেন।

আজ্ঞাবহ ভৃত্য তরবারি কোশযুক্ত করিল—দিনাস্ত-রবিফরে শানিত ফলক ঝলকিয়া উঠিল। সেই সময় রাজা একবার পরপারে চাহিলেন,— দেখিলেন—আশ্রমসীমার শিলাখণ্ডের উপর হইতে গৈরিক অঞ্চল উড়িয়া নিরে—নদীগর্ভে পড়িল।

রাজার উন্নত কপালে যাতনার চিহ্ন লক্ষিত হইল—মৃত্যু-মুচ্ছার তাঁহার নয়নদ্বয় মুদ্রিয়া আসিল।

অজয় সিংহ হ্রিতে উঠিয়া সৈনিকের আঘাতে উন্নত হস্ত ধারণ করিলেন; তাহার পর ভ্রাতার শবদেহ তুলিয়া লইয়া সেতু পার হইলেন।

সেই সময়ে দূরে মোগলসেনার বর্ষায় রবিফর-দীপ্তি দেখা গেল।

মোগলসেনা দেখিল, রাজার দেহ লইয়া কে সেতু পার হইল। সেই দেহলাভের আশায় তাহারা আরও বেগে অখচালনা করিল।

মোগলের শত শত অস্বারোহী সেনা এককালে সেতুর উপর উপনীত হইল। দুর্বল সেতু বজ্রনাদে ভাঙ্গিয়া পড়িল। বিজয়ী মোগলসেনার সর্বোৎকৃষ্ট অংশ নদীগর্ভে পতিত হইল। কেহ বা নদীগর্ভে প্রোথিত শূলে বিদ্ধ হইয়া গতপ্রাণ হইল; কেহ বা নদীস্রোতে শিলায় আহত হইয়া প্রাণ-ত্যাগ করিল। অবশিষ্ট মোগলসেনা তাঁরে দাঁড়াইয়া সেই শোচনীয় দৃশ্য দেখিতে লাগিল।

পরপার হইতে শোক-কাতর রাজপুত্রগণ এই দৃশ্যে দারুণ হুঃখেও আনন্দ অহুভব করিল।

দ্বিতীয় পরিচ্ছেদ।

শুদ্ধাস্তে।

অস্তঃপুরে রাজার বিশ্রামকক্ষে প্রিয়স্পর্শপূত পালকে বসিয়া রাণী ভাবিতে-ছিলেন। সে ভাবনার অস্ত নাই। সহসা সেতুভঙ্গের ভীম নাদে তিনি চমকিয়া উঠিলেন। উমা সেই কক্ষেই ছিল,—তিনি তাহাকে জিজ্ঞাসা করিলেন, “উমা, এ শব্দ কিসের?”

উমা বলিল, “আমি জানি না ।”

রাণী বলিলেন, “এ যে ভীষণ শব্দ !”

উমা বলিল, “যদি বলেন, আমি যাইয়া আমার জ্যেষ্ঠের নিকট জানিয়া আসি । তিনি বোধ হয় জানেন ।”

রাণী বিস্মিতভাবে জিজ্ঞাসা করিলেন, “শঙ্কর সিংহ কি প্রাসাদে ? তিনি মুছে গমন করেন নাই ?”

উমা উত্তর করিল, “রাজার আদেশে তিনি প্রাসাদেই অবস্থান করিতেছেন ।”

“তিনি কোথায় ?”

“প্রাসাদ-চুড়ায় ।”

“কেন ?”

“তিনি নগর-সীমায় সেনাদলের গতি লক্ষ্য করিতেছেন । প্রাসাদ ও দুর্গ রক্ষার ভার তাঁহার ।”

রাণী বলিলেন, “তুমি এখনই যাইয়া তাঁহাকে ডাকিয়া আন ।”

উমা চলিয়া গেল । রাণীর বোধ হইতে লাগিল, তিনি একান্ত একা । একবার তাঁহার মনে হইল, রেবা আসিয়া তাঁহার নিকট থাকিতে চাহিয়াছিল, তিনি বারণ না করিলেই ভাল করিতেন ।

কিছুক্ষণ পরে উমা প্রত্যাবৃত্তা হইল ; জানাইল, শঙ্কর সিংহ বাহিরে অপেক্ষা করিতেছেন । রাণী বলিলেন, “তাঁহাকে আসিতে বল ।” উমা শঙ্কর সিংহকে ডাকিতে গেল ।

শঙ্কর সিংহ কক্ষ প্রবেশ করিলে রাণী তাঁহাকে জিজ্ঞাসা করিলেন, “এখনই যে দারুণ শব্দ শুনিলাম, উহা কিসের ?”

শঙ্কর সিংহ সংক্ষেপে বলিলেন, “সেতুভঙ্গের ।”

রাণী জিজ্ঞাসা করিলেন, “সেতু কি দুর্বল ছিল ?”

“না ।”

“তবে কি সেনাভরে ভাঙ্গিয়া পড়িল ?”

শঙ্কর সিংহ ইতস্ততঃ করিতেছিলেন । রাণী বলিলেন, “শঙ্কর সিংহ, আমি এ রাজ্যের রাণী—আমি তোমাকে আদেশ করিতেছি, তুমি আমার সহোদরাধিক উমার ভ্রাতা—আমার স্বামীর প্রিয় মুহূর্ত্ত—আমি তোমাকে অনুরোধ করিতেছি, আজ আর আমার নিকট কিছু গোপন করিও না ।”

রাণীর স্বরের আকুলতার শব্দর সিংহ বিচলিত হইলেন ; ভাবিয়া দেখিলেন, আজ আর কিছু গোপন করা নিশ্চয়োজন । তিনি ভগিনীর নিকট রাণীর পরিবর্তনের কথাও গুনিয়াছিলেন ; আজ তাহা অনুভব করিলেন । আজ রাজার ও রাণীর জ্ঞ শব্দর সিংহের হৃদয় বেদনায় চঞ্চল হইয়া উঠিল ।

শব্দর সিংহ তখন রাণীকে সকল কথা বলিলেন । সেতু সম্বন্ধে রাজার ব্যবস্থা—তাঁহাকে রাজার উপদেশ—রাজ্য রক্ষার উপায়বিধান—অজয় সিংহকে রাজার আদেশ—শব্দর সিংহ একে একে রাণীকে সব বলিলেন ।

শব্দর সিংহের কথা শেষ হইতে না হইতে রাণী উঠিয়া দাঁড়াইলেন ; তাঁহার মুখমণ্ডল রক্তাভা ধারণ করিল—তাঁহার চক্ষু জ্বলিতে লাগিল । রাণী উচ্ছলিত স্বরে বলিলেন,—“শব্দর সিংহ, তুমি রাজপুত ?”

রাণীর প্রশ্নে শব্দর সিংহ বিস্মিত হইলেন ; জিজ্ঞাসা করিলেন, “আমাকে এ প্রশ্ন কেন ?”

রাণী বলিলেন, “আজ যখন রাজপুত রাজা—রাজপুতের কল্যাণ-চেষ্টায় স্বয়ং বিপন্ন, তখন তুমি রাজপুত—কাপুরুষের মত—রমণীর মত রণবিমুখ কেন ?”

এই তিরস্কারে—অপমানে শব্দর সিংহের শিরায় রক্তশ্রোত চঞ্চল হইয়া উঠিল । কিন্তু তিনি স্বাভাবিক স্থির ভাব হারাইলেন না ; বলিলেন, “রাণী, আমি রাজার আদেশে রাজপুতের বিলাসক্ষেত্র রণক্ষেত্রে যাইতে পারি নাই । আমি তিরস্কারের পাত্র নহি ।”

রাণী বলিলেন, “কিন্তু তোমার রাজপুতহৃদয় কি তোমাকে কোন আদেশ দেয় নাই । রাজার দেব-দেহ শত্রু করে লাঞ্চিত হইবে জানিয়াও তুমি তাঁহার আদেশে স্থির হইয়া আছ ? রাজার আদেশ কি কেবল তোমার কাপুরুষতার বর্নমাত্র ?”

“আমি সকল কথাই নিবেদন করিয়াছি ।”

“তুমি রাজপুত, তুমি প্রজা, তুমি রাজার বন্ধু—সখা—তুমি কি সেই দেহ উদ্ধার করিয়া আনিবে না—তুমি কি সে চেষ্টা করিবে না ?”

বলিতে বলিতে রাণীর রোষ-কঠোর কণ্ঠস্বর অস্বনয়-বিগলিত হইয়া গেল, তাঁহার প্রদীপ্ত নয়ন অশ্রুসজল হইয়া আসিল । তিনি বলিলেন, “শব্দর সিংহ, আমার শেষ অনুরোধ—সান্নয়ন প্রার্থনা, আমার স্বামীর দেহ আমাকে আনিয়া দাও ।” বলিতে বলিতে রাণীর হৃই চক্ষু দিয়া অশ্রুধারা ঝরিতে লাগিল ।

শব্দর সিংহ কি করিবেন—ভাবিতে লাগিলেন ।

এমন সময় শুদ্ধাস্ত্রধারে অজয় সিংহের ভেয়ীতে সঙ্কেতধ্বনি ধ্বনিত হইল।

“অজয় সিংহ আসিয়াছেন”—বলিয়া শঙ্কর সিংহ ব্যস্তভাবে কক্ষ ত্যাগ করিলেন।

রাণী অবসন্নভাবে সেই পর্য্যঙ্কে উপবেশন করিলেন। তাঁহার মনে হইতে লাগিল যেন এক এক মুহূর্ত্ত এক এক যুগের মত দীর্ঘ।

অদূরে পদধ্বনি শুনিয়া রাণী ঘরে চাহিলেন। শঙ্কর সিংহের পশ্চাতে অজয় সিংহ কক্ষে প্রবেশ করিলেন। তাঁহার মুখে বিষন্নভাব—দৃষ্টি হর্ষভঙ্গবদ্ধ—মস্তক নত।

দেবরকে দেখিয়া রাণী উঠিয়া দাঁড়াইলেন, কাতরস্বরে বলিলেন, “অজয় সিংহ, আমার স্বামী—আমার দেবতার দেহ আমাকে আনিয়া দাও।”

অজয় সিংহ মুখ তুলিতে পারিলেন না? অশ্রুর উচ্ছ্বাসে তাঁহার কণ্ঠ রুদ্ধ হইয়া আসিতেছিল। তিনি বলিলেন, “রাণী—দেবী”—

রাণী বাধা দিয়া বলিলেন, “অজয় সিংহ—আমি রাণী নহি—দেবী নহি—আমি নারী। আমার স্বামী দেহ আনিয়া দাও।”

অজয় সিংহ ধীরে ধীরে বলিলেন, “আমি সে দেহ আনিয়াছি!”

রাণী ব্যাগ্রভাবে বলিলেন, “কোথায় সে দেহ? আমাকে তথায় লইয়া চল।”

অজয় সিংহ কক্ষ হইতে নিজ্জাস্ত্র হইলেন। রাণী বাস্ত্ৰজ্ঞানহতবৎ তাঁহার অনুসরণ করিলেন। শঙ্কর সিংহ ও উমা পশ্চাতে পশ্চাতে চলিলেন।

কক্ষের পর কক্ষ অতিক্রম করিয়া অজয় সিংহ সোপানশ্রেণী অবতরণ করিলেন—তাঁহার পর পথ বাহিয়া অন্তঃপুরের ও বহির্কোণের মধ্যবর্ত্তী উদ্যানে উপনীত হইলেন। প্রহরী রাণীকে দেখিয়া সরিয়া গেল। রাণী আর কিছুই দেখিতেছিলেন না। উদ্যানের পর গৃহ। সেই গৃহের অপরিচিত পথে অজয় সিংহের অনুসরণ করিয়া রাণী রাজার উপবেশন গৃহে উপনীত হইলেন।

তৃতীয় পরিচ্ছেদ।

আদর্শ।

যে কক্ষে রাজা সাধারণতঃ অবস্থান করিতেন অজয় সিংহের সঙ্গে রাণী সেই কক্ষে উপনীতা হইলেন। হর্ষভঙ্গে বহুমূল্য আস্তরণ আশ্রিত।

তাহারই মধ্যস্থলে—স্বর্ণস্বত্রচিত্ত রাজ্যাসনে রাজার শবদেহ শায়িত।
কেশরাশি বিশ্ফল—মুখমণ্ডল পাংশুবর্ণ—নয়ন মুদিত।

রাণী সেই দেহ দেখিয়া মুহূর্ত্ত প্রস্তর-মূর্ত্তির মত স্থির হইয়া দাঁড়াইয়া রহিলেন। জীবনে যে প্রেম ঘটনাক্রমে আত্মপ্রকাশ করিতে পারে নাই—আজ মৃত্যুক্ষেত্রে তাহা আত্মপ্রকাশ করিল; তাহার প্রবল স্রোতে আজ রাণীর সকল সঙ্কোচ ভাসিয়া গেল। রাণী উন্নতবৎ যাইয়া শবদেহের মস্তক আপনার অঙ্কে তুলিয়া লইলেন—তাহার পর প্রগাঢ় প্রেমচুষনে সেই মৃত্যুশীতল—গৌরবোজ্জ্বল উন্নত কপাল প্লাবিত করিয়া দিলেন।

আজ রাণীর মনে হইল—এতদিনে তিনি আপনার ঈশ্বতকে পাইয়াছেন। আজ রাজ্য রাজ্যের নহেন—একান্ত তাঁহারই। আজ তিনি ধন—কেন না, রাজ্যের সহিত মরিবার অধিকার আর কাহারও নাই। যে জীবন এতদিন তাঁহার নিকট একান্ত ব্যর্থ বোধ হইয়াছিল—আজ তাহা সার্থক বোধ হইল। আজ সীমাহীন দুঃখের মধ্যে রাণী অসীম সুখ পাইলেন—দুর্দশার প্রলয়ের মধ্যে তিনি আনন্দের অলোকরশ্মি দেখিলেন। রণহত পতিদেহ লইয়া রাজপুতনারী আজ গর্ভ অনুভব করিতে লাগিলেন।

অজয় সিংহ ও শঙ্কর সিংহ পরস্পরের মুখে চাহিলেন—উভয়েই কিংকর্তব্যবিমূঢ় হইয়া রহিলেন।

উমা কাঁদিতে লাগিল।

দীর্ঘদিনব্যাপী জলদজ্বাল দিনান্তে অপমৃত হইয়া যদি রবিকরবিকাশের অবসর দেয় তবে যেমন কমল-কোরক সেই রবিকরে একবার প্রস্ফুটিত হইয়া অচিরে নিশার তিমিরে আবার মুদিত হইয়া যায়—দেখিতে দেখিতে তাহার কুসুম-জীবনের সকল দশার শেষ হয়—তেমনই রাণীর পত্নী-জীবনের সকল দশাই দেখিতে দেখিতে শেষ হইতে লাগিল। অবস্থা পরিবর্তনের—শোকের প্রথম—প্রবল আঘাতের পর রাণীর নয়নে শান্তিসহচর অশ্রু করিতে লাগিল। সেই অশ্রু-প্রবাহে শোকের আতিশয্য—বাহুজ্ঞানহীনভাব ভাসিয়া গেল; দীর্ঘ অবর্ষণের পর বর্ষণসিক্ত প্রকৃতির মত শান্ত—আত্মস্থ নারীপ্রকৃতি দেখা দিল। রাণী কাঁদিতে লাগিলেন।

এদিকে রজনীর তিমিরাবরণ ধীরে ধীরে ধরাবক্ষে বিস্তৃত হইতে লাগিল। অজয় সিংহের আদেশে কক্ষে বহুদীপ দীপাধারে দীপরাশি প্রজ্জ্বলিত হইল।

কিছুক্ষণ রোদনের পর রাণী অজয় সিংহকে বলিলেন, “অজয় সিংহ,

আমার শেষ কর্তব্য পালনের উত্তোগ করিয়া দাও । চিত্তা প্রস্তুত করিতে আদেশ প্রদান কর ।”

অজয় সিংহ মুহূর্ত্তকাল চিন্তা করিলেন—তাহার পর কক্ষ হইতে নিজ্জান্ত হইলেন ।

অল্পকণ পরেই গৃহবিগ্রহের মন্দির-প্রাঙ্গণে রাশি রাশি ঘৃতসিক্ত চন্দন কাঠে চিত্তা প্রস্তুত হইল । সকল আয়োজন সম্পন্ন হইল ।

রাণী অজয়সিংহকে প্রত্যাবৃত্ত দেখিয়া জিজ্ঞাসা করিলেন, “আমার চিত্তা-শয়ন—কুশুম শয়ন প্রস্তুত হইয়াছে ?”

অজয়সিংহ উত্তর করিতে পারিলেন না ।

রাণী বুঝিতে পারিলেন । তিনি রাজার মস্তক সযত্নে উপাধানে স্থাপন করিয়া আপনি উঠিয়া দাঁড়াইলেন ।

* * * * *

তাহার পর নৈশ তিমির ছিন্ন বিচ্ছিন্ন করিয়া মন্দির-প্রাঙ্গণে ঘৃতাহতিপুষ্ট পাবকের শতশিখা শত রক্ত নাগিনীর মত আকাশে ফণা তুলিতে লাগিল—সেই আলোকে নৈশ অন্ধকার বিকট দেখাইতে লাগিল । আর রাজপুত্র রমণীর অশ্রুবিকম্পিত কণ্ঠে “লাজহরণ—তাপবারণ”—হতাশনের স্তুতিগান গীত হইল ।

সেই চিত্তায় হুরাসদ দেশপ্ৰীতি ও প্রগাঢ় প্রেম মিলিত হইল ; কঠোর কর্তব্যনিষ্ঠা ও কান্ত কমনীয়তা একত্র মিশিল ; আদর্শ আত্মত্যাগের ও সোমাহীন সৌন্দর্য্যের শেষ মর্ত্যবাসগৃহ ভস্মে পরিণত হইয়া রাজপুত্রানার পুণ্য ভূমির পুত ধূলিতে পরিণত হইল । যাহারা জীবনে অসীম আগ্রহ সবেও পরস্পর মিলিত হইতে পারে নাই—মৃত্যু তাহাদিগকে মিলনে মিলিত করিল ।

আর সব গেল—রহিল কেবল আদর্শ ।

সম্পূর্ণ ।

পাষণের কথা।

(৮)

কণিষ্ক চলিয়া যাইবার পর কিছুকাল নানাदिदेश হইতে শরীরগর্ভস্থ পু-
দর্শন-মানসে বহু যাত্রী আশাদিগের নিকটে আসিত। শুনিয়াছি,
কণিষ্কের দ্বিতীয় পুত্র হবিষ্কের রাজত্বকালে সন্ধর্ম্মের বিশেষ উন্নতি সাধিত
হইয়াছিল; ব্রাহ্মণ্যধর্ম্মের অধিকার আর্ঘ্যাবর্তে প্রায় লুপ্ত হইয়াছিল। এই
সময়ে স্তূপবেষ্টণীর চতুর্পার্শ্বে বিস্তৃতশালী তীর্থযাত্রীগণ কর্তৃক অনেকগুলি ক্ষুদ্র
ক্ষুদ্র মন্দির নির্মিত হইয়াছিল। তোমরা প্রাচীনস্তূপের বহির্দেশে এখনও
যে সমস্ত মূর্তির ভগ্নাংশ দেখিতে পাও, তাহা এই ক্ষুদ্র মন্দিরগুলিতে প্রতিষ্ঠিত
হইয়াছিল। হবিষ্কের মৃত্যুর পর পুনরায় সন্ধর্ম্মের অবনতি আরম্ভ হইল;
কারণ, নূতন সম্রাট বাসুদেব ব্রাহ্মণ্য ধর্ম্মের পক্ষপাতী ছিলেন। তাঁহার
রাজ্যাভিষেকের অব্যবহিত পরেই আর্ঘ্যাবর্তে সমুদায় বিহারে ও সজ্জারামে
বিলাপধ্বনি শ্রুত হইল; কোনও স্থানে বৃষ্টির অভাবে, কোনও স্থানে বা
রাজশক্তির সাহায্যের অভাবে ও ব্রাহ্মণগণের প্রতিকূলাচরণে সজ্জারামগুলি
ভিক্ষুশূন্য হইয়া উঠিল। বাসুদেবের অব্যবহিত পরে যে সকল কুষণবংশীয়
রাজা সিংহাসনারোহণ করিয়াছিলেন তাঁহারা নামমাত্র সম্রাট ছিলেন।
তাঁহাদের অধিকার পঞ্চনদ ব্যতীত অপর কোনও দেশে বিস্তৃত হয় নাই।
ক্রমে বিশাল কুষণ সাম্রাজ্য ক্ষুদ্র ক্ষুদ্র খণ্ডরাজ্যে বিভক্ত হইয়া গেল। প্রকৃত
কুষণবংশীয়দিগের হস্তে পঞ্চনদ ব্যতীত অপর কোনও দেশের অধিকার
রহিল না। ধীরে ধীরে ব্রাহ্মণ্য ধর্ম্ম শক্তি সঞ্চয় করিতেছিল; এবং পৃষ্ঠ-
পোষণের অভাবে সন্ধর্ম্মের তদনুরূপ ক্ষতি হইতেছিল। ক্রমে স্তূপের
সন্নিহিত ক্ষুদ্র সজ্জারামে স্থবিরগণের দেহাবসানের পর নূতন ভিক্ষুর অভাব
ঘটিতে লাগিল ও ধীরে ধীরে সজ্জারামবাসীদিগের সংখ্যার হ্রাস হইতে
লাগিল। যে কয়েকজন অবশিষ্ট ছিলেন তাঁহাদেরই মুখে শুনিলাম যে,
পাটলীপুত্রে নূতন সম্রাজ্যের বীজ উৎপন্ন হইয়াছে, কিন্তু দুঃখের বিষয় নূতন
রাজবংশ স্পষ্টভাবে সন্ধর্ম্মের বিরোধী না হইলেও তৎপ্রতি বিশেষ অসুরাগী
নহেন।

প্রথম চন্দ্রগুপ্তের সহিত লিচ্ছবিকণ্ডা কুমারদেবীর পরিণয় সম্পন্ন হইবার পর হইতেই নূতন রাজ্যের আকার বৃদ্ধি পাইতে লাগিল ; একে একে ক্ষুদ্র শকরাজ্যগুলি নবপ্রতিষ্ঠিত রাজ্যভুক্ত হইয়া গেল, পশ্চিম সাগরতীরে সৌরাষ্ট্র মাত্র আর্য্যাবর্তে সন্ধর্ম্মের একমাত্র আশ্রয়স্থল হইয়া রহিল। ক্রমে তীর্থযাত্রীগণেরও সংখ্যার অত্যন্ত হ্রাস হইল। পাটালীপুত্রে লিচ্ছবি-দৌহিত্র সমুদ্র গুপ্ত যখন আসমুদ্র ক্ষিতিকয়ের পর অশ্বমেধ যজ্ঞের অনুষ্ঠান করিতেছিলেন, তখন আর্য্যাবর্তে সন্ধর্ম্মের অবস্থা অত্যন্ত শোচনীয় ; যে কয়েকজন ভিক্ষু ভিক্ষোপজীবিকা অবলম্বন করিয়া বনমধ্যস্থ সজ্বারামে বাস করিতেছিলেন তাঁহাদিগের এক মৃষ্টি অন্নের সংস্থানও অসম্ভব-প্রায় হইয়া উঠিল। সমুদ্র গুপ্তের পর চন্দ্রগুপ্ত সিংহাসনে আরোহণ করিয়াই আনর্ডে ও সৌরাষ্ট্রে শকাধিকার লোপ করিলেন, ভারতে শকাধিকারের শেষ চিহ্ন পর্য্যন্ত বিলুপ্ত হইল, কামরূপ হইতে সিদ্ধুতীর পর্য্যন্ত সমগ্র আর্য্যাবর্ত তাঁহার পদানত হইল ও দক্ষিণে নীল গিরি পর্য্যন্ত দক্ষিণাপথবাসী রাজগণ তাঁহার চক্রবর্ত্তিত্ব স্বীকার করিলেন। মোর্য্য সাম্রাজ্যের ধ্বংসের পর উত্তরাপথে এরূপ বিশাল সাম্রাজ্য আর দেখা যায় নাই। কিন্তু গুপ্ত সম্রাটগণের অধীনে তথাগতের ধর্ম্ম দিন দিন ক্ষীণতর হইতেছিল।

বহুকাল ধাবৎ ভারতবর্ষে বিজাতীয় শত্রু প্রবেশ লাভ করে নাই। স্পৃদুর অতীতে শকজাতির আক্রমণ সকলে বিস্মৃত হইয়া গিয়াছিল। শক-গণও আর্য্যাবর্তের আচার ব্যবহার, ধর্ম্ম ও ভাষা অবলম্বন করিয়া, আর্য্য জাতির সহিত মিশ্রিত হইয়া গিয়াছিল। কেহই ভাবে নাই যে, প্রবল পরাক্রান্ত গুপ্ত সম্রাটগণের শাসনাধীন আর্য্যাবর্ত কোনও বিদেশীয় জাতি কর্তৃক আক্রান্ত হইবে। মরুপ্রান্তে তুবারময় উত্তরে বর্কর জাতির অশ্বপদ-শক শ্রুত হইল। সহস্র সহস্র—লক্ষ লক্ষ হুণ অশ্বারোহী মরুভূমি হইতে বহির্গত হইয়া বাহ্লীক ও কপিশা আক্রমণ করিল, ধূলিমুষ্টির ঞ্চার সেই প্রবল ঝটিকার সম্মুখে গান্ধারের কুশাণ রাজ্য উড়িয়া গেল, গান্ধারের ও উত্তানে শকজাতীয় সামন্ত রাজগণ হুণ আক্রমণ প্রতিরোধের চেষ্টাও করিল না। এই সময়ে পাটালীপুত্রে চন্দ্রগুপ্তের দেহাবসান হইল। প্রৌঢ় কুমার গুপ্তের উপরে এই বিশাল সাম্রাজ্যের শাসনভার অর্পিত হইল। যগধে যখন কুমার গুপ্তের অভিষেক-ক্রিয়া সম্পন্ন হইতেছে, তখন হুণগণ ধীরে ধীরে পঞ্চনদ, কাশ্মীর, দরদ ও খসদেশ শম্মানে পরিণত করিতেছে। হুণগণের

নাম তোমরা অতি অল্পদিন শুনিয়াছ, কিন্তু কুমার গুপ্তের রাজত্বকালে হুণ-
গণের নাম করিলে ভীতি-বিক্রবা গর্ভিণীর গর্ভপাত হইত, স্বন্দ গুপ্তের শাসন-
কালে তাহাদিগের নাম শুনিলে দেশবিখ্যাত বীরগণ প্রহরণ পরিত্যাগ পূর্বক
পলায়নপর হইতেন। ধর্ম্মাকার, স্থলদেহ, গুম্ফশ্রবিহীন, পেচকের ঞায়
চক্ষুবিশিষ্ট, পশুচর্ম্মাচ্ছাদিত হুণগণকে দেখিলে মনে অত্যন্ত ভয় হইত। সে
সময়ে হুণগণের নাম শুনিয়া প্রাচ্য ও প্রতীচ্য উভয় জগতের সকল জাতিকেই
শঙ্কিত হইতে হইয়াছিল। শুনিয়াছি, হুণদর্শনে প্রাচীন রোমক সাম্রাজ্যের
জনৈক বিখ্যাত ধর্ম্মযাজক বলিয়াছিলেন যে, তাহারা তাতারবাসী নহে—
নরকবাসী।

হুণগণ যখন গুপ্তসাম্রাজ্যের পশ্চিমপ্রান্ত আক্রমণ করিল, তখন কুমার গুপ্ত
পাটলীপুত্রের প্রাসাদে সুষুপ্তিমগ্ন; কুমার স্বন্দ গুপ্ত মথুরার শাসনকর্তা। স্বন্দ গুপ্ত
সিদ্ধুতীরে যথাসাধ্য হুণগণের গতিরোধ করিবার চেষ্টা করিয়াছিলেন;
চন্দ্র গুপ্তের সুশিক্ষিত সৈন্যবৃন্দও যথাসাধ্য চেষ্টা করিয়াছিল। ইরাবতী,
বিতস্তা ও শতদ্রুতীরে উত্তরাপথবাসী সহস্র সহস্র সৈনিক স্বদেশরক্ষার্থ জীবন
উৎসর্গ করিয়াছিল, কিন্তু বাত্যাভাদিত সাগরোন্মিরামির ঞায় হুণ অঝারোহি-
গণ স্বন্দ গুপ্তের সৈন্যবল ভাসাইয়া লইয়া গেল। শতদ্রুপারে আসিয়া কুমার
বিশ্রাম করিবার অবকাশ পাইলেন। বিতস্তাতীর হইতে যে দূত সাহায্য-
প্রার্থনার জন্য মগধে গিয়াছিল, সে ফিরিয়া আসিয়া শতদ্রুতীরের স্বন্ধাবারে
যুবরাজকে বিষম সংবাদ জ্ঞাপন করিল,—বৃদ্ধ কুমার গুপ্ত তরুণীর রূপজ মোহে
আবদ্ধ হইয়াছেন, পঞ্চাশবর্ষীয় বৃদ্ধ চতুর্দশবর্ষীয়া বালিকার পাণিগ্রহণ
করিয়া উন্নত হইয়াছেন এবং স্বন্দ গুপ্তের মাতা ক্রোধে ও ক্ষোভে উদ্বন্ধনে
প্রাণত্যাগ করিয়াছেন। দারুণ সংবাদ শুনিয়া স্বন্দগুপ্ত স্তম্ভিত হইলেন,
অসম দ্বন্দ্বের তাঁহার বিলক্ষণ বলক্ষয় হইয়াছিল, তিনি মগধ হইতে বহু সৈন্যের
আশা করিয়াছিলেন; কিন্তু দূত আসিয়া সংবাদ দিল যে, সম্রাট তখন নূতন
মহিষীর আবাসে; মাসাধিক কাল কেহ তাঁহার দর্শন পায় নাই। হতাশ
হইয়া স্বন্দ গুপ্ত মথুরায় প্রত্যাভর্তন করিলেন ও তথায় তদীয় খুল্লতাত মহারাজ-
পুত্র গোবিন্দ গুপ্তের প্রেরিত দূতমুখে সংবাদ পাইলেন যে, গোবিন্দ গুপ্ত স্বয়ং
বলসংগ্রহ করিতেছেন; তিনি সম্রাটের আদেশের জন্য অপেক্ষা করেন
নাই; কারণ, তখনও পর্য্যন্ত কেহই সম্রাটের সাক্ষাৎলাভে সমর্থ হয় নাই।
স্বপ্নের বিষয় শতদ্রুতীর হইতে হুণগণ উত্তরাভিমুখে ধাবিত হইয়াছিল,

সুতরাং স্কন্দ গুপ্ত মথুরায় আসিয়া নগর রক্ষা করিবার উপায় উদ্ভাবন করিতে লাগিলেন । গোবিন্দ গুপ্ত অল্পসংখ্যক সৈন্য লইয়া মথুরায় আসিয়া স্কন্দ গুপ্তের সহিত মিলিত হইলেন । খুল্লতাত ভ্রাতৃপুত্র একত্র হইয়া হুণগণের প্রতীক্ষা করিতে লাগিলেন ।

নব-পরিণীতা বালিকা মহিষীকে লইয়া কুমার গুপ্ত পাটলীপুত্র হইতে মহোদয়ে আসিলেন । পাটলীপুত্রের প্রাসাদবাসিগণের বাক্যযন্ত্রণা তাঁহার মহিবীর পক্ষে অসহ্য হইয়া উঠিয়াছিল ; গঙ্গাতীরবর্তী কাণ্ডকুজের প্রাচীন প্রাসাদে আসিয়া বর্ষীয়ান্ সম্রাট শাস্তি লাভ করিলেন । হুণগণ ধীরে ধীরে মথুরার দিকে অগ্রসর হইতে লাগিল । স্কন্দগুপ্ত ও গোবিন্দ গুপ্তকে সাহায্য করিবার জন্য আর কেহই চেষ্টা করিল না । শকপ্লাবনের ঞ্চায় হুণপ্লাবন আসিয়া প্রাচীন সৌরসেন রাজ্য ভাসাইয়া লইয়া গেল, নানাবিধ প্রাচীন কারুকার্য-শোভিত রক্তবর্ণপ্রস্তরনির্মিত মথুরার নগরপ্রাকার হুণগণের আক্রমণ রোধ করিতে সমর্থ হইল না । গোবিন্দ গুপ্ত ও স্কন্দ গুপ্ত সম্মুখে যমুনা পার হইয়া প্রাণরক্ষা করিলেন । ভিখারীর ঞ্চায় চীর পরিধান করিয়া কুমার ও মহারাজপুত্র মহোদয় নগরীর তোরণে উপস্থিত হইলেন । দৌবারিকগণ তাঁহাদিগকে দেখিয়া চিনিতে পারিল না বা সম্মুখ প্রদর্শন করিল না । তাঁহারা নগরপদে সুদীর্ঘ রাজবস্ত্রগুলি অতিক্রম করিয়া জাহ্নবীতীরে রাজপ্রাসাদে উপস্থিত হইলেন । সামান্য ভিক্ষুক জ্ঞানে প্রতীহারিগণ তাঁহাদিগকে দূর করিয়া দিতেছিল ; রোষে গোবিন্দ গুপ্ত অসি মুক্ত করিলেন । সমুদ্র গুপ্তের নামাঙ্কিত তরবারি দেখিবামাত্র প্রতীহারিগণ নতশির হইল, তাহারা সিপ্রা ও ভাগীরথীতীরে গোবিন্দ গুপ্তের ক্ষিপ্রহস্তে সেই অসিচালনা দেখিয়াছিল । কোষমুক্ত অসিহস্তে নিবারণোন্মুখ মহল্লিকাবর্গপরিবৃত হইয়া মেঘমুক্ত ভাস্করের ঞ্চায় উভয়ে সম্রাটের শয়নকক্ষে প্রবেশ করিলেন ; দেখিলেন, বর্ষীয়ান্ সম্রাট মহিবীর জন্য মাল্য রচনায় নিযুক্ত আছেন । পুত্রকে ও কনিষ্ঠ ভ্রাতাকে দেখিয়া বৃদ্ধ অতি লজ্জিত হইলেন । কিন্তু তাঁহাকে দেখিয়া গোবিন্দ গুপ্তের ধৈর্য্যচ্যুতি হইল । তিনি জ্যেষ্ঠকে সম্বোধন করিয়া পূর্বজীবনের কথা বলিতে লাগিলেন । উন্নতের জ্ঞানোদয় হইল না ; বৃদ্ধ সম্রাট অপরাধ স্বীকার করিয়া কুমার ও মহারাজপুত্রের হস্তে রাজ্যভার অর্পণ করিতে চাহিলেন, কিন্তু তরুণী মহিবীর ক্রোধী দেখিয়া তাহাও করিতে পারিলেন না । অনেক অনুরোধের পর স্কন্দ গুপ্ত ও গোবিন্দ গুপ্ত মহিষীসমভিবাহারে বৃদ্ধ সম্রাটকে মন্ত্রণাগৃহে আনয়ন করিতে

সমর্থ হইলেন। মহিবীর অনুজ্ঞাক্রমে রাজশালক হুণবুকে সেনাপতি নির্দিষ্ট হইলেন। ইহার অতি অল্পদিন পরেই নিশীথকালে অল্পসংখ্যক হুণ অশ্বারোহী নগর আক্রমণ করিল, হুণনাম শ্রবণমাত্র বৃদ্ধ সম্রাট মহিবী ও শিশুপুত্রকে লইয়া হস্তিপৃষ্ঠে নগর ত্যাগ করিলেন। মুষ্টিমেয় হুণ অশ্বারোহী রাত্রিকালে প্রাচীন মহোদয় নগরীকে শ্রীহীন করিয়া গেল, স্তম্ভিত নগর-বাসিগণ আত্মরক্ষা করিতেও সমর্থ হইল না।

শরৎকালে একদিন প্রত্যুষে সজ্জারামবাসী ভিক্ষুগণ পরিক্রমণের পথ মার্জনা করিতেছেন, এমন সময়ে কনিষ্ঠনির্মিত পাষণাচ্ছাদিত পথে বহুরথচক্রের নির্যোধ শ্রুত হইল। অর্ধলোলুপ ভিক্ষুগণ ভাবিলেন যে, নিশ্চয়ই কোন আঢ্য শ্রেষ্ঠী তীর্থযাত্রায় আসিতেছেন। কিন্তু সমাগত ব্যক্তিগণকে দেখিবামাত্র তাঁহাদিগের অর্ধলালসা দূর হইয়া গেল, তাঁহারা সন্মুখে দেখিলেন যে, অসংখ্য রাজপুরুষসমাবৃত হইয়া সিদ্ধদেশীয় অশ্বচতুষ্টয়-বাহিত রথে আৰ্য্যাবর্তের অধীশ্বর কুমার গুপ্ত মহিবী ও পুত্র সমভিব্যাহারে ধীরে ধীরে স্তূপাভিমুখে আসিতেছেন। সৈনিকগণ শীঘ্রই ভিক্ষুগণকে স্তূপসন্নিধান হইতে দূর করিয়া দিল, সম্রাট পাষণনির্মিত প্রাচীন সজ্জারামে আশ্রয় গ্রহণ করিলেন। চতুর্দিকে বহু বজ্রাবাস স্থাপিত হইল। তখন সাম্রাজ্যের অবস্থা পরিবর্তিত হইয়াছে, হুণগণ প্রায় সমগ্র আৰ্য্যাবর্ত অধিকার করিয়াছে। পূর্বে পাটলীপুত্রে গোবিন্দ গুপ্ত ও দক্ষিণে সৌরাষ্ট্রে স্বন্দ গুপ্ত বহু কষ্টে সাম্রাজ্যের মর্যাদা রক্ষা করিতেছিলেন। বৃদ্ধ রাজ মহিবীর অশুরোধে বুদ্ধবিগ্রহ হইতে দূরে থাকিবার জন্য বিক্র্যাটবীতে আশ্রয় গ্রহণ করিয়াছেন।

একদিন বনপথ অতিক্রম করিয়া অশ্বপৃষ্ঠে গোবিন্দ গুপ্ত ও স্বন্দ গুপ্ত আসিয়া উপস্থিত হইলেন। তাঁহারা আসিয়া দেখিলেন, বৃদ্ধ কঠিন পাষণের উপর উপবেশন করিয়া মহিবীর কেশদামের পরিচর্যা করিতেছেন ও স্তূপবেষ্টনীর মধ্যে দাঁড়াইয়া ত্রয়োদশবর্ষীয়া বালক পুর গুপ্ত প্রাচীন জাতকের চিত্রগুলির প্রতি শরসন্ধান করিতেছে। দক্ষিণ তোরণের নিম্নে দণ্ডায়মান হইয়া জ্যেষ্ঠকে সম্বোধন করিয়া গোবিন্দ গুপ্ত বলিতে লাগিলেন, “মহারাজ, মহাদেবী ক্রবস্বামিনী আপনাকে ভ্রমক্রমে পালন করিয়াছিলেন। যে স্তম্ভপানে আমার দেহ বর্জিত হইয়াছে, সেই স্তম্ভপানে আপনারও দেহ পুষ্ট হইয়াছে, সে কথা স্মরণ করিয়া আপনার কি লজ্জাবোধ হইতেছে না? যাহার বাহুবলে একদিন বাহুলীক হইতে বঙ্গ পর্যন্ত সমগ্র আৰ্য্যাবর্ত মহারাজাধিরাজ

চন্দ্র গুপ্তের পদানত হইয়াছিল, সেই ব্যক্তির বাহুবল অশ্ব রমণীর আর্দ্র কুন্তল শুষ্ক করিবার জন্য প্রযুক্ত হইতেছে, ইহাও আমাকে দেখিতে হইল ? ষাঁহার বাহুবলে শকগণ সৌরাষ্ট্র পরিত্যাগ করিয়া চিরকালের জন্য মরুমধ্যে আশ্রয় গ্রহণ করিয়াছে, সে ব্যক্তিকে ভগবান্ কি পাপের জন্য বৃদ্ধবয়সে রমণীর পরিচর্য্যায় নিযুক্ত করিয়াছেন ? উঠ, মহারাজ, ভূমিশয্যা পরিত্যাগ কর ; চল, উভয় ভ্রাতার পিতামহপ্রদত্ত দিগ্বিজয়ী তরবারি গ্রহণ করিয়া বিজাতীয় হুণগণকে সিদ্ধুর পরপারে রাখিয়া আসি । মহারাজ, পাটলীপুত্র, মহোদয়, মথুরা, অবন্তী ও জলন্ধর পরিত্যাগ করিয়া কেন বিদ্য পর্কতে আশ্রয় গ্রহণ করিয়াছ ? শৈশবের আবাসভূমি পাটলীপুত্র, পবিত্র কাণ্ডকুজ, মথুরা ও অবন্তী ও সুন্দর জলন্ধর পরিত্যাগ করিয়া আসিতে তুমি কি কষ্ট বোধ কর নাই ? উঠ, প্রহরণ গ্রহণ কর, তরুণীর রূপে মুগ্ধ হইয়া জড়ের গায় বহুকাল বাস করিয়াছ ; তোমার জড়তা দূর করিবার সময় আসিয়াছে ।” নির্ঝাক্ নিম্পন্দ হইয়া বর্ষায়ান সম্রাট মহিষীর কৃষ্ণবর্ণ কেশগুচ্ছের প্রান্তে উপবিষ্ট রহিলেন । মহিষী মহারাজপুত্রের প্রতি বক্রদৃষ্টি নিক্ষেপ করিয়া হাস্য করিয়া উঠিলেন ; রোষে গোবিন্দ গুপ্তের মুখমণ্ডল রক্তবর্ণ হইয়া উঠিল ও স্কন্দ গুপ্তের চক্ষুঘর্ষ অশ্রুভারাক্রান্ত হইল । উভয়ে ধীরে ধীরে স্তূপবেষ্টনীর বহির্দেশে গমন করিলেন ।

বেষ্টনীর বহির্দেশে খেতবন্দ-পরিহিত কয়েকজন বৃদ্ধ দণ্ডায়মান ছিলেন । গোবিন্দ গুপ্ত ও স্কন্দ গুপ্তকে বহির্গত হইতে দেখিয়া তাঁহাদিগের মধ্য হইতে একজন অগ্রসর হইলেন, তিনি বিশাল গুপ্ত-সাম্রাজ্যের একমাত্র মন্ত্রী যুবরাজ ভট্টারকপাদীয়কুমারামাত্যাধিরণ দামোদর শর্মা । তাঁহাদের শুষ্ক মুখ ও রক্তবর্ণ চক্ষু দেখিয়াই বহুদর্শী মন্ত্রী তাঁহাদিগের সাধনার ফল অবগত হইলেন । খুল্ল-তাতে বা ভ্রাতৃপুত্রের বাক্য নিঃসৃত হইবার পূর্বেই তিনি তাঁহাদিগকে আশ্বাস দিতে আরম্ভ করিলেন । তিনি বলিলেন যে, অধঃপতনের সময় হইলেই এইরূপ ঘটনা ঘটয়া থাকে, ইহা নিবারণ করা মনুষ্যের সাধ্যায়ত্ত নহে ; তবে তিনি স্বয়ং রাজসদনে উপস্থিত হইয়া রাজবংশীয় কোন ব্যক্তির যুদ্ধক্ষেত্রে উপস্থিতির প্রয়োজনীয়তা জ্ঞাপন করিবেন । প্রধান সেনাপতি মহাবলাধিকৃত অগ্নি গুপ্ত ও প্রধান বিচারপতি মহাদণ্ডনায়ক রাম গুপ্ত মন্ত্রীর বাক্য সমর্থন করিলেন । পরক্ষণেই পলিতকেশ সচিব তোরণমধ্যে প্রবেশ করিলেন । কুমার গুপ্ত তখনও সেই ভাবে বসিয়া আছেন, মহিষী নিদ্রিতা ; বালক

পুর গুপ্ত আলম্বনের উপরে আরোহণের চেষ্টা করিতেছে। বৃদ্ধ সচিব ও বৃদ্ধ সত্রাটে প্রায় একদণ্ডের অধিক কাল কথোপকথন হইল। বহু বাক্যব্যয় করিয়া রাজনীতিকুশল দামোদর শর্মা বৃদ্ধ সত্রাটকে কুমার স্বন্দগুপ্তের প্রতিনিধিহে সম্মত করাইলেন, কিন্তু সপত্নীপুত্রের নাম শ্রবণমাত্র মহিষীর নিদ্রাভঙ্গ হইল। বর্ষীয়ান্ সত্রাট সভয়ে বলিয়া উঠিলেন যে, গুরুতর রাজকার্য্যে মহাদেবীর পরামর্শ আবশ্যিক। বৃদ্ধ ব্রাহ্মণ রোষে কম্পিত হইয়া উঠিলেন। মহাদেবীর আদেশ হইল, ত্রয়োদশবর্ষীয় কুমার পুর গুপ্ত হুণযুদ্ধে সত্রাট কুমার গুপ্তের প্রতিনিধিস্বরূপ মহাবলাধিকৃতের সঙ্গী হইবে। দামোদর শর্মা অপেক্ষাকৃত গুরুতর বিপৎপাতের আশঙ্কা করিয়া বেঠনী হইতে বহির্গত হইলেন। শুদ্ধকণ্ঠে যুবরাজপাদ দামোদর শর্মা যখন সর্বসমক্ষে মহাদেবীর আদেশ প্রচার করিলেন, তখন সকলেই বুকিতে পারিলেন যে, সমুদ্র গুপ্তের রাজত্বের শেষ দশা আগতপ্রায়। বিষম্বদনে সকলে স্তূপসন্নিধান হইতে প্রত্যাবর্তন করিলেন, ও এক প্রহর সময়ের মধ্যেই গোবিন্দ গুপ্ত অস্বারোহণে পাটলীপুত্রাভিমুখে প্রস্থান করিলেন। প্রভাতে সকলে সবিস্ময়ে শুনিল যে, রাত্রিকালে স্বন্দ গুপ্ত অজ্ঞাতসারে স্বন্ধাবার পরিত্যাগ করিয়াছেন। তখন হইতেই বিচক্ষণ সেনানীগণের মুখ ভাবী বিপৎপাতের আশঙ্কায় গভীর হইয়া উঠিল।

শ্রীরাখালদাস বন্দোপাধ্যায়।

য়ুরোপ-ভ্রমণ ।

প্যারিস ।

(২)

এপর্য্যন্ত প্যারিসের দ্রষ্টব্য বিষয়গুলির কথা কিছু বলি নাই । বোধ হয়, পাঠকের ধৈর্য্যচ্যুতি হইতেছে । এইবার প্রধান প্রধান দ্রষ্টব্য বিষয়-গুলির কথা কিছু বলিব । প্যারিসে দেখিবার জিনিষ বাস্তবিকই সংখ্যাভীত, সকলের বিশদ বর্ণনা করিতে হইলে মহাভারতের গায় একখানি পুস্তকের অবতারণা করিতে হয় ; আবার কোন্টা, ছাড়িয়া কোন্টার বিষয় লিখিব, ভাবিয়া পাওয়া কঠিন । ভারতবাসীর নিকট সবই অপূর্ব, সবই সুন্দর লাগিয়াছিল । তবে এই পত্রিকার কলেবর স্বরণ করিয়া এবং সম্পাদক মহাশয়ের উপর যাহাতে অত্যাচার না হয় সেজন্য আমি এই কয়টি মাত্র বিষয়ের সামান্য বিবরণ দিব :—

(১) লুভর প্রাসাদ, (২) ভাসেল প্রাসাদ (৩) ইফেল টাওয়ার, (৪) বোয়া ডি বুল, (৫) পালে ডু জুষ্টিস, এবং (৬) নেপোলিয়ন বোনা-পার্টের সমাধি-মন্দির ।

(১) লুভর প্রাসাদ পৃথিবীতে অতুলনীয় । দেড় শত বিঘা জমির উপর এক প্রকাণ্ড রাজবাটী, ঘরের সংখ্যা প্রায় ১২০০, শুধু ঘরগুলি অতিক্রম করিতে দুই ঘণ্টা সময় লাগে ; এই প্রকাণ্ড বাড়ীতে আছে কেবল পুস্তক, চিত্র ও মন্দির-পুস্তালিকা । সহজেই অনুমিত হইবে যে, এত বড় পুস্তকাগার বা চিত্রশালা বা ভাস্করকীর্তিগৃহ পৃথিবীতে আর কোথাও থাকি সহজ নহে । কেবল পুস্তকাগার হিসাবে বোধ হয়, লন্ডনের British Museum লুভর অপেক্ষা বৃহৎ কিন্তু এত ছবি ও এত মন্দির-মূর্তি বাস্তবিকই আর কোথাও নাই । যুরোপ জয় করিয়া নেপোলিয়ন যে স্থানে যে উৎকৃষ্ট চিত্র বা উৎকৃষ্ট মন্দির-মূর্তি পাইয়াছিলেন, সবই এই স্থানে আনিয়া রাখিয়াছিলেন । তাঁহার রাজ্যাবসানের পর সামান্য কিছু কিছু পূর্বাধিকারীদিগকে প্রত্যর্পণ করা হইয়াছিল বটে, কিন্তু অধিকাংশই প্যারিসে রহিয়া গিয়াছে এবং প্রায় সমস্তই এই লুভর প্রাসাদে সংরক্ষিত । যুরোপের যত বিখ্যাত চিত্রকরের বা মন্দির-শিল্পীর নাম শুনা যায়, সকলেরই কীর্তি এক লুভরে আসিলেই দেখা যায় ।

এই প্রাসাদে চিত্রের সংখ্যা প্রায় চারি সহস্র। ইহার মধ্যে এমন অনেক ছবি আছে, যাহার প্রত্যেকটির মূল্য এক কোটি টাকার অপেক্ষাও অধিক। রাফেল, টিসিয়ান, পেরুজিনো, বেলিনি, লেনার্ডো ডা ভিঞ্চি, কোরেজিও, মুরিলো, শেলাঙ্কে, ভ্যান ডাইক, কুবেন্দ, টেনিয়ার, রেস্ত্রাট, হোল-বাইন, প্রভৃতি ইটালীয়, স্পেন দেশীয়, ফ্লেমিস, ওলন্দাজ, জার্মান প্রভৃতি ভিন্ন ভিন্ন দেশের প্রধান প্রধান চিত্রকরের শত শত অতুল্য কীর্তি নুভর প্রাসাদের শোভা বর্ধন করিতেছে। এক এক খানি চিত্রের দিকে চাহিলে বাস্তবিকই চক্ষু জুড়ায়। চারি পাঁচ শত বৎসর পূর্বে চিত্র অঙ্কিত,— দেখিলে মনে হয়, চিত্রকর যেন এই মাত্র তুলিকাহস্তে উঠিয়া গিয়াছেন; ছবির বর্ণ এমনই সুন্দর ও এতই তাজা!

মর্ম্মর-মূর্ত্তি যতগুলি আছে, তাহার মধ্যে Venus de Milo এবং হোমার সর্ব্বাপেক্ষা প্রসিদ্ধ। প্রথমটির বিষয় অনেকেই শুনিয়া থাকিবেন। উহা খৃষ্টপূর্ব্ব দ্বিতীয় শতাব্দীতে কোনও অজ্ঞাতনামা গ্রীক শিল্পীর গঠিত। মূর্ত্তিটি ১৮২০ খৃষ্টাব্দে মাইলো নামক ক্ষুদ্র দ্বীপে ভগ্ন অবস্থায় পাওয়া যায়। যদিও ইহার হস্ত দুইটি নাই, তথাপি এই সুন্দরীর মুখের ভাব ও অনঙ্গসৌষ্ঠব জগতে অতুলনীয়। হস্ত দুইটি কি অবস্থায় ছিল, সে সম্বন্ধে বহু শিল্পী অজ্ঞত ভঙ্গনা প্রচার করিয়াছেন; কিন্তু তাহার আলোচনা নিস্প্রয়োজন।

(২) যুরোপে যতগুলি রাজ্যবাস দেখিয়াছিলাম, তাহার মধ্যে ভাসেল (বা ফরাসি ভাষায় ভেয়ারসাই) প্রাসাদ গান্ডীর্ঘ্যে ও সম্পদে সর্ব্বশ্রেষ্ঠ বলিয়া বোধ হয়। প্রকাণ্ড গৃহ;—অতি সুন্দর সুন্দর বহুমূল্য আসবাবে পরিপূর্ণ, দেখিলে বাস্তবিকই ফ্রান্সের রাজাদিগের ঐশ্বর্য্যের একটু আভাস মনে আসে। তাঁহারা বে কিরূপ বিলাসী ছিলেন, তাহা এই স্থানে আসিলে বুঝা যায়। আগ্রায় ও দিল্লীতে প্রাসাদগুলি খুব বৃহৎ বটে, কিন্তু বাসভবনের কক্ষগুলি ক্ষুদ্র ক্ষুদ্র! আর এই প্রাসাদে প্রত্যেক কক্ষ অতি প্রকাণ্ড। এ প্রাসাদেও অনেক চিত্র ও মর্ম্মর মূর্ত্তি আছে। অধিকাংশই ফ্রান্সের ইতিহাস কীর্ত্তন করিতেছে; ফ্রান্সের ইতিহাসের প্রধান প্রধান ব্যক্তির ও প্রধান প্রধান ঘটনার প্রতিকৃতি। গৃহসংলগ্ন বাগানটি এক আশ্চর্য্য ব্যাপার। বাগানের দিকে রাজবাড়ীর দেওয়াল ১২৭০ হাত লম্বা, তাহাতে প্রায় চারিশত জানালা দেখা যায়। তাহার পরে ত্রিভুজ উদ্যান। মধ্যে মধ্যে প্রকাণ্ড প্রকাণ্ড ফোয়ারা, (দুই একটির

কম ৭৫ ফুট উর্ধ্বে উঠে) এবং অসংখ্য প্রস্তর-মূর্তি। সর্বনিম্ন তলে এক প্রকাণ্ড ঝিল, অর্ধ মাইল অপেক্ষা অধিক দীর্ঘ এবং ২৫০ গজ বিস্তৃত। তাহার পরে আবার বাগান। ঝিলের দুই ধারে বড় বড় ও ছোট ছোট অনেক ফুলের গাছ। গাছগুলি মাথায় সরু ও ক্রমে মোটা ভাবে ছাঁটা। চারি দিকে অসংখ্য ফুলের গাছ অতি সুশোভনভাবে সজ্জিত। দেখিতে যে কি সুন্দর, তাহা বর্ণনা করা হুঃসাধ্য। ছবি আঁকিয়াও সে সৌন্দর্যের একাংশ দেখান কঠিন। প্রাসাদের চারি পার্শ্বে পাতর দিয়া বাধান উঠান; এবং উঠানে অনেক প্রস্তরমূর্তি। বাস্তবিক এই ভেনারসাই প্রাসাদ ঐশ্বর্যের, বিলাসের ও সুরুচির লীলাভূমি।

বাগানের মধ্য দিয়া ট্রিয়ানন নামক দুইটি উপবনবাটিকায় যাওয়া যায়। সে দুইটি অতি মনোহর। রাজা চতুর্দশ এবং পঞ্চদশ মুই তাঁহাদের দুইজন প্রিয়পাত্রের (Favourite) জন্ত এই বাটী দুইটি নির্মাণ করান। ছোট বাড়ী—বিচিত্র কারুকার্যময়। গৃহসংলগ্ন বাগানগুলিও অতি পরিপাটী।

(৩) জেফেল টাওয়ারের প্রতিমূর্তি বা প্রতিকৃতি অনেকেই দেখিয়া থাকিবেন। চারি কোনে চারিটি পায়ার উপর এক বিরাট স্তম্ভ বিরাজমান। সমস্তটাই ইম্পাতে গঠিত; কেবল পায়ারগুলির নিম্নের ভিত্তি চূণসুরকীতে প্রস্তুত। স্তম্ভটির আয়তন এই পায়ারগুলির মধ্যবর্তী স্থানের পরিমাণ হইতেও বৃদ্ধিতে পারা যাইবে। সেই চতুষ্কোণ ভূমিখণ্ডের প্রত্যেক পার্শ্ব তিন শত হস্ত দীর্ঘ। স্তম্ভটি ২৮৪ ফুট উচ্চ (কলিকাতার অষ্টারলোনি মজুরমেণ্টের সাত গুণ)। এই স্তম্ভটি চারিতল। প্রত্যেক তলে খাবার ও বিচিত্র দ্রব্যের (Curios) দোকান, ডাকঘর প্রভৃতি আছে। প্রথম তল ভূমি হইতে ১২০ ফুট উচ্চে, তাহার পর আর ১২০ ফুট উপরে দ্বিতীয় তল; ২০৫ ফুট উচ্চে তৃতীয় তল। এই তলে একটি চতুষ্কোণ বারাণ্ডা আছে, তাহার চারিদিকে কাচ দেওয়া। এই বারাণ্ডায় ৮০০ শত লোক দাঁড়াইবার স্থান হয়। ইহার উপর আর এক তল। তথায়ও একটি গোল বারাণ্ডা আছে তদূর্ধ্বে প্রকাণ্ড বৈদ্যুতিক আলোক; রাত্ৰিকালে ৪৫ মাইল দূর হইতে দেখা যায়। এই টাওয়ারে উঠিবার সোপান ত আছেই, অধিকন্তু এক প্রকার রেলও আছে। একটা দোতলা বাস চাকার বসান এবং তলা দিয়া প্রকাণ্ড লোহার শিকল লাগান। কলে এই শিকল টানা হয় এবং আরোহিসহ বাস চাকার উপর গড় গড় করিয়া উর্ধ্বে উঠে। আমি এই রেলের উঠিয়াছিলাম।

দোতলা পর্যন্ত সিঁড়ির সংখ্যা ৭০০। আমার সঙ্গী দুইজন এই সিঁড়ি দিয়া নামিয়াছিলেন। টাওয়ারের উপর হইতে চতুর্দিকের শোভা অতি অপূর্ব। প্রায় ৫০ মাইলের অধিক দেখা যায়। এই ডাকঘরে প্রিয়জনকে চিঠি লিখিলে স্বচ্ছন্দে বলা যায় যে, স্বর্গের অর্ধপথ হইতে চিঠি লিখিলাম। বোধ হয়, রাজা হরিশ্চন্দ্র ইহার নিয়ে বাস করেন। উপরের দোকানে টাওয়ারের মূর্তি-সম্বলিত পোষ্টকার্ড, দেশলাই, ষড়ি, লকেট, ঘণ্টা, নস্ত্রদানি প্রভৃতি অনেক জিনিষ পাওয়া যায়। আহার ও পানীয়ের ত কথাই নাই। দোতলায় একটি থিয়েটারও আছে।

(৪) বোয়ু ডি বুলঁকে বন বলিব কি বাগান বলিব, জানি না। ৭০০০ হাজার বিঘা পরিমিত একটি পার্ক। গাছ অবশ্য পূর্ব হইতেই ছিল, প্যারিস ম্যুনিসিপালিটি ৩৩ লক্ষ মুদ্রা ব্যয় করিয়া ইহাকে নাগরিকদিগের সাক্ষ্য বায়ু সেবনের স্থানে পরিণত করিয়াছেন। নগর-সংলগ্ন এত বড় কানন পরিষ্কৃত অবস্থায় রাখা আর কোনও দেশে সম্ভব কি না বলিতে পারি না। অপরাহ্নে প্যারিসের আবালবৃদ্ধবনিতা সকলেই এইস্থানে বেড়াইতে আইসেন। ইহার ভিতর ২৫ টি হ্রদ, ২১২টি রেস্টুরাঁ ও ঘোড়দৌড়ের মাঠও আছে। এই স্থানে বেড়াইতে গিয়া সাড়ী-পরিহিতা দুইজন পার্শ্ব রমণীকে দেখিয়া-ছিলাম।

(৫) পালে ডু জুষ্টিস্ অথবা হাইকোর্ট প্রসিদ্ধ নোটারডাম নামক গির্জার সন্নিকটে ও সেন নদীর মধ্যে এক দ্বীপে নির্মিত। অস্ত্রান্ত প্রাসাদের ঞায় ইহাও অতি বিশাল। ব্যারিষ্টারবর্গ যে হলে মক্কেলের সহিত কথাবার্তা বলেন, তাহাই প্রায় ২৫০ শত ফুট লম্বা। এই বাটীতে প্যারিসের নিম্নতর বিচারালয় ব্যতীত উচ্চতম আদালত কুর ডে ক্যাসাসিয়ঁ (Cour de Cassation) অবস্থিত। তাহার প্রধান বিচারপতিকে দেখিতে ঠিক বোম্বাই হাইকোর্টের পার্শ্ব ভ্রম ডাভারের ঞায়। এই আদালতে দেখিলাম, সাক্ষীর কাটরা ঘরের মধ্যস্থলে অবস্থিত। সাক্ষী প্রথম আসিয়া দক্ষিণ বাহু উত্তোলন করিয়া হলপ পাঠ করেন, তাহার পর হাত নামাইয়া সাক্ষ্য দেন। অস্ত্রান্ত কামরা যদিও খুব বড় কিন্তু এজলাসগুলি আমাদের কলিকাতা হাইকোর্টের প্রধান বিচারপতির এজলাস অপেক্ষা ক্ষুদ্রাতন বোধ হইল।

(৬) নেপোলিয়ঁর সমাধি। অঁতালিদে (Invalides) প্রাসাদ

সংলগ্ন বৃহৎ গম্বুজের নিরে বিশ্ববিজয়ী মহাপরাক্রমশালী নেপোলিয়ন বোনা-পার্টের মর্ম্মর-রচিত সমাধি। এইস্থানে আসিলে বাস্তবিকই মনে এক অপূর্ণ ভাবের উদয় হয়। এই স্থানে দাঁড়াইয়া নগ্নমস্তকে ঐ বীরবরের সমাধির দিকে দৃষ্টি নিক্ষেপ করিলে মনুষ্য-জীবনের অসারতা সম্বন্ধে বিশেষ সন্দেহ থাকে না। কুড়ি ফিট নিরে, ছত্রিশ ফিট পরিধি-বিশিষ্ট এক গোলাকার স্থানে সম্রাটের purple মার্বেলের প্রকাণ্ড সমাধি। চতুর্দিকে তাঁহার বিজয়-পতাকা সকল উড্ডীয়মান। উপরে তাঁহার ভ্রাতার, পুত্রের এবং সেমানীগণের সমাধি এবং তাঁহার স্ত্রীর হৃৎপিণ্ড রক্ষিত। চারি দিকে বহুবর্গের মধ্যে এবং তাঁহার প্রধান প্রধান বৃদ্ধের বিজয়-কীর্তিস্তম্ভের মধ্যে মহাবীর মহানিজায় নিমগ্ন। কীর্তিস্তম্ভগুলি মর্ম্মর-নির্ম্মিত। গম্বুজের উপরিভাগ নীলকাচমণ্ডিত। সূর্যালোক স্নিগ্ধভাবে সমাধিতে পতিত হয়। ইহাতে স্থানটি আরও গান্ধীর্ঘ্য-গৌরবময় হইয়াছে। যঁাহার বীরত্বগৌরব যুরোপের ইতিহাস উজ্জ্বল করিয়াছে—এই তাঁহার শেষ ভূমিশয়ন—“গৌরবের পথ শুধু মৃত্যুর সোপান।”

পূর্বেই বলিয়াছি, প্যারিসে দ্রষ্টব্য জিনিস অসংখ্য। অধিক বর্ণনা করিতে চাহি না। তবে প্যারিসে একটি ব্যাপার দেখিয়াছিলাম, তাহা পৃথিবীতে আর কোথাও দেখা যায় কি না, জানি না। সেই সম্বন্ধে দুই একটি কথা বলিয়া প্যারিসের কথা শেষ করিব। বোধ হয় অনেকেই জানেন যে, প্যারিস্ আর্টিষ্টদিগের প্রিয় আবাসভূমি। আর্টিষ্ট বলিতে শুধু চিত্রকর বুঝায় না; চিত্র, গীত, বাণ, সাহিত্য, সর্ববিধ বিচার উপাসকদিগকেই Artist বলে। এই সব যঁাহারা চর্চা করেন বা শিখেন, তাঁহারা ই শিল্পশিক্ষার্থী। ইঁহাদের অধিকাংশই অতি দরিদ্র। স্ত্রী পুরুষ উভয়বিধ শিল্পশিক্ষার্থী প্রায় এক সঙ্গে বাস, আহার, বিজ্ঞাচর্চা প্রভৃতি করেন। Bohemian lifeএর কথা অনেকে শুনিয়া থাকিবেন। কাহারও কাহারও বিশ্বাস, এই Bohemian life অতি কদর্য্য ও পাপপঙ্কিল। কিন্তু সৌভাগ্যক্রমে আমি Bohemian lifeএর একাংশ বাহা দেখিয়াছিলাম, তাহা বাস্তবিকই বিশ্বয়কর এবং স্বর্গীয়। দুইজন দরিদ্র শিল্পী বন্ধুর সহিত এক রেস্টুরাঁয় আহার করিতে গিয়াছিলাম। দেখিলাম, ছয় সাত জন শিল্পী উপস্থিত, দুইজন স্ত্রীলোক—আর সব পুরুষ। একজন পুরুষের ভাব দেখিলাম, অর্ধক্ষিপ্তপ্রায় লোকটির বড় বড় দাড়িচুল, মলিন অর্ধছিন্ন পোষাক, কোর্টের অর্ধেক বোতাম নাই ও অঙ্গে রঙ মাখা; পকেটে

সিকি পরসাতও নাই । রেশুরার অধিকারী ও অধিকারিণী সকলকেই চিনেন, পরসাত কাহারও বিকট চাহেন না ; জানেন, যাহার যেদিন পরসাত হইবে, সে সে দিন সমস্ত দেনা শোধ করিবেই । ইহার মধ্যে একজন জীলোক গায়িকা ; তিনি একজন সংবাদপত্র লেখকের বাগদস্তা । তাঁহার নিকট সেদিন কিছু পরসাত ছিল । তিনি অধিকারিণীকে ডাকিয়া ঐ ক্ষিপ্তপ্রায় ভদ্রলোকের পরসাত দিলেন এবং উঠিয়া যাইবার সময় তাঁহাকে জড়াইয়া চুষন করিলেন ও সেই সময় দেখিলাম, হাতে কয়টি টাকা লইয়া ঐ ভদ্রলোকের অজ্ঞাতে ধীরে ধীরে তাঁহার পকেটে রাখিয়া দিয়া চলিয়া গেলেন ; যে যে দেখিতে পাইল, তাহাকে তাহাকে চোখ ত্রিপিয়া নিষেধ করিলেন, কেহ কিছু না বলে । এই অপার্বিব দৃশ্য দেখিয়া আমি বাস্তবিকই মুগ্ধ হইয়াছিলাম ।

পরদিন প্রাতে প্যারিস ত্যাগ করি ।

শ্রীনরেন্দ্র কুমার বসু ।

ভ্রান্ত ।

কহে মরীচিকা-ভ্রান্ত

শুষ্কতালু পাশ্বে শ্রান্ত—

“গেল প্রাণ, যাক্,—শুধু এই হৃৎথে মরি—

যে সৌন্দর্য্য হেরি, হায় !

উপনীত এ দশায়,

কোথায় স্বপন মম সেও গেল সরি !”

শ্রীযতীন্দ্রনাথ চট্টোপাধ্যায় ।

ভণ্ড ।

(১)

শিখাগতপ্রাণ ভবেন্দ্রনারায়ণের প্রাণে আজ সাত্বাত্তিক আঘাত লাগিয়াছিল। ভবেন্দ্রনারায়ণের একমাত্র পুত্র সুকুমার আজ কলেজ হইতে ফিরিবার সময় জননীর উৎসাহে এবং বন্ধুবান্ধবগণের প্ররোচনায় “হেয়ার-কাটারের” সাহায্যে তাহার আজন্মের সহচর পিতার লোচনানন্দ স্থল শিখাটিকে সম্পূর্ণ নির্মূল করিয়া আসিয়াছিল।

মাধ্যাহ্নিক নিদ্রাভঙ্গে মুখ প্রকালনের অবসরে ভবেন্দ্রনারায়ণ পুত্রকে চকিতের স্থায় তাঁহার সম্মুখে দিয়া চলিয়া যাইতে দেখিয়া আতঙ্কে শিহরিয়া উঠিলেন ; সহসা চক্ষুকে বিশ্বাস করিতে না পারিয়া উচ্চকণ্ঠে ডাকিলেন, “সুকুমার !” শাসন-ভয়-ভীত অপরাধীর স্থায় অতি সঙ্কচিত ভাবে সুকুমার সম্মুখে আসিয়া অবনত মস্তকে দাঁড়াইল।

বিস্ময়ে কিয়ৎকাল ভবেন্দ্রনারায়ণের মুখে বাক্যক্ষুর্ভি হইল না। কিন্তু প্রতিক্রিয়া যখন আরম্ভ হইল, তখন তাঁহার সুগোল লোচনদ্বয় রক্তিম হইয়া উঠিল—“নাসা হইতে প্রলয়-বায়ু” বহিতে লাগিল—স্থল, চিকণ, পুষ্পশোভিত দীর্ঘ শিখা সাজার-গাত্রস্থ কণ্টকের স্থায় মস্তকের উপর ‘লম্ব’ ভাবে উখিত হইল।

সুকুমার প্রমাদ গণিল। “হতভাগা” “পাজি” “শ্লেচ্ছ” “নাস্তিক”—ভবেন্দ্রনারায়ণ বজ্রনিম্নে গর্জিয়া উঠিলেন।

সুকুমার বাতাহত কদলীপত্রের স্থায় কাঁপিয়া উঠিল—সুশীলা স্বরচিত একটা নূতন ছবি দাদাকে দেখাইবার জন্ত আসিতেছিল, সে হহঙ্কার শুনিয়া বিপরীত দিকে ছুটিয়া পলাইল—বালক ভৃত্যের কম্পিত হস্ত হইতে তাম্রকুট-গাত্র সশব্দে পতিত হইয়া চতুর্দিক বহিময় করিয়া দিল।

তখন সুদক্ষ সেনানীর স্থায় গৃহিণী জগদম্বা ধীরপদক্ষেপে রণাঙ্গনে অবতীর্ণ হইয়া কহিলেন, “এত চেঁচামেচি কিসের জন্তে ?” তাঁহার হৃদয়-বিকম্পী মূর্ত্তি দেখিয়া ভবেন্দ্রনারায়ণ আপনার অজ্ঞাতসারে সহসা অর্ধপথে ক্ষান্ত হইলেন।

সুকুমার সুযোগ বুঝিয়া নিঃশব্দে দ্বার অতিক্রম করিল। ভবেন্দ্রনারায়ণ আতঙ্কে সাত্বাত্তিক ক্রুদ্ধ হইয়াছিলেন, সুতরাং গৃহিণীর মহিবমর্দিনী মূর্ত্তিও

তাঁহাকে সম্পূর্ণ স্বক করিতে পারিল না। তিনি অগ্নিগর্ভ ভূধরের স্তায় থাকিয়া থাকিয়া গর্জিতে লাগিলেন,—“তোমা হইতে এ সংসারের সর্বনাশ হইল; পিতৃপিতামহ ‘লুপ্তপিণ্ডোদক’ হইলেন—ধর্ম লাহিত হইলেন—হার হার! কি কুক্ষণেই তোমাকে ঘরে আনিয়াছিলাম! ছেলেটা উৎসন্ন গেল; ধর্ম যাহাছোর শেষ স্মৃতিচিহ্ন—ভগবানের পবিত্র মন্দির—শিখা-দেবও আমাদের পরিত্যাগ করিয়া গেলেন—হার হার! আমি আত্মহত্যা করিয়া এ জালা জুড়াইব।”

কিন্তু হতভাগ্য ভবেন্দ্রনারায়ণ অধিকক্ষণ ক্ষোভ প্রকাশের অবসর পাইলেন না। তাঁহার সেই ধিকার ও ক্ষোভের প্রতিধ্বনিক্রমে গৃহিনীহৃদয়োথিত ক্রোধ-হৃদয় যখন অশনি-নিনাদে গর্জিয়া উঠিল—তখন মুক্তকণ্ঠ ভবেন্দ্রনারায়ণকে ত্রস্তভাবে রণক্ষেত্র পরিত্যাগ করিতে হইল।

দৌহত্যমান-শিখা ভবেন্দ্রনারায়ণকে ব্যস্তসমস্তভাবে সভাগৃহে প্রবেশ করিতে দেখিয়া সভ্যবৃন্দশিরে সহসা টিকির তরঙ্গ খেলিয়া গেল। বলা বাহুল্য ভবেন্দ্র বাবুর সভাগৃহে কোন শিখাহীনের প্রবেশের অধিকার ছিল না। ভবেন্দ্রবাবুর ক্রোধোচ্ছ্বাস তখনও শমিত হয় নাই। ভবেন্দ্রবাবু সবেগে স্বস্থান অধিকার করিয়া প্রস্তাবনামাত্র না করিয়াই সোচ্ছ্বাসে বলিতে লাগিলেন, “তোমরা বোধ হয় শিখাকে সামান্ত একগুচ্ছ কেশমাত্র বিবেচনা করিয়া থাক। সনাতন ধর্মের প্রতি তুচ্ছ বিবরণ পর্য্যন্ত গভীর আধ্যাত্মিকমাহাত্ম্য-পূর্ণ। তোমরা কোন কথা শুলাইয়া বুঝিবার চেষ্টা কর না, তাই আজ আমাদের পরম পবিত্র আর্য্যধর্মের এই নিদারুণ অবনতি। এত দেশ থাকিতে সমস্ত শরীরের মধ্যে একগুচ্ছ কেশ এত পবিত্র হইল কেন? কখনও কি এ কথা ভাবিয়া দেখিয়াছ? কেহ ইহার প্রকৃত উত্তর দিতে পার? ” ভবেন্দ্রবাবু ভীকৃদৃষ্টিতে প্রত্যেকের মুখের দিকে চাহিলেন। সে প্রজ্জ্বলন্ত ধর্মতেজোদীপ্ত দৃষ্টি যাহার উপর পড়িল, তিনিই বদন অবনত করিয়া মস্তক কণ্ঠয়ন করিতে লাগিলেন।

ক্ষণকাল স্বক থাকিয়া দ্বিগুণ উৎসাহে ভবেন্দ্রবাবু বলিতে লাগিলেন, “এইজন্যই তোমাদের এই হৃদশা! হার হার! আমাদের পরম পূজ্যবীর ভবদর্শী প্রপিতামহগণ এইজন্যই কি প্রাণপাত করিয়াছিলেন?” এবং তাবোচ্ছ্বাসে ভবেন্দ্রবাবুর নয়নে জল আসিতেছিল। ভয়ে ও লজ্জার পারিবা-
হৃদয়ের চক্ষুও অক্ষপূর্ণ হইয়া আসিল। তখন ভবেন্দ্রনারায়ণ জলদপ্রতিধ্বরে

জলের মত বুঝাইয়া দিলেন, শিখা ধর্মের দৃঢ় স্তম্ভ এবং তাহাকে আশ্রয় করিয়াই ধর্ম বৃক্ষশাখাবলম্বী বাছড়ের জ্বর অধর্মের অতলস্পর্শ গহ্বরের উপর ঝুলিতেছে। যখন এই স্তম্ভ হইতে সে চ্যুত হইবে, সেই দিনই ধর্ম অতল রসাতলে নিমগ্ন হইবে।

অজ্ঞাতসারে সকলে ধর্মের এই বিপুল স্তম্ভের দৃঢ়তার পরিমাণ যুগপৎ হস্ত দ্বারা অনুভব করিয়া লইলেন। রাত্রি এক প্রহরের পর সভাভঙ্গ হইল।

(২)

স্নানাহ্নিক সমাপন করিয়া পুষ্পশোভিত-শীর্ষ-শিখা-সনাথ ভবেন্দ্রনারায়ণ আপনার অভ্যন্ত আসনে সবেমাত্র উপবেশন করিয়াছেন, এমন সময় এক শিখামাল্যধারী যুবা আসিয়া তাঁহার সম্মুখে দণ্ডন পতিত হইয়া বাস্পরুদ্ধ-কণ্ঠে “গুরো” “গুরো” কহিতে কহিতে দুই হস্তে তাঁহার চরণদ্বয় জড়াইয়া ধরিল। ভবেন্দ্রবাবু ব্রাহ্মণ ছিলেন না। সুতরাং সহসা একজন মাল্য-তিলক-শোভিত ব্যক্তিকে চরণ স্পর্শ করিতে দেখিয়া কিছু সম্বলিত হইয়া সরিয়া যাইবার চেষ্টা করিলেন। কিন্তু ভক্ত তাঁহাকে ছাড়িল না; ভক্তি-পদগদ-কণ্ঠে গলদক্ষলোচনে কহিল—“গুরুদেব! ভক্তকে পরিত্যাগ করিবেন না—বহুকণ্ঠে আপনার সন্ধান পাইয়াছি—‘গুরুস্ত ভগবান্ স্বয়ম্’, ‘শাধি মাং হাং প্রপন্নম্ প্রভু! প্রভু!’ দরবিগলিত অশ্রুধারা ভক্তের বদন-মণ্ডল অভিষিক্ত করিতেছিল।

ভবেন্দ্রবাবু সমাদরে ভক্তকে উঠাইয়া বাসাইলেন। ভক্ত বৃক্ষকরে ভবেন্দ্রবাবুর সম্মুখে বসিয়া একদৃষ্টে তাঁহার মুখের দিকে চাহিয়া রহিল; চাহিয়া চাহিয়া আপনার মনে ধীরে ধীরে বলিতে লাগিল, “সত্য! সত্য! স্বামীজি আপনার কথাই সত্য! আপনি যে যে লক্ষণ কহিয়াছিলেন, সমস্তই ইহাতে প্রত্যক্ষ দেখিতেছি।” থাকিয়া থাকিয়া সে প্রকাশে চীৎকার করিয়া কহিল, “জয় জয় প্রভু গুরু-কুল-গুরু শ্রীশ্রীমদভগবান্ গুরুদেব গোস্বামী জয় প্রভু! অধমকে দয়া কর! অধমের মায়া মোহ দূর করিয়া দাও!” উবেলিত-ভাবোচ্ছ্বাস ভক্ত পুনরায় ভবেন্দ্রবাবুর চরণ ধারণ করিল। ভবেন্দ্রবাবু আবার ব্যস্ত হইয়া ভক্তের প্রবল ভক্তিস্রোত কথঞ্চিৎ সংযমিত করিয়া দিলেন।

গদগদকণ্ঠে ভক্ত গুরুর নিকট আত্মনিবেদন করিল। ভক্তির প্রবল উচ্ছ্বাস এবং মুহূর্ত্তঃ উৎসারিত দীর্ঘশ্বাস ও প্রেমাশ্রুধারার মধ্য হইতে মোটের উপর বুঝা গেল যে, ভক্তপ্রবরের নাম শ্রীগরিবদাস ঘোষ; তিনি হুগলি জিলার অন্তর্গত স্থানবিশেষের জমিদারপুত্র—জমিদারীর বার্ষিক আয় আনুমানিক চল্লিশ সহস্র মুদ্রা—বয়ঃক্রম চতুর্বিংশতি বৎসর। বাল্যকাল হইতেই ধর্ম্মের প্রতি তাঁহার প্রগাঢ় আসক্তি, কিন্তু সমুদ্রবিশেষ শাস্ত্ররাশির মধ্যে তিনি আত্মহারা। এই অকূল সমুদ্রে কূল পাইবার জন্য “ভেলা”র অনুসন্ধানে তিনি বাহির হইয়াছিলেন। তিন বৎসর কাল ভারতের সর্বত্র পর্যটন করিয়াও সে তরণী তিনি পায়েন নাই। অবশেষ ভগবৎকৃপা—স্বামী দয়ালদাস তাঁহাকে বলিয়া দেন, ভারতবর্ষে একজন ব্যতীত তাঁহার বাসনা পূর্ণ করিতে পারেন, এমন কেহ নাই, বঙ্গদেশে—গ্রামে শ্রীশ্রীভগবান শুকদেব গোস্বামী গৃহস্থরূপে জন্মগ্রহণ করিয়াছেন—একমাত্র যদি তিনি কৃপা করেন তবেই তাঁহার উদ্দেশ্য সফল হইতে পারে। আজ এতদিনে তিনি তাঁহার আজন্মপোষিত আশাবৃক্ষের মূলদেশে আসিয়া উপস্থিত হইয়াছেন, এখন ভগবানের কৃপা! গরিবদাস সান্ন্যাস দৃষ্টিতে ভবেন্দ্রবাবুর মুখের দিকে চাহিলেন। ভক্তের সরল ভক্তি পূর্ণ বদন এবং সর্বোপরি তাহার শিরোদেশশোভী স্থূল চিক্ণ শিখার মাধুরী অবলোকন করিয়া ভবেন্দ্রনারায়ণের নয়নে বাৎস্যল্যের স্নিগ্ধ জ্যোতিঃ ফুটিয়া উঠিল। পারিষদবৃন্দ স্নান মুখে শিখাস্পর্শ করিলেন; তাঁহারা বুঝিয়াছিলেন তাঁহাদের অন্ন উঠিয়াছে।

(৩)

গরিবদাস অতি অল্পদিনের মধ্যেই ভবেন্দ্রবাবুর পরিবারমধ্যে আপনার স্থান করিয়া লইল। সুকুমার স্মমহৎ অপরাধ করিয়া পিতার বিষদৃষ্টিতে পড়িয়াছিল। গরিবদাস সেস্থান সম্পূর্ণভাবে অধিকার করিল। ভবেন্দ্রবাবু তাহাকে পূজাপেক্ষা প্রিয়তর জ্ঞান করিতে লাগিলেন।

গরিবদাসের অনেক গুণ ছিল। গরিবদাস নিরন্তর আপনার মুখ ধানিকে বর্ষার জলভরা মেঘের ন্যায় আঁধার করিয়া রাখিত (হাসির রেখা কেহ এ পর্য্যন্ত সে মুখে অঙ্কিত দেখে নাই) প্রত্যহ স্থূল শিখাটির উপযুক্ত সংস্কার-সাধন করিত; নিত্য নিয়মিত পূজা ধ্যান ভিলক ধারণ করিত—ভবেন্দ্রবাবুর আদেশে নবগৃহীত উপবীতগাছির প্রাথমিক শুভতা সর্বদা

অক্ষুণ্ণ রাখিতে চেষ্টা করিত; সন্ধ্যাকালে অক্ষুণ্ণ লোচনে ভবেন্দ্রবাবুর উপদেশামৃত অবহিতচিত্তে শ্রবণ করিত এবং রাত্রিকালে ভবেন্দ্রবাবু শয়ন করিলে যাবৎ তিনি নিদ্রা না যাইতেন তাবৎ একান্তমনে তাঁহার চরণসংবাহন করিত—শত অক্ষুণ্ণগেও ইহা হইতে বিরত হইত না। এ হেন গরিবদাসকে স্নেহ না করিয়া কেহ থাকিতে পারে না। তথাপি মনুষ্য চরিত্র বিচিত্র। গৃহিণী প্রথম দর্শনাবধি তাহার উপর বীতরাগ হইয়া উঠিয়া ছিলেন। গরিবদাস যখন ভক্তি গদগদ কণ্ঠে সুর করিয়া তাঁহাকে ডাকিত, “মা জননি।” তখন কি জানি কেন স্নেহ-বাক্যের পরিবর্তে অতি রুঢ় গালি তাঁহার ওষ্ঠপুট ভেদ করিয়া বাহির হইবার জন্য প্রাণপণ করিত।

সুকুমার আকারে ইন্দ্রিতে সুযোগ পাইলেই তাহাকে পরিহাস করিত এবং আসন্নযৌবনা সুনীলা তাহাকে দেখিলে ভয়ে পাণ্ডুর হইয়া উঠিত। এমনই করিয়া বৎসর কাটিয়া গেল। গরিবদাস ভবেন্দ্রবাবুর হৃদয় অধিকার করিয়া ফেলিল। কিরূপে গরিবদাসকে স্থায়ী বন্ধনে বাঁধিতে পারিবেন এখন সেই চিন্তাই ভবেন্দ্রবাবুর প্রধান চিন্তা হইয়া উঠিল।

সুনীলা ত্রয়োদশবর্ষে পদার্পণ করিয়াছে। ইহার পূর্বেই তাহার বিবাহ হওয়া উচিত ছিল। কিন্তু বহুদিন হইতেই এক প্রকার স্থির হইয়াছিল, প্রতিবেশিপুত্র রমানাথের পাঠ সমাপ্ত হইলেই তাহাদের বিবাহ হইবে। সুনীলাও তাহা জানিত, রমানাথও জানিত। কাষেই কর্তা বা গৃহিণী একান্ত অধিক ব্যগ্রতা প্রকাশ করেন নাই।

রমানাথ এই বৎসর এম, এ, পাস করিয়াছে। তাহার পিতামাতার এক্ষণে বিবাহ দিতে আর আপত্তি নাই।

কর্তা শয়ন করিয়াছেন, গরিবদাস নিয়মিত চরণসেবা করিয়া এই মাত্র চলিয়া গিয়াছে; এমন সময় সুস্পষ্ট কণ্ঠে গৃহিণী ডাকিলেন, “বলি যুগ্মে?”

“না না”—বলিয়া কর্তা চক্ষুরুন্মীলন করিলেন।

“বলি সুনীলার বিয়ে আর ত ফেলে রাখা যায় না”।

কর্তা ধীরে ধীরে বলিলেন, “পাত্র কই?”

গৃহিণী আকাশ হইতে পড়িলেন, “তুমি কি জেগে ঘুমুচ্ছে না কি? রমানাথকে কি জুগে গেলে না কি? আজও ত ‘ভীমরতি’ হয়নি।”

কর্তা হুট কণ্ঠে বলিলেন, “রমানাথের সঙ্গে সুনীলার বিয়ে হবে না।”

স্তম্ভিতা গৃহিণী কহিলেন, “কেন?”

কর্তা ধীরে ধীরে অধচ দৃঢ় স্বরে বলিলেন, “তার চেয়েও ভাল পাত্র পাওয়া গেছে।”

“কে ?”

কর্তা একটি একটি অক্ষর স্পষ্ট স্বরে উচ্চারণ করিয়া বলিলেন “গরিবদাস।”

শুনিয়া গৃহিণী বিস্ময়-বিস্ফারিত বদন বহুক্ৰম রুদ্ধ করিতে পারিলেন না ; তাহার পর গর্জিয়া উঠিয়া বলিলেন, “তোমার কি বাস্তব্বে ধূল না কি ? ওই হতভাগা, পোড়ারমুখো, শুঁটকো মিন্‌সে, বয়সের গাছ পাতর নেই, মুখ দেখলে গায়ে জ্বর আসে, ওর সঙ্গে মেয়ের বিয়ে ?”

কর্তা গম্ভীর স্বরে বলিলেন, “সে জমিদারের ছেলে, তার বয়স চব্বিশ বছর।”

উত্তেজিতা গৃহিণী কহিলেন, “তার চোদ্দ পুরুষে কখনো জমিদার ছিল না,—জমিদারের ছেলের ওই রকম চাষাড়ে হাত পা আর শুঁটকো মড়ি-পোড়ার মত চেহারা হয় ! চ’খের মাথা কি খেয়েচো ? ওর বয়স চব্বিশ বছর ? ওর সময়ে ছেলে হ’লে তার বয়স চব্বিশ হতো !”

গৃহিণী যথাসাধ্য প্রতিবাদ করিলেন। কিন্তু কর্তা “নিবাতনিষ্কম্পমিব প্রদীপম্।” আজ কর্তা বজ্রে হৃদয় বাঁধিয়াছিলেন—গৃহিণীর ক্ষুরধার বাক্য, অশনি-নির্নাদ-নিন্দী বিলাপধ্বনি, পাষণবিদ্রবী অশ্রুজল কিছুতেই তাঁহাকে বিচলিত করিতে পারিল না। কর্তা দৃঢ়কণ্ঠে আদেশ দিলেন, এক পক্ষ পরে সূশীলার সঙ্গে গরিবদাসের শুভ বিবাহ সম্পন্ন হইবেক, ইহাতে সৃষ্টি থাকুক আর যাউক। শুনিয়া গৃহিণী ধরাশায়িনী হইলেন।

(৪)

পরদিন সর্বত্র প্রচারিত হইল, গরিবদাসের সঙ্গে সূশীলার শুভ বিবাহ ১৯শে আষাঢ় সম্পন্ন হইবে। শুনিয়া গরিবদাসের চির-অন্ধকার মুখে বিদ্যুৎ খেলিয়া গেল—পারিষদবৃন্দ হতাশাভরে শিখা স্পর্শ করিল, সূশীলা ভয়ে পাণ্ডুর হইয়া উঠিল, রমানাথ দস্তে দস্ত ঘর্ষণ করিল—সুকুমার রুদ্ধকণ্ঠে গালি দিল। কিন্তু ইহার প্রতীকারের উপায় কি ? অতুল-প্রতিভা-শালিনী গৃহিণী পর্যন্ত হতাশ হইলেন। সূশীলার অবিরল অশ্রুধারা দেখিয়া এবং রমানাথের সুন্দর সুগঠিত মুখ স্মরণ করিয়া তাঁহার বুক কাটিয়া

বাইতে লাগিল । হতাশার ঘন-কৃষ্ণ মেঘে ভবেস্রবাবুর গৃহ-প্রাঙ্গণ অন্ধকার হইয়া গেল ।

তখন স্নানার্থে সখী সুন্দরী ইন্দুলেখা এই হতাশা-ঘনাক্ষয় কৃষ্ণাকাশতলে স্বর্ণজ্যোতি দামিনীরূপে অবতীর্ণ হইলেন । ইন্দু রমানাথের ভগিনী— স্নানার্থে প্রিয়তমা হিতৈষিনী—প্রথরবুদ্ধিশালিনী ।

ইন্দু বলিল, “স্নানার্থে, কেঁদে মরুচিস্ কেন ? আমি এর উপায় কোরে দিচ্ছি ।” কাতরকণ্ঠে স্নানার্থে বলিল, “কি উপায়, বোন ?” ইন্দু বলিল, “সে বাই হোক, তোর সঙ্গে গরিবদাসের বিয়ে কিছুতেই হবে না—সে বিষয়ে তুই নিশ্চিত থাক ।” ইন্দুর প্রতিভার উপর স্নানার্থে প্রগাঢ় বিশ্বাস ছিল । সে প্রবোধবাক্যে চক্ষু মার্জনা করিল । তাহার পর দুই সখীতে কি পরামর্শ হইল, জানি না । পরামর্শ-শেষে কিন্তু স্নানার্থে স্নানার্থে মধুর হাস্যরেখা ফুটিয়া উঠিল । স্নানার্থে হাসিয়া সখীকে বলিল, “দূর পোড়ারমুখী !”

(৫)

প্রাতঃস্নান গরিবদাস স্তুতিপাঠ করিতে করিতে অন্তঃপুরস্থ উদ্যানে পুষ্পচয়ন করিতেছিল, এমন সময়ে কোকিল-বিনিন্দিত কণ্ঠে কে ডাকিল, “জামাই বাবু !” চমকিয়া গরিবদাস মুখ ফিরাইল । হায় হায় ! গরিবদাস কি দেখিল ! জ্যোৎস্না-ধবলিত শুভ্র মেঘধণ্ডের মত—পুষ্পাভরণভূষিত স্বর্ণব্রততীর মত—স্ববিকরফুল প্রফুটিত কমলিনীর মত, মরি মরি, হাস্যপুলকোজ্জ্বল কি স্বর্ণীয় দেবী-প্রতিমা ! গরিবদাস নির্ঝাক বিশ্বয়ে প্রতিমার দিকে চাহিয়া রহিল । যুবতী কহিল, “কি জামাইবাবু ! হাঁ ক’রে দেখ্ চ কি ? আমি কি স্নানার্থে চেয়েও সুন্দর ?” গরিবদাস উত্তর দিতে চেষ্টা করিল, পারিল না । ইন্দু তখন গম্ভীর হইয়া বলিল, “সইএর সত্যিই ভাগ্যি ভাল । কি মুখ, কি চোখ, তার উপর ভগবানে এমন ভক্তি, আহা যেন সাক্ষাৎ ঋষি ঋষ্যশৃঙ্গ ! জামাই বাবু ! স্নানার্থে আমার সই, স্নানার্থে স্নানার্থে বড় ভালবাসি, তাই আপনার সঙ্গে যেচে আলাপ কর্তে এসেছি, মুখরা ব’লে ঘৃণা ক’রবেন না । আপনি ঋষিতুল্য, আপনার কাছে লজ্জাই বা কি ?”

ঋষিতুল্য গরিবদাসের তখন মাথা ঘুরিয়া গিয়াছিল—তিনি সমুদ্রে হাবুডুবু খাইতেছিলেন । সূর্য্যকরস্পর্শগলিত তুষারের গায় ইন্দুর মায়ানেত্র-পাতে গরিবদাসের বহুদিবসাত্যন্ত বাহু কপটতা মুহূর্ত্তে গলিয়া গিয়াছিল ; তাহার স্বাভাবিক দুর্বল হৃদয়ের বাহুভক্তির শুভ্র যবনিকা ক্রমমেঘে অপসৃত

হইয়াছিল। ইন্দু তাহার ভাব দেখিয়া মনে মনে খুব হাসিল; ভাবিল, এ অধম পশুটাকে বশীভূত করিতে অধিক সামর্থ্যের প্রয়োজন হইবে না।

(৬)

গরিবদাস আর সে গরিবদাস নাই। বাহিরে অপরের নিকটে সে এখনও তেমনই ধর্ম্মরত ভক্তিপূর্ণ; কিন্তু সুন্দরী ইন্দুলেখার নিকটে সে আঞ্জানুবর্তী নৃত্যপরায়ণ মর্কটমাত্র। ইন্দুলেখা সম্রাজ্ঞীর মত ঘাটের প্রস্তরবেদীতে বসিয়াছিল এবং গরিবদাস প্রভুভক্ত কুকুরের ঞায় তাহার আরক্ত চরণতলে উপবেশন করিয়া সেই অপূর্ব সুষমারামির দিকে লোলুপ দৃষ্টিতে চাহিয়া ছিল। কিছু দূরে এক যুবতী পরিচারিকা বসিয়া অর্ধ অব-
গুণ্ঠনে বদনচন্দ্র আবৃত করিয়া রঙ্গ দেখিতেছিল।

অপাঙ্গে ঈষৎ হাসির বিদ্যৎ খেলাইয়া চারু বিদ্বাধর ক্ষুরিত করিয়া অনুযোগের কণ্ঠে ইন্দু বলিল, “কিন্তু সইকে তুমি সত্যি ভালবাস না, জামাই বাবু! সে প্রত্যহই আমার কাছে হুংখ করে।” সোচ্ছ্রাসে গরিবদাস বলিল, “অঁ্যা কেন? সে কি কথা? আমি ভালবাসি না? অঁ্যা—এও কি সম্ভব? আমি তাঁর জন্ত কুল-শীল-মান-প্রাণ—কি না বিসর্জন দিতে পারি? আপনি প্রায়ই আমায় এ অনুযোগ দেন, আচ্ছা বলুন, কি করিলে আপ-
নাদের বিশ্বাস হয়, আমি সুশীলাকে প্রাণ অপেক্ষা ভালবাসি।” গভীর হইয়া ইন্দু বলিল, “আপনারা পুরুষ মানুষ, কথায় আপনাদের আমরা অঁাটিয়া উঠিতে পারি না। কিন্তু সত্যি যদি ভালবাসিতেন—”

উৎসাহে গরিবদাস বলিল, “কি কি? বলুন বলুন!” ক্ষণেক চুপ করিয়া ইন্দু মুখ ভার করিয়া বলিল, “সত্যি যদি ভালবাসিতেন, তা হ’লে সইএর একটা সামান্য অনুরোধ আর রক্ষা ক’রতেন না? সই কতদিন ব’লেচে, ‘আহা এমন সুন্দর চেহারা—যদি মাথায় টিকিটি না থাকত!’” গরিবদাস নীরবে মস্তক কণ্ঠয়ন করিতে লাগিল।

মৃদুস্বরে অনুযোগের সুরে ইন্দু বলিল, “এই ত, জামাইবাবু, এই সামান্য অনুরোধটাও রাখতে পারেন না—এখনি ত প্রাণ দিতে যাচ্ছিলেন—সামান্য দুগাছা চুল দিতে যঁারা পারেন না, তাঁদের আবার ভালবাসা! আর তাঁদের জন্তে আমরা জীবন যৌবন ইহকাল পরকাল বিসর্জন দি!” (হায় মায়ায়নী নারী!) ইন্দুর বিশাল নয়নতট অশ্রুতে ভরিয়া আসিল। যে কুহকমন্ত্রের প্রবল শক্তি ঋষিকে বিচলিত করে, ভণ্ড কপট লালসার দাস

গরিবদাসের পক্ষে সে শক্তিকে বাধা দিবার সম্ভাবনা ছিল না। গরিবদাস—
আত্মহারা গরিবদাস—মুচের মত বলিয়া উঠিল, “বা বলবেন তাই করুব, তবু
এ অপবাদ আর সহিব না।”

হাসিয়া কৌতুকোজ্জ্বল চক্ষু গরিবদাসের মুখের উপর স্থাপিত করিয়া
মায়াবিনী পিককণ্ঠে কহিল, “এ কথা মনে থাকে যেন।” গরিবদাস সে
অমৃতবর্ষী দৃষ্টিসম্পাতে সংজ্ঞা হারাইল, আপনার অজ্ঞাতসারে বলিয়া উঠিল,
“যদি দেখাবার হ’ত, তা’হলে হৃদয় বিদীর্ণ করে দেখাতাম, সে কথা রক্তের
অক্ষরে বুকের মধ্যে লেখা হয়ে গেছে।” বিক্রম-প্রিয়া ইন্দু মনে মনে বলিল,
“আহা গরিবদাস না হ’য়ে নামটি রামদাস হ’লেই ঠিক মানাত। যেমন
রূপ তেমনই গুণ।” তাহার পর ইন্দু এবং বিশ্বাসী পরিচারিকার সঙ্গে গরিব-
দাসের কি এক পরামর্শ হইল। নিমজ্জনোন্মুখ হতভাগ্যের মত দুই একবার
ক্লীণ আপত্তি করিয়া গরিবদাস সকল কথাতেই সম্মত হইল। সহসা অন্তরাল
হইতে সুশীলা আসিয়া ইন্দুর সঙ্গে যোগ দিল। তখন দুই সখীতে লঘুপদে
গরিবদাসের দৃষ্টিরেখা অতিক্রম করিল। চাহিয়া চাহিয়া গরিবদাস চক্ষু
ফিরাইতে পারিল না। তাহার দৃষ্টির বাহির হইয়া গেলে সে কপালে করাঘাত
করিয়া বলিল, “উঃ এ যদি কপালে ঘটে ত খুব জোর কপাল। বাবা!
এত দিনে পা টেপা সব সার্থক।” উল্লাসে তার গৌফে তা দিবার ইচ্ছা
হইয়াছিল, কিন্তু হতভাগ্য ইচ্ছাপূর্বক আপনাকে সে সুখে বঞ্চিত করিয়াছিল।
ইন্দু বাড়ী ফিরিয়া রমানাথের নিকট সব গল্প করিল। রমানাথ প্রাণ ভরিয়া
হাসিয়া বলিল, “তু’ই দেখ্‌চি বিসমার্ক হ’য়ে উঠ্‌লি।” সুকুমারও সে হাসিতে
প্রাণ খুলিয়া যোগ দিল।

(৭)

আগামী কল্য সুশীলার গাত্রহরিদ্রা। আজ অপরাহ্নে গরিবদাসের
প্রতিজ্ঞারক্ষার দিন। ইন্দু আজও সকালে আসিয়া সেই ভুবনমোহিনী
হাসির সাহায্যে আর একবার সে কথা তাহাকে মনে করাইয়া দিয়া গিয়াছে।
সুতরাং গরিবদাসের নিষ্কৃতির উপায় ছিল না। অগত্যা গরিবদাস আহার-
স্বৈই গৃহত্যাগ করিয়াছিল।

বহুদিনের সুদীর্ঘ শিথাকে আমূল অপসারিত করিয়া এবং ইংরাজি
ফ্যাসানে চুল ছাঁটিয়া গরিবদাস দর্পণে একবার আপনার মুখচন্দ্রখানি প্রাণ
ভরিয়া দেখিয়া লইল। মরি! মরি! কি অপরূপ মাধুরী! হায়, হায়

এমন সৌন্দর্য্যশিখা সে মৃৎপাত্র দ্বারা ঢাকিয়া রাখিয়াছিল ! গরিবদাস ভাবিয়া হৃদয়ে বেদনা পাইতেছিল । প্রাণ ভরিয়া আপনার মূর্ত্তিখানি দেখিয়া গরিবদাস বসিয়া বসিয়া মনোমত করিয়া আপনার কেশের প্রসাধন করিল ; পরে সেস্থান হইতে উঠিয়া চারিদিক চাহিয়া ত্রস্তপদে একটি দোকানে প্রবেশ করিল ।

গরিবদাস যখন বাটী ফিরিল তখন অপরাহ্ন । বাটীর দ্বারের নিকটে আসিয়া গরিবদাসের বক্ষস্পন্দন দ্রুততর হইয়া উঠিল । গরিবদাস তাড়াতাড়ি মস্তকের উপর উত্তরীয় খণ্ড জড়াইয়া আনীত ধাগুসস্তার অতি সঙ্কোপনে হাতে লইয়া অতি দ্রুতবেগে উদ্যানমধ্যে প্রবেশ করিল ।

ইন্দু আপন প্রতিজ্ঞা রক্ষা করিয়াছিল । সে আপনার সম্মোহন সৌন্দর্য্য-রাশি লইয়া অপরাহ্নের চিরবিচিত্র আকাশতলে সেই প্রস্তর বেদীর উপর বসিয়া ছিল । সুনীলা তথায় উপস্থিত ছিল না । কেবল একজন পরিচারিকা বৃক্ষান্তরালে অবস্থান করিতেছিল ।

গরিবদাসের নয়নে আনন্দের বিদ্যুৎ খেলিতেছিল । সে ইন্দুর সম্মুখীন হইয়াই সম্মুখে জালু পাতিয়া বসিয়া দুই হস্তে কাগজমণ্ডিত প্রিয় শিখাটিকে তাহার চরণতলে স্থাপিত করিয়া কৌতুকের সুরে গাহিয়া বলিল “দেবি, ধর উপহার, দেবি ধর উপহার !”

ইন্দু গরিবদাসের প্রসাধিতকেশ মস্তকের পাশ্চাত্যশোভা দর্শন করিয়া মনে মনে একবার খুব হাসিয়া লইল ; প্রকাশে বলিল, “জামাইবাবু, বাস্তবিক আপনাকে এইবার কি সুন্দরই মানিয়েছে । এবার সহ আপনার শ্রীচরণে চিরদিন বন্দী হয়ে থাকবে ।”

উল্লসিত ‘জামাইবাবু’ হাসিয়া বলিলেন, “আপনার মুখে ফুলচন্দন পড়ুক ।” ইন্দু তখন বলিল, “আর যা বলেছিলাম ?” গরিবদাস উত্তরীয়-মধ্যস্থ কাগজ মোড়কের দিকে সগর্ভ দৃষ্টি নিক্ষেপ করিয়া বলিল, “আলবৎ” ! ইন্দু বলিল, “তবে একটু বসুন আমি সব যোগাড় করে দি । বলিয়াই ইন্দু ভক্তপ্রদত্ত উপহারটি গ্রহণ করিয়া দ্রুতবেগে সে স্থান পরিত্যাগ করিল ।

ভবেন্দ্রনারায়ণ নিদ্রাভঙ্গে শয্যায় উঠিয়া বসিয়া দেখিলেন, তাঁহার সম্মুখে একটি ছোট টেবলের উপর রক্ত রিকাবিতে একটি কাগজের মোড়ক রহিয়াছে । তাহার উপর মোটা মোটা করিয়া লিখা “ভক্তি উপহার” ; এবং

তাহারই এক পার্শ্বে ক্ষুদ্র অক্ষরে লিখা “ভক্ত গরিবদাস ।” লেখা গরিবদাসের নিজের । বিস্মিত ভবেন্দ্রনারায়ণ মোড়কটি হস্তে লইলেন । মোড়কটি খুলিয়া তিনি যাহা দেখিলেন তাহাতে আর তাহার মস্তিষ্কের স্থিরতা রহিল না । সেই কাগজ মোড়কের ভিতর গরিবদাসের স্কুল, চিত্রণ, সুদীর্ঘ শিখা ! তন্মধ্যে গরিবদাসের কঙ্কাল দেখিলেও তিনি তাদৃশ বিস্মিত হইতেন না । ভবেন্দ্রবাবু নির্ঝাক্ বিস্ময়ে বহুক্ষণ স্তব্ধ হইয়া রহিলেন ; সহসা নিজ চক্ষুকে বিশ্বাস করিতে পারিলেন না ; অবশেষে চীৎকার করিয়া ডাকিলেন “গরিবদাস !” প্রতিধ্বনি ফিরিয়া আসিল, গরিবদাসের উত্তর পাওয়া গেল না ।

গৃহিণী আসিয়া হাসিমুখে বলিলেন, “তোমার ভক্তের লীলা একবার দেখে যাও ।”

ভবেন্দ্রনারায়ণ গৃহিণীর সঙ্গে নীরবে যে স্থানে গরিবদাসের সভা বসিয়াছে তাহার নিকটে এক কামিনী বৃক্ষের অন্তরালে গিয়া দাঁড়াইলেন । গরিবদাসের পুলকস্রোতে তখন পূর্ণ জোয়ার আসিয়াছিল । টেবলের সম্মুখে দাঁড়াইয়া দুইহস্তে দুইটি পাঁউরুটির করতালি গ্রহণ করিয়া চুরুট মুখে বাউলের সুরে সমবেতা যুবতীসখীরন্দের নিকটে—সে গাহিতেছিল—

“তোমরা সবাই ভালো

যার অন্তরে যেমনি জুটুক সেই আমাদের ভালো ।”

সুন্দরীকণ্ঠে কলহাস্য উথলিয়া উঠিয়া তাহাকে ক্রমাগত উৎসাহিত করিতেছিল এবং সে কশাহত অশ্বের গায় ক্রমেই অধিকতর উত্তেজিত হইয়া স্বরকে উচ্চ হইতে উচ্চতর গ্রামে চড়াইতেছিল । এমন সময়ে রক্তচক্ষু ভবেন্দ্র নারায়ণ পাছকাহস্তে দ্রুতবেগে রঙ্গভূমিতে প্রবেশ করিলেন ।

“উখিত কুপাগকর হইল অচল

সম্মুখচরণদ্বয়

পবনে উখিত হয়

দাঁড়াল, নবাব সৈন্য হইল অচল ।”

কাদম্বিনীবন্ধে বিছাতের গায় রমণীবৃন্দ নিমিষমধ্যে কোথায় অন্তর্হিত হইয়া গেল । মুহূর্তে গরিবদাস পাষণ-পুত্তলিকায় রূপান্তরিত হইয়া গেল ।

ব্যাহ্বগর্জনে ভবেন্দ্রনারায়ণ কহিলেন, “তোমার টিকি কোথায় ?” যন্ত্রচালিত পুত্তলিকার মত গরিবদাস হস্তদ্বারা শিখার পূর্ববাসস্থান নীরবে স্পর্শ করিল ।

“তেমনি বারেক যদি টলিল যবন
ইংরাজ সজ্জিন করে
ইন্দ্র যেন বজ্র ধরে
ছুটিল পশ্চাতে যেন কৃতান্ত শমন!”

ক্রোধকম্পিত ভবেন্দ্রনারায়ণ আর সহ করিতে পারিলেন না। লক্ষ্য দিয়া তাহার গ্রীবা ধারণ করিলেন এবং “পাষণ্ড, ভণ্ড, কপটী” বলিতে বলিতে নির্দয় পাদুকাঘাতে তাকে জর্জরিত করিয়া ফেলিলেন। গরিবদাস অতি প্রবল উত্তেজক প্রয়োগে চৈতন্য-লাভ করিয়া দ্রুতবেগে স্থান ত্যাগ করিল।

* * * * *

১৯শে আষাঢ় তারিখেই সুশীলার বিবাহ হইয়া গেল। কিন্তু বলা বাহুল্য সে রমানাথের সহিত! সেই হইতে ভবেন্দ্র বাবুরও ভাবান্তর হইয়াছে। তিনি বুঝিয়াছেন, ধর্ম অস্তরের; তাহার বাহ্য আবরণের প্রতি অতিরিক্ত অবস্থা স্থাপন করিলে অনেক সময় ভ্রান্ত হইতে হয়। সুকুমার নষ্ট পিতৃশ্নেহ ফিরিয়া পাইয়াছে।

শ্রীযতীন্দ্রমোহন গুপ্ত।

রামায়ণ ও মহাভারত ।

মহাভারত ও রামায়ণ আমাদের দেশের অতি প্রাচীন মহাকাব্য । প্রাচীন গ্রীসের যেমন ইলিয়াড ও ওডেসি, ভারতের তেমনই রামায়ণ ও মহাভারত । এই উভয় গ্রন্থেই প্রাচীন ভারতবাসীর রীতি নীতি, আচার ব্যবহার, ধর্ম ও সভ্যতার আভাস পাওয়া যায় । সুতরাং, এই গ্রন্থ দুইখানি কত কালের তাহা জানিবার জন্য লোকের মন স্বতঃই উৎসুক্যে ও কৌতুহলে উদ্দীপ্ত হইয়া উঠে । সেই জন্য রামায়ণ ও মহাভারতের প্রণয়নকাল লইয়া সুধীসমাজে যেরূপ আন্দোলন হইয়াছে ও হইতেছে বুঝি ভারতের আর কোনও বিষয় লইয়া সেরূপ আন্দোলনের ও আলোচনার উদ্ভব হয় নাই । দুর্ভাগ্যক্রমে এ বিষয়ে কোনও সিদ্ধান্তই সর্ব্ববাদি-সম্মতিক্রমে গৃহীত হয় নাই । এমন কি দুইজন মনস্বী সম্পূর্ণ স্বাধীন ভাবে গবেষণা করিয়া একই সিদ্ধান্তে উপনীত হইতে পারেন নাই । সুতরাং মনে হইতেছে, এখনও এ বিষয়ে লোক অনিশ্চয়তার গোলক ধাঁধায় ঘুরিতেছে ।

আমাদের দেশে অতি প্রাচীনকাল হইতে ঐ দুইখানি পুস্তকের প্রণয়ন-কালের প্রাচীনত্ব সম্বন্ধে বিশ্বাস লোকের মনে স্থায়িত্ব লাভ করিয়াছে । হিন্দুর বিশ্বাস ত্রেতাযুগে বাল্মিকী রামায়ণ এবং কলির আরম্ভেই মহর্ষি কৃষ্ণ-দ্বৈপায়ন মহাভারত রচিত করিয়াছেন । যুরোপীয়রা এদেশে আসিয়া নূতন পদ্ধতিতে গ্রন্থাদির কাল নির্দিষ্ট করিতে আরম্ভ করিয়াছেন । পাশ্চাত্য শিক্ষায় শিক্ষিত নব্য ভারতবাসীও গতানুগতিকের ঞায় যুরোপীয়-দিগের যুক্তিপদ্ধতি অবলম্বন করিয়া এ দেশীয় গ্রন্থের বয়স স্থির করিতে আরম্ভ করিয়াছেন । এখন শিক্ষিত মার্জিতবুদ্ধি ব্যক্তিগণের নিকট প্রাচীনদিগের বিশ্বাস কুসংস্কার বলিয়া উপেক্ষিত ও উপহাসিত ; যুরোপীয়-দিগের মত আগ্রবাক্যের ঞায় অশ্রান্ত বলিয়া সম্মানিত ।

কিন্তু যুরোপীয়গণের সিদ্ধান্তে একটি বিষয় ভ্রমের সম্ভাবনা দৃষ্ট হয় । প্রায় বর্তমান সময় পর্য্যন্ত তাঁহাদের মনে দৃঢ় বিশ্বাস ছিল যে, এই পৃথিবী ছয় হাজার বর্ষমাত্র মানব জাতি কর্তৃক অধ্যুষিত হইয়াছে । ধর্ম-বিশ্বাসের সহিত এই বিশ্বাস তাঁহাদের মনে দৃঢ় সংস্কারে পরিণত হইয়াছিল । এখনও

পরস্পরাগত সংস্কার অধিকাংশ যুরোপীয়ের মনকে অধিকৃত করিয়া রাখিয়াছে। চল্লিশ পঞ্চাশ বৎসর পূর্বে তাঁহারা ভূতত্ত্ববিজ্ঞা পাঠ করিয়াছিলেন, তাঁহারাও শিখিয়াছিলেন, এই পৃথিবী ছয় হাজার বর্ষমাত্র স্থষ্ট হইয়াছে। ইহা ভিন্ন যুরোপীয় ছাত্রগণ বালাকালে এই শিক্ষা লাভ করেন যে, ব্যাবিলন, গ্রীস ও মিশর মানব সভ্যতায় আদিস্থান। ঐ সভ্যতা সাড়ে তিন হাজার বর্ষ অপেক্ষা অধিক পুরাতন নহে। বালাকালের সে শিক্ষা সহজে অন্তর্হিত হইবার নহে। সুতরাং, ভারতীয় সভ্যতা তিন হাজার সাড়ে তিন হাজার বৎসরাপেক্ষা অধিকতর পুরাতন হইতে পারে, — তাঁহারা আদৌ এ বিশ্বাস করিতে পারেন না। এরূপ স্থলে ঋক্বেদের বয়ঃক্রম তিন হাজার সাড়ে তিন হাজার বর্ষকালমাত্র সিদ্ধান্ত করিলে, রামায়ণ ও মহাভারতের কালকে খৃষ্ট-পূর্ব পাঁচ ছয় শত বর্ষের অধিক প্রাচীন বলিয়া কল্পনা করিতে পারা যায় না। কারণ, তাঁহারা সাধারণতঃ বেদের পর উপনিষদ, কল্পসূত্র, মনুস্মৃতি প্রভৃতির কাল নির্দিষ্ট করিয়া পরে রামায়ণ ও মহাভারতের কাল নির্দিষ্ট করিয়া থাকেন। সেই জন্য তাঁহারা ঐ গ্রন্থ দুইখানিকে খৃষ্ট জন্মবার পাঁচ ছয় শত বর্ষের পূর্বকার গ্রন্থ বলিয়া সিদ্ধান্ত করেন। কেহ কেহ মহাভারতকে খৃঃ পূঃ চতুর্দশ শতাব্দীর গ্রন্থ বলিয়া নির্দিষ্ট করিতে কুণ্ঠিত নহেন। কিন্তু এই সকল সিদ্ধান্ত নিতান্ত অপর্যাপ্ত প্রমাণের উপর গুস্ত বলিয়া মনে করিবার যথেষ্ট কারণ আছে।

আমাদের প্রাচীন সাহিত্যাদির আলোচনা করিলে মনে হয়, রামায়ণের কাল-নির্দেশ করা যত কঠিন, মহাভারতের কাল-নির্দেশ করা তত কঠিন নহে। কারণ, কুরুক্ষেত্রের মহাযুদ্ধের পরই যে মহাভারত রচিত হইয়াছিল, সে সম্বন্ধে মতবৈধ নাই। ভারত যুদ্ধের সময় মহাভারত-প্রণেতা মহর্ষি কুম্ভৈর্যপারন জীবিত ছিলেন, মহাভারত ও অষ্টাঙ্গ গ্রন্থে তাহার যথেষ্ট প্রমাণ বর্তমান। আমাদের দেশে অতি প্রাচীন কাল হইতে অক্ষ গণনা করিবার প্রথা প্রচলিত আছে। প্রথমতঃ, কলিযুগ প্রবর্তিত হইলেই একটি অক্ষ গণিত হইতে আরম্ভ হয়। উহা কলিগতাক নামে পরিচিত। তাহার পর বিক্রম-সংবৎ প্রচলিত হয়। ইহার পরই শালিবাহনের শকাব্দা প্রবর্তিত হইয়াছে। এ দেশে অতি প্রাচীন কাল হইতে জন্ম-পত্রিকা বা কোষ্ঠী প্রস্তুত করিবার রীতি প্রচলিত আছে। বিক্রম-সংবৎ প্রবর্তিত হইবার

পূর্বে কলিগতাদ ধরিয়া কোষ্ঠী প্রস্তুত হইত। পরে শকাব্দা প্রচলিত হইলে সম্বৎ পরিভ্যক্ত হয়। এখন ব্রহ্ম-পত্রিকায় শকাব্দাই লিখিত হয়। আবার রাজা যুধিষ্ঠির একটি শক প্রবর্তিত করিয়া যানেন। 'জ্যোতির্বিদ্যাতরণ' নামক গ্রন্থে লিখিত আছে ;—

যুধিষ্ঠিরো বিক্রমশালিবাহনো
নরাধিনাথোবিজয়ভিনন্দনঃ ।
ইমেহনু নাগার্জুনমেদিনীবিভু
বলিঃক্রমাৎ ষট্ শক-কারকা নৃপাঃ ॥

যুধিষ্ঠির, বিক্রমাদিত্য, শালিবাহন, বিজয়াভিনন্দন, নাগার্জুন এবং বলি এই ছয় জন নৃপতি শক প্রবর্তিত করেন। কিন্তু যুধিষ্ঠিরের সে শক বিশ্বতির সাগরে বিলীন হইয়াছে। ইনি বলিয়াছেন, যুধিষ্ঠিরের অক্ষ ৩০৪৪ বৎসর প্রচলিত ছিল, তাহার পর সম্বৎ প্রচলিত হয়। ইহা যদি বর্ধাৎ হয়, তাহা হইলে যুধিষ্ঠিরাদ নির্ণয় করা কঠিন নহে। এখন ১৯৬৮ সম্বৎ। উহাতে ৩০৪৪ বৎসর যোগ করিলেই যুধিষ্ঠিরের অক্ষ প্রাপ্ত হওয়া যায়। সুতরাং, এখন $৩০৪৪ + ১৯৬৮ = ৫০১২$ অতএব যুধিষ্ঠিরাদের এখন দ্বাদশাব্দিকপঞ্চসহস্রতম বর্ষ চলিতেছে। এখন কলিগতাদারও ঠিক ঐ বয়স। তবে কলি প্রবর্তিত হইতেই যুধিষ্ঠির সিংহাসনে আরোহণ করিয়াছিলেন; এই হিসাবে সম্বতের ৩ শকের পার্থক্য ঠিক নির্দিষ্ট আছে। কিন্তু তাহার পর যাহা আছে, তাহা বুঝা কঠিন। এই গ্রন্থখানির প্রামাণিকতা সম্বন্ধে বিশেষ সংশয় বিদ্যমান। গ্রন্থখানি ৩০৬৭ কলিগতাদে লিখিত হইয়াছে বলিয়া ইহাতে লিখিত আছে। সুতরাং সম্বৎ প্রবর্তনের ২৩ বর্ষমাত্র পরে 'জ্যোতির্বিদ্যাতরণ' লিখিত হয়। সে গ্রন্থে শকাব্দার কথা ঠিক নির্দিষ্ট হইল কিরূপে? যে শক ১১২ বৎসর পরে প্রবর্তিত হইবে, তাহা উক্ত গ্রন্থকারের পক্ষে নিশ্চিত রূপে বলা কখনই সম্ভবে না। এই জন্য অনেকে এই গ্রন্থের প্রামাণিকতা অস্বীকার করেন। কিন্তু একটি কথা আছে। 'জ্যোতির্বিদ্যাতরণ' গ্রন্থ লিখিত হইবার পর শালিবাহন যখন শকাব্দা প্রচলিত করেন, তখন সম্ভবতঃ ঐ গ্রন্থ বিশেষ প্রামাণিক বলিয়া পরিগণিত হইয়াছিল। উক্ত গ্রন্থে সম্বতের উল্লেখ ছিল; শকাব্দার উল্লেখ ছিল না। এরূপ ক্ষেত্রে উক্ত প্রামাণ্য গ্রন্থে যাহাতে শকাব্দার কথাটি সন্নিবিষ্ট হয়, তাহার জন্য শালিবাহনের যত্ন ও প্রয়াস স্বাভাবিক।

পূর্বকালে সম্মানিত ও প্রামাণ্য গ্রন্থে ভবিষ্যদ্বক্তার ছলে এরূপ ভাবে প্রবল পরাক্রান্ত রাজগণের কথা প্রক্ষিপ্ত হইত, তাহার যথেষ্ট প্রমাণ পাওয়া যায়। বিষ্ণুপুরাণে ও শ্রীমদ্ভাগবতে কলির রাজগণের কথা এইরূপেই প্রক্ষিপ্ত হইয়াছে। বেদব্যাসের কলমে, ঋষিগণের উক্তিতে সহস্র বর্ষ পূর্বে “আমার” আবির্ভাবকথা উক্ত হইয়াছে, এই অভিমান রাজগণকে এইরূপ প্রক্ষেপ-কার্যে উৎসাহিত করিত। এরূপ কার্যে উক্ত রাজগণের আর একটি সুবিধা হইত। প্রতিকূলাচারী প্রকৃতিপুঞ্জ মনে করিত যে, যখন বেদ-ব্যাস এই রাজবংশের আবির্ভাব-কথা বহু পূর্বে বলিয়া গিয়াছেন, তখন ইহাদের বিরুদ্ধাচরণ নিষ্ফল। আর এক কথা, বৌদ্ধ বিপ্লবের সময় প্রাচীন ঋষিগণের ভবিষ্যদর্শনশক্তি সপ্রমাণ করিবার অভিপ্রায়ে এরূপ প্রক্ষেপ অসম্ভব নহে। যাহা হউক, এই সকল প্রক্ষিপ্ত বচনের একটি বিশেষ লক্ষণ বিদ্যমান। অত্র উক্তির সহিত স্থানে স্থানে উহাদের সামঞ্জস্য নাই। আমরা পরে ইহা দেখাইতে চেষ্টা করিব। আপাততঃ বলা যাইতে পারে যে, ‘জ্যোতির্বিদ্যাত্মক’ শব্দসম্পর্কিত উক্তি পরে সন্নিবিষ্ট হইয়াছে। আর এক কথা, কলির ৩০৬৭ বর্ষ গত হইলে কালিদাস উক্ত গ্রন্থ রচনা করিতে উপক্রম করিয়াছিলেন, * ইহাই উক্ত গ্রন্থে উক্ত হইয়াছে। উহা কবে, কাহার দ্বারা শেষ হইয়াছিল, তাহা বলা যায় না। সুতরাং এই গ্রন্থে তৎপরবর্তী কালের কয়েকটি ঘটনার উল্লেখ আছে বলিয়া ইহার উক্তি একে-বারেই অপ্রামাণ্য বলিয়া উড়াইয়া দেওয়া কর্তব্য নহে। যাহা হউক, যখন এই প্রমাণে সংশয়ের কিঞ্চিৎ অবকাশ আছে,—তখন কুরুক্ষেত্রের যুদ্ধ সংঘটনকাল সম্বন্ধে প্রমাণান্তর অবলম্বনই শ্রেয়ঃ।

মহাভারতের আদি পর্বের প্রথম অধ্যায়েই ঐ যুদ্ধের কাল লিখিত আছে :—

“অস্তরে চৈব সস্ত্রাণ্ডে কলিঙ্গাপরায়োরভূৎ
স্রমস্তপঞ্চকে যুদ্ধং কুরুপাণ্ডব সেনয়ো।”

এই স্থলে মহাভারত স্পষ্টাক্ষরেই লিখিয়াছেন যে, “দ্বাপর ও কলির সন্ধি-সময়ে কুরুপাণ্ডব সেনার যুদ্ধ হইয়াছিল।” এখন জিজ্ঞাস্য এই উক্তিতে অবিশ্বাস করিবার কি প্রবল কারণ বিদ্যমান? যে গ্রন্থ পাঠ করিয়া আমরা

* বিহিতো গ্রন্থোক্রিয়োগক্রমঃ।

কুরুপাণ্ডবের কীর্তি-কথা জানিতে পারি, বিশেষ বলবৎ প্রমাণ ব্যতীত তাহা অগ্রাহ করা সম্ভব নহে । সন্দেহের কয়েকটি কারণ আছে । যথা ‘রাজ-তরঙ্গিনীতে’ লিখিত আছে,—

গতেষু ষট্শু সার্কেষু ত্র্যধিকেষু চ ভূতলে
কলের্গতেষু বর্ষাণামভবন কুরুপাণ্ডবাঃ

কলির ছয় শত ৫৩ বৎসর অতীত হইলে কুরুপাণ্ডবগণ ভূতলে অবতীর্ণ হইয়াছিলেন । এই ‘রাজতরঙ্গিনীতে’ উক্ত আছে যে, কাশ্মীরাদিগণ গোনর্দ সুধিষ্ঠিরের সমকালীন লোক । তিনি কৃষ্ণের হস্তে নিহত হইলেন । মহাভারতাদিতে গোনর্দ রাজার কোনও উল্লেখই দেখিতে পাওয়া যায় না । শ্রীকৃষ্ণের হস্তে তাঁহার নিধন কথা সত্য হইলে কোনও না কোন গ্রন্থে তাঁহার উল্লেখ থাকিত । স্মৃতরাং এ সম্বন্ধে ‘রাজতরঙ্গিনীর’ কথা সম্পূর্ণ বিশ্বাস করা যায় না । পণ্ডিত শ্রীযুত দুর্গাদাস লাহিড়ী মহাশয় লিখিয়াছেন,—“কঙ্কণ মিশ্র যখন রাজ-তরঙ্গিনী প্রণয়ন করেন, তখনও প্রচার ছিল ভারত যুদ্ধ ঘাপরাস্ত্রে সংঘটিত হয় । তখন কেহ কেহ হিসাব করিতেন, কুরু পাণ্ডবের সময় হইতে ৫২ জন নৃপতি ২১৬৮ বৎসর কাল রাজত্ব করিলে তৃতীয় গোনর্দ সিংহাসন প্রাপ্ত হইয়াছিলেন । কিন্তু রাজ-তরঙ্গিনীপ্রণেতা ঐ প্রচলিত মতের প্রতিবাদ করিতে গিয়া ষত গণ্ডগোল বাধাইয়াছেন । রাজতরঙ্গিনীর প্রথম তরঙ্গ পাঠ করিলে তাঁহার ভ্রম সহজে উপলব্ধি হইতে পারে ।” *

বিষ্ণুপুরাণে লিখিত হইয়াছে ;—

ষাবৎ পরীক্ষিতো জন্ম ষাবন্নন্দাভিবেচনম
এতদ্বর্ষসহস্রস্ত জ্ঞেয়ং পঞ্চদশোত্তরং ॥

অর্থাৎ পরীক্ষিতের জন্ম হইতে নন্দের অভিব্যেক কাল পর্য্যন্ত এক হাজার পনের বৎসর মাত্র ।

* * * * *

তেতু পরীক্ষিতে কালে মধ্যাসন বিজোত্তম ।

তদা প্রবৃত্তশ্চ কলির্দ্বাদশাব্দশতাব্দকঃ ॥

“হে বিজোত্তম, পরীক্ষিতের সময় তাঁহার (সপ্তর্ষি মণ্ডল) যথা নক্ষত্রে অবস্থিত ছিলেন তখন কলির দ্বাদশশততম বর্ষ প্রবৃত্ত হইয়াছিল ।”

* এসম্বন্ধে তাঁহার বিস্তৃত আলোচনা পাঠ করিতে চাহেন, তাঁহার শ্রীযুত দুর্গাদাস লাহিড়ী কৃত ‘পৃথিবীর ইতিহাস’ ২৮৭-৮৯ পৃষ্ঠা দেখুন ।

শ্রীমদ্ভাগবতের দ্বাদশ স্কন্ধের ২য় অধ্যায়ে লিখিত আছে শুকদেব পরীক্ষিতকে বলিতেছে,—

আরভ্য ভবতো জন্ম বাব্রুন্দাভিবেচনম

এতদ্বর্ষসহস্রস্ত শতং পঞ্চদশোত্তরম ॥

যদা দেবর্ষয়ঃ সপ্ত মবাসু বিচরন্তিহি

তদা প্রবৃন্তস্ত কলির্দ্বাদশাঙ্গশতায়কঃ ॥

“হে পরীক্ষিত তোমার জন্মকাল হইতে আরম্ভ করিয়া নন্দ রাজের অভিষেক কাল পর্য্যন্ত এই এক হাজার এক শত পঞ্চদশ বৎসর; * * * যে সময় সপ্তর্ষি মুণ্ডল মধা নক্ষত্রে বিচরণ করিতেছে সেই সময় কলির দ্বাদশ শত বর্ষ প্রবৃন্ত হয়।”

এই উভয় স্থলেই কলিযুগের প্রসঙ্গক্রমে মহারাজ নন্দের কথা উপস্থিত করা হইয়াছে। বিষ্ণুপুরাণেরও ভাগবতের ভাষা প্রায় এক। বিষ্ণুপুরাণ, ভাগবৎ, বায়ুপুরাণ ও মৎস্য পুরাণ এই চারিখানি পুরাণেই মগধরাজ-বংশের কথা উল্লিখিত আছে। অত্যাণ্ড সকল বিষয়েই অনৈক্য থাকিলেও এই বিষয়টির ভাষায় পর্য্যন্ত অবিকল মিল। ব্রহ্ম পুরাণ, হরিবংশ ও অগ্নি পুরাণেও অত্যাণ্ড বিষয়ের বিশেষ অনৈক্য থাকিলেও এ বিষয়ে একেবারেই পার্থক্য নাই। তবে কোথাও “এতদ্বর্ষ সহস্রস্ত শতং পঞ্চদশোত্তরম;” * আর কোথাও “এতদ্বর্ষসহস্রস্ত জেয়ং পঞ্চদশোত্তরম। + আবার কোথাও “এতদ্বর্ষসহস্রস্ত শতং পঞ্চাশদুত্তরম” এইরূপ পাঠ দৃষ্ট হয়। ইহা হয় লিপিকরপ্রমাদ, না হয় শুক্র-প্রমাদ তাহাতে আর সন্দেহ নাই। যেস্থানে ভাষাগত এরূপ অপূর্ব মিল, সেখানে কি স্বতঃই মনে সন্দেহের উদ্ভব হয় না? তাহার পর এই উক্তির সহিত ঐ সকল পুরাণের ঠিক পরবর্তী উক্তির সামঞ্জস্য করা কঠিন। কারণ উক্ত উক্তির পরই বিষ্ণু পুরাণ লিখিতেছেন,—

* ষদৈব ভগবদ্বিষ্ণোরংশো যাতো দিবং দ্বিজ

বাসুদেবকুলোদ্ভূতস্তদৈব কলিরাগতঃ ॥

* যস্মিন কৃষ্ণো দিবং যাতস্তস্মিন্বেব তদাহনি

প্রতিপন্নং কলিযুগং তস্ত সংখ্যাং নিবোধ বে ॥

“হে দ্বিজ যখন বাসুদেব কুলোদ্ভূত ভগবান বিষ্ণু স্বর্গে গিয়াছেন, তখনই

* ভাগবত।

+ বিষ্ণু পুরাণ।

কলি আসিয়াছে । * * * যে দিন কৃষ্ণ স্বর্গে গিয়াছেন, সেই দিন সেই মুহূর্তে কলি আসিয়াছে, সেই কলির সংখ্যা আমার নিকট শ্রবণ কর ।” তথাচ শ্রীভাগবতে ;—

যস্মিন কৃষ্ণো দিবং বাতস্তস্মিন্বেব তদাহনি ।

প্রতিগমং কলিযুগমিতি প্রাহঃ পুরাবিদঃ ॥

“যে দিন কৃষ্ণ স্বর্গে গিয়াছেন সেই দিন সেই মুহূর্তেই কলি প্রবৃত্ত হইয়াছে এ কথা পুরাতত্ত্ববিদ পণ্ডিতগণ বলিয়া গিয়াছেন ।”

পাঠক দেখুন, এখন পূর্বপর এই দুই উক্তির সামঞ্জস্য করা কিরূপ কঠিন । কুরু-ক্ষেত্রের যুদ্ধে যখন অভিমুখ্য নিহত হইলেন, তখন পরীক্ষিত গর্ভস্থ । মাতৃগর্ভেই শ্রীকৃষ্ণ পরীক্ষিতকে রক্ষা করিয়াছিলেন । ইহা ভাগবত ও অন্যান্য পুরাণেরই উক্তি । সুতরাং যে ব্যক্তি ছাপরে গর্ভস্থ ছিলেন সেই ব্যক্তির পক্ষে কলির দ্বাদশ শতাব্দীতে বিদ্যমান থাকা কখনই সম্ভব হইতে পারে না । কলিতে মানবের পরমাণু একশত বিংশ বৎসরের অধিক নহে । অথচ পুরাণকার ইহা জানিয়া শুনিয়া এমন অশৌক্তিক কথা কেন বলিলেন ? ভাগবতের টীকাকার শ্রীধর স্বামী ইহার সামঞ্জস্য করিতে যাইয়া একটু গোলে পড়িয়াছেন । “তদা প্রবৃত্তস্তকলির্দ্বাদশাদশতাত্মকঃ” এই শ্লোকের “দ্বাদশাদশতাত্মকঃ” পদটি “কলি” শব্দের বিশেষণ । কলি কিরূপ ? উহা “দ্বাদশাদশতাত্মক ।—” অর্থাৎ দ্বাদশশতবর্ষব্যাপী । তবে কি কলির শেষ হইয়া গিয়াছে ? না ; দিব্য পরিমাণের দ্বাদশ শত বর্ষ উহার ব্যাপ্তিকাল । অর্থাৎ দেবতাদের বর্ষ হিসাবে উহার অক্ষ গণিত হইয়াছে । ভাল, তাহাই যদি হইবে, তবে পুরাণকার তাহা স্পষ্ট করিয়া লিখিয়া দিলেন না কেন ? পুরাণকার তাহা লিখিয়া দিয়াছেন । পরের শ্লোকেই লিখিত আছে;—

দিব্যানানাং সহস্রান্তে চতুর্থেতু পুনঃ কৃতম ।

ভবিষ্যতি তদানুগাং মন আশ্রপ্রকাশকম ॥

ইহার অর্থ, কলি প্রবৃত্ত হইবার পর দেবতাদিগের এক সহস্র বৎসরের পর চতুর্থ বৎসরে পুনরায় নরলোকে সত্যযুগের আবির্ভাব হইবে ।—ইহাতে পুরাণকার যে দিব্য বৎসরের কথা বলিতেছেন, তাহা বেশ বুঝা গেল । কিন্তু আবার নূতন গোল বাধিল । উপরে বলা হইল, কলি দ্বাদশ শত বর্ষ ব্যাপী, পরেই বলা হইল উহার প্রারম্ভ হইতে শেষ পর্য্যন্ত কালের এক সহস্র দিন

বর্ষ মাত্র ব্যাপ্তি! সেই ব্রহ্ম শ্রীধর স্বামী “কলি” “দ্বাদশাদ শতাব্দকঃ” এই শব্দের ব্যাখ্যায় লিখিয়াছেন—কলির সন্ধ্যা সন্ধ্যাংশ সমেত “বারশত বর্ষ কাল ব্যাপী কলি।” সন্ধ্যা ও সন্ধ্যাংশ কাহাকে বলে? এখানে জানা আবশ্যিক যে কলির কতকগুলি লক্ষণ আছে। বধা—

ধর্ম সন্মুচিতঃ স্তপো বিচলিতং সত্যঞ্চ দূরং পতং
ক্ষৌণী মন্দফলা নৃপাশ্চ কুটীলাঃ শাস্ত্রেতরা ব্রাহ্মণাঃ
লোকাঃ শ্রীবশগাঃ শ্রীয়োপি চপলাঃ পাপানুরক্তা জনাঃ।
সাধুঃ সীদতি দুর্জনেঃ প্রভবতি প্রায়ঃ প্রবৃন্তে কলৌ ॥

কিছু জন-সমাজে এই সকল লক্ষণ অকস্মাৎ এক দিনেই প্রকট হইয়া উঠে নাই। ছাপরের শেষ ভাগে ধর্ম্যধর্ম্যরত প্রলাপী চপল ও জ্ঞাননিষ্ঠ লোক ক্রমশঃই যুগধর্ম্যে কলির লক্ষণ প্রকাশ করিতে থাকে। তাহার পর এখন হইতে প্রায় পাঁচহাজার বার বৎসর পূর্বে মাঘী পূর্ণিমা শুক্রবারে যে দিন কলিযুগ আরম্ভ হয়,—সেই দিনই কলির সমস্ত লক্ষণ প্রকাশ পায় নাই। এই ছাপর ও কলি ধর্ম্যের মিশ্রণ কালকে কলির সন্ধ্যা সময় কহে। আবার সত্য ও কলির মিশ্রণ কালকে কলির সন্ধ্যা কহে। শ্রীধর স্বামী এই অসামঞ্জস্যের সামঞ্জস্যবিধানকল্পে লিখিয়াছেন, সন্ধ্যা ও সন্ধ্যাংশ সমেত কলির পরমায়ু দিব্যাদের বার শত বর্ষ আর খাঁটি কলির ব্যাপ্তিকাল দিব্যাদের এক হাজার তিন বৎসর। *

শ্রীধর স্বামীর এই ব্যাখ্যায় যাঁহারা সন্তুষ্ট, তাঁহারা অবশ্যই স্বীকার করিবেন যে, পরীক্ষিতের রাজত্ব-কালেই কলি প্রবৃত্ত হইয়াছিল। যাঁহারা ইহাতে সন্তুষ্ট না হইবেন,—তাঁহাদের এই কয়টি শ্লোক প্রক্ষিপ্ত, বিকৃত বা ব্যাসকূট বলা ভিন্ন উপায়ান্তর নাই। কারণ কলির দ্বাদশশততম বর্ষ প্রবৃত্ত হইলে পরীক্ষিত রাজা হইয়াছিলেন,—এইরূপ অর্থ যাঁহারা করিবেন,—তাঁহারা দেখিবেন যে, ঐ উক্তির সহিত বিষ্ণুপুরাণ ও ভাগবতের অধিকাংশ উক্তিরই বিষম বিরোধ ঘটিবেই ঘটিবে। বিষ্ণুপুরাণে ও ভাগবতের প্রথম স্কন্ধে ১৫শ অধ্যায়ে স্পষ্টই লিখিত আছে যে, কলিকে প্রবিষ্ট হইতে দেখিয়া যুধিষ্ঠির পৌত্র পরীক্ষিতের হস্তে রাজ্যভার গ্রহণ এবং ব্রাহ্মগণসহ মহা-প্রস্থান করিলেন। যে ভাগবতকার এক স্থলে এইরূপ লিখিয়াছেন,—অত্রস্থলে

* উল্লিখিত উক্তির আর একটি শাস্ত্রীয় সমাধান আছে। প্রবন্ধের কলেবরবুদ্ধিভয়ে আবশ্যিক হইলেও আমরা এ স্থলে সে কথার আলোচনা করিলাম না।

তিনি যে এরূপ অসম্বন্ধ প্রমাণ বকিবেন এরূপ অসুস্থান করা সঙ্গত নহে । সুতরাং এই শ্লোক কয়টি প্রক্ষিপ্ত বা বিকৃত বা ব্যাসকূট বলা ভিন্ন অন্য উপায় নাই ।

মনস্বী বঙ্কিমচন্দ্র চট্টোপাধ্যায় মহাশয় বিষ্ণুপুরাণ ও ভাগবতের উপযুক্ত কয়টি শ্লোকের উপর নির্ভর করিয়া যুধিষ্ঠিরের কাল নির্ণয়ে প্রবৃত্ত হইয়াছিলেন,—সেই জন্য ঐ কয়টি শ্লোক লইয়া এত কথা বলিবার প্রয়োজন হইল । তিনি “তদাপ্রবৃত্তশ্চকলির্দ্বাদশাব্দ শতাব্দকঃ” কথাটি কোনরূপে পরিহার করিয়াছেন । তিনি

বাবৎ পরীক্ষিতো জন্ম যাবন্নন্দাভিষেকনম ।

এতদ্বর্ষসহস্রস্ত জ্ঞেয়ং পঞ্চদশোত্তরং ॥

এই শ্লোকের উপর সম্পূর্ণ নির্ভর করিয়া সাব্যস্ত করিয়াছেন যে পরীক্ষিতের রাজত্বকাল হইতে মহাপদ্ম নন্দের অভিষেককাল পর্য্যন্ত এক সহস্র পঞ্চদশ বর্ষ মাত্র । মহাপদ্ম নন্দ ও তাহার পুত্রগণ শত বর্ষকাল মগধে রাজ্য করেন । তাহার পর চন্দ্রগুপ্ত । এই চন্দ্রগুপ্তের সময় আলেকজণ্ডার পঞ্চদশ আক্রমণ করিয়াছিলেন । মেগেস্থেনিস ইহারই রাজ-সভায় উপস্থিত ছিলেন । আলেকজণ্ডার ৩২৫ খৃঃ পূঃ অব্দে ভারত আক্রমণ করেন । চন্দ্রগুপ্ত খৃঃ পূঃ ৩১৫ অব্দে রাজ্যাভিষিক্ত হইলেন । এই চন্দ্রগুপ্ত ভারত-ইতিহাসের সময় নির্ণয়ে প্রধান অবলম্বন, * ইহা ম্যাক্সমুলার প্রমুখ পণ্ডিতগণের মত । সুতরাং $১০১৫ + ৪১৫ = ১৪৩০$ খৃঃ পূর্বাভে কুরুক্ষেত্রের যুদ্ধ হইয়াছিল ইহাই বঙ্কিম বাবুর সিদ্ধান্ত ।

এ সম্বন্ধে আমাদের নানা আপত্তি আছে । সকল আপত্তির আলোচনা এই ক্ষুদ্র প্রবন্ধে অসম্ভব । তবে আপাততঃ এই মাত্র বলা যাইতে পারে— বঙ্কিম বাবু যে শ্লোকটি উদ্ধৃত করিয়াছেন, তাহাতে নানা পাঠান্তর বিদ্যমান । বঙ্কিম বাবু ইহার মধ্যে এই পাঠটি বাছিয়া লইলেন কেন,? ইহার উত্তরে তিনি বলিয়াছেন “মগধ হইতে পূর্বাঘাটা দশম নক্ষত্র, অতএব যুধিষ্ঠির হইতে নন্দ $১০ \times ১০০ =$ সহস্র বৎসর অন্তর ।” কিন্তু ইহার পূর্বেই তিনি আবার বলিয়াছেন,—“যেমন ইংলণ্ড কখনও ভারতবর্ষে থাকিতে পারে না; তেমন মগধি মগধ মগধ নক্ষত্রে থাকিতে পারে না ।” যদি তাহাই হয়, তাহা হইলে তিনি ঐ ভ্রান্ত উক্তি দ্বারা আপনার গৃহীত পাঠ সমর্থনে প্রয়াস

* Sheet anchor of Indian chronology.

পাইয়াছেন কেন? আর যদিই তিনি ঋষিবাক্য মানিয়া লয়েন, তাহা হইলে কল্যাণের দ্বাদশ শতাব্দীতে সপ্তর্ষি-মণ্ডল যথা নক্ষত্রে অবস্থিত ছিল, এই উক্তিই বা অগ্রাহ্য করেন কেন? আমাদের ধারণা এই গণ্ডগোলযুক্ত শ্লোক করটি হইতে বন্ধিমবাবু যে সিদ্ধান্ত করিতে প্রয়াস পাইয়াছেন, তাহা নিষ্ফল হইয়াছে। আর এক কথা, ম্যাগাস্থেনিস যাহাকে স্ট্রাক্লোকোটাস বলিয়া ছেন, তিনি কে, সে সম্বন্ধে বিষম সন্দেহ উপস্থিত। শ্রীযুত নগেন্দ্রনাথ বসু প্রাচ্যবিজ্ঞানমহার্ণব মহাশয় সপ্রমাণ করিয়াছেন যে ম্যাগাস্থেনিস অশোকের রাজ সভায় উপস্থিত ছিলেন,—চন্দ্রগুপ্তের সভায় ছিলেন না। * যুগনির্ধারণে যাহা প্রধান অবলম্বন, তাহাই খণ্ডিত হইয়া গেল।

ইহার পর বন্ধিমবাবু গণিত জ্যোতিষের সাহায্যে কুরুক্ষেত্র যুদ্ধের কাল নির্ণয়ে প্রয়াস পাইয়াছেন। এ সম্বন্ধে ও নানা আপত্তি উপস্থিত হইতে পারে। উজ্জয়িনীর বিখ্যাত জ্যোতিষী দীননাথ শাস্ত্রানুসারে শ্রীকৃষ্ণের কোষ্ঠী বিচার করিয়া গণিত জ্যোতিষের সাহায্যে সপ্রমাণ করিয়াছেন যে, শ্রীকৃষ্ণ খ্রীঃ পূঃ ৩১৮৫ অব্দের ভাদ্র মাসে বুধবারে কৃষ্ণাষ্টমী তিথিতে যথা রাত্রিতে জন্মগ্রহণ করেন। কুরুক্ষেত্রের যুদ্ধের সময় তাঁহার বয়স ৮৪ বৎসর হইয়াছিল তিনি ঐ যুদ্ধে উপস্থিত ছিলেন। জ্যোতিষশাস্ত্রের সাহায্যে যদি কুরুক্ষেত্র যুদ্ধের কালনির্ণয় করিতে হয়, তাহা হইলে যাহারা ভারতীয় ও যুরোপীয় জ্যোতিষ শাস্ত্রে ব্যুৎপন্ন, তাঁহাদের দ্বারাই উহার মীমাংসা করা কর্তব্য। সেই জন্ত আমরা এ স্থলে সুপ্রসিদ্ধ জ্যোতিষী দীননাথের কথার উল্লেখ করিলাম।

মহাভারতের প্রণেতা স্বয়ং কৃষ্ণদ্বৈপায়ন বেদব্যাস। ইনি দ্বাপরে প্রাহু-ভূত হইয়াছিলেন,—ইহা সমস্ত পুরাণ ও উপপুরাণে স্পষ্ট ভাবেই লিখিত আছে। মহাভারতেই উক্ত আছে,—বিব্যাস বেদানু যস্মাৎ স তস্মাদ্ ব্যাস ইতি স্মৃতঃ” ইনি স্মৃতি ভেদে বেদ বিভাগ করিয়া উহার বিস্তৃতি সাধন করিয়াছেন,—সেই জন্ত ইহার নাম ব্যাস। প্রতি দ্বাপরেই ইনি বেদ বিভাগ করিয়া থাকেন; যথা বিষ্ণুপুরাণে পরাশর, মৈত্রেয়কে বলিতেছেন;—

“দ্বাপরে দ্বাপরে * বিষ্ণুব্যাসরূপী মহামুনে।

বেদমেকং স বহুধা কুরুতে অগতো হিতঃ ॥*

* আর্ধ্যাবর্ত, ১ম বর্ষ ১০ম সংখ্যা দেখুন।

* এখানে একটি কথা বলা আবশ্যিক। হিন্দুতে সত্য, জ্যেতা, দ্বাপর ও কলি

“বীর্ঘ্যং তেজো বলকামং মহাব্যাগামবেদ্য বৈ ।

হিতায় সর্বভূতানাং বেদভেদান কারোতি সঃ ॥

যস্মৈ স কুরুতে তস্মৈ বেদমেকং পৃথক প্রভুঃ ।

বেদ ব্যাসাতিথানা তু সা মূর্ত্তিমধুবিধিবঃ ॥” বিষ্ণুপুরাণ ৩।৩।৫—৭

যে মহায়ুগে,—ব্যাসরূপী বিষ্ণু প্রতি ঙ্গাপর যুগে জগতের হিতকল্পে এক বেদকে বহুধা বিভক্ত করিয়া থাকেন । মানব জাতির বীর্ঘ্য, তেজ এবং বল অল্প হইয়া আসিতেছে দেখিয়া সর্ব জীবের মঙ্গলের নিমিত্ত তিনি বেদ বিভাগ করেন । সেই প্রভু যে মূর্ত্তি পরিগ্রহ করিয়া বেদ ভাগ করেন, সেই মূর্ত্তির নাম বেদব্যাস ।

দেবী-ভাগবত গ্রন্থ যুরোপীয় দিগের মতেও অতি প্রাচীন । স্মৃত্তরাং যুরোপীয়দিগের দেশীয় শিষ্য সমাজে ইহার প্রাচীনত্ব অস্বীকৃত নহে । সেই দেবী-ভাগবত কি বলিতেছেন শুনুন ;—

“ঙ্গাপরে ঙ্গাপরে বিষ্ণুব্যাসরূপেণ সর্বদা ।

বেদমেকং স বহুধা কুরুতে হিত কাম্যয়া ॥

অন্মায়ুযোহন্ন বুদ্ধিঞ্চ বিপ্রান্ জ্ঞাত্বা কলাবধ ।

পুরাণ সংহিতাং পুণ্যাং কুরুতেহসৌ যুগে যুগে ॥

স্ত্রীশূদ্রবিজবন্ধুনাং নবেদ শ্রবণং মতম্ ।

তেষামেব হিতার্থায় পুরাণানি কৃতানি চ ॥”

স্মৃত্ত ঋষিগণকে সম্বোধন করিয়া বলিতেছেন,—“জগতের হিতার্থ বিষ্ণু স্বয়ং প্রতি ঙ্গাপরেই ব্যাসরূপে এক বেদকে বহুধা বিভক্ত করিয়া দেন । কলিকালের বিপ্রগণের আয়ু অল্প এবং বুদ্ধি হীন হইবে জানিয়াই ভগবান প্রতি ঙ্গাপর যুগে পুণ্য পুরাণ সংহিতা সকলের প্রণয়ন করেন । স্ত্রী, শূদ্র, এবং পতিত ব্রাহ্মণগণের বেদ শ্রবণে অধিকার নাই, সেইজন্ত তাহাদের হিতার্থই তিনি পুরাণ সকল প্রণীত করেন ।”

মহর্ষি কৃষ্ণ দ্বৈপায়ন বেদব্যাস বেদের বিভাগ ও মহাভারতের প্রণয়ন করিয়াছিলেন, পুরাণাদিতে তাহার যথেষ্ট প্রমাণ পাওয়া যায় । ইনি স্কন্দ, ভৈমিনী, পৈল, শুক এবং বৈশম্পায়নকে উহা অধ্যাপনা করান । বৈশম্পায়ন উহা জনমেজয়ের সভায় প্রথম প্রচারিত করেন । (আদি-

এই চারি যুগে এক মহায়ুগ হয় । বড়-বড়-সম্বিত সৎসরের ছায় যুগচতুষ্টয় সম্বিত মহায়ুগ পুনঃ পুনঃ আবর্ত্তন করিয়া থাকে । সেই জন্ত এক এক মহায়ুগে এক একটি ঙ্গাপর থাকে । এক সহস্র মহায়ুগে এক কল্প হয় । প্রতি মহায়ুগযুগান্তে ষড়্ ংসর ও প্রতি ঙ্গাপরেই এক জন করিয়া ব্যাসদেবের আবির্ভাব হয়, ইহাই পুরাতনী বার্ত্তা ।

পূর্ব ৬৩ অধ্যায়) এই কৃষ্ণ বৈশ্যায়ন বেদব্যাস ষাণ্মতের শেষ ভাগে এবং কলিযুগের প্রথমেই বর্তমান ছিলেন, তাহার ষাণ্মত প্রমাণ বিদ্যমান। ভারত যুদ্ধের পরই ইনি মহাভারত রচনা করিয়াছিলেন। আর ভাগবতে স্পষ্টই লিখিত আছে,—যে দিন শ্রীকৃষ্ণ স্বর্গে গিয়াছেন সেই দিনই কলি আরম্ভ হইয়াছে, পুরাতত্ত্ববিদগণ ইহাই বলিয়া গিয়াছেন (ইতি পাতঃ পুরাবিদঃ)। তবেই সপ্রমাণ হইল, যে সময় ভাগবতে ঐ কথা গুলি লিখিত হয় তাহার বহু পূর্ব হইতেই ঐ মত প্রচলিত ছিল। রাজতরঙ্গিনীকার কল্লণ মিশ্রও স্বীকার করিয়া গিয়াছেন যে, ষাণ্মতের কুরুক্ষেত্রের যুদ্ধ হইয়াছিল, ইহাই প্রাচীন মত। সম্ভবতঃ তদানীন্তন পুরাণ ইতিহাসাদিতে ঐ কথা উক্ত ছিল। তৃতীয়তঃ কলি আগত দেখিয়াই যুধিষ্ঠির মহা প্রস্থান করেন। ইহাতেই সপ্রমাণ হইতেছে যে, কুরুক্ষেত্রের যুদ্ধের পর হইতেই কল্যাদ গণিত হইতে আরম্ভ হইয়াছে। বোধাই বিশ্ববিদ্যালয়ের ফেলো শ্রীযুত বৈদ্য প্রতিপন্ন করিয়াছেন যে, খৃঃ পূঃ ৩০১ অব্দে কুরুক্ষেত্রের যুদ্ধ সংঘটিত হয়। উপনিষদ (ব্রহ্মতত্ত্ব) নামক পুস্তকে মনস্বী লেখক শ্রীযুত হীরেন্দ্রনাথ দত্ত “জ্যোতিষিক প্রমাণে” সিদ্ধান্ত করিয়াছেন যে, “কুরুক্ষেত্রের যুদ্ধ প্রায় ৫০০০ বৎসরের প্রাচীন ব্যাপার।”

এখন দেখা যাইতেছে যে, যুক্তি প্রমাণের উজ্জ্বল আলোকে মহাভারতের প্রাচীনত্বই অস্বত্ব হইতেছে। সুতরাং আমাদের বিশ্বাস যুল মহাভারত প্রায় পঞ্চ সহস্র বৎসরের প্রাচীন গ্রন্থ।

অতঃপর আমরা রামায়ণের রচনাকাল সম্বন্ধে কিঞ্চিৎ আলোচনা করিব।

শ্রীশশিভূষণ যুধোপাধ্যায়।

রাজা মটুক রায় ।

(১)

খৃষ্টীয় ষোড়শ শতাব্দীর প্রারম্ভে অর্থাৎ বাঙ্গালাদেশে মোগল সুবাদারীর যুগ আরম্ভ হইবার পূর্বেই আমরা মধ্য-বঙ্গে অনেকগুলি স্বাধীন হিন্দুরাজার অস্তিত্ব দেখিতে পাই। রাজা মটুক রায় সেই সময়ের অথবা তাহার কিছু পূর্বেই একজন স্বাধীন ব্রাহ্মণ হিন্দু নরপতি ছিলেন। এই সমস্ত প্রাচীন হিন্দু রাজার রাজধানীর ধ্বংসাবশেষ বাস্তবিকভাবে পরিদর্শন করিতে গিয়া একটু লক্ষ্য করিয়া দেখিলে অনায়াসে উপলব্ধি করিতে পারা যায় যে, এক সময়ে এই সকল তেজস্বী নরপতির গতিবিধির উপর প্রথমে দৃষ্টি রাখিবার জন্যই রাজধানীর সন্নিকটে পাঠান রাজ্য কর্তৃক মুসলমান-প্রধান গণগ্রামসকল স্থাপিত হইয়াছিল। সে সকল গ্রাম অद्याপি বিদ্যমান। পঞ্চদশ-শতাব্দীর মধ্যভাগে যেমন পাঠানদিগের অবনতি আরম্ভ হইল, অমনই প্রবল প্রতাপাশ্রিত হিন্দু জমীদারগণ স্বাধীনতা ঘোষণা করিয়া স্বতন্ত্র স্বতন্ত্র রাজ্য স্থাপন করিবার চেষ্টা করিতে লাগিলেন। তখন আর পাঠান রাজা, অথবা পার্শ্ববর্তী গ্রামবাসী মুসলমানগণ তাঁহাদিগকে আঁটিয়া উঠিতে পারিল না। মধ্যবঙ্গে হিন্দুরাজগণের রাজধানীর নিকটস্থ মুসলমানপ্রধান গ্রামগুলি কত পুরাতন, তাহার প্রকৃত বিবরণ পাওয়া দুষ্কর। প্রচলিত জনশ্রুতি অনুসারে কোন কোন বৃদ্ধ মুসলমান বলিয়া থাকেন, এই সকল গ্রাম গাজী সাহেবের স্থাপিত। বর্তমান প্রবন্ধে আমরা সেই গাজী সাহেবের কথাও আলোচনা করিব। গত বৎসর আমরা মটুক রাজার পুরাতন রাজধানী বর্তমান লাউজিনি গ্রামে উক্ত রাজার প্রাচীন কীর্তি দেখিতে গিয়াছিলাম। এখন আর তথায় প্রাসাদাদি কিছুই নাই; আছে কেবল কতকগুলি মজা দীঘী, গাজীর দরগা, রাজার কালীবাড়ী এবং কচিং 'কোথাও বিক্ষিপ্ত প্রাচীন ইষ্টকখণ্ডের ভগ্নাংশ। তাহারাই সেই প্রবল পরাক্রান্ত হিন্দু রাজার অস্তিত্বের পরিচয় দিতেছে। রাজবাটীর ইষ্টকখণ্ডগুলি খুঁটি নাটি করিয়া দেখিলে, যিনি সুন্দরবন সর্বাগ্রে জনাবাসে পরিণত করিতে সচেষ্ট হইলেন, সেই ধাঁড়ানের সাত গম্বুজ মসজিদের ইষ্টকের আয় "five to six inches square and not quite two inches in thickness" বলিয়াই ঘোষণা করিয়াছেন।

যশোহর জিলার অন্তর্গত বিকারগাছার সন্নিকটে লাউজিনি গ্রাম অবস্থিত। এই লাউজিনি গ্রামেই মটুক রাজার বাটী ছিল। লাউজিনি গ্রামের পশ্চিমে কপোতাক্ষ নদ, পূর্বে ও উত্তরে গাজীর রাস্তা এবং দক্ষিণে হরিহর (হড়্‌হড়ে) নদী, কড়ি জাঙ্গাল, মেঘলা গ্রাম ও একটি বিল। হরিহর নদীর কথা গ্রামবাসীরা বিশ্বস্ত হইয়াছে। একদিন এই হরিহর নদী স্রোতধ্বিনী ইচ্ছামতী নদীর স্রায় কপোতাক্ষ হইতে বহির্গত হইয়া বিকারগাছার দক্ষিণে, মিয়া ও ধরিয়ান—বিলের পশ্চিমে কেশবপুরের মধ্য দিয়া ভদ্রা নদীতে মিলিত হইয়া প্রবল বেগে যাইয়া রূপশাতে অঙ্গ ঢালিয়া দিত। এইরূপ কিম্বদন্তী আছে যে, হরিহর (হড়্‌হড়ে) নদীর বাঁধ বাঁধিয়া মটুক রাজার রাজধানী ব্রাহ্মণানগরে—বর্তমান লাউজিনি গ্রামে প্রবেশ করিবার জন্য গাজী সাহেবকে 'কড়ি জাঙ্গাল' প্রস্তুত করিতে হইয়াছিল। গাজী সাহেবের আদেশ অনুসারে যে সকল মজুর এই নদীর বাঁধ বাঁধিতে আসিত তাহারা তৎকাল-প্রচলিত নিয়মে পারিশ্রমিক বাবদ কড়ি পাইত বলিয়াই এই কালু ও গাজী সাহেব কৃত বাঁধের নাম 'কড়ি জাঙ্গাল' হইয়াছিল। এখনও এ প্রদেশে 'জাঙ্গাল' শব্দ ব্যবহৃত হইয়া থাকে। সার্ভে মানচিত্রে দেখিলে মটুক রাজার রাজধানী যে অতীত কালে কপোতাক্ষ নদ, হরিহর নদী, কয়েকটি বিল ও ভৈরব নদীর শাখা প্রশাখার দ্বারা চতুর্দিকে ঘেরা গড় দিয়া বেষ্টিত ছিল এবং রাজধানীর উপযুক্ত স্থানই ছিল—সে বিষয়ে আর সন্দেহ থাকে না। বর্তমানে মধ্যবঙ্গ রেল পথ ও যশোহর জিলা বোর্ডের রাস্তা কপোতাক্ষ নদের পশ্চিমে যেখানে এই মটুক রাজার প্রাসাদ ছিল, সেই স্থান দিয়াই পরম্পরের উপর দিয়া পূর্ব পশ্চিমে চলিয়া গিয়াছে। এই দুইটি রাস্তার সন্ধিস্থলের উত্তর দিকে রাজবাটীর এক আধটুকরা ইষ্টক পাওয়া যায়। লাউজিনি হাটের পূর্ব দিকে রাজার কালীবাড়ী ও একটি পুষ্করিণী অষ্টাঙ্গি বিদ্যমান আছে। পূর্বে যেখানে রাজার কালীবাড়ী ছিল তাহার সামান্য উত্তরে বর্তমান কালীবাড়ী প্রতিষ্ঠিত হইয়াছে।

লাউজিনি গ্রাম গবর্ণমেন্টের খাস মহল। এখানে গবর্ণমেন্টের আর কোন খাস মহল নাই, কেবল এই সামান্য গ্রামটুকু গবর্ণমেন্ট খাসে রাখিয়াছেন। এক্ষণে কালীমন্দিরের সেবাইৎ একজন পশ্চিম দেশীয় ব্রাহ্মণ—সন্ন্যাসী। তিনি প্রায় ৪০ বৎসর এই সেবা কার্য্য চালাইতেছেন, প্রচলিত কিম্বদন্তীর বিষয় প্রায় কিছুই তিনি অবগত নহেন। সন্ন্যাসী বলেন, তিনি ব্রাহ্মদিষ্ট

হইয়াই এই স্থানে আসিয়াছিলেন । গবর্মেণ্টের খাস মহলের মধ্যে আবার দেবীর সেবার জন্য কয়েক বিঘা দেবতার ছাড়িয়া দেওয়া আছে, তদ্বারা দেবীর সেবা চলিয়া থাকে । কালী মূর্তি পূর্বে মৃত্তিকা-নির্মিত ধরে স্থাপিত ছিল, বর্তমানে ঝিকারগাছার স্টেশন মাষ্টার অট্টালিকা নির্মিত করাইয়া দিয়াছেন । ভক্ত মটুক রাজার “কালী মাতা” শত শত বর্ষের ঝঞ্জাবাত মস্তকে করিয়াও তাঁহার প্রিয় ভক্তের স্মৃতি রক্ষা করিয়া আসিতেছেন ।

বশোহর জিলা বোর্ডের রাস্তার উত্তরে লাউজিনি হাটের নিকটে যেখানে অনুসন্ধান করিলে কখনও কখনও এক আধখানা মৃত্তিকাময় ইষ্টকথণ দৃষ্টিগোচর হয়, সেই স্থানে যদি রাজবাটীর অন্দর ছিল বলিয়া ধরা যায়, তাহা হইলে পূর্ব দিকে কালীবাড়ী ও উত্তর দক্ষিণে—লক্ষ্মী অন্দরের খিড়কীর দীঘী ছিল বলিয়া বোধ হয় । রেল পথের দক্ষিণে মেঘলা গ্রামের মধ্যে যে সমস্ত বড় বড় মজা দীঘী দেখিতে পাওয়া যায়, সেগুলিকে রাজবাটীর দক্ষিণ দিকে সদরের দীঘী বলিয়া বোধ হয় । রেল পথের দক্ষিণ দিকে গাজী সাহেবের দরগা, এখানে কয়েকটি ফকির সেবাইৎ আছেন । দরগার সেবা নিৰ্বাহের জন্য মেঘলা গ্রামে কিছু পিরস্তর ঘানের জমী দেওয়া আছে । গাজী সাহেবের দরগার পার্শ্বেই মটুক রাজার ‘জীবৎ কুণ্ড’ দৃষ্ট হয় । কুণ্ডের নিকট যে সিমুলগাছের কথা প্রবাদে শুনিতে পাওয়া যায়, তাহার স্থানে একটি বিষ বৃক্ষ জন্মাইয়াছে । ফকিরগণ বলেন, এই কুণ্ডের জলেই রাজার আহত সৈনিকগণ পুনর্জীবন লাভ করিত । আর গাজী সাহেব এই জীবৎ কুণ্ডের জল অপবিত্র করিয়াই মটুক রাজার সর্বনাশ করিয়াছিলেন । পৌষ মাসের শেষে এখানে ফকিরগণের চেষ্টায় একটা ক্ষুদ্র মেলা বলিয়া থাকে । গাজী সাহেবের দরগার পার্শ্বে ৮।১০টি পুষ্করিণী দেখিতে পাওয়া যায় । ইহার মধ্যে কতকগুলি মটুক রাজার ও কতকগুলি গাজী সাহেবের খনিত বলিয়া কথিত হইয়া থাকে । কড়ি জাঙ্গালের পার্শ্বেই বোড়া পুকুর দেখা যায় । প্রবাদ—গাজী সাহেব মটুক রাজার পুত্র ঠাকুর দাস ও কস্তা চম্পাবতীকে (স্ত্রীভ্রাতা) মুসলমান ধর্মে দীক্ষিত করিয়া তাহার স্মৃতি রক্ষার্থ এই বোড়া পুকুর খনন করিয়াছিলেন । মটুক রাজার প্রাসাদের উত্তরে খিলাইদহ মহাকুমার দক্ষিণ গয়েশপুর গ্রামে এক প্রকাণ্ড দীঘী দেখিতে পাওয়া যায় । ইহা দৈর্ঘ্যে প্রায় এক পোয়া এবং প্রস্থে অর্ধ পোয়া । এই দীঘীকে স্থানীয় লোক মটুক রাজার দীঘি বলে, কেহ কেহ ঢোল সবুজও

কহিয়া থাকে । ইহাও মটুক রাজার একটি স্বর্ণীর্ণ কীর্তি । এরূপ প্রকাণ্ড বাঁওড় সদৃশ পুষ্করিণী এ অঞ্চলে আর কুত্রাপি দৃষ্টিগোচর হয় না ।

যদি মটুক রাজার রাজপ্রাসাদ দক্ষিণদ্বারী ধরা যায়, আর পাকা রাস্তার উত্তর দিকটা অন্দর মনে করা যায়, তাহা হইলে পূর্ব দিকে খিড়কীর দৌধী ও ঠাকুরবাড়ী পড়ে । আর রেল পথের দক্ষিণ দিক সদর ধরিলে সম্মুখে প্রকাণ্ড বিস্তৃত ময়দান পাওয়া যায় এবং সেই ময়দানের মধ্যে অনেকগুলি সরোবর পাওয়া যায় । রাজবাটীর আরও একটু দক্ষিণ-পশ্চিমে সরিয়া আসিলে আমরা কড়ি-জাঙ্গাল দেখিতে পাই । কড়ি-জাঙ্গাল হরিহর নদীর বাঁধ ব্যতীত আর কিছুই নহে । মটুক রাজার পক্ষে এই বাঁধ বাঁধাইবার কোন প্রয়োজন দেখা যায় না । বরং বাঁধ থাকিলে শত্রুর আক্রমণ হইতে পুরী রক্ষা করিবার জন্য তাঁহার পক্ষে বাঁধ ভুড়িয়া দিয়া নিঃশঙ্ক হইয়া গড়ের মধ্যে বাস করাই বাঞ্ছনীয় ছিল । কড়ি-জাঙ্গাল যাহার দ্বারাই গঠিত হউক—উহা স্বাভাবিক বাঁধ নহে, পরন্তু নবহস্তরচিত ।

মটুক রাজার অরাতি যদি সুন্দরবন হইতে আসিয়া থাকেন, তাহা হইলে তাঁহাকে বাধ্য হইয়া হরিহর নদী পার হইবার উপায় করিতে হইয়াছিল । হরিহর নদী পার না হইতে পারিলে তিনি কখনও মটুক রাজার সেই সেকালের ব্রাহ্মণাগর বা বর্তমানের লাউজিনি গ্রামে প্রবেশ করিতে পারিতেন না । হরিহর নদী তখন সংকীর্ণ ছিল না ; কায়েই উহাকে মাটির বাঁধে বাঁধা ছই এক দিনের কর্ম ছিল না । বহু সংখ্যক সৈন্য লইয়া কোন আক্রমণ কার্যে প্রবৃত্ত হইতে হইলে দুর্গম পথ অতিক্রমের সময় কিছু দিনের জন্য অবস্থিতিরও প্রয়োজন স্মরণঃ হরিহর নদী বাঁধার পরই শত্রুপক্ষীয় রাজধানার আমূল বৃত্তান্ত অবগত হইয়া তবে মুসলমানদিগকে রাজ্য আক্রমণ করিতে হইয়াছিল । তখন ত আর সৈন্য শিবির স্থাপন করিবার জন্য এখনকার মত ব্যবস্থা ছিল না । সৈন্যদিগের আশ্রয়ের জন্য শত্রু-হস্ত হইতে তাহাদিগকে রক্ষা করিবার জন্য গাজী সাহেবকে অবশ্য ছোট খাট গড়-খাই ইত্যাদিও করিতে হইয়াছিল । সেই গড়খাইয়ের জন্যই হউক, আর কড়ি-জাঙ্গালের জন্যই হউক, মটুক রাজার প্রাসাদের দক্ষিণ দিকে কড়ি-জাঙ্গালের সন্নিকটে মটুক রাজা বা গোরা গাজীর নামে কতকগুলি খন্দক অথবা পুষ্করিণী সৃষ্টি হইয়া থাকিবে ।

একণে মটুক রাজা সম্বন্ধে প্রচলিত কিম্বদন্তীর মধ্যে যতটুকু সত্য নিহিত

আছে তাহাই দেখা যাউক । ঐতিহাসিক ঘটনার সহিত এই সকল জন-
শক্তির কোনরূপ ঐক্যতা আছে কি না দেখাইতে পারিলেই আমরা সত্য
সিদ্ধান্তে উপনীত হইতে পারিব । রাজা মটুক রায় ও গাজী সাহেব সম্বন্ধে
হিন্দু-মুসলমানদিগের মধ্যে নানারূপ কিম্বদন্তী এ প্রদেশে প্রচলিত আছে ।
সে সমস্ত কিম্বদন্তীর প্রধান প্রধান বিষয়গুলিতে সামঞ্জস্য আছে, তবে
মুসলমানগণ হিন্দু রাজার নিন্দা ও হিন্দুগণ গাজী সাহেবের নিন্দা করিয়া-
ছেন । মুসলমানদিগের মধ্যে বহু প্রাচীন কাল হইতে গাজী সাহেবের
কাহিনী-সম্বলিত পুঁথি প্রচলিত আছে । আমরা সেই পুঁথি একখানি
সংগ্রহ করিয়াছি । বর্ত্তমানে ইহা মুদ্রাযন্ত্রের রূপায় মুসলমানী ধরণে উন্টা
রূপে মুদ্রিত ও পঠিত হইয়া মুসলমানদিগের ঘরে ঘরে বিরাজ করিতেছে ।
আমরা আমাদের প্রাচীন পুঁথিখানি মূল ধরিয়া সমস্ত বিষয় আলোচনা
করিত । পুঁথি ভিন্ন যখন আমাদের কাছে কিম্বদন্তীর কথা আলোচনা করিতে
হইবে, তখন যে প্রবাদের সহিত হিন্দু-মুসলমান উভয় সম্প্রদায়ে চলিত
কিম্বদন্তীর সামঞ্জস্য আছে, আমরা তাহাই গ্রহণ করিব ।

মুসলমানী কেতাবের নাম “কালুগাজী ও চম্পাবতী” । সাধারণতঃ
এই কেতাবকে মুসলমানগণ “গাজীর কেছা” বলিয়াই অভিহিত করিয়া
থাকেন । হিন্দুদিগের মধ্যে যেমন ‘বেহলার ভাসান’ গীত হইয়া থাকে,
সত্যনারায়ণের ব্রতপাঠ হইয়া থাকে, রামায়ণ-মহাভারত পঠিত হয়, পূর্ব-
বঙ্গের মুসলমানগণ সেইরূপ গাজীর কেছায় যাত্রা গাহিয়া বেড়ান ও গাজীর
কেছা ঘরে ঘরে পাঠ করিয়া থাকেন । গাজীর কেছা পাঠ করিবার সময়
পাঠকের চতুর্পার্শ্বে বহু শ্রোতার সমাগম হইয়া থাকে । এই গ্রন্থখানি
অত্যন্ত অতিরঞ্জিত এবং স্থানে স্থানে অত্যন্ত অশ্লীল । সম্ভবতঃ পুঁথি হইতে
নুতন করিয়া গ্রন্থ ছাপাইবার সময় এই সকল অশ্লীল অংশ প্রক্ষিপ্ত হইয়া
থাকিবে । এক্ষণে যতদূর সম্ভব সংক্ষেপে দেখা যাউক, মুসলমান পুস্তক
মটুক রাজার সম্বন্ধে কি বলিতেছে । কয়েকটি বিষয় ভালরূপ বুঝাইবার জন্য
স্থানে স্থানে পুস্তকের বাধা গৎ উদ্ধৃত করিতে হইবে । পুস্তকের আখ্যা-
রিকা সম্যকরূপ উল্লেখ না করিলে মটুক রাজা সম্বন্ধে নিরপেক্ষ সমালোচনা
হইতে পারে না । মুসলমান গ্রন্থের উদ্ধৃত অংশের বাগান বা ভাষার
কোন পরিবর্তন করিলাম না ।

শ্রীজগৎ প্রসন্ন রায় ।

সমালোচনা।

—:~:—

যুথিকা।*

গত বৎসর একজন মহিলার গল্পসংগ্রহের সমালোচনায় আমরা বলিয়াছিলাম—বাক্য সাহিত্যে ছোট গল্প অল্পদিন প্রচলিত হইয়াছে। সুখের বিষয়, ইহাতে আমাদের লেখক-লেখিকাগণ অসাধারণ সাফল্য লাভ করিয়াছেন। আলোচ্য গ্রন্থখানিও তাহার প্রকৃষ্ট প্রমাণ। আমরা এই গ্রন্থখানি পাঠ করিয়া পরম প্রীত হইয়াছি।

গ্রন্থখানিতে আটটি গল্প আছে। গল্পগুলির বিশেষত্ব এই যে—এগুলিতে যে একটা অবাধ প্রবাহ আছে, তাহা সচরাচর গল্পে দৃষ্ট হয় না; ইংরাজীতে যাহাকে freshness কহে, সেই সজীব নূতনত্বে গল্পগুলি সুন্দর। আমাদের দেশে মহিলারচিত উপন্যাসে ও গল্পে সাধারণতঃ যে অকারণ সঙ্কোচ ও অনাবশ্যক সংযম সাহিত্য-শিল্পকে সম্পূর্ণ ও সর্বদক্ষম হইতে দেয় না, বর্তমান গ্রন্থে সে সঙ্কোচ ও সংযম বহুল পরিমাণে পরিত্যক্ত হইয়াছে। ইহা গ্রন্থ-লেখিকার পক্ষে বিশেষ প্রশংসার কথা।

এই নিঃসঙ্কোচ সরলতা লেখিকার স্বাভাবিক বর্ণনা-নিপুণতার বিকাশে সহায়তা করিয়াছে। বর্ণনাগুলি বিশেষত্বব্যঞ্জক। আমরা তিনটি দৃষ্টান্ত দিলাম—

“দুপুরবেলা নিধিরাম মণ্ডল উঠানে বসিয়া বাঁধারি টাচিতেছিল, প্রথর রৌদ্রে তাহার বর্ম্মাক্ত কলেবর বার্ণিশ করা আবলুশ কাঠের মত জ্বলিতেছিল ও তাহার কপাল বাহিয়া ঘাম টস্ টস্ করিয়া মাটিতে ঝরিয়া পড়িতেছিল।” (৫৮ পৃষ্ঠা)

“সন্ধ্যাবেলা দরজা খুলিয়া দিয়া আমি তখন বসিয়া ছিলাম, টাদের আলো আসিয়া আমার মুখে চোখে পড়িতেছিল, ধূনো তুলোর চাপের মত সাদা মেঘ নীল আকাশে ভাসিয়া ফিরিতেছিল, বারান্দার সামনে গাছের ছায়া কাঁপিতেছিল, এক রাশ হাস্‌নেহানার ফুল জানালার কাছে ঝুটিয়া ঘরখানা গন্ধময় করিয়া তুলিতেছিল, বাহিরে টাপাগাছের ডালে কোথায় একটা দোয়েল অনবরত শীষ দিতেছিল, হঠাৎ ছুখানা কুহুম-পেলব বাছ আমার কণ্ঠালিঙ্গন করিয়া মধুর হাঙ্গে বলিল, ‘দিদি আমি এসেছি’।” (২২৫ পৃষ্ঠা)

“আকাশে টাদের উপর হইতে মেঘ সরিয়া গেল, গালানো রূপার মত জ্যোৎস্না ঘর ছায়ার সব ভরিয়া দিল।” (২২৬ পৃষ্ঠা)

উদ্ধৃত অংশত্রয় হইতে লেখিকার গুণ ও দোষ সুস্পষ্ট দেখা যাইবে। গুণ বর্ণনার বাস্তবত্ব ও সরসত্ব; দোষ ভাবার প্রাদেশিকত্ব, সঙ্করত্ব এবং বিরাটসিহ সংস্থাপনে কোন নির্দিষ্ট নিয়মের অভাব।

* যুথিকা—শ্রীআনোদিনী ঘোষ প্রণীত; ঢাকা সুত্রাপুর হইতে শ্রীরাখালদাস ঘোষ এম. এ. কর্তৃক প্রকাশিত। মূল্য ১/- টাকা।

সকল দেশেই প্রদেশ-ভেদে ভাষার রূপভেদ হয়। যে ভাষা সকল প্রদেশে সহজ-বোধ্য নহে, তাহাতে পাঠক-সাধারণের কার্যনির্বাহ হয় না, পরন্তু তাহা সঙ্গীর্ণ স্থানেই ব্যবহৃত হয়, সমাদৃতও হইতে পারে। টেকটাদের খাস কলিকাতার ‘ককুনি’ ভাষা চট্টগ্রামে সহজে সমাদৃত হইতে পারে না; কিন্তু বক্ষিমচন্দ্রের ও নবীনচন্দ্রের ভাষা “বকে বধা তথা” সমাদৃত। আশা করি, লেখিকার বর্তমান রচনায় যে অল্পসংখ্যক প্রাদেশিক শব্দ ব্যবহৃত হইয়াছে, তাহার পরবর্তী রচনায় সে সকল বর্জিত হইবে। লেখিকা যেরূপে গভীর ও সংস্কৃত শব্দের সহিত চলিত কথোপকথনে ব্যবহৃত শব্দের ব্যবহার করিয়াছেন—তাহাতে তাহার রচনারীতির সৌন্দর্য্যহানি হইয়াছে। ছোট ছোট খাঁটি বাঙ্গালা শব্দে ভাবপ্রকাশ ও সৌন্দর্য্যসৃষ্টি বিশেষ দক্ষতার পরিচায়ক। যিনি তাহা পারেন—তিনি বরণ্য, কিন্তু সকলের সে ক্ষমতা নাই। ইংরাজীতে nervous Anglo-Saxon English ষ্টিভেন্সনের অসাধারণ সমাধার কারণ, খাঁটি বাঙ্গালার ভাব-প্রকাশ-সাকল্যে ইন্দ্রনাথ ও অক্ষয়চন্দ্র যশ অর্জন করিয়াছেন; কিন্তু ইংরাজী সাহিত্যে ষ্টিভেন্সন ও বাঙ্গালা সাহিত্যে ইন্দ্রনাথ ও অক্ষয়চন্দ্র অধিক নাই। খাঁটি বাঙ্গালা শব্দ ব্যবহার প্রশংসনীয়; সুসংস্কৃত শব্দের প্রয়োগও বাঞ্ছনীয়; কিন্তু উভয়ের মিশ্রণে অসাধারণ সতর্কতার ও নিপুণতার প্রয়োজন; সেই সতর্কতার ও নিপুণতার অভাব হইলেই রচনার সৌন্দর্য্য নষ্ট হয়।

লেখিকা বলিয়াছেন, ইহার মধ্যে কয়টি গল্প এত বৃহদায়তন হইয়া পড়িয়াছে যে, তাহাদিগকে ছোট গল্প বলা যায় না। মাসিক পত্রের সম্পাদকের নিকট ৮।১০ পৃষ্ঠার সমাগু গল্পের অধিক আদর হইলেও ছোট গল্পের ছোটগল্প কেবল আয়তনের উপর নির্ভর করে না। দৃষ্টান্তরূপে জর্জ এলিয়টের ছোট গল্প তিনটির—বিশেষতঃ Janet’s Repentance এর, শ্রীমতী টীলের Feroza র ও বলকাকের বহু গল্পের উল্লেখ করা যাইতে পারে। উপস্থাসে ও ছোট গল্পে প্রভেদ আয়তনে নহে—প্রকৃতিতে।

আলোচ্য পুস্তকে সব গল্পগুলিতেই ছোট গল্পের বিশেষত্ব সপ্রকাশ এবং সবগুলিই চিত্তাকর্ষক।

সংগ্ৰহ।

—: * :—

সাহিত্য।

—: . :—

খ্যাকাৰে।

...: 0 :—

শত বৎসৰ পূৰ্বে—১৮১১ খ্ৰীষ্টাব্দে ১৮ই জুলাই তাৰিখে কলিকাতায় খ্যাকাৰেৰ জন্ম হয়। তিনি ইংৰাজী সাহিত্যে বহু উপন্যাস রচনা কৰিয়া যে প্ৰসিদ্ধি লাভ কৰিয়াছিলে, তাহা স্মলভ নহে। সমগ্ৰ সভ্য জগতে তাঁহাৰ শতবাৰ্ষিক উপলক্ষে তদীয় রচনাৰ ও ঐতিহাৰ আলোচনা ও সমালোচনা হইয়াছে। আমৰা নিজে একটা প্ৰবন্ধেৰ সাৰসংগ্ৰহ কৰিয়া দিলাম। ইংৰাজী সাহিত্যে খ্যাকাৰেৰ স্থান অতি উচ্চে। বহু সমালোচকেৰ মতে ইংৰাজী সাহিত্যে তাঁহাৰ 'এসমণ্ড' ঐতিহাসিক উপন্যাসেৰ আদৰ্শ।

ঐতিহাসিক উপন্যাস রচনা সহজ নহে। কল্পনাৰ কুসূমে ইতিহাসেৰ শুষ্ক শৰীৰ ঐতিহাসিক উপন্যাস। শোভিত কৰিয়া তাহাতে সাধাৰণ পাঠকেৰ কোতূহল উদ্দীপ্ত কৰা সকলেৰ পক্ষে সুসাধ্য নহে। আবার যে সময়েৰ ঘটনা লইয়া উপন্যাস রচিত সেই সময়েৰ ভাবে অনুপ্ৰাণিত হইয়া গ্ৰন্থ রচনা কৰা আৰও দুঃসাধ্য। খ্যাকাৰে সেই দুঃসাধ্য সাধনে সকলপ্ৰযত্ন হইয়াছিলে। যদিও লেলিপ্রমুখ এক সম্প্ৰদায়স্থ সমালোচক ইহাকেও অনিন্দ্যসুন্দৰ ঐতিহাসিক উপন্যাস বলিতে সন্মত নহেন, তথাপি এ কথা সকলেই স্বীকাৰ কৰিয়াছেন যে, এ ক্ষেত্ৰে খ্যাকাৰেৰ প্ৰতিদ্বন্দী নাই।

পৰিহাস-রসিক হিসাবেও খ্যাকাৰে আসাধাৰণ কৃতিত্ব দেখাইয়া গিয়াছেন। বাস্তবিক পৰিহাস-রসিক। এই পৰিহাস-রসিকতাই তাঁহাৰ রচনায় নূতন রসেৰ সঞ্চাৰ কৰিয়াছে। ইহাৰই গুণে ডিকেলেৰ মত খ্যাকাৰে স্বটেৰ পৰ ইংৰাজ পাঠক-সম্প্ৰদায়কে মুগ্ধ কৰিতে পাৰিয়াছিলে। তিনি পৰিহাস-প্ৰবাহে সমাজেৰ আবৰ্জনা দূৰ কৰিতে প্ৰয়াস পাইয়াছিলে। সমাজেৰ অনাচাৰেৰ প্ৰতি সাধাৰণেৰ দৃষ্টি আকৃষ্ট কৰিতে তিনি সচেষ্ট ছিলে। আজ কাল মেয়ী কৰেলি-প্ৰমুখ এক দল লেখক যে ভাবে সমাজেৰ দোষ প্ৰদৰ্শিত কৰেন, খ্যাকাৰে সেভাবে কাৰ্য্য কৰিতে ন। তিনি বিজ্ঞপেৰ তুলিকাৰ সমাজেৰ চিত্ৰ অঙ্কিত কৰিয়া দিভেন, তাহাতে সমাজেৰ বিকৃত অংশ এৰন সমুচ্ছল ও স্পষ্ট ভাবে—কখন বা এৰন একটু অতিৰঞ্জিত ভাবে দেখাইয়া দিভেন যে, তাহাৰ প্ৰতি প্ৰথমেই দৰ্শকেৰ দৃষ্টি পড়িত।

আজ কাল—এই কর্ণবহল—উত্তেজনাথির পাঠক-সমাজে খ্যাকারের আদর যে
নারী-চরিত্র । একটু কমিয়াছে, তাহা অস্বীকার করিবার উপায় নাই । যদিও

স্বধীসমাজে—সমাজদারদলে তাঁহার আদর কমে নাই, তথাপি
সাধারণ পাঠক-সমাজে তাঁহার অপেক্ষাকৃত অনাদরের কারণ সম্বন্ধে যাইয়া কেহ
কেহ বলেন, তাঁহার নারীচরিত্রে পাপের প্রপাচতাই এই অনাদরের কারণ । সত্য বটে
খ্যাকারে স্বয়ং স্বীকার করিয়াছেন—তিনি দেখিয়াছেন, অধিকাংশ রমণীর চরিত্রে দৃঢ়তা নাই,
অনেকে চরিত্রহীনা । কিন্তু সে সামাজিক অবস্থা বিবেচনায় । তিনি স্বয়ং বলিয়াছেন,—
নিম্নলিখিত নারী-হৃদয়ের ভালবাসার তুলনায় আর সকল সম্পদ “ধরার ধুলার চেয়ে হীন ।”
উচ্চাকাঙ্ক্ষার পরিতৃপ্তি, ধন, মান, আনন্দ—এই সকল লাভ করিবার জন্য মানুষ প্রাণান্ত
চেষ্টা করে সত্য, কিন্তু পুত ভালবাসার তুলনায় এ সকল একান্তই তুচ্ছ । যিনি এই মত
লিপিবদ্ধ করিয়াছেন, তাঁহাকে কেমন করিয়া নারীচরিত্রানভিজ্ঞ বলিব ?

কেহ কেহ আবার তাঁহার রচনারীতির নিন্দা করিয়া থাকেন । তাঁহার ওয়াল্টার
রচনারীতি । প্রেটারের ও ষ্টিভেন্সনের রচনারীতিকেই আদর্শ বিবেচনা করেন ।

কিন্তু স্বয়ং ষ্টিভেন্সনই বলিয়াছেন তিনজন লেখক শ্রষ্টার তুলি-
কার চিত্র চিত্রিত করিয়াছিলেন—বালুজাক, স্কট ও খ্যাকারে । আর সকলেই হয় চিত্রের
বর্ণ কঁকা করিয়া ফেলেন, বা চিত্র অসম্পূর্ণ রাখেন বা একান্ত উত্তেজিত ভাবে চিত্র চিত্রিত
করেন । বাস্তবিক খ্যাকারের রচনারীতিতে যে অনায়াস-সরল সরলতা ও শক্তি সপ্রকাশ,
তাহা অন্তর্ভুক্ত । এমন কি, ষ্টিভেন্সনের রচনারীতিও যেন বিশেষ চেষ্টায় সম্পূর্ণ করা
হইয়াছে ।

আবার কেহ কেহ এমন কথাও বলেন যে, খ্যাকারে নরস্বণক ছিলেন । তাঁহার পরি-
নরস্বণক । হাসপ্রিয়তা, তাঁহার শাপিত বিক্রম, তাঁহার সমাজচিত্র এই সকলের
জন্য সাধারণ লোক মনে করে, তিনি নরস্বণক ছিলেন । কিন্তু সে
কথার ভিত্তি নাই । যঁহার রচনায় করুণরস উছলিয়া উঠে, যিনি পাঠকের নয়ন অশ্রুসজল
করিতে পারেন, তাঁহার বিরুদ্ধে এ অভিযোগ আনা অসঙ্গত । একবার কোন প্রদর্শনীতে
গিড়মাতৃহীন বালকবালিকাদিগকে দেখিয়া খ্যাকারে সাগ্রহে তাহাদিগকে কিছু কিছু
অর্থ দিয়াছিলেন । কোন বন্ধুর মৃত্যু হইলে তিনি তাঁহার পুত্রের শিক্ষার ব্যয়ভার সামলে
বহন করিতে চাহিয়াছিলেন । গেডি রেসিংটনের সম্পদসম্পন্ন অবস্থায় অনেকেই তাঁহার
গৃহে সমাগত হইতেন । তিনি বখন সর্বস্বান্ত হইয়া পড়েন, তখন তাঁহার অনুপস্থিতিকালেও
খ্যাকারে এক দিন তাঁহার শূণ্য গৃহে আসিয়া পূর্ব কথা স্মরণ করিয়া তাঁহার অবস্থান্তরের
জন্য অশ্রুপাত করিয়াছিলেন । যঁহার হৃদয় এমন কোমল, তাঁহাকে কে নরস্বণক বলিতে
পারে ?

ইতিহাস।

ডাইস সম্ভার।

গত বৎসর 'আর্য্যাবর্তে' বেগম সমরুর বিচিত্র বিবরণ বিবৃত হইয়াছে। সেই প্রসঙ্গে তাঁহার উত্তরাধিকারী ডাইস সম্ভারের নামও উল্লেখ করা হইয়াছিল। তাঁহার জীবন-কথাও বিস্তারিত। সম্প্রতি 'কলিকাতা রিভিউ' পত্রে মিষ্টার ম্যাক ও মিষ্টার ধর সেই কথা বিবৃত করিয়াছেন। বর্তমান প্রবন্ধ তাহারই সারসংগ্রহ।

বেগম সমরুর স্বামী ওয়াস্টার রেগার্ড ওরফে সমরুর প্রথম পক্ষের উম্মাদিনী পত্নীর পুত্র ওয়াস্টার ওরফে জাফর ইয়াব খাঁ কর্ণেল লে ফেভারের কন্যা জুলিয়া অ্যানকে বিবাহ করেন। তাঁহাদের কন্যা জুলিয়ানার (কীনের মনে অ্যান) সহিত বেগমের সেনাধ্যক্ষ আলেকজান্ডার ডেভিড ডাইসের বিবাহ হয়। ডাইস সম্ভার তাঁহাদের পুত্র। ১৮০৮ খৃষ্টাব্দে ১৮ই ডিসেম্বর তাঁহার জন্ম হয়। বেগমের নিকট পালিত হওয়ায় তিনি বড়লাট লর্ড আমহার্ট, লর্ড বেটিক্, জর্জীলাট সার এডওয়ার্ড প্যাভেট, লর্ড ড্যালহৌসী, সার এডওয়ার্ড বার্নেস প্রভৃতির সহিত পরিচিত ছিলেন। মিসেস্ সারুউডের আত্মজীবনীতে ডাইস সম্ভারের উল্লেখ আছে। তিনি যখন বেগমের সহিত সাক্ষাৎ করিতে যান, তখন ডাইসের বয়স ৭৬ বৎসর। বালক বেগমের পশ্চাতে উপবিষ্ট ছিল এবং সাক্ষাতান্তে বেগমের আদেশে বয়ঃপ্রাপ্ত ব্যক্তিরই মত সৌজন্যসহকারে আগন্তুকদিগকে বাহিরে রাখিয়া আসিয়াছিল।

চেম্বারলেন ও ফিসার নামক দুইজন খৃষ্টধর্ম্মযাজকের নিকট ডাইসের শিক্ষা হয়। তিনি পার্শি ও ইংরাজী ভালই জানিতেন। তিনি কিছুদিন দিল্লী শিকাদি। কলেজের ছাত্রও ছিলেন। বেগমের গৃহস্থালী প্রাচ্য প্রথায় পরিচালিত হইত, তাই তিনি পাশ্চাত্য আচার-ব্যবহার শিক্ষার্থ ডাইসকে কিছুদিন শিক্ষক ফিসারের গৃহে রাখিয়াছিলেন। ১৮২৭ খৃষ্টাব্দে ভরতপুর অবরোধকালে বেগম ব্রিটিশ রেসিডেন্ট লর্ড মেটকাকের সহিত তথায় গিয়াছিলেন। সেনাপতি লর্ড কন্য়ার-মিয়ারের সহিত বেগমের বিশেষ সৌহার্দ ছিল। তিনি বালকের হস্ত তাঁহার হস্তে দিয়া বলেন—তাঁহার মৃত্যুর পর সে বিলাতে যাইলে তিনি যেন তাহাকে সাহায্য করেন। কন্য়ারমিয়ার ইহাতে স্বীকৃত হইলেন। মৃত্যুর পূর্বে ১৮৩৬ খৃষ্টাব্দে উইলে বেগম ডাইসকে তাঁহার স্বাবর ও অস্বাবর সম্পত্তির উত্তরাধিকারী বলিয়া নির্দেশ করেন। কিন্তু ইষ্টইন্ডিয়া কোম্পানী স্বাবর সম্পত্তি লইয়া ৭৫০০০০০ টাকার অধিক মূল্যের উত্তরাধিকারী। অস্বাবর সম্পত্তিমাত্র তাঁহাকে দেন। ঐ টাকা কোম্পানীর নিকট গচ্ছিত ছিল। ডাইস বেগমের স্বাবর সম্পত্তির অল্প কোম্পানীর সহিত যোগাযোগ করিয়া বিকলপ্রবৃত্ত হইয়াছিলেন।

বেগমের মৃত্যুর পর ডাইস সার্কানা ত্যাগ করিয়া কলিকাতায় আইসেন এবং মেকলে প্রভৃতির সহিত পরিচিত ও মেসনসম্প্রদায়ভুক্ত হইলেন। এই সময় পরবর্ত্তী ঘটনা।

তাঁহার পিতার সহিত তাঁহার বিবাদ বাধে। পিতা বেগমের উত্তরাধিকারী হইবেন, আশা করিয়াছিলেন। সে আশায় হতাশ হইয়া তিনি বাকি বেতনবাবদ পুস্তকের মাঝে নালিশ করেন। ৩ ১৪০০০০০ টাকার জম্ম অসময়ে—শনিবার সন্ধ্যায় জামিন দিবার নোটিস পাইয়াও ডাইস জামিন দেন। তখন কোম্পানীর নিকট তাঁহার প্রায় ৪০০০০০০ টাকা মজুদ। তিনি পিতাকে ১৫০০ টাকা মাসহারা দিতে সম্মত হইয়া মামলা মিটাইয়া ফেলেন; কিন্তু যেদিন সোলেনামা সহি হইবে, সেই দিন বিস্মৃচিকায় পিতার মৃত্যু হয়। চীনভ্রমণান্তে ১৮৩৮ খৃষ্টাব্দে কলিকাতায় ফিরিয়া ডাইস বিলাত যাত্রা করেন ও আগষ্ট মাসে ব্রিষ্টল নগরে উপনীত হইলেন। প্রসিদ্ধ কর্ণেল জেম্‌স্‌ স্কিনার এক পাশি কবিতা লিখিয়া তাঁহাকে বিদেশ গমনে নিরস্ত করিতে প্রয়াস পাইয়া ছিলেন।

ইংলণ্ডে লর্ড কন্সারমিয়ারের চেষ্টায় তিনি সহজেই সম্রাস্ত সমাজে সমাদৃত হইয়া গেলেন।

তিনি যুরোপের নানা স্থান পর্যটনের পর ইংলণ্ডে প্রত্যাবর্ত্তন করেন
বিবাহ।

ও ২৬শে সেপ্টেম্বর লর্ড সেন্টভিন্সেন্টের কন্যা মেরী অ্যানের পাণিগ্রহণ করেন। কথিত আছে, লর্ড ওয়েলিংটন প্রভৃতি তাঁহার প্রণয়প্রার্থী ছিলেন। কন্সারমিয়ার এই বিবাহের বিরোধী ছিলেন। তিনি বলিয়াছিলেন, পাশ্চাত্য সভ্যতায় অনভ্যস্ত যুবকের পক্ষে এরূপও পরিণয় সুখের হইবে না। ফলেও তাহাই হয়। একাধিকবার সম্বন্ধ ভাঙ্গিয়া যাইবার পর বিবাহ হয়। ডাইসের বর্ণ মলিন ও দেহ মূল হইলেও, তাঁহার বিপুল অর্থই বিবাহের কারণ হয়। এরূপ বিবাহ সুখের হইতে পারে না।

১৮৪১ খৃষ্টাব্দে সম্রাস্ত পাল'মেণ্টের সভ্য নির্বাচিত ও কয়মাস পরে অনাচার-হেতু

ঐ পদ হইতে অপসারিত হইলেন। ১৮৪৩ খৃষ্টাব্দে তিনি বিকৃত-
উন্নাদ।

মস্তিষ্ক বলিয়া অবরুদ্ধ হইলেন ও পরে জজ ও জুরীর বিচারে বিকৃত-মস্তিষ্ক সাব্যস্ত হইলেন। স্ত্রীর সহিত তাঁহার সম্বন্ধ বিচ্ছিন্ন হয়। তিনি রাজসী ভিক্টোরিয়ার নিকট আবেদনে জানাইয়াছিলেন যে, নির্জুন অবরোধে তিনি ছয় মাস দারুণ কষ্টভোগ করেন ও পরে গলাইয়া যাইলে গ্রাসাচ্ছাদনের জন্য কিছুই প্রাপ্ত হইলেন নাই; অথচ তাঁহার পত্নীকে বার্ষিক ৬০০০০ টাকা দেওয়া হইয়াছে। নানা কারণে নানা লোককে দন্দ-যুদ্ধে আহ্বান ও লর্ড ফরেষ্টারের সহিত পত্নীর অবৈধ সম্বন্ধ সম্বন্ধে সন্দেহ তাঁহাকে উন্নাদ স্থির করিবার কারণ। কিন্তু বিধবা হইয়া তদীয় পত্নী এই লর্ড ফরেষ্টারকেই বিবাহ করেন। তাই বোধ হয়, সন্দেহটা ভিত্তিহীন ছিল না।

স্বাস্থ্যোন্নতিকল্পে চিকিৎসকের সহিত ভ্রমণে বাহির হইয়া তিনি ক্রালে পলায়ন করেন।

বৃটিশ পতমেণ্টের অনুরোধে সম্রাজ্ঞী করাসী সরকার তাঁহাকে ইংরাজের
ক্রালে।

লিওহার্টকে সম্বোধন করিয়া কতকগুলি াস্তোদীপক কবিতা লিখেন; তাঁহার আরও ইংলণ্ডের মিন্দা ছিল—

“I hate your dreary English land
Its clime and hearts so cold !”

ক্ৰালে তিনি সত্ৰাট লুই ফিলিপ ও সমস্ত অভিযাতসম্প্ৰদায় কর্তৃক সমাদৃত হইয়া-
ছিলেন। তিনি সাত বৎসর ক্ৰালে বাস করেন—মধ্যে মধ্যে বিশেষ অসুস্থতা হইয়া
ইংলেণ্ডে যাইতেন। এই সময়ে তাঁহার ত্ৰী বার্ষিক বৃত্তি ব্যতীত সম্পত্তির আয় তিনি
পাইতেন। তিনি ৬০০ পৃষ্ঠার সম্পূর্ণ এক পুস্তকে স্বীয় বিকৃতমস্তিষ্কাগবাদের প্রতিবাদ
করেন। ১৮৫১ খৃষ্টাব্দে বঙ্গুগণের চেষ্টায় আবার তাঁহার মস্তিষ্ক-বিষয়ে বিচার হয়।

এই বিচারের ফল জানিবার জন্ত তিনি ইংলেণ্ডে যাত্রা করেন। তখন তিনি পদে
ক্ষতে কষ্ট পাইতেছিলেন। ইংলেণ্ডে সেই ক্ষত বাড়িয়া উঠে এবং ১৮৫১ খৃষ্টাব্দে ১লা

জুলাই তাঁহার মৃত্যু হয়। মৃত্যুর পূর্বে তিনি লর্ড কাম্বারমিয়ারের
অস্থিমে।

সহিত সাক্ষাৎ করিতে চাহেন; কিন্তু লর্ড বাহাদুর যথাকালে
সংবাদ পায়েন নাই। তাঁহার শব কেনসল গ্রীন সমাধিক্ষেত্রে সমাহিত করা হয় ও
পরে—তাঁহার অভিপ্রায় অনুসারে—তুলিয়া আনিয়া সার্কানায় সমাধিস্থ করা হয়।
তাঁহার পত্নী তাঁহার মৃত্যুর কয় দিন পূর্বে তাঁহার সহিত সাক্ষাৎ করিতে চাহিয়া এক পত্ৰ
লিখিলে উত্তরে তিনি লিখিয়াছিলেন—এখন তিনি স্বামীর জন্ত যেরূপ উৎকর্ষা
ও স্বামীর প্রতি যেরূপ অনুরাগ দেখাইতেছেন—পূর্বে হইতে সেরূপ উৎকর্ষা ও অনুরাগ
দেখাইলে বিচ্ছেদের প্রয়োজন হইত না। এখন আর উপায় নাই। এখন বিবাহ-
বিচ্ছেদই প্রার্থনীয়।

মৃত্যুর দুই বৎসর পূর্বে তিনি উইলে সমস্ত সম্পত্তি—তাঁহার মত বর্ণসঙ্করগণ যাহাতে
শিক্ষার অভাবে বিপন্ন না হয়—তজ্জন্ত সার্কানায় বিদ্যালয় সংস্থা-
শেষ।

পনের জন্ত দান করেন। সার্কানায় প্রাসাদে সেই বিদ্যালয় হইবার
কথা ছিল। তিনি ইষ্ট ইণ্ডিয়া কোম্পানীর সভাপতি ও সহকারী সভাপতিকে উইলের
কার্যনির্বাহক নিযুক্ত করেন ও প্রত্যেককে ১০০০০০ টাকা দিবার ব্যবস্থা করেন।
তাঁহার পত্নী ও দুই ভগিনী উইলে আপত্তি করেন। দীর্ঘকালব্যাপী মাঝলার পর
বিকৃত-মস্তিষ্কের উইল বলিয়া উহা নাকচ হয়। তাঁহার বিধবা সম্পত্তির উত্তরাধিকারিণী
হয়েন ও পূর্বোক্ত লর্ড ফরেষ্টারকে বিবাহ করিয়া পুনরায় বিধবা হইয়া ১৯০৩ খৃষ্টাব্দে
মৃত্যুমুখে পতিতা হইলেন। ডাইস দীর্ঘকাল স্থলদেহ—মলিনবর্ণ ছিলেন। তিনি সদাশয়, বিষয়
বুদ্ধি সম্পন্ন ও বেগমের প্রতি ভক্তিশীল ছিলেন। তাঁহার জীবনকথা উপন্যাসের মত
অদ্ভুত—কল্পনাসে সিক্ত—অশ্রুজলে অভিষিক্ত।

সুন্দরী ।

—:—

সুন্দর তা'রে হেরিছিহু—যবে
বিমল-জ্যোছনা করে
দেখেছিহু তা'র সরল দৃষ্টি
কুমুম-শয়ন'পরে ।

সুন্দরতর হেরেছিহু—যবে
শিশুরে লইয়া বুকে
কুমুমনত্র লতিকার মত
এসেছিল হাসিমুখে ।

সুন্দর ম হেরেছিহু—যবে
বিষাদ-বেদন মাধি'
সাক্ষ নয়নে দেখেছিহু তা'র
মরণ-মুদিত আঁধি ।

আর্য্যাবর্ত্ত।

শ্রীহেমেন্দ্রপ্রসাদ ঘোষ

সম্পাদিত।

—০—

সূচী।

বিবরণ	পৃষ্ঠা।	বিবরণ	পৃষ্ঠা।
আগমনী (কবিতা)	৩৭৭	বিখ-বিশ্বত বিখকোষ	৪২৮
পুরাতন প্রসঙ্গ	৩৭৮	মৃত্যু-ভয়	৪৩৭
কবিকঙ্কণের যুগের সমালোচনা	৩৮৮	চিত্রপরিচয়	৪৩৮
সংশয় (কবিতা)	৩৯৭	ঐতিহাসিক বংকিঞ্চিং	৪৩৯
মৃগয়	৩৯৮	গৌড়ের মূল্য (গল্প)	৪৪১
সমুদ্র-বন্ধে	৪০৫	শারদীয়া জ্যোৎস্না (কবিতা)	৪৪৭
বিপত্তীক (কবিতা)	৪১১	ইরোপ-ভ্রমণ	৪৪৮
সরযুবালা (গল্প)	৪১২	সৌন্দর্য (কবিতা)	৪৫৩
সন্ধ্যায় (কবিতা)	৪২৪	গৃহাগত (গল্প)	৪৫৪
স্মৃতি-বিলম্ব	৪২৫	দেবদূতের প্রতি অরিষ্টনেত্রি (কবিতা)	৪৬৪
সরস্বতী (কবিতা)	৪২৭	বাকের বিরুদ্ধ	৪৬৫
সংগ্রহ	৪৬৬

প্রকাশক—শ্রী হুমায়ূন আহমেদ।

১৯৩৮ সালের ১১ই অক্টোবর।



আপনি কি জানেন
ইসমার্ক লিনসিড তৈল সকলে এত
পছন্দ করেন কেন ?
রংয়ের কার্যকে উজ্জ্বল ও কাঠকে শ্বেদিত করিতে
কোন তৈল ইহার সমকক্ষ নয়, পরীক্ষা দ্বারা
সকলে আশাভীত ফল পাইয়াছেন ।
এণ্ড ইউল এণ্ড কোং চ ক্লাইভ রো ।

সীলট চূণ

সীলট চূণের
গাঁথুনি একখণ্ড কঠিন প্রস্তরের স্থায়
পরিণত হয় ।

গ্রাহকগণের সুবিধার জন্য চূণ বস্তাবন্দী করিয়া রেল
কিস্তি পীঠারে বুক করিয়া দিই ।

কিলবরণ এণ্ড কোং ।

৪ নং ফেরারলি প্লেস, কলিকাতা ।

১ হইতে ৮ ফর্মা এবং কতার ও বিজ্ঞাপন,

এস. এস. প্রেস, — ২৪ নং সাতা নবকুকের স্ট্রীট, কলিকাতা ।

শ্রীমতীনারায়ণ দাস দ্বারা মুদ্রিত ।

১ হইতে ৮ ফর্মা লক্ষী প্রিন্টিং ওয়ার্কস্, ৬৪১২ নং সুকিয়া স্ট্রীট, কলিকাতা ।

শ্রীমতীনারায়ণ দাস দ্বারা মুদ্রিত ।

ଆରିଆ ବର୍ତ୍ତ



ସରସ୍ୱତୀ

Printed by K. V. Seyne & Bros.

নীরস ধরা—সরস করা, হরষধারা বহি
সকল শোক-দুঃখহরা, আম মা দয়াময়ী
আমার দয়াময়ী ॥

মা তোর আবাহনের লাগি' নিখিল আজি আছে জাগি'

শ্যামল ধানে, আলোর বানে, পাখীরগানে ভরা,
ও তার—ফুটিয়া উঠে শুকনো ঝরা, উঠিয়া ছুটে মরা
নীরস ধরা,—

* * *
নদীতড়াগ পূর্ণ নীরে ; উছলে পড়ে চূর্ণ তীরে,
অমল জলে, কমলদলে, কলমরালকুলে,
লুটিয়ে পড়ে সোহাগভরে মা তোর চরণমূলে ॥
নীরস ধরা,—

* * *
মা তোর আগমনীর গানে দোয়েল শ্যামা জাগায় প্রাণে,
ছাতিম ফুলের পরাগ মেখে মাতিয়ে বেড়ায় অলি,
ঐ—শিউলি কুমুম শিউরে ঝরে ফেলবে চরণ বলি' ॥
নীরস ধরা,—

* * *
অঁকবে জবা স্থলকমলে, আলতা, মা; তোর চরণতলে,
পন্নীমা যে কাশের হৃদে ও পদ যুগল ধুয়ে,
ও যে—উথলে উঠে ফলফসলে উঠান মাচান ভূঁয়ে ।
নীরস ধরা,—

* * *
মা তুই প্রেমে এম্নি মাতাস্' হতাশ সে পার আশার বাতাস,
আতুরক'ভাই জুটবে সবাই, মা তোর অঁচল ছায়ে,
বাতুল হ'য়ে লুটবে মা তোর রাতুল রান্ধা পায়ে ।

নীরস ধরা,—

* * *
শ্রীকালিদাস রায় ।

পুরাতন প্রসঙ্গ।

(১০)

১৪ই জ্যৈষ্ঠ, ১৩১৮।

পণ্ডিত মহাশয় বলিলেন,—“তোমার মুখে আমি শুনিতেছি যে, কেহ কেহ বলিতেছেন, বিদ্যাসাগরের প্রতি আমার কিছু আন্তরিক আক্রোশ আছে ; সেই কারণেই আমি তাঁহার সম্বন্ধে ২১টি কথা একরূপ বলিয়াছি যাহাতে তাঁহার চরিত্রে কিঞ্চিৎ reflection হয়। আমি আপনি ত বুঝিতে পারি না, এমন কি কি কথা বলিয়াছি। আমি মনে মনে জানি যে, আমি তাঁহার একান্ত ভক্ত এবং তাঁহার চরিত্রের মহত্ব ও ঔদার্য্য সর্বাদীন বলিয়া স্বীকার করি। তবে হয়ত দুই এক বার তোমাকে বলিয়াছি যে, He could not bear a brother near the throne. কিন্তু এই সামান্য দুর্বলতাটুকু পৃথিবীর বিস্তর বড় লোকের চরিত্রে দেখা যায়। বড় লোকের স্বভাবে, বিশেষতঃ যাহারা বিশিষ্ট বড় লোক তাঁহাদিগের স্বভাবে এ দুর্বলতাটুকু হইবে বলিয়া যেন বিধিনির্ধারিত আছে। যাহারা বিশিষ্ট বড় লোক, তাঁহারা নিজের ভাবভঙ্গি লইয়া এতই বিভোর হইয়া পড়েন যে, অন্য ধরণের ভাবভঙ্গি উৎকৃষ্ট হইলেও উহা appreciate করিবার ক্ষমতা তাঁহাদের থাকে না। এই নিমিত্তই বোধ হয় মেকলে স্থল বিশেষে বলিয়াছেন যে, যাহারা অসামান্য প্রতিভাসম্পন্ন লেখক তাঁহারা পরের লেখা বিষয়ে ভাল সমালোচক হইবেন না—‘Great authors are seldom good critics.’ মাঝামাঝি গোছের বুঝদার লোক হইলে সমালোচক ভাল হয়। ইহা যেন হইবারই কথা। সুতরাং বিদ্যাসাগর মহাশয় একটা প্রকৃতিসিদ্ধ নিয়ম যে উল্লঙ্ঘন করিতে পারেন নাই, ইহাতে আর বিস্ময়ের বিষয় কি আছে? আর আক্রোশের কথা যে বলিতেছ, সে বিষয়ে আমার বক্তব্য এই যে, চল্লিশ বৎসরেরও অধিক পূর্বে আমার জীবনে এমন একটি ঘটনা ঘটিয়াছিল যাহাতে নিবুদ্ধিতাবশতঃ আমি বিদ্যাসাগর মহাশয়ের নিকট হইতে কিঞ্চিৎ তফাৎ হইয়া পড়িয়াছিলাম এবং সেই বিপ্রকৃষ্ট ভাব (distance) নিজের দোষ বুঝিতে পারিয়াও যুচাইবার চেষ্টা করি নাই। কিন্তু তুমি জান, তোমাকেই আমি পুনঃ পুনঃ বলিয়াছি যে, আমার জীবনের

পূর্বোক্ত ঘটনা সম্বন্ধে আমারই সম্পূর্ণ ভুল এবং তিনিই সম্পূর্ণ ঠিক, ইহা আমি ঘটনার দুই এক বৎসর পরেই কথা উঠিলেই সকলের নিকট স্বীকার করিয়াছিলাম এবং এখনও করি। আমি কায়মনোবাক্যে বুঝি যে, তিনি আমার ভালই করিয়াছিলেন। সুতরাং সে আক্রোশের লেশমাত্র এক্ষণে আমার মনে নাই এবং তৎপ্রবর্তিত হইয়া কিছুমাত্র মালিণ্য মনে ধারণ করি না এবং কোনও বিরুদ্ধ কথাও আমার মুখে আইসে না।”

কথাটা অল্প দিকে ফিরাইবার জন্ত আমি বলিলাম, “দেখুন, বৈশাখ মাসের ‘ভারতী’তে শ্রীযুক্ত সত্যেন্দ্র নাথ ঠাকুর পয়ার ছন্দে একটি কবিতা লিখিয়াছেন। বহুকাল পরে মাসিক পত্রিকায় সাবেক ধরণের পয়ার পাইয়া আমার বড়ই ভাল লাগিল। আমার মনে হয় আবার কিছুদিন খাঁটি নিভাঁজ পয়ার যদি আমাদের কবিরা চালাইতে পারেন, তাহা হইলে অন্ততঃ আর কিছু না হউক, মুখ বদলান হয়।”

পাণ্ডিত মহাশয় বলিলেন,—“তোমার কথায় বিদ্যাসাগরকে মনে পড়িল। বিদ্যাসাগর ভারতচন্দ্রের বাঙ্গালা রচনা অতিশয় পছন্দ করিতেন। আমার বোধ হয়, যখন রসময় দত্তের সহিত অকৌশল হওয়াতে তিনি সংস্কৃত কলেজের অ্যাসিষ্ট্যান্ট সেক্রেটারির পদ পরিত্যাগপূর্বক মদনমোহন তর্কালঙ্কারের সহিত একযোগে ছাপাখানার ব্যবসা আরম্ভ করেন, তখন ভারতচন্দ্রের ‘অন্নদামঙ্গল’ গ্রন্থই তাঁহার ছাপাখানার সর্বপ্রথম মুদ্রিত গ্রন্থ। আমি তাঁহাকে কোনও কোনও সময়ে ভারতচন্দ্রের ‘অন্নদামঙ্গলের’ কবিতা গদগদভাবে আবৃত্তি করিতে শুনিয়াছি। আমার বেশ মনে হইতেছে একদিন তিনি ‘হেথায় ত্রিলোকনাথ বলদে চড়িয়া’ ইত্যাদি কবিতাটি বিশেষ আনন্দের সহিত পড়িতে লাগিলেন এবং বলিতে লাগিলেন,—‘দেখদেখি কেমন পরিষ্কার ঝরঝরে ভাষা।’

“আমার বিশ্বাস মদনমোহনের ‘বাসবদন্তা’ তাঁহার পঠদশায় বিরচিত ও মুদ্রিত হইয়াছিল। এতদ্ব্যতীত তিনি ‘রসতরঙ্গিনী’ নামক প্রসিদ্ধ সংস্কৃত গ্রন্থখানি বাঙ্গালা পদ্যে অনুবাদ করিয়াছিলেন। পদ্য ও গদ্য লিখিবার ক্ষমতা তাঁহার অতি অদ্ভুত ছিল। আমি তোমাকে প্রসঙ্গক্রমে পূর্বেই বলিয়াছি, এবং এখনও বলিতেছি যে, আমার মনে হয়, তিনি যদি ডিপুটিগিরি চাকরা করিতে না গিয়া বাঙ্গালা সাহিত্যসেবায় রত থাকিতেন তাহা হইলে এক্ষণে আমরা যে প্রশংসাপুষ্পাঞ্জলি কেবল বিদ্যাসাগরের চরণে অর্পণ করিতেছি তাহা অর্ধেক ভাগ করিয়া দুই জনকে দিতে হইত। Genius অর্থাৎ প্রতিভা

নামক যে পদার্থ আছে, মদনমোহনের স্বভাবসিদ্ধ তাহা ছিল বলিয়া বোধ হয়, কিন্তু অমুশীলনের অভাবে উহার তাদৃশ খোলতা হইতে পারিল না ।

“বিদ্যাসাগর ও মদনমোহনের দৃষ্টান্ত দেখিয়া বেশ বুঝা যায় যে, ইহ সংসারে উন্নতিলাভের পক্ষে বুদ্ধিবৃত্তির উপযোগিতা অপেক্ষা যাহাকে character (চরিত্র) কহে, অর্থাৎ অধ্যবসায়, বিবেচকতা এবং অকুতোভয়তা এই সকল বৃত্তির উপযোগিতা অধিক । বিদ্যা বুদ্ধি সম্বন্ধে তর্কালঙ্কার ও বিদ্যাসাগর দুইজনেই বোধ হয় কাছাকাছি ছিলেন, কিন্তু চরিত্র অংশে আস্মান জমিন্ প্রভেদ । যাহাকে backbone কহে, বিদ্যাসাগরের তাহা পূর্ণমাত্রায় ছিল, কিন্তু সে বিষয়ে তর্কালঙ্কার হয় ত Vertebrate শ্রেণীর অন্তর্গত হয়েন যে কি না সন্দেহ ।

“বিদ্যাসাগর যখন ফোর্ট উইলিয়ম কলেজে সিভিলিয়নদিগকে বাঙ্গালা পড়াইতেন, তখন তাঁহাকে ‘বিদ্যাসুন্দর’ পড়াইতে হইত । ‘বিদ্যাসুন্দরের’ খেউড়অংশ পড়াইবার সময় তিনি অত্যন্ত লজ্জিত ও কুণ্ঠিতভাব প্রদর্শন করিতেন; কিন্তু এক এক জন যুরোপীয় তাঁহাকে এই বলিয়া প্ররোধ দিতেন, ‘কেন তুমি কাতুমাত্তু করিতেছ? আমাদের ভাষাতে কি সেক্সপীয়রের Venus and Adonis, Rape of Lucrece, এবং পোপের January and May, এই সকল বহি নাই? আর আমরা কি ঐ সকল বহি আদরে পড়ি না; শিকার তুলিয়া রাখিয়া দিয়াছি? অতএব ইহাতে আর লজ্জার বিষয় কি?’ এই কথা আমি বিদ্যাসাগরের মুখে শুনিয়াছি ।

“বিদ্যাসাগর এ দিকে পাকা ব্রাহ্মণ পণ্ডিত ছিলেন কিন্তু তাঁহার সাংসারিক লোকজ্ঞতা এবং সাধারণ বিষয়বুদ্ধি বড় কম ছিল না । একসময়ে ত্রীহট্ট জিলা নিবাসী কোনও এক ব্যক্তি চাকরীর প্রার্থনার তাঁহার শরণাগত হয় । অন্ততঃ তিনি সুপারিস দিয়া তাহাকে কোথাও একটা চাকরী করিয়া দেন, সে এ প্রকার বাহাও প্রকাশ করিয়াছিল । বিদ্যাসাগর তখন সংস্কৃতকলেজের বড় চাকরী ত্যাগ করিয়াছেন X নিজে চাকরী দিবার ক্ষমতা বিশেষ কিছু ছিল না, আর সুপারিসের দ্বারা যে চাকরি করিয়া দিতে পারিবেন এ ভরসাও তিনি বড় করিতেন না । উমেন্দারটি নিজের কার্য্য সিদ্ধি ও বিদ্যাসাগরের মনস্তষ্টির অন্ত তাঁহাকে একখানি উৎকৃষ্ট সিলেটী পাট উপহার দিল । বিদ্যাসাগর প্রথমে কিন্তু উহা লইতে চাহেন নাই; উমেন্দারের পীড়াপীড়িতে শেষে লইলেন । আমার নিকট এই গল্প করিবার সময় বিদ্যাসাগর কহিলেন, ‘আমি বেশ বুঝলুম যে, চাকরী না হোলে উমেন্দার পাটির দাম চা’বে । এই ভেবে আমি সে পাট

ব্যবহার করলুম না, তুলে রাখলুম। ফলে আমি যা ভেবেছিলুম তাই ঘটল। উমেদার যখন কিছুদিন হাঁটাইটি করে চাকরীর বিষয়ে হতাশ্বাস হোলো, তখন বিদ্যায় নেবার সময় বুলে, 'মশাই, তবে পাটির দামটা পেলে ভাল হয়'। আমি বলুম, 'বাপু, আমি তোমার পাটি একদিনের জন্তে ব্যবহার করি নি, ঐ দেখ, তোলা রয়েছে, তুমি ফেরত নিয়ে যাও।' উমেদার কতকটা ভ্যাভাচ্যাকা খেয়ে পাটি নিয়ে বিদেয় হোলো।

“সাধারণ ব্রাহ্মণ পণ্ডিতদিগের প্রতিশেষাশেষি, বিশেষতঃ বিধবাবিবাহ ব্যাপারের পর, বিদ্যাসাগরের বিলক্ষণ অশ্রদ্ধা হইয়া গিয়াছিল। আমি বড় বড় দিগ্গজ অধ্যাপকদিগের বিষয় বলিতেছি না; তাঁহাদিগকে তিনি যাবজ্জীবন পূজনীয় জ্ঞান করিতেন, যথেষ্ট ভক্তি করিতেন এবং অকাতরে অর্থদানও করিতেন। কিন্তু যাহারা দু' দশ পাতা সংস্কৃত পড়িয়া ডেপোমি করিয়া বেড়ান, এবং বিদ্যায়ের লোভে চারিদিকে হাঁটাইটি করেন, তাঁহাদিগকে তিনি ইদানীং 'ল্যাজকাটা' বা 'টিকিদাস' এ ছাড়া অন্য নাম দিতেন না। চাণক্যের একটি শ্লোক আছে—'পণ্ডিতে চ গুণাঃ সর্বে মুখে' দোষাহি কেবলং' এই শ্লোকটির প্রকৃত ব্যাখ্যা উল্টাইয়া দিয়া একটি পরিহাসের ব্যাখ্যা লালমোহন নামক এক ব্যক্তি বাহির করিয়াছিলেন। লালমোহন প্রসিদ্ধ দুর্গাচরণ ডাক্তারের ভ্রাতা ছিলেন, সহোদর কিনা ঠিক বলিতে পারি না। অর্থটা হইল এই—পণ্ডিতের সবই গুণ, দোষের মধ্যে খালি মুখ। বিদ্যাসাগর এই পরিহাসের ব্যাখ্যাটি লইয়া সর্বদাই আমোদ করিতেন এবং বলিতেন যে, লালমোহন শ্লোকের অর্থটা ঠিকই করিয়াছে। বিধবাবিবাহ ব্যাপারের পর অশ্রদ্ধা হইবার আরও কারণ এই যে, প্রথমে অনেকে তাঁহার পক্ষে সায় দিয়া শেষে অর্থলোভে স্বচ্ছন্দে বিপক্ষের দলে মিশিয়া গেল। ইহাতে তিনি ঐ পণ্ডিত জাতির উপর হাড়ে চটিয়া গিয়াছিলেন।

“প্রথম বয়সে বিদ্যাসাগরের দেহটি বেশ মজবুৎ ছিল। আকার খর্ব বটে, কিন্তু এ দিকে খুব গ্যাটার্গোটা যাহাকে সংস্কৃতে 'অবষ্টক' বলে, সেই গোছের ছিল। তিনি শারীরিক পরিশ্রমও খুব করিতে পারিতেন, এবং খুব পথ চলিতে পারিতেন। তাঁহার জন্মভূমি বীরসিংহ গ্রাম কলিকাতা হইতে বিশ ক্রোশ দূরে; কিন্তু বিদ্যাসাগর প্রাতঃকালে যাত্রা করিয়া সদ্যই হাঁটা পথে বাড়ী পৌঁছিতেন, পায়ে কেবল এক চটি জুতা, হয় ত বার আনা পথ শুধু পায়েই বাইতেন, গ্রীষ্মকালের মধ্যাহ্নে রোজও ক্রম্পেপ করিতেন না। এই হাঁটা পথে বাইবার সময়ে

এক দিনের একটি বৃত্তান্তের গল্প অতি করুণভাবে তিনি বলিতেন । তিনি বলিতেন, ‘আমি একদিন বাড়ী যাবার সময় ছপুরের রোদে কিঞ্চিৎ বিশ্রামের জন্যে একটি খোড়ো বাড়ির বাহিরের রোয়াকে বোসে আছি, এমন সময় বাড়ীর ভেতর থেকে গুটি দুই তিন ছেলে নাচতে নাচতে আর গানের সুরে চেঁচাতে চেঁচাতে বেরিয়ে এল । তাদের মুখে এই বুলি—আজ আমাদের ডাল হয়েছে, আজ আমাদের ডাল হয়েছে । আমি ত দেখে শুনে অবাক । ভাবলুম যে, এদের এত ছরবস্থা যে বছরের মধ্যে পাল পার্কণের মত দু’ এক দিন ডাল রান্না খেতে পার ! আর বোধ হয় এমন অনেকেই আছে ।’ এই গল্প করিতে করিতে কখনও কখনও তাঁহার চক্ষুতে জল আসিত ।

“তারানাথ তর্কবাচস্পতি মহাশয়ের মুখে শুনিয়াছি যে, সংস্কৃত কলেজে অধ্যয়নকালে বিদ্যাসাগরের উক্ত প্রকার গ্যাটার্গোটা শরীরের জন্য তাঁহারা সকলে উহাকে ‘টিপ্লে’ বলিয়া ডাকিতেন ; এবং বিদ্যাসাগর যখন কোমণ্ড একটা শাস্ত্রের—বিশেষতঃ স্মৃতিশাস্ত্রের-ভালরূপ মীমাংসা করিয়া দিতেন, তখন তাঁহারা বলিতেন, ‘আমাদের টিপ্লে না হোলে এরকম আর কে করে দিতে পারে ।’

“বিদ্যাসাগর যখন বহু বিবাহের বিরুদ্ধে লেখনী ধারণ করেন, তখন তর্কবাচস্পতি মহাশয়ের নিজের মুখে শুনিয়াছি যে, শূদ্রস্য ডার্য্যা শূদ্রেব সা চ সা চ বিশঃ স্মৃতে এই মনুবচনের বিদ্যাসাগর যে তাৎপর্য্য ব্যাখ্যা করিয়াছেন, তাহা তর্কবাচস্পতি মহাশয়ের সম্পূর্ণ সম্মত । শেষে কিন্তু তর্কবাচস্পতি মহাশয় বহুবিবাহের সমর্থনপক্ষে লেখনী ধারণ করিলেন, এবং বিদ্যাসাগরের সহিত বাদে (controversy) প্রবৃত্ত হইলেন !

“পদব্রজে পথপর্য্যটনে বিদ্যাসাগর কখনও ক্লান্তি বোধ করিতেন না । শেষাবস্থায় যখন তিনি অত্যন্ত কাহিল হইয়াছিলেন, কিছুই পরিপাক হইত না, তখন ডাক্তারদিগকে ইহার উপায় জিজ্ঞাসা করাতে তাঁহারা কহিলেন, ‘খুব হাঁটিতে আরম্ভ করুন ।’ তিনি জিজ্ঞাসা করিলেন, ‘কতক্ষণ করিয়া হাঁটিব ?’ ডাক্তার বলিলেন, ‘যতক্ষণ না ক্লান্তি বোধ করেন ।’ বিদ্যাসাগর উত্তর দিলেন, তাহ’লে ত ত্রিদিন হাঁটিতে হয়, কারণ হেঁটে আমি কখনও ক্লান্তি বোধ করি না ।’

“কলেজের প্রিন্সিপাল হইবার পর তিনি কিছুদিন কলেজের ইয়ারডেই বাসা করিয়া বসবাস করিয়াছিলেন । সেই সময়ে মালির ঘরের দিকে মাটি ফেলিয়া

মত একটি কুস্তির আখড়া তৈয়ার করিয়াছিলেন, এবং প্রত্যহ দেশীধরণের কুস্তি বিলক্ষণ অভ্যাস করিয়াছিলেন। জীবহিংসা পরিহারের জন্ত তিনি কিছুকাল মৎস্যমাংসও ত্যাগ করিয়াছিলেন, এবং বাছুরকে কষ্ট দিতে হয় বলিয়া দুগ্ধ পর্য্যন্তও বোধ হয় ছাড়িয়াছিলেন। যাহা হউক, এ বাতিক বোধ হয় অধিক দিন চলে নাই, নচেৎ বাঙ্গালা ভাষাকে তাঁহার লেখনীপ্রসূত অনেক অত্যাৎকৃষ্ট গ্রন্থ হইতে হয়ত বঞ্চিত হইতে হইত; তিনি কখনই বেশীদিন বাঁচিতে পারিতেন না। এ বিষয়ে কোম্‌ৎ বলিয়া গিয়াছেন যে সৃষ্টিকাণ্ডে ইহা একটি অসম্পূর্ণতা (imperfection) এবং সৃষ্টিকর্তার অসীম করুণাময়ত্ব সিদ্ধান্তের বিরুদ্ধযুক্ত যে, জীবহিংসা ব্যতীত মনুষ্যজাতির মস্তিস্কের আবশ্যিকমত গুপ্তিসাধন হইবার যো নাই। কিন্তু মানুষ করিবে কি? কেবল এই পর্য্যন্ত করিতে পারে যে, যে সকল জন্তুর দেহ হইতে আমরা আহার পাইয়া থাকি তাহাদিগকে যত কম হয় কষ্ট দিতে হইবে; যাবজ্জীবন তাহাদিগকে যথেষ্ট যত্ন করা উচিত; এবং সেই যে চরম মুহূর্ত—যখন আমরা তাহাদিগকে বধ করিতে যাইতেছি, তখন যেন তাহারা মৃত্যুর বিভীষিকা আদৌ না টের পায়; এই চেষ্টা করা সর্বতোভাবে কর্তব্য; এবং প্রাণসংহার ব্যাপারও এরূপ অনিষ্ঠুর ও যন্ত্রণাশূণ্য রীতিতে সম্পাদন করা উচিত যে, তাহাদিগের কিছুমাত্র ক্লেশ না হয়। আমি জানি যে, এখনকার উদ্ভিজ্জভোজীর দল কোম্‌তের এই সিদ্ধান্ত হাসিয়া উড়াইয়া দিবেন। কিন্তু এখনও শরীরবিধান শাস্ত্রদ্বারা (physiology) উদ্ভিজ্জ ভোজনের সর্বাভিপ্ৰায়সাধনতা সর্ববাদিসম্মত বলিয়া স্বীকৃত হয় নাই।

“এই প্রসঙ্গে সুরাপান সম্বন্ধে কোম্‌তের মত প্রকটন করিলে অপ্রাসঙ্গিক হইবে না। তিনি বলেন, alcoholএর এমনই একটি ধর্ম আছে যে, পেটে পড়িলেই পেট ও মস্তিষ্ক উভয়সংযোজক ganglionic nerve কে তৎক্ষণাৎ বিকৃত করিয়া দেয়, এবং সেই বিকার মস্তিষ্কে নীত হয়। এইরূপে পুনঃ পুনঃ alcohol সংযোগ ঘটিলে উহা স্থায়ী ভাবে বিকৃত হইয়া যায়। এই জন্ত মহম্মদ সুরাপান তাঁহার ধর্মাবলম্বীদের পক্ষে ঐকান্তিক নিষিদ্ধ কার্য্য বলিয়া ব্যবস্থা করাতে কোম্‌ৎ মহম্মদকে আকাশে তুলিয়া দিয়াছেন, এবং কথায় কথায় বলেন ‘The incomparable Mohammad’ অর্থাৎ মহম্মদের জুড়ি নাই।

“আজকাল শুনিতেছি যে, ডাক্তার চুনিলালবসু নাকি সবিস্তারে সেই

সিদ্ধান্ত প্রতিপন্ন করিতেছেন। তাঁহার মতে মস্তিষ্ক ও বক্ষু এই উভয় করণই (organs) alcoholএর দ্বারা উচ্ছন্ন যায়। এতদ্দেশে নব্যযুবকের দল কিন্তু আজও একথা বুঝিতেছেন না। যুরোপীয়দিগের মধ্যেও অনেকে ইহা হাসিয়া উড়াইয়া দেন। তাঁহারা বলেন যে, পরিমিতমাত্রায় alcohol সেবার দ্বারা উপকার বৈ অপকার নাই। তাঁহাদের মতে স্ত্রীপুরুষের শারীরিক সম্বন্ধও তদ্রূপ আবশ্যিক। আমি কিন্তু এই দুইটি মতই যোরতর অপসিকান্ত বলিয়া জ্ঞান করি। শেষোক্তটি পরিহার করিলে যে শরীর ও মস্তিষ্কের উৎকর্ষই সাধিত হইবে এ বিষয়ে সাক্ষ্য দিতেছে আমাদিগের প্রাচীন ঋষিদিগের ও স্নাতক ব্রাহ্মণদিগের আচার। ইদানীন্তনকালে স্ত্র অাইজাক্ নিউটনের মত মস্তিষ্কচালনা কে কবে করিয়াছে? তিনি ৮৪ বৎসর জীবিত ছিলেন, বিবাহ করেন নাই। যতদূর জানা আছে তাঁহার চরিত্রও নিকলুষ ছিল।

“কোম্বুতের মত ও ইহাই ছিল। ঐ শারীরিক সম্বন্ধ যাহাতে এককালেই উঠিয়া যায়, ইহা বিজ্ঞানচর্চাকারী ব্যক্তিমাত্রের visionary idea স্বরূপ মনে ধারণ করিয়া রাখা উচিত, তিনি এইরূপ উপদেশ দিয়া গিয়াছেন; এবং সেই জন্ত বিড়ম্বরসিকদিগের বিক্রপের পাত্র হইয়াছিলেন। এমন কি জন্ ঠুয়াট মিলও তাঁহার প্রতি একটু ঠাট্টার বারি বর্ষণ করিয়াছেন। মিল বলেন ‘এবিষয়ে কোম্বু একটা কথা বলিয়াগিয়াছেন, সে যে কি তাহা আমি বলিতে চাহি না।’ কোম্বু বলেন, রোমান ক্যাথলিক দিগের কুমারী জননী (Virgin Mother) একটা Theological Conception বটে, কিন্তু জিনিষটা কি তাহা আমি Physiologist দিগকে অনুসন্ধান করিতে বলি। নিকলক্চারিত্র কুমারীর সন্তান উৎপন্ন হয়, এ বিশ্বাসটি যুরোপে ত এক্ষণে হাশ্বাস্পদ হইয়াছে এবং বিস্তর লোক এই কারণেই খ্রীষ্টান ধর্মের প্রতি অশ্রদ্ধা করিতে শিক্ষা করিয়াছে। অশ্রদ্ধা আমি এই ভাবে বলিতেছি যে, খ্রীষ্টান ধর্মের ধর্মনীতির উপর কাহারও বিরাগ, ঘৃণা বা অবজ্ঞা হয় নাই; কিন্তু ঐ ধরণের মূলীভূত বিশ্বাসগুলির উপর—যথা কুমারীর সন্তান উৎপত্তি, একখানি রুটীতে বিস্তর লোক খাওয়ান, কথার দ্বারা উৎকট রোগ আরাম করা ইত্যাদি বিষয়ে ক্রমেই লোকের অশ্রদ্ধা হইয়া আসিতেছে। হিউম এই অশ্রদ্ধা প্রথম রচনায় প্রকাশ করেন। তখন গোঁড়া খ্রীষ্টানদিগের তরফ হইতে তাঁহার উপর বিস্তর গালিগালাজ বর্ষণ হইয়াছিল। কিন্তু ক্রমে দেখিতেছি যে, তাঁহার কথাই সর্বত্র বিস্তার হইয়া যাইতেছে। আমেরিকার কোনও এক মঙ্গলগীতে বক্তৃতা দিবার সময় একজন পাদ্রি বলিয়া

উঠিলেন, আজ ১৮০০ বৎসর হইল কেহ মরিয়া জীৱন্ত হয় নাই। সেই কথা শুনিয়া তৎক্ষণাৎ শ্রোতৃবর্গের মধ্য হইতে আকাশবাণীর ভায় একজন আওয়াজ দিলেন, 'কখনও কেহ হয় নাই।' বীণথুঠের গোর হইতে উখান—ইহার প্রতি লোকের ত এইরূপ শ্রদ্ধা। আমাদের দেশে কিন্তু এরূপ সম্ভান উৎপত্তির ideaটি ততদূর হাস্যাম্পদ হয় নাই। ডাগার সাক্ষ্য শুগীরথের জন্মবৃত্তান্ত, মন্ডাতার জন্মবৃত্তান্ত আর কাদম্বরী আখ্যায়িকাতে পুণ্ডরীকের জন্ম। ইহা ব্যতীত পুরাণের মধ্যে মানসপুত্র ত কথার কথার দেখা যায়।

“কোম্বের কথা একরূপকার দিগ্গজ শারীরবিধানবেত্তাদিগের নিকট কতদূর অনুমোদিত তাহা আমি জানি না এবং সে মীমাংসা করিবার ক্ষমতাও আমার নাই। মানুষের দেহবস্ত্র (বা organism) একটি নানায্যাপারসম্বল অতি জটিল (complex) কাণ্ড; বহু সংখ্যক factor একত্র হইয়া ইহা চালিত হইতেছে। একটি factor বদল করিয়া দাও, অমনই ইহার চলনক্রিয়া বদলিয়া যাইবে। এরূপ জটিল কাণ্ডের মধ্যে চেষ্টা করিলে অনেক প্রকারের অদল বদল আনয়ন করা যাইতে পারে। আজ কাল surgery দ্বারা যে সকল অভ্যস্তৃত ব্যাপার সাধিত হইতেছে, সে গুলিই এ বিষয়ে সাক্ষ্য দিবে। এই সমস্ত পর্যালোচনা করিয়া কোম্ব বলিয়া গিয়াছেন যে, কুমারীর সম্ভান উৎপত্তি কেনই বা একেবারে ঐকান্তিক নিরবচ্ছিন্ন অসম্ভব ব্যাপার বলিয়া মনে করা যাইবে। যদি বল, সে চেষ্টার দরকার কি? উত্তর—দেহের ও মস্তিষ্কের ক্ষয় নিবারণ করা উচিত নহে কি? একজন ফরাসি ডাক্তার এ সম্বন্ধে সাক্ষ্য দিয়া গিয়াছেন। আর এক উত্তর এই যে, সম্ভান উৎপত্তি যদি আমাদের ইচ্ছার আয়ত্ত হয়, তাহা হইলে ম্যালথসের Population difficulty অনেকটা ঘুচাইয়া দিতে পারা যায়। কোম্ব কিন্তু ম্যালথসকে মানিতেন না। তিনি এক স্থলে বলিয়াছেন যে, ম্যালথসের সিদ্ধান্তে (Theory) গণনার ভুল (arithmetical mistake) আছে। এই অংশে অদ্যাপি আমি কোম্বকে বুঝিয়া উঠিতে পারি নাই; এবং কোন্ স্থানে যে ম্যালথসের গণনার ভুল আছে তাহাও ঠিক করিতে পারি নাই। ফলতঃ ম্যালথসের রচনার সহিত প্রথম পরিচয় হওয়া অবধি আমি যেন একটা নূতন আলো পাইরাছি, মনে হইরাছে; এবং তাঁহার সকল সিদ্ধান্তই অধঃনীর বলিয়া বোধ হয়। বাবৎ সাধারণে তাঁহার সিদ্ধান্তগুলি হৃদয়ঙ্গম করিতে না পারিতেছে, তাবৎ পৃথিবীর বিস্তৃত লোককে অর্ধশনের বরণা ও হুর্গতি ভোগ করিতেই হইবে; হয় ত শতকরা

১০ জন পেট ভরিয়া খাইতে পার, আর ১০ জন সুখায় যত্না ভোগ করে ; এই যে বর্তমান অবস্থা ইহা ঘুচাইবার উপায়ান্তর নাই। অনেকে ভাবেন, বড় মানুষরা ঘরের টাকার খলি বাহির করিয়া দিলে এ যত্না ঘুচিতে পারে ; শুধু বড় মানুষদিগের স্বার্থপরতাবশতঃ এ অবস্থা বন্ধমূল হইয়া আছে। কিন্তু এটা কাষের কথা নহে। বড় মানুষরা আপনাদের সমস্ত টাকা বাহির করিয়া দিলে হয় ত ৫৭ বৎসর একটু স্বচ্ছল দেখা যাইবে। কিন্তু তাহার পরেই আবার যে কে সেই। এত সন্তান জন্মিবে, অল্পবয়সে মৃত্যুর সংখ্যা এত কমিয়া যাইবে, যে আবার খাদ্যদ্রব্যের পূর্ববৎ টানাটানি আসিয়া উপস্থিত হইবে। এক্ষণে ভালরূপ না খাইতে পাওয়ার দরুণ বিস্তর শিশু এবং বিস্তর বয়স্ক ব্যক্তি পর্য্যন্ত কালগ্রাসে পতিত হয়। দিন কতক যদি এই অবস্থা বন্ধ হয়, তবে সেই সকল শিশু ও সেই সকল বয়স্ক ব্যক্তি বাঁচিয়া থাকিয়া আবার টান ধরাইবে এবং বড় মানুষদিগের টাকা অল্পকালমধ্যেই নিঃশেষিত হইয়া যাইবে। এ কথা ম্যালথুস্ এবং তাহার পরে টুয়ার্ট্ মিল অতি বিশদরূপে বুঝাইয়া দিয়াছেন। অতএব বড়মানুষদিগের উপর স্বার্থপরতা দোষ আরোপ করা বৃথা।

“তবে কোম্ৎ এ কথা বলেন বটে যে, পৃথিবীতে এখনও বিস্তর জমী পতিত রহিয়াছে। পাহাড় কাটিয়া জমী বাহির করা যাইতে পারে। সাহারা প্রভৃতি মরুভূমিকে উর্বরা করা যাইতে পারে। সমুদ্রকে হটাইয়া দিয়া আবাদের জমী বাহির করা যাইতে পারে। মৎস্য-মাংসাদি খাদ্যের পরিমাণও অপরিমিতরূপে বাড়াইবার উপায় আছে। এই সমস্ত কার্য্য সমাধা করিবার জন্ত বড় মানুষদিগের স্বার্থপরতা ত্যাগ করা আবশ্যিক। হয় ত এখন হইতে দশ হাজার বৎসর পরে পৃথিবীর সমস্ত resource নিঃশেষিত হইবে এবং তখন এই জনসংখ্যার সমস্যা মালুম হইতে আরম্ভ হইবে। উপস্থিতকালে আমাদেরকে ও বিষয়ে মনোবোগ করিতে হইতেছে না।

“অতএব সাধারণ ধর্ম্মনীতির উন্নতি এমন আবশ্যিক। কোম্ভের অভিপ্রায় বোধ হয় এই প্রকার ছিল। আর সংঘের জন্ত তিনি এক উপায় বলিয়া গিয়াছেন। তিনি বলেন,—আহারের খর্ব্বতা করিলেই রিপূর দমন হয় ; যে পরিমাণ খাইতেছ, তাহার অর্ধেক কর, না হয় সিকি কর, গায়ের ঘোর-টুকু বাহাতে বজার থাকে তাহার অতিরিক্ত আদবে খাইবে না—এই নিয়ম কর, তাহা হইলে নিশ্চয় রিপূর দমন হইবে। এ কথা তাঁহার নিজেই বলে।

তিনি একখানি গ্রন্থ পড়িতে বড়ই ভাল বাসিতেন, নাম Imitation, of Christ, ভাষা Latin, গ্রন্থকার Thomas a Kempis—লোকটা ভগবান লইয়া বিভোর হইয়া ছিল। ঐ গ্রন্থ হইতে কোম্ৎ আহার-লাঘবের উপদেশটি সংগ্রহ করিয়াছেন। ঐ গ্রন্থে লিখা আছে, বুদ্ধবৃত্তিকে দমন কর, তাহা হইলে আর সকল দুর্দান্ত রিপুর্নই দমন হইয়া আসিবে।

“এই উপলক্ষে বলিলে অপ্রাসঙ্গিক হইবে না, যে Thomas a Kempis গ্রন্থের যে যে স্থানে ভগবানের নাম করিয়াছেন, কোম্ৎ সেই সেই স্থলে Humanity এই শব্দটি বসাইতে বলেন। তাহা হইলেই গ্রন্থের পুরাতন উপদেশপূর্ণতা সম্পূর্ণ বজায় থাকিবে। কোম্ৎ এই ভাবেই গ্রন্থখানি লইয়া উন্নত হইয়া থাকিতেন। Kempis যেমন ভগবানে বিভোর, কোম্ৎ তেমনি Humanity লইয়া বিভোর। ভগবদ্ভক্ত যেমন ভগবানের হস্তচিহ্ন সর্বত্র দেদীপ্যমান দেখিতে পায়েন, কোম্ৎ তেমনি আহার, আচ্ছাদন, বাড়ী, ঘর, আইন, আদালত, হাসপাতাল, স্কুল ইত্যাদি সর্বত্র Humanityর হস্তচিহ্ন প্রত্যক্ষ করিয়া গদগদ হইয়া যাইতেন এবং আনন্দপরিপ্লুতভাবে তাহা কীর্তন করিবার জগ্ৰ ব্যস্ত হইয়া থাকিতেন। সুইডেনবর্গকে লোকে বলিত God-intoxicated man—ভগবান লইয়া মাতোয়ারা। কোম্ৎকেও তদ্রূপ বলা যাইতে পারে, Humanity-intoxicated man—humanity লইয়া মাতোয়ারা।

শ্রীবিপিনবিহারী গুপ্ত।

কবিকঙ্কণের যুগের সমাজ ।

বর্ণ ও জাতির বিভাগ এবং পরিচয় ।

সকল দেশের কাল্পনিক সাহিত্যে (Imaginative literature) দেখিতে পাওয়া যায় যে, তাহার রচনাকালের সমাজের আচার ব্যবহার, ধর্ম কর্ম, রীতি নীতি, জ্ঞান ও নৈতিক জীবনের একটি চিত্র তাহার মধ্যে অঙ্কিত থাকে । মনীষী Taine এই নীতি অবলম্বন করিয়াই তাহার 'ইংরাজী সাহিত্যের ইতিহাস' সঙ্কলন করিতে সমর্থ হইয়াছেন ।* সাহিত্যের বিষয়-নির্বাচনানুসারে এই চিত্র সুস্পষ্ট বা অস্পষ্ট হইয়া থাকে । বঙ্গদেশের আদিম প্রকৃতিকবি কবিকঙ্কণের কাব্যে ষোড়শ শতাব্দীর বাঙ্গালার ও বাঙ্গালীর জীবনের একটি উজ্জ্বল চিত্র দেখিতে পাওয়া যায় ; প্রয়োজনমত কল্পনার দীপা বাদ দিলে তৎকালীন বঙ্গসমাজের একটি বিস্তারিত বিবরণ আমাদের সম্মুখে উদ্ঘাটিত হয় । আমরা পূর্বেই বলিয়াছি,—বিষয়-নির্বাচনের উপর কাব্যের বা সাহিত্যের এই গুণ নির্ভর করে । কবিকঙ্কণ একজন ব্যাধ ও একজন বণিককে আপনার কাব্যের নায়ক করায়, পল্লীসমাজের অবস্থা তিনি অতি সূক্ষ্মভাবে বর্ণনা করিতে পারিয়াছেন । Imperial Gazetteerএ লিখিত হইয়াছে,—“In his (Kabikankana's) works, we may find a picture of Bengali village-life as it actually existed in the sixteenth century, before any European influence had begun to affect the national character or widen its intellectual and moral horizon. * * * The poem forms in itself a store-house of materials for the social history of the people as apart from their rulers”.†

* “Any considerable literary work will exhibit, under careful analysis, not only the writer's state of mind, his experiences and way of life, but also the long-descended influences of race and tradition, the temper of his time, and the general intellectual condition of his nation.”

Englishmen of Letters—Tennyson.

† Indian Empire, Vol. II, P. 426.

এই কবিকঙ্কণের কাব্য হইতেই আমরা তৎকালের সামাজিক অবস্থা বর্ণনা করিতে চেষ্টা করিব ।

হিন্দু সমাজের মধ্যে ব্রাহ্মণ চিরদিনই শ্রেষ্ঠ বলিয়া পূজিত । কবিকঙ্কণের কাব্যে আমরা কেবলমাত্র রাঢ়ীয় ও বারেন্দ্র শ্রেণীর ব্রাহ্মণের উল্লেখ দেখিতে পাই । ব্রাহ্মণদিগের মধ্যে প্রায় সকলেই শাস্ত্রচর্চা ও পূজা অর্চনা করিতেন । নগরের মধ্যে যে স্থানে ব্রাহ্মণাদি উচ্চতর বর্ণ বাস করিতেন, সেটি “কুলস্থান” নামে পরিচিত ছিল । অধিকাংশ ব্রাহ্মণ চতুষ্পাঠীতে অধ্যাপনা করিতেন ; অবশিষ্টের মধ্যে কতকগুলি “কথকতা” করিতেন ও “ভারতপুরাণ” পাঠ করিয়া জীবিকা উপার্জন করিতেন । আর কতকগুলি পুরোহিতের ব্যবসায় অবলম্বন করিয়া, নিত্যসেবা ও শ্রাদ্ধাদি সম্পন্ন করিতেন । ব্রাহ্মণদিগের মধ্যে “বাপুলি বিশালমুণ্ড” ধনে ও মানে প্রধান ছিলেন ।* কবিকঙ্কণের ভাষা দেখিয়া মনে হয়, “গ্রামবাজী” ব্রাহ্মণরা সমাজে একটু হীন হইয়া থাকিতেন । কবি বলিতেছেন,—

“মুখ বিপ্র বৈসে পুরে, নগরে বাজন করে,
স্থিথরে পূজার অধিষ্ঠান ।

চন্দন তিলক পরে, দেব পূজে ধরে ধরে,
চাউলের বোচকা বাক্কে টান ॥

সররা ধরে গায় খণ্ড, † গোপঘরে দধিতাণ্ড,
তেলিঘরে তৈল কুপী ভরি ।

কোথার মাসড়া কড়ি, কেহ দেয় দালি-বড়ি,
গ্রামবাজী আনন্দে সাঁতারি ॥

ভজরাট নগরে, নগরিনা শ্রদ্ধ করে,
গ্রামবাজী হর অধিষ্ঠান ।

সাক্ করি বিজ কর,— কাহণ দক্ষিণা হর,
হাতে কুশে দক্ষিণা কুরাণ ॥”

আমাদের এখনকার সমাজেও “গ্রামবাজী”র এইরূপ অবস্থা দেখিতে পাই ।

যটক ব্রাহ্মণগণ সমাজে নিতান্তই হীন ছিলেন । তাঁহাদের জীবিকা হিন্দু “কুলপঞ্জী” (genealogy) পাঠ । আর, কেহ তাঁহাদিগকে সন্মত না করিলে,

* “ধনে মানে অতিচণ্ড কাপুলি বিশালমুণ্ড ।”

† খণ্ড অর্থে “খাত্তর” লোকদের প্রচলিত ভাষা ।

সভার মধ্যে তাঁহাকে তাঁহারা অপদ্রব্ধ করিতেন। সভার মধ্যে সিদ্ধার ভয়ে অনেকেই ষটকদিগকে সম্বলিত রাধিতে প্রাণপণ যত্ন করিত।

“গ্রহবিপ্র” বা জ্যোতিষীরা নগরের এক পার্শ্বে মঠে বাস করিতেন। তাঁহারা “দীপিকা ভাষ্যতি” হাতে লইয়া, শাস্ত্রাদি বিচার করিতেন এবং বালক-বালিকাদিগের কোষ্ঠী-ঠিকোষ্ঠী প্রভৃতি লিখিতেন।

ব্রাহ্মণরা প্রধানতঃ নিষ্কর ভূমিতেই বাস করিতেন। বৈষ্ণবরাও এইরূপ ভূমি লাভ করিয়া “কাঁথা-কবল-লাঠী” লইয়া ও “গলায় তুলসী কাঁঠী” বাধিয়া সর্বদা “গীতনাটে” সময় অতিবাহিত করিতেন। উপরি উক্ত সকলেই “কুলস্থানে” বাস করিতেন। ব্রাহ্মণদিগের মধ্যে বারেন্দ্র ব্রাহ্মণরাই বেদ-চর্চা করিতেন।*

কজ্রিদিগের মধ্যে প্রায় সকলেই যুদ্ধাদি ত্যাগ করিয়া ধর্মচর্চা করিতেন। ‘চতী’তে দেখিতে পাই,—

“কজ্রি বৈসে ভানুবংশ, সর্বলোক অবতংস,
চন্দ্রবংশে বৈসে মহাজন।
পুরাণ শ্রবণ আশে, বসিল বিপ্রের পাশে,
অনুদিন দ্বিজে দেয় ধন ॥”

কেবল রাজপুত্রগণ মন্ত্রবিদ্যার গুরুরূপে “আখড়াঘরে” মন্ত্রবিদ্যা শিক্ষা দিতেন।

বৈষ্ণবদিগের মধ্যে সকলেই বৈষ্ণব ছিলেন। তাঁহাদের মধ্যে কেহ গোরক্ষা করিয়া ছত্বেয় ব্যবসা করিতেন, কেহ বা ক্ষেত্রকর্ষণ করিতেন। কেহ বৃষ-স্বন্ধে ধাত্ত বহন করাইতেন, কেহ বা ধাত্ত কিনিয়া বাজারদর বৃদ্ধি হইলে বিক্রয় করিবার আশায় রাখিয়া দিতেন। কেহ “হীরানীলামতিপলা” প্রভৃতি বহুমূল্য মণিমুক্তাদি নানা সহরে বিক্রয় করিতে যাইতেন, কেহ বা তরণীযোগে সফরে যাইয়া শম্ব, চামর, চন্দন, চামরীভোট, সগল্লাদ,† করত, পট্টশ, অঙ্গ-রাধি প্রভৃতি আনয়ন করিতেন। এইরূপ ক্রয়বিক্রয়ের ব্যবসারে বৈষ্ণবরা তৎকালে প্রচুর বিস্তাশালী ছিলেন।

তৎকালে চিকিৎসাবিদ্যা অতি অবনতি প্রাপ্ত হইয়াছিল। একগণকার

“বারেন্দ্র ব্রাহ্মণ শত শত।

ব্যবহারে বড় বড়, নিত্য পড়ে বেদ বড়,

বেদ বিদ্যা পড়ে অবিরত ॥”

* তৎকালে প্রচলিত মন্ত্রকারকার্যসম্বন্ধিত বহুমূল্য বস্তু বিশেষ ৫

শিক্ষিত, ধনী, বৈদ্যদিগের সহিত সেকালের বৈদ্যদিগের তুলনাই হয় না।
তখন বৈদ্যরা প্রভাতে উঠিয়া, কপালে “উর্দ্ধ কোঁটা” করিয়া, মাথার কাগড়
বাধিয়া, “অর্জুর ধুতি” পরিয়া নানা পুঁথি কাঁখে নগরে নগরে ঘুরিয়া বেড়াইত।
কবিকঙ্কণ অভিশর কোতূকের সহিত বৈদ্যদিগের চিত্র অঙ্কিত করিয়াছেন,—

“কার দেখি সাধ্যরোগ, ঔষধ করায় যোগ,

বুকে ঘা মারিয়া অর্থ চায়।

অসাধ্য দেখিয়া রোগ, পলাইতে করে যোগ,

মানা ছলে করয়ে বিদায় ॥

কর্পূর পাঁচন করি, তবে জীয়াইতে পারি,

কর্পূরের করহ সন্ধান।

রোগী সবিনয়ে বলে, কর্পূর আনিতে চলে,

সেই পথে বৈদ্যের পয়গ ॥”

অগ্রদানীরা বৈদ্যদিগের সহিত তাহাদের পার্শ্বে বাস করিত। কেন না,
“হাতুড়ে” চিকিৎসকের নিকট তাহাদের সর্বদাই রোগীর সন্ধান রাখিতে
হইত। অগ্রদানীরা রাজকর দিত না, শ্রাক্ষের সময় “বৈতরণীধেহু”, হেম,
রক্ত, তিল প্রভৃতি দান গ্রহণ করাই তাহাদের জীবিকা ছিল। বৈদ্য ও
অগ্রদানীরা “কুলস্থানে” বাস করিত।

কারসূরা নগরের দক্ষিণ দিকে থাকিতেন। তাঁহারা এই বলিয়া গর্ব
করিতেন,—

“এসর সভারে বাণী, লেখা পড়া সবে জানি,

ভব্যজন নগরের শোভা।”

তৎকালে কারসূরা পেরাদা, মুহুরি প্রভৃতির কার্য হইতে রাজদরবারে
লিখা-পড়া বিষয়ে অতি উচ্চকর্ম করিতেন। ইহার প্রমাণ প্রাচীন কাব্যসমূহে
প্রচুর পরিমাণে দেখিতে পাওয়া যায়।*

কবিকঙ্কণ ছই শ্রেণীর গোপের উল্লেখ করিয়াছেন,—প্রথম, “বণিক্‌গোপ”;
ইহার অত্যন্ত ধার্মিক এবং সরল ছিল, কপটতার লেশমাত্র ইহারে জানিত
না। এই শ্রেণীর গোপরা ক্ষেত্রে চাষ করিত, এবং গম, তিল, মুগ, মাস,

* “কাণে কলম হাতে দোভ, আইলা কারসূ হুত।”

“বিচারিয়া কেহ দেখে, কাগজে কারসূ দেখে।”

কবিকঙ্কণের এই বর্ণনা ভিন্ন, রাসেশ্বরাদির কাব্যেও এই কথা দেখিতে পাই।

ঘুট, সর্বপ, কার্পাস প্রভৃতিতে গৃহ পূর্ণ করিয়া রাখিত । দ্বিতীয়, “পল্লবগোপ” ; ইহারা “ভার” কাঁধে করিয়া ফসলাদি বিক্রয় করিত ।

তেলদিগের মধ্যে কেহ চাষের কাষ করিত, কেহ “ঘানি” সাহায্যে তৈল বাহির করিত । বাহারা অপেক্ষাকৃত দরিদ্র ছিল, তাহারা তৈল অগ্রে কিনিয়া পরে বিক্রয়াদি করিত ।

দুই জাতির পাণের কারবার ছিল । (ক) বাকুই,—ইহারা বরজ নির্মাণ করিয়া পাণের চাষ করিত । (খ) ভাখুলী,—ইহারা নগরে নগরে বাস করিত । ইহারা “বীড়া”-নির্মাণ করিয়া দেশের লোককে যোগাইত ।

কুম্ভকাররা হাঁড়ি কুঁড়ি হইতে আরম্ভ করিয়া মৃদঙ্গ, দগড়, কাড়া, পটা প্রভৃতির “খোল” প্রস্তুত করিত ।

তত্ত্বাবগণ ভূনী,* ধুতি, খাদি ও গড়া প্রস্তুত করিত । আর সূক্ষ শিল্পজাত জুয়াদি “সরাক” জাতি বয়ন করিত । এই সরাকজাতি প্রাণিহিংসা পরিত্যাগ করিয়া, নিরামিষ আহার করিত । ইহারা প্রধানতঃ রেশমী বস্ত্রাদি বয়নে পারদর্শিতা দেখাইত ।

মানীদিগের ব্যবসায় এখনকার সময় অপেক্ষা উন্নত ছিল । এখন ফুলের মালা ভিন্ন অল্প সূক্ষ খেলানাদি প্রস্তুত হয় না ; কিন্তু তখন, “মোড়”, “ফুলঘর” ও অন্যান্য ফুলের খেলানা প্রচুর পরিমাণে প্রস্তুত হইত ।

আগরী বা উগ্রকত্রিয় জাতি আপনার বৃত্তি অবলম্বন করিত ; কখনও অন্য বিষয়ে জীবিকা উপার্জন করিতে যাইত না ।

এক্ষণকার মোদকরা দুই একজনমাত্র শুড় হইতে চিনি প্রস্তুত করে, কিন্তু সেকালে দেশে বহুল পরিমাণে চিনির কারখানা ছিল । প্রত্যেক মোদকই প্রায় চিনি তৈয়ারি করিত । এতদ্ভিন্ন সেকালে প্রচলিত খণ্ড-নাড়ু প্রভৃতি মিষ্টান্ন প্রস্তুত হইত । মোদকরা খাদ্যদ্রব্য লইয়া নগরে নগরে ফিরি করিত ।†

পাঁচ শ্রেণীর বণিকের উল্লেখ দেখিতে পাওয়া যায় । (ক) শঙ্খবণিক । ইহারা শঙ্খ কাটির পাঁখা, আংটি প্রভৃতি জুয়াদি নির্মাণ করিত । ইহাদের মধ্যে দরিদ্র প্রায় একেবারেই ছিল না । (খ) গন্ধবণিক । ইহারা ধূপ

*

ভূনী—শাটী ।

†

“পসরা করিয়া শিরে, নগরে নগরে ফিরে,

শিল্পগণ করয়ে যোগান ॥”

ধূনা প্রভৃতি গন্ধদ্রব্যাদি লইয়া হাটে বিক্রয় করিতে যাইত । ইহারা দরিদ্র ছিল । (গ) মণিবণিক । ইহারা মুণিমুক্তাদি বহুমূল্য প্রস্তুতাদির ব্যবসায় করিত । ইহারা ধনী ছিল । (ঘ) কংসবণিক । এই বণিকরা “শলে, পাতিয়া ঝারী, খুরী, থাল, বাটী, খোরা, বাগী, সীপ, সাপুড়ী চুণাতি, বাটা, ঘাঘর, ঘণ্টা, সিংহাসন, পঞ্চপ্রদীপাদি নিৰ্ম্মাণ করিত । ইহারা অপেক্ষাকৃত ধনী ছিল । (ঙ) স্তবর্ণবণিক । এই শ্রেণীর বণিকরা স্বর্ণরত্নাদির ব্যবসায় করিত । ইহারা—

“কিছু বেচে কিছু কেনে, মনুষ্যের ধন আনে,
পুরমধ্যে যাদের নিলয় ॥”

এতদ্বিন্ন স্বর্ণকাররা আভরণাদি প্রস্তুত করিত । “পশ্যতোহর”গণের একটি সুন্দর চিত্র কবিকঙ্কণ অঙ্কিত করিয়াছেন,—

“নিবসে পশ্যতোহর, পুরমধ্যে যার ঘর,
নিৰ্ম্মাণ করয়ে আভরণে ।
দেখিতে দেখিতে জন, হরয়ে সভার ধন,
হাত বদলিতে ভাল জানে ॥”

উপরি-উক্ত ব্যবসায়ীরা নগরের একদিকে সকলে মিলিয়া বাস করিত । ব্রাহ্মণ-কায়স্থাদির সহিত ইহাদের এক সঙ্গে এক স্থানে বাস ছিল না ।

এতদ্বিন্ন, কামার, নাপিত প্রভৃতি জাতির বণিগাদির সহিত একত্র বাস করিত ।

ইতর জাতিদিগের মধ্যে দুই জাতি “দাস” ছিল । এক শ্রেণী মৎস্যের ব্যবসায় ও অন্য শ্রেণী চাষ করিত । কলু ও ভাটদিগকে কবিকঙ্কণ ইতর জাতির মধ্যে সন্নিবিষ্ট করিয়াছেন ।

বাইতি জাতি বিবাহপূজাদি উৎসবব্যাপারের সময় বরের জন্য “দোলা” যোগাইত ।*

বাগ্দীরা সকালে বেশ বলবান্ ছিল । জমিদারের লাঠিয়াল, পাইক প্রভৃতির কায এই বাগ্দী জাতিই করিত ।

ডোমেরাও বলশালী ছিল । এই জাতির স্ত্রীপুরুষ সকলেই লাঠী, তীরধনু প্রভৃতিতে পারদর্শী ছিল । এই কায ভিন্ন ডোমরা প্রধানতঃ মজুরি করিয়া

জীবিকা উপার্জন করিত । তাহারা বয়নী, চালুনী, ঝাটা, টোকা, ছাতা প্রভৃতির নির্মাণ ও ব্যবসায় করিত ।*

সিউলীরা আজ কাল কেবল গাছ কাটিয়া রসই বাহির করে ; কিন্তু তৎকালে তাহারা খর্জুরাদির রস বাহির করিয়া গুড় প্রস্তুত করিত ।

ছুতার জাতি পূর্বে কাঠের দ্রব্যাদি তৈয়ারী করা ভিন্ন চিড়া, খই প্রস্তুত করিত । প্রায় সকল ছুতারই চিড়া প্রভৃতির ব্যবসায় করিত ।

কবিকঙ্কণ ভাটজাতিকে ইতরজাতির মধ্যে সন্নিবিষ্ট করিয়াছেন এবং তাহাদের জীবিকার মধ্যে ইহাই উল্লেখ করিয়াছেন যে, তাহারা দ্বারে দ্বারে ভিক্ষা করিত । এই ভাট ভাটব্রাহ্মণ কি না স্থির করা সুকঠিন । বহুদিন পূর্বে গুরুপ্রসাদ সেন মহাশয় ইহাদিগকে ভ্রমণশীল গায়ক বা চারণ (Bard) বলিয়া উল্লেখ করিয়াছিলেন †

চণ্ডাল বা চাঁড়ালজাতি নগরের মধ্যে উক্ত জাতিদিগের সহিত বাস করিত । ইহারা লবণ, পানীফল, কেশুর প্রভৃতি ক্রয়বিক্রয়াদি করিয়া জীবিকা উপার্জন করিত ।

কতকগুলি নীচজাতির উল্লেখ কবিকঙ্কণে দেখিতে পাই ; তাহারা নগরের বাহিরে বাস করিত । চূণারি, মাঝি, কোরাসা, ভরদ্বাজী, মাল, কোয়ালি, মারাটা এবং কোল এই নীচজাতির মধ্যে উল্লেখযোগ্য । উক্ত জাতিদিগের ব্যবসায় বিস্তারিতভাবে কবিকঙ্কণ লিপিবদ্ধ করেন নাই ; সুতরাং এখন তাহা জানিবার উপায় একেবারেই নাই বলিলে হয় । মারাটাদিগের কার্যের মধ্যে দেখিতে পাই—

“ফিরে তারা গুজরাটে, শোলঙ্গে পিলীহা কাটে,
ছানি কাটে দিয়া চক্ষে কাঁটা ॥”

* “বয়নী চালুনী ঝাটা, ডোম গড়ে টোকা ছাতা,
জীবিকার হেতু এক চিতে ।”

“চেটা ঝাটা ঝুড়ি পেড়ি বেচা হবে সার ।

লখে বলে জাতিবৃত্তি ভূষণ আমার ॥”—ধর্ম্মমঙ্গল ।

† “The bards settle there, and beg from house to house.”

Calcutta Review, October, 1891,

কোয়ালিদিগকে “জায়জীবী” বলা হইয়াছে। এই “জায়জীবী”র অর্থ কি, তাহা এখন ঠিক নিরূপণ করা কঠিন।

এতদ্ভিন্ন হাড়ি ও চামাররাও নগরের বাহিরে বাস করিত। হাড়িরা ঘাস কাটিয়া বিক্রয় করিত। চামাররা মোজা, জুতা, জীন প্রভৃতি চর্মের দ্রব্যাদি নির্মাণ করিত। মাছুয়া, কোচ, ও দরজীরা নগরের ভিতরে বাস করিত।

মুসলমানদিগের জাতিবিচার প্রধানতঃ ব্যবসা হইতেই স্থির হইয়াছিল। যে যেরূপ ব্যবসা করিত, সে সেরূপই জাতির ভিতর পড়িত। নগরের পশ্চিমদিকে মুসলমানরা বাস করিত। যেদিকে মুসলমানদিগের বাস ছিল তাহার পশ্চিমপ্রান্ত “হাসনহাটী” নামে কথিত হইত। সেই স্থানে মসজিদ নির্মিত হইত। অতি প্রত্যাষে উঠিয়া, লোহিত পাটী বিছাইয়া তাহারা নমাজ পড়িত। দিনের মধ্যে যথাসময়ে পাঁচবার নমাজ পড়া তাহাদের কর্তব্য ছিল। তাহারা “ছিলিমিলি মালা” লইয়া “পীর পগম্বরের” নাম জপিত। আর সকলেই পীরের “মোকামে” সন্ধ্যার সময় প্রদীপ দিত। পাড়ার মধ্যে কিছু বিচার করিতে হইলে তাহারা দশবিশজন মিলিয়া, সর্বদা কোরাণের সাহায্যে বিচার করিত। আর কেহ কেহ সন্ধ্যার পর হাতে পীরের “শীরিনি” বাঁটিত, সঙ্গে সঙ্গে বাদ্য বাজিত এবং নিশান পোতা হইত। ইহারা বড়ই “দানিশবন্দ” ছিল। আপনারা যাহা ভাল বুঝিত, তাহা কখনও ত্যাগ করিত না। প্রাণ গেলেও তাহারা “রোজা” ত্যাগ করিত না। মুসলমানদিগের কথা একটু উদ্ধৃত করিয়া দিতেছি।—

তাহারা—

“না ছাড়ে আপন পথে, দশরেখা টুপি মাথে,
ইজার পরয়ে দঢ় করি।

যার দেখে খালি মাথা, তা সনে না কহে কথা,
সারিয়া, ঢেলার মারে বাড়ি ॥

* * *

বসিলা অনেক মিয়া, আপন তরফ লৈয়া,
কেহ নিকা, কেহ করে বিয়া।

মোলা পড়ায়্যা নিকা, দান পায় সিকা সিকা,
দোয়া করে কলমা পড়িয়া ॥

করে ধরি থর ডুরি কুকুড়া জবাই করি,

দশগুণা দান পায় কড়ি ।

বকরি জবাই যথা, মোল্লারে দেই মাথা,

দান পায় কড়ি ছয় বুড়ি ॥”

মুসলমানদিগের জাতিবিভাগের মধ্যে দেখিতে পাই,—যাহারা রোজা-নামাজ না করিত, তাহারা “গোলা” নামে কথিত হইত; যাহারা তাঁতির কাষ (তাসন) করিত, তাহারা জোলা হইত; যাহারা বলদে দ্রব্যাদি লইয়া যাতায়াত করিত, তাহারা হইল মুকেরি; যাহারা পিঠা বেচিত, তাহারা হইল পিঠারী; যাহারা মাছের ব্যবসায় করিত, তাহারা কাবারি; এই “কাবারি”র নিরন্তর মিথ্যা কথা বলিত এবং দাড়ি রাখিত না। যে সকল হিন্দু মুসলমান হইত, তাহারা গয়সাল নামে পরিচিত ছিল; যাহারা সানা বাধিত, তাহারা সানাকর; যাহারা শর নিৰ্ম্মাণ করিত, তাহারা তীরকর; যাহারা কাগজ কুটিত, তাহারা কাগজি; আর যাহারা সৰ্ব্বদা পথে পথে ঘুরিত তাহারা কলন্দর (ফকির) নামে পরিচিত হইত। কেহ কেহ, কাপড় রঙ্গ করিয়া রঙ্গরেজ নাম ধারণ করিত। গোমাংসের ব্যবসায় করায় কেহ কসাই এবং কাপড় কাটিয়া জামাদি তৈয়ার করায় কেহ দরজী বলিয়া পরিচিত হইত। আর, যাহারা নানাবর্ণের ফিতা (নেয়াল) বুনিত, তাহাদিগকে লোকে বেনটা বলিত। কবিকঙ্কণের কাব্যে মুসলমানদিগের উক্তরূপ জাতিবিভাগ দেখিতে পাওয়া যায়।

কবিকঙ্কণের সময়ে হিন্দুমুসলমানে বেশ মিশ্রমিশি হইয়াছিল। আমাদের মনে হয়, ঐ সময়ে সত্যনারায়ণ বা সত্যপীরের পূজার প্রচার হইয়াছে। তখনকার কালে হিন্দুরা মুসলমানের অনেক আচার এবং মুসলমানরা হিন্দুর অনেক আচার গ্রহণ করিয়াছিল। হিন্দুরা সত্যপীরের শীর্ষি দিত; মুসলমানরা ওলাইচণ্ডী, ষষ্ঠী প্রভৃতি হিন্দুর দেবদেবীর নিকট “মানত” করিত। বাঙ্গালার নানাস্থানে এখনও উক্তরূপ আচার দেখিতে পাওয়া যায়। হুগলী জিলার মুসলমানরা এখনও গোপাল, গোবিন্দ প্রভৃতি নাম রাখে। একজন মুসলমানকে গঙ্গার নিকট হুধ “মানত” করিতে দেখিয়াছি। নদীয়া জিলায়ও এইরূপ দেখিতে পাওয়া যায়।

সেকালের সহিত একালের সমাজের তুলনা করিলে দেখিতে পাই,

তখনকার সকল জাতিরই বাবসায় বেশ প্রচলিত ছিল। সকলেই আপনাপন জাতিবৃত্তি করিয়া জীবিকা উপার্জন করিত। সেকালের সমাজে এত দারিদ্র্য ছিল না; সকলেই কিছু না কিছু সঞ্চয় করিতে পারিত। এখনকার দিনে বিদেশী পণ্যে দেশীয় পণ্য নষ্ট হইয়া যাইতেছে। তখনকার দিনে দেশে যে পরিমাণে পণ্য জন্মিত, অর্থও সেই পরিমাণে দেশে সঞ্চিত হইত। মোটের উপর দেশের সকল লোকই অল্পাধিক পরিমাণে ধনী ছিল। তখন এত দুঃখের হাহাকার, দুর্ভিক্ষের একরূপ ভয়াবহ নিষ্পেষণ, দারিদ্র্যের একরূপ সর্বগ্রাসী ক্ষুধা নিরন্তর দেশবাসীকে জীবন্মৃত করিয়া রাখে নাই। তখন বাঙ্গালীর অন্তরে সুখ ছিল, শান্তি ছিল। এক একটি তপ্ত দীর্ঘশ্বাসে লোকের আয়ু এত কমিয়া যাইত না, পরন্তু আমোদ-উৎসবে তাহা বর্ধিত হইয়া বাঙ্গালীকে সুখ-শান্তিতে নিমগ্ন রাখিয়াছিল।

শ্রীবোগেশ্বর চট্টোপাধ্যায়।

সংশয়।

—:~:—

এই রঙ্গমঞ্চে আসি' হু'দিনের তরে
চলিতেছি কত অঙ্ক করি' অভিনয়,
শৈশব-যৌবন-লীলা করি' সমাপন
বার্দ্ধক্যের অভিনয়ে উপজে সংশয়—
• খেলা সাক্ষ হ'বে যবে—অন্ধ যবনিকা
এই রঙ্গমঞ্চ'পরে পড়িবে যখন,
চারিদিকে ঘনাইয়া আসিবে অঁধার !
কোথায় আবাস, কোথা করিব গমন ?

শ্রীষতীন্দ্রনাথ চট্টোপাধ্যায়।

মৃন্ময় ।

—:~:—

কোন প্রবীণ ঐতিহাসিক বলিয়াছেন, “পুরাতন স্থান ও পুরাতন কথা অতীত স্মৃতির উদ্বোধন করিয়া থাকে। সেই জন্ত এমন কি, যখন কোন ভয় স্তূপ বা ধ্বংসপ্রায় স্থান আমাদের নয়ন সমক্ষে পতিত হয়, অথবা কোন অসংলগ্ন প্রাচীন উপকথায় আমরা কিছুক্ষণের জন্ত মনোনিবেশ করি, তখন আমরা যেন তাহাদেরও মধ্যে অতীতের মনোমুগ্ধকর ছবি দেখিতে পাই। সে ছবি অস্পষ্ট হইলেও মধুরতাময়।” তাই আজ আমি মহাপ্রাণ সীতারামের রাজধানী মহম্মদপুরে আসিয়া সীতারামের দক্ষিণহস্তস্বরূপ বীরবর মৃন্ময় বা মেনাহাতীর সমাধিস্থলে বসিয়া, কল্পনা-নেত্রে সেই বহু বৎসরের পুরাতন দৃশ্য দেখিতেছি এবং হৃদয়ে এক অভূতপূর্ব আনন্দ অনুভব করিতেছি। মানস নয়নে দেখিতেছি, সীতারামের আদেশে বীর মৃন্ময় অত্যাচারী, পরপীড়ক গর্কোদ্ধত আবু তোরাবের মস্তকচ্ছেদন করিয়া তাঁহার প্রভুর পদতলে উপহার দিতেছেন; দেখিতেছি, দোলমঞ্চে বসিয়া ভক্ত মৃন্ময় সন্ধ্যাহিকদ্বারা স্বীয় পারত্রিক মঙ্গলের বিধান করিতেছেন। দেখিতেছি, জনপ্রিয় মৃন্ময় সীতারামকে পুষ্করিণী খননে প্ররোচিত করিয়া প্রজাবৃন্দের জলকষ্ট নিবারণের চেষ্টা করিতেছেন; আর দেখিতেছি, “ইচ্ছামৃত্যু” ভীষ্মের জায় আনাদের মৃন্ময়, বিশ্বাসঘাতকগণের হস্তে পড়িয়া নিজ মৃত্যুবাণের সন্ধান দিতেছেন। কল্পনানয়নে দেখিতেছি, অতীতের মনোহর মনোমুগ্ধকর ছবি; আর সম্মুখে দেখিতেছি, কালের ভীষণ অত্যাচার।

বন্ধিমের মৃন্ময় বাস্তবিক কি নামে অভিহিত হইতেন, সে সম্বন্ধে যথেষ্ট মতভেদ দেখা যায়। মেনাহাতী, মেলাহাতী, রামরূপ; রূপরাম ও রঘুরাম ইহার প্রকৃত কোন্ নামে তিনি পরিচিত ছিলেন, তাহার স্থির করা যায় না। নামের বিভিন্নতা থাকিলেও মৃন্ময় যে প্রকৃত বীর ছিলেন, তিনি যে অসমসাহসিক ছিলেন, এবং তাঁহার বিরাট বপু যে অসামান্য ছিল সে সম্বন্ধে কোন মতভেদই দেখা যায় না। কিন্তু অধুনা আমরা আর বড় কেহ মৃন্ময়ের কথা মনে করি না। স্মৃতি জাগাইবার জন্তই আজ আমরা মৃন্ময়ের ইতিহাস পাঠকের সম্মুখে উপস্থিত করিব।

কিন্তু মুম্বয়ের বিশেষ কোন ইতিহাস নাই। অত্যাচ্য কাহিনীর ঞায় এ কাহিনীও তিমিরে আচ্ছন্ন। সৌভাগ্যবশতঃ একজন ইংরাজ নিজগ্রন্থে এই বীরের কিছু কিছু কথা লিপিবদ্ধ করিয়া গিয়াছেন, তাই আমরা ইহার বিষয় কথঞ্চিৎ অবগত আছি। প্রথমতঃ ইংরাজ-লিখিত কথাই পাঠকের সম্মুখে উপস্থিত করিব।

“সীতারাম যখন লক্ষ্মীনারায়ণ শিলা প্রাপ্ত হইলেন, তখন আপামর-সাধারণ তাঁহাকে দেবানুগৃহীত বলিয়া মনে করিতে লাগিল এবং দলে দলে লোক তাঁহার অনুগামী হইতে লাগিল। ইহার মধ্যে মেনাহাতীই সৰ্ব্বপ্রধান। মেনাহাতী দানবাকৃতি ও যুদ্ধা ছিলেন। হস্তীর ঞায় বলশালী বলিয়া তাঁহাকে লোকে মেনাহাতী বলিত।

“মেনাহাতীর সাহায্যেই সীতারাম ধীরে ধীরে রাজ্যবৃদ্ধি করিতে লাগিলেন। নবাবী সৈন্য সীতারামকে পরাজয়ে অশক্ত হইলে নবাব নিজ জামতা আবু তোরাবের অধীনে একদল সৈন্য প্রেরণ করিলেন। কিন্তু বীর মেনাহাতীর ভীষণ পরাক্রমে মোগল সৈন্য বিধ্বস্ত হইয়া পড়িল এবং মেনাহাতী স্বহস্তে আবু তোরাবের শিরশ্ছেদ করিয়া সীতারামকে উপহার দিলেন।

“নবাব ইহাতে আরও ক্রুদ্ধ হইয়া সুবিখ্যাত সেনাপতি সংগ্রাম সাহের অধীনে একদল সুশিক্ষিত সৈন্য প্রেরণ করিলেন। সংগ্রাম সাহ ভূষণায় আসিয়া ছাওনি স্থাপন করিলেন। পূর্ববর্তী সেনাপতিগণের দৃষ্টান্তে সাবধান হইয়া সংগ্রাম সাহ প্রথমতঃ মেনাহাতীকে ধৃত করিবার চেষ্টা করিতে লাগিলেন। মেনাহাতী যখন প্রাতঃকৃত্য সমাপনার্থ দোল মন্দিরের নিকট দিয়া যাইতেছিলেন, তখন সংগ্রাম সাহ তাঁহাকে বন্দী করিলেন। অথবা, গুণ্ডার মুখে সংবাদ পাইয়া তিনি রাত্রিতে নদী পার হইয়া সিংহদ্বারের নিকট যে স্থানে মেনাহাতী শয়ন করিয়া থাকিতেন, সেই স্থানে সুষুপ্ত বীরকে বন্দীভূত করিলেন।

“নিরস্ত্র মেনাহাতী এই প্রকারে সপ্তদিবস শত্রুহস্তে বন্দী রহিলেন। এই সপ্তাহকাল তাঁহার শত্রুগণ তাঁহাকে অনবরত অস্ত্রাঘাত করিতে লাগিল। কিন্তু মেনাহাতীর নিকট এক অদ্ভুত ঔষধ থাকিত। এই ঔষধ তাঁহার দক্ষিণ স্কন্ধের চর্মের নিম্নে থাকিত এবং এই ঔষধের গুণে তিনি অস্ত্রাঘাতের দারুণ যন্ত্রণা হইতে নিষ্কৃতি না পাইলেও তাঁহার শরীরে অস্ত্রচিহ্ন হইত না। অবশেষে এই প্রকার ক্লেশ হইতে নিষ্কৃতি পাইবার জন্য তিনি শত্রুর নিকট ঔষধের কথা বিবৃত করিলেন; বলিলেন, রাম-সাগরের নিকট লইয়া এই ঔষধ তাঁহার

শরীর হইতে বিচ্যুত করিয়া উহাতে নিক্ষেপ করিলেই ঔষধের গুণ দূর হইবে। তাই তাঁহাকে রান-সাগর-তীরে লইয়া ঔষধ সেই সরোবরে নিক্ষেপ করিলে তিনি মৃত্যুমুখে পড়িত হইলেন।

“প্রবাদ এই যে, তাঁহার মস্তক মুর্শিদাবাদে নবাবের নিকট প্রেরিত হইয়াছিল; এবং নবাব তাঁহার বৃহৎ মস্তক দেখিয়া বলিয়াছিলেন, ‘এ প্রকার ব্যক্তিকে আমার নিকটে জীবিত আনাই তোমাদের কর্তব্য ছিল; ইহাকে হত্যা করা সমীচীন হয় নাই।’ নবাব ঐ মস্তক মহম্মদপুরে প্রত্যর্পণের আদেশ দেওয়াতে উহা মহম্মদপুরে প্রেরিত হয়। তথায় ঐ মস্তক ভূগর্ভে প্রোথিত করিয়া উহার উপর এক সমাধিগৃহ নির্মিত হয়। বর্তমান বাজারের সন্নিকটেই উত্তরপূর্ব কোণে এখনও মেনাহাতীর সমাধিসৌধের স্তম্ভাবশেষ দেখা যায়।”

ওয়েষ্টগ্যাওকৃত যশোহরের ইতিহাস হইতে আমরা এই বিবরণ সংগ্রহ করিলাম। অবশ্য তিনি উহা জনশ্রুতি বা কিংবন্তীর উপর নির্ভর করিয়াই রচনা করিয়াছেন। উহা প্রকৃত কি অপ্রকৃত তাহাও জানিবার কোন উপায় নাই। কিন্তু তিনি যে ঐ বিবরণ সংগ্রহ করিয়া নিজ গ্রন্থে বিবৃত করিয়াছেন। ইহা বাঙ্গালীর সৌভাগ্য বলিতে হইবে। কারণ, তাহা না হইলে যে যে সামান্য বৃত্তান্তে আমরা মৃত্যুর সন্ধান পাই, তাহা ও হয়ত বিস্মৃতির অগাঢ় তিমিরচ্ছন্ন হইয়া পড়িত।

মৃত্যুর যে মহাবীর ছিলেন ইহা সকলেই স্বীকার করেন। মৃত্যুর যে বিশাল দেহ ছিল তাহাও সর্ববাদিসম্মত। শুনা যায়, তাঁহার পদের নলা ৩৬ ইঞ্চি ছিল। সে হিসাবে মেনাহাতী পুরা ৭ হাত ছিলেন। কিন্তু মেনাহাতী হিন্দু কি মুসলমান সে বিষয়ে যথেষ্ট মতভেদ আছে এবং সে মতভেদ যে চিরকাল থাকিবে, তাহাতেও কোন সন্দেহ নাই।

মেনাহাতীকে যাহারা মুসলমান বলিয়া ধার্য্য করেন, তাঁহাদের প্রধান যুক্তি এই যে, মেনাহাতীকে যখন সমাধিস্থ করা হইয়াছে, তখন তিনি কিছুতেই এবং কোম প্রকারেই হিন্দু হইতে পারেন না এতদন্তরে যাহারা মেনাহাতীকে হিন্দু বলিতে চাহেন। তাঁহারা বলেন যে, উহা কবর নহে; পরন্তু স্মরণ্য মেনাপতির কীর্তিচরিত্ররনীর করিবার জন্তই সীতারাম ঐ সমাধিস্তম্ভ নির্মিত করাইয়া দিয়াছিলেন। আর একটি কথা। মেনাহাতী প্রত্যহ দোলমঞ্চের নিকট বসিয়া আত্মিকাদি বা সন্ধ্যা বন্দনা করিতেন। মুসলমান মেনাহাতীর

আর্য্যাবর্ত—



দোলমঞ্চ—মহম্মদপুর ।

কদাচ দোলমঞ্চের পার্শ্বে বসিয়া সন্ধ্যাহিক করিবার আবশ্যকতা ছিল না ; সুতরাং মেনাহাতী হিন্দুই ছিলেন।

আমরা পূর্বেই বলিয়াছি যে, এ সম্বন্ধে স্থির নির্ণয় ছরুহ ব্যাপার। সীতারাম যেরূপ অভেদ ভাবে হিন্দুমুসলমানকে স্নেহ করিতেন, হিন্দুমুসলমান মিলিত হইয়া যেরূপ ভাবে তাঁহাকে সাহায্য করিয়াছিল, তাহাতে মুসলমান সৈনিক যে তাঁহার নিকট আদর পাইবেন তাহাতে বিশ্বয়ের কারণ কিছুই নাই ; এবং তাঁহার প্রিয়পাত্র মুসলমান সৈনিকের মৃত্যু হইলে যে তিনি কবর ও সেই স্থলে ক্ষুদ্র বা বৃহৎ স্মারক মসজিদ নির্মাণ করিয়া দিবেন, তাহাতেও কিছু সন্দেহের কারণ নাই। বিশেষতঃ যে স্থানে মেনাহাতীকে সমাধিস্থ করা হইয়াছিল, সে স্থান দেখিলে এক্ষণে সমাধিস্তম্ভ কি মসজিদ তাহাও বুঝিবার কোনই উপায় নাই। আমাদের ক্ষুদ্র বুদ্ধিতে একটি কথা মনে হয়। মেনাহাতী যখন প্রত্যহ দোলমঞ্চের নিকট যাইতেন, তখন সম্ভবতঃ তিনি বৈষ্ণব ছিলেন। আমি দেখিয়াছি, কোন কোন বৈষ্ণবের মৃত্যুর পর শব দাহ করা হয় না ; “গোর” দেওয়া হয় এবং ঐ সমাধি স্থানে প্রত্যহ প্রাতে ও সন্ধ্যায় অন্নবাঞ্ছনাদি প্রদান করা হয়। মেনাহাতী বৈষ্ণব ছিলেন, ইহা যদি সত্য হয় তাহা হইলে তাঁহাকে এরূপ সমাধিস্থ করা অসম্ভব নহে।

যাহারা মেনাহাতীকে হিন্দু বলিতে চাহেন তাঁহারা বলেন যে, মেনাহাতী ষশোহরের অন্তর্গত রায়গ্রামের সুপ্রসিদ্ধ ঘোষবংশীয়। ঘোষমহাশয়নিগের বংশ-তালিকায় মেনাহাতী বা রূপরাম নাম পাওয়া যায় না। রঘুরাম নামক এক ব্যক্তির উল্লেখ পাওয়া যায়। বংশ-তালিকা নিম্নে প্রদত্ত হইল।

এই রঘুরামই যে মেনাহাতী ইহার কোন প্রমাণ পাওয়া যায় না। এই বংশেরই একজন যুবক বহু চেষ্টা করিয়াও আমাকে এ সম্বন্ধে প্রমাণ দিতে পারেন নাই। তবে বংশপরম্পরাক্রমে রঘুরামই মেনাহাতী এইরূপ কিংবদন্তী প্রচলিত।

আমরা রঘুরামের সমসাময়িক যে রামশঙ্করের নাম বংশ-তালিকায় দিয়াছি, এই রামশঙ্করকৃত জোড়-বাঙ্গালা ও শিবমন্দির এখনও রায়গ্রামে দৃষ্ট হয়। শিবমন্দিরগাত্রে নিম্ন লিখিত শ্লোক ক্ষোদিত আছে—

“বঠ বেদান্ত চন্দ্রে মেঘকে শ্রীশঙ্করালয়ঃ।

অকারি শঙ্করাণ্যেন ঘোষেনাপি হৃৎকিত্তঃ ॥

সন ১১৩১”

সন ১১৩২ সাল—ইংরাজী ১৭০৪ এবং শক ১৬৪৬ হয় । এক চক্র, চতুর্বেদ প্রভৃতি হইতে ১৬৪৬ পাওয়া যায় এবং বাঙ্গালা সন ১১৩১ও ঐ.শকাক হয় । এদিকে সীতারামের দশভূজালয়েও যে লিপি ছিল উহাতে ১৬২১ শকের উল্লেখ পাওয়া যায় । ১৬২১ শক হইলে ইংরাজী ১৬৯৯ ও বাঙ্গালা ১১০৬ আনাজ হয় । অর্থাৎ তাহা হইলে সীতারামের মন্দিরাদি নির্মাণের পঁচিশ বৎসরমধ্যে রায়গ্রামের শিবমন্দির ও জোড়-বাঙ্গালা নির্মিত হয় । রায়গ্রামে ঘোষবংশের রঘুরাম নিঃসন্তান । প্রবাদ এই যে, তিনি অবিবাহিত ছিলেন । রায়গ্রামস্থ মন্দির ও জোড়-বাঙ্গালা সীতারামের মন্দিরানুসারেই নির্মিত ; তবে আকারে ক্ষুদ্র । যদি রঘুরামই আমাদের মেনাহাতী হইতেন, তবে নিঃসন্তান রঘুরাম নিজ জাতি রামশঙ্করের দ্বারা জন্মভূমিতে যে মন্দিরাদি নির্মাণ করিবেন, তাহাতে আশ্চর্যের বিষয় কিছুই নাই ।

রায়গ্রামের জোড়-বাঙ্গালায় কোন আরক লিপি পাওয়া যায় না । জোড়-বাঙ্গালার গাত্রস্থ চিত্রগুলি অনেকাংশে মহম্মদপুরের গৃহাদির চিত্রের স্থায় । আর একটি কথা ; মেনাহাতী বৈষ্ণব ছিলেন এরূপ প্রকাশ আছে । রায়গ্রামে “রঘুরামের” জন্মভূমিতে নির্মিত শিব-মন্দিরে শিবলিঙ্গ স্থাপিত হইলেও প্রতিষ্ঠাতা যে কৃষ্ণ-ভক্তও ছিলেন তাহার একটি প্রমাণ পাওয়া যায় । জোড়-বাঙ্গালার কৃষ্ণপ্রস্তরের শ্রামরায় ও শালগ্রাম শিলা আছেন ; জোড়-বাঙ্গালায় পিতলের দশভূজা মূর্তিও পূজিতা হইয়া থাকেন । এই স্থানে আর একটি কথা মনোমধ্যে উদ্ভিত হয় । মহম্মদপুরেও শ্রামরায় ও দশভূজা আছেন । তবে মহম্মদপুরের দশভূজা অষ্টধাতুনির্মিত । কিন্তু সীতারামের দক্ষিণ-হস্ত-স্বরূপ মেনাহাতী যে তাঁহার প্রভুর আদর্শের অনুকরণ করিয়া একাধারে শিব, দুর্গা ও নারায়ণ ভক্ত হইবেন তাহাতে বিশেষ বিচিত্রতা দেখা যায় না । তাঁহার পক্ষে তদনুসারে স্বর্গে ঐ সকল দেবতা প্রতিষ্ঠাও সম্ভব বলিয়া বোধ হয় । বস্তুতঃ, এই সকল বিষয়ই অনিশ্চয়তার অন্ধকারাবৃত । ওয়েষ্টল্যাও গুরুতর ‘রাজকার্য্যে ব্যাপৃত থাকিয়া, বিদেশী হইয়াও আমাদের জ্ঞান যে ক্রেশ স্বীকার করিয়াছেন, উহার শতাংশের একাংশও যদি আমরা সময় মত স্বীকার করিতাম, তাহা হইলে আজ আমাদের এ দুর্দশা হইত না । তাহা হইলে এই সকল মহাপুরুষের কীর্তি-কাহিনীর জ্ঞান আজ আমাদের নিকট সন্ধ্যাহিক সমাপন করিতেন, একদিন তদ্রূপ

মুম্বয় বা মেনাহাতীর মৃত্যু-সম্বন্ধে অত্র একটি প্রবাদ প্রচলিত আছে । মেনাহাতী প্রত্যহ বেরূপ দোলমঞ্চের নিকট সন্ধ্যাহিক সমাপন করিতেন, একদিন তদ্রূপ

করিতে যাইয়া দেখেন, একটি রুগ্ন ব্যক্তি ঐ দোলমঞ্চের নিকট শায়িত রহিয়াছে। মেনাহাতীকে দেখিয়া সে ভিক্ষা প্রার্থী হইল। মেনাহাতী ভিক্ষা প্রদানে উদ্যত হইলে, অকস্মাৎ ঐ ব্যক্তি দীর্ঘ ছুরিকা মেনাহাতীর উদরে আমূল বসাইয়া দেয়। এই অবস্থায় যন্ত্রণাভোগে অশক্ত হইয়া, মেনাহাতী নিজ “মৃত্যুবাণের” কথা বলিয়া দিলে, তাঁহার শরীর হইতে ঔষধ বাহির করিয়া ফেলা হয় এবং তিনি শীঘ্রই মৃত্যুমুখে পতিত হইলেন।

দোলমঞ্চের প্রতিকৃতি আমরা এই প্রবন্ধের সহিত সংযুক্ত করিয়া দিলাম। এ দোলমঞ্চ পূর্বস্মৃতি জাগাইবার জন্ত এখনও একপ্রকার অটুট রহিয়াছে। দোলের সময় এখনও এই দোলমঞ্চ ব্যবহৃত হয়। ইহার সন্মুখস্থ ক্ষুদ্র মাঠে এখনও মেলা হয়। সীতারাম-উৎসবের উদ্যোক্তৃবর্গ এই মাঠেই উৎসব করিয়াছিলেন।

প্রবন্ধের সহিত আমরা সীতারামের মহম্মদপুরের দুইখানি ইষ্টকের প্রতিকৃতি দিলাম। একখানিতে পাঠক তৎকালীন স্ত্রীলোকের বসন-ভূষণের আভাস পাইবেন। অন্যটি একটি বীরের মূর্তি—ভগ্ন। পৃষ্ঠ দেশের তুণীর হইতে বীর তীর লইবার চেষ্টা করিতেছেন। জানি না এ কোন বীরের প্রতিকৃতি। মুখভঙ্গি দেখিয়া, বীরত্বব্যঞ্জক মূর্তি দেখিয়া মনে হয় যে, এককালে এই বীর শত্রু-দমন করিয়া দেশের মুখ উজ্জ্বল করিয়াছিলেন। অর্ধমাইল ব্যাপিয়া যে সরোবর আজিও মেনাহাতীর তীর নিক্ষেপের ক্ষমতার পরিচয় দিতেছে, যে সরোবর তীরে দাঁড়াইলে সেই বীরের অদ্ভুত তীর-নিক্ষেপের ক্ষমতা ও সঙ্গে সঙ্গে বীরত্বের পরিচয় পাওয়া যায়, এ কি সেই বীর? পথপ্রদর্শক তাহাই বলিলেন বটে, কিন্তু সত্য মিথ্যা জানিবার উপায় নাই। সত্যই কি যিনি একদিন বীর-দর্পে, মুসলমান সৈনিকের ভীতির কারণ ছিলেন, যাহার বীরত্বেই সীতারাম যশোহর, খুলনা, ফরিদপুর, নদীয়া ও পাবনায় রাজ্য-বিস্তারে সমর্থ হইয়াছিলেন, এবং যাহার মৃত্যুর সঙ্গে সঙ্গে সীতারামেরও পতন ও মৃত্যু হইয়াছিল, ইহা কি সেই বীরের প্রতিকৃতি? আশ্চর্য্যই বা কি?

“যচ্চিস্তিতং তদিহ দূরতরং প্রয়াতি,
যচ্চেতসা ন গণিতং তদিহাভ্যুপৈতি।
প্রাতর্ভবামি বসুধাধিপ চক্রবর্তী,
সোহহং ব্রজামি বিপিনে জটিলস্তপস্বী ॥”


যদি সেই রঘুকুলপতি ভগবান শ্রীরামচন্দ্রেরই অদৃষ্টে এইরূপ ঘটতে পারে,

তবে কালের কুটিল চক্রে ক্ষুদ্র মানব মেনাহাতীর প্রতিকৃতির এই দশাপ্রাপ্তিতে
বিশ্বের কারণ কোথায় ?

শ্রীযোগীন্দ্রনাথ সগন্ধার ।

রায়গ্রামের ঘোষবংশ-তালিকা

শ্রীমকরন্দ ঘোষ



রায়গ্রামের বৃহত্তম সৌন্দর্যপ্রতিম শ্রীমান শচীন্দ্রভূষণ ঘোষ সংগ্রহ করিয়া দিয়াছেন । তজ্জন্ত
আমি তাঁহার নিকট ধন্য ।



সমুদ্র-বন্ধে

(গী দে মোপঁসা)

—:—

মধ্যাহ্ন-রৌদ্রের খরতাপে অবসন্ন হইয়া আমি চক্ষু মুদ্রিত করিয়া সমুদ্রের বিমল বিরাম উপভোগ করিতেছি, এমন সময়ে বার্ণার্ড মৃদুস্বরে বলিল, “সমুদ্রের ঐ দ্বিমাস্তল জাহাজখানির পাইলে বেশ হাওয়া পাইয়াছে।”

সত্য বটে অ্যাগের সম্মুখভাগে সাগরের অপর পার্শ্ব হইতে একখানি দ্বিমাস্তল জাহাজ আমাদের দিকে অগ্রসর হইতেছিল। আমি দূরবীক্ষণ যোগে স্পষ্ট দেখিতে পাইলাম যে, বাতাসে ফুলিয়া সেই জাহাজখানির ভরা পাইল গোলাকৃতি ধারণ করিয়াছে।

রেমণ্ড অবজ্ঞাভাবে বলিল, “ইস্, ও ত অ্যাগের দিকের বাতাস। ঐ অন্তরীপের কাছে একেবারেই বাতাস নাই।”

বার্ণার্ড উত্তর দিল, “যাহা খুসী বল ; দেখিও পশ্চিমে বাতাস বহিবে।”

আমি দেহ অবনত করিয়া পোতকক্ষস্থিত বায়ুমানযন্ত্র নিরীক্ষণ করিতে লাগিলাম ; দেখিলাম, পারদস্তম্ভ অর্ধঘণ্টা মধ্যেই অনেকটা নামিয়া গিয়াছে। বার্ণার্ড শুনিয়া আমার কাণে কাণে বলিল, “মহাশয় ! পশ্চিমে বাতাসের মতই বোধ হইতেছে।”

এখন আমারও কোতূহল জাগরিত হইয়া উঠিয়াছে। বিশেষতঃ সমুদ্র-বন্ধে যাহারা বিচরণ করে, তাহারা সকলেই এইরূপ কোতূহলগ্রস্ত। এই কোতূহলের বশবর্তী হইয়া তাহারা সকল বিষয়ই লক্ষ্য করে—সকল বিষয়ই মনোযোগের সহিত পর্যবেক্ষণ করে, সামান্য সূক্ষ্মাংশেও তাহাদের ঐৎসুক্য উদ্দীপ্ত হইয়া থাকে। চক্ষু হইতে দূরবীক্ষণ যন্ত্র আর অপসৃত করিতে পারি-তেছি না। আমি অভিনিবেশপূর্বক দিগন্তবিস্তারী জলরাশির বর্ণ নিরীক্ষণ করিতেছি। বারিরাশি পূর্বেরই মত উজ্জল, মসৃণ ও বীচিবিক্ষোভশূন্য। যদি বাতাস আইসে তবে তাহা এখনও বহু দূরে রহিয়াছে।

নাবিকদিগের উপর বায়ুদেবতার কি আশ্চর্য প্রভাব ! তাহারা বায়ুকে মনুষ্যধর্মার্পণ করিয়াই কান্ত থাকে না। বায়ু তাহাদের নিকট অধ্বা-

শক্তিগম্য—সর্বশক্তিমান সম্রাটের জ্ঞান কখনও বা ভীতিপ্রদ কখনও বা দয়াপরবশ। আমরা পবনদেবকে যেরূপ ভালবাসি সেইরূপ ভয়ও করিয়া থাকি ; কারণ, আমরা তাঁহার ক্রোধ ও বিদ্বেষ-বুদ্ধির কথা সম্যক অবগত আছি। অধুনিগর্ভে ও আকাশপটে যে সকল প্রাকৃতিক-চিহ্ন প্রকটিত হইয়া উঠে, তাহাই আমাদের সতর্ক হইতে শিক্ষা দেয়। বায়ুর সহিত আমাদের যে অহরহঃ বিরোধ চলিতেছে তাহা আমরা এক মুহূর্তের জ্ঞানও বিস্মৃত হইতে পারি না। আমরা সর্বদাই যেন যুদ্ধের জ্ঞান প্রস্তুত থাকি। এই নিমিত্ত আমাদের ইন্দ্রিয়-শক্তি সর্বক্ষণ প্রথররূপে প্রযুক্ত হইয়া থাকে। আমরা চক্ষুদ্বারা অদৃশ্যপ্রায় প্রাকৃতিক পরিবর্তনের পর্যবেক্ষণ, গাত্রত্বকের সাহায্যে সমীরণের মধুর স্পর্শ বা ঝটিকার ভীষণ সংঘাতের অনুভূতি এবং আমাদের অন্তরান্ত্রার সহযোগে এই অব্যবস্থিতচিত্ত দেবতাটির চিত্তবৃত্তি নিরূপণের জ্ঞান সচেষ্ট।

সমুদ্রের উপর বায়ুর একাধিপত্য। এই অপ্রতিহত প্রভাবের কখনও ব্যতিক্রম হয় না। আমরা স্বীয় কার্যসাধনে বায়বশক্তির প্রয়োগ করিতে শিখিয়াছি ; এমন কি বায়বিক বিপ্লবে আমরা কৌশলে আত্মরক্ষা বা পলায়ন করিয়া অব্যাহতি লাভ করিতে পারি। কিন্তু বায়ুকে আমরা কখনও সম্পূর্ণরূপে আয়ত্তাধীনে আনিতে সমর্থ হই না। স্ত্রী বা শত্রুবশীকরণ অপেক্ষা ইহা সহস্র গুণ আয়াসসাধ্য ও সমধিক ভবিষ্যদৃষ্টির পরিচায়ক। উপাসক সম্প্রদায়ের মধ্যে শ্রেণীবিশেষ ঐশীশক্তিকে যেরূপ ভীষণ ও ক্রোধাক্রম বলিয়া ধারণা করে, নাবিক-গণের মধ্যেও বায়ু সশব্দে সেইরূপ অলৌকিক ধর্ম্মমিশ্রিত ভয় ও ভক্তি বিরাজমান।

বার্ণার্ড বলিল, “ওই দেখুন, বাতাস আসিতেছে”। দূরে—বহু দূরে দিগন্তের শেষসীমার জলরাশির উপরিভাগে অনতিদীর্ঘ একটি নীলকৃষ্ণরেখা ক্রমেই নিকটবর্তী হইতেছিল। সহসা দেখিলে তাহাকে অদৃশ্যপ্রায় ছায়া বলিয়া ভ্রম জন্মে। ইহাই সেই চিরঈশিত বায়ুস্রোত। ইহারই প্রত্যাশার আমরা এই প্রথর সৌরকরতাপে নিশ্চলভাবে অবস্থিতি করিতেছিলাম। ঝটিকার আটটা মাত্র বাজিয়াছে দেখিয়া আমি বলিলাম, “কি আশ্চর্য্য। পূর্কালেই পশ্চিমে বাতাসের আবির্ভাব!” উত্তরে বার্ণার্ড আমাকে জানাইল যে, বৈকালে বায়ুর বেগ বিশেষ বর্ধিত হইবে। আমি লক্ষ্য করিয়া দেখিলাম, জাহাজের বাতবস্ত্র স্নেহ ও অসহনভাবে দোহল্যমান। পাইলসংলগ্ন বৃহদাতনয় দাক্ষিণ্যিত ত্রিভুজটি গগনদ্বার স্পর্শ করিয়াছে বলিয়া বোধ হইতেছিল। আকাশ মেঘমুক্ত

দেখিরা আমরা নমুখবর্তী গুণবন্ধে জাহাজের সর্বোচ্চ পাইলটি তুলিয়া দিয়া-
ছিলাম। সেই পাইল-দণ্ডটি মাস্তুলের সর্বোচ্চাংশ অতিক্রম করিয়াও প্রায়
চারি হাত উর্ধ্বে উঠিয়াছিল।

চারিদিক স্থির নিস্তরক—যেন আমরা কঠিন ভূপৃষ্ঠোপরি অবস্থিত। বায়ুমান
বন্ধের পারদরেখা এখনও নিম্নগামী। দূরদৃষ্ট সেই শ্রামলবর্ণ রেখাটি ক্রমেই
নিকটবর্তী হইতেছে। সমুদ্রজলের ধাতবিক ঔজ্জ্বল্য অকস্মাৎ নিশ্চল হইয়া
অসকান্তিতে পরিণত হইল। আকাশ এখনও নির্মল ও নিরল।

মহুগ সমুদ্রগাত্রে সহসা রোমাঞ্চ-সঞ্চারের ত্রায় বারিরাশি সহসা হিল্লোলিত
হইয়া উঠিল; যেন অসংখ্য বালুকাকণাবর্ষণে মহাসিকু বিক্ষুব্ধ হইয়াছে। অদৃশ্য-
প্রায় তরঙ্গমালার ত্বরিতাপসরণে মনে হইতে লাগিল, কে যেন সেগুলিকে
সহসা মুছিয়া ফেলিয়াছে।

বায়ুবেগে বাতবন্ধখানি কাঁপিয়া উঠিল এবং অল্পক্ষণপরে প্রধান পাইলের
প্রায়ক দণ্ডটি জাহাজের দক্ষিণপার্শ্বে হেলিয়া পড়িল। আমি মুখমণ্ডলে
সমীরণের মৃদু স্পর্শ অনুভব করিলাম। ক্রমেই চারিদিকে তরঙ্গ-হিল্লোল
বিস্তৃত হইতে লাগিল; যেন বালুকাবর্ষণ নিরবচ্ছিন্নভাবে চলিয়াছে। এখন
আমরা অগ্রসর হইতে আরম্ভ করিলাম। তরঙ্গীখানি ঋজুগতিতে চলিতেছিল।
আমরা পোতপার্শ্বে মৃদুজলোচ্ছ্বাসশব্দ শুনিতে পাইতেছিলাম। আমার হস্ত-
স্থিত কর্ণদণ্ড ক্রমেই দৃঢ়তর হইয়া উঠিতেছিল এবং কর্ণসংলগ্ন সুদীর্ঘ ক্রুশাকৃতি
পিত্তলদণ্ডটি সূর্যালোকে অগ্নিময় বৃত্তের ত্রায় বোধ হইতেছিল।

দেখিতেছি, আমাদেরকে পোতের দিক-পরিবর্তন করিতে হইবে। কিন্তু
জাহাজে কতি কি? তরঙ্গীখানি যেন বায়ুর সহিত সন্নদ্ধ হইয়া চলিয়াছে।
যদি বাতাসের বেগ মন্দীভূত না হয় তাহা হইলে আমরা সূর্যাস্তের পূর্বেই
সেন্ট র্যাফেলে পৌঁছিতে সমর্থ হইব।

আমরা ক্রমে নোবহরের সমীপবর্তী হইতে লাগিলাম; দেখিলাম, নঙ্গরবন্ধ
ছরখানি লৌহমণ্ডিত রণপোত এবং ছুইখানি সংবাদবাহী তরঙ্গী মৃদুগতিতে
দিক পরিবর্তন করিয়া পশ্চিমাভিমুখী হইল। উপসাগরের মধ্যভাগে অবস্থিত
ছড়াচিহ্নিত 'ফরমিসনাস' পাহাড় অতিক্রমকরণাভিপ্রায়ে আমরা নিশ্চুক্ত সমুদ্র-
বন্ধে জাহাজের গতি-নির্দেশ করিলাম। বায়ুশ্রোত তীব্রবেগে বর্ধিত হইতে
লাগিল এবং তরঙ্গক্ষীত সমুদ্রবন্ধ ক্ষুদ্রকায় ক্ষণাবলম্ব তরঙ্গমালার সমাবৃত হইল।

পূর্ণপাইলভরে অবনতমুখী তরঙ্গীখানি তীব্রবেগে ছুটিয়া চলিয়াছে এবং

তৎপশ্চাতে ফেনরাশি বিদীর্ণ করিয়া সেই রজ্জুসম্বন্ধ ডিম্বিধানি ধাবমান । ডিম্বির গলুই শূন্যমার্গে এবং পশ্চাদ্ভাগ সমুদ্রাভ্যন্তরে । বন্ধনরজ্জু আকর্ষণবেগে প্রসারিত । সেন্ট হনরাটসম্মিধ্যে উপনীত হইলে আমরা রক্তবর্ণ তীক্ষ্ণ প্রস্তর-খণ্ডসমাচ্ছাদিত একটি পাহাড় অতিক্রম করিলাম । শল্লকীর ঞ্চার কণ্টকিত তীক্ষ্ণদন্তনখরযুক্ত এই বন্ধুর শৈলটি প্রথম দৃষ্টিতে আরোহণসাধ্য বলিয়া মনে হয় । আরোহণকামী ব্যক্তিকে দুইটি উদ্ভাত শিলাখণ্ডের মধ্যদেশে পদ প্রবিষ্ট করাইয়া সম্বর্ণনে অগ্রসর হইতে হয় । এই দ্বীপের নাম সেন্ট টরিয়ল । কি জানি কি প্রকারে পাহাড়ের ফাটলে ও গর্ভে কিয়ৎ পরিমাণ মৃত্তিকা সঞ্চিত হইয়াছে । এই অক্ষুর ছরধিগম্য স্থানেও কুমুদ ও মনোহর নীল আইরিস পুষ্প প্রফুল্লিত হইয়া কুমুমস্বময় চারিদিক সুশোভিত করে । বুঝি বা সেগুলি স্বর্গভ্রষ্ট বীজ হইতে উৎপন্ন ।

বিমুক্তসাগরমধ্যবর্তী এই অপূর্ব শৈলদ্বীপে বাদকশ্রেষ্ঠ প্যাগানিনির মৃতদেহ পাঁচ বৎসরকাল জনসমাজের অজ্ঞাতসারে প্রোথিত ছিল । এই অভূতপূর্ব পরি-
 গাম এরূপ অদ্ভুত-চরিত্র প্রথিতযশা ললিতকলাবিশারদের উপযোগী বলিয়াই মনে হয় । প্যাগানিনির চরিত্রগত বৈষম্য একাধারে অমানুষিক ও অমানুষিক ব্যবহার তাঁহার ভূতগ্রস্ততা প্রবাদের সৃষ্টি করিয়াছিল । তাঁহার বিসদৃশ আকৃতি, অপরূপ মুখাবয়ব, অলোকসামাগ্র প্রতিভা এবং অত্যধিক কৃশতা এই সকল কারণপরম্পরায় তাঁহার অস্তিত্ব উপকথাবর্ণিত অলীক চরিত্রে বা হৃদয়ানের অঙ্কিত অপছায়ামাত্রে পর্য্যবসিত হইয়াছে । পুত্রসমভিব্যাহারে তাঁহার বাসভূমি জেনোয়া নগরীতে প্রত্যাগমনকালে তিনি নাইস নগরে ১৮৪০ খৃষ্টাব্দে ২৭শে মে তারিখে বিসৃচিকা রোগে প্রাণত্যাগ করেন । ইদানীং তাঁহার কণ্ঠস্বর এত ক্ষীণ হইয়াছিল যে, তাঁহার কথা তাঁহার পুত্রব্যতীত আর কাহারও কর্ণগোচর হইত না । পুত্র পিতার শবদেহ একটি অর্নবপোতে স্থাপন করিয়া ইটালি অভিমুখে যাত্রা করিলেন । কিন্তু জেনোয়ার যাজক সম্প্রদায় ভূতাবিষ্ট ব্যক্তির অস্ত্যষ্টিক্রিয়া সম্পন্ন করিতে কোনক্রমেই স্বীকৃত হইলেন না । এ সম্বন্ধে রোম-নরবারে আবেদন করা হইয়াছিল ; কিন্তু কেহই অনুমতি প্রদানে সাহসী হইলেন নাই । এই সকল বাধাবিপত্তি সত্ত্বেও শবাধার তীরে লইয়া যাওয়ার আয়োজন করা হইতেছে, এমন সময় জেনোয়ার মিউনিসিপ্যালিটি অকস্মাৎ এক নূতন আপত্তি উত্থাপিত করিলেন । তৎকালে জেনোয়া নগরীতে ভয়ানক ওগাউঠা রোগের প্রাদুর্ভাব হইয়াছিল এবং মিউনিসিপ্যালিটির কর্তৃ-

পক্ষীরগণ ছলপূর্বক এই হেতুবাদের আশ্রয়গ্রহণ করিলেন যে, বৈদেশিক ওলাউঠা-বিষহুঁষ্ট শব্দেহ তথায় আনয়ন করিলে এই ভীষণ সংক্রামক ব্যাধির প্রকোপ বৃদ্ধি পাইতে পারে।

প্যাগানিনির পুত্র বিফলমনোরথ হইয়া মার্শেলসে প্রত্যাভর্তন করিলেন। কিন্তু তথায়ও তিনি পূর্বোক্ত কারণে বন্দরে প্রবেশের অনুমতি পাইলেন না। তথা হইতে তিনি ক্যানে যাত্রা করিলেন; কিন্তু কোনক্রমেই প্রবেশাধিকার লাভে সমর্থ হইলেন না। অগত্যা তাঁহাকে পোতমধ্যেই আশ্রয়গ্রহণ করিতে হইল এবং মনুষ্যপরিবর্জিত এই অদ্ভুতপ্রকৃতি বাদকের মৃতদেহ তরঙ্গসজ্জাতে আন্দোলিত হইতে লাগিল। প্যাগানিনির পুত্র কোথায় যাইবেন, কি করিবেন কিরূপে পবিত্র পিতৃশবের সংকার হইবে তাহা কিছুই স্থির করিয়া উঠিতে পারিতেছিলেন না। অকস্মাৎ তরঙ্গাভিহত নগ্নকায় সেন্ট টেরিয়ল শৈল তাঁহার নয়নপথে পতিত হইল। তিনি এই স্থানেই পোত হইতে অবতরণ করিয়া দ্বীপের কেন্দ্রস্থলে শবাধার সমাহিত করিলেন।

অবশেষে ১৮৪৫ খৃঃ অব্দে তিনি পিতৃদেহাবশেষ সমাধি হইতে উত্তোলন করিয়া জেনোয়াস্থ গেজোনা পল্লী নামক আবাসে স্থানান্তর করণ মানসে দুই জন বন্ধুর সহিত পুনরায় এই দ্বীপে ফিরিয়া আইসেন। এই অসাধারণ বেহালাবাদক এরূপ বন্ধুর কঙ্করসকুল স্থানে শৈলবিভগ্ন লহরীমালার অবিরাম সঙ্গীতে চিরস্বপ্নিমগ্ন থাকিলে অনেকের মতে অধিক সঙ্গত বলিয়া মনে হইত, সন্দেহ নাই।

পুরোভাগে বিরাজমান সিঙ্কুগর্ভস্থিত সেন্ট হনরাট দুর্গ অ্যাণ্টিবস অন্তরীপ বেষ্টন কালেই আমাদিগের দৃষ্টিগোচর হইয়াছিল। ইহারই কিয়দূরে অর্ধ-নিমজ্জিত শৈলশ্রেণীর অন্তর্ভাগে লামইনস নামক একটি সমুচ্চ দুর্গ-মন্দির দণ্ডায়মান। এক্ষণে এই স্মৃতিঙ্ক শিলাসমুচ্চর আপতিত তরঙ্গসমুৎপন্ন শ্বেতফেন-পুঞ্জ সমাবৃত এবং ভীষণ বারিধি-কল্লোলে প্রতিশব্দিত। অন্ধকারময়ী রজনীতে উপকূলভাগের এই অংশই সর্বাপেক্ষা ভয়াবহ বলিয়া পরিগণিত হয় এবং আলোকচিহ্নিত নহে বলিয়া প্রায়শঃ পোতধ্বংশের কারণ-স্বরূপ হইয়া থাকে। সহসা দমকা বাতাসে তরীখানি পার্শ্বে হেলিয়া পড়ায় তরঙ্গোচ্ছ্বাসে অনাবৃত পাটাতন জলসিক্ত হইয়া গেল। আমি আকর্ষিবিশিষ্ট উর্দ্ধতন পাইলটি অবনত করিতে আদেশ করিলাম; নতুবা গুণবৃক্ষ ভগ্ন হইবার সম্ভাবনা ছিল। দিগন্ত-প্রসারী বারিরাশি উত্তাল তরঙ্গাকারে উথিত, অধঃপতিত এবং ফেনপুঞ্জ

ধবলীকৃত হইতে লাগিল। চারিদিকে বাত্যাবিধ্বস্ত সমীরণ স্বন্ স্বন্ শব্দে মতোমণ্ডল আকুলিত করিয়া যেন ভয়প্রদর্শনপূর্বক জানাইতেছিল, “অদ্যকার অবস্থা আশঙ্কাজনক—সকলে সাবধান হও”।

ধানার্ড বলিল, “অদ্য আমাদিগকে ক্যানে নগরেই রাত্রি-যাপন করিতে হইবে।”

অর্দ্ধ ঘণ্টাকাল অতিক্রম করিতে না করিতেই আমরা লম্বান ত্রিকোণাকৃতি পাইলটি নামাইয়া ফেলিতে বাধ্য হইলাম। তৎপরিবর্তে একটি অপেক্ষাকৃত ক্ষুদ্রাতন পাইল সংস্থাপিত করিয়া বৃহত্তম বাতবস্তুর কিয়দংশ সংবৃত করা হইল। ইহারই প্রায় অর্দ্ধ দণ্ডের মধ্যে আমরা পুনরায় বাতবস্ত্র সঙ্কোচনে প্রবৃত্ত হইলাম।

গত্যন্তর না দেখিয়া আমি ক্যানে গমনই স্থির করিলাম। ক্যানে বন্দর আশ্রয়শূন্য বলিয়া সেরূপ নিরাপদ নহে। বিশেষতঃ জাহাজের নঙ্গর-স্থান দক্ষিণ-পশ্চিমদিকে সংরক্ষিত না থাকায় সমুদ্রতুফানে নঙ্গরবন্ধ পোত-সমূহের বিশেষ অনিষ্ট হইবার সম্ভাবনা। উপযুক্ত আশ্রয় লাভের সুবিধা থাকিলে বহুসংখ্যক বিদেশীয় বিলাস-তরণী সর্বদা বন্দরে উপস্থিত থাকিয়া নাবিকগণের যথেষ্ট অর্থাগমের সহায়তা করিতে পারিত। এ বিষয় প্রণিধান করিলে এতদেশীয় লোকচরিত্রের স্বাভাবিক দুর্বলতা সহজেই উপলব্ধ হইয়া থাকে। ইহাদিগের চিন্তে অলসতা একরূপ দৃঢ়ভাবে বদ্ধমূল হইয়াছে যে, ইহারা এতাবৎকাল শাসনকর্তৃগণের নিকট এ প্রকার অপরিহার্য পূর্তকার্যের প্রয়োজনীয়তা প্রতিপাদন করিয়া আবশ্যিক সাহায্যালাভে সমর্থ হয় নাই।

বেলা ১০ ঘটিকার সময় আমরা লা ক্যানে নামক বাষ্পীয় পোতের অপর পার্শ্বে নঙ্গর ফেপন করিলাম। আকস্মিক বিঘ্নে সমুদ্র-যাত্রার ব্যাঘাত ঘটায় আমি ভগ্নমনোরথ হইয়া এই স্থানেই অবতরণ করিলাম; দেখিলাম, সমগ্র স্থান শ্বেতবর্ণ ফেনলেখায় পরিব্যাপ্ত।

শ্রীগুরুদাস সরকার ।

বিপত্নীক।



১

গৃহ নিরানন্দ অন্ধকার।
আমি কি এ গৃহস্বামী ?
চোরের মতন আমি
ভয়ে ভয়ে হেরি চাৰিধাৰ।

২

সারাদিন ঘুরি পথে পথে,
মিলি জন-কোলাহলে,
হৃদয় বাধিয়া বলে,
বিশ্বাস করিয়া কোন মতে—

৩

ফিরিয়াছি গৃহে আপনার।
অঁধি মেলি দেখিবারে
সাহসে কুলায় না রে,
পাছে ভুল ভাঙ্গে পুনৰ্কার !

৪

নিঃশব্দে দাঁড়ায়ে আছি দ্বারে ;
জগত অঁধার শুরু,
হৃদয়ে দারুণ শব্দ—
ভুলিতে পারি না আপনারে

৫

তা'র পর, যা হয় তা হোক।
মরণে মরণ যোগ,
একত্রে স্বৰ্গ-ভোগ,
না হয়, একত্রে শ্ৰেত-লোক।'

৬

আবার আশায় করি ভয় ;—
ঘরে বা তুলসিতলে
যদি তা'র দীপ জলে !
যদি তা'র শুনি কণ্ঠস্বর !—

৭

ঘুচে যার এ চিন্তাবিকার !
বলি তারে,—‘আর মৃত্তি,
দেখেছি হুঃস্বপ্ন অতি,
কি যে কষ্ট, নহে বলিবার।

৮

পা দিও না আর মৃত্তিকার,—
মিলন-কাতরা ধরা,
রোগ-শোক-মৃত্যুভরা,
বিরহ ফিরিছে পায় পায়।

৯

এস, বুকে রাখি লুকাইয়া ;—
কঠিন এ অস্থি-চৰ্ম্ব,
গভীর হৃদয়-মৰ্ম্ব,
দীৰ্ঘ—এই দীৰ্ঘ শ্ৰাণ দিয়া।

১০

শ্ৰীঅক্ষয়কুমার বড়াল।

সরযুবাল।

—:—

১

যখন পিতামাতা আদর করিয়া রুদ্রেশ্বর নাম রাখিয়াছিলেন, তখন কি তাঁহারা জানিতেন, পুত্রের স্বভাবটিও রুদ্র হইবে? রুদ্রেশ্বর পিতামাতার একমাত্র সন্তান, ঠাকুরমা'র এক নাতি, পিসিমা'র এক ভাইপো। স্তুরাং কেহই তাহাকে কিছু বলিত না। কত ঠাকুরের দ্বার ধরিয়া, কত দেবতার পায়ে মাথা খুঁড়িয়া তবে তাঁহারা রুদ্রকে পাইয়াছেন। হইল বা সে একটু বেশী আবদারে, তাহাতে ক্ষতি কি? তাহার আবদার পূরণ করিয়া, তাহাকে মিষ্টবাক্যে তুষ্ট করিয়া তাহার মুখখানি হাসিপূর্ণ দেখিলে তাঁহাদের যে আনন্দ হয়, লোকের একটা রাজ্য প্রাপ্তিতে বোধ হয় তত আনন্দ হয় না।

এত আদরেও কিন্তু রুদ্রেশ্বর অপব্যয়ী হয় নাই। বাল্যকাল হইতেই সে হাতে যথেষ্ট পয়সা পাইয়াছে, সে সকল পয়সা সে বন্ধুবান্ধবদিগকে খাওয়ান, চাঁদা দেওয়া, গুড়ি-লাটাই কেনা ইত্যাদিতে ব্যয় করিয়াছে; কখনও মন্দ কায়ে ব্যয় করে নাই। সেকেণ্ডক্রাস অবধি পড়িয়া সে পড়া ছাড়িয়া দিল। পিতা দুই একবার তাহাকে স্কুলে যাইতে বলিলেন, তাহার মত হইল না। সে বলিল, “আমার চাকরী করে দিন, আমি পড়বো না।”

চাকরীর বাজার যে কিরূপ তাহা পিতা জানিতেন। লোক পাশ দিয়াই ঘুরিয়া বেড়ায়, তা সে সেকেণ্ডক্রাস অবধি পড়িয়া চাকরী করিবে! মুকুবি বা বিদ্যা—জুইটার একটা না হইলে যে চাকরী পাওয়া হুঙ্কর, সেটা তাহার বুঝিবার দরকার হয় নাই। সে জানে, যখন যাহা চাহিয়াছি পাইয়াছি; এখন চাকরী চাহিতেছি—অবশ্য পাইব। প্রত্যহ স্কুল আর স্কুল—এটা তাঁহার বড় বিরক্তিকর মনে হইল। চাকরী যে চোরের বেড়ী, স্কুলের অপেক্ষাও বিরক্তিকর সেটা তাহার মাথায় আইসে নাই। পিতাও বুঝিলেন, যখন সে পড়িব ‘না’ বলিয়াছে তখন ‘হাঁ’ করান বড় কঠিন ব্যাপার। নাই পড়ুক—নাই চাকরী জুটুক তাঁহার যাহা আছে বুঝিয়া চলিলে তাহাতে জীবন সুখে কাটিয়া যাইবে। এই ভাবিয়া তিনি আর কিছু বলিলেন না।

খুব ঘটা করিয়া রুদ্রেশ্বরের বিবাহ হইল। বউটি বোধ হয় তত সুলক্ষণা

নহে, কেন না, বৎসর না ঘুরিতে ঘুরিতে রুদ্রেখরের পিতামাতা ও ঠাকুরমা কলেরার মর্ত্যলোক ত্যাগ করিলেন। বধু বালিকা বলিয়া যম বেন দয়া করিয়া পিসিমা'কে ছাড়িয়া যাইল। পিতার টাকা-কড়ি রুদ্রেখর সব বুঝিয়া পাইল। আর সঙ্গে সঙ্গে কতকগুলি মন্দচরিত্র যুবক তাহার তোষামদকারী হইয়া আসিয়া জুটিল। পিসিমা দেখিলেন, গতিক ভাল নহে; যদি ঐ যুগুগুলি দিন কতক এই ভিটার আশ্রয় লয়, তাহা হইলে “সোণার” রুদ্র “মাটি হইবে”। তিনি এক দিন রুদ্রকে একটা গল্প বলিতে বসিলেন। রুদ্র হাসিয়া বলিল, “সেকি পিসিমা, এখন কি আমার সেই বালকটি পেয়েছ নাকি, যে গল্প শোনাতে এসেছে?”

পিসিমাও হাসিয়া বলিলেন, “আরে ক্যাপা আমার কাছে তুই তো বালকটিই আছিস। আর এটা গল্প নয়, সত্যি ঘটনা। আমার খণ্ডরের এক জ্ঞাতির কথা। শোন না, বলতে এসেছি। তোকে ছাড়া আর কা'কে বলবো?” পিসিমা'র এত বলিবার ইচ্ছা দেখিয়া রুদ্র তাঁহার ক্রোড়ে মাথা রাখিয়া শয়ন করিয়া বলিল, “বল শুনি”।

“আমাদের সেই জ্ঞাতির বাপের অনেক বিষয় ছিল। তার বাপের মৃত্যুর পর, সে সমস্ত তা'রা ছ'ভায়ে ভাগ করে নিলে। বড়টি সেয়ানা ছিল, সে সেই বিষয় বুঝির জোরে বাড়িয়ে আরও নূতন জমিদারী কিনলে। ছোটটিকে বোকা পেয়ে তার অনেক বাজে-বন্ধু জুটলো। বাজে-বন্ধু কেন বল্লুম জানিস? বন্ধু নামটি শুনতে যেমন মধুর, তেমনই বন্ধুর দ্বারা উপকার ছাড়া অপকার হয় না। কিন্তু এমন কতকগুলি লোক আছে যা'রা এই বন্ধু সেজে এসে সর্বনাশ করে চলে যায়। তাদের বাজে-বন্ধু বলে। ছোটটি তা'দের কুহকে পড়ে সর্বস্বান্ত হয়ে শেষে জেলে যাবার যোগাড় হলো। কেন না, সেই বন্ধুরা তাকে খুব হাণ্ডনোট কাটিয়ে দেনার জড়িয়ে রেখেছিল। ভাগ্যে তা'র বড় ভাই ছিল, তাই সে বিপদ থেকে তাকে উদ্ধার করে, আপনার বাড়ীতে রেখেছে। না হলে তা'র ছুঁখে শেয়াল-কুকুর কাঁদতো।”

“একি গল্প পিসিমা? একটুখানি; কোন আশ্চর্য্য কথা নেই। এ রকম কথা আমি ত চের শুনেছি।”

“রুদ্র, যদি শুনিছিস, বাবা, তবে ঐ যে বয়্যাটে ছোঁড়াগুলো এসে তোকে রাতদিন খোসামোদ করে স্বর্গে তুলছে, ওদের তাড়া। ওদের ছায়া মাড়ালেও সর্বনাশ হয়। দাদা যা রেখে গেছেন, তুই যদি শুছিরে চলেতে পারিস, তাহলে কখনও কষ্ট পাবি না। পায়ের উপর পা দিয়ে বসে থাকি।”

রুদ্র ও পিসিমা'র কথার স্বীকার পাইয়া বাহিরে বাইল। পিসিমাও তাই-
পোর স্বভাব বুঝিয়া গল্পছলে কথা পাড়িয়াছিলেন। তাহা না করিয়া তিনি
যদি প্রথমেই উপদেশ দিতে যাইতেন, তাহা হইলে রুদ্র রুদ্রমূর্ত্তি ধরিত ;
পিসিমা'র কথার বিপরীত ফল ফলিত।

রুদ্রেব্বরের রুদ্র কথার বহুদল গ্রহান করিল। পিসিমাও শান্ত মনে
ব্রাহ্মপুত্র ও বধু লইয়া সংসার করিতে লাগিলেন। তাহার মন শান্ত হইল
বটে, কিন্তু বধু বা রুদ্র কেহ শান্তি পাইত না। বাল্যকাল হইতেই রুদ্র জানে,
সংসারে যে কেহ আসিবে ও থাকিবে, সকলেই তাহার সুখ-স্বচ্ছন্দ-বিধানের
অস্ত্র ব্যস্ত থাকিবে। তাহাদের আপনার স্বতন্ত্র অস্তিত্ব থাকিবে না। বধুটি শু
সেৱপ করে না! ইহাতে রুদ্র বড়ই চটিত, আর স্ত্রীকে খুব শাসন করিত।
ঈশ্বরের সময় রুদ্রের ইচ্ছা, বধু সারারাত তাহাকে বাতাস করিবে, সে ঘুমাইবে।
কিন্তু বালিকা বাতাস করিতে করিতে ঘুমাইয়া পড়িত। ঈশ্বরের তাপে রুদ্রের
নিদ্রা ভঙ্গ হইলে সে স্ত্রীর উপর চটিয়া যাইত ও ক্রুদ্ধস্বরে বলিত, “দিনে তো
কোন কাষ থাকে না, সে সময়ে ঘুমাতে পার না? আমার সেবা করতে
গেলেই ঘুম আসে!” তিরস্কৃত বালিকা যদি দিনে কেশী ঘুমাইত, পিসিমা
বকিতেন, “একি অলক্ষণ; সারাদিন ঘুম কি?”

এইরূপ এমন এক একটি কাষ তাহার স্কন্ধে পড়িত, বাহা করিলে একজন
সন্তুষ্ট হইবে, আর একজন অসন্তুষ্ট হইবে। সে পিসিমা'কে সন্তুষ্ট রাখিতেই
অধিক সচেত হইত; আর নীরবে রুদ্রের কাছে তিরস্কার সহ করিত। সর্বদা
ভরে ভরে থাকিরা তাহার হৃদরোগ জন্মিল। সে অসুখের কথা কাহাকেও
বলিল না। এখন সে ক্রমে বড় হইতেছে ও বুঝিয়াছে, এরূপ যন্ত্রণাময়
জীবন অপেক্ষা মৃত্যু শতগুণে শ্রেয়ঃ। এই অবস্থায় একটি সুন্দরী
কন্তা প্রসব করিয়া স্মৃতিকা গৃহেই সে সকল যন্ত্রণার হস্ত হইতে নিস্তার
পাইল। এই ঘটনার রুদ্রেব্বরের সুখের স্বপ্ন যেন ভাঙিয়া গেল। সেই
প্রচণ্ডমূর্ত্তি রুদ্র বালকের স্মরণ ক্রন্দন করিল। স্ত্রীর স্মরণ-চিহ্ন কন্তাটিকে
বুকে করিয়া রুদ্র আপনাকে সামলাইয়া লইল। পিসিমা ও একজন
ধাত্রী কন্তাটিকে পালন করিতে লাগিল। পুনরায় রুদ্রের বিবাহ দিবার
চেষ্টা পিসিমা অনেক করিলেন, কিন্তু কিছুতেই বিবাহে রুদ্রের মত হইল
না। এতদিনের পর তাহার অন্তর “গৌ” তাহাকে একটা ভাল কাষ
করাইল।

২

কন্তাটি যখন অষ্টম বৎসরে পড়িল, সেই সময় পিসিমা স্বর্গারোহণ করিলেন। পিসিমা'র মৃত্যুর পর রুদ্রেখর কোথাও বেড়াইতে যাওয়া বন্ধ করিল। প্রাতে ও সন্ধ্যায় সে বৈঠকখানায় বসিত; অন্য সময় সরযুকে লইয়া কাটাইত। সরযুর সামান্য অসুখ হইলেই রুদ্রেখর পাগলের মত হইত; মনে করিত, সরযু বুঝি এইবার পলাইবে, এই বিশাল বিশ্বে সে একান্ত নিঃসঙ্গ হইবে। সরযুর খেলার সঙ্গী পিতা, সে কখন পিতাকে পুত্র সাজাইয়া খাওয়াইতেছে, কখন গান করিয়া পিতাকে ঘুম পাড়াইতেছে, আবার কখন বা চক্ষু রক্তবর্ণ করিয়া তাহাকে ধমকাইতেছে। পিতাও শাস্ত শিশুর মত সরযুর আদেশ যথাযথ পালন করিত। গভীর রাত্ৰিতে যখন সরযু খাতীর কাছে নিজা যাইত, তখন রুদ্রেখর নিজের সেই অযথা ক্রোধের কথা স্মরণ করিয়া বড়ই ক্লেশ পাইত। স্বীয় সুখের জন্ত সে বালিকা পত্নীকে কত কষ্ট দিয়াছে। সেই সকল কথা চিন্তা করিতে করিতে এক একদিন তাহার যাতনা এত অসহ্য হইত যে; নিদ্রিত সরযুকে খাতীর নিকট হইতে আনিয়া সে আপনার সেই যাতনা-পীড়িত বক্ষে স্নেহালিঙ্গন-পাশে বাঁধিয়া তবে শান্তি পাইত। সরযু না থাকিলে বুঝি রুদ্রেখর পাগল হইয়া যাইত।

সরযু যখন দ্বাদশ বৎসরে পড়িল, তখন প্রতিবাসীরা উপদেশ দিল, এইবার কন্তাটির সম্বন্ধ দেখুন—আর স্থির থাকা উচিত নহে। সে কথা শুনিয়া রুদ্রেখরের হৃদয় কম্পিত হইল, তবে কি এত দিন পরে সরযু পর হইয়া যাইবে? এ যে কন্তা—ইহাকে ত পরের হাতে সমর্পণ করিতেই হইবে। রুদ্রেখরের মন এত ব্যথিত হইল যে, সে প্রতিবাসীদের কথার কোন উত্তর করিতে পারিল না। তাহারাও তাহাকে নীরব দেখিয়া আর কিছু বলিল না—কে পরের কথা লইয়া মাথা ঘামায়?

সরযু প্রতি দিনই পিতার সহিত এক পাত্রে আহার করিত। আজ পিতা কিছু খাইতেছেন না দেখিয়া সে বলিল, “আজ কিছু খাচ্ছ না কেন, বাবা? কি হয়েছে তোমার?” রুদ্রেখর কোন উত্তর না দিয়া সজল নয়নে কন্তার দিকে চাহিল। পিতার নয়নে অশ্রু দেখিয়া, সরযু ব্যস্তভাবে তাহাকে প্রশ্ন করিল, “একি, তোমার চ'খে জল কেন বাবা? বল; না হ'লে আমিও খাব না।” তখন রুদ্রেখর আপনাকে সামলাইয়া লইয়া বলিল, “নারে পাগলি, ও কিছু নয়, তুই খা।”

“না আমি খাব না; তুমি আগে বল, কেন তোমার চ’খে জল এসেছিল।”

“এইবার তোর বে দিতে হবে। সরযু এইবার তোকে স্বত্তর-বাড়ী যেতে হ’বে। আমি একা থাকবো, —তাই ভাবছিলাম আর চ’খে জল আসছিলো।”

বলিতে বলিতে রুদ্রেশ্বরের চক্ষু আবার অশ্রুপূর্ণ হইল। সরযু পিতার দিকে স্থির দৃষ্টিতে চাহিয়া বলিল, “বাবা আমার বে দিও না। আমি বে করবো না।”

শালিকার এই কথায় রুদ্রেশ্বর হাসিয়া ফেলিল। কত স্থান হইতে সরযুর সম্বন্ধ আসিল, কোনটাই রুদ্রেশ্বরের মনোনীত হইল না। যে স্থানেই ভাল সম্বন্ধ পায়, সেখানেই সে ভয়ে অমত করে, যেন তা’রা সরযুকে বলপূর্বক কাড়িয়া লইতে আসিয়াছে। অমনোনীত স্থানে দেখাশুনা করিয়া পরে বাহার কাছ হইতে হউক খুঁত শুনিয়া রুদ্রেশ্বর সে সম্বন্ধ ত্যাগ ক’রে; প্রতিবাসীদের বলে, “কি করবো, ঐ আমার নয়নের মণি যা’র তা’র হাতে তো দিতে পারি নে।”

প্রতিবাসীদের ভয়েই যেন রুদ্রেশ্বর সম্বন্ধ দেখিতেছে! প্রতিবাসীদের একরূপ ফাঁকি দিতে দিতে সরযু চতুর্দশ বৎসরে পড়িল। তখন রুদ্রেশ্বর দেখিল, তাহার এই অন্তায় স্নেহে সে আপনি ঠকিতেছে। এ যে রাখিবার নহে! এ যে চিরদিনের জিনিষ নহে! বাহা হউক শেষে সে স্থির করিল, একটি দরিদ্রের সন্তান দেখিয়া কন্টার বিবাহ দিবে ও তাহাকে ঘর-জামাই রাখিবে; তাহা হইলে সরযু কাছে থাকিবে। এই রূপ স্থির করিয়া রুদ্রেশ্বর সত্য সত্যই সম্বন্ধ দেখিতে লাগিল। এত দিন মিছা অভিনয় চলিতেছিল। প্রথম প্রথম ঘটক-ঘটকী তাহার কথায় বিশ্বাস করিত না, বলিত, “জানি যে সম্বন্ধ আন্ব, সবই ফিরা’বে; কেন মিছা হাঁটা হাঁটি।” শেষে অধিক বিদায়ের লোভে তাহার সম্বন্ধ দেখিতে লাগিল।

৩

আমতা গ্রামে সরযুর বিবাহের সম্বন্ধ ঠিক হইল। বরের অবস্থা তত স্বচ্ছল নহে। খোড়ো বাড়ী, পিতামাতা ও দুইটি ভ্রাতা; পাত্রটি জ্যেষ্ঠ। এইবার ওকালতি পাশ দিবে, বরের বাপ নগদ কিছু চাহেন নাই। কারণ, তিনি শুনিয়াছিলেন রুদ্রেশ্বরের ঐ এক কথা কাষেই চাহিবার প্রয়োজন নাই। পাকা দেখার পূর্বে রুদ্রেশ্বর বলিল, “আমার মেয়েকে বের পর প্রথম পাঠাব, আটদিনের জন্য; তা’র পর আর পাঠাব না। জামাই এখানেই থাকবে, আবার ইচ্ছা করলে, মাঝে মাঝে গিয়ে বাপমা’র কাছে থাকবে। এতে যদি মত হয় তা’ হলে পাকা দেখবো, না হলে দেখবো না।”

কস্তুর পিতার কোম্পানীর কাগজের কথা বরের পিতা শুনিয়াছিলেন। আর তাঁহার বৃহৎ বাটী ত তিনি দেখিয়া গিয়াছেন। রুদ্রেখরের মৃত্যু হইলে ত সবই তাঁহাদের। তিনি রুদ্রেখরের প্রত্যেক কথার “তথাস্তু” বলিলেন। কাষেই বিবাহের ঠিক হইল। গাত্রহরিদ্রার পূর্ব দিন সরযু পিতার মস্তকে হাত বুলাইতে বুলাইতে বলিল,—“বাবা যাঁরা সব এসেছেন তাঁঁরা যদি আমাদের বাটী থাকেন তো বেশ হয়। না, বাবা এত বড় বাড়ীতে তুমি আর আমি সমস্ত বাড়ীটা যেন খাঁ খাঁ করে, এখন বাড়ীটিতে এত লোক এসেছে বলে মনে বেশ আহ্লাদ হচ্ছে।” রুদ্রেখর দীর্ঘ নিশ্বাস ফেলিয়া বলিলেন, “সরযু, ভগবানের ইচ্ছা তুই নির্জনে থাকিস, না হলে এ বাড়ী এমন ছিল না। সকলই তোর আর আমার অর্জিত। এঁরা আমাদের বাড়ী ছ দিনের জন্ত নিমন্ত্রণে এসেছেন, কিন্তু আদর যত্ন করবার লোক নাই। এ কি আমার কম দুঃখ।” পিতার বিষণ্ণ মুখ দেখিয়া সরযুর আনন্দ দূরে পলাইল। সে পিতাকে অন্তমনস্ক করিবার জন্ত বলিল, “বাবা, আমার নূতন গহনাগুলি দেখাবে চল না। কালকে আমি ভাল করে দেখি নি।”

রুদ্রেখর সন্নেহে কস্তুর পিঠ চাপড়াইয়া বলিল, “চল দেখাইগে।”

৪

আজ আর রুদ্রেখর শয্যা ত্যাগ করিয়া উঠিতে পারিতেছিল না। সে মারামারি ক্রন্দন করিয়া উপাধান সিন্ধু করিয়াছিল। এখনও তাহার অশ্রু বন্ধ হয় নাই। আজ সরযুর “বাসি বিবাহ,” আজ সে খুশুরালয়ে যাইবে। একদিনও যাহাকে চক্ষুর অন্তরাল করে নাই, আজ কি করিয়া তাহাকে অন্য গৃহে পাঠাইয়া রুদ্রেখর বাটীতে থাকিবে। তাহার গৃহের আলো, জীবনের আনন্দ আজ কাহার ঘরে যাইবে? তাহার দিবারাত্রির সঙ্গী, কথার সাথীকে আজ কে লইয়া যাইবে? কেন সরযু পুত্র হয় নাই। তাহা হইলে এমন করিয়া ত তাহাকে ছাড়িতে হইত না। প্রাতঃকাল হইতে সানাই বাজিতেছে, সেও যেন করুণস্বরে বিদায় গান গাহিতেছে। কল্যা সকালে সানাই কেমন মধুর মিলন-গান গাহিয়াছিল। আজ সানাইটাও ছাই প্রাতঃকাল হইতে যেন সরযুর বিরহে কাতর হইয়া ক্রমাগত করুণ রাগিনীতে গান করিতেছে। রুদ্রেখর আপনা আপনি মৃৎস্বরে বলিয়া উঠিল, “কেন আট দিনের কড়ার করিয়াছিলাম। আট দিন কি থাকিতে পারিব? কেন তিন দিনের কথা বলিল নাই। মা আমার!” তখনই চেণীর কাপড় পরিয়া সিন্দুর-মণ্ডিত সিঁধি ও কপাল লইয়া

সরষু পিতার বকের উপর পড়িয়া বলিল, “কেন বাবা, কি বলছ? এ কি, তোমার চোখ দুটো যে ফুলে উঠেছে! মুখ রাস্তা হয়ে গেছে! তুমি কি কাঁদছিলে? কেন কাঁদছ বল।” রুদ্রেশ্বর দুই হস্তে কন্যাকে বুকে চাপিয়া ধরিয়া ক্রন্দন করিয়া উঠিল। পিতাকে এমন ব্যাকুলভাবে ক্রন্দন করিতে দেখিয়া সরষুও কাঁদিতে লাগিল, তাহার পর আত্মীয়গণ বধন বাসি বিবাহের জন্য সরষুকে খুঁজিতে আসিল, তখন পিতাপুত্রীকে ঐরূপ অবস্থায় দেখিতে পাইয়া অনেক করিয়া বুঝাইয়া তবে দুইজনকে গৃহের বাহিরে আনিতে পারিল। বর কনে বিদায়ের সময় একজন কুটুম্বিনী রুদ্রেশ্বরকে বলিলেন, “বরের হাতে সরষুর হাত দিয়া বল, ‘এত দিন আমার ছিল এখন তোমার হলো’।” সজলনয়ন রুদ্রেশ্বর বলিল, “ওটা আমি পারবো না।” অনেকেই অমনই বলিয়া উঠিলেন “তা কি হয়! এ নিয়ম; এ কর্ত্তেই হবে।” রুদ্রেশ্বর আর কি করিবে? সে ধীরে ধীরে সরষুর হাতখানি হাতে লইয়া আমাতার হস্তের উপর রাখিল, তারপর কম্পিত কণ্ঠে বলিল, “এত দিন আমার ছিল, এখন তোমার—” “হলো,” কথাটি কিছুতে রুদ্রেশ্বর বলিতে পারিল না। সেই এক ঘর কুটুম্বিনীর সাক্ষাতে সে বাগকের ন্যায় ফুকানিয়া কাঁদিয়া উঠিল। এ ক্রন্দনে সে গৃহের সকলেই যোগ দিল। এমন কি বরের চক্ষুতেও দুই বিন্দু অশ্রু ফুটিয়া উঠিল। সরষু দুটি হাত দিয়া পিতার কণ্ঠালিঙ্গন করিয়া কোঁপাইয়া কোঁপাইয়া কাঁদিতে লাগিল। তাহার পর অনেক কষ্টে তাহাকে সেই স্নেহ আলিঙ্গন হইতে মুক্ত করিয়া মহিলাবর্গ মহাপায়ার তুলিয়া দিয়া আসিলেন। রুদ্রেশ্বর শূন্য কক্ষে বাইরা অর্গল বন্ধ করিয়া শয়ন করিল। কারণ, এ সময় যদি কেহ সাধনা করিতে আইসে, সে সাধনা বিশেষ বিরক্তিকর এবং তাহাতে শূন্য হৃদয়ের দুঃখ উপশমিত না হইয়া শুধু বৃদ্ধি পাইবে। সেই সাধনার জরে রুদ্রেশ্বর ঘর রুদ্ধ করিয়া দিল।

৫

“এখানে ঢের উকিল; পশার ভাল হ’বে না। সেই জন্ত আমার ইচ্ছা, মফঃস্বলে ওকালতি করবো। আর শুধু এর জন্তও নয়, এখানে হেম থাকতে পারে না। সে ছেলে মানুষ, আমার কাছেই থাকতে চায়, জ্যেষ্ঠাদের কাছে থাকতে কিছুতেই ইচ্ছুক নয়, কখন ত থাকে নাই, তাই মন বসছে না। মা ও বাবা যদি না মারা যেতেন তাহলে ত হেমের জন্ত আমার ভাবতে হ’ত না।”

“পশারের কথা যা বলছে, ও কথাটা দয়া করে ছাড়লেই ভাল হয়, কেন না আমার বাবার যা আছে তাতে আমাদের জীবন এক রকম চলে যাবে, তবে বড় মাহুদী হবে না। আর ঠাকুরপোর কথা তোমার একটা ওজর। বাবা এত করে বলেন, আমি এত করে বলুম, কিছুতে তাকে এ বাড়ীতে আনতে মত হলো না। তুমিই তো তা’কে জোঠাদের কাছে রেখে এসেছো। এখানে অপর কেউ থাকলে লজ্জা হতো, এতো তোমারই বাড়ী। তবে কেন অমত কর বুঝি না।”

“আমি তোমার বাবার পরসার প্রত্যাশায় আপনার রোজকার ছাড়তে পারি না। আমার যা দরকার হ’বে তা’র জন্ত আমি কি তোমার বাবার কাছে হাত পাতবো নাকি? তোমার বাবা ষতক্ষণ বেঁচে আছেন, ততক্ষণ এ আমার বাড়ী কি করে হলো। হেম আমার ঋণরবাড়ী কেন আসবে।”

“কেন ঠাকুরপোর ত মত আছে, তোমারই মত হয় না। বাবা তোমাকে এত করে বড় করেন, তবু তোমার মন পান না। রোজকারত কেউ ছাড়তে বলছে না, যাহোক কিছু ত হবে, বেশী পশারের দরকার কি? এই বলছি।”

“হেম ছেলে মাহুদ বোঝে না, তাই থাকতে চায়। আমি জানি, আমার ঋণরবাড়ী হেম থাকলে সেটা লজ্জার কথা। আমি যা স্থির করেছি তা করবো। তুমি তোমার বাবাকে ছেড়ে থাকতে যেমন রাজী নও, আমিও হেমকে ছেড়ে থাকতে তেমনই রাজী নই। বেশ ত তোমাদের বাড়ীতে চাৰি দিয়ে তোমার বাবা কেন আমার সঙ্গে চলুন না।”

“তুমি এ কথটা কি করে বলে? লেখাপড়া শিখে কি এই জ্ঞান পেয়েছ? তোমার ভাইয়ের সঙ্গে আমার বাবার সঙ্গে তুলনা করছ! তোমার ভাই ছোট, আমার ছেলের মত, পিতৃমাতৃহীন; এক্ষেত্রে কিছু দোষের নয়—আর এখন তুমি নিজে রোজকার করছ। আর আমার বাবা এই বড় বয়সে বাড়ী ঘর স্বদেশ ছেড়ে বিদেশে জামাইবাড়ী গিয়ে থাকবেন, কি করে বলে?”

“দেখ তোমার সঙ্গে অত তর্ক করতে আমি চাই না। ঠিক জবাব দাও—আমার সঙ্গে তুমি যাবে কি না?”

“বাবাকে কা’র কাছে রেখে যা’ব বলে দাও।”

“কেন কি, চাকর, বামুন, বুড়া ধাই, এত লোক রয়েছে। দেখবার জাবনা কি? তা’রপর অন্তকবিন্মুখ হলেই আমাদের টেলিগ্রাম করবেন, তখনই আমরা আসবো।”

“তুমি এমন নির্ভর কথাগুলো বলো না। যখন সেবার আমি আট দিন তোমাদের বাড়ী ছিলাম, তখন বাবা পাগলের মত কেঁদে কেঁদে আট দিন কাটিয়েছেন। আমার ছেড়ে বাবা কোথাও যান না। আমার না দেখলে তিনি থাকতে পারেন না। সেই বাবাকে আমি লোক জনের কাছে দিয়ে যা'ব ? কিছুতে তা পারবো না। ধাইমাও আমার ছেড়ে এখানে থাকবে না। আর ধাইমা যদিই থাকে, বাবাকে লোকজনের হাতে সমর্পণ করে আমি যা'ব না !”

“বেশ তুমি তোমার বাপকে নিয়ে থাকো। আমি হেমকে নিয়ে যা'ব।”

“যদি তোমার একান্ত তাই ইচ্ছা, তাই কর, কায় বুঝে অবসর হলেই এসো।”

“আমার চেয়ে তোমার বাপ যখন আগে হলেন, তখন আমার আসার আর দরকার নেই। শুধু আসা কেন, চিঠিপত্রও তুমি আমার লিখলে জবাব পা'বে না। আমার কোন খবর আমি তোমার দেব না, তোমার খবরও আমি চাই না।”

“এমনই নির্দয়ের মত কথা বলতে তোমার কি একটু কষ্ট হচ্ছে না। তুমি আমার মনের কথা একটু কি বুঝেছো না। আমার কি সাধ, যে আমি তুমি দূরে থাকি। শত কষ্ট হলেও বাবাকে ছেড়ে যেতে পারি নে, এ কি বুঝতে পারছ না।”

“না। সরসু অত বোঝবার ক্ষমতা আমার নেই। আমি জানি, জীর স্বামী যা বলবে, সে তাই শুনবে। স্বামীর সুখই জীর সুখ। বাপের বাড়ীর ওপর যা'র অত টান তা'র স্বামীতে ভালবাসা নেই—এই বুঝি। বাবা তোমায় ছেড়ে থাকতে পারবেন না—আমি কি তোমায় ছেড়ে থাকতে পারি ? তা'হ'লে এতদিন এখানে পড়ে আছি কা'র জন্ত। সে কি তোমার বাবার টাকার জন্ত, না তোমার জন্ত। এখন বাপ মা মারা গেলেন, কাষেই হেমের জন্ত আমাকে পৃথক থাকতেই হ'বে, তা' যেখানে একটু পয়সা বেশী পা'ব সেখানে থাকাই ভাল, এ তোমার আজ ছমাসে বোঝাতে পারলুম না !”

“বাপের বাড়ীর উপর টান কি একে বলে ? আমার বাবার আমি ছাড়া বে কেউ নেই ! কি করে বাবাকে ছেড়ে যাই ! তোমার পারে পড়ি ঠাকুরপোকে এখানে আনো, এতে কোন দোষ নেই, বেশ করে ভেবে দেখ। আমি জানি তুমি আমার ভালবাসো, তবে কেন আমার মনের সব কথা ভাল করে বুঝেছো না। ভাল করে বুঝে দেখ বাবার আমি অন্ধের যষ্টি। তুমি কি সে যষ্টি কেড়ে নিয়ে যেতে চাও।”

সরযুবালা আর কিছু বলিতে পারিল না, কাতর নয়নে স্বামীর মুখে চাহিয়া রহিল। নবকুমারের দৃষ্টি সে দিকে ছিল না। সে অন্য দিকে চাহিয়া ছিল। সে এই কথাগুলির উত্তর অনেকক্ষণ দিল না; তাহারপর গম্ভীর স্বরে বলিল, “আমি হেমকে নিয়েই যাব। তুমি তোমার কুশল সংবাদ লিখ, আমিও লিখবো।” সরযু স্বামীর হাত ধরিয়া বলিল, “প্রসন্নমুখে বসো। তুমি মুখ অমন করে বসলে আমার মন স্থির হ’বে না।”

“তোমার ছেড়ে দূরে যাচ্ছি; কি করে মুখ প্রসন্ন হবে, সরযু।”

সরযু নীরবে অশ্রু বর্ষণ করিতে লাগিল। সরযুর নয়নে অশ্রু দেখিয়া নবকুমারের চক্ষুও সজল হইল। কিন্তু তাহার অটল প্রতিজ্ঞা টলিল না।

রুদ্রেশ্বরও জামাতাকে বিদেশে যাইতে নিষেধ করিয়াছিল। তাহার কথাও থাকে নাই। তাহাতে তাহার বড়ই কষ্ট। তাহার বাহা আছে তাহা যথেষ্ট। কেন যে তবে জামাতা এত বোঁক করিয়া বিদেশবাসী হইল, রুদ্রেশ্বর তাহা বুঝিতে পারিল না। সরযুর বিবাহের পর এ যাবৎ একদিনও রুদ্রেশ্বরের মুখ বিষন্ন হয় নাই। এখন এক এক দিন রুদ্র বড়ই বিষন্ন ভাবে দিন কাটাইত। পিতার অমন বিষন্ন মুখ দেখিয়া, এক দিন সরযু তাহাকে জিজ্ঞাসা করল, “বাবা, আজকাল তোমার এমন বিষন্ন দেখি কেন?”

“সরযু, নবকুমার বিদেশবাসী হলো, তা’হ’লে তুই আর এখানে কতদিন থাকবি, মা? আমার অদৃষ্ট মন্দ। এই বুড়া বয়সে দেখছি, একা থাকতে হ’বে। এই জনশূন্য পুরীতে কি করে একা থাকবো তাই ভাবি।”

তখন সরযুর মন একটু স্থির হইল, পিতার মুখ অমন দেখিয়া সরযুর বড়ই ভয় হইয়াছিল। সে ভাবিয়াছিল, সে যে প্রত্যাহ রাত্রিতে কাঁদে পিতা হয় ত জানিয়াছেন, তাই অমন বিষন্ন হইয়া থাকেন, তা নয়। সরযু হাসিয়া বলিল, “বাবা বুড় হয়ে তোমার বুদ্ধিও লোপ পাচ্ছে নাকি? তোমার ছেড়ে আমি কোথায় যাব, বাবা? আর নিয়ে যাবার হলে তিনি এবারই নিয়ে যেতেন। তোমার একা রেখে তিনি কি নিয়ে যেতে পারেন।”

এই কথাগুলিতে রুদ্রেশ্বরের বড়ই আনন্দ হইল, তবে জামাতা নিশ্চয়ই মেয়েকে এ কথা বলিয়াছে। তাহা না হইলে কি মেয়ে অমন সাহস করিয়া বলিতে পারে। এখন পিতাপুত্রীতে সে ছেলে-খেলা ত হইত না। এখন রুদ্রেশ্বর তাহার বাল্যকালের ক্রোধের কথা, পিতামাতার কথা, সরযুর জননীর কথা গল্প করিত, আর সরযু নীরবে সব শুনিত। সেই অতীত

কলিকাতার আলোচনার পিতা পুত্রী এত দর হইত যে, ঠাকুর আসিরা খাবার ঠাণ্ড হইয়া বাইভেছে, মরণ করাইয়া দিলে তবে উঠিত।

৬

পূজার বন্ধে নবকুমার যখন আসিল না, তখন সরযু বড় ভয় হইল, নিশ্চয়ই তিনি রাগ করিয়াছেন, নহিলে কেন আসিলেন না? পত্র হেমই প্রায় লিখিত। নবকুমার খুব কম পত্র দিত, ও লিখিত “কিছু মনে করিও না, বড়ই বেশী কাষ পাইয়াছি তাই লিখিতে পারি না, হেমের পত্রে তুমি সর্বদা কুশল সংবাদ পাইবে।” তাহাতেই সরযু মন বাধিয়া ছিল। কিন্তু ছুটিতে নবকুমার না আসাতে সে আর স্থির হইতে পারিল না। নবকুমারকে মিনতি করিয়া সে পত্র লিখিল; অন্ততঃ দুই চারি দিনের জন্য একবার আসিতে লিখিল। সে পত্রের উত্তর নবকুমার দিল না। তাহার হইয়া হেম লিখিল, “দাদা এখন উপস্থিত যাইতে পারিবেন না; তজ্জন্য আপনি কিছু মনে করিবেন না।” হেমের এই পত্র পড়িয়া সরযু বড়ই ব্যথিতা হইল। সে অত বড় পত্র লিখিল, নবকুমার কি একছত্র লিখিয়া উত্তর দিতে পারিল না! এত বড় ছুটিতে সে দুই দিনের জন্য আসিতে পারিল না? এই কি ভালবাসা! সরযুর যদি উপায় থাকিত, সে কি এক দণ্ডের জন্য স্বামীকে ছাড়িয়া থাকিত? আনন্দময়ীর আগমনে নিরানন্দ হইতে নাই, কারণ তাহা হইলে বৎসর সেইরূপ কাটিবে; এই ভয়ে সরযু সেই করদিন অনেক কষ্টে অশ্রু সংবরণ করিল, কিন্তু পূজার পরই সরযুর কঠিন পীড়া হইল।

৭

সরযুর অরবিকার হইয়াছে। রুদ্রেশ্বর ও ধাইমা আহার-নিদ্রা ত্যাগ করিয়া তাহার শয্যায় বসিয়া আছে। আজ পঞ্চদশ দিন সে শয্যাগত। সরযু বিকারের ঘোরে কেবল নবকুমারের নাম করিতেছে ও তাহাকে দেখিবার জন্য ব্যাকুল ভাবে চারিদিকে চাহিতেছে। রুদ্রেশ্বর জামাতাকে আসিবার জন্য টেলিগ্রাম করিয়াছিল, কিন্তু নবকুমার আসেও নাই, টেলিগ্রামের উত্তরও দেয় নাই। এই ব্যবহারে রুদ্রেশ্বর জামতার উপর বড়ই বিরক্ত হইয়াছে।

বাইশ দিন যমের সঙ্গে যুদ্ধ করিয়া রুদ্রেশ্বর সরযুকে বাঁচাইল। তাহার অর ত্যাগ হইয়াছে বটে, কিন্তু সে এত দুর্বল হইয়াছে যে, দুই একটি কথা কহিলেই হাঁপাইয়া উঠে। ধাইমার মুখে সে শুনিয়াছে, অস্থির খবর

পাইয়াও নবকুমাৰ আইসে নাই, বা পত্ৰেৰ কোন উত্তৰ দেয় নাই। এ কথা শুনিয়া সে যে বাতনা পাইয়াছে তাহা তাৰ অতীত। প্ৰতিদিন সন্ধ্যাতে তাহাৰ নৱনজলে উপাধান ভিজিয়া যায়। ডাক্তাৰ ৰুদ্ৰেশ্বৰকে বলিরাছেন, এখন দৌৰ্ভাগ্যই ভৱেৰ কাৰণ। ৰুদ্ৰেশ্বৰ কি কৰিয়া সৱযুৱ দুৰ্ভাগতা সাৱাইবে, তাবিয়া অস্থিৰ হইল।

সে দিন মধ্যাহ্নে সৱযু ধাইমা'ৰ কাছে আৰ হৃদয়েৰ ভাব গোপন কৰিতে পাৰিল না; কাঁদিয়া বলিল, “ধাইমা, তিনি আমাৰ নিয়ে যেতে চেৱে ছিলেন, আমি বাবাকে ফেলে যেতে চাইনি বলে তিনি হৰ ত ৰাগ কৰেছেন। এই দোষে কি এত ৰাগ কৰা উচিত, ধাইমা, যে আমাৰ এত অস্থখে একখানা চিঠি দিয়ে খোঁজ নিলেন না?” ধাইমা কি উত্তৰ দিতে যাইতেছিল এমন সময় দেখিল, নবকুমাৰ গৃহে প্ৰবেশ কৰিল। ধাইমা সৱযুৱ দিকে চাহিয়া বলিল, “এই যে, মা, যাঁৰ জন্য কঁদুছিলে এই যে তিনি এসেছেন। বস', বাবা বস', আমি আসছি।”

“সৱযু এথোনো তুমি বিছানা থেকে উঠতে পাৰ নি,” বলিয়া নবকুমাৰ সৱযুৱ মস্তকেৰ কাছে বসিল। সৱযু অশ্ৰুপূৰ্ণ নেত্ৰে স্বামীৰ দিকে চাহিয়া চমকিত হইল। সে মনে কৰিয়াছিল, কত অভিমান কৰিবে, কত বলিবে। কিন্তু একি? নবকুমাৰেৰ মস্তক মুণ্ডিত—শৰীৰ শীৰ্ণ! সে স্বামীৰ হাত আপনাৰ হাতে তুলিয়া লইয়া বলিল, “তোমাৰ মাথা নে'ড়া কেন? শৰীৰ এত কাহিল কেন?”

“সৱযু পূজাৰ আগে আমাৰ বড় অস্থখ হইয়েছিল, না হলে কি ছুটিতে আসতুম না, না তোমাৰ পত্ৰেৰ উত্তৰ দিতুম না? আমি তখন অৱে পড়ে তাই হেমকে দিৱে লিখিৱে ছিলুম। তাৰ পৰ অৱ, বিকাৰে পৰিণত হয়। যখন তোমাৰ অস্থখেৰ টেলিগ্ৰাম যায়, তখন হেম আমাৰ নিয়ে এত বাস্ত সে তা'ৰ উত্তৰ দিতে পাৰে নি। আমি ভাল হতে আমাৰ দেখালে, আমি তা প'ড়ে এই কাহিল শৰীৰেই চলে এসেছি। না হলে সেৱে আসতুম।”

“তোমাৰ অস্থখেৰ কথা কেন ঠাকুৰপো লেখে নি। তাহলে তো আমি এত ভাবতুম না। আমাৰ অস্থখও হ'ত না। আৰ আমাতে বাৰাতে যেতে পাৰতুম। বিদেশে একলা কত কষ্টই পেয়েছ!”

“তা'ৰ জন্তু আৰ কাগা কেন, সৱযু, এখনত সেৱে এসেছি। পাছে তোমাৰা ভাব বলে আমি হেমকে লিখতে মানা কৰেছিলুম। এমন উণ্টো

হয়ে আসবে নিশ্চয় বলছেন। এখন আমার কতটা দাঁত বে হ'লেনই ভাল হয়েছে।”

“ঠাকুর পো কি সেখানে রইল, না আঁমতার গেলো।”

“তোমার অল্প ব'লে হেম এবার আঁমতার যেতে চাটিলে না। আমার সঙ্গে এসেছে, তাঁকে তোমার বাবার কাছে বসিয়ে আমি আগে দেখতে এসুম। সে এখন আসবে।”

“আমি শুধু শুধু তোমার উপর কত রাগ করেছি, আমার ক্ষমা কর।”

নবকুমার সাদরে তাহার মস্তক আপনার ক্রোড়ে তুলিয়া লইয়া বলিল,
“ফুরি তো জানতে না, রাগ করে ঠিকই করেছিলে। ক্ষমা কিসের?”

এখন সরবু ও রুদ্ৰেশ্বর সর্ষ বিষয়ে সুখী হইল। কারণ, হেম সরবুকে ও রুদ্ৰেশ্বরকে ছাড়িয়া প্রবাসে যাইতে স্বীকৃত হইল না; এমনই স্নেহে ও যত্নে সরবু ও রুদ্ৰেশ্বর তাহাকে বাধিয়াছিল। কাষেই নবকুমারের আর বিদেশে যাইবার প্রয়োজন হইল না। এই ব্যাপারের পর নবকুমারেরও বিদেশে যাইতে ইচ্ছা হইতেছিল না—কেবল হেমের জন্য একটু ‘কিন্তু’ হইতেছিল। সে খুঁত-হেমই মিটাইল।

শ্রীমুণীলাক্ষ্মন্দরী দাসী।

সন্ধ্যায় ।

সন্ধ্যা যখন ঘনিরে এল আঁধার-আলো-মাথা,
নদীর ধারে রাজা আকাশ কালো গাছে ঢাকা;
তাসিরে দিরে নিঃশব্দে লঘু মেঘের তরী—
বিলিরে দিতে এসেছিলে শান্তি— ছ'হাত তরি';—
স্বপ্ন দিরে তখন তোমার বেশেছিলাম ভালো,—
প্রিয় আমার, প্রভু আমার, আমার জীবন-আলো !

শ্রীযোগেশ্বর চট্টোপাধ্যায় ।

স্মৃতি-বিভ্রম।

—:~:—

‘সাহিত্য’র শ্রাবণ সংখ্যায় শ্রীযুক্ত বনয়ারীলাল চৌধুরী মহাশয় ‘স্বপ্ন, না পূর্বস্মৃতি’ শীর্ষক প্রবন্ধে যে বিষয় সম্বন্ধে আলোচনা করিয়াছেন, এবং যাহা প্রথমে তাহার নিকট অত্যন্ত প্রাথমিকভাবে বোধ হইয়াছিল, তাহা তিনি যত নূতন মনে করিয়াছেন, বাস্তবিক তত নূতন নহে। অন্যান্য অর্ন্তগতাদী পূর্বে আমেরিকার সুপ্রসিদ্ধ দার্শনিক ডাক্তার অগিভার ওয়েগেল হোন্স এই বিষয়ের আলোচনায় প্রবৃত্ত হইলেন। তিনি এই সমস্যার যেরূপ সমাধান করিয়াছেন, তাহা দুই একটি ছোটখাট বিষয়ে বনয়ারী বাবুর অধ্যাপক-প্রদত্ত বাখ্যা হইতে পৃথক হইলেও মূলতঃ এক। আমি তাহারই ভাষায় এই বিষয় সম্বন্ধে তাহার মস্তব্য সাধারণের অবগতির জন্য নিম্নে বিবৃত করিলাম। তিনি বলেন—

All at once a conviction flashes through us that we have been in the same precise circumstances as at the present instant, once or many times before. *

কোন কোন সময়ে অকস্মৎ আমাদের দৃঢ় প্রতীতি হয় যে, পূর্বে একবার কিংবা বহুবার আমরা ঠিক এই রকম অবস্থায় ছিলাম।

How do I account for it? Why, there are several ways that I can mention, and you may take your choice, the first is * * * that these flashes are sudden recollections of a previous existence. I don't believe that; for I remember a poor student I know told me he had such a conviction one day when he was blacking his boots, and I can't think that he had lived in another world where they use Day and Martin's. †

অনেক রকমে ইহার কারণ নির্দেশ করিতে পারা যায়, এবং ইহার যেরূপ অস্তিত্ব তিনি ইহা সেইরূপ ভাবে গ্রহণ করিতে পারেন। একটি কথা এই যে, এই সকল ভাব জন্মপূর্ব জীবনের আকস্মিক স্মৃতি। কিন্তু আমি এ কথা বিশ্বাস করি না। কারণ আমি একটি দরিদ্র ছাত্রের পুত্রবধূর জ্ঞানি; সে আমাকে বলিয়াছিল যে, যখন সে একদিন জুতা ব্ল্যাক করিতেছিল, তখন তাহার মনে এইরূপ ভাব হইয়াছিল। ইহা কখনই সম্ভবপর নহে যে, সে জন্মের পূর্বে এমন কোন লোকে বাস করিত যেস্থানের অধিবাসিগণ ডে এণ্ড মার্টিনের কালী ব্যবহার করে। [এই স্থানে বলিয়া রাখি যে Holmes যাহাকে ‘previous existence’ বলিয়াছেন, তাহা ঠিক আমাদের পূর্বজন্ম নহে। স্মরণগণ জন্মান্তর মানেন না; বড় জোর তাহারা এই পদাঙ্ক বিশ্বাস করিতে পারেন যে, জন্মের পূর্বে মানবাত্মা একটি ভিন্ন লোকে

* The Autocrat of the Break-fast Table, 4th Discourse.

† The Autocrat of the Break-fast Table.

বাস করে । ইহাই previous existence. ওয়ার্ডসওয়ার্থের Ode on the Intimations of Immortalityতে ইহারই আভাস পাওয়া যায় ।]

অতঃপর এই ব্যাপার যে মস্তিষ্ক-ঘটিত, তাহারই প্রতিপাদনকল্পে তিনি বলেন—

Some think that Dr. Wigan's doctrine of the brain's being a double organ, its hemispheres working together like the two eyes, accounts for it. One of the hemispheres hangs fire, they suppose, and the small interval between the perceptions of the nimble and the sluggish half seems an indefinitely long period, and therefore the second perception appears to be the copy of another, ever so old. But even allowing the centre of perception to be double, I can see no good reason for supposing this indefinite lengthening of the time, nor any analogy that bears it out. It seems to me most likely that the coincidence of circumstances is very partial, but that we take this partial resemblance for identity, as we occasionally do resemblances of persons. A momentary posture of circumstances is so far like some preceding one that we accept it as exactly the same, just as we accost a stranger occasionally, mistaking him for a friend.

দুইটি চক্ষু যেমন একই কার্যে নিযুক্ত, সেইরূপ ডাক্তার উইগানের মতে মস্তিষ্কর দুইই কাহারও কাহারও মতে উক্ত ব্যাপারের কারণ । মস্তিষ্কের দুই ভাগ দুইটি গোলকার্দের দ্বারা এবং এই দুইটির একটি অপরিষ্কার সহিত একই সঙ্গে বাহ্যবস্তুর চেতনা লাভ করে না । দুইয়ের মধ্যে অনুভূতির এই সামান্য ব্যবধানটুকু অতি দীর্ঘকাল বলিয়া বোধ হয় । কাবে কাবেই দ্বিতীয় অনুভূতিটা আর একটির প্রতিরূপ বলিয়া বোধ হয় । আর মনে হয় যেন তাহা বহুপূর্বের ঘটনা । কিন্তু অনুভূতি-কেন্দ্রটির স্বভাব মানিয়া লইলেও, এইরূপ অনির্দিষ্ট দীর্ঘ কালের ব্যবধানের কোন সম্ভাবজনক কারণ নির্দেশ করা দুঃস্বপ্ন, এবং আর কোন ব্যাপারের বিষয়ও আমরা অবগত নহি যাহাতে ইহার সাদৃশ্য পাওয়া যায় । আমার বোধ হয় যে, বক্ষ্যমান অবস্থা-সাদৃশ্য অতি আংশিকভাবেই হইয়া থাকে কিন্তু আমরা যেমন অনেক সময় অপরিচিত লোককেও অমত্রে পরিচিত বলিয়া মনে করি, সেইরূপ এই আংশিক সাদৃশ্য আমাদের নিকট একত্ব বলিয়া প্রতীয়মান হয় ।

ডাক্তার হোম্‌সের ব্যাখ্যার সহিত বনয়ারী বাবুর অধ্যাপকের ব্যাখ্যার নিম্নলিখিত কয়েকটি বিশিষ্টতা লক্ষিত হইতেছে । (১) 'উত্তর মস্তিষ্ক সর্বথা এক ভাবাপন্ন ও এক ধর্মাক্রান্ত' নহে । (২) 'রক্তসঞ্চারের কার্যে অতি সামান্য বিপর্যয়েই' যে উক্তরূপ ব্যাপার সংঘটিত হয়, এবং উহার কারণ 'কেবল মস্তিষ্কের দুর্বলতা' এরূপ কোন কথা হোম্‌সের ব্যাখ্যায় পাই না । (৩) বনয়ারী বাবু বলেন, 'প্রথমটি অস্পষ্ট ও দ্বিতীয়টি অপেক্ষাকৃত স্পষ্ট অনুভূত হয় বলিয়া,

* * * পূর্বেটিকে বহুপূর্বে দৃষ্ট বস্তু বলিয়া ধরিয়া লই ।' হোম্‌স্ টিফ

ইহার বিপরীত মত প্রকাশ করিয়াছেন ; তাঁহার মতে the second perception appears to be the copy of another.

হোম্‌সের ব্যাখ্যার বিরুদ্ধে একটি আপত্তি এই যে, এই ব্যাখ্যা অনুসারে সর্বদাই আমাদের ঐরূপ অবস্থা-সাদৃশ্যের অনুভূতি হওয়া উচিত । বস্তুতঃ কিন্তু তাহা হয় না । ইহার উত্তর স্বরূপ তিনি বলেন,—The apparent similarity may be owing, perhaps, quite as much to the mental state of the time as to the outward circumstances. সম্ভবতঃ সেই সময়কার মানসিক ও বাহ্য অবস্থার জন্য ঐরূপ সাদৃশ্য অনুভূত হইয়া থাকে । অর্থাৎ কোন এক বিশেষ মানসিক অবস্থা ও বিশেষ বাহ্য অবস্থা মিলিতকর্তিত কারণের সহিত সম্মিলিত ঐরূপ ব্যাপারের সৃষ্টি করিয়া থাকে ।

শ্রীকৃষ্ণবিহারী গুপ্ত ।

সরস্বতী ।

—:~:—

শুভ্র 'সত্য' আলোকের বর্ণ তব বরাঙ্গে কি ভার
 'শিব'-রূপা সরস্বতি ! পদ্মাসীনা দিব্যাহাস্যময়ী ;
 'সুন্দর' ফুটিছে বিশ্ব চতুঃষষ্টি ললিত কলায়,—
 তুমি যা'র কেন্দ্রমাঝে বিরাজিছ বিশ্বরমে অরি !
 তোমার সত্যের দীপ্তি 'জ্ঞান'-পদ্ম-কোরক ফুটার,
 বিশ্ব-'বাসনা'র সার শুভ—তব দিব্য সুখাসন,
 ওই দীপ্ত নেত্রালোক অঙ্ক 'অনুভবে' যবে ভার,—
 সহস্র সঙ্গীতে তার গুঞ্জরিয়া উঠে ত্রিভুবন !
 আদি যুগ হ'তে দেবি ! বিশ্বমানবের মনোমাঝে
 এমনি উরিয়া—তা'রে ফুটাইয়া তুলিছ যতনে ;—
 তাই সনাতনী নামে অখণ্ড বিশ্বের শুভকাজে
 নিত্যকাল বিরাজিছ শুভ্রকান্তি দীপ্ত-বরাননে !
 তোমার পুলক-হাস্যে কটাক্ষে বিকাশে রবিশশী,—
 অঙ্ককার বিশ্বলোক উঠে কিবা আনন্দে উল্লসি' ।

শ্রীনরেন্দ্রনাথ ভট্টাচার্য ।

বিশ্ব-বিশ্রুত বিশ্বকোষ ।

—:—

গত বর্ষে একদিন প্রবীণ সাহিত্য-সেবী ও প্রসিদ্ধ সমালোচক শ্রীযুক্ত অক্ষয়চন্দ্র সরকার মহাশয়ের পদপ্রান্তে বসিয়া বাঙ্গালা-সাহিত্য বিষয়ে উপদেশ গ্রহণ করিতেছিলাম। সেই সময়ে প্রসঙ্গক্রমে বিশ্ব-বিশ্রুত বিরাট অভিধান 'বিশ্বকোষের' কথা উপস্থিত হয়। সরকার মহাশয় 'বিশ্বকোষ' অভিধান এবং তৎপ্রণেতা স্বনামখ্যাত মনস্বী শ্রীযুক্ত নগেন্দ্রনাথ বসু মহাশয় সম্বন্ধে নানা কথার অবতারণা করিয়া, তাঁহার স্বাভাবিক গম্ভীর মুখে হাসির রেখা ফুটাইয়া বলিলেন, "যিনি আমার কাছে আসিয়া নাকি সুরে বলেন, 'মহাশয়, বঙ্গ-সাহিত্যের বড়ই দুর্ভাগ্য যে, পড়িবার মত একখানিও পুস্তক আজ পর্য্যন্ত প্রকাশিত হইল না, বাঙ্গালায় বই এর মত বই একখানিও দেখিতে পাই না,'— আমি তাঁহাকেই বলি,—না, বঙ্গসাহিত্যের গৌরব 'বিশ্বকোষ' থাকিতে আপনার ঐ অনুযোগ চলিবে না। বঙ্গসাহিত্যের বড়ই দুর্ভাগ্য যে, প্রতিদিনই তাহার লেখক-সংখ্যা বাড়িতেছে, কিন্তু একজনও পাঠকের মত পাঠক দেখিতে পাই না। নগেন্দ্রবাবু সারা জীবন ভূতের খাটুনি খাটিয়া যে অতুল অভিধান শেষ করিতে চলিলেন, তাহার পাঠক কে? আপনি বঙ্গভাষার দুঃখে আর কাঁড়নি গাহিবেন না, যদি বঙ্গমাতার প্রকৃত সেবক হ'ন, তবে আজ হইতে 'বিশ্বকোষ' পড়িতে আরম্ভ করুন। স্বীকার করি, বাঙ্গালায় বই এর মত বই বড়ই দুর্ভাগ্য, কিন্তু আমাদের 'বিশ্বকোষ' তা আছে, উহা একাই এক শ'।"

বাস্তবিকই বাহাদুরের সাহিত্য-ভাণ্ডারে 'বিশ্বকোষের' গ্রাম নানাতত্ত্বসমন্বিত, বহু মৌলিকপ্রবন্ধ-বহুল, অশেষগবেষণাগর্ভ-নিবন্ধনযুক্ত, শাস্ত্রসাহিত্যোহাসপ্রত্নতত্ত্ব-বিজ্ঞান-ব্যাকরণ-সম্বন্ধীয় রচনাশোভিত দ্বাবিংশ খণ্ডব্যাপী অননু বিদ্যার আধার, জ্ঞানের ভাণ্ডার সুরূহৎ অভিধান বিদ্যমান, তাহাদের আবার কিসের অভাব?

বাঙ্গালা-সাহিত্যের প্রতি ভগবান্ বিশেষ সুপ্রসন্ন, তাই ছাব্বিশ বৎসর পরে বঙ্গমাতার প্রকৃত সেবক, বাঙ্গালীর গৌরব, সাহিত্যরথ শ্রীযুক্ত নগেন্দ্রনাথ বসু প্রাচ্যবিদ্যামহার্ণব মহাশয়ের ঐকান্তিক চেষ্টায় এবং অসাধারণ অধ্যবসায়গুণে বিগত তাদ্র মাসে বিশ্ববিখ্যাত 'বিশ্বকোষ' সম্পূর্ণ হইয়াছে। এই বিরাট ব্যাপার যে তিনি তাঁহার জীবদ্দশায় সমাপ্ত করিতে পারিবেন, পূর্বে তাহা অনেকেই বিশ্বাস করে নাই, এমন কি উহা কোন কালে শেষ হইবে কি না, তাহাই

আর্য্যাবর্ত



শ্রীনগেন্দ্র নাথ বসু প্রাচ্যবিদ্যা মহার্ণব

সন্দেহের বিষয় ছিল। ইতঃপূর্বে বাঙ্গালার আরও দুই তিন খানি বৃহৎ অভিধান-প্রণয়ন আরম্ভ হইয়াছিল, কিন্তু বাঙ্গালার দুর্ভাগ্যবশতঃ চিরন্তন প্রণালীসারে কেহ বা অকুরেই, কেহ বা দুই একটি পত্রপল্লবশোভিত হইয়াই অকালে বিলয় প্রাপ্ত হইয়াছে। জনসাধারণ মনে করিয়াছিল, হয় ত এখানিও “মহাজনো যেন গতঃ স পশ্চাঃ” অবলম্বন করিবে। এমন কি ‘বিশ্বকোষ-’ রচয়িতা স্বয়ং নগেন্দ্রবাবুও রোগশোক-প্রপীড়িত হইয়া এবং দৈন্যতরবস্ত্রের কঠোর কশাঘাত সহ্য করিতে অসমর্থ হইয়া সময়ে সময়ে মনে করিয়াছিলেন, হয় ত তাঁহার সাধের ‘বিশ্বকোষ’ অসম্পূর্ণ থাকিবে। সেই জন্ত তিনি তাঁহার আশ্চরিতের একস্থানে লিখিয়াছেন,—“বড়ই আশায় উৎসাহিত হইয়া বিশ্বকোষের সঙ্কলন-ভার গ্রহণ করি। কিন্তু যে দেশে সাহিত্য-সেবীর অল্প নাই, যে দেশের মহাকবি দাতব্য চিকিৎসালয়ে প্রাণত্যাগ করেন, সে দেশে আর আমার আশা কতদূর সফল হইবে? বলিতে কি বিশ্বকোষ গ্রহণ করিয়া অল্প দিন মধ্যেই নানারূপ বিপদগ্রস্ত, এমন কি সর্বস্বান্ত হইবার আশঙ্কাকাতর হইয়াছিলাম। কিন্তু আমি একমাত্র ভগবানের উপর নির্ভর করিয়া সেই সকল বিপদ অতিক্রম করিতে সমর্থ হইয়াছি। অনেক সময় তাঁহাকে জানাইয়াছি,—ভগবন্! হৃদয়ে বল দিন,—আমি যেন ভিক্ষা করিয়াও বিশ্বকোষ সমাধা করিতে পারি,—জীবনের একমাত্র ব্রত যেন উদ্ব্যাপিত হয়।”

ভক্তের ভক্তিভরা প্রার্থনা কখনও নিষ্ফল হয় না। নগেন্দ্রবাবুর সুকরণ কাতর প্রার্থনা করুণাময় পূর্ণ করিয়াছেন; শতসহস্র বাধাবিল্ল অতিক্রম করিয়া, বিপদের ভ্রুকুটিপূর্ণ রোষরক্তিম নয়নের প্রতি ভ্রক্ষেপ না করিয়া, তিনি তাঁহার প্রাণের অপেক্ষা প্রিয়তর ‘বিশ্বকোষ’ সমাধা করিতে সমর্থ হইয়াছেন; তিনি তাঁহার সাধনায় সিদ্ধিলাভ করিয়াছেন।

সাহিত্যসেবী সুপরিচিত পণ্ডিত ৮রঙ্গলাল মুখোপাধ্যায় এবং তদীয় অমুজ্ঞ প্রসিদ্ধ লেখক শ্রীযুক্ত ত্রৈলোক্যনাথ মুখোপাধ্যায় মহাশয় কর্তৃক ১২৯২ সালে, (ইংরাজী ১৮৮৫ খৃষ্টাব্দে) ২৪ পরগণার অন্তর্গত রাহতা গ্রাম হইতে প্রথমে ‘বিশ্বকোষ’ প্রকাশিত হয়। মুখোপাধ্যায় ভ্রাতৃদ্বয়ই এই অক্ষয়কীর্তিস্তম্ভের প্রতিষ্ঠাতা; ইংহারা দুই বৎসর মাত্র, ‘বিশ্বকোষ’ প্রকাশিত করিয়া ছিলেন। ইংহাদের তত্ত্বাবধানে সমগ্র ‘অ’-বর্গ এবং ‘আ’-বর্গের কিয়দংশমাত্র প্রকাশিত হইয়াছিল। অনন্তর নানা কারণে তাঁহারা এই কার্য হইতে অবসর গ্রহণ করিতে বাধ্য হইলেন। পণ্ডিত শ্রীযুক্ত হরপ্রসাদ শাস্ত্রী (পরে মহামহোপাধ্যায়)।

মহাশয় 'বিশ্বকোষের' সূচনা হইতেই ইহার সকলন-বিষয়ে নিঃস্বার্থভাবে যথেষ্ট সাহায্য করিয়াছিলেন। তিনি অযাচিত সাহায্য এবং সময়োচিত উপদেশ দান না করিলে হয় ত 'বিশ্বকোষ' সুধী-সমাজে প্রকাশিতই হইত না।

বড়ই দুঃখের বিষয়, রত্নলালবাবু পরলোকগমন করিয়াছেন। 'বিশ্বকোষের' সমাধান দেখিয়া আজ তিনি বিমল আনন্দ-সাগরে নিমগ্ন হইয়া আত্মপ্রসাদ লাভ করিতে পারিলেন না। তদীয় সহোদর শ্রীযুক্ত ত্রৈলোক্যনাথ মুখোপাধ্যায় মহাশয় তদনুসৃত্য লইয়া বার্লিনজীবনে এখনও মাতৃভাষার চর্চায় নিযুক্ত আছেন। তাঁহাদের উপ্ত বীজ আজ পূর্ণাবয়ব বৃক্ষে পরিণত হইয়াছে এবং পত্রপুষ্পফলপরিণোভিত হইয়া পরহিতার্থ জগতের সমক্ষে দাঁড়াইয়াছে দেখিয়া, তদনুসৃত্যজনিত ক্লেশ ভুলিয়া গিয়া তিনি নিশ্চয়ই অন্তরের অন্তস্তমে প্রীতি উপভোগ করিতেছেন।

'বিশ্বকোষের' প্রকাশ-বন্ধ হইয়া গেল। বিশ্বজন-সমাজ-মধ্যে অনেকেই ইহার অল্প আন্তরিক দুঃখ প্রকাশ করিতে লাগিলেন। ইতঃপূর্বে ১৮৮৪ খৃষ্টাব্দে গ্রেট ইডেন্ প্রেস হইতে 'শকেন্দু মহাকোষ' অভিধেয় ইংরাজী ও বাঙ্গালা ভাষার একখানি বৃহৎ অভিধান প্রকাশিত হইতেছিল। 'বিশ্বকোষের' ভাবী সকলগিতা নগেন্দ্রবাবুই উহার সকলন-ভার গ্রহণ করিয়াছিলেন। দুইজন স্বেচ্ছায় সহকারি-সমভিব্যাহারে তিনি অত্যধিক পরিশ্রম করিয়া, এই কার্য পরিচালনা করিতেছিলেন। কিন্তু সহকারিষয়ের মধ্যে একজন অকালে কাল-কবলে পতিত হওয়ার এবং অশ্রান্ত নানাবিধ দৈবহর্ষিপাকবশতঃ 'শকেন্দু মহাকোষে' 'অ' হইতে 'অনন্ত' শব্দ পর্য্যন্ত (প্রায় ৪৫০ পৃষ্ঠা) মুদ্রিত হইয়া বন্ধ হইয়া যায়। বিগত তিন বৎসরের মধ্যে দুইখানি বৃহৎ অভিধান আরম্ভ হইয়া দুইখানিই অকালে লোপ পাইল দেখিয়া, পণ্ডিত মণ্ডলী কুহেলিকাচ্ছন্ন বঙ্গসাহিত্যাকাশের প্রতি করুণ দৃষ্টি নিক্ষেপ করিয়া, বিষাদে ম্লিগমাণ হইলেন।

১২৭৩ সালের ২৩শে আষাঢ়, ইংরাজী ১৮৬৬ খৃষ্টাব্দের ৬ই জুলাই, শুক্রবার নগেন্দ্রবাবু জন্মগ্রহণ করেন। স্মরণ্য যে সময়ে তিনি 'শকেন্দু মহাকোষ' প্রকাশ করিতেছিলেন, তখন তাঁহার বয়ঃক্রম আঠার বৎসর মাত্র। কিন্তু অজাতশত্রু কিশোর নগেন্দ্রনাথের প্রতিভা-ফুলিঙ্গ সেই সময়েই বাঙ্গালার দুই একটি মহাদ্বার দৃষ্টি আকর্ষণ করিয়াছিল। এই প্রতিভা-ফুলিঙ্গ যে সুশিক্ষা ও সুবিধা-সংযোগে ক্রমে বৃহৎ জ্ঞানারিতে পরিণত হইয়া, পরিশেষে জ্ঞানালোক

বিকীরণ করিয়া সমগ্র ভারতবর্ষ, এমন কি সুদূর পাশ্চাত্য ভ্রমতকেও উদ্ভাসিত করিবে, তাহা তাঁহারা বুঝিতে পারিয়াছিলেন। তাই রাজা শ্রী রাধাকান্ত দেবের সুযোগ্য দৌহিত্র নানা ভাষাবিদ সুপণ্ডিত মহাত্মা ৮ আনন্দকৃষ্ণ বাবু এবং প্রাজ্ঞ শ্রীযুক্ত হরপ্রসাদ শাস্ত্রী মহাশয় সেই সময় হইতেই নগেন্দ্রনাথের প্রতিভাকে ধীরে ধীরে অতি সন্তুর্পণে রক্ষা করিয়া আসিয়াছিলেন; তাঁহাদের যত্নেই ঐ অসামান্য প্রতিভা বিপথগামিনী হইয়া বিনষ্ট হইতে পারা নাই। মহামহোপাধ্যায় শ্রীযুক্ত হরপ্রসাদ শাস্ত্রী মহাশয় আজ বিশ্ব-বিখ্যাত পণ্ডিত; তাঁহাকে কে না জানে? কিন্তু আনন্দকৃষ্ণ বাবু সাধারণের নিকটে এমনই অপরিচিত ছিলেন যে, অনেকের নিকটেই তাঁহার নাম সম্পূর্ণ অজ্ঞাতপূর্ব। তিনিই প্রকৃত ধ্যানযোগীর মত বিরলে জ্ঞানার্জনে সময় অতিবাহিত করিতেন, ভাব-চর্চা করিয়া প্রকৃত মনুষ্যত্বের পূর্ণাদর্শের দিকে অগ্রসর হইবার জন্ত প্রাণপনে চেষ্টা করিতেন। এই জনতা-বহুল মহানগরে—যেখানে কারণে অকারণে সর্বদা স্বার্থের সংঘর্ষে দারুণ হৃদয় ও শূন্যগর্ভ সম্মানলাভ-চেষ্টার কঠোর মনঃপীড়া উপস্থিত হয়,—সেখানে থাকিয়াও তিনি কখন স্বার্থের দিকে ফিরিয়া চাহেন নাই; কখন যশের কান্দালী হয়েন নাই। তাই যাহারা তাঁহার পুণ্য নিকেতনে বহুকালের জ্ঞানসম্পৎসার পুস্তকে পরিবেষ্টিত ঋষিকল্প আনন্দকৃষ্ণবাবুকে দেখিয়াছেন, তাঁহারই তাঁহার জ্ঞানে ও গুণে মুগ্ধ হইয়া আসিয়াছেন, অপরের নিকট তিনি সম্পূর্ণ অপরিচিত ছিলেন। অমর কবি গ্রে গাহিয়াছেন,—

“Full many a gem of purest ray serene

The dark unfathom'd caves of ocean bear;

Full many a flower is born to blush unseen,

And waste its sweetness on the desert air.”

‘শব্দেন্দু মহাকোষ’ বন্ধ হইয়া গেলে, আনন্দকৃষ্ণ বাবুর পরামর্শানুসারে নগেন্দ্রবাবু পাথুরিয়াঘাটার বনু মহাশয় কর্তৃক নাগরকরে প্রকাশিত ‘শব্দকল্প-ক্রমের’ পরিশিষ্টের শব্দ-সঙ্কলন-কার্যে ত্রতী করেন। এই সময়ে পুথি সংগ্রহাদির নিমিত্ত নগেন্দ্রবাবু মূর্শিদাবাদ জিলার গমন করেন। তখন ‘বিশ্বকোষ’ হই বৎসর মাত্র প্রকাশিত হইয়া বন্ধ হইয়া গিয়াছে। বহরমপুরে প্রসিদ্ধ কবিত্ত্ববিদ ৮ নৃত্যগোপাল মুখোপাধ্যায়ের সহিত নগেন্দ্রবাবুর সাক্ষাৎ হয়। নৃত্যগোপালবাবু তৎকালে রেশমকীট-পালন এবং রেশম-বস্ত্রের উন্নতিকল্পে নানা গবেষণায় নিযুক্ত ছিলেন। বেদে রেশম-কীট সম্বন্ধে কোন বিষয়ের

উল্লেখ আছে কি না, এষ্ট বিষয়ের অনুসন্ধান করিবার ক্ষমতা তিনি নগেন্দ্রবাবুকে বিশেষ অনুরোধ করেন। তাঁহার অনুরোধ রক্ষার্থ নগেন্দ্রবাবু তাঁহাকে লইয়া বাঙ্গালার প্রসিদ্ধ ঐতিহাসিক ডাক্তার রামদাস সেনের পুস্তকাগারে গমন করেন। তখন রামদাস বাবু পরলোকে; কিন্তু তখনও তাঁহার স্বহস্ত-সংগৃহীত ঐতিহাসিক পুস্তকাগার তাহার অক্ষয় কীর্তির ও প্রগাঢ় প্রত্নতত্ত্বানুসন্ধিৎসার সাক্ষ্য প্রদান করিতেছিল। সেই বিখ্যাত পুস্তকাগারে তখনও বহু পণ্ডিত স্তভাগমন করিয়া জ্ঞান-চর্চায় ব্যাপৃত থাকিতেন। নগেন্দ্রবাবু তাঁহাদের সহিত পরিচিত হইয়া আপনাকে গৌরবান্বিত মনে করিলেন; ‘বিশ্বকোষ’ বন্ধ হইয়া গিয়াছে বলিয়া অনেকেই আক্ষেপ প্রকাশ করিলেন এবং তৎপ্রকাশের আবশ্যিকতা ব্যক্ত করিয়া নগেন্দ্রবাবুকে সেই কার্য্যভার গ্রহণ করিতে অনুরোধ করিলেন।

নগেন্দ্রবাবু কলিকাতায় প্রত্যাবর্তন করিয়া শুনিলেন যে, ‘বঙ্গবাসী’-সম্পাদক ৬যোগেন্দ্রচন্দ্র বসু এবং ঔপন্যাসিক ৬শ্রীশচন্দ্র মজুমদার ‘বিশ্বকোষ’ পুনঃ প্রকাশ করিতে সঙ্কল্প করিয়াছেন। তিনি তাঁহাদিগের সহিত সাক্ষাৎ করিলেন। তাঁহারা বলিলেন যে, তাঁহারা ঐ বিরাট কার্য্যে হস্তক্ষেপ করিতে ইচ্ছা করিয়াছিলেন বটে, কিন্তু ঐ কার্য্যে বহুবায়সাধ্য ও দূরূহ জ্ঞানে, সেই সঙ্কল্প ত্যাগ করিয়াছেন। তাঁহাদিগের কথা শুনিয়া কিশোর নগেন্দ্রনাথের মাথা ঘুরিয়া গেল,—অভীপ্সিত কার্য্য-সম্পাদন-কল্পে প্রচুর অর্থের প্রয়োজন। নগেন্দ্রবাবু ধনী সন্তান হইলেও, তখন সম্পূর্ণ নিঃস্ব, ঘটনাচক্রে সর্বস্বান্ত, সামান্য চাকরীজীবী অথচ বৃহৎ-পরিবার-প্রতিপালক। তিনি শৈশবেই মাতৃহীন; তখন তাঁহার পিতৃদেব বর্ধমান, কিন্তু তিনিও স্বায় অবস্থা-বিপর্য্যয়ে এবং অন্যান্য মানসিক কষ্টে বিকৃত-মস্তিষ্ক, উন্মাদ-রোগ-গ্রস্ত। পিতৃদেবের উপদেশ লইয়া যে তিনি কার্য্যক্ষেত্রে অবতীর্ণ হইবেন, তাহারও উপায় নাই। সহায়-সম্বলহীন নগেন্দ্রনাথ কিন্তু স্বীয় সঙ্কল্প-বিচ্যুত হইলেন না। বাল্যকাল হইতেই, তিনি ভগবদ্ভক্ত। ভগবানের পবিত্র নাম স্মরণ করিয়া তিনি তাঁহার উপদেষ্টা ও শিক্ষাগুরু আনন্দকৃষ্ণবাবুর নিকটে উপনীত হইলেন। মহাত্মা আনন্দকৃষ্ণবাবু তাঁহার অসীম উৎসাহ ও ঐকান্তিক অনুরাগ লক্ষ্য করিয়া, তাঁহার এই সাধু সঙ্কল্প অনুমোদন করিলেন এবং তাঁহাকে উৎসাহিত করিয়া স্বাভাবিক স্নেহ-সিক্ত অমিয়বর্ষী ভাষায় বলিলেন,—“নগেন, যখন তুমি ভগবানের নাম স্মরণপূর্ব্বক সংস্কল্প ও সাধু উদ্দেশ্যপ্রণোদিত

হইয়া এই গুরুতর গ্রহণ করিতে কৃতসঙ্কর হইয়াছ, তখনও মাননীয় কৃপা বি
ভূমি নিশ্চয়ই তোমার সাধনার সিদ্ধিলাভ করিবে। ‘কর্মণ্যোবাধিকারস্তে
মা ফলেবু কদাচন’—ভগবানের এই মহাশক্তি সর্বদা স্বরণ রাখিয়া কার্য
করিও, নিশ্চয়ই সফলকাম হইবে।” মহাত্মার ভবিষ্যদ্বাণী এতদিনে পূর্ণ
হইয়াছে। তিনি জীবিত থাকিলে আজ আনন্দে আত্মহারা হইতেন।

আনন্দকৃষ্ণবাবুর উৎসাহ বাক্য নগেন্দ্রনাথের হতাশ হৃদয়ে বৈদ্যুতিক
শক্তি সঞ্চারিত করিল। তিনি সেই দিনই কলিকাতার মিউজিয়মে গিয়া
ত্রৈলোক্য বাবুর সহিত দেখা করিলেন। ত্রৈলোক্যবাবু সেই সময়ে মিউ-
জিয়মের Economic Section-এর অগ্রতম বিশিষ্ট কর্মচারী। ত্রৈলোক্য
বাবু তাঁহাকে সাদরে অভ্যর্থনা করিয়া, উক্ত বিষয়ে তাঁহার আন্তরিক সম্মতি
জ্ঞাপন করিলেন এবং অগ্রজ রঙ্গলালবাবুকে পত্র লিখিবার জন্ত বলিলেন।
রঙ্গলালবাবু সেই সময়ে তাঁহার কর্মস্থান বীরভূমের লাঙ্গাঘাট অবস্থান
করিতেছিলেন। নগেন্দ্রবাবু তাঁহার আত্মচরিতে লিখিতেছেন,—“সাহিত্য-
সংসারে সুপরিচিত ভূতপূর্ব বিশ্বকোষ-সম্পাদক শ্রীযুক্ত রঙ্গলাল মুখোপাধ্যায়
মহাশয়কে এক পত্র লিখি। তিনি আমার পত্র পাইবামাত্র, বিশ্বকোষের স্বত্ব ও
প্রকাশ-ভার অর্পণ করেন। এই সময়ে বিশ্বকোষের অন্যতম সম্পাদক উদার-
হৃদয় সাহিত্যবীর ত্রৈলোক্যনাথ মুখোপাধ্যায় মহাশয়ও আমাকে যথেষ্ট উৎসাহ
দান ও বিশ্বকোষ-প্রকাশকল্পে সাহায্য করিতে অঙ্গীকার করেন। বাস্তবিকই
যখনই তাঁহার নিকট গিয়াছি, তাঁহার সৎপরামর্শ লাভে কখনও বঞ্চিত
হই নাই।”

এইরূপে একুশ বৎসর বয়ঃক্রমকালে নগেন্দ্রবাবু বিশ্বকোষ-সঙ্কলন-ভার গ্রহণ
করেন। তৎকালে তাঁহার সাংসারিক অবস্থা কিরূপ ছিল, তাহা পূর্বেই
উল্লেখ করিয়াছি। ‘শব্দকল্পদ্রুমের’ সামান্য চাকরীই তখন তাঁহার একমাত্র
উপজীবিকা; তাহার উপর আবার আত্মীয়-স্বজনবহুল বৃহৎ পরিবার-প্রতিপালনের
ভার তাঁহার উপরে ন্যস্ত। তাঁহার সঙ্কল্প কার্যে পরিণত করিতে হইলে প্রচুর
অর্থের প্রয়োজন। যে ছই একখানি বহুমূল্য অলঙ্কার তখনও তাঁহাদের বাড়ীতে
ছিল, নগেন্দ্রবাবু তাহাই বাঁধা দিয়া অর্থ সংগ্রহ করিলেন; গ্রেট ইন্ডিয়ান
পোস্ট হইতে ‘বিশ্বকোষ’ মুদ্রিত করিবার ব্যবস্থা করিলেন। পূর্বেই বলিয়াছি
‘আ’-বর্গের কিয়দংশ পর্য্যাপ্ত মুখোপাধ্যায় মহাশয়গণের বয়ে প্রকাশিত
হইয়াছিল। নগেন্দ্রবাবু ‘আনি’ শব্দ—হইতে লিখিতে আরম্ভ করিলেন।

প্রথম করেক বৎসর আনন্দকৃষ্ণবাবু 'বিশ্বকোষের' দাবতীর প্রবন্ধই মুদ্রিত হইবার পূর্বে সংশোধন করিয়া দিতেন এবং 'বিশ্বকোষের' প্রথমাবস্থায় তিনি বয়ঃ গণিত-জ্যোতিষ-সংক্রান্ত কতিপয় প্রবন্ধ লিখিয়াছিলেন ।

নগেন্দ্রবাবু 'বিশ্বকোষের' কার্য্য চালাইতে লাগিলেন, কিন্তু তখনও 'শব্দকল্প-ক্রমের' পরিশিষ্ট-সঙ্কলন-ভার পরিত্যাগ করিলেন না । এই ভাবে দুই বৎসর অতিবাহিত হইল । অতঃপর তিনি দেখিলেন যে, উক্তর কার্য্য সম্পাদন করা তাঁহার পক্ষে অসম্ভব । তখন অগত্যা তিনি 'শব্দকল্পক্রমের' সংশ্রব পরিত্যাগ করিতে বাধ্য হইলেন ।

'বিশ্বকোষ' পুনরায় প্রকাশিত হইতে লাগিল । কিন্তু গ্রাহক-সংখ্যা বর্দ্ধিত হইল না, এমন কি বাহারা পূর্বে গ্রাহক ছিলেন, তাঁহারাও গ্রাহকশ্রেণীচ্যুত হইতে লাগিলেন ;—মনে করিলেন, নগেন্দ্রনাথ বালক, সে আর কত দিনই বা ইহা প্রকাশ করিতে সমর্থ হইবে ? বালক, তাই এইরূপ ছুঁকুহ কার্য্যে হস্তক্ষেপ করিয়াছে । অনতিবিলম্বেই তাহার সাধ মিটিয়া যাইবে ; সুতরাং অনর্থক গ্রাহক হইয়া অর্থ-নাশ করিয়া লাভ কি ?

নগেন্দ্রবাবু মহা বিপদে পড়িলেন । দুই একজন গুণগ্রাহী ব্যক্তি তিন্ন তখন কেহই তাঁহাকে চিনিতেন না । কাষেই জনসাধারণ তাঁহার উপর বিশেষ আস্থা স্থাপন করিতে পারিল না । এই সময়ে তিনি সমস্ত বৈদিক ও পৌরাণিক ভূগোল আলোচনা করিয়া 'বিশ্বকোষে' আর্য্যাবর্ত্তের প্রাচীন মানচিত্র প্রকাশ করিলেন । মহামহোপাধ্যায় হরপ্রসাদ শাস্ত্রী মহাশয় মহা আনন্দে সেই আর্য্যাবর্ত্তের মানচিত্র এসিয়াটিক সোসাইটীর অধিবেশনে প্রদর্শন করিলেন । সোসাইটীর সভাপতি-প্রমুখ সমবেত স্মধীমণ্ডলী নগেন্দ্রবাবুকে ধন্যবাদ প্রদান করিলেন । গণ্ডিতে বুকিলেন, বঙ্গসাহিত্যক্ষেত্রে একজন অনুসন্ধিৎসু উদীয়মান প্রত্নতত্ত্ববিদের আবির্ভাব হইয়াছে । 'বিশ্বকোষের' গ্রাহক-সংখ্যা ক্রমে দুই একটি করিয়া বাড়িতে লাগিল ।

এই সময়ে গভর্নমেন্টের সাহায্য-প্রার্থী হইয়া নগেন্দ্রবাবু শিক্ষাবিত্তাগের ভদানীস্বতন অধ্যক্ষ ক্রফ্ট মহোদয়ের নিকটে আবেদন করেন । তখন মহামনা মনীষী মহেশচন্দ্র স্মায়রত্ন মহাশয় সংস্কৃত কলেজের অধ্যক্ষ । তিনি এই আবেদন অনুমোদন করিলেন । মহামতি ক্রফ্ট মহোদয় গুণের গৌরব বুঝিলেন । তাঁহার পরামর্শানুসারে গভর্নমেন্ট ১৫ কপি পুস্তকের গ্রাহক হইলেন ।

এইরূপে 'বিশ্বকোষ' বিশ্বজনসমাজে পরিচিত হইয়া নিজের প্রতিপত্তি প্রতিষ্ঠা করিতে লাগিল। 'বিশ্বকোষের' দ্বিতীয় খণ্ডে সমগ্র স্বরবর্ণ সমাপ্ত হইল। তৃতীয় খণ্ডের প্রারম্ভে সম্পাদক মহাশয় বহু পরিশ্রম করিয়া "কামরূপ" "কারহ" ও "কুলীন" শব্দ লিখিলেন। 'বিশ্বকোষ'-পাঠক তাঁহার বিদ্যাবুদ্ধি ও গবেষণার পরিচয় পাইয়া বিস্মিত হইল। সম্পাদকের গুণগরিমায় মুগ্ধ হইয়া শিক্ষিতমণ্ডলী স্বতঃপ্রবৃত্ত হইয়া 'বিশ্বকোষের' গ্রাহকশ্রেণীভুক্ত হইতে লাগিলেন। গ্রাহক-সংখ্যা আশাতীত বৃদ্ধি হইল; কিন্তু তখনও 'বিশ্বকোষের' নিজের আয়ে তাঁহার ব্যয়-সঙ্কলন হইতেছিল না। সম্পাদক মহাশয় ঋণগ্রস্ত হইয়া ইহার জন্য অকাতরে অর্থব্যয় করিতেছিলেন। অতঃপর নানা বিপদাপদ তুচ্ছ করিয়া, অসংখ্য বাধাবিঘ্ন অতিক্রম করিয়া তিনি দশবৎসর 'বিশ্বকোষ' সম্পাদন করিলেন। ছাদশবর্ষে পদার্পণ করিয়া 'বিশ্বকোষ' নিজের আয়ে নিজের ব্যয়-ভার বহন করিতে সমর্থ হইল। 'বিশ্বকোষ' নগেন্দ্রবাবুর নিজের "বিশ্বকোষ প্রেস" হইতে মুদ্রিত হইতে লাগিল। ১৩১০ সালে, নগেন্দ্রবাবু তাঁহার আত্ম-চরিতে লিখিয়াছেন,—“যে 'বিশ্বকোষ'রক্ষার জন্য আমি কতই আশঙ্কা করিয়াছি তগবান্ সেই বিশ্বকোষের দ্বারাই কেবল আমাকে নহে, আমার আত্মীয়স্বজন অনেককেই প্রতিপালন করিতেছেন।”

'বিশ্বকোষ' নগেন্দ্রবাবুর কত স্নেহের সামগ্রী, আদরের বস্তু, তাহা বুঝাইবার জন্য একটিমাত্র ঘটনার উল্লেখ করিব। ১৩১৬ সালের শ্রাবণ মাসে যখন তিনি বিষম 'বেরি-বেরি' ব্যাধিতে আক্রান্ত হইয়া উত্থানশক্তিহীন ও শয্যাগত হইলেন, সেই সময়ে একদিন তাঁহাকে দেখিতে গিয়াছিলাম। তখন তাঁহার অবস্থা সঙ্কটাপন্ন। মহামহোপাধ্যায় হরপ্রসাদ শাস্ত্রী মহাশয়ও সেই দিন রোগীর শয্যাপার্শ্বে উপস্থিত ছিলেন। রোগক্রিষ্ট নগেন্দ্রবাবু আমাদের প্রতি কাতর দৃষ্টিতে চাহিয়া আছেন। আমরা বুঝিলাম, তিনি কিছু বলিবার চেষ্টা করিতেছেন, কিন্তু বলিতে পারিতেছেন না। জিজ্ঞাসা করিলাম,—“আপনি কি কিছু বলিবেন?” তাঁহার নয়ন হইতে দুই বিন্দু তপ্ত অশ্রু বিগলিত হইল। আমরা মনে করিলাম, তিনি রোগ-যন্ত্রনার ঐরূপ কাতর হইয়াছেন। কিন্তু পরক্ষণেই আমাদের ভ্রম দূর হইল। তিনি অতি করুণ স্বরে ধীরে ধীরে বলিলেন,—“আমার একটা বড় দুঃখ রহিয়া গেল যে, আমি বিশ্বকোষ শেষ করিয়া বাইতে পারিলাম না।” তাঁহার শত চেষ্টা সবেও অশ্রুধারা বাধা মানিল না—গণ্ড বহিয়া তাঁহার বুকের উপর পড়িতে লাগিল। তিনি কিঞ্চিৎ

প্রকৃতিই হইলে শাস্ত্রী মহাশয় তাঁহাকে বলিলেন,—“নগেন, তুমি পাগল হইলে নাকি? তুমি ত ভগবানে বিশ্বাস কর, তবে এত ছুশ্চিত্তা করিতেছ কেন? ‘বিশ্বকোষ’ তোমার ঘাড়াই সম্পূর্ণ হইবে। ঐরূপ চিন্তা করিও না। ভয় কি? তুমি শীঘ্রই আরোগ্য লাভ করিবে।” এই করুণ মর্ম্মস্পর্শী দৃশ্য আমি জীবনে কখনও ভুলিব না।

প্রাচ্য ও প্রতীচ্য জগতে ‘বিশ্বকোষের’ স্থান অথবা ইহা অপেক্ষা বৃহত্তর একাধিক অভিধান বা Encyclopaedia প্রকাশিত হইয়াছে, কিন্তু কেবলমাত্র একজন ব্যক্তির বুদ্ধে ও কৃতিত্বে এরূপ বিরাট অভিধান আজ পর্য্যন্ত এক খানিও প্রকাশিত হয় নাই। সারা জীবন একমাত্র মহত্বদেখে উৎসর্গীকৃত করিয়া, ভগ্নস্বাস্থ্য হইয়া, শরীর পাত করিয়া পঁয়তাল্লিশ বৎসর বয়সে অকালে বার্ককোর ঘারে উপনীত হইতে অপর কাহাকেও দেখিয়াছেন কি?

এই ক্ষুদ্র প্রবন্ধে ‘বিশ্বকোষের’ সমগ্র ইতিহাস লিপিবদ্ধ করা অসম্ভব। কেবলমাত্র কয়েকটি বিশেষ ঘটনা লিখিত হইল। নগেন্দ্রবাবুর কোতূহলোদ্দীপক জীবন-কথার এবং তাঁহার কৃতিত্ব, ধীশক্তি ও বহুর্দর্শিতার পরিচয় প্রদান করিবার বাসনা রহিল।

একটি বিষয়ের উল্লেখ না করিয়া প্রবন্ধ শেষ করিলে, সত্যের অপলাপ করা হইবে। নগেন্দ্রবাবুর জ্যেষ্ঠভাতপুত্র সুলেখক শ্রীযুক্ত অনাথনাথ বসু মহাশয় ‘বিশ্বকোষ’-সঙ্কলন-কার্য্যে দীর্ঘ দশ বর্ষ অক্লান্ত পরিশ্রম করিয়াছেন। কবির মনীষনাথ,

“ভাই ভাই এক ঠাই,
ভেদ নাই ভেদ নাই।”

—নব উচ্চারণ করিয়া এবং কবির বিজ্ঞানজ্ঞান,

“ভায়ের মায়ের এত মেহ,
কোথায় গেলে পাবে কেহ।”

—গাহিয়া ভাঙ্গা আসন্ন বোড়া দিবার চেষ্টা করিতেছেন বটে, কিন্তু তবুও বাঙ্গালী সেই পূর্বের স্থায়—“ভাই ভাই ঠাই ঠাই”ই রহিয়াছে। এই “ভাই ভাই ঠাই ঠাই” এর দিনেও নগেন্দ্রবাবু জ্যেষ্ঠগতপ্রাণ সোদর-প্রতিম ভাই পাইয়াছিলেন, তাই এত বড় ব্যাপারটা তিনি অনায়াসে সমাধা করিতে পারিলেন।

বাঙ্গালার আশার হল, ভয়নার পাত্রে মথেন্দ্রবাবু দীর্ঘজীবী হউন।

মৃত্যু-জয় ।

সংগ্রামে জিত হবে শিখগুরু

ভোগ বাহাদুর বীরে

দিল্লি-নগরে মোগল সৈন্য

আনিল অঙ্গে বিরে’—

কহে বাদসাহ “হে গুরু, তোমার

দৈব শক্তি দেখাও এবার,

কেমনে ধর্ম করিলে প্রচার

পঞ্চ নদীর তীরে।”

গুরু কহে ধীরে, “কি আছে আমার,

কুদ্র মানব আমি,

শক্তির শুধু তিনি মূলাধার

যিনি অধিলের স্বামী।”

সত্রাট্ কহে, “দেখিব, হে বীর,

ধর্মের তব মহিমা গভীর,

অসির আঘাতে উন্নত শির

ভূমে আসে কি না নামি।”

“মন্ত্র আমার পক্ষে লিখিরা—”

ভোগ বাহাদুর কর—

“ধরিলে কণ্ঠে অস্ত্র-আঘাতে

কিছুই নাহিক তর।”

শিখিয়া বহু সৃষ্টি আবেশে,
 বাধি সে পত্র নিজ গলদেশে,
 “মস্তকের বলে”—কহে শুরু হেসে—
 “মরণে করিব জর !”

ঘাতুক আগিয়া নিমেষে সাধিল
 নিষ্ঠুর কাজ তা’র,
 ছিন্ন মুণ্ড লুটিল ধরায়
 ছুটিল রক্তধার ।
 কধিরনিপু পত্র তখন
 তুলি’ পাঠ করে সভাসদজন,—
 “দিলাম এ শির, দিবনা কখন
 ধর্ম—যা মোর সার ।”

শ্রীরমণীমোহন ঘোষ ।

চিত্রপরিচয় ।

বর্তমান সংখ্যায় প্রকাশিত সরস্বতী চিত্র নিপুণ শিল্পী শ্রীযুক্ত ভবানীচরণ
 দাস মহাশয়ের অঙ্কিত চিত্রের প্রতিলিপি । চিত্রের কল্পনা ও বর্ণবৈচিত্র্য
 উভয়ই বিশেষ কৃতিত্বের পরিচায়ক ।

ঐতিহাসিক ষংকিত্তিৎ ।

—:~:—

বর্তমান কালে ভারতে ছুর্ভিকের সময় চাউল রপ্তানী বন্ধ করিবার প্রস্তাব সময় সময় উপস্থিত করা হয়। লর্ড নর্থক্রকের শাসনকালে বাঙ্গালার ছোটলাট সারজর্জ ক্যাথেল চাউল রপ্তানী বন্ধ করিতে চাহিয়াছিলেন। লর্ড নর্থক্রক সে প্রস্তাবে সম্মতি দান করেন নাই। ইংরাজী আমলের প্রথমভাগে ব্যবস্থা অন্তরূপ ছিল। ১৭৫৪ খৃষ্টাব্দের কাগজপত্রে দেখা যায়, ১০ই জুন তারিখে কলিকাতার চাউল বিক্রেতাদিগকে চাউল রপ্তানী করিতে দেওয়া হয়; কারণ, তখন সরু চাউল টাকায় ৩২।।০ সের ও মোটা চাউল টাকায় ৪০ সের বিকাইতেছিল এবং ২০০০০০ মন চাউল মজুদ ছিল। ইহাতে তিনটি বিষয় লক্ষ্য করিবার আছে—প্রথম চাউলের দর—এই দর শাসনকারী ঋণ কথায় মনে করাইয়া দেয়, দ্বিতীয় সরু চাউলের দামে ও মোটা চাউলের দরে ভারতম্য, তৃতীয় কলিকাতার মত ক্ষুদ্র স্থানেও কত চাউল মজুদ থাকিলে চাউল রপ্তানীর আদেশ দেওয়া হইত।

—

গর আছে, এক ব্যক্তি ছারপোকায় দংশনে বিব্রত হইয়া শেষে চারপাই-খানিতে অগ্নিসংযোগ করিয়া তবে নিশ্চিন্ত হইয়াছিল। কিন্তু এরূপ ঘটনার উল্লেখ এদেশে ইংরাজের কাগজপত্রে আছে। ১৭৭৫ খৃষ্টাব্দে ক্যাপ্টেন লার্টন উইয়ের অত্যাচারে বিব্রত হইয়া তরনীখানি জলমগ্ন করিবার আদেশ প্রার্থনা করেন। এই প্রার্থনা বিশেষরূপ বিবেচনা করিয়া তরনীখানি ডুবাইবার আদেশই দেওয়া হয়।

—

নবকৃষ্ণ ক্লাইবের মুঙ্গী ছিলেন। ১৭৬৭ খৃষ্টাব্দে লর্ড ক্লাইব নবকৃষ্ণের অস্ত্র কাউন্সিলের অনুগ্রহ প্রার্থনা করেন। এই প্রার্থনা মঞ্জুর করিয়া কাউন্সিল স্থির করেন—নবকৃষ্ণ যেরূপ ভাবে কাষ করিয়াছেন, তাহাতে তিনি অনুগ্রহের উপযুক্ত। তাহাকে ১৭ই জানুয়ারী হইতে মাসিক ২০০০ টাকা বেতনে কোম্পানীর রাজনীতিক 'বেনিয়ান' নিযুক্ত করা হয়। ইহাই নবকৃষ্ণের সৌভাগ্যের সূচনা।

—

বিহার বেঙ্গল রেনেসা এ বেঙ্গে ইংরাজ আধিকারের সূচনাকালে দেশ জরিপ করিয়া যে মানচিত্র রচিত করেন, আজও অনেক স্থানে তাহাই ঐতিহাসিকের অবলম্বন । কাগজপত্রে দেখা যায় ১৮৬৭ খৃষ্টাব্দে হির হর, তিনি জরিপ কার্যে বেঙ্গল সরকার দেখাইয়াছেন, তাহা প্রশংসনীয় ও কোম্পানীর হিতকর বলিয়া তাঁহাকে মাসিক ৩০০ টাকা বেতনে সার্ভেয়ার জেনারেল নিযুক্ত করা হয় । এই বেতন তখন যথেষ্ট বিবেচিত হইয়াছিল ।

১৭৫২ খৃষ্টাব্দে ২০শে সেপ্টেম্বর তারিখে চাউলের চূর্ণল্যাতাহেতু লোকের অসুবিধার কথা অবগত হইয়া ইংরাজ আদেশ প্রচার করেন যে, কেহ টাকার ১ পন ১০ সেরের কম চাউল বিক্রয় করিলে দণ্ডিত হইবে ।

১৭৫১ খৃষ্টাব্দে কলিকাতার চাউলের ও তৈলের চূর্ণল্যাতাহেতু লোকের কষ্ট হওয়ার ইংরাজগণ এই দুই দ্রব্যের উপর শুক উঠাইয়া দেন ও কুলীর পারিশ্রমিক বাড়াইয়া দৈনিক ২ পন ১২ গণ্ডা কড়ী দিবার ব্যবস্থা করেন ।

১৭৫৫ খৃষ্টাব্দে বিলাতের কোর্ট অব ডিরেক্টরস কলিকাতার পত্র লিখিয়া কোন্ কোন্ টেক্স দরিদ্রদিগের পক্ষে কষ্টকর তাহা জানিতে চাহিয়াছিলেন ; এবং স্পষ্টই লিখিয়াছিলেন, বিবাহের উপর টেক্স দরিদ্রদিগের পক্ষে পীড়াদায়ক সূতরাং উহার বিলোপ বাহুনীয় । অন্ততঃ উহা যেন বিশেষ বিবেচনা করিয়া আদায় করা হয় ।

শ্রীঅরুণেন্দ্রপ্রসাদ ঘোষ ।

গৌফের মূল্য।

(১)

“মিত্র সাহেব” (আমাদের প্রতিবেশী গঙ্গাধর মিত্রের পাশ্চাত্য-বেশভূষা-প্রিয় পুত্র ননীগোপাল মিত্রকে বিক্রপ করিয়া আমরা ‘মিত্র সাহেবই’ বলিতাম) যখন কলকাতার অর্গলরুদ্ধ করিয়া নানা দ্রব ও তরলপদার্থ-সহযোগে দুই ঘণ্টা ধরিয়া গুফ-বিষ্ঠাসের কঠোর সাধনায় ব্যাপ্ত থাকিতেন, তখন আমরা গোপনে গবাক্ষপথে তাহার এই দুর্বলতা লক্ষ্য করিয়া কতই না বিক্রপের হাসি হাসিতাম! কিন্তু হায়! কে তখন জানিত—। যাহা হউক, জীবনের সেই দুঃসহ দুঃখের কথাই বলিতে বসিয়াছি।

বাল্যকালে রমণী-সমাজে আমার বিশেষ প্রতিপত্তি ছিল। বালিকারা আমাকে তাহাদেরই একজন বলিয়া মনে করিত, যুবতীরা সরলচিত্তে আমার কাছে তাহাদের মনের কথা খুলিয়া বলিত, এবং বর্ষীয়সীগণের মাতৃস্নেহে আমার একচেটিয়া অধিকার জন্মিয়াছিল। এই রমণীজনপ্রিয়তার প্রধান কারণ, বোধ হয়, আমার রমণীমূলভ স্নকুমার আকৃতি।

জীবনে সাজিয়া আমি যখন হাসি-হাসি-মুখে বাসরঘরে বাইয়া বসিতাম, তখন মুগ্ধ বর বধুকে ভুলিয়া সতৃষ্ণনয়নে আমারই মুখের দিকে চাহিত; কণ্ঠা দেখিতে আসিয়া কত তীক্ষ্ণদৃষ্টি যুবক যে কণ্ঠার পরিবর্তে আমাকে দেখিয়া “সুন্দরী” বলিয়া পছন্দ করিয়া গিয়াছে, তাহার সংখ্যা হয় না। গীতবাদ্যেও আমার অধিকার ছিল। রমণী-সমাজে আমার অতুল প্রতিপত্তির তাহাই দ্বিতীয় কারণ।

আমার এই বিপুল সৌভাগ্য দেখিয়া আমার ঈর্ষাপরায়ণ বালক-বন্ধুরা আমার গালি দিয়া বলিত “মেয়েমুখো”। কিন্তু আমার প্রীতিময় বালিকা-বন্ধুদিগের স্নেহমাতে কৃতার্থ আমি সে অপবাদ সানন্দে মাথায় ভুলিয়া লইতাম।

(২)

কিন্তু কৈশোর অতিক্রম করিয়া যৌবনের প্রবেশদ্বারে উপস্থিত হইতেই, কি জানি কেন, সহসা আমার মূনের ভাব সম্পূর্ণ পরিবর্তিত হইয়া গেল। স্নকুমারী আমার সঙ্গে অবাধে মিশিয়া থাকে, আমার সঙ্গে ছুটাছুটি করিতে, আমার হাত ধরিয়া টানাটানি করিতে তাহার কিছুমাত্র আপত্তি নাই;

কিন্তু নগেনকে দেখিলে সে সঙ্কুচিত হইয়া মুখ নীচু করিয়া দাঁড়ায় !
আমার দিকে সে সরলভাবে—স্বাধীনভাবে চাহিয়া থাকে, কিন্তু নগেনকে
দেখিবার জন্য তাহাকে গবাক্ষপথের আশ্রয় লইতে হয়।—কি জানি কেন,
তাঁহার নগেনের প্রতি আচরণই আমার অধিক লোভনীয় বলিয়া মনে হয়।

নগেন আমার সমবয়সী। সুবতীরা তাহাকে দেখিয়া মাথায় কাপড়
ধের, লজ্জার মুখ কিরাইয়া লয়, অথচ আমার সঙ্গে তাস খেলিতেও সঙ্কুচিত
হয় না, আমাকে দিয়া আপনাদের প্রেমপত্র লিখাইয়া লইতেও ইতস্ততঃ
করে না; ইহাতে আমার মর্যাদাবুদ্ধি যেন ব্যাধিত হয়। এই অতিরিক্ত
ঘনিষ্ঠতাকে আমার যেন উপেক্ষা বলিয়া মনে হয়।

কিন্তু এই বিষম পার্থক্যের কারণ কি? নগেনের নবোদগত ভ্রমরকৃষ্ণ
গুণসমূহই নহে কি? হায়! আমি কি পাপে এ ধরনের বঞ্চিত হইলাম?
“হায়রে কি পাপে?”

(৩)

চেষ্টা, পরিশ্রম, অর্থব্যয়—কিছুরই ক্রটি করি নাই, কিন্তু সকলই বিফল
হইল। আমি রমণীর ভূমিকা লইয়া রঙ্গমঞ্চে অবতীর্ণ হইলে আত্মিও
চারিদিকে করতালির ধুম পড়িয়া যায়—রমণীর ছদ্মবেশ ধারণ করিলে
আত্মিও আমাকে অনেকে চিনিয়া উঠিতে পারে না! সুতরাং আমার
হৃৎস্বের অবধি ছিল না। লিখাপড়া শেষ করিয়াছিলাম, বুদ্ধি-বিবেচনারও
সকলে স্তুতি করিত; কিন্তু একটা মনের মত কাষ কোথাও
জুটিল না।

ম্যানেজারীর প্রার্থী হইয়া মালিকের সম্মুখে উপস্থিত হইলেই মালিক
বলিতেন, “এ সকল কাষের জন্য একটু শক্ত লোকের প্রয়োজন, ম্যানে-
জারীর প্রধান প্রয়োজন শাসন-ক্ষমতা; সেটুকু না থাকিলে কাষ চলা
অসম্ভব।” আমার যে শাসন-ক্ষমতার অভাব নাই, এ কথা বুঝাইবার জন্য
কত চেষ্টা করিতাম, কিন্তু গুণ্ডাভাবের প্রত্যক্ষ প্রমাণে সকলই “বাতিল”
হইয়া বাইত। সুতরাং কোন প্রকার দায়িত্বপূর্ণ কর্ম আমার পাইবার
সম্ভাবনা রহিল না। অধিকাংশ স্থলেই বেতন দায়িত্বের উপরেই নির্ভর
করে; সুতরাং কোন ভাল কাষই আমার অদৃষ্টে জুটিল না।

হতাশ হইয়া এক সওদাগরি আফিসে দায়িত্বহীন কেরাণীর পদ গ্রহণ
করিলাম। কিন্তু হায়! দুর্ভাগ্যের শেষ হইল না।

(৪)

আকৃতিতে পৌরুষভাব না থাকিলেও, চিন্তে আমার “পুরুষদের” অভাব ছিল না। আমি স্বাধীন প্রেমের প্রবল পক্ষপাতী ছিলাম। প্রেমের দান স্বাধীনতার দান। স্বাধীনভাবে স্রোতস্বিনী আসিয়া সাগরে মিলিত হয়—সে-ই প্রকৃত মিলন। খাল কাটিয়া জল আনিয়া মিলন ঘটাইয়া দিলে মিলন হয় না। প্রেম যে স্থানে স্বতঃ-নিঃসারিত উৎসের মত হৃদয়ের মধ্যে আপনি উথলিয়া উঠে, সেই স্থানেই সে পবিত্র, মহান, অমূল্য। কিন্তু যথায় জোর করিয়া কর্ষণের দ্বারা, জলসেচনের দ্বারা, “সার” প্রদানের দ্বারা শস্তের মত তাহাকে উৎপন্ন করিতে হয়, তথায় তাহা নিতান্তই মূল্যহীন। তাই হিন্দুসমাজের শিক্ষা ও সাধনা-সঞ্জাত বালিকা-বধুর দুর্বল প্রেমের পরিবর্তে, প্রেমের স্বতোচ্ছৃষিত মন্দাকিনী-ধারা প্রাণ ভরিয়া পান করিবার আশায় অল্প সমাজে মিশিয়াছিলাম। কিন্তু তখন একটা কথা ভাবিয়া দেখি নাই। সংকীর্ণ প্রেম অপেক্ষা স্বতোচ্ছৃষিত প্রেমের সংগ্রহব্যাপার অত্যন্ত ধৈর্য্য ও পরিশ্রমসাপেক্ষ! হিন্দুগৃহে পাঁচজন মিলিয়া এই প্রেম সংগ্রহ করিয়া দেয়, পিতা মাতা তাই বন্ধু সকলেই প্রার্থীকে সাহায্য করে, এমন কি, অনেক সময় স্বয়ং প্রার্থীকে চেঁচা-মাত্রাও করিতে হয় না; কিন্তু হায়! স্বাধীন প্রেমের বিশাল ক্ষেত্রে ভীষণ নির্জনতা—প্রার্থী শুধু “একা একাকী।”

আমি আত্মনির্ভরপরায়ণ হইয়া প্রার্থনা-মন্দিরে, ইডেন গার্ডেনে, মিউজিয়মে, বোট্যানিক্যাল গার্ডেনে, আলিপুরের চিড়িয়াখানায়, প্রেমের উৎস সন্ধানের জন্য চক্ষু যুগলকে অবিরত অতল্লিত করিয়া রাখিলাম। অবশেষে একদিন শুভদিন আসিল। সে দিন যুদ্ধ হৃদয়কে গোধুলির অরুণ-রাগ-রঞ্জিত আকাশতলে “ধুলিশয়ান” রাখিয়া স্নানমুখে গৃহে ফিরিয়া আসিলাম।

(৫)

শুভ দিনে দেবী ভক্তের ধূলি-ধূসর জ্বলিগুটিকে স্নেহভরে আপনার করকমলে তুলিয়া লইলেন। দেবী আমারই প্রতিবেশী ভূধর বাবুর কন্যা। সবে মাত্র অষ্টাদশ বর্ষে পদার্পণ করিয়াছেন; কোন কলেজের তৃতীয়বার্ষিক শ্রেণীতে অধ্যয়ন করেন—নাম হেমাঙ্গিনী। শুধু কি নামে? অঙ্গে সত্যই তপ কাঞ্চনের প্রদীপ্ত জ্যোতিঃ, মুখে শত সুধাকরের লাবণ্য,

মস্তকে বলতরা শ্রাবণের বনকুক কাদতিনী ! চক্ষুতে বিহ্বাৎ ছিল, কিন্তু সে প্রেমের আচ্ছাদনে নিষ্ক, দরার আবরণে শীতল।

ক্রমে বনিষ্ঠতা বৃদ্ধি পাইতে লাগিল। আমি আবৃত্তি করিতাম, হেমাঙ্গিনী শুনিত ; হেমাঙ্গিনী আবৃত্তি করিত, আমি শুনিতাম। হেমাঙ্গিনী গান করিত—(কি মধুর, কি সুধাবর্ষী সঙ্গীত !)—আমি বাজাইতাম ; হেমাঙ্গিনী বাজাইত, আমি গাহিতাম।

আমার নিকট হেমাঙ্গিনীর কিছুমাত্র সঙ্কোচ ছিল না; স্বচ্ছ সরলতার সে আমাকে তাহার সহপাঠীর মত মনে করিত, আমার কাছে পড়া বুকাইরা লইত, আমাকে দিয়া প্রবন্ধ লিখাইত, জীবনের আশা ভরসা সুখ দুঃখের কথা সব আমার কাছে খুলিয়া বলিত।

স্বর্ণময় প্রভাতের নবোদিত রবিরশ্মিরেখা আমি আমার ভাগ্য-গগনে সুস্পষ্ট অঙ্কিত দেখিতে পাইতেছিলাম।

(৬)

রবিবার প্রাতে হেমাঙ্গিনীর ঘরে বসিয়া চা পান করিতেছিলাম। আজি কার পরিপূর্ণ অবকাশের দিন কিরূপে যাপন করা যাইবে, চা-পানের সঙ্গে সঙ্গে সে বিষয়েরও আলোচনা চলিতেছিল। সম্মুখস্থ পুষ্পোদ্যান হইতে সুরভিত বায়ু আসিয়া আমাদের আনন্দকে নিবিড় করিয়া দিতেছিল, উবার স্বর্ণকিরণ হেমাঙ্গিনীর চূর্ণ কুস্তলে পড়িয়া তাহাকে স্বর্গীয় শোভায় মণ্ডিত করিতেছিল, এমন সময়ে কে একজন যেন “ব্যস্ত-সমস্ত” ভাবে কক্ষমধ্যে প্রবেশ করিয়া বৃষভ-গঞ্জন স্বরে ডাকিল, “হেমাঙ্গিনী !” হেমাঙ্গিনী চমকিয়া মুখ ফিরাইল, আগন্তুককে দেখিয়া এক মুখ হাসিয়া বলিল, “এই যে প্রবোধ বাবু ! শিমলা থেকে কবে এলেন ?” প্রবোধ বাবু বলিলেন, “এই মাত্র—” তিনি আরও কি বলিতে যাইতেছিলেন, এমন সময়ে সহসা আমার দিকে তাঁহার দৃষ্টি পড়িল। হেমাঙ্গিনীর দিকে একটু তীক্ষ্ণ দৃষ্টিতে চাহিয়া তিনি জিজ্ঞাসা করিলেন “ইনি ?” হেমাঙ্গিনী যেন একটু লজ্জিত হইয়া বলিল “হাঁ হাঁ ইনি, ইনি বিনোদ বাবু এঁর সঙ্গে আপনার আলাপ হয় নি বুঝি ? ইনি এই যে আমাদের পাশের বাড়ীতেই থাকেন।” প্রবোধ তখন তাহার ধরদৃষ্টি আমার উপর স্থাপিত করিয়া কহিল “কই—আগেত এঁকে দেখি নি ! কত দিন এ দিকে এসেছেন ?” প্রবোধের প্রশ্নের স্মরণ হুল গুঢ় দেখিয়া আমি অভিভূত হইয়া পড়িয়াছিলাম। অপরাধীর

মত কহিলাম, “আজ্ঞে এই সম্প্রতি।” প্রবোধ বলিল, “বেশ বেশ। আপনার সঙ্গে আলাপ হ’ল, বড় আনন্দের কথা।” কিন্তু তাহার সেই ক্রকুটি-কুটিল রুন্ন বদনমণ্ডলে আনন্দের কোন লক্ষণই দেখিলাম না। হেমাঙ্গিনীকেও যেন একটু সঙ্কুচিতা বোধ হইতে লাগিল। অগত্যা হেমাঙ্গিনীর দিকে চাহিয়া বলিলাম, “এখন তবে আসি?”

হেমাঙ্গিনী ক্ষীণকণ্ঠে বলিল “এখনি? এখনি যাবেন?”

দেখিলাম, আমি গেলে বেচারাইঁপ ছাড়িয়া বাঁচে। দীর্ঘ নিশ্বাস ফেলিয়া উঠিয়া আসিলাম।

(৫)

এখন হইতে অতি সাবধানে হেমাঙ্গিনীর বাটী যাইতে হয়। কি জানি কেন, প্রবোধের দৃষ্টিতে পড়িবার আশঙ্কা সর্বদা আমাকে পীড়িত করিতে থাকে। প্রবোধের অরূপস্থিতিতে হেমাঙ্গিনী আমার সঙ্গে তেমনই সরল-ভাবে কথা কয়, তেমনই হাসে, তেমনই গান গায়। কিন্তু প্রবোধ আসিলেই সব গোলমাল হইয়া যায়।

প্রবোধ আমার দিকে উগ্রদৃষ্টিতে চাহিতে থাকে, আমার মুখ শুকাইয়া যায়, হেমাঙ্গিনী উদ্বিগ্ন হইয়া উঠে! আজকাল আর একটা ছুঁটসংশয় কঠিন কণ্টকের মত হৃদয়কে পীড়ন করিতে আরম্ভ করিয়াছে। হেমাঙ্গিনী কাহাকে বেশী ভালবাসে? আমাকে না প্রবোধকে? আকৃতি, সৌন্দর্য, বিদ্যা, বুদ্ধি, কবিত্ব, কল্পনা, সকল বিষয়েই প্রবোধ আমা অপেক্ষা নিকৃষ্ট; তবু যদি হেমাঙ্গিনী তাহাকে ভালবাসে, তাহা হইলে স্ত্রীচরিত্র দুর্জের, সন্দেহ নাই। কিন্তু তবু কঠোর সন্দেহ থাকিয়া থাকিয়া হৃৎপিণ্ডকে পীড়িত করে। হেমাঙ্গিনীর মনোভাব স্পষ্ট বুঝা যায় না—জিজ্ঞাসা করিতেও সাহস হয় না!

(৬)

আশাভঙ্গের কঠোর বেদনা আজ হৃদয়কে ব্যথিত করিতেছিল। আমাদেরই আফিসে বড় কেরাণীর পদ শূন্য হইয়াছিল। আমি ও আর একজন কেরাণী এই দুই জনের মধোই একজনের পদপ্রাপ্তির সম্ভাবনা ছিল। “ছোট সাহেব” আমার জন্মই বিশেষ করিয়া লিখিয়াছেন। স্মৃতরাং পদপ্রাপ্তি সম্বন্ধে অনেকটা আশাবিত্ত হইয়াছিলাম।

আমি আকিসে যাইবামাত্র “বড় সাহেব” আমাদের ছুজনকেই ডাকিয়া পাঠাইলেন। আমাদের কাগজ পত্র সব দেখিয়া অবশেষে ‘সাহেব’ আমাদের ছুজনেরই মুখের দিকে চাহিলেন। আমার প্রতিদ্বন্দ্বী আপনার পরিপুষ্ট গুন্ডশ্রেণীকে মহিবশুদ্ররূপে বিচ্যুত করিয়া আসিয়াছিলেন, আমার গুন্ড কীণ কুসুরেখা অতিক্রম করে নাই। ‘সাহেব’ আমার মুখের দিকে চাহিয়া চাহিয়া বলিলেন, “তোমাকে দেখিলে খুব বুদ্ধিমান বলিয়া মনে হয়, সন্দেহ নাই। কিন্তু এই দায়িত্বপূর্ণ কর্মের পক্ষে তোমার বয়স বড় কম।” আমি ব্যগ্রভাবে বলিলাম, “সে কি মহাশয়, আমি বিজয় বাবু অপেক্ষা বয়সে এক বৎসরের বড়।” ‘সাহেব’ উচ্চ হাস্ত করিয়া উঠিলেন; বলিলেন, “তোমরা বয়স কমাইতেও যেমন, বাড়াইতেও তেমনই; যখন বাহাতে সুবিধা হয়। বিজয় বাবু তোমা অপেক্ষা অন্ততঃ পাঁচ বৎসরের বড়। আমি এদেশে কায় করিয়া করিয়া চুল পাকাইয়াছি, বয়সের আন্দাজ, বোধ হয়, একটু আটটু করিতে পারি।” হতাশ হইয়া ফিরিয়া আসিলাম। বন্ধুবরের গুন্ডই বিজয় লাভ করিল। মনঃকষ্ট দূর করিবার জন্য লোকে প্রিয়জনের অন্বেষণ করে। অমর কবি মধুসূদন বলিয়াছেন :—

“তেমতি যে মনঃ

কাতর, হুঃখের কথা কহে সে অপরে।”

তাই ছুটিয়া হেমাঙ্গিনীর কাছে চলিলাম। কিন্তু ঘরের কাছে পৌঁছিয়া বাহা শুনিলাম, তাহাতে পদধর অবশ হইল, মস্তকে অগ্নি জলিয়া উঠিল, নয়নে অন্ধকার দেখিলাম।

প্রবোধ কল্পকণ্ঠে কহিতেছিল, “দেখ হেমাঙ্গিনী, আমি বিনোদ বাবুর সঙ্গে তোমার এতদূর ঘনিষ্ঠতা সহ করিতে পারিব না। প্রেম ঈর্ষ্যাপর।” শুনিয়া হেমাঙ্গিনী মধুর কণ্ঠে হাসিয়া উঠিল। বলিল, “তুমি কি সত্যি পাগল হ’লে? বিনোদ!—ও তো একটা ছোঁড়া মাত্র। ওর উপর তোমার হিংসে! কোন্ দিন হয় ত সুধীরের উপরও তোমার হিংসে হবে!” (সুধীর প্রবোধের দশম বর্ষীয় কনিষ্ঠ ভ্রাতা)। আর শুনিতে পারিলাম না। ছুটিয়া ঘরে আসিয়া উপাধানে মুখ লুকাইলাম।

হার গুন্ড! হার পুরুষের বিজয়-নিশান, প্রেমবন্দীর আশ্রয়মঞ্চ, পৌরুষ তেজের অমোঘ মানদণ্ড।

সমবেদনা-পরায়ণ কোন কোন বন্ধু পরামর্শ দিলেন, স্বল্পমাত্র গৌক
কামাইয়া ফেল, তাহা হইলে এ দুর্বলতা আর কেহ বুঝিতে পারিবে না।

হতাশ হইয়া একদিন তাহাই করিলাম। কিন্তু তাহাতেও ফল হইল
না। একদিন বৌদিদির সঙ্গে দেখা করিতে গিয়াছিলাম, তিনি হাসিয়া
বলিলেন, “আ কপাল! এ আবার কি করলে? এ যে ঠিক ‘বিন্দে দূতীর’
মত দেখাচ্ছে!” বাল্যকালে পাঠ্য পুস্তকে পড়িয়াছিলাম ঘোড়ার নামের
একটা পেরেকের জন্ত বুদ্ধে পরাজয় হইয়াছিল। কথাটা তখন বিশ্বাসযোগ্য
মনে করি নাই। আজ তাহা মর্মে মর্মে বুঝিয়াছি। শুধু একছোড়া
শুন্দের জন্ত আমার সমস্ত জীবন আজ বিফল হইতে চলিল!

শ্রীযতীন্দ্রমোহন গুপ্ত।

শারদীয়া জ্যোৎস্না :

ত্রিদিবের কোন্ রশ্মি লো সুর সুন্দরি,
ছড়ায়ে দিয়াছ শ্রাম বঙ্গের মাঝারে ;
আত্মহারা দিশাহারা মুক্কা ! বিভাবরী,
কি হর্ষ উচ্ছাসে বন্ধে বাঁধিল তোমারে ।
এ তিন ভুবনে কোথা এ হেন কিরণ,
মাধুর্যের পূর্ণ ছবি প্রকৃতি বাসরে ;
বল বল জ্যোতির্ময়ী এ জ্যোতি শোভন,
দাও কি বঙ্গেরে ভালবাসিয়া আদরে ?
তুমি কি বাস গো ভাল বঙ্গের নলিনী ?
ঈচ্ছ সরসার বুকে জল ঢল ঢল ;
তুমি কি বাস গো ভাল কুমুদ কামিনী ?
পাপিয়ার উচ্চকণ্ঠে উচ্ছ্বাস শ্রবণ !
তাই কি বঙ্গের বুকে পড়েছ চলিয়া,
শরতের কম রূপে প্রণয়ে মজিয়া ।

শ্রীমগেন্দ্রনাথ সোম।

যুরোপ-ভ্রমণ ।

—:~:—

ইংলণ্ড ।

প্যারিস হইতে যেদিন ইংলণ্ডে আসিলাম, সূর্য্যদেব সেদিন বড়ই সদয় । ইংলিশ-চ্যানেল পার হইবার সময় আকাশ মধ্যে মধ্যে একেবারে মেঘমুক্ত ছিল । এমন কি, কিছুক্ষণ বাস্তবিকই রৌদ্রে কষ্ট হইয়াছিল ।

ক্যালেন্স হইতে ডোভার আসিতে প্রায় দেড় কি দুই ঘণ্টা লাগে । ষ্টীমারগুলি খুবই ছোট । নিজে আহারের ঘর প্রভৃতি আছে, কিন্তু স্বাক্ষর প্রায় সকলেই ডেকে থাকেন । আকাশ পরিষ্কার, সমুদ্র শান্ত, কাম্বোই কাহারও সমুদ্র-সীড়া হয় নাই । ডেকের উপর চেয়ার বিছাইয়া ধবধবের কাগজ পড়িতে লাগিলাম । মনে তখন অত্যন্ত কৌতূহল । এখনই ইংলণ্ড দেখিব, না জানি, সে কেমন । কিছুক্ষণ পরে যখন দূরে ইংলণ্ডের প্রসিদ্ধ চকশ্শ্চক chalk cliffs ধ্রুববৎ দেখা যাইতে লাগিল, তখন অত্যন্ত ঔৎসুক্যের সহিত উঠিয়া দেখিতে লাগিলাম । সেই সময় একজন ইংরাজ আসিয়া আমার সহিত আলাপ করিলেন । তিনি এককালে এ দেশে লাট ছিলেন, দেশে ফিরিয়াও অনেক উচ্চ রাজপদ অলঙ্কৃত করিয়াছেন । তিনি আমাকে বাঙ্গালী দেখিয়া বাঙ্গালা দেশের অনেক সংবাদ জিজ্ঞাসা করিলেন ও ডোভারের বন্দরে যে যে স্থানে দুর্গাদি আছে, তাহা দেখাইয়া দিতে লাগিলেন ।

আহারের উপর Customs পরীক্ষা হইল । একজন কৰ্ম্মচারী আসিয়া জিজ্ঞাসা করিলেন, “এই কি আপনার ব্যাগ ?” আমি বলিলাম, “হাঁ ।” তিনি ব্যাগের উপর একটি টিকিট লাগাইয়া দিলেন ; ঐ পর্য্যন্ত ।

ডোভার হইতে মগুন পর্য্যন্ত ক্লোরেন্স নামক পুলম্যান গাড়ীতে গিয়া-ছিলাম । গাড়ীর এক দিকে অনুচরদিগের টেবুল ও আলমারি, অবশিষ্ট অংশে ছোট ছোট টেবুল এবং প্রত্যেক টেবুলের দুই পার্শ্বে এক এক ধান খুব বড় চেয়ার । চেয়ারের নিকটেই ইলেকট্রিক ঘণ্টার বোতাম । বোতাম টিপিলেই অনুচর আসিয়া আদেশ প্রতীক করে । গাড়ীতে বৈদ্যুতিক পাখা ও আলো । গাড়ীতে উঠিয়া ইংলণ্ডের ধনীদিগের ঐশ্বর্য্যের কিছু আভাস পাওয়া গেল । যত লোক ঐ গাড়ীতে ছিলেন, চুরুটের ও দেশ-

লাইয়ের বাক্স সকলেরই দেখিলাম—সুবর্ণ-নিৰ্মিত। দেখিয়া শুনিয়া আমি আর আমার চামড়ার চুৰুটের খাপটি বাহির করিলাম না। অহুচরের নিকট সিগারেট কিনিয়া লইলাম। গাড়ীতে এক পেয়লা চাএর দাম (অবশ্য ২।) খানা কেক সহ) ৩। শিলিং এবং ৬টা সিগারেটের দাম এক শিলিং (৮০ আনা)। ডোভারে জেটির উপরেই ট্ৰেণে উঠিলাম। তখনও ইংলণ্ডের মাটিতে পা দিই নাই। ডোভার হইতে লণ্ডন ৭৫ মাইল। আমাদের ট্ৰেণ কোথাও না থামিয়া বরাবর ১ ঘণ্টা ৪৫ মিনিটে লণ্ডন পৌঁছিল। ভূগোল পড়িয়া ও কথাবার্তা শুনিয়া মনে একটা ধারণা ছিল যে, ইংলণ্ড এমনই জনবহুল যে, খোলা জায়গা বুঝি মোটেই নাই। এখন দেখিলাম, সে ধারণা বড়ই ভুল। আমাদের দেশেরই মত রেলের দুইধায়ে কেবলই মাঠ, মধ্য মধ্য কেবল লোকের বাসভূমি, গ্রাম ও সহর। তবে প্রভেদের মধ্যে এই যে, মাঠগুলি প্রায় সবই কর্ষিত এবং বিজ্ঞাপনে পরিপূৰ্ণ। মাঠের মধ্যে যেখানে সেখানে প্রকাণ্ড ভাৱা খাড়া করিয়া তাহার উপর চা, মদ, চুৰুট, বিস্কুট প্রভৃতির বিজ্ঞাপন; আর কোথাও কোথাও জমীভাড়ার বিজ্ঞাপন। আর একটা জিনিষ বড় দৃষ্টি আকৃষ্ট করে। ছোট ছোট গ্রামগুলিতে, ছোট ছোট বাড়ীগুলির মধ্যে ব্যবধান বেশ পরিষ্কার।

মাঠে যে সকল জানোয়ার বেড়াইতেছে—গোক, ভেড়া, মুরগী, হাঁস, ঘোড়া প্রভৃতি—সবই আমাদের দেশের জীবজন্তু অপেক্ষা অনেক বড় বড়। বলিতে কি, প্রথম দর্শনে আমার একপাল ভেড়াকে গরুই মনে হইয়াছিল।

ডোভার ছাড়াইয়া রেল প্রথমে কয়েক মাইল সমুদ্রের খুব কাছ দিয়াই যায়। পাহাড়ের উপর ও ভিতর দিয়া যাইতে যাইতে বামে সমুদ্র উঁকিঝুকি মারিতেছে, বাস্তবিকই বড় মনোরম। পথে অনেকগুলি সুড়ঙ্গ আছে। যেটি সৰ্ব্বাপেক্ষা বড়, সেটি পার হইতে ৪ মিনিট ৪৫ সেকেণ্ড লাগিল।

সাড়ে পাঁচটার সময় চেয়ারিং-ক্রস ষ্টেশনে পৌঁছিলাম। তাহার কিছু পূৰ্বেই লণ্ডনে ট্ৰেণ প্রবেশ করিয়াছে। কেবল বাড়ীর পর বাড়ী ভিন্ন আর কিছুই দেখা যায় না। টেম্‌স্‌ পার হইয়া ষ্টেশনে পৌঁছিতে হয়। পুলের উপর হইতে পার্লামেন্ট গৃহ দেখিলাম; খুব গাভীৰ্য্য-গৰ্বময় বোধ হইল।

যখন লণ্ডনে পৌঁছিলাম, তখনও বেলা আছে। ভ্রাতা ষ্টেশনে অপেক্ষা করিতেছিলেন। তিনি সেই স্থানে হ্যাট খুলিয়া সাষ্টান্ড প্রণামপূৰ্ব্বক

পারুলি গিয়েন। সহবাসী ও অত্যন্ত লোক হাঁ করিয়া থাকিল; বোধ হয় মনে করিল, আমি একটা ছোট খাট দেবতার মধ্যে।

বেকে বে মাল ছিল, তাহা বাহির করিয়া গিয়া একটি Taxicabএ চড়া গেল। তারা বলিলেন, কিছুক্ষণ সহর দেখিয়া বাসায় যাওয়া বাইবে।

স্টেশন হইতে বাহির হইয়া প্রথমেই বামে ট্রাফিকার উদ্ভান ও নেস-সনের বহুঘেট দেখিলাম। তাহার পর পার্লামেন্টের নিকট দিয়া সেন্ট-জেন্স পার্ক, হাইড্ পার্ক প্রভৃতি দেখিতে দেখিতে রিজেন্ট স্ট্রীট প্রভৃতি প্রসিদ্ধ রাস্তা পার হইয়া গওনের উত্তরে ফিল্‌বেরী নামক স্থানে বাসায় উপনীত হইলাম। তথায় প্রবাসী বাদামী যুবকদিগের শীর্ষস্থানীয় শ্রীমান কনী আমার জন্য অপেক্ষা করিতেছিলেন। সে রাত্রিতে আর কোথাও যাওয়া হয় নাই। আহাঙ্গাদির পর ভাতার সহিত গল্প করবেই ১টা পর্যন্ত কাটাইয়া দেওয়া গেল।

প্রথম দৃষ্টিতে গওনের দুইটি জিনিষ খুব নূতন বোধ হয়; এক, ইহার ঐশ্বর্য এবং দ্বিতীয়, লোকের ব্যস্ত-সমস্ত ভাব। কেহই যেন আমাদের স্মার ধীরে চলে না; সকলেরই পদক্ষেপ খুব দ্রুত, সকলেরই মুখে ব্যস্ততার লক্ষণ।

আর বিস্ময়কর—বোধ হয় গওনের পার্কগুলি। এত জনবহুল এবং ব্যয়-বহুল সহরের মধ্যে এত বড় বড় পার্ক, এমন সুন্দরভাবে সাজাইয়া রাখি-রাছে। ছোট পার্কগুলি প্রত্যেকটি কলিকাতার ঘোড়দৌড়ের মাঠের সমান; হাইড পার্ক ত গড়ের মাঠ অপেক্ষা কোন অংশে ছোট হইবে না।

আমি যে বাসাতে ছিলাম, তথায় আমি একটা শুইবার ও একটা বসিবার ঘর ভাড়া লইয়াছিলাম। গৃহকর্তা আমার প্রাতরাশের ব্যবস্থা করিতেন। অত্যন্ত সময় আমি যখন যেখানে থাকিতাম, সেই স্থানে থাকিতাম।

দুইটি ঘর ও প্রাতরাশের জন্য সাপ্তাহিক ২১ শিলিং বা ১৫৫০ টাকা দিতে হইত। অবশ্য বড়মাস্ক-পাড়ার ধরত খুব বেশী। আমার একটি বন্ধু তখন ঘরভাড়া সাপ্তাহিক ৪ গিনি বা ৬৩ টাকা দিতেন। তবে গৃহস্থ লোকের পক্ষে আমার ব্যয়গা বেশ ছিল। ঘর দুইটি অবশ্য আবশ্যিক আসবাবে পূর্ণ। বসিবার ঘরে একটা বড় টেবুল, একটা ছোট টেবুল, পাঁচখানা চেয়ার, আঁশি, কোঁচ, এবং শরনকক্ষে দুইটা আলমারি, একটা দেয়াল, একটা সজ্জা টেবুল প্রভৃতি ছিল।

বলা উচিত, ইংলেণ্ডে 'ছোট্টা হাঙ্করি' মাই; প্রাতরাশই দিনের প্রথম আহার। ও সব দেশে আহার্যের ভাবনা কিছু নাই। বেড়াইতে গিয়া যে স্থানেই খাবার সময় হউক, সর্বত্রই হোটেল বা রেস্টরান্ট পাওয়া যায়, যাইয়া খাইলেই হইল। পর্যটকের পক্ষে ইহা কম সুবিধা নহে। এখানে প্রাতরাশ খাইয়া ৯ টার বাহির হইতাম, সমস্ত দিন টোটে করিয়া রাত্রিতে থিয়েটার-দির পর ১২টা বা ১টার বাসায় ফিরিতাম; কোনও গোল নাই। যদি বাসায় আসিয়া লাঞ্চ ও ডিনার খাইতে হইত, তবে আমাকে অনেক জিনিস না দেখিয়া ফিরিতে হইত; কারণ, সহরের কেন্দ্র হইতে আমার বাসস্থান ৩।৪ মাইল দূরে অবস্থিত ছিল।

লণ্ডনে মানুষের সুবিধার অন্ত নাই। অল্প খরচে এত সুখ-স্বচ্ছন্দ আর কোথাও পাওয়া যায় বলিয়া বোধ হয় না। প্রথম যান। আণ্ডারগ্রাউণ্ড রেলওয়েতে (ভূমধ্যস্থ রেল) সহরের একপ্রান্ত হইতে অপর প্রান্ত পর্যন্ত অতি শীঘ্র যাওয়া যায়; তস্তিন্ন রেল, ট্রাম, অম্নিবাস, ঘোড়ার গাড়ী, মোটর গাড়ী প্রভৃতি প্রচুর। আণ্ডারগ্রাউণ্ড রেলওয়ে মাটির নিম্ন দিয়া বৈদ্যুতিক বলে চলে। যন্ত্রে যাত্রীদিগকে ভূগর্ভে নাবায় ও উঠায়। নিম্নে প্রশস্ত প্ল্যাটফর্ম; গাড়ী দুই মিনিট অন্তর আইসে; সেগুলি বৈদ্যুতিক আলোকে বিভাসিত। দুইখানি মাত্র গাড়ী—একখানি ধূমপায়ীদিগের জন্য, অপর খানি সাধারণের। শ্রেণীবিভাগ নাই। ভাড়া দূরত্বানুসারে—১ পেনি হইতে ৩ পেনি পর্যন্ত। প্রত্যেক গাড়ীতে একজন পরিচালক থাকে, সে গাড়ী ছাড়িবা মাত্র গাড়ী কোন্ স্টেশনে দাঁড়াইবে বলিয়া দেয়। এরূপ ৮।২টি ভিন্ন ভিন্ন লাইন লণ্ডনে আছে। এক লাইন হইতে অল্প লাইনে যাইবার বদল টিকিট পাওয়া যায়।

দ্বিতীয় সুবিধা টেলিফোন; প্রায় সব বাড়ীতেই টেলিফোন বসান। তস্তিন্ন রাণ্ডার রাণ্ডার টেলিফোনের আফিস আছে। তথায় যাইয়া ২ পেনি দিলে ৩ মিনিট কথা বলিয়া লওয়া চলে। টেলিফোনের ব্যবস্থা লণ্ডনে ৪।৫টি কোম্পানীর আছে; কিন্তু পরস্পরের মধ্যে অদল বদল চলে, কাষেই কিছু মাত্র অনসুবিধা নাই।

তৃতীয়—কোথাও কোন জিনিস কিনিলে, সূত্র হউক, বৃহৎ হউক, বলিলেই বিনা খরচে বাড়ী পাঠাইয়া দেয়। বাজার করিয়া হয় ৩ ৬ মাইল দূরস্থিত বাটীতে আসিয়া দেখিবেন, ক্রীত জিনিস সব আসিয়া পৌঁছিয়াছে।

চতুর্থ—পৃথিবীতে বাহা কিছু দ্রব্য প্রস্তুত হয়, লগুনে সবই পাওয়া যায়। এত দোকান আর কোথাও নাই। হানবিশেষে খুব সস্তায়ও ভিন্নিষ পাওয়া যায়। আর যে সব বড় বড় দোকানে জুতা শেলাই হইতে চণ্ডী পাঠ পর্যন্ত হয়, সে রকম দোকান ৮১০টা আছে। তাহাদের ভিতর ডাকঘর, রেস্টরান্ট, বিল্লাসাগার, এমন কি—ক্রেতাদের অস্ত্র স্নানাগার ও পাঠগৃহ পর্যন্ত আছে। সাধারণের অস্ত্র স্নানাগার প্রকৃতি প্রায় সকল রাস্তাতেই আছে। সেগুলি প্রায়ই রাস্তার নিচে। সিঁড়ি দিয়া নামিয়া একটি বাটার মধ্যে গিয়া দেখা যায়, তথায় স্নানের অস্ত্র ঠাণ্ডা ও গরম জল, পরিষ্কার কাচা তোয়ালে, সাবান প্রকৃতি রহিয়াছে। কোনও কোনও স্থানে অবগাহন স্নান ও সস্তরণের বন্দোবস্ত পর্যন্ত আছে।

সর্কাপেকা আশ্চর্য্য ব্যাপার—লগুনের পুলিশম্যান। প্রত্যেক মোড়ে একজন পুলিশম্যান থাকে, বড় বড় চৌমাথায় ২।৩ জনও থাকে। রাস্তার গাড়ীর অত্যন্ত হড়াহড়ি, পদব্রজে রাস্তা পার হওয়া অত্যন্ত বিপজ্জনক। রাস্তার ঠিক মধ্যস্থলে পুলিশম্যান অটলভাবে দণ্ডায়মান। গাড়ী যে দিক হইতেই আসুক, তাহাকে দক্ষিণে রাখিয়া যাইতে হইবে। সে যখন দেখে অনেকগুলি পাদচারী রাস্তা পার হইবার আশায় অপেক্ষা করিতেছে, তখন গাড়ীর ভাবে এক হস্ত উত্তোলন করে। সে দিকের যত গাড়ী মল্লমুগ্ধবৎ একেবারে যুগপৎ যে বেরূপ অবস্থায় থাকে, থাকিয়া যায়। পুলিশম্যান সঙ্কেতে পা-দল বাজীদিগকে রাস্তা পার হইতে বলে; সমবেত সকলে পার হইয়া গেলে, সে হাত নামাইয়া দিলে গাড়ীগুলি আবার চলিতে আরম্ভ করে। এ ব্যাপার প্রত্যেক রাস্তার ক্রমাগতই চলিতেছে এবং বিদেশীর হর্ষ ও বিস্ময় উত্তেজিত করিতেছে। বাহাহুরী অধিক কাহার, পুলিশম্যানের না ইঙ্গিতমাত্রে পরিচালিত শকটচালকদিগের। লগুনের পুলিশম্যানের আর এক অদ্ভুত ক্রমতা রাস্তাঘাটের অবস্থান-জ্ঞান। যত দূরস্থ হউক নধ কেন, যে কোন স্থানের কথা জিজ্ঞাসামাত্র কোন্ দিকে কয়টা মোড় কিরিয়া সে স্থানে উপনীত হওয়া যাইবে, একেবারে কলের জায় বলিয়া দিবে। সময়ে সময়ে তাহাদের কথিত বিবরণ বাজীর মনে করিয়া রাখাও ছুড়র হয়। এতগুলি অনেক লোক অনেকরূপ অদ্ভুত অদ্ভুত প্রশ্নও পুলিশম্যানকে জিজ্ঞাসা করে, পুলিশম্যানও বধাসম্ভব সকলের কথার উত্তর দেয়। উহারা যে ভাবে সাধা ও বেলাজ ঠাণ্ডা রাখে, তাহা বাস্তবিকই বিস্ময়কর।

ইংলণ্ডের আর এক চমৎকার ব্যাপার, দাস-দাসী। চাকর খুবই কম, কারণ একে বেতন বেশী, তাহাকে চাকর রাখিলে টেক্স দিতে হয়। অধিকাংশ বাড়ীতে শুধু চাকরানী থাকে। হয়ত একটা বাড়ীতে ৫ জন লোক, একটি মাত্র দাসী। সেই দাসী রান্নার জোগাড়, ঘর কাঁট, কাপড় চোপড় ঝাড়া, বিছানা পাতা, জুতা বুরুষ, বাজার করা, উনান ধরান—সমস্ত কাযই করিবে, অথচ কখন তাহার মুখে একটি কথা শুনা যায় না। তন্তির সকলেই হয়ত ভিন্ন ভিন্ন সময়ে আহাৰ্য্য চাহেন বা কোন জিনিষ চাহেন, ঠিক সময়ে প্রত্যেকের আদেশ পালিত হইবে, এক মিনিটের নড়-চড় হইবে না। ইহাদের বেতনও এমন কিছু অধিক নহে; বোধ হয় মাসিক ১৥০ পাউণ্ড আন্দাজ। এ স্থানে বলা উচিত যে, সে দেশের এক পেনি যদিও আমাদের দেশের কথায় এক আনা বা চারি পয়সা, তথাপি তথায় এক পেনি এক পয়সা মাত্র। ভিধারীকে পয়সা দিতে হইলে এক পেনি, একটা দেশলাই কিনিতে হইলে এক পেনি, রেলের তৃতীয় শ্রেণীর ভাড়া প্রতি মাইল এক পেনি প্রভৃতি হইতে বুঝা যায় যে, পেনি তথায় পয়সা মাত্র, আনি নহে।

শ্রীনরেন্দ্রকুমার বসু।

সৌন্দর্য্য।

(স্কট)

গোলাপ সুন্দরতম—ফোট ফোট করে যবে ধীরে ;
 আশা সমুজ্জলতম—ভীতি হ'তে মুক্তিপথে তা'র ;
 গোলাপ মধুরতম—সিক্ত যবে প্রভাত-শিশিরে ;
 প্রেমিকা সুন্দরীতমা নেত্রে যবে অশ্রুবারিধার।

গৃহাগত ।

১

হেমসুন্দর দত্ত কলিকাতার কোন সওদাগর আফিসে মাসিক আশী টাকা বেতনে কেরানীগিরি করেন; শিরালদহের একটি মেসে থাকিয়া আফিসের কাৰ করেন, আয়ের অল্পতা-বশতঃ তিনি স্বতন্ত্র বাসা করিয়া পরিবার লইয়া থাকিতে পারেন না; অগত্যা মেসের কদর্য্য অন্ন-ব্যঞ্জন উদরস্থ করিয়া এবং মেসের একটি আলোকহীন ক্ষুদ্র প্রকোষ্ঠে দেড় টাকা মূল্যের আকলকাঠনির্মিত তিন হাত দীর্ঘ তক্তপোবে সাড়ে তিন হাত দীর্ঘ দেহ প্রসারিত করিয়া ও তৈলসিক্ত মলিন উপাধানে মাথা রাখিয়া অতি কষ্টে তাঁহাকে দিনপাত করিতে হয়।

হেমসুন্দর যে মেসে থাকেন, তাহা আফিসারের মেস; স্মৃতরাং আফিসের সময় ভিন্ন দিবসের অল্প সকল সময় মেসটি হট্ট-কোলাহলে মুখরিত থাকে। কোন কক্ষে হার্মোনিয়ম-সহযোগে গান হয়, কোন কক্ষে তাস-দাবা-পাশা চলে, কোন কক্ষে শুড়কের গভীর মন্ত্র,—ধূমে ঘর ভাঙকার, কোন কক্ষে হাসির গরর। কিন্তু হেমসুন্দর মেসের মেঘরগণের সহিত তেমন মিশিতেন না, হাসি-গল্প-গানেও তেমন যোগ দিতেন না; পাঠেই তাঁহার আনন্দ, সেইজন্য মেসের সকলে তাঁহার নাম রাখিয়াছে, 'প্রোফেসর'। হেমসুন্দর ধর্ম্মভীরু, পবিত্র-চরিত্র, মিতভাবী যুবক, এজন্য সকলে তাঁহাকে বদ-বৃত্তিক মনে করিলেও কেহ তাঁহার প্রতি অশ্রদ্ধা প্রকাশ করিতে সাহস করিত না।

কলিকাতার বহু দূরে একটি গণগ্রামে হেমসুন্দরের বাড়ী। বাড়ীতে তাঁহার মাতা, স্ত্রী, একটি পুত্র ও একটি শিশু কন্যা। পিতার মৃত্যুর পর সংসারের সকল ভার তাঁহার স্বন্ধেই পড়িয়াছে। তাঁহার পিতার আর্থিক অবস্থাও তেমন স্বচ্ছল ছিল না, তিনি পোষ্টমাষ্টারী করিতেন; যাহা উপার্জন করিতেন,—তাহাতে কোন রকমে সংসারযাত্রা নির্বাহ হইত। সেই স্মৃতিতে আরে তিনি পুত্রটিকে বি, এ, পর্য্যন্ত পড়াইয়াছিলেন। হেমসুন্দর এখন সংসারের একমাত্র অভিভাবক।

হেমসুন্দরের পুত্র শিশিরকুমারের বয়স সাত বৎসর মাত্র, মেয়েটির বয়স চারি বৎসর। হেমসুন্দর মেয়ের নাম রাখিয়াছিলেন, নির্মলকুমারী;

কিন্তু তাহার ঠাকুমা তাহাকে আদর করিয়া উমাশশী বলিয়া ডাকিতেন। ঠাকুমা-প্রদত্ত নামেই সে সকলের নিকট পরিচিত, নির্মলকুমারী বলিয়া ডাকিলে সে উত্তর পর্য্যন্ত দিত না; বলিত, “এ নাম ভাল নয়, ঠাকুমা’র নাম ভাল।”

হেমন্তকুমারের গৃহানুরাগ বড় প্রবল। কলিকাতার আড়ম্বর ও আমোদ-প্রমোদ, কলিকাতার জীবনযাত্রার প্রণালী তাঁহার আদৌ ভাল লাগিত না। কলিকাতার রাজপথে ক্রমাগত ট্রামের ষড়ষড়ি শুনিয়া, মেসের অন্ন-ব্যঞ্জন আহার করিয়া, এবং আফিসের অপরিবর্তনীয় একঘেয়ে মামুলি কাষে কলম পিষিয়া, মধ্যে মধ্যে তিনি হৃদয়ে বড় অবসাদ অনুভব করিতেন; এক একবার তাঁহার ইচ্ছা হইত, আফিসের কাগজ-কলম ফেলিয়া, কর্ম-কোলাহল-মুখরিত কলিকাতার দূষিত বায়ুমণ্ডল পরিত্যাগ করিয়া শ্রামল বৃক্ষের ছায়া শীতল, বনবিহঙ্গম-কলকণ্ঠ-কুঞ্জিত, অব্যাহত-নির্মল-সমীরণ-নিবেদিত পল্লীভবনে উপস্থিত হইয়া তাঁহার কর্মশ্রান্ত উত্তপ্ত মস্তিষ্ক শীতল করেন, কিন্তু আফিসের চাকরী সুদৃঢ় লৌহ-দ্বারের স্তায় তাঁহার আশা-পথ রুদ্ধ করিয়া রাখিত; আশী টাকা মূল্যের চাকরীটা যদি কোন কারণে ধসিয়া যায়, তাহা হইলে সপরিবারে অনশনে থাকিতে হইবে বুঝিয়া তিনি তাঁহার উদ্বেল হৃদয়াবেগ সংযত করিতেন, আকুল দীর্ঘশ্বাসে তাঁহার হৃদয়ের হাহাকার শূণ্ডে বিলীন হইত। গত বৎসর বড়দিনের ছুটিতে তিনদিনের জন্ত তিনি তাঁহার পল্লীভবনে পদার্পণ করিয়াছিলেন;—তাঁহার পর সুদীর্ঘ আট মাস চলিয়া গিয়াছে, ছকর গাড়ীর পক্ষিরাজ ঘোড়ার যত তিনি নিরানন্দময় প্রবাসে অতি কষ্টে দৈনিক কার্য সম্পন্ন করিয়া আসিতে-ছেন। পূজার ছুটি কত দিনে আসিবে, কত দিনে আবার শ্রামলা পল্লী-জনীর কোড়ে গিয়া আশ্রয় লইবেন, পুত্রকন্টার মুখ দেখিয়া প্রাণ জুড়াইবেন, এই আশায় আশ্রিত মাসের প্রথম হইতে তিনি দিন গণিতে লাগিলেন। কিন্তু দিন আর কাটে না, এক এক সপ্তাহ তাঁহার নিকট এক এক বৎসরের মত দীর্ঘ মনে হইতে লাগিল।

২

অবশেষে পূজার ছুটি আসিল। পঞ্চমীর দিন আফিস বন্ধ হইল; ইচ্ছা ছিল, সেই দিনই তিনি গৃহমুখে যাত্রা করেন, কিন্তু মেসের দেনা মিটাইতে, পূজার বাজার করিতে সে দিনটা কাটিয়া গেল। ষষ্ঠীর দিন বেলা ছইটার

কোম্পানী-র যন্ত্র-শ্রেণীর একখানি 'কনস্ট্রাক্ট' শিফট-সইয়া হেবল-কুমার-প্রাচার-
সীমা-সীমার-সহায়ত্রে-নীলাভূমি-পল্লী-ভবনে-বাত্মা-করিলেন।

সে-দিন-ট্রেণে-অসামান্য-ভিড়; আফিস-আদালত-সমস্ত-বন্দ-হইয়া-গিয়াছে; জনসংস্পর্শ-হাবড়া-ও-শিয়ালদহ-অভিবৃথে-ধাবিত-হইতেছে; মুঠের-মাধার-
ফোর্ট, খোড়ার-গাড়ীর-ছাদের-উপর-বড়-বড়-ট্রাক, বাঙালি, বোচকা; আরোহিণীর-মুখে-উৎসাহ-ও-প্রফুল্লতা-অঙ্কিত; শিয়ালদহের-প্রকাণ্ড-
ষ্টেশন-বিপুল-জনতার-ও-সহস্র-কণ্ঠের-মিশ্র-ধ্বনিতে-যেন-গম্গম-
করিতেছে; লোহপথে-ট্রেনের-হুস্ হুস্ শব্দ, তীক্ষ্ণ-বংশীধ্বনি, ট্রলির-
ঠেলাঠেলি, আরোহিণীর-সহিত-কুলির-দলের-বচসা, সহস্র-আরোহীর-
ব্যাকুল-পাদচারণ, কোলাহলপূর্ণ-ষ্টেশনে-যেন-নূতন-জীবন-দান-করিয়াছিল।
খাল-ঝিল-পরোমালা-পূর্ণ-করিয়া-বর্ষাকালে-বানের-জল-শত-ধারার-
মহীতে-প্রবেশ-করিলে-নদীর-যেমন-জীবন্ততাব-দেখা-যায়-ষ্টেশনের-অবস্থাও-
সেইরূপ।

হারমিনিং-মিকস্‌ড-ট্রেণ-মহর-গতিতে-সকল-ষ্টেশনে-ধামিতে-ধামিতে-
বায়ুকরিয়া-বাটের-দিকে-অগ্রসর-হইল। গাড়ীর-মধ্যে-যেমন-গরম, সেই-
রূপ-কোলাহল। কোন-শ্রেণীতে-একখানি-গাড়ীও-খালি-নাই; তৃতীয়-
শ্রেণীর-গাড়ীগুলিতে-আরোহীরা-স্থানাভাবে-দাঁড়াইয়া-বাইতেছে; কেহ-
কেহ-ষ্টেশনে-নামিয়া-বাইলে-সেই-স্থানটি-অধিকার-করিবার-অন্ত-দশ-
মানে-হাদায়া-করিতেছে, কোন-কোন-গাড়ীতে-হাতাহাতি-হইবারও-
উপক্রম-দেখা-বাইতেছে। কোথাও-খোস-গল্প-চলিতেছে, কেহ-গান-আরম্ভ-
করিয়াছে, কেহ-কেহ-নিশ্চিন্ত-মনে-বসিয়া-বসিয়া-চলিতেছে। হেমন্ত-
কুমার-একখানি-মধ্যম-শ্রেণীর-গাড়ীর-কাষরায়-একটি-বাতারনের-পার্শ্বে-
বসিয়া-পল্লী-প্রকৃতির-দৃশ্যবৈচিত্র্যের-শোভা-উপভোগ-করিতে-লাগিলেন।

বর্ষার-জল-নামিয়া-গিয়াছে, বাঁধের-নীচে-স্থানে-স্থানে-এখনও-জল-
বাধিয়া-আছে; বতহুর-দৃষ্টি-চলে, হৈমন্তিক-বাণের-ক্ষেত্র, মাঠের-পর-মাঠ-
মাগধীর-শ্রাবল-অকলের-স্তায়-শস্ত্রভারে-পরিপূর্ণ। মুক্ত-সমীরণ-হিম্মোলে-
বাঁধের-গুলি-আন্দোলিত-হইতেছে; বায়ুপ্রবাহে-তাহা-হইতে-শব্দ-শব্দ-
শব্দ-উৎপন্ন-হইতেছে। মাঠের-মধ্যে-মধ্যে-প্রকাণ্ড-প্রকাণ্ড-বট-ও-অখণ্ডের-
গাছ-৷-বিভিন্ন-ভাঙ্গীর-শত-শত-বিহঙ্গমের-সহস্র-কাকদীতে-তরুণির-মুখ-
বিত্ত; বকের-গুহে-সবুজ-পত্রে-স্বর্ধারসি-যেন-ঠিকরাইয়া-পড়িতেছে।

খালের জলে অপরাহ্নের রৌদ্র চিক্ চিক্ করিতেছে; আউসের ক্ষেত্র হইতে ধান উঠিয়া গিয়াছে; সেখানে শত শত গোকু চরিতেছে, কোথাও ঘেঘের পাল। রাখালরা ভালপাতার ছাতা মাথায় দিয়া রেল লাইনের তারের বেড়ার কাছে দাঁড়াইয়া ট্রেনের আরোহীদের দিকে চাহিয়া আছে, কেহ আরোহীদেরকে লক্ষ্য করিয়া সেলাম করিতেছে, কেহ মুখভঙ্গী করিতেছে, কেহ লাঠী তুলিয়া ভয় দেখাইতেছে। অপরাহ্নের সূর্য ক্রমে পশ্চিম গগনে চলিয়া পড়িল।

অপরাহ্ন পাঁচটার সময় ট্রেন রামনগর ষ্টেশনে থামিল। হেমসুন্দর ষ্টেশনে অবতরণ করিলেন; কুলী তাঁহার মোট মাথায় লইয়া ষ্টেশনের বাহিরে আসিল। ষ্টেশনের প্রায় এক মাইল পশ্চিমে চূর্ণী নদী; নদী পার হইয়া, আট ক্রোশ দূরবর্তী হরিশপুর তাঁহার বাস-গ্রাম। তাঁহার গোকুর গাড়ী নদী পার হইয়া ষ্টেশনে আইসে নাই, নদীর পশ্চিম পারে অপেক্ষা করিতেছিল। মুটের মাথায় মোট দিয়া তিনি নদীতীরে উপস্থিত হইলেন। তিনি নদীতীরে আসিতে আসিতেই লোহিত তপন নদীপার-বর্তী অশ্বখবটের সমুন্নতশীর্ষাস্তরালে অদৃশ্য হইল।

চূর্ণী ক্ষুদ্র নদী, কিন্তু নদীর উভয় পাড় অত্যন্ত উচ্চ, বর্ষায় নদীর জল কূলে কূলে ভরিয়া উঠে, স্রোতও অত্যন্ত প্রবল হয়; কৃষ্ণগঞ্জের সাঁকোর নীচে দিয়া এই নদী ইচ্ছামতীতে মিশিয়াছে; ইচ্ছামতী কুন্তীরের বিরাট ছুর্গ। বর্ষাকালে ইচ্ছামতীর কুন্তীর নদীপথে নানা দিগেশে ছড়াইয়া পড়ে, কিন্তু ছুর্গে সৈন্তের অভাব হয় না, সুন্দরবনের মত কুন্তীর ইচ্ছামতীর নূতন জলে আড্ডা লইয়া থাকে।

বর্ষার জল নামিয়া গিয়াছে। নদীতীর শুভ্র বালুকায় শিতে সমাচ্ছন্ন। নদীগর্ভে জলরাশি নির্মল। নদীতীরে ঘাটমাঝির ঘর; কাঁপের বেড়া দিয়া ঘেরা ক্ষুদ্র ঘরখানি, বারান্দায় বাঁশের মাচা, ঘাটের ইজারদার সেই মাচানের উপর একটি হাতবাক্স সম্মুখে করিয়া বসিয়া আছে; হাতে অস্ত্র কাষ নাই, তাই বসিয়া বসিয়া ডাবা হকায় তামাক খাইতেছে। অদূরে একটা কেয়োসিনের বাস্তের উপর একজন জেলে ক্রিপ্রহস্তে জাল বুনিতেছে, মুখে ইজারদারের সঙ্গে গল্প করিতেছে।

হেমসুন্দর ইজারদারকে এক পয়সা পারানি দিলেন; তাহার পর হাঁকিলেন “নিতাই! ও নিতাই! গাড়ী এনেছিস্ নাকি রে?”

দূর হইতে বাবুকে আসিতে দেখিয়া নিতাই 'চেলারিতে' খেল ও ছুটির জাব মাথিয়া বলদ ছটিকে ধাইতে দিয়াছিল। সে হাত ধুইতে ধুইতে বলিল "এ—জে—জে ।"

হেমসুকুমার অপেক্ষাকৃত নিশ্চিন্ত হইলেন। কোন কারণে গাড়ী না আসিলে এই আট কোশ পথ অতিক্রম করিবার উপায় ছিল না; অনেক অধিক ভাড়ায় রামনগর ষ্টেশনে গোকুর গাড়ী পাওয়া যায় বটে, কিন্তু জুহাতে না আছে গদি, না আছে বিছানা, বাঁশের 'ফারোটা'র উপর বসিয়া আট কোশ পথ পুষ্পক রথে অতিক্রম করা কিরূপ আরাধনায়ক, তাহা ভুক্ত-ভোগী ভিন্ন অন্যের অনুমান করিবার সাধ্য নাই।

নদী পার হইয়া হেমসুকুমার গাড়ীতে বিছানা পাতিয়া লইলেন। গাড়ীর মধ্যে বিচালির পুরু গদি, তাহার উপর তোসক ও বিছানার চাদর প্রসারিত করা হইল। বলদের 'চারা করা' শেষ না হইলে গাড়ী যুড়িবার উপায় নাই। গাড়োয়ান নিতাই অন্ত একজন গাড়োয়ানকে বেগার ধরিয়া গাড়ীতে তেল দিয়া লইল। তাহার পর, তৈলাক্ত হাতখানি বলদের শৃঙ্গে যুছিয়া তামাক সাজিতে বসিল।

হেমসুকুমার অনেকদিন পরে বাড়ী যাইতেছেন, গাড়োয়ানের 'চিলি-মিলি' দেখিয়া তিনি বিরক্ত হইয়া উঠিলেন। নিতাই তাঁহার প্রতিবেশী গাড়োয়ান, নিতাইয়ের প্রভু হরিভক্ত নন্দী গ্রামসম্পর্কে হেমসুকুমারের কাকা। প্রভু পিতৃহানীর, সেই সম্পর্কে নিতাই গাড়োয়ান হেমসুকুমারকে দাদা বাবু বলিয়া ডাকিত। হেমসুকুমারের ক্রোধে নিতাই কিছুমাত্র বিচলিত হইল না, 'ভড়র ভড়র' করিয়া হকা টানিতে লাগিল, শেষে নাক-মুখ দিয়া ধোঁয়া ছাড়িয়া বলিল, "দাদাবাবু, চটেন কেন? আট কোশ ভুঁই পাড়ি যাবুতে হবে, ছটো চারা করে না নিলে বলদ চলতে পারবে কেন?"

হেমসুকুমার বলিলেন, "কেন, এতক্ষণ কি নাকে সর্ষের তেল দিয়ে যুচ্ছিলি? কখন ঘাটে এসেছিলি?"

নিতাই অপরাধ স্বীকার করিয়া বলিল, "পহর দ্যাড়েক বেলার সময় ঘাটে এয়েলাম, শ্রাব রাত্তিরে গাড়ী যুড়ে দিয়েলাম, রাত্তিরে ঘুম হয় নি, ছটো রান্না ক'রে, নাকে মুখে গুঁজে যেমন শুয়েছি, অমনি ঘুম এসেছিল। শ্রাবে আপনার হাঁক শুনে ভাড়াভাড়ি উঠে বলদ ছটোকে জাব মেখে দিয়েছি।"

হেমন্তকুমার হতাশভাবে বলিলেন,—“আজ ৰাত্ৰিতে আৰ খেতে দিলি নে বোধ হয়।”

নিতাই সদন্তে বলিল, “বলেন কি, দাদাবাবু, একবার গাড়ী যুড়তে যা দেৱী ; বলদ ঘোড়ার মত ছুটবে, খোল-ভূষি খাইয়ে খাইয়ে বলদ ছটোকে ‘চায়েন’ ক’রে তুলেছি। ছাড় পহৰ ৰাত্ৰিৰ মধ্যে বাড়ী যাব।”

হেমন্তকুমার তখন প্ৰীতমনে নিতাইকে গ্রামেৰ কুশলবাৰ্তা বিজ্ঞাপনা কৰিতে লাগিলেন।

বলদেৰ চাৰা কৰা শেষ হইলে নিতাই ‘চেঙ্গাৰি’খানা গাড়ীৰ ছইএৰ পশ্চাতে বাঁধিয়া গাড়ীতে বলদ যুড়িয়া দিল। বাছুর বলদ নিতাইয়েৰ কৰস্পৰ্শে গাড়ী কাঁধে লইয়া কাঁচা সৱানেৰ উপৰ দিয়া ছুটিয়া চলিল।

৩

জেলা বোৰ্ডেৰ মেঠো পথ ৰামনগৰেৰ পাৰঘাটা হইতে হৰিশপুৰ পৰ্য্যন্ত প্ৰসাৰিত। পথেৰ ছই ধাৰে নয়ঞ্জুলি, মেটে পথে মাটি ফেলিবাৰ জন্ত এই সকল নয়ঞ্জুলি কাটা হইয়াছিল ; নয়ঞ্জুলিৰ মধ্যে বড় বড় কেশে ঘাস, কাশকুসুমগুলি খেত চামৰেৰ মত বায়ুভৰে আন্দোলিত হইতেছে ; মাঠে তিলেৰ ক্ষেতে ৰাশি ৰাশি তিলফুল ক্ষেত্ৰেৰ শোভা বিকাশ কৰিতেছে। সন্ধ্যাৰ ধূসৰ ছায়ায় বহুদূৰ-বিস্তীৰ্ণ ইক্ষুক্ৰেত্ৰ কুহেলিকা-সমাচ্ছন্ন বোধ হইতেছে। মুক্ত প্ৰান্তৰে অনেকগুলি শৃগাল একত্ৰ সমবেত হইয়া ‘ছয়া ছয়া’ কৰিয়া ডাকিতেছে ; তাহাদেৰ স্বৰ-তৰঙ্গ দিক্দিগন্তে প্ৰতিধ্বনিত হইতেছে ; ছই একটা বৰাহশিশু পুচ্ছ আন্দোলন কৰিতে কৰিতে পাটেৰ ক্ষেত্ৰে প্ৰবেশ কৰিতেছে ; এবং ৰাখাল বালকৰা গৰু চৰাইয়া গান গাহিতে গাহিতে ধূলি-ধূসৰিত অঙ্গে গোচাৰণক্ষেত্ৰ হইতে অৱণ্যঅস্তৱালবৰ্তী গ্রামেৰ অভিমুখে ধাবিত হইতেছে।

হেমন্তকুমারেৰ গাড়ী ক্ৰতগতি মেটে পথেৰ ধূলা উড়াইতে উড়াইতে ক্ৰোশেৰ পৰ ক্ৰোশ অতিক্ৰম কৰিতে লাগিল। ক্ৰমাগত একধেৰে হটৰ হট শব্দ আৰ সঙ্কে সঙ্কে সৰ্বাঙ্গেৰ আন্দোলন। হেমন্তকুমার বালিশে মাথা ৰাধিয়া পল্লীপ্ৰকৃতিৰ সাক্ষ্য শোভা দেখিতে দেখিতে চলিলেন।

ক্ৰমে সন্ধ্যা নিবিড় হইয়া আসিল ; এবং সেই অন্ধকাৰেৰ যবনিকা বিদীৰ্ণ কৰিয়া শাৱদ বৰ্ণীৰ ধণ্ড চন্দ্ৰ উৰ্দ্ধাকাশ হইতে ক্ষীণ কোমুদী-ৰাশি ধৰাতলে বিকীৰ্ণ কৰিতে লাগিলেন। প্ৰতি মুহূৰ্ত্তে চন্দ্ৰকৰ ফুটন্তৰ

হইতে লাগিল। ছুই এক খণ্ড বজত-স্তম্ভ মেঘ সুনীল গগন-সরোবরে মুক্তপক্ষ রাজহংসের স্তায় ভাসিয়া বাইতে লাগিল।—মাথার উপর দিয়া বাহুড়ের দল নিঃশব্দ পক্ষ-সঞ্চালনে আহারের সন্ধানে উড়িয়া বাইতেছে, বহুদূরবিহৃত-প্রান্তর-মধ্যে ছুই একটি অশ্বখ ও বট বৃক্ষ উন্নত মস্তকে দণ্ডায়মান রহিয়াছে, তাহাদের পত্রান্তরালে অন্ধকার পুঞ্জীভূত হইয়া আছে, সেই অন্ধকারের মধ্যে সহস্র সহস্র খণ্ডোত মিটমিট করিয়া জ্বলিতেছে, তৃণদলের ভিতর অশ্রান্ত ঝিল্লিধ্বনি হইতেছে—আর দূরবর্তী গ্রামের পর্ণকূটীতে বৃহৎ প্রদীপের ক্ষীণ আলোক-রেখা দেখা বাইতেছে; গ্রামপ্রান্তে ছুই একটা ক্ষুধিত কুকুরের চীৎকারধ্বনি নৈশ নিস্তব্ধতা ভঙ্গ করিতেছে, এবং গোপ-পল্লীর গোশালা হইতে সাঁজালের ধূমগন্ধ বায়ুভরে ভাসিয়া আসিতেছে। গাড়োয়ান নিতাই ঘোষ আউসের পোয়ালের স্রুষ্টি পাকাইয়া তাহাতে আশ্রয় ধরাইয়া এক শিলিম তামাক ধাইয়া লইল, তাহার পর তাহার হকা কলিকা সাঁজালের মধ্যে রাখিয়া মোটা গলায় মেঠো স্বরে গান ধরিল—

“কার সাধ্য, ওমা সীতে, তব রক্তন দূষিতে,
তুমি সীতে, তুমি অসীতে, তুমি অন্নদা কাশীতে ।
অসীতারূপে অসি ধরা, দহুজকুল নাশ করা,
সীতা রূপে এসেছ ধরা, রাবণকুল নাশিতে ।
দেহি অন্ন, দাসে দেহি, বিশ্বমাতা বৈদেহী,
ভবক্ষুধা নিবৃত্ত কর, আর দিওনা আসিতে ।
যদি কৃপা না কর দীনে, অন্নাদি বসন দানে,
দাশরথীরে হবে নিদানে চরণ দানে তুষিতে ।”

তাহার এই তানলয়বিহীন ভক্তিসঙ্গীতের উচ্ছ্বাস সেই চন্দ্রালোক-পরিব্যাপ্ত নিস্তব্ধ নৈশপ্রকৃতি প্রতিধ্বনিত করিয়া প্রান্তরবন্ধপ্রবাহিত মুক্ত-সমীরণ-হিল্লোলে দিগন্তে বিলীন হইতে লাগিল।—হেমন্ত কুম্বারের নয়নপন্নবে নিজা ঘনীভূত হইয়া আসিল।

রাত্রি প্রায় দশটার সময় হঠাৎ নিজাতঙ্গে হেমন্তকুম্বার গাড়ীর মধ্যে উঠিয়া বসিলেন। তিনি দেখিলেন, মাঠের সরান ছাড়িয়া গাড়ী গ্রামের পথে প্রবেশ করিয়াছে। গ্রাম্য পথের ছুই ধারে আম কাঁঠালের বাগান, কোথাও বেতবন, কোথাও বাঁশ বাড়, পত্রভারাবনত কঞ্চিগুলি পথের উপর নত হইয়া

পড়িয়াছে ; কোন কোন গৃহস্থের প্রাঙ্গণস্থ পেরারা গাছে বাহুড়ের দল ঝট্ পট্ করিতেছে, এবং কামারবাড়ী হাতুড়ীর দমাদম শব্দ হইতেছে। বঞ্জীর চন্দ্রকলা তখন গ্রামপ্রান্তবর্তী আমবাগানের অন্তরালে অদৃশ্য হইলেও হেমন্ত-কুমার বুঝিলেন, ইহা তাঁহার গৃহে যাইবার পথ। এই পথের সহিত তাঁহার উজ্জল শৈশব-স্মৃতি চিরবিজড়িত। কর্মময় জীবন-মধ্যাহ্নে সমগ্র কার্যের মধ্যেও সুখদুঃখস্মৃতিবিমণ্ডিত এই পথের কথা তিনি কোন দিন বিস্মৃত হইতে পারেন নাই ; ইহা তাঁহার গৃহের পথ—বহির্জগতের সহিত অন্ত-জগতের মিলন-পথ। শৈশবে এই পথ দিয়া তিনি সমবয়স্ক সহপাঠীগণের সহিত কত অর্থহীন হুচ্ছ গল্প করিতে করিতে দত্তদের চণ্ডীমণ্ডপে শিবু সরকারের পাঠশালায় যাইতেন। নামতা মুখস্থ না হওয়ায় একদিন সরকার কালকাশিন্দার ডাল দিয়া তাঁহার পৃষ্ঠে প্রহার করিয়াছিলেন। প্রহারে পিঠ ফুলিয়া উঠিয়াছিল। তিনি ঐ বঞ্জীতলায় কাঠের গুঁড়ির উপর বসিয়া কত কাঁদিয়াছিলেন ; তাঁহার স্নেহময়ী জননী সেই সংবাদ শুনিয়া বঞ্জীতলায় আসিয়া তাঁহাকে কোলে করিয়া বাড়ী লইয়া গিয়াছিলেন, পথে চলিতে চলিতে স্নেহে শতবার তাঁহার মুখচুসন করিয়াছিলেন, মায়ের কোমল করম্পর্শে সেই প্রহার-বেদনা যেন জল হইয় গিয়াছিল ; জীবনের বহু গুরুতর কথা অপেক্ষা এ কথা তাঁহার হৃদয়ফলকে উজ্জলভাবে অঙ্কিত আছে। এই পল্লীপথ দিয়া যৌবনকালে তিনি মহা সমারোহে বাঢ়ভাঙ লইয়া বিবাহ করিয়া আসিয়াছিলেন, পল্লীবাসিনীগণের আশীর্ব্বাদে ও নারীকণ্ঠের হৃদু-ধ্বনিতে এই সংকীর্ণ বনপথ প্রতিধ্বনিত হইয়া উঠিয়াছিল।—আবার তিন বৎসর পূর্বে বর্ষার এক তমোময়ী রাত্রিতে মুহূর্মুহু দামিনী-সুরণ ও অশনি-গর্জন অগ্রাহ্য করিয়া—অশ্রান্ত বৃষ্টিধারা মস্তকে গ্রহণ করিয়া সংসারের এক-মাত্র আশ্রয় ও জীবনের প্রধান অবলম্বন পিতৃদেবের মৃতদেহ স্বন্ধে বহন করিয়া এই পথ দিয়াই তিনি শ্মশানঘাটে যাত্রা করিয়াছিলেন। হুকুল-প্লাবিনী বর্ষার নদীর প্রবল তরঙ্গ যেমন সবেগে তটভূমিতে প্রতিহত হয়, সেইরূপ শত স্মৃতির উদ্দাম তরঙ্গরাশি তাঁহার হৃদয়ে পুনঃ পুনঃ আঘাত করিতে লাগিল। গৃহসন্নিকটে উপস্থিত হইয়াও এক অজ্ঞাত ভয়ে তাঁহার হৃদয় আচ্ছন্ন হইল ; মা কেমন আছেন, প্রিয়তমা পল্লী চারুশীলার কোন অসুখ হয় নাই ত, ছেলে মেয়ে দু'টির শরীর ভাল আছে কি না, তাহা-দের কেমন দেখিতে পাইব, এই কথাই পুনঃ পুনঃ তাঁহার মনে উদ্ভিত হইতে

লাগিল। দীর্ঘকাল পরে গৃহে ফিরিবার সময় এই প্রকার উৎকর্ষায় প্রবাসীর হৃদয় পূর্ণ হয়, ভুক্তভোগিগণের ইহা অজ্ঞাত নহে।

আমালকোটীর বেড়ার পাশ দিয়া গাড়ী হেমস্তুকুমারের গৃহঘারে আসিয়া থামিল। হেমস্তুকুমার গাড়োয়ানের মাথায় পোর্টম্যান্টো চাপাইয়া অন্তঃপুরে প্রবেশ করিলেন, দ্বারপ্রান্তে উপস্থিত হইয়া ডাকিলেন, “মা !”

হেমস্তুকুমারের জননী তখন রান্নাঘরে পুত্রের অল্প ডাল, তরকারী, পায়স প্রভৃতি রন্ধন শেষ করিয়া লুচি ভাজিতেছিলেন, চাক্ষুশীলা অদূরে বসিয়া লুচি বেলিয়া দিতেছিলেন; এবং পুত্রকন্যা দু’টি উননের পাশে বসিয়া সতৃপ্ত দৃষ্টিতে একবার লুচির থালার দিকে—একবার ঠাকুমা’র স্বর্নাক্ত মুখের দিকে চাহিতেছিল। অগ্ন্যাগ্ন দিন সন্ধ্যার পূর্বেই রান্নাঘরের দরজা বন্ধ হয়, অল্প নূতন ব্যবস্থা দেখিয়া তাহারা অত্যন্ত বিস্মিত হইয়াছিল।

কর্তী লুচি ভাজিতেছিলেন বটে, কিন্তু তাঁহার কাণ পথের দিকে ছিল। ক্রমেই তাঁহার উৎকর্ষা বর্ধিত হইতেছিল; তিনি ভাবিতেছিলেন, “বাছার আমার বাড়ী আসিতে এবার এত বিলম্ব হইতেছে কেন?—হঠাৎ কোন অসুখ হয় নাই ত? ঠিক সময়ে গাড়ী পাইয়াছে ত? অগ্ন্যাগ্ন বার তাহার বাড়ী আসিতে এতখানি রাত্রি হয় না, এবার কি হইল? হে মা কালি, বাছাকে ভালোয় ভালোয় বাড়ী আনিয়া দাও, আমি মঙ্গলবারে তোমার পূজা পাঠাইয়া দিব। হে হরি, ঘরের ছেলে ঘরে আসুক, আমি হরিরলুট দিব।”

মা কালী, ভক্তবৎসল হরি, পুত্রগতপ্রাণা মেহময়ী জননীর প্রার্থনা পূর্ণ করিতে বিলম্ব করিলেন না। পুত্রের কঠোচ্চারিত মধুময় ‘মা’ শব্দ কর্ণে প্রবেশ করিবামাত্র তিনি উনন হইতে কড়া নামাইয়া মাটির প্রদীপ হস্তে প্রাঙ্গণে আসিয়া দাঁড়াইলেন। চাক্ষুশীলার ললাটে এক একবার চিস্তার রেখা ফুটিয়া উঠিতেছিল, তাঁহার চক্ষু দুইটি ছলছল করিতেছিল, তিনি স্বাস্ত্যুড়ীর মুখের দিকে চাহিতে পারিতেছিলেন না, নতমস্তকে লুচি বেলিতেছিলেন। গৃহ-প্রাঙ্গণে সমাগত প্রিয়তম স্বামীর চিরপরিচিত সুধাময় কণ্ঠস্বর যেমন শ্রবণ করিলেন, অমনই তাঁহার চক্ষু দুইটি উজ্জ্বল হইয়া উঠিল, লজ্জা ও আনন্দ সাধীর সুন্দর মুখে লোহিত আভা ফুটাইয়া তুলিল। তিনি সে স্থল ছাড়িয়া তাড়াতাড়ি উঠিয়া দাঁড়াইলেন, অবগুণ্ঠন টানিয়া লজ্জামাখা সতৃপ্ত দৃষ্টিতে প্রিয়তমের প্রেমপরিপ্লুত হাস্তোজ্জ্বল উদার মুখের দিকে চাহিলেন; এবং

বালকবালিকাঘর হাতের লুচি ফেলিয়া রাখিয়া “বাবা এসেছে রে!” বলিয়া আনন্দোচ্ছ্বাসিত হৃদয়ে সবেগে ছুটিয়া গিয়া হেমস্তুকুমারকে একেবারে জড়াইয়া ধরিল। পিতাকে দেখিবার আশায় তাহারা আজ এত রাত্রি পর্যন্ত জাগিয়া আছে, উৎসাহে তাহাদের ঘুম আইসে নাই।

হেমস্তুকুমার ভক্তিপূর্ণ হৃদয়ে জননীর পদধূলি গ্রহণ করিলেন, তাহার পর পুত্রকন্যাঘরকে উভয়বাহুপাশে বাঁধিয়া কোলে তুলিয়া সম্মুখে তাহাদের মুখচুম্বন করিলেন। মা জিজ্ঞাসা করিলেন, “ভাল আছ ত বাবা? এত রাত্তির হ’লো যে?”

হেমস্তুকুমার সহাস্তে বলিলেন, “তোমার এত আশীর্বাদেও ভাল থাকবো না? নিতাই বলদ দ্বটোকে ধাইয়ে নিতে দেবী ক’রে ফেলেছিল। তোমরা সকলে ভাল আছ ত, মা?”

মা বলিলেন, “হ্যাঁ, সব ভাল। আহা, তোমার মুখখানি শুকিয়ে গিয়েছে। এত কাহিল হ’য়ে গিয়েছ কেন, বাবা? কল্কাতায় মেসের খাওয়া ত! খেয়ে কি পেট ভরে; না গায় মাস লাগে? বোমা, তুমি বাছাকে হাত মুখ ধোবার জল দাও, আমি লুচি ক’খান ভেজে নিয়ে যাচ্ছি।”

হেমস্তুকুমার পুত্রকন্যাকে লইয়া গৃহে প্রবেশ করিলেন। চাক্রশীলা স্বামীর পদপ্রক্ষালনের জল তুলিবার জন্ত কুয়ায় ঘটি নামাইয়া দিলেন।

চাক্রশীলাকে গৃহে প্রবেশ করিতে দেখিয়া খুকী বলিল, “মা, বাবার খাবার আন, বাবার যে খিদে পেয়েছে!”

হেমস্তুকুমার কন্যাকে কোলে লইয়া বলিলেন, “মা লক্ষীর আমার কত দরদ। এত রাত্তিরেও তুমি ঘুমাও নি কেন, মা?”

খুকী বলিল, “ঘুমালে যে তোমাকে দেখতে পেতাম না।”

পুত্র শরৎকুমার বলিল, “বাবা তোমার সঙ্গে কাল ঠাকুর দেখতে যাব।”

খুকী বলিল, “আমি ত যাব, বাবা? দাদা বড়, হেঁটে যাবে, আমি তোমার কোলে চোড়ে যাব।

“মেরের আবদার দেখ।”—বসিয়া চাক্রশীলা হাসিলেন।

হেমস্তুকুমার হাতমুখ ধুইয়া মাছুরে বসিয়া বিশ্রাম করিতে লাগিলেন। চাক্রশীলা স্বামীর জল খাবারের আয়োজন করিতে বসিলেন। গৃহপ্রাঙ্গণস্থ শেফালিকা বৃক্ষ হইতে প্রস্ফুটিত শেফালিকার স্নিমিষ্ট সৌরভ নৈশবায়ু প্রবাহে ভাসিয়া আসিতে লাগিল, এবং তিনি শুনিতে পাইলেন তাহার

প্রতিবেশী নবীন মণ্ডলের বাড়ীতে গ্রাম্য পাঁচালীর দল সম্বন্ধে আগমমণী
গাহিতেছে,—

কারে মেয়ে, বল পাষাণী,
আমার মা এ জগতের মা,
তোর মা, মা এই তোর ঈশাণী ।
একবার এসে দেখ, মা পদ,
এ সম্পদ হবে জ্ঞান যেন বিপদ ।
দেখিলে মেয়ের পদ, ব্রহ্মপদ তুচ্ছ হ'বে রাণী !

কারে মেয়ে বল, পাষাণী ?”

শ্রীদীনেন্দ্রকুমার রায় ।

দেবদূতের প্রতি অরিষ্টনেমি ।

(যোগবাশিষ্ঠ রামায়ণ)

চির বসন্ত বিরাজিত সেই নন্দন উপবন ?
গন্ধ-প্রবাহী মন্দ পবনে স্নিগ্ধ করয় মন ?
যজ্ঞমিলিত স্বর্গরাগিনী বাজে নিশা দিনমান ;
কিন্নরী গাহে কোকিলাকণ্ঠে গুনিয়া শিহরে ঞ্জাণ ?
অপ্সরা সেখা চিরসন্ধিনী সঙ্গী দেবতা সব
শয্যাআসন পারিজাতরাশি পানীর স্বর্গাসব
উপাধান সেখা সুরমলনার সুললিত বাহুপাশ ?
শুনে কাঁপে বুক । কিরে যাও দূত চাহি না স্বর্গবাস,
বোল দেবরাজে জানায়ে প্রণতি দাস আমি চির তাঁর'
অধমের প্রতি অযাচিতরূপে প্রেরিলা করুণাতার
সেবক তাঁহার পারিল না নিতে তাঁহার করুণারামি
চাহে না স্বর্গভোগসুখ, দেব, সূত্র মর্ত্যবাসী
ভোগের অন্তে আসিব আবার কর্ণের তরে কিরে
কেহজষ্ট তারকার মত ধরণীর ধূলিগরে
যাও নিজবাসে কিরি' দূতবর । প্রণাম তোমার গায়
কঠিন কঠোর তপেতে মগ্ন রহিব যাবৎ কায়
উগ্র কর্ণে কর্ম নাশিরা ঘূচাব জন্ম ক্লেশ
নির্ঝাণ লাভ করিব যখন জীবন হইবে শেষ
কিরে যাও দূত । নরবাহিত চাহি না স্বর্গধাম
জন্ম মরণে জিনি সংগ্রামে লভিব মহা বিদ্যাম ।

ঐশ্বর্যরূপা দেবী ।

যাক্ষের নিরুক্ত।

আমরা বহুকাল হইতে শুনিয়া আসিতেছি যে, বেদ, বেদাঙ্গ এবং বেদান্ত বিদ্যাহীন। জ্ঞানলাভ করিতে হইলে ইহাদের অধ্যয়ন আবশ্যিক। আৰ্য্য বলিয়া বাহারা পরিগণিত, তাঁহাদের বেদপাঠ অবশ্য কর্তব্য। বেদপাঠ, বেদের অর্থ হৃদয়ঙ্গম এবং বেদের উপদেশ অনুসারে নিজের জীবনকে পরিচালিত করিতে পারিলেই আৰ্য্যদের জীবন সার্থক। বেদ পাঠ করিতে হইলে বেদাঙ্গও অধ্যয়ন করিতে হয়, নতুবা বেদের জ্ঞান সম্পূর্ণ হয় না। এই বেদাঙ্গ বলিতে আমরা বুঝি—(১) শিকাগ্রহ, (২) কল্পগ্রহ, (৩) ব্যাকরণ, (৪) নিরুক্ত, (৫) ছন্দ ও (৬) জ্যোতিষ। বেদের জ্ঞান সম্পূর্ণ করিতে হইলে কেন যে এই ছয়টি বেদাঙ্গের অধ্যয়ন আবশ্যিক তাহা আমরা বেদাঙ্গের পরিচয় লইলেই বুঝিতে পারিব। প্রথমেই শিকাগ্রহ কি তাহা আগরা দেখিব।

(১) শিকাগ্রহ—বেদমন্ত্র যথাযথ ভাবে উচ্চারণ না করিলে ফললাভ হয় না। এমন কি, যে মন্ত্রটি যেরূপে উচ্চারণ করিতে হইবে তাহার ব্যতিক্রম হইলে অনিষ্ট ফলও লাভ হইয়া থাকে। যথার্থ উচ্চারণের উপরই বেদমন্ত্রের ফলাফল নির্ভর করে। সুতরাং বেদমন্ত্র যথার্থ ভাবেই উচ্চারণ করা আবশ্যিক। কোন্ বর্ণ কিরূপ ভাবে উচ্চারিত হইবে, কোন্ স্বর উদাত্ত হইবে, কোন্ স্বর অনুদাত্ত হইবে, কোন্ স্বর স্বরিত হইবে, সমাসের কোন্ অংশ কিরূপ ভাবে উচ্চারণ করিলে ঠিক অর্থটি হৃদয়ঙ্গম হইবে, এই সকল বিবরণ যে গ্রন্থে লিখিত আছে তাহাকেই শিকাগ্রহ বলা হইয়া থাকে। সংক্ষেপতঃ যে শাস্ত্রে বা গ্রন্থে বেদমন্ত্রের উচ্চারণ-পদ্ধতি বিহিত আছে তাহাই শিকাগ্রহ। স্বর সম্বন্ধে একটি দৃষ্টান্ত—

উদাত্তশ্চানুদাত্তশ্চ স্বরিতশ্চ ত্রয়ঃ স্বরাঃ ।

আরামবিশ্রান্তাকৈপৈন্ত উচ্যন্তেহক্ষরাশ্রয়াঃ ।

একাক্ষরসমাবেশে পূর্করোঃ স্বরিতঃ স্বরঃ ।

তন্তোদাত্ততরোদাত্তাদর্কমাত্রাঙ্কম্বেব বা ।

অনুদাত্তঃ পরঃ শেষঃ স উদাত্তশ্রুতিন্ চেৎ ।

ইত্যাদি ।

যন্ন বধাবধ ভাবে উচ্চারণ করিতে না পারিলে যে অনিষ্ট হইয়া থাকে, তাহার একটি দৃষ্টান্ত—

যন্নোহীনঃ স্বরতো বর্ণতো বা
মিথ্যাশ্রবুজ্ঞো ন তমর্ষমাহ ।
স বাগ্-বজ্রো বজমানং হিনস্তি
যথেষ্মশক্রঃ স্বরতোহপরাধাৎ ॥

এস্থলে “ইক্ষের শক্র (শাতঘ্নিতা) পুত্র” অর্থই অভিপ্রেত ছিল। তৎ-পুরুষ সমাস যে ভাবে উচ্চারণ করিতে হয়, বহুব্রীহি সমাস সেইভাবে উচ্চারিত হয় না। বৃত্রাসুরের পিতা ইক্ষাস্তক পুত্র প্রার্থনা করিয়া আহুতি প্রদান করিলেন, কিন্তু আহুতি দিবার সময় “ইক্ষশক্র” শব্দটি একপভাবে উচ্চারিত হইল যে, তাহা বহুব্রীহি সমাসে পরিণত হইল। অর্থ দাঁড়াইল—ইক্ষ বাহার শক্র (শাতঘ্নিতা নাশক)। কলে বৃত্র কর্তৃক ইক্ষ নিহত না হইয়া—ইক্ষ কর্তৃক বৃত্র নিহত হইল।

(২) কল্প—যজুই বৈদিক যুগের প্রধান এবং প্রথম অবলম্বন। যজু সন্দ্বীপ বিধিনিবেশ যে গ্রন্থে লিপিবদ্ধ আছে তাহাই কল্প। কল্পগ্রন্থ পাঠ না করিলে বৈদিক যজ্ঞাদি সুসম্পন্ন করা যায় না। বেদ পাঠ করিতে হইলে কল্পের জ্ঞান আবশ্যিক। এই জন্তই কল্পগ্রন্থকে বেদান্তের অন্তর্ভুক্ত করিয়া লওয়া হইয়াছে।

(৩) ব্যাকরণ—কোন ভাষা বুঝিতে হইলে যে সেই ভাষার ব্যাকরণ পাঠ করা আবশ্যিক, এ কথা বোধ হয় কাহাকেও বুঝাইতে হইবে না।

(৪) নিরুক্ত—যে সময়ে ঋষিগণ বেদমন্ত্র দর্শন করিয়াছিলেন, তাহার কিছুকাল পরে বেদের কোন কোন শব্দ সাধারণের হুর্কোথ্য হইয়া পড়িল। পূর্বে যেমন মন্ত্র পাঠ করিলেই তাহার অর্থ বুঝা যাইত, এখন আর সেরূপ রহিল না। যে যে শব্দ সাধারণের হুর্কোথ্য হইল তাহাদের তালিকা প্রস্তুত হইল। কোন্ কোন্ শব্দের অর্থ পৃথিবী, কোন্ কোন্ শব্দের অর্থ জল, কোন্ কোন্ শব্দের অর্থ রশ্মি ইত্যাদি শব্দের তালিকা প্রস্তুত করিয়া তাহাদিগকে একত্র করা হইল; এবং বলিয়া দেওয়া হইল এই ২১টি পৃথিবীর নাম; এই ১০১টি শব্দে জল বুঝিতে হইবে, এই ১৫টি শব্দে রশ্মি-বাচক ইত্যাদি। এইরূপে যে গ্রন্থ প্রস্তুত হইল, তাহার নাম “নিষক্টু”,। ইহার পরবর্ত্তী সময়ে মহামুনি ঋষি এই নিষক্টুর ব্যাখ্যা

কৰিলেন। তিনি বে বে শব্দেৰ ব্যাখ্যা কৰিরাছেন সেই সেই শব্দ বেদেৰ মধ্যে বে বে মন্ত্ৰে আছে, সেই সেই মন্ত্ৰ উদ্ধৃত কৰিরা ব্যাখ্যা কৰিরাছেন। এইৰূপে আমরা যাক্কেৰ নিৰুক্ত হইতে কতকগুলি বেদমন্ত্ৰেৰ ব্যাখ্যা পাইরাছি এবং ব্যাখ্যাৰ একটা রীতিও পাইরাছি। আমরা বেদেৰ বে সকল ব্যাখ্যা পাই, এই নিৰুক্তই তন্মধ্যে প্ৰাচীনতম। সূত্ৰাং বেদ পাঠ কৰিতে হইলে নিৰুক্তগ্ৰন্থ অধ্যয়ন কৰা আবশ্যক। এই জন্তই নিৰুক্তকে বেদাঙ্গ মধ্যে পৰিগণিত কৰা হইরাছে। এই নিৰুক্ত গ্ৰন্থেৰই পৰিচয় প্ৰদান কৰা এই প্ৰবন্ধেৰ উদ্দেশ্য।

(৫) ছন্দ—মন্ত্ৰসকল ছন্দে গ্ৰথিত। নানারূপ ছন্দে বেদমন্ত্ৰ সকল লিখিত হইরাছে। তাহাৰ মধ্যে গায়ত্ৰী, উষ্ণিক, অনষ্টপ্, ত্ৰিষ্টপ্, বৃহতী, পঙক্তি, ও জগতী প্ৰধান। পূৰ্বেই বলা হইরাছে যে, মন্ত্ৰেৰ বধাযথ উচ্চাৰণেৰ উপৰই তাহাৰ ফলাফল নিৰ্ভৰ কৰে। উপৰে যে সমস্ত ছন্দেৰ নাম কৰা হইরাছে তাহাদেৰ প্ৰত্যেকেৰ উচ্চাৰণ-প্ৰণালী বিভিন্ন। সূত্ৰাং বেদমন্ত্ৰেৰ বধাৰীতি উচ্চাৰণ কৰিতে হইলে ছন্দশাস্ত্ৰে অভিজ্ঞতা থাকা আবশ্যক। এই জন্তই ছন্দকে বেদাঙ্গ বলা হইরাছে।

(৬) জ্যোতিষ—পূৰ্বেই বলা হইরাছে যে, যজ্ঞই বৈদিক যুগেৰ প্ৰধান কাৰ্য্য ছিল। এখন আমাদেৰ দেশে যজ্ঞ বড় একটা দেখিতে পাওয়া যায় না। এখন আমাদেৰ দেশে কতকগুলি ব্ৰত জীলোকৰা পালন কৰিরা থাকেন। সেই সকল ব্ৰতেৰ কাল আমরা মুদ্ৰিত পঞ্জিকাতেই দেখিতে পাই। একাদশী, অনন্ত চতুৰ্দশী প্ৰভৃতিৰ জন্ত আমাদিগকে জ্যোতিষ সংক্রান্ত বিচাৰ কৰিতে হয় না। পঞ্জিকা খুলিলেই দেখিতে পাই, “একাদশীৰ ব্ৰত ও উপবাস”। কিন্তু পুরাকালে মুদ্ৰিত পঞ্জিকা ছিল না। আৰ্য্যগণ জ্যোতিষ শাস্ত্ৰ অধ্যয়ন কৰিরা আকাশে গ্ৰহনক্ষত্ৰেৰ গতিৰ দ্বাৰা যজ্ঞেৰ কাল নিৰূপণ কৰিতেন। সেইজন্ত জ্যোতিষকে বেদাঙ্গ বলিরা গণনা কৰা হয়।

নিৰুক্তেৰ নাম বেদাঙ্গেৰ মধ্যে নিৰ্দেশ কৰিবার সময় আমরা এই গ্ৰন্থেৰ সংক্ষিপ্ত পৰিচয় দিরাছি। একপে একটু বিস্তাৰিত ভাবে ইহাৰ পৰিচয় দিবার চেষ্টা কৰা যাউক। নিৰুক্ত যে কেবল “অৰ্থ পুস্তক” তাহা নহে। সাধাৰণ অৰ্থে আমরা যাহাকে “অৰ্থ পুস্তক” বলি, ইহা সেই শ্ৰেণীৰ গ্ৰন্থ নহে। যাহাৰা এই গ্ৰন্থেৰ সহিত পৰিচিত, তাহাৰাই জানেন যে, একপ ব্যাখ্যা পুস্তক অধিতীয়। মহামুনি যাক্কেৰ অসাধাৰণ প্ৰতিভাৰ

সাহায্যে এক বৃহৎ ব্যাগারের সৃষ্টি করিয়াছেন ; তাঁহার নিবিচার রীতিই তাঁহার অমাহুযী প্রতিভার পরিচয় প্রদান করিতেছে। এই পুস্তকখানি ভাষা-বিজ্ঞানের একখানি প্রাচীনতম গ্রন্থ। বাহারা ভাষা-বিজ্ঞানের চর্চা করিয়াছেন, তাঁহারা এই নামের যে, সুদূর অতীতে লিখিত এই গ্রন্থে ভাষা-বিজ্ঞানের কি অমূল্য নিধি সঞ্চিত আছে। আর এক হিসাবে, এখানিকে দর্শনের একখানি গ্রন্থ বলা যায়। বাক্য নিত্যের মত (Doctrine) সমূহ সুন্দর ভাবে আমাদের সম্মুখে প্রকাশ করিয়াছেন। বাহাকে ইংরাজীতে Exegesis বলা হইয়া থাকে, ইহা সেই শ্রেণীর গ্রন্থ। আমরা এই গ্রন্থের আলোচনার প্রবৃত্ত হইতেছি।

গ্রন্থের প্রথমেই মহানুনি বাক্য শব্দ-সমূহকে চারিভাগে বিভক্ত করিয়াছেন—“চৎচারি পদভাষানি নামাখ্যাতে চোপসর্গনিপাতাচ্চ”। শব্দ-সমূহ চারিভাগে বিভক্ত,—নাম, আখ্যাত, উপসর্গ, নিপাত। নাম পদার্থের অর্থ প্রধানভাবে প্রকাশ করিয়া থাকে ; আখ্যাত ক্রিয়ার অর্থ প্রধান ভাবে প্রকাশ করিয়া থাকে। এই দুইটি বাক্য স্মৃষ্টান্ত দ্বারা পরিষ্কার রূপে বুঝাইয়া দিয়াছেন। এই স্থলে বাক্যের পূর্ববর্তী একজন দার্শনিক উদ্ভবারণ আগন্তি করেন, যতকণ বাক্য উচ্চারিত হইতেছে ততকণই তাহার সত্তা, উচ্চারিত হইবামাত্রই তাহা অতীতে পরিণত হয় ; সুতরাং পদসমূহকে কিরূপে চারিভাগে বিভক্ত করা বাইতে পারে, একের সহিত অস্তের সম্বন্ধই বা কি করিয়া বুঝা যায়, সন্ধি প্রভৃতি ব্যাকরণের নিয়মই বা কিরূপে প্রযুক্ত হইয়া থাকে ? তিনি বলেন,—“রামো গচ্ছতি”—এই বাক্যে যতকণ “রা” উচ্চারণ করিতেছি, ততকণ “রা” বর্তমান, “ম” এখনও ভবিষ্যৎ ; যখনই “ম” উচ্চারণ করিলাম, তখনই “রা” অতীত হইয়া গেল ; এইরূপে ঃ-গ-চ্ছ-তি, পর পর উচ্চারণ করিবার সময় পূর্ব পূর্ব বর্ণ অতীত হইয়া গেল ; ইহাদের সম্বন্ধই বা কি প্রকারে রক্ষিত হয় এবং ‘ঃ’-হানে ওকার এই সন্ধিই বা কিরূপে সাধিত হয় ? অতীতের সহিত কি বর্তমানের সম্বন্ধ সংসাধিত হইতে পারে ? ইহার উত্তরে বাক্য বলেন—“ব্যাপ্তিমস্তাত্ শব্দত্”—শব্দ ব্যাপ্তিবান, “রা” উচ্চারণের পর “ম” উচ্চারণের সময়ও “রা” বিদ্যমান ; এই ভাবে আমরা বাক্যের (Sentence) অর্থবোধে সমর্থ হইতে পারি। এই ভাবে তিনি ভাষা-বিজ্ঞানের একটি তথ্যের আলোচনা করিয়াছেন। তাব বা ক্রিয়ার কি কি প্রকার ভেদ হইতে পারে, উপ-

সর্গের কোন অর্থ আছে কিনা; নিপাত কাহাকে বলে এবং নিপাতের কোন কোন অর্থ হইতে পারে, এই সমস্ত ব্যক্তি উদাহরণ দ্বারা পরিষ্কাররূপে আমাদিগকে বুঝাইয়া দিয়াছেন। যে যে উদাহরণ দ্বারা তিনি এই সকল বিষয় আমাদিগকে বুঝাইয়াছেন, তৎসমস্তই বেদমন্ত্র। এই উদাহরণ হইতে আমাদের উত্তরবিধ প্রয়োজন সাধিত হইতেছে। যে শব্দ বুঝাইবার জন্য তিনি মন্ত্র উদ্ধৃত করিয়াছেন, সে শব্দের অর্থ আমরা সম্যক বুঝিলাম, তাহার সহিত সেই মন্ত্রোক্ত সত্যও লাভ করিলাম। যাক উদাহরণ উদ্ধৃত করিয়াই নিশ্চিত নহেন। সমগ্র মন্ত্রটি তিনি ব্যাখ্যা করিয়া থাকেন। আমরা একটি উদাহরণ দেখি—“ঈ” একটি নিপাত; যাক বলিতেছেন, কেহ কেহ বলেন, “ঈ” অর্থে “এক” বুঝিতে হইবে। তিনি উদাহরণ স্বরূপ ঋগ্বেদের ৮ অষ্টকের ২ অধ্যায়ের ২৪ বর্গের একটি মন্ত্র উদ্ধৃত করিয়াছেন।

সেই মন্ত্রটি এই—

ঋচাঃ স্বঃ পোষমাস্তে পুপুষান
গায়ত্র্যং যো গায়তি শক্রীষু।
ব্রহ্মা হো বদতি জাতবিষ্ঠাং
যজ্ঞস্ত যাত্নাং বিমিমীত উতঃ ॥

“ঋচিক”দিগের কর্মের পরিচয় এই মন্ত্রে পাওয়া যাইতেছে। ঋচিক-গণের মধ্যে একজন (হোতা) ঋক পাঠ করিবেন, একজন (উদ্গাতা) ঋক (আশ্রয়) করিয়া গান করিবেন; একজন (সর্কবিষ্ঠাঃ ব্রহ্মা) সন্দেহহলে ত্র্যাদিপ্রদর্শন করিবেন, একজন (অধ্বরুঃ) যজ্ঞের আহতির যাত্নার পরিমাণ করিবেন। যে সময় এই মন্ত্র ‘দৃষ্ট’ হয়, তখনও অধর্ক বেদ বেদনামে প্রচলিত হয় নাই। ত্রয়ী বলিলেই আমরা সমগ্র বেদ বুঝিয়া থাকি। ত্রয়ী—‘ঋক’ ‘সাম’ ও ‘যজু’র সমষ্টি। উপরে যে মন্ত্র উদ্ধৃত হইল তাহাতেও এই তিন বেদেরই নাম স্মৃতিত হইয়াছে—ঋগ্বেদী হোতা, সামবেদী উদ্গাতা, যজুর্বেদী অধ্বরু, এবং ব্রহ্মা ত্রিবেদজ্ঞ। চারি প্রকার ঋচিক লইয়া যজ্ঞকার্য সম্পন্ন করিতে হয়; তাহাদের মধ্যে একজন ঋগ্বেদী হোতা, একজন সামবেদী উদ্গাতা, একজন যজুর্বেদী অধ্বরু থাকিবেন, আর ইহাদের কার্য পরিদর্শন করিবার জন্যও সন্দেহ হলে সন্দেহ দূরীকরণের জন্য একজন সর্কবেদজ্ঞ থাকিবেন ব্রহ্মা,—এই তথ্য আমরা ঐ মন্ত্র হইতে শিখিলাম, আর শিখিলাম ‘ঈ’ অর্থে ‘এক’। যাক কিরূপ

উদাহরণ উদ্ধৃত করেন, এই একটি হইতেই আমরা তাহার পরিচয় পাইলাম ।

ব্যাকরণকারগণের মধ্যে শাকটায়ন এবং সমস্ত নিরুক্তকার* বলেন—সমস্ত ‘নাম’ ‘আখ্যাত’ হইতেই উৎপন্ন হইয়াছে ; আবার নিরুক্তকারগণের মধ্যে গার্গ্য এবং ব্যাকরণকারগণের মধ্যে প্রধান প্রধান পণ্ডিতগণ বলেন যে, সকল নামই যে আখ্যাত হইতে উৎপন্ন হইয়াছে, এ কথা বর্ধাৰ্হ নহে । এই বিষয় যাক্ষ যুক্তি-তর্কের সাহায্যে বিচার করিয়াছেন । এই সকল করণেই নিরুক্তকে ভাষা-বিজ্ঞানের গ্রন্থ বলিয়াছি ।

নাম, আখ্যাত, উপসর্গ ও নিপাতের বিচারের মধ্যে একস্থলে যাক্ষ সংক্ষেপে বেদের উদ্দেশ্য বা বেদপাঠের আবশ্যিকতা আমাদেরকে বুঝাইয়া দিয়াছেন । তিনি বলিতেছেন—

“পুরুষবিদ্যানিত্যহাৎ কৰ্ম্মসম্পত্তিম হ্রৌ বেদে ।” ১।২

পুরুষের অর্থাৎ যজুষ্ণের জ্ঞান অনিত্য বলিয়া অপৌরুষের জ্ঞানের আবশ্যিকতা অনুভূত হয় । সেই জগুই বেদে যজুসমূহ রহিয়াছে । বেদে যে সমস্ত যজু আছে, তাহা অপৌরুষের, কোন যজুষ্ণের দ্বারা রচিত নহে, সুতরাং তাহা অনিত্য নহে । যানবের জ্ঞান ভ্রমাত্মক ও অমূলক বলিয়াই বেদ হইতে সত্য জ্ঞান লাভ করা আমাদের প্রয়োজন ।

নিরুক্ত গ্রন্থের প্রয়োজনীয়তা—বুঝাইবার সময় যাক্ষ বলিতেছেন—
“অধাপীদমন্তরেণ মন্ত্ৰেষর্ধপ্রত্যয়ো ন বিচ্ছতে” । নিরুক্তগ্রন্থ পাঠ না করিলে বেদমন্ত্ৰের অর্থ বুঝিতে পারা যায় না । যাক্ষ উদাহরণ দিয়া এই কথা বুঝাইয়া দিয়াছেন । আমরা একালের পুস্তক হইতে এই কথার উদাহরণ উদ্ধৃত করিব । সকলেই জানেন মহাত্মা রমেশচন্দ্র দত্ত ঋগ্বেদের বঙ্গানুবাদ করিয়াছেন । নিরুক্তকে অগ্রাহ্য করিয়া বেদমন্ত্ৰের ব্যাখ্যা করিতে যাওয়া যে বৃথা, তাহা আমরা দেখিতে পাইব । •

মিত্রং হবে পূতদক্ষং বক্রগং চ শিশাদসং ।

ধিরং স্তুতাচীং সাধস্তা । ঋ ১—১—৪—২ ।

এই মন্ত্ৰের ব্যাখ্যানাবসরে দত্ত মহাশয় বলিয়াছেন যে, যদিও স্তুত অর্থে নিরুক্তকার জলই বুঝিয়াছেন, যদিও সারণাচার্য্য স্বকীয় ভাষ্যে স্তুত অর্থে

* যাক্ষের পূর্বেও অল্প নিরুক্ত গ্রন্থ ছিল, কিন্তু এখন তাহাদের অস্তিত্ব লুপ্ত হইয়াছে ।

জলই লইয়াছেন, তথাপি যখন যুত সাধারণ অর্থে—“যি” বলিয়াই পরিচিত, তখন এই অর্থ ত্যাগ করিয়া ‘জল’ অর্থ করিবার কোন প্রয়োজন নাই। ঠাঁহারা বেদের সহিত কিঞ্চিন্মাত্রও পরিচিত, তাঁহারা এই যুক্তির অসারতা বুঝিতে পারিবেন। বেদের মধ্যে যুত শব্দ উদকবাচক, “যি” এই অর্থ কোন স্থানেও নাই। আমরা যে কালের গ্রন্থ পাঠ করি, অর্থবোধের সময় সেই কালেরই প্রতি আমাদের লক্ষ্য রাখা উচিত। যুত অর্থে এখন “যি” বুঝাইতে পারে, কিন্তু বৈদিক যুগেও যে তাহাই অর্থ ছিল, এমন কোন নিশ্চয়তা যখন নাই, এবং যখন প্রমাণ পাওয়া যাইতেছে যে, যুত শব্দ অর্থাভরেই ব্যবহৃত হইত, তখন যুত শব্দে “যি” না বুঝিয়া “জল” বুঝাই উচিত। দত্ত মহাশয় অনুবাদ করিয়াছেন যে, তাঁহারা আসিয়া আমাদের যজ্ঞে যুতাহতি প্রদান করুন। যথার্থ অনুবাদ হইবে এইরূপ—পূতদক্ষ মিত্র (সূর্য্য) ও শক্রনাশক বরুণ (সূর্য্য) কে আহ্বান করি, তাঁহারা উদকপ্রেরণারূপ কর্ম্ম সম্পাদন করিয়া থাকেন। (সূর্য্য যখন আমাদের মস্তকে থাকেন, তখন তাঁহার নাম মিত্র, যখন অধোদেশে গমন করেন, তখন তাঁহার নাম বরুণ)। দত্ত মহাশয়ের গায় পণ্ডিত ব্যক্তিও ভ্রমে পতিত হইয়াছেন। যাক্ সত্যই বলিয়াছেন—“অথাপীদমস্তরেণ মস্ত্রেষ্বর্থপ্রত্যয়ো ন বিদ্বতে।”

যাক্ আবার বলিতেছেন—“অথাপীদমস্তরেণ পদবিভাগো ন বিদ্বতে।” নিরুক্তে অভিজ্ঞতা না থাকিলে মস্ত্রের পদ-বিভাগ করা যায় না। “দুতো নিঋত্যা ইদমাজগাম”—এই স্থানে নিঋত্যাঃ পঞ্চমী এবং ষষ্ঠী হুইই হইতে পারে। “পরো নিঋত্যা আ চক্ষু”—এস্থলে নিঋত্যা—চতুর্থীর স্থানে সন্ধি হইয়া আকারান্ত হইয়াছে। “ইন্দ্রং ন হা শবসা দেবতা বায়ুং পৃণস্তি”—এস্থলে “ইন্দ্র” এবং “বায়ু” উভয়ই রহিয়াছে, মস্ত্রের দেবতা কে?—এই সকল বিষয়ের মীমাংসার জন্য নিরুক্ত পাঠ করা আবশ্যিক। অর্থ-জ্ঞান না হইলে কোন কার্যই সাধিত হয় না। বেদের মধ্যেও জ্ঞানের প্রশংসা এবং অজ্ঞানের নিন্দা আছে—

হানুরয়ং ভারহারঃ কিলাত্তদধীত্য বেদং ন বিজানাতি যোহর্থম্ ।

যোহর্থজ ইৎসকলং ভদ্রমশ্নুতে নাকমেতি জ্ঞান বিধৃতপাপ্যা ॥

প্রথমাধ্যায়ে যাক্ এই সমস্ত বিষয়ের আলোচনা করিয়াছেন। দ্বিতীয় অধ্যায়ের প্রথম পাঠে তিনি নির্বচন (Derivation) সম্বন্ধে উপদেশ দিয়াছেন।

পূর্বে নিরুক্তের সাধারণ পরিচয়ের সময় বলা হইয়াছে যে, বাক্ নিষট্ঠুর ব্যাখ্যা করিয়াছেন। দ্বিতীয়াধ্যায়ের দ্বিতীয় পাদ হইতে সেই ব্যাখ্যা আরম্ভ হইয়াছে। আমরা এইবার তাহারই আলোচনার প্রবৃত্ত হইব।

নিষট্ঠুর প্রথমোক্তাধ্যায়ের প্রথম খণ্ডে ২১টি পৃথিবীবাচক শব্দ একত্র করা হইয়াছে। প্রথম শব্দটি “গোঃ”। বাক্ ইহার ব্যাখ্যা করিলেন। তৎপরে গো শব্দ কোন্ কোন্ অর্থবাচক তাহারও নির্দেশ করিলেন। খেত্ৰ অধিবরণ-চন্দ্র, চন্দ্র, ধনুর জ্যা, আদিত্যা, চন্দ্র, রশ্মি—এই সকল অর্থ নির্দেশ করিলেন। গো শব্দ আদিত্যবাচক, এই কথা বলিয়াই বাক্ বলিতেছেন—“অথাপ্যষ্টৈকো রশ্মিচন্দ্রমসংপ্রতি দীপ্যতে, আদিত্যতোহন্ত দীপ্তির্ভবতি।”—আমরা আমাদের শিক্ষকগণের উপদেশানুসারে বৈদিক যুগকে অজ্ঞানের যুগ বলিয়া থাকি। বিজ্ঞান (Science) সে সময় লোকের নিকট অপরিচিত ছিল। কিন্তু বাক্ গ্রাহ্য বলিতেছেন, তাহা দেখিয়া এই কথা মিথ্যা বলিয়াই বুঝিতে পারি। বাক্ বলিতেছেন, সূর্য্যেরই রশ্মি চন্দ্রের দিকে যায়; চন্দ্রের দীপ্তি সূর্য্য হইতেই প্রাপ্ত। এ সম্বন্ধে পাছে কেহ কোন সন্দেহ উপস্থাপিত করেন, যেন এই আশঙ্কায় বাক্ বলিতেছেন—আরও দৃষ্টান্ত আছে,—চন্দ্রের নাম গন্ধর্ব্ব, চন্দ্র সূর্য্যের যে রশ্মি লইয়া নিজে দীপ্তিমান তাহার নাম সুর্য্য।* গো শব্দ রশ্মিবাচক—তাহার দৃষ্টান্ত (ঋগ্বেদ—২ অ-২ অ-২৪ বর্গ দ্রষ্টব্য) উদ্ধৃত করিয়া বাক্ আমাদের দৃষ্টান্তকে দেখাইয়াছেন। কোন্ রূপ গৃহে আমাদের বাস করা উচিত, তাহাই এই মন্ত্রে জানিতে পারি। “বজ্র গাবো ভুরিশৃঙ্গা অরাসঃ”—যেখানে সূর্য্যের আলোক প্রভূত পরিমাণে গমনাগমন করিতে পারে—সেইরূপ গৃহে বাস করা উচিত।

এইরূপে নিষট্ঠুর শব্দ-পর্যায় বাক্ পর পর ব্যাখ্যা করিয়াছেন এবং বেদমন্ত্র হইতে নিজের ব্যাখ্যার সমর্থন করিয়াছেন। সেই সমস্ত শব্দের প্রতি এখন বিশেষ মনোযোগ না দিয়া আমরা অন্তর্দিকে দৃষ্টিপাত করিব। বাক্ আমাদের শিক্ষার অন্ত যে যে কথার অবতারণা করিয়াছেন, তাহার প্রতি আমরা সমধিক মনোযোগ দিব। ঋ ৮—৫—১২—৫ ঋকের এক অংশ—“হোজ্জম্বির্নিবীদম্”। বাক্ তাহার পূর্ববর্তী নিরুক্তকার উপমন্ত্রের মত উদ্ধৃত করিয়া বলিতেছেন—“ঋষির্দর্শনাৎ, ভোমান্ দদর্শেত্যোপমন্ত্রব-
ভদ্বদেনাংস্তপস্তমানান্ ব্রহ্ম স্বরস্তভ্যানর্ষত, ঋবরোহস্তবন্, তদ্বীণাধি-

* সুর্য্যঃ সূর্য্য রশ্মিচন্দ্রনা গন্ধর্ব্ব ইত্যপি নিগমো ভবতি । নিং ২।৬

বিভিন্ন বিজ্ঞানকে। উপস্থাপন করেন, যুগ্ম শব্দ হইতেই ঋষি শব্দ স্থাপন হইয়াছে। ইহার অর্থ—যিনি ঋক্ কর্তৃক করিয়াছেন, * তিনিই ঋষি। “তপস্বান” ইত্যাদিগের নিকট বেদ যুগ্ম প্রকাশিত হইয়াছে বলিয়াই ইহার ঋষি ; ব্রাহ্মণ-গ্রন্থেও এই কথা লিখিত আছে। নিরুক্তমতে, ইহার ঋক্ কর্তৃক করিয়াছেন, তাঁহারাই ঋষি। আজ কাল এই ঋষি শব্দের অগব্য-হার দেখিয়া কোন্ মহদয় ব্যক্তি না ব্যথিত হইবেন ! (নি—২।১১)

খ. ১—২—৩৭—৫ ঋকের এক অংশ “বৃত্রস্ত নিস্তং বি চরত্যাণিঃ”। ইহার ব্যাখ্যানাবসরে যাক বলিতেছেন—“তৎকে। বৃত্রো মেঘ ইতি নৈরুক্তাঋত্বেহসুর ইত্যৈতিহাসিকাঃ।” বৃত্র কে ? নিরুক্তকারগণ বলেন, বৃত্র মেঘ ; ঐতিহাসিকগণ বলেন, বৃত্র অষ্টার পুত্র—একজন অসুর। ইহার প্রথমার্থ আমরা সকলেই বুঝিতে পারিতেছি। দ্বিতীয় অংশের অর্থ বুঝিতে চেষ্টা করা যাউক। অষ্টা রূপকৃত্ত দেবতাণ- যিনি সকল দ্রব্যের রূপ প্রদান করেন—তিনিই অষ্টা। আমরা জানি সূর্যই রূপ প্রদান করিয়া থাকেন। বেদে পুন্নি সূর্যের একটি নাম। পুন্নি শব্দ ব্যাখ্যা করিবার সময় যাক বলিয়াছেন—“পুন্নিবাদিত্যো ভবতি, প্রাপ্নুতে এনং বর্ণ ইতি নৈরুক্তাঃ”। সূর্য হইতে মেঘ উৎপন্ন হইয়া থাকে, অতএব মেঘ সূর্যের পুত্র সূতরাং অষ্টা ; কিন্তু অসুর শব্দের অর্থ কই ? অসু—অর্থে জল, “রা” দানে ; যে জল দান করে। “ঐতিহাসিকগণের মতেও যে বৃত্র মেঘ, তাহা বুঝিলাম। কিন্তু বেদের মধ্যে যে ইন্দ্র ও বৃত্রাসুরের যুদ্ধের কথা বর্ণিত আছে, সে কি তবে একেবারেই অমূলক ? বেদে তা অমূলক কথা নাই। যাক যেন আমাদের এই সন্দেহ আশঙ্কা করিয়াই বলিতেছেন—“অপাক জ্যোতিষশ্চ মিশ্রীভাবকর্ষণো বর্ষকর্ষ জায়তে, তত্রোপমার্ধেন বুদ্ধবর্ণাভবতি ; অহিবন্ত খন্ম মন্ত্রবর্ণা ব্রাহ্মণবাদাশ্চ।”

জল এবং স্তেজের মিশ্রণ হইতেই বৃষ্টি হইয়া থাকে ; এই বৃষ্টিই রূপকে ইন্দ্র ও বৃত্রাসুরের যুদ্ধ বলিয়া বর্ণিত হইয়াছে। যন্ত্রের গতি সর্পের স্তায়। সর্প যেমন একস্থানে গমন করিবার সময় কুটিল পতিতে

* এই প্রবন্ধে আমি পূর্বেই ঋক্ ‘দৃষ্ট’ হইয়াছিল লিখিয়াছি,—ঋক্ রচিত হইয়াছিল এইরূপ সিদ্ধি নাই। তাহার কারণ বেদ কাহারও রচিত নহে ; বেদ ঋষিগণ কর্তৃক দৃষ্ট বা রচিত হইয়াছিল ; এই জন্যই বেদকে ঋতি বলা হইয়া থাকে। ইংরাজীতে এই দৃষ্ট বা রচিতকে বলা হয়—revealed.

সময় করে, সেইজন্য মন্ত্রও যে তথ্য প্রকাশ করিতে চায়, সেটি একটু ভিন্ন দিক দিয়া প্রকাশ করে। (নিং ২।১৬)।

অহম্ শব্দ দ্বিবাচী । অহম্ শব্দের উদাহরণ বরণ ৪—৫—১১—১
শব্দ উদ্ধৃত করা হইয়াছে ।

অহম্ কৃষ্ণমহরজ্জুনক বিবর্তেতে রজসী বেতাতি ।

বৈখানরো অরিবানো ম রাজাবাতিরজ্জ্যোতিবাগ্নিতবাংসি ॥

রাত্রি ও দিন অনবরত ঘুরিতেছে । সূর্য জ্যোতিষ্ক মণ্ডলীর মধ্যে শ্রেষ্ঠ । তিনি কিরণ দ্বারা অন্ধকার নাশ করেন । মনে হয় সূর্য উদ্ভিত হইতেছেন । সূর্য ছিন্ন ভাবে একস্থানেই থাকেন, পৃথিবী অনবরত ঘুরিতেছে, সেইজন্য পৃথিবীর অর্দ্ধাংশ কৃষ্ণ বর্ণ, অর্দ্ধাংশ শুক্ল (অর্জুন) । কখন পৃথিবীর যে স্থান সূর্যের সম্মুখে থাকে, তখন সেই স্থানে সূর্য “উদ্ভিত” জ্বলেন ; সর্বদাই এই ব্যাপার সংঘটিত হইতেছে ; সেইজন্য সূর্যকে “জারমান ইব” বলা হইয়াছে ।* আমরা মনে করি, পৃথিবী মেরুদণ্ডের উপর অনবরত ঘুরিতেছে বলিয়াই, দিন ও রাত্রি হইতেছে—এই সিদ্ধান্ত পাশ্চাত্য বনোবিগণই করিয়াছেন । কিন্তু উপরে উদ্ধৃত শব্দ পাঠ করিলে সেই মতের অসারতা প্রতিপন্ন হইবে । যাহারা আমাদের বেদকে “চাবার গান” বলিয়া উপহাস করেন, তাঁহারা দেখুন আমাদের দেশের চাবার গানই বা কিরূপ !

তৃতীয় অধ্যায়ের প্রারম্ভে অপত্যবাচক শব্দের ব্যাখ্যা করিবার সময় যাহ এই ভাবের মত প্রকাশ করিয়াছেন যে, পুত্রই দায়ভাগী, কন্যা নহে ; সেইজন্যই কন্যাকে পরহস্তে সমর্পণ করা যায় । এমন কি, কন্যাকে দান, বিক্রয়, ত্যাগ করিতে পারা যায়, পুত্রকে পারা যায় না । কিন্তু অত্র এক সপ্তমীর বলেন—পুত্রকেও বিক্রয় করা যায়, কেননা শুনঃশেপকে তাঁহার পিতা বিক্রয় করিয়াছিলেন । কেহ কেহ বলেন যে, অত্রাত্মতী কন্যা দায়ভাগ গ্রহণ করিতে পারে । এই সূত্র ধরিয়া যাহ এক বিচার করিয়াছেন, অত্রাত্মতী কন্যার বিবাহ হইতে পারে কি না । বিচারে সিদ্ধান্ত হইল অত্রাত্মতী কন্যাকে বিবাহ করিতে নাই । যাহারা এ বিষয়ে বিস্তারিত

* অহম্ কৃষ্ণঃ রাত্রিঃ শুক্লং চাহরজ্জুনং বিবর্তেতে রজসী বেতাতিবেদিতব্যতিঃ
প্রবৃত্তিতি বৈখানরো জারমান ইবোত্তরাদিত্যঃ সর্বেবাং জ্যোতিবাং রাজাবাহরগ্নির্জ্যোতিবা
কন্যাসি । ১।১১

বিচার জানিতে ইচ্ছা করেন, তাঁহারা নিক্কন্তের ৩ অধ্যায়ের ১—৪ খণ্ড দেখিবেন। যাক অধর্ক বেদের ১।১৭।১ মন্ত্র—

অমূর্ষা যন্তি জাময়ঃ সর্বা লোহিতবাসসঃ ।

অভ্রাতর ইব যোষান্তিষ্ঠন্তি হন্তবশ্বানঃ ॥

উদ্ধৃত করিয়া বলিতেছেন - (দ্বিতীয়ার্কেয় ব্যাখ্যা)

“অভ্রাতৃকা ইব যোষান্তিষ্ঠন্তি সন্তানকর্ষণে পিণ্ডানার হন্তবশ্বানি ইত্যভ্রাতৃকায়ানির্বাহ ঔপমিকঃ।”

আমরা স্বতিশাস্ত্র হইতেও জানিতে পারি যে, যে কন্তার ভ্রাতা নাই তাহাকে শ্রেয়ঙ্কাম ব্যক্তি বিবাহ করিবে না। কেন না সে কন্তা ধর্মতঃ তাহার পিতার পুত্রিকা; তাহার পুত্র তাহার স্বামীর পুত্র বলিয়া ধর্মতঃ পরিগণিত হইতে পারে না।

যন্তাস্ত ন ভবেদ্ ভ্রাতা ন বিজ্ঞায়েত বা পিতা ।

নোপযচ্ছেত তাং প্রাজঃ পুত্রিকা ধর্মশঙ্কয়া ॥ মনু, ৩।১১

আমাদের নাম আর্ষ্য, যুরোপীয় পণ্ডিতগণ ‘ঋ’ ধাতু হইতে আর্ষ্য শব্দ নিস্পন্ন করিয়া থাকেন। তাঁহারা বলেন, ‘ঋ’ ধাতুর অর্থ “চাষ-বাস” করা। ‘ঋ’ ধাতুর উত্তর ঞ্চ প্রত্যয় করিয়া যখন আর্ষ্য শব্দ ব্যুৎপন্ন হইয়াছে, তখন বুঝিতে পারা যায় আর্ষ্যগণ কৃষক-সম্প্রদায়-বিশেষ ছিলেন। এই মতই এখন সমধিক প্রসিদ্ধিলাভ করিয়াছে। পাণিনির ধাতু পাঠের মধ্যে দুইটি ‘ঋ’ ধাতু, একটি ‘ঋ’ ধাতু, আছে। একটি ভূদিগণীয়—অর্থ গতি ও প্রাপণ; একটি জুহোত্যাদিগণীয়, অর্থ গতি; একটি ক্র্যাদি, অর্থ গতি। “চাষ-বাস করা” অর্থ কোথায়ও নাই। Latinএ or-ior, re-mus, aro : Gothicএ ar-gan : Anglo-Saxonএ ar : Old High German এ ruo-dar, ar-an : Lithuanian এ ir-ti = to row ; ar-ti = to plough (জমি চাষ)—এঁত কষ্ট করিয়া আর্ষ্য শব্দের অর্থ করিবার কোন প্রয়োজন নাই। পাঠকগণ দেখিবেন, যে ভাষার শব্দ সে ভাষার ধাতু হইতে অর্থ গ্রহণ করা হইতেছে না। এই টুকুই বিস্ময়কর। আমরা এইবার নিক্কন্তের আশ্রয় লইয়া আর্ষ্য শব্দের অর্থ বুঝিতে চেষ্টা করিব। যথেষ্টের অষ্টকের ৮ অধ্যায়ের ১৭ বর্গে একটি মন্ত্র আছে—

উরু জ্যোতিশ্চক্রখুরাৰ্য্যায় ।

যাক আর্ষ্য শব্দের ব্যাখ্যা করিতেছেন—“আর্ষ্য ঈশ্বরপুত্রঃ” (নিং ৬২৬)।

পূর্বে একস্থানে (৫১৯) যাক বলিয়াছেন—(যথেষ্ট ৫-৬-২৪-৫ বাক্যের ব্যাখ্যা কালে)—“অর্য্যোহন্বীধরঃ।” এই “আর্য্য” পাশ্চাত্যপণ্ডিতগণের হস্তে কতদূর লাহনা ভোগ করিয়াছে, তাহা দেখিবার ও ভাবিবার বিষয়। যে সময় যাক নিরুক্ত-গ্রহ লিখিয়াছেন, তখন তিনি ভাবিতে পারেন নাই যে, আর্য্যশব্দের এত দূর হ্রদশা হইবে।

উদাহরণ উদ্ধৃত করিবার একটা রীতি আমরা বুঝিতে পারিলাম। যাক এই ভাবে শব্দের ব্যাখ্যা করিয়া গিয়াছেন এবং উদাহরণ উদ্ধৃত করিয়াছেন। তাহার ব্যাখ্যা অমূল্য, বেদপাঠিগণের ইহা পরম সহায়।

কোন মন্ত্র পাঠ করিতে হইলে অথবা কোন মন্ত্র কোম কার্য্যে প্রয়োগ করিতে হইলে সেই মন্ত্রের ঋষি, ছন্দ এবং দেবতা জানিয়া সেই মন্ত্রের প্রয়োগ করিতে হইবে। ঋষি কাহাকে বলে, তাহা আমরা নিরুক্তকারের ব্যাখ্যা হইতেই জানিতে পারিয়াছি। যে ঋষি যে মন্ত্র দর্শন করিয়াছেন, তিনি সেই মন্ত্রের ঋষি বলিয়া অভিহিত। ছন্দের কথা পূর্বেই উক্ত হইয়াছে। কোন মন্ত্রের কোন দেবতা তাহা জানিবার উপায় যাক নির্দেশ করিয়াছেন। তিনি বলিতেছেন—“সৈধা দেবতোপপরীক্ষা। বৎকাম ঋষির্ষস্তাং দেবতারামাৰ্ধপত্যমিচ্ছনুৎস্ততিং প্রযুঙ্তে তদৈবতঃ স মন্ত্ৰো ভবতি।” কোন মন্ত্রে যাহাকে প্রধানভাবে স্ততিকা হইয়াছে, অথবা যাহার সম্বন্ধে প্রধান ভাবে কিছু বলা হয়, সেইটিই সেই মন্ত্রের দেবতা। এই ভাবেই আমরা উপানদেবতা পর্য্যন্ত দেখিতে পাই। উপনয়নের সময় “উপানদেবতা উপানংপরিধাপনে বিনিয়োগঃ”—এই বাক্যের প্রয়োগ দেখিতে পাওয়া যায়। দেবতা সম্বন্ধে আমাদের যে সাধারণ ধারণা আছে মন্ত্রের দেবতা সেই অর্থে বুঝিলে চলিবে না। উপরে যাক যে উপায় নির্দেশ করিয়াছেন, তাহারই সাহায্যে আমাদের দেবতা চিনিয়া লইতে হইবে।

দেবতার সংখ্যা—নির্দেশ করিবার সময় যাক বলিতেছেন—“তিন্ত্র এব দেবতা ইতি নৈরুক্তা অগ্নিঃ পৃথিবীস্থানো বায়ুবেজ্রো বাস্তুরিকস্থানঃ সূর্য্যো হ্যস্থানঃ।”—দেবতা তিনটি, একটি পৃথিবীতে, একটি অন্তরিক্ষে, আর একটি ছালোকে; পৃথিবীর দেবতার নাম অগ্নি, অন্তরিক্ষের দেবতার নাম বায়ু বা ইন্দ্র এবং ছালোকের দেবতার নাম সূর্য্য। এই তিনটি দেবতারই তিন তিন কর্তব্য অনুসারে তিন তিন দেবতার কল্পনা করা হইয়া থাকে। এই

রূপে 'ত্রাশ্বে' আখরা তেত্রিশ দেবতার পরিচয় পাই—অগ্নির স্থানে ৮ বসু, বায়ুর স্থানে ১১ রুদ্র, সূর্য্যের স্থানে ১২ আদিত্য, ১ প্রজাপতি, ১ বশট্কার । এই তেত্রিশ দেবতা পরবর্তী সময়ে তেত্রিশ কোটি দাঁড়াইয়াছে, এখন আর তেত্রিশ কোটিতেও কুলায় না । মূলে কিন্তু দেবতা তিনটি । আবার এই তিনটি দেবতা একই তেজের রূপান্তর মাত্র । এই তেজ অগ্নি । বিদ্যাকে মাধ্যমিক অগ্নি বলা হয় এবং সূর্য্যকে দ্যলোকের অগ্নি বা উত্তম অগ্নি বলা হয় ।

বিখানর এবং বৈখানর অগ্নির নাম । অগ্নি তিন প্রকার, পূর্বেই উক্ত হইয়াছে । কোন্ অগ্নির নাম বিখানর, কোন্ অগ্নিরই বা নাম বৈখানর, তাহার এক বিস্তারিত বিচার যাক্ষ দেখাইয়াছেন । তিনি সিদ্ধান্ত করিয়াছেন যে, বিখানর বলিতে মাধ্যমিক অগ্নি (বিদ্যৎ) ও উত্তম অগ্নি (সূর্য্য), এবং বৈখানর বলিতে পার্থিব অগ্নি বুঝিতে হইবে । যাক্ষ বলিতেছেন—পার্থিব অগ্নি বিদ্যৎ ও সূর্য্য হইতে উৎপন্ন বলিয়া এবং বিদ্যৎ ও সূর্য্যের নাম বিখানর বলিয়া পার্থিব অগ্নির নাম বৈখানর । তিনি একটি বৈজ্ঞানিক দৃষ্টান্ত দ্বারা এই কথা সুস্পষ্ট করিয়াছেন । যদি কোন গৃহ বিদ্যৎ দ্বারা আহত হয়, তাহা হইলে সেই গৃহ অগ্নি দ্বারা দগ্ধ হয় ; যতক্ষণ বিদ্যৎ কোন দ্রব্যে আঘাত না করে, ততক্ষণ জলই তাহার ইন্ধন, কিন্তু যখন কোন দ্রব্য কর্তৃক সে “উপাদীয়মান” (attracted) হয়, তখন তাহাতে দ্রব্যাদি দগ্ধ হয়, এবং জল তখন তাহাকে নির্ক্ষিপিত করিতে পারে । মাধ্যমিক অগ্নি-বিখানর হইতে উৎপন্ন বলিয়া পার্থিব অগ্নি বৈখানর । এইরূপ উত্তম-অগ্নি-বিখানর হইতেও অগ্নি উৎপন্ন হয় । কঁাসার কোন পাত্র পরিষ্কার করিয়া মাজিয়া যদি সূর্য্যের রশ্মির বিরুদ্ধে ধারণ করা যায় (Concave mirror) অথবা যদি মণি মাজিয়া ঘসিয়া সূর্য্যের রশ্মির বিরুদ্ধে ধারণ করা যায়, (lens) তাহা হইলে শুষ্ক গৈাময়াদি প্রদীপ্ত হইয়া উঠে । * এই জন্তই যাক্ষের মত—বিখানর বলিতে বিদ্যৎ ও সূর্য্য বুঝিতে হইবে এবং বৈখানর বলিতে পার্থিব অগ্নি বুঝিতে হইবে ।

* বসু বৈদ্যতঃ শরণমভিহন্তি বাবদমুপাত্তো ভবতি মধ্যম বর্ষেব তাবদভবত্যদকেখনঃ শরীরোপশমনঃ উপাদীয়মান এবায়ং সম্পদ্যত উদকোপশমনঃ শরীরদীপ্তিঃ । অখাদিত্যাৎ । উদীচি প্রথম সমাবৃত্ত আদিত্যে কংসং বা মণিং বা পরিমূঢ়্য প্রতিঘ্নে বসু শুষ্কগৈামর-সংস্পর্শরন্ ধারণতি তৎ প্রদীপ্যতে সোহরবেব সম্পদ্যতে । নিং ৩১২০ (দৈবতকাণ্ড ১১২০)

এইরূপে একটির পর একটি করিয়া নিষ্টুর বাবতীর শব্দ ব্যাখ্যা করিয়াছেন এবং বেদ হইতে মন্ত্র উদ্ধৃত করিয়া আশাদের জ্ঞান-চক্ষু উন্মীলিত করিয়াছেন । আমরা যদি উৎপ্রতি দৃষ্টিপাত না করি, তাহা হইলে এই অগাধ জ্ঞানরাশি অন্ধকারেই রহিয়া যাইবে । হইয়াছেও তাহাই । আমরা আজ কাল বেদের চর্চা করি না, বেদ অন্ধকার গুহার মধ্যে অবশ্যে পড়িয়া রহিয়াছে । ষাঁহার বেদ সম্বন্ধে সামান্ত কথাও জানিতে চাহেন, তাঁহার পাশ্চাত্য পণ্ডিতগণের অমুবাদ পাঠ করিয়াই নিজেদের অমুসন্ধিৎসাকে নির্দোষিত করেন ; মূল বেদপাঠ তাঁহাদের ঘটিয়া উঠে না । ষাঁহাদের অমুবাদ পাঠ করেন তাঁহারাও নিরুক্ত প্রভৃতি গ্রন্থ পাঠ না করিয়াই অমুবাদ করিয়াছেন ; কাজেই অন্ধের নিকট অন্ধের গন্তব্য পথ নিরূপণ করার ভার তাঁহাদের সকল চেঁটাই ব্যর্থ হয় । আজ কাল তাই বেদ “চাণার গানে” পরিণত হইয়াছে । যে বেদ সর্ব জ্ঞানের আধার, সেই বেদের এই চূর্ণশা ! কেহ কেহ ব্যক্তিগত স্বার্থসিদ্ধির উদ্দেশ্যে বেদপাঠ করিয়া থাকেন বটে, কিন্তু তাঁহারাও নিরুক্ত গ্রন্থ ভাল করিয়া পাঠ করেন না । ফলে দাঁড়াইয়াছে এই যে, আজ কাল যে কোন ব্যক্তি ইচ্ছা করিলেই বেদ সম্বন্ধে হুঁচকারি কথা বলেন, বেদমন্ত্রের কল্পিত ব্যাখ্যা করিয়া থাকেন, তাহাতে সাধারণ লোকের সমূহ ক্ষতি সাধিত হয়,—মূল তথ্য নষ্ট হইয়া যায় ।

শ্রীলক্ষ্মীনারায়ণ চট্টোপাধ্যায় ।

সংগ্রহ।

সমাজ তত্ত্ব।

সামাজিক সমৃদ্ধি।

১৯১১ খৃষ্টাব্দের ২রা মে তারিখে বিলাতের অ্যাডেলফি নগরে রয়েল সোসাইটি অব আর্টসের গৃহে সোসিওলজিক্যাল সোসাইটির এক অধিবেশন হইয়াছিল। তথায় 'ষ্ট্যাটিষ্ট' নামক বিখ্যাত পত্রের সম্পাদক মিঃ জর্জ পার্শ—'সামাজিক মঙ্গল' শীর্ষক একটি সন্দর্ভ পাঠ করেন। অর্ধের ও বিলাসের বৃদ্ধিই সামাজিক মঙ্গলের একমাত্র লক্ষণ ও নিদর্শন,— ইহাই প্রথম লেখকের ধারণা। ইনি সুখবাদী (optimist)। ক্রমশঃ পৃথিবীর লোকের সুখবৃদ্ধি হইতেছে,—ইহাই ইহার প্রতিপাদ্য বিষয়। বিলাস ও স্বচ্ছন্দতাই সেই সুখের অভিব্যক্তি। এই সন্দর্ভটি লইয়া বিলাতে একটু আন্দোলনও হইয়াছিল। লেখক সমগ্র মানবজাতির কথার আলোচনা করিলেও—ভাঁহার অভিজ্ঞতা ও বহুদর্শন কেবল যুরোপীয় জাতিগণের মধ্যে নিবদ্ধ। সেই জন্য ভাঁহার মন্তব্য কেবল যুরোপীয় জাতি সমূহ সম্বন্ধে বেরূপ খাটে, অন্য জাতি সম্বন্ধে সেরূপ খাটে না। বাহা হউক, আমরা ভাঁহার সন্দর্ভের মূল মর্মমাত্র নিরে বিবৃত করিলাম।

আজ কাল পৃথিবীর সকল জাতির মধ্যেই আর্থিক আড়ম্বর বৃদ্ধি পাইয়াছে। আধুনিক লোক বেরূপ অর্থ ব্যয় করিয়া থাকে, তাহা দর্শন করিলে প্রাচীনকালের লোক বিশ্বরে

অধুনাতন জাতি-
সমূহ।

বিমুগ্ধ হইত। শান্তির সময়ে সমরোপকরণের জন্য এখন বহু অর্থব্যয় হয়, সে কালে যুদ্ধের সময়েও সেরূপ অর্থ ব্যয়িত হইত না। ভ্রমণ ও আমোদের জন্য আজ কালকার লোক বিপুল অর্থব্যয় করিতেছে। ধনীদিগকে জল-পথে বিদেশে লইয়া যাইবার জন্য ভাসমান হোটেল রহিয়াছে,—ভাঁহার ভাঁহাতে করিয়া বিলাস-সাগরে সাঁতার দিতে দিতে এদেশ সেদেশ ঘুরিয়া বেড়াইতেছেন। বহু অর্থব্যয়ে সুখের ট্রেনসমূহ ভাঁহাদিগকে ক্রতবেগে নানা দেশে লইয়া যাইবার জন্য চারিদিকে ছুটিতেছে। সে কালের দোর্দণ্ড-প্রতাপ রাজারাও এরূপ সুখ সম্ভোগ করিতে সমর্থ হইতেন না। এখন সাগরতীরে সুন্দর সুন্দর হোটেল,— নিদ্রা-নিবাস প্রভৃতি বিস্তারিত, অনেকেই ভাঁহাদের আয়ের কতকাংশ সাগরতীরে বা পল্লীবাসে চিত্তবিনোদনের জন্য ব্যয়িত করিয়া থাকেন। [গোবাকপরিচ্ছদে লোক এখন বে কত অর্থব্যয় করিয়া থাকে,—তাহা ধারণা করা যায় না। গ্রামে গ্রামে পল্লীতে পল্লীতে প্রাসাধতুল্য সৌধরাজি নির্মিত হইতেছে। সহরে সহরে প্রমোদ কামন, ও সুখভিত্ত আরাধনের মাঠ দেখা দিতেছে। জনসাধারণের স্বাভ্যাসভি ও আরাধনের জন্য

সকলজাই সংকুচিত হইতেছে। নিউ ইয়র্ক, বোষ্টন, কিলিডেলকিয়া, পিট্‌স্‌বর্গ, সিকাগো প্রভৃতি সহরের উপকণ্ঠে অজস্র অর্ধব্যয়ে কত সুন্দর সুন্দর প্রমোদ-প্রান্তর ও বিলাস-কুঞ্জ প্রতিষ্ঠিত হইতেছে,—তাহা দেখিলে মন আত্মাদে মাতিয়া উঠে। পরিব মজুর-দিগের অবস্থারই বা কত উন্নতি? তাহাদের বস্ত্র প্রায় সে কালের ধনীরা ভবনের মত সুন্দর, তাহাদের ভ্রম নির্মল পানীয়, সুন্দর স্নানাগার প্রভৃতির সুবন্দোবস্ত হইয়াছে। অতিরিক্তকালমধ্যে শ্রমজীবিসম্প্রদায় প্রাতঃস্নান ব্যাপারটিতে বিশেষ আনন্দ অনুভব করিবে।

বর্ত্তমান যুগে জনসমাজে এক দিকে যেমন শারীরিক সুখ স্বচ্ছন্দতা বৃদ্ধি পাইতেছে অল্প দিকে তেমনই মানসিক উন্নতির সুবন্দোবস্ত হইতেছে। অজ্ঞানাত্মকারসমাজের দেশ ভিন্ন আর সর্বত্রই সার্বজনীন শিক্ষা প্রদানের সুব্যবস্থা হইয়াছে।

সমৃদ্ধির লক্ষণ ।

পূর্বকালে অতি অল্প বয়স্ক বালকবালিকাগণকে সংসারের ব্যয় নির্বাহার্ব অর্ধার্জন করিতে হইত, এখন তাহা হয় না। এখনকার বালকবালিকারা অধিক বয়স পর্য্যন্ত বিদ্যালয়ে অধ্যয়ন করিতেছে,—তাহাদের অধ্যয়ন কাল ক্রমশঃই বৃদ্ধি পাইতেছে। ইদানীং সংবাদ পত্র, মাসিক পত্র, পুস্তক প্রভৃতি দ্বারা জনসাধারণের শিক্ষার, আশোদের ও উপদেশ লাভের কার্য অতি সুন্দর ভাবে নির্বাহিত হইতেছে। জনসমাজের মধ্যে মৃত্যুর হার হ্রাস পাইতেছে। ইহাতেই বুঝা যাইতেছে যে, বৈজ্ঞানিক পদ্ধতি অনুসারে চিকিৎসা ও রোগিগুণ্ধার ক্রমশঃ উন্নতি সাধিত হইতেছে,—স্বাস্থ্য বিজ্ঞানে লোক অধিক মনোবোণ দিতেছে। ইহাতেই সিদ্ধান্ত করা যাইতেছে যে, জনসমাজ ক্রমশঃ সমৃদ্ধ হইয়া উঠিতেছে।

এই সকল উন্নতি ও তাহার আনুযায়িক ব্যয় বৃদ্ধির সঙ্গে সঙ্গে লোকের আহার সম্পর্কের বৃদ্ধি পাইতেছে। এখন জনসংখ্যার অনুপাতে বহু পরিমাণ অধিক খাদ্য সংগৃহীত

বিভিন্ন জাতির
সমৃদ্ধি ।

হইতেছে,—লোক খাদ্য সংগ্রহের জন্য অনেক অধিক অর্থ ব্যয় করিতেছে,—সেই জন্য অসন, বসন, আবাস ও বিলাসিতা প্রভৃতি ব্যাপারে জনসমাজ বিলক্ষণ উন্নতি লাভ করিতেছে। তাত্র বর্ষ পীত

বর্ষ ধূসর বর্ষ ও শ্বেত বর্ষ মানব সমাজে সমৃদ্ধির এই সকল নিদর্শন অস্বাভিক আশ্রয়কাশ করিতেছে।

অপত্যের এই সমৃদ্ধিবৃদ্ধির অনেক কারণ বর্ত্তমান। সামাজিক মঙ্গল সম্বন্ধে জনসাধারণের জ্ঞানের বৃদ্ধি ও বিস্তার ইহার কারণ। পূর্বে লোকের ধারণা ছিল যে ব্যক্তির ও

সমৃদ্ধির কারণ ।

জাতির। অল্প ব্যক্তি ও জাতিকে দরিদ্র করিয়া আপনারা সমৃদ্ধিশালী হইতেছে,—কিন্তু এখন লোক ক্রমশঃই বুঝিতে পারিতেছে

যে অল্পকে দরিদ্র করিয়া কোনও ব্যক্তি বা জাতি সমৃদ্ধিসম্পন্ন হইতে পারে না। যে সকল মানবসমাজ এক ধর্মের উপাসক, এক ভাষা ভাষী, একই স্বার্থে স্বার্থবান, তাহারা পরস্পরের স্বার্থসাধ্য ক্রমেই দৃঢ়ভাবে উপলব্ধি করিতেছে, আপন আপন লাভালাভের প্রতিজ্ঞতা অধিকতর নিশ্চয়তার সহিত বুঝিতে সমর্থ হইতেছে,—সেই জন্য তাহারা ব্যক্তিগত, পরিবারগত, সমাজগত ও গ্রামগত স্বার্থিতা পরিহার করিয়া আপনাদের

বিরাট রাষ্ট্র ও জাতীয় স্বার্থে অধিকতর অবহিত হইতেছে। সেই রাষ্ট্রীয় ও জাতীয় সমৃদ্ধির বর্ধনকল্পে তাহারা পদে পদে স্বার্থত্যাগ করিতেছে। পূর্বে লোক বিদেশী-দিগকে স্বর্ণের দৃষ্টিতে দেখিত,—এখন বৈদেশিকদিগের প্রতি সেই স্বর্ণা জনসমাজ হইতে ক্রমশঃ অন্তর্হিত হইতেছে।

কল কথা অর্থ সম্পর্কিত ব্যাপারে পৃথিবী ক্রমশঃ পূর্ণ পরিণতি লাভের সন্নিহিত হইতেছে। সেই সামুদ্রিক লাভের পথে মানবসমাজে যে সমস্ত শারীরিক ও মানসিক বাধা বিঘ্ন ছিল, তাহা অন্তর্ধান করিতেছে। যখন হইতে মানব

দ্বিতীয় কারণ। জাতি প্রত্যেক আপন আপন পরিবারকে প্রথম ও প্রধান গণনীয় বলিয়া মনে না করিয়া এক একটি জেলা বা অঞ্চলকে সমৃদ্ধির হিসাবে প্রথম ও প্রধান গণনীয় (economic unit) বলিয়া মনে করিতে শিখিয়াছে,—তখনই সামাজিক হিসাবে মানবজাতি অপোগণ্ড পরিহার করিয়াছে বুদ্ধিতে হইবে। সামাজিক হিসাবে ইহা বিশেষ উন্নতি। আবার যখন মানব জাতি জেলা বা অঞ্চলকে সামাজিক সমৃদ্ধির হিসাবে প্রথম ও প্রধান গণনা ত্যাগ করিয়া সমস্ত রাষ্ট্রকেই ঐ হিসাবে প্রথম ও প্রধান গণ্য করিতে শিখিয়াছে,—তখনই মানব সমাজ বালকত্ব পরিহার করিয়া কৈশোরে পদার্পণ করিয়াছে। বর্তমান সময়ে সমগ্র মানব-সমাজই সামাজিক ও আর্থিক হিসাবে প্রথম ও প্রধান গণনীয় (unit) বলিয়া লোক উপলক্ষি করিতে আরম্ভ করিয়াছে—বদিও সেই উপলক্ষির পূর্ণতা প্রাপ্তি ঘটিতে এখনও বিলম্ব আছে—তথাপি তাহার অনেক বাধা বিপত্তি বিনষ্ট হইতেছে— এই উপলক্ষি যখন পূর্ণাঙ্গতা লাভ করিবে তখন মানব-সমাজের যে উন্নতি হইবে তাহার কল্পনা করাও বিশেষ কল্পনাকুশল ব্যক্তির গক্ষেও সম্ভব নহে।

সামাজিক মঙ্গল সম্বন্ধে উচ্চতর মূল্যত্বের উপলক্ষি এবং অধিকতর জ্ঞান বতই বিকশিত হইতেছে, ততই তাহার সঙ্গে সঙ্গে অনেক চমৎকার রকমের যন্ত্রাদিরও উদ্ভাবনা হইতেছে। এই সমস্ত যন্ত্রতন্ত্র প্রভাবে দেশের সহিত দেশের, অঞ্চলের সহিত অঞ্চলের সান্নিধ্য সৃষ্টি ও দুর্বল বিনষ্ট হইতেছে, শ্রমের যোগ্যতা ও সাকল্য বৃদ্ধি পাইতেছে, পণ্য তৃতীয় কারণ। ক্রয়-বিক্রয়ার্থ নূতন নূতন দেশে পণ্যবীথিকা প্রতিষ্ঠিত হইতেছে ;—

উনবিংশ শতাব্দীর মধ্যভাগ হইতে বিভিন্ন দেশের মধ্যে ঘনিষ্টতার প্রতিষ্ঠা আরম্ভ হইয়াছে।

আর এক কথা : যুরোপীয়গণ অগ্ৰাণ্য দেশ হইতে কাঁচা মাল ও খাদ্য সংগৃহীত করিবার আবশ্যকতা অনুভব করিতেছেন। তাহারা ইহাও বুদ্ধিতেছেন যে উর্বরতা বৃদ্ধি। পৃথিবীর অগ্ৰাণ্য ঋণের ভূমির উর্বরতা বৃদ্ধিও নিতান্ত প্রয়োজনীয়।

ব্যাঙ্কের প্রতিষ্ঠা ও উন্নতি সাধন এই সমৃদ্ধিবৃদ্ধির একটি প্রধান কারণ। অধিকাংশ লোক যাহা সঞ্চয় করিয়া রাখে তাহা ব্যাঙ্কের প্রতিষ্ঠার ও উন্নতির দ্বারা ব্যাঙ্কের প্রভাব। কলে তাহার অধিকাংশ সাধারণের উন্নতিসাধক কার্যে নিয়োজিত

হইতেছে। ইতঃপূর্বে মিতব্যয়ী লোকেরা যাহা সঞ্চয় করিত,—তাহা বার্ষিক সময়ে অসময়ে তাহাদিগেরই প্রয়োজন সাধিত হইত। এখন ব্যাঙ্কের প্রসাদাৎ তাহা সাধারণের হিত-সাধক কার্যে নিযুক্ত হইতেছে।

শিক্ষার বিভিন্ন সামাজিক উন্নতির অন্ততম কারণ। ইংলণ্ড ও ম্যার্কিণের ধর্ম বুদ্ধির হিসাব দেখাইয়া বক্তা বলিয়াছেন পৃথিবীতে যত নূতন নূতন বস্তু উদ্ভাবিত ও নূতন নূতন তথ্য আবিষ্কৃত হইবে, ততই লোক-বুদ্ধির হিসাবে অধিকতর ধর্ম বুদ্ধি হইতে থাকিবে। বক্তার এই সিদ্ধান্তে মতবৈধ ঘটিবার সম্ভাবনা আছে।
